


2-7 1-10













RABBI MOSIS MAJEMONIDIS  
Liber

מורה נבוכים

DOCTOR

PERPLEXORUM:

Ad dubia & obscuriora SCRIPTURÆ loca  
rectius intelligenda

veluti CLAVEM continens,

*Prout in PRÆFATIONE, inquâ de AUTHORIS vitâ,  
& OPERIS totius ratione agitur, plenius  
explicatur:*

PRIMUM ab AUTHORE in LINGUA ARABICA  
ante CCCCL. circiter annos in ÆGYPTO

CONSCRIPTUS:

DEINDE à R. SAMUELE ABEN TYBBON Hispano  
in LINGUAM HEBRÆAM, stylo Philosophico  
& scholastico, adeoque difficillimo,

TRANSLATUS:

NUNC verò novè, ad Lingua Hebraicæ cognitionem uberius propagandam,  
ejusq; usum & amplitudinem evidentius Christianorum Scholis decla-  
randam, in LINGUAM LATINAM perspicuè & fide-  
liter CONVERSUS,

à

JOHANNE BUXTORFIO, Fil.

*Additi sunt INDICES Locorum Scriptura, Rerum,  
& Vocum Hebraicarum.*



BASILÆ, Sumptibus & impensis LUDOVICI KÖNIG,  
excudebat JO. JACOB GENATH. 1629.

32 7 2 19

# JOHANNES BUXTORFIUS Jun.

BENEVOLO LECTORI

S.



Uosunt, quae in primis requiri videntur ab illis, qui antiquos Scriptores è tenebris eruunt & in lucem producunt. Primò, ut, quantum fieri potest, tum Scriptoris historiam, vitam, conditionem eruditionem, virtutem, aſtimationem & dignitatem; tum ipsius Scripti argumentum, scopum, summamq; breviter & place delineent ac demonstrent. Deinde, ut sui instituti, laboris, & quicquid adeò in illo edendo praestiterunt, rationem reddant. Adem proinde & nobis, huic, quem nunc damus, Authori praestare opera pretium visum fuit; idq; tantò magis, quam pauciores sunt, & quidem (ut Hebraei ex Propheta Jeremia p. 3. v. 14. lo jui solent) אחד מעיר וקנים ממשפחה Unus ex urbe & uno ex familia, qui priscorum Hebraorum monumenta vellent, vel legere possunt.

Praesens itaque noster AUTHOR vocatur רבי משה בן מיימון RABBI MOSES FILIUS MAJEMON, & per ראשי תיבות ראשונות eorumque capita dictionum, h. e. abbreviatè רמבם, quod vulgò רמבאם effirunt. Natus est, secundum communem Judaeorum calculum, anno Mundi 4891. (qui secundum nos est annus Nativitatis Christi 1131.) Corduba, celebri Hispania urbe, ipsa expectata Paschatis, qua in diem Sabbathi inciderat, hora tertia meridiana, uti refert R. Abraham Zachut in libro Juchasin 1131. col. 2. Alii tamen, ut R. Isaac in libro Jefod olam, rejiciunt ejus natalem ad annum 4895. cum quo convenit testimonium R. Davidis nepotis Authoris nostri, in codice quodam ipsius Talmudico repertum, de quo vide librum Schalscheleth hakabbalah f. 41. col. 2. Majores ejus itidem videntur fuisse clari & celebres. Sic enim illos recenset ipsemet in fine Commentarii

*super Mischnajoth (secundum allegationem Hebraorum; nam in nostris exemplaribus impressis Hebrais nihil reperio); Ego, inquit, Moses filius Majemonis judicis, filii Josephi sapientis, filii Isaaci judicis, filii Josephi judicis, filii Obadiæ judicis, filii Salomonis, filii R. Obadiæ judicis &c. De patre illius, quem insignem sapientem & judicem fuisse scribit R. Gedaljah p. 44. hanc sive historiam, sive fabulam ex antiquo fragmento refert; Ipsi scilicet, cum cælibem vitam agere sibi proposuisset, in mediâ aetate Virum in somnio apparuisse, ac praecepisse, ut filiam lanionis cujusdam in urbe vicinâ habitantis in uxorem duceret, & cum somnium visceret, toties iteratum fuisse, donec in urbem illam se conferre constitueret: Ibi cum esset, tamdiu somnium hoc rediisse, donec filiam illam sibi despondisset: Ex illo conjugio hunc R. Mosén, sed tantâ partus difficultate, prognatum esse, ut vitam filii morte suâ mater redemerit. Post aliam uxorem duxisse, & plures quoque liberos procreasse. Indolem ejus quod auget, ferunt, illum in pueritia tardi fuisse ingenii, nullamq; ad studia inclinationem habuisse, ita ut pater ipsum non modo verbis & verberibus male sepe exceperit, (ut patet ex filium lanionis cum indignatione eum appellando); sed etiam ingenii ejus pertasus, ex adibus indemejecerit. Ipsum à patre expulsam, in domum Synagoga se contulisse, ibiq; obdormivisse ac pernoctasse: experrectum animadvertisse, se alium planè Virum factum esse: conspectum itaq; patris sui sapientem, profectum esse in urbem quandam, in qua docuit R. Joseph F. Megas, & sub hoc preceptore illum studiorum suorum fundamenta jecisse, ac admiraculum usque profecisse. Post multos annos Cordubam patriam caram rediisse, sed haudquaquam paternas ades visitasse, verùm die quodam Sabbathi publicè ad pulpum usq; audientium concionatù esse finitâ concione, patrem & fratres ejus ipsum accessisse, salutasse, & magnâ cum benevolentia recepisse, &c. Hac & alia plura de eo refert R. Gedaljah Sic scribitur in Tzemach David f. 55. col. 1. Rabbi Megas fuisse preceptorem Rabbi Mosi. At Abraham Zachuth refellit hanc sententiam, dum in Chronico suo, R. Mosén à patre suo didicisse & institu-*

me esse scribit. Quòd autem omnes unanimi consensu dicant, Megam ejus praeceptorem fuisse, & quòd ipsemet in quodam libro scribat, se ab eo didicisse; idèd fieri se existimare, quòd ejus libros tantum viderit, non autem vivum audiverit: fieri enim non posse ex temporis circumstantia, ut ita se res habeat; Rabbi Megam quippè decessisse anno 901. & Rabbi Mosè natum anno 891. ita ut decennio tantum eo major fuerit. Huc etiam fert, quòd R. Mosè in commentario super Mischnajoth alibi ita scribat; Collegi omnes libros, qui ad manus meas venerunt, ab expositionibus Domini parentis mei & avorum, usq; ad R. Joseph Hallevi, cujus requies sit hortus Eden: nam viri istius animus admirandus fuit in expositione Talmudis, nec unquam similis ipsi extitit. Hinc enim videtur colligi posse, ipsum libris ejus tantum usum esse. R. Gedaljah praeerea narrat ex traditione haberi, ipsum cum praeceptore suo per duodecim annos continuos, metu praefectorum Romanorum, in speluncâ quâdam latitasse, & ibi Legem Mosi addidicisse. In studiis ergo hoc pacto educatus, & virilem aetatem secutus, liberis & ipse à DEO benedictus fuit, inter quos emissus filius ejus R. Abraham, vir itidem sapientiae & doctrina nomine suo tempore excellens. Extat illius Epistola responsoria ad quaestiones nonnullas à quodam R. Joseph F. R. Gersom ipsi propositas, quae impressa est in libello Epistolarum ex toto panè Terrae orbe ad R. Mosè Majemonem per scriptarum. Ex eo selectiores excerptimus, & parentis nostri libro de conscribendis Epistolis Hebraicis recentior adjecimus.

Porrò, docent nos Historiae Hebraicae, illum ex Hispaniâ in Aegyptum devolutum esse. In causa dicit R. Gedaljah fol. 42. a. fuisse invidos & obirectatores quosdam. Ibi dum commoveretur, discipulos statim, ex Alexandria potissimum & Damasco nactus est, Scholam erexit, atq; docendo summae eruditionis suae famam longè lateq; per totum Terrarum orbem divulgavit. In libro Schebhei Jehudah scribitur, quòd circa annum 102. supputat. min. fecerit Tzoanem in Aegypto, & sequentibus temporibus Sultani Medicus factus fuerit. Eruditionem sanè ha-

# P R A E F A T I O

buit variam & multiplicem. Simul enim & variarum linguarum, & plurimarum artium & facultatum erat callentissimus. Inter alias linguas perfectissimè calluit Hebraicam & Arabicam; sed cum animadverteret, se his linguis inter Judaeos duntaxat posse inclarescere, animum quoque, adiecit ad alias addiscendas, veluti Chaldaicam, Turcicam, & Medicam, in quibus indefesso studio intra paucorum annorum spatium perfectus evasit. Præter has videtur & Græcæ non ignarus fuisse; subinde enim in libris suis, Aristotelis, Platonis, Galeni, Themistii & aliorum libros citat, nisi forte in Hebraum vel Arabicum sermonem translatos illos habuerit. In Schalscheleth hakkibbalah f. 42. col. 2. asseritur, illum multam in Lingua Græca scripsisse.

Artes quod attinet, Philosophicarum disciplinarum omnium præsertim verò Mathematicarum, fuit peritissimus, prout tum particularia ejus scripta, tum quæ sparsim in libris suis eruditè de illis differit, evincunt. Testatur etiam alicubi in hoc ipso libro More, quantum emolumentum ex Mathematicarum disciplinarum cognitione acceperit. Extat Epistola ejus Hebraica de Astrologia ad Judæos Marsilienses perscripta, quam Latine convertit Johannes Isaac Levita, edita Colonia anno Christi 1555. Hac potissimum inde commendatur, quod cum Christianorum Religione in ista materia eleganter conveniat.

Theologia in sua Religione & fide Doctor fuit insignis, ac (quæ laus ipsi tribuenda) Fabulis & Traditionibus Talmudicis minimè addictus. Sic enim scribit in Epistola ad R. Josephum discipulum suum; Cave, ne tempus tuum teras in expositione & operosa consideratione Gemaræ; ego enim in illis multum temporis perdididi, & parum utilitatis hausi.

Jurisprudentia Judaica nullum peritorem fuisse, quam ipsum, evincit id, quod totum Corpus Juris Hebræorum non solum glossis illustravit, sed etiam ex confuso & intricatissimo ordine, è lingua impurâ & variâ, in certum ordinem, perspicuos Aphorismos, lingua Hebræâ purâ, stylo facili & eleganti redegit.

In Medicina incredibilem ferè experientiam ipsum habuisse accepimus. Hujus enim præcipuè causâ à Rege Aegypti pro Medico



*pro accersitus, & admissus, in summo pretio & maximâ existimatione fuit habitus. Huc referendum, quod R. Gedaljah in chronico suo scribit his verbis;* Consuetudo tùm temporis recepta fuit in Aegypto, ut Rex certis diebus solium Regium ascenderet, & juxta ipsum alia septem solia per gradus collocarentur, quibus insidebant septem Viri in toto Regno clarissimi, & in septem Artibus liberalibus, Grammaticâ scilicet, Dialecticâ, Rhetoricâ, Arithmeticâ, Geometriâ, Astrologiâ & Musicâ exercitatissimi. Illam consuetudinem Rex quodam die observaret, dubius fuit, quoniam inducere collocare deberet hunc Rabbi Mosen; cognoverat enim, illum in his artibus omnibus universos sapientes Aegypti vincere & superare. Cæteri Medici Regii hoc concientes, invidiâ contra ipsum æstuare cœperunt, ac propterea eum falsis criminationibus apud Regem detulerunt: de re in disputationem coram Rege, de re medicâ, venit. Receperunt illi, se coram Rege ebibituros venenum quodcunque, quod ipsis Rambam propinaturus esset, lege, ut Judæus primò exhauriat, quod illi sint oblaturi. Rambam conditionem accipit, ac die quodam sereno discipulis suis negotium explicat, quibus summoperè res ista sollicit. Ipse autem illos irrifit, ac præcepit medicinas quodam parari, quas ei tùm ante, tùm post venenum assumptum exhibere debeant. Illi mox summâ fide & diligentia omnia præparârunt, jejunium indixerunt, & preces suo præceptore ardentes ad Deum fuderunt. Ipse invidus coram Rege comparet, ac poculum à Medicis cæcis ipsi porrectum epotat. Quo factò, festinanter ad ædes properat, ac à discipulis suis medicamenta fideliter appropinquata accipit, quibus per Deum gratiam in vitam conservatus. Tertio die domum Regiam omnium cum admiratione petiit, veneno instructus & ipse, reliquis Medicis Repropinandum. Venenum tremebundi sumunt, quod dum exhausto decem ex illis in conspectu Regis mortui terram concidunt. Quantam hoc factum gratiam, honorem

rem & auctoritatem Rambamo conciliaverit apud Regem omnesq; Proceres aulicos, dici non potest. *Sunt tamen, qui aliter hanc historiam recitent, videlicet: Cùm Rex aliquando ægrotaret & Rambam solus ad eum curandum adhibitus esset, cæteri Medici, occasionem nacti, venenum injecerunt in medicamentum, quod à Rambamo pro Rege præparatum erat. Quo factò, Regem accedunt, & secretò monent, certò sibi constare, venenum immistum esse medicamentò, quod Rambam Regi exhibiturus esset. Potione istà à Rambamo Regi oblata, jubet Rex cani præsentì paululum de illa priùs gustandum præberi. Canis sumit, & repentinè moritur. Rex prudentissimus suspicans scelus invidorum hic potuisse incurrere, in Rabbi Mosè non illicò irà efferebuit. Rambam autem factus fuit sicut corpus absque animâ. Rex ad eum conversus: Vides, ait, te mortis Reum esse; nihilominus propter alia tua in me bene-merita gratiosè concedo tibi, ut ipsemet mortem, quâ affici velis, eligas. Rambam trium dierum spatium ad deliberandum poscit. Re interea cum discipulis suis communicatâ, significat eis, se hoc electurum, ut Medici Regis venas ipsi undiquaque aperiant, omnemq; sanguinem extrahant; sic enim futurum, ut anima placidè exeat. At verò ipsi medicamento instructi sint, quod eos parare iussit, ut fluente sanguine ipsi porrigant. Esse enim venam quandam in corde, quam à Medicis vulgò ignorari, & intactam mansuram sibi certò persuadeat. Factum est ita, & successu prospero in vita conservatus fuit. R. Mosès surgens & prodiens, occultavit se in spelunca quadam, in qua per duodecim annos delituit, & ibi ingens Opus suum, quod *ṭ Jad* vocavit, (propterea quòd in quatuordecim libros esset divisum) conscripsit. Hac R. Gedalyah. De quibus iudicium Lectori relinquimus. Certiora sunt, quæ ipsemet Auctor scribit in Epistola quadam ad R. Samuelem Tybbon, quòdnam scilicet in aula Regiæ Aegyptiorum munus gesserit, quantuq; rei Medicæ causâ occupationes & molestias habuerit. Scripserat ad eum priùs R. Samuel, eumq; de dubiis quibus-*

# AD LECTOREM.

*busdam consuluerat, ac tandem adjecit, se, cum otium nactus fuerit, ipsummet eum conventurum, & coram plenius de singulis cum eo acturum; R. Moses inter cetera ita respondit ipsi: Quod de adventu tuo ad nos significasti; veni benedicte DOMINI, benedictus esto inter omnes adveniētes. Gavisus sum equidem de eo vehementer: desidero etiam suavissimā tuā conversatione frui, faciemq; tuam videre; licet durum mihi videatur, quòd maris periculum subire necesse habeas. Verum candidè tibi significo & suadeo, ne mei causā in periculum te conjicias; nihil enim aliud assequeris, quàm ut faciem meam videas: utilitatem aliquam in scientiis & artibus reportare, aut solus mecum conversari & confabulare, vel per unicam horam, sive interdiu, sive noctu, noli sperare. Immenſa enim negotiorum meorum est moles, prout coram intelliges. Ego habito in Aegypto, & Rex habitat in Alkaira, inter quæ duo loca distantia est duorum quasi terminorum Sabbathicorum. Consuetudo autem sive munus gravissimum mihi est apud Regem ordinariè enim singulis diebus summo mane mihi est visitandus, sed cum vel ipse, vel aliquis liberorum, aut concubinarum ejus in morbum incidit, non licet mihi planè pedem inde referre. Ita totum ferè diem in Aula Regis consumo. Qui- etiam cum præfectus unus aut alter ægrotat, cura illorum mihi est demandata. In summa; singulis diebus summo mane ascendo Alkairam, ubi cum nihil adversi offendo, statim à meridie sedem meam repeto. Eò reversus, & fame propemodùm eneētus, ecce compita omnia referta invenio Gentilibus & Judæis, nobilibus & ignobilibus, judicibus & exactoribus, amicis & inimicis, qui tempus reditūs mei avidè expectant. Ex equo descendens, manibus pro more ablutis, hospites omnes humiliter & officiosè saluto, & ad absolutum prandiolum meum patienter expectare eos blandè moneo. Hoc fit quotidie. Cibo sumpto, ad illos curandos, & remedia præscribenda prodeco. Sunt qui perdurant usque ad noctem; sæpè etiam, per fidem legis (*juramenti forma*) per plures*

\*\*\*

# P R Æ F A T I O

horas in densam usque noctem auscultando, loquendo, præcipiendo & præscribendo sum occupatus, ita ut quandoq; præ nimia lassitudine obdormiam, & sic defetiscar, ut vix loqui valeam &c. *Hinc apparet, quare plerumq; vocetur מִצְרַיִם AEGYPTIUS; quia nempe in Aegypto habitavit, & maximam vite partem ibi transegit. Ceterum videtur & in Europæ terris pervenisse, si verum est, quod R. Afarias in libro Meor Enajim fol. 53. col. 2. scribit, inquit; Quod verò promisi, me sub finem hujus capituli scripturum aliquid de libro Legis, quem Efras exaravit, cujus ne memoria pereat, exscribam quod in Pentateucho quodam antiquo Manuscripto inter libros Salomonis Sason hic Ferraræ relictos inveni, hisce verbis: Ego Moses F. Majemon zelo Dei Israelis ductus, cum vidissem libros Legis in Aegypto, quod Parascha illorum clausa & aperta, majoresq; ordines, non, prout decet, scripti erant, dixi apud me. Tempus est faciendi Domino: nam irritam fecerunt Legem tuam, Psal. 119. 126. Composui ergo studia mea ad scribendum librum Legis Dei nostri; Quinq; videlicet libros Legis simul in quinternionibus, ut ex illis alii libri corrigi & emendari possent. Exemplar autem illud, ex quo ego transscripsi, omnes XXI V. Libros sacros continet, satiq; notum est, illud inde à temporibus Tannaim & Amorraim Hierosolymis fuisse, eiq; nos innitimur. Et cum ad finem perduxissem librum meum, Deo ita disponente, excitavit me cor meum, ut proficiscerer ex Aegypto in Regnum Burgundia, quod est in Gallia, in civitatem יִיִן, qua est ad fluvium נַחֲלֵי, Studiosè enim inquisivi & scrutatus sum, quòd ibi inveniretur liber Legis Dei, manu sanctâ Efra Sacerdotis magni & scriba velocis exaratus. Tuli autem mecum Correctionem Scribarum, Paraschas apertas & clausas, majoresq; distinctiones, quas descriperam ex Bibliis Hierosolymâ allatis, & inveni omnia illic ad amussim convenire cum illo exemplari, quod mecum adduxi. Id quod maximo me affectit gaudio, ita ut voverim, singulis annis convivio solenni illum diem celebrare. Fuit autem dies 28. mensis Sif. h. e. Aprilis. Porro gloria Dei causâ laboravi, & excerpsti ex libro illo omnes Dictiones defectivas, superfluas,*

litte-

*litteras magnas, parvas, variantes, in versus, ut librum Legis Dei constituerem absq; superfluitate & defectu. Ad meos reversionis, scripsi, sicut oportet, librum Legis, & ex eo nunc transcribunt omnes. Recordare mei, Deus mi, in bonum. Huc usq; verba ejus. Extra omne autem dubium apud me est (addit R. Asarias), verba ista aliunde exscripta, neq; ipsius Rambami manu exarata esse. Ut nihil dissimulem, in oculis meis valdè mirabilia videntur. Si enim vera sunt, cur nullam hujus rei mentionem fecit in Halachot S phre Torah cap. 8. prout facti Ben Ascher meminit. Sed fortasse in fine dierum ipsius hoc contigit, posteaquàm librum istum publicavit &c. Hæc ex R. Asaria. Chronica alia nihil de eo commemorant.*

*Lucubrationes ejus quod attinet, plurima sunt illarum, quas omnes hic recensere, nec opus est, nec opis nostra. Maxima mferè partem conscripsit linguâ Arabicâ, quæ ipsi familiaris erat admodum. De his R. Gedaliah ita scribit; Quod si vellem omnia ejus præclara opera recensere, tempus me citiùs, quàm illa, deficeret. Plurimos enim composuit Libros, Halachoth, Constitutiones Juris, Quæstiones & Responsiones, ac denique Commentarios. Hæc quia nota sunt, non opus est illa recensere. Verùm occulti sunt nobis multi in Theologia, in Philosophia, in Logica, in Medicina, & in Linguis multis, ut putà Arabica, Græca, & Chaldaea. Testor ego, me vidisse multos libros Medicos in linguam Latinam translatos, nomen ejus præ se ferentes. Audivi etiam pro certo, in lingua Græca & Arabica maximum illorum adhuc exstare numerum: Responsiones item, quas fecit Sapientibus urbis לונל Lunel, in Aegypto, & aliis locis, quæ nunquam ad nos pervenerunt, quas etiam possessores illorū nunquam publicare & divulgare voluerunt. In præfatione Mischnæ scribit, se cōmentarios scripsisse super tres partes Gemaræ, sed illi nō extant hodiè. Præcipui, qui inter nos habentur in lingua Hebræa, sunt Liber Jad, qui & Mischnæ Torah vocatur, More Hannevochim, Perulchim, sive Commentarii super Michnajoth.*

*Commentarios in Michnajoth incepit scribere anno ætatis*

# P R Æ F A T I O

*vigesimo-tertio, & absolvit eos in Aegypto, cùm triginta annorum esset.*

*Librum Jad conscripsit duodecim annis pòst, ut tradit author libri Juchasin. In libro Schalscheleth legitur: Librum Mischne Thorah conscripsit anno supput. minor. 936. à creatione Mundi, qui est annus millesimus centesimus septimus vastationis Templi &c. Et mox: In libro Jesod olam scribitur, quòd quinq; annos continuos in eo laboràrit. In Tzemach David par. prim. fol. 55. col. 2. Rambam composuit librum Jad anno 930. Sic inveni cap. 9. in statutis Chiddusch hakkodsch. Fieri autem potest, ut non absolverit eum usque ad annum 939. h. e. duodecim annis pòst commentarium in Mischnajoth, secundùm librum Juchasin. Hunc librum conscripsit lingua Hebraâ purissimâ & elegantissimâ. Quid contineat, de eo vide Bibliothecâ Rabbînicam Patris mei 131. A plurimis Nationibus in maximo habebatur pretio, adeò ut juxta illum, veluti juxta jus authenticum, causas controversas decideret, ut videre est in Schalscheleth f. 41. col. 2. & 42. col. 1. A quibusdam tamen (ex invidia sine dubio) reprehendebatur, & quidem hoc potissimùm nomine, quòd Talmud tollat, multa ipsi contradicentia doceat, & nomina Sapientum, sub quorum nominibus Traditiones in Talmude continentur, supprimat. Contra hanc accusationem legitur Epistola quadam ejus Apologetica ad R. Pinchas judicem Alexandrinum, quam vide in Appendice illa Epistolarum aliquoties à nobis jam allegatâ, Librum More Nevochim scripsit anno ætatis 50.*

*Iggereth thechijat hammetim, sive Epistolam de resurrectione mortuorum, exaravit quinq; annis pòst.*

*Quòd si autem multa scripsit, longè tamen majoris fuit lectio-  
nis, ut non solum præfens hic liber, sed & alia ejus scripta testan-  
tur. Non solum enim Hebraeos, quos nancisci potuit, Authores  
evoluit, sed & Arabes, Turcas, Græcos, Aegyptios, Talmudicos,  
Philosophos, Ethnicos & alios, qui passim ab ipso allegantur. Te-  
statur in Epistola de Astrologia, & alicubi in More Nevochim, se  
omnes de Idololatria authores antiquos, qui ad manus ejus  
deve-*

devenērunt, diligenter perlegisse, & ex illis Præceptorum Mo-  
saicorum rationes addidicisse. In præfatione Mischnæ scribit,  
quod perlegerit omnes libros Philosophicos. Quosnam di-  
scipulis suis Authores legendos suaserit, de eo consulatur Epistola,  
quam ad filium suum scripsit, R. Abrahamum, & alia ad R. Sa-  
muelem Tybbon. Ferunt quidam, illum adhuc ante mortem suam  
Cabbalam addidicisse. Sic enim scribit R. Elia Chajim in præ-  
fatione libri, quem vocat אגרות חסידות Iggeres Chamudos; Vi-  
di Epistolam quandam R. M. F. Majemonis, quam Hieroso-  
lymâ scripsit in Aegyptum, ad discipulū suum, in qua sic aje-  
bat; *Posteaquàm veni in terrâ gloriosam (Hierosolymam), in-  
veni senem quendam, qui illustravit faciem meam in viis Cab-  
bala: & si olim scivissem ea, quæ nunc scio, multa scripsissem, quæ  
hactenus neglexi.* R. Jom Toï filius Abrahami (cujus nomen  
abbreviatè scribunt רישא) in Commentario suo super librum  
Jad, in Halachoth sive statutis Jesode Thorah sub finem cap. 1.  
scribit, se scire, & vidisse, quod Rambam in fine dierum suo-  
rum Cabbalam intellexerit.

De morte ejus diversa videntur scribere. Nam illi, quos mo-  
dò citavi, sentiunt, illum, cum diù antè in Palestina degisset &  
septuagenarius esset, ibi obiisse, & in Galilea superiore sepultum  
esse, Schallscheleth p. 43. col. 1. Contrà alii in Aegypto illum ex-  
tremum suum diem clausisse volunt. Sic enim in libro Juchasin  
scribit Samuel Schullam; Inveni in quaternione quodam,  
quod clara sit arca emortualis R. Moïsis, cujus memoria sit in  
benedictione, anno supput. min. 965. in Aegypto; & fleve-  
runt eum Judæi & Aegyptii tribus diebus, vocaruntq; annū  
illum נתי נתיח (h. e. Lamentum Lamentationis, ex Mich. 2. 4.  
quia vox נתי in numeris continet 65.). Die septimo pervenit  
rumor Alexandriam, & die octavo Hierosolymam. Hiero-  
solymis fecerunt planctum magnum, & indixerunt jeju-  
nium & ferias: Aedituus legit redargutiones illas; Si in statu-  
tis meis &c. Levit. 26. חספטר sive Dimittens cœtum Ecclesiæ  
legit; Et fuit verbum Samuelis ad totum Israël, &c. 1. Sam. 4.  
& finivit; Quia capta est Arca Dei, vers. 22. Post-hæc tulerunt



eum in terram Israël, & inciderunt in via in latrones, quorum metu qui arcam ferebant, consternati, eam derelictam, fugam sibi consuluerunt. Latrones illorum fugam conspicientes, accesserunt, & arcam in mare projicere voluerunt, sed omnibus viribus suis non potuerunt eam loco movere, licet plures quam triginta illorum fuerint. Itaque ajunt; Vir sanctus hic est procul dubio, & ad Judæos eunt, persuadentes illis, ut in locum suum illam deferant; quin-imò ipsimet Judæos comitantur, atque ita sepultus est in Tiberiade, Quidam vero dicunt, illum apud Patriarchas terræ mandatum esse in Chebron. *Hæc ex Additionibus Samuelis Schullam in Juchasin.* R. Afarias scribit in libro Meor Enajim p. 3 c. 25. *prope finem:* Inter libros Sapientissimi R. Esræ Mippanu Mantuæ habitantis, vidi *Commentarium Rambami super Massecheth Rosch Hasschanah, &c.* in cujus fine manu nepotis Rambami ita scriptum erat: *Rabbi Mosche author libri istius natus est patri suo, mense Nisan, die 14. Anno 1446. juxta supputationem Contractuum, in urbe Corduba: & obiit Anno 1516. Contractuum, die 2. mensis Tebheh, h. e. Decembris.* Illustravit ergo oculos captivitatis septuaginta annos, minus 83. diebus, &c. *Vide & Tzemach David p. 46. col. 2.* Rambam ascendit ad Deum in Aegypto &c. *Sepulto honorificum monumentum erectum fuit, cui inter alia, ut in Schallscheleth memoratur, inscriptum fuit בבור האנושי h. e. Selectissimus omnium Hominum.* Quidam autem homines inquieti, qui turbas illas de libro More Nevochim excitarunt, (de quibus mox agemus) venerunt, & illa verba correxerunt, in eorum locum substituentes, מורח ומין h. e. Excommunicatus, Anathematizatus & Hæreticus. Attamen illos penitentiâ postmodum ductos, scribit R. Gedaliah, & Epitaphium in integrum restituisse, quod videlicet mortuus sit Anno 965. supp. min. cujus signum memoriale est בכי אבל h. e. Fletus Luctus Moïsis, ex Deut. 34. ubi dua prima voces literis numeralibus valent L x v. quo mortuus fuit.

*Virtutes & animi dotes quod attinet, pacis & concordia fuit studiosus, ab ambitione, contentione, vindictæ studio alienus &c.*

*Qui*



*Qui de his aliquid nôsse vult, legat Epistolam ad discipulũ ipsius R. Joseph, qua incipit כבוד חזק וכו'.*

Unum adhuc restat, ut, quam post se famam (qua sola, ex virtute & eruditione parva, post mortem ferè remanet) reliquerit, & quo loco omnibus inde seculis, tũ inter Judæos, tũ inter Christianos habitus fuerit, quoq; doceamus. Varia hujus rei documenta hinc inde habentur, è quibus non nisi pauca seligemus. Tritum est inter Judæos, & passim notum, quod Hebræi de eo dicunt, משה עד משה לא קם כמותו, h. e. A' Mose (Propheta scil.) ad Mosen (isum Aegyptium) non surrexit sicut Moses (ipse, qui doctrinã & eruditione Mosi legislatori equiparandus esset). Adducitur ab Elia Levita in præfatione præfati libri Thi:bi. Quando nomen ejus abbreviatè scribunt cum adjunctâ pro more fausta defuncti recordatione, hoc pacto רמבם רבי משה בן מימון זכורנו לברכה, tũ frequentissimè litteræ illas ita secare solent & componere, רם במו, quod legi potest רם במקו, h. e. Excelsus in sydere, fausto, felici sydere natus, ut ita simul & ejus Nomen & Præstantiam ac Excellentiam denotent. Occurrit hoc passim in Hebræorum scriptis, ubi allegatur. Aliæ etiam communissimè ipsum appellant מורה נבוכים Doctorem justitiæ, אור הנלח Lumen captivitatis. Ex Christianis celebrârunt ejus eruditionem illi, qui eam noverunt & ex scriptis penitus cognoverunt. Duos adducam tantũ ex illis testes omni exceptione majores, quibus alios adjungere religioni est, ne vel illorum fulgor obscuretur, vel fides elevari videatur. Præclarum illud totius Orbis lumen, & omnis eruditionis culmen Josephus Scaliger in Epist. quadam ad Isaacum Casaubonum ita scribit; Ego non solum illum librum (More Nevochim), sed etiam omnia illius Magistri operatanti facio, ut solum illum inter Judæos defuisse nugari dicam. Vix unquam sine eximio aliquo elogio illius in scriptis suis (quod sæpè facit) meminit Isaacus Casaubonus in Exercitationibus suis contra Baronium, Exercitat. 16. num. 77. Moses Majemonides (qui & Moses Aegyptius dicitur) solidæ atque ingentis doctrinæ vir, de quo videor id mihi posse verè dicere, quod Plinius olim de Dio-

# P R A E F A T I O

doro Siculo, primum illum inter suos desiisse nugari, &c.

*Satis de Authore in genere dictum: quantum quidem nunc ex libris Hebrais, qui in manibus nostris fuerunt, investigare potuimus, in quibus licet nonnulla fabulosa aut fictitia videntur, non tamen reticenda esse duximus, quia libri Hebraici, è quibus illa petita sunt, non à quibusvis haberi possunt, & tamen multi sunt, qui hac libenter vident, eisq; delectantur.*

*Præsentem nunc librum quod attinet, non solum ab Authore ipso, sed & ab aliis viris doctis semper præ reliquis ejus scriptis in pretio fuit habitus. Conscripsit eum anno ætatis quinquagesimo, ut Chronica Hebraeorum referunt, linguâ Arabicâ, in gratiam cujusdam sui discipuli R. Josephi, prout non solum Epistola dedicatoria operi præfixa, sed & alia Epistola, qua etiam nunc extant, fidem faciunt. Argumentum & scopus libri est, ut Manductio & Clavis veluti sit ad rectam intelligentiam Verborum, Vocabulorum, Phrasium, Metaphorarum, Parabolarum, Allego-  
riarum, omniumq; adeò earum rerum, quæ in sacra Scriptura secundum sensum litteralem aliquid alieni, heterodoxi, paradoxi, absurdi, docere, vel exiguam aut nullam utilitatem habere videntur. Atque hinc etiam Nomen libro impositum, מורה נבוכים Doctor perplexorum; quod in eorum subsidium conscriptus sit, qui circa illa vocabula, phrasès, res, נבוכים h.e. perplexi redduntur, ita ut hæreant, an secundum sensum litteralem, an verò figuratè & metaphoricè illa capere & intelligere debeant. Alluisse autem videtur hoc titulo ad id, quod Exod. 14. v. 3. Deus ad Mo-  
sen ait, Pharaonem, quando visurus sit, Israëlitas versùs mare rubrum iter suum insinuere dicturum, נבוכים חס Perplexi vel confusi sunt ipsi in terra. Quemadmodum ergo Moses olim eos, qui (judicio Pharaonis) נבוכים perplexi fuerunt, deduxit, & per mare rubrum viam ipsis monstravit: ita, vult dicere, se veluti alterum Mo-  
sen in hoc libro in veritatis viam directurum eos, qui circa mare illud magnum Verbi DEI obambulant, & perplexi sunt. Hinc explicantur ab ipso omnis generis locutiones & rationes loquendi impropria, de Deo, de Mundi creatione, de Parabolis, Metaphoris, Hyperbolis, Allegoriis Prophetarum: hac de causa  
attin-*

## A D L E C T O R E M.

attingit Visionem Ezechielis, Historiam Jobi, & alia similia. Ex hac porro occasione, non solum infinita & innumera penè Scripturæ loca argutè ab ipso explicantur & illustrantur, sed etiam Loci quidam communes plenius pertractantur, quales sunt, de Dei nominibus & attributis, de Mundi ortu & interitu, de Prophetis & Prophetia, de Providentia Dei generali, & Scientia ejus particulari. Quia verò à multis tum temporis afferebatur, Præcepta Mosaica nullo deliberato consilio, nullus certus ob causus à Deo data esse, sed solum ex mero ipsius beneplacito & voluntate proposita; ideò & contra hos disputat, tum in genere, tum in specie, Præcepta singula suas habere causas & rationes ostendens. Tandem sub finem libri etiam de illis rebus agit, quæ secundum sensum litteralem in Scriptura nullam utilitatem habere videntur, docens, quomodo & illa non frustrà scriptis consignata fuerint. De his autem non ita agit, ut absolute & plene omnia & singula pertractet, sed singulorum generum quadam solum adducit & proponit secundum quæ reliqua dijudicari possint ac debeant. Sed de his Author ipse in sua Præfatione differit.

De modo autem, secundum quem Author ista omnia explicat, sciendum illum nequaquam vel Cabbalistarum, vel Talmudicorum more agere, aut illorum expositiones asferre, sed potissimum ex Scripturâ ipsâ, Philosophiâ, & sanâ ratione disputare. Quæ unica res sine dubio nonnullorum Judæorum odia, & turbas illas in Gallia, ejus causâ excitatas, peperit. Nam cum illi Philosophiæ ignari & Talmudicis fabulis nimis addicti essent, illum novi quid in hoc Libro moliri existimârunt, atque adeò pro hæretico ferè habuerunt. Vivente ipso, jam à quibusdam contradictum illi fuisse liquet ex Epistola quadam ipsius ad R. Joseph, quæ incipit כבד חייך. Sed mentio hic potissimum faciendâ illorum motuum, qui in Gallia excitati fuerunt, posteaquàm à R. Samuele Aben Tybbon in linguam Hebræam liber translatus, & in Galliam aliasq. Nationes deportatus & divulgatus fuisset. Seditionis illius faces fuerunt, quidam R. Schelomoh fil. R. Abrahami Montispeffulani, cum duobus

\* \* \*

# P R Æ F A T I O

*suâ discipulis, R. Jonâ (qui tandem à Judaica religione, ut scri-*  
*bunt, defecit) & Davide filio Saulis, cujus nomen דוד בן שאול,*  
*per Cematriam cōverterunt ad ipsius ignominiam in ספור בן חנדה,*  
*h.e. Spurius filius menstruatæ; numerus enim litterarum*  
*aquipollet. Hic odio & invidiâ ardentes, surrexerunt Montis-*  
*peffuls, pluresq; alios excitarunt & in partes suas pertraxerunt*  
*contra R. Mosē nostrum, variis calumniis eum proscindendo, &*  
*omnis generis occasiones, ad librum hunc diffamandum, rejicien-*  
*dum, adeoq; flammis devovendum, arripiendo & conquirendo.*  
*His injuriis permoti Sapientes diversorum locorū & Synagoga-*  
*rum in Gallia Narbonensi, tres istos sediciosos ex cōmunicarunt.*  
*Illi, videntes rem suam non benè sibi cum vicinis succedere, ablegârunt*  
*quendā cum literis in alias Gallia partes ad Sapientes, qui*  
*illic erant, & tantū effecerunt, ut hi vicissim Excōmunicationes*  
*& Anathematā mitterēt Synagogis Gallia Narbonensis, omnesq;*  
*illos, qui peregrinas artes & linguas addiscerent, vel R. Mosē*  
*libros legerent, tanquam hæreticos, proclamarent. Narbonenses,*  
*ignè seditionis periculosum accensum conspicientes, R. Davidem*  
*Kimchium senem è toto Sapientum suorum numero elegerunt,*  
*ut ad singulas Synagogas Regni Catalonia & Arragonia profici-*  
*cisceretur, ac apud illos instanter peteret, ut omnes & singula*  
*Urbes, Provincie & Synagoga congregarentur, & de hoc dissidio*  
*componendo, malitiosisq; istis hominibus reprimendis, delibera-*  
*rent & consultarent. Kimchius iter ingressus, perficere illud non*  
*potuit, sed adversâ tempestate ac morbo prapeditus, in medio*  
*itinere substitit. Quod tamen corâmagere nequivit, id literis*  
*suis prastitit. Brevis etenim non solū à principibus illorum Re-*  
*gnorum Rabbinis, sed & ab universis & singulis Synagogis com-*  
*muni consensu solennes Excommunicationes & Anathematum*  
*fulmina transmissa fuerunt, quibus tres suprâ commemorati*  
*Viri ietati & prostrati fuerunt: paucus tamen, inter quos primas te-*  
*nuit R. Josēph filius Alphachar, Medicus, à R. Salomonis &*  
*affectarum ejus partibus stantibus & permanentibus. Nec mi-*  
*rum, Velut enim proverbium est כל אומא סני בר אומותיה Omnis*  
*artifex odit filium artificii sui. Ad has res Sapientes Galli tre-*  
more

more & timore correpti fuere, ita ut facti sui ipsos pœnitueris, pudueris, & à Provincialibus veniam petiverint, humillimèq; se erga illos excusarint. R. Schelomoh à Gallis se derelictum, atque ad suum scopum pro vobis pervenire non posse videns, ad Christianos se recepit, & primò quidem vilissimos & abjectissimos quosq; è communi plebe accessit, illisq; persuasit, varios inter Judæos exsurgere hereticos, qui perniciosas quasvis opiniones è R. Mosi Majemonis scriptis imbibant: quandoquidem suos hereticos comburere soleant, se optare, ut & contra ipsorum hereticos eodem modo procedant, & precipiant, ut isti Libri comburantur, Liber videlicet More, & Liber Maddah. Neque hic quieviit, sed ad Ecclesiastici quoque ordinis Proceres se contulit, eodemq; modo cum illis locutus est, ita ut negotium tandem ad Cardinalem, qui tùm ibi Ecclesiis præerat, de venerit, ac Judæos in maximum periculum, maximamq; ignominiam precipitavit. Hæc est brevis & summaria Historia illius narratio, prout eam ex Epistolis ipsis authenticis & Anathematis commemoratis excerpere potui. Longum & tædiosum nimis foret singulas circumstantias hic persequi. Qui ea scire & legere volet, is consulat Epistolas illas, quas sæpius jam citavimus. De hac re loquitur Augustinus Justinianus Episcopus Nebienfis. in Præfatione sua in hunc librum ita scribens: Ceterum fuit Author iste candidus, minimèq; superstitiosus; plus certè veritati addictus, quàm naniis importunis neotericorum Judæorum: quo factum est, ut Judæi omnes Galli in unum conspirarint, Librumq; incendio devoverint, quòd nimium videretur favere Christianorum hæresi. Verum non potuerunt perversæ alioqui mentis homines perficere quod commenti erant. Habebatur namque Liber non in Gallia tantum, sed per totum fermè Orbem in multa exemplaria propagatus. Porro, quàm primùm liber iste Arabicè ab Authore conscriptus, inter Judæos in Oriente innotescere & nomen obtinere cepit, cupiverunt, ut in linguam Hebræam in eorum quoq; usum trāsferretur, qui Arabicè nesciunt. Hinc quidam eruditione & sapientiâ insignes viri, Vallis præcipuè Jericho, à R. Samuele filio R. Je-

hude Aben Tybbon, qui natione Hispanus erat, sed Jerichunti habitabat, instanter flagitarunt, ut propter egregiam, quâ imbuzus erat, utriusq; tûm Arabica, tûm Hebraica, lingua peritiam, hoc onus in se susciperet, atque ingenti hoc beneficio ipsos obstringeret. Morem gessit is, & quandoquidem in viris adhuc Auctor erat, eum de rebus dubiis per litteras consulebat. Ipso etiam Authore adhuc vivente Versionem suam absolvit, à quo ut genuina, vera & sincera approbata fuit. Testantur hac de re non solum Præfatio istius R. Samuelis Aben Tybbon, quam Operi præfeci, sed & alia tûm ipsius, tûm R. Mosis Epistola, qua adhuc hodiè extant, & de hac re adiri possunt. In Juchalin scribitur, illos petisse à R. Mose, ut ipsemet transferret eum in Linguam Sanctam: sed respondisse, sibi nunc non esse integrum, verum esse inter ipsos sapientem R. Aben Tybbon, de quo certus sit, quòd illud sit præstaturus. At hoc non quadrat cum eo, quod Rambam ipse scribit in Epistola sua ad R. Aben Tybbon, quæ incipit לפי סכלו וכו': Ibienim scribit, sibi non constituisse, patrem ejus filium reliquisse, donec epistolam ipsius accepisset, &c. Post ipsum transtulit eum quoque R. Jehudah Alcharisi, prout in Commentariis passim citatur: sed illius translatio non fuit approbata. Sic enim scribit Abraham Zachuth in libro Juchalin; העתקת אל חריו אינה ראויה h.e. Translatio Alcharisi non est congrua. Sequentibus temporibus etiam in Linguam Latinam conversus fuit. In Schalscheleth p. 63. mentio fit cujusdam R. Mantenu Itali, qui librum More in linguam Latinam convertit. An is auctor sit illius versionis, quæ ab Angustino Justiniano Episcopo Nebiensi edita est superiori sæculo, & Parisiis impressa à Jodoco Badio Anno 1520. dubito. Nam videtur ille vixisse circa annum 320. h.e. ante septuaginta circiter annos: illa autem à Nebiensi edita longè esse antiquior. Eam verò quod attinet, Viri summi Josephi Scaligeri judicium potius quàm meum hic referre malo. Is in Epist. quadam ad Casaubonum ita scribit; More Novochim non potest satis laudari. Et mox, Habeo illum librum manu-scriptum sermone Arabico, châractere Judaico. Quidam doctus Judæus conver-

tit eum Hebraicè, quem & nos quoq; habemus. Sed qui Latinè vertit, Hebraica, non Arabica, convertit, & quidem sæpè hallucinatur, neq; mentem Authoris assequitur. *Paulò pòst*; Magna seges mendorum est in Latino. Præter illa, quæ ab inscitia Interpretis peccata sunt, accessit & inscitia Librariorum aut Typographorū. Nam ferè semper legitur, *specialem*, ubi *spiritualem* legendum erat. Ex compendio natus est error. Ex eodem fonte manavit *Prophetia* pro *Philosophia*. *Bonitatem*, ubi *Brevitatem* legendum erat, *cap. 32. lib. 1.* Sequenti capite, *altitudo naturalis*, scribendum *aptitudo*. Infinita possem ejusmodi referre, si locus & tempus postularet. *Hac Scaliger. Ita reverà est, ut incomparabilis iste Heros scribit; In finis liber ille scatet mendis & erroribus, quorum plurimi ex inscitia Librariorum, qui Scriptura veteris compendia & characteres non probè intellexerunt, non pauciores ex inscitia Authoris promanarunt. Centenos possem producere locos, in quibus ille contrarium planè ejus ponit, quod Author voluit. Totidē, in quibus voces, lineæ, periodi integra omissa. Innumeros, in quibus ex distinctionum corruptione sensus vel nullus omninò, vel confusus: nam sapissimè, ubi sensus distinctionem vel colon aliquod requisivit, sermo est continuatus: ubi continuari debuit, distinctio aliqua posita. De vocibus depravatis nihil dicam. Loca Scriptura, neq; ad mentem Authoris expressa, neq; etiā indicata sunt. Accessit ad hac omnia sermonis & styli pro temporum illorum ratione impuritas, obscuritas, difficultas. Ingenuè hoc testari possum, in locis dubiis semper clariorem adhuc textum Hebraum mihi fuisse: tantum abest ut multum opis inde acceperim. Porro, non praterendum hic, quod iterum Cl. Scaliger in Epist. quadam ad Stephanum Ubertum huic Libro dedit testimonium; More Nevochim, inquit, Arabicè à R. Mose ben Majemon conscriptus, literâ Judaicâ nondum editus, cujus Hebraicam quoq; interpretationem habemus, Liber plenus bonæ frugis, abstrusæ eruditionis, & Theologis Christianis apprimè necessarius. In alia Epist. ad Richard. Thomson. Quantâ lætitiâ me affecerint tuæ cum libro Mo-*



re hannevachim, alio argumento, quàm epistolâ tibi pro-  
bandum esset. Scito igitur, pluris mihi esse Librum, quàm si  
*ἰσχυροτέρως* *ἔχουσιν* misisses. Idem in *Elench. Tribere scilicet. cap. 20.* Quod  
etiam disertè in divino Opere suo Arabico More hanne-  
vachim disputat Rambam. *Isaacus Casaubonus in Exercita-  
tionibus suis contra Baronium, Exercit. 15. n. 13:* Moses Maje-  
mon in More Nebukim admirandæ doctrinæ scripto &c.  
*August. Justinianus in Prasat. ad Stephanum Poncherium Seno-  
nensem Archiepiscopum;* More Nevachim opus sanè recon-  
ditæ & minimè trivialis doctrinæ, in quo multa rationibus  
demonstrantur Philosophicis, plurima adducuntur, quæ  
mirè conducunt & faciunt ad intelligentiam Sacrorum li-  
brorum. *Et sub finem;* Percipies porrò, illum, quæ sunt re-  
ligionis, religiosè, quæ philosophica, philosophicè, quæ  
Talmudica Talmudicè, ac demum, quæ sunt divina, divinè  
tractare. *Sed pluribus testimoniis adducendis supersedeo,* *וְכָל  
רַחֲמֵי לֵיחַ בְּקִקְיָא*, Prodi, odorator ipsemet in cantharum ejus,  
dicebant olim prisca Hebrai sermone Babylonico, *Bava basra  
fol. 22. col. 1.*

*Ad hunc autem Librum de novo recensendum, & genuinâ  
interpretatione donandum, varia sunt, quæ me impulerunt &  
invisârunt. Cùm enim ante sex circiter annos Nebiensis ex-  
emplar in manus nostras incideret, atq; exinde magnam utilita-  
tem ex collatione cum Hebræo nos consecuturos speraremus, tan-  
tam & obscuritatem & pravitatem ab initio statim deprehēdi-  
mus, ut non solum nullum ferè ex illo sensum assequi, sed vix He-  
brai codicis vestigia deprehendere potuerimus. Quares non so-  
lum illius nauscam, sed & novi moliminis conatum & appeti-  
tum excitavit. Quia enim tantoperè passim à Viris in his liti-  
ris eruditis præ omnibus aliis libris eum commendari & celebrari  
vidi, pro innato, quo erga has linguas amore feror, (nam *רחיל  
בְּתָר עֻבְדִּיהָ דַּאֲבוּתִי*, Ovis post ovem, & fi-  
lius sequitur opera patris sui, *ajunt Hebræi*), nullam me perdi-  
turum operam mihi persuasi, si, ipsorum judicio fretus, illum non  
solum evoluerem, sed & (quia eâdem ferè operâ fieri potuit)*  
nova



# AD LECTOREM.

novâ versione illustrarem, ac commune bonum facerem. Opus igitur divino cum Numine aggressus sum, sed propemodum humeris meis impar deprehendi. Subinde enim obstacula mihi se exhibebant, quæ me deterrebant & incepto opere retardabant. Nam præter materia difficultatem (sunt enim Philosophica inter Hebræos intellectu difficillima) & stylus verè perplexus est: cujus rei causam hanc esse arbitror, quod illum ad Exemplar Arabicum eamq; linguam Author attemperârit. Unde factum, ut & novas Voces, & Phrases in Hebraum idioma introduxerit. At verò tùm ad maniculis, quæ ad manus erant, adjutus, tùm Virorum doctorum judiciis & monitis in proposito confirmatus, tandem Divinâ assistente gratiâ ad finem Opus perduxî. Usus enim sum Exemplari tùm impresso, tùm in pergameno manuscripto. Impressum exemplar editum est Savioneta, & adjunctos habet irsum Rabbînorum commentarios, Ephodæi, Schem Tobh, (qui nescio an idem sit cum illo Calo Calonymo Hebræo, qui Averrois Metaphysicam transtulit, ut in præfatione illius commemoratur: Calonymos enim Græcis idem, quod Schem Tobh Hebræis) & Craskasi, qui non rarò lucem mihi attulerunt & auxilio fuerunt. Et quando impressum Exemplar menda fortassis habebat, (prout non pauca deprehendi) opportunè tùm mihi affuit manuscriptum exemplar, ex quo illa corrigere promptum erat, præsertim verò pag. 146. b. ubi aliquot lineæ ommissæ fuêre, quas sanè absq; hoc subsidio divinare & conjectare nemo potuisset. Licèt autem non ab omnibus, tùm de ipso libro, tùm de meo hocce labore, idem judicium latum iri probè sciam, hoc præsertim tempore, quo non solùm, propter armorum strepitus Leges silent, & studia prostrata jacent, secundùm illud Hebræorũ אַם ספֿרא לֹא סִימָא ואם סִימָא לֹא ספֿרא h.e. Si litteræ, non arma: si arma, non litteræ, in Avoda Sarah pag. 10. c. 1. sed & singulari fato, hæ litteræ, dum ad summum ferè pervenerunt, in imo simul jacent: attamen propterea non suppressendum esse censeui. Ut non nobis solùm, sed posteritati maximè arbores plantamus, ades exstruimus; sic & hic illius ratio habenda, in qua erunt, qui hæc aliquando studiosius requirunt & deamabunt. Nec tamè du-

# P R Æ F A T I O

bito, quin & nunc futuri sint, qui a quibus de eo sint judicaturi, & illius usum perspecturi; ii videlicet, qui paullo profundius in Phylologia Hebraicam se demiserunt; לבנות חכמים יש להם עינים רואות מה שאין רואים הפתאים Corda sapientum oculos habent, quibus cernunt ea, quæ simpliciores non vident, inquit hic noster Author in Epistola de Astrologia. Si non absolutè vel ad farinam, vel ad salutem sunt necessaria; scire tamen illa & intelligere nihil nocebit. Si non sunt sapientia ipsa, sint לחכמה פרפרות h. e. delitiæ, condimenta, vel ornamenta sapientiæ & doctrinæ, ut R. Elieser de scientiis Mathematicis loquitur in Pirke Avos cap. 3. Si non omnia bona sunt & præstantia, erunt aliqua: ac proinde legamus ea, prout R. Meir Rabbiorum libros esse legendos monuit; רימון מצא חוכו אכל קליפתו ורק Qui malograna-  
tum (dicebat) invenit, comedat meditullium, & corticem abjiciat, in Chagiga fol. 15. col. 2. Ea quod attinet, quæ fortè Religioni Christianæ contraria in eo videri possint, qualia nonnulla virgulâ censoriâ in margine tetigimus, non sunt multa, nec amarulenta. Rejicere & refecare non videbatur consultum. Authorem castrare nolimus. Nemo illa ita interpretabitur, ac si à nobis approbarentur; nemo etiam illis seduceitur. Non nisi à doctis istiusmodi libri leguntur, qui firmiori judicio sunt præditi. Et in Ethnicorum libris talia reperiuntur, qui tamen è Scholis nostris idèò non ex terminantur. Ut ut multa contineat, quæ etiâ apud nostros, & fortè plurius & plenius reperiuntur: alia tamen plurima quoq; habet peculiaria, quæ observatione sunt dignissima. Varia sunt, quæ ante hæc, & huc usq; Viri docti ad bonarum litterarum illustrationem inde protulerunt. Erunt fortè & impossesserum, qui id facient, & melius facere hæc versione adjuti poterunt. Prætereà si nihil aliud haberet, hanc tamen utilitatem non contemnendam præstat, quòd immensos in Hebraica lingua progressus inde facere poterit, qui cum Hebræo conferre volet. Nulli meliores sunt præceptores ad Rabbini-  
ca legenda, quàm scripta talia, quæ in linguam aliquam vulgarem translata, ad Hebraica intelligenda nos veluti manu ducunt. Nam si vocis & sententiæ alicujus sensus nobis sit manifestus; faciliè etiam constabit

*bit de legendi ratione, & punctis adji-  
 cendis. In transferendo  
 eam rationem observavi, ne nimis longè ab Hebraica dictione re-  
 cederem, non etiam mordicus nimis illi adhererem, ne vel sensus  
 fieret obscurior, vel fontis gratia & scaturigo periret. Stylum ma-  
 teria attemperare coactus fui, quæ cum Philosophica sit & scho-  
 lastica, talem quoque sermonem postulat. Quod si alibi fortè  
 erravi, cogitandum, in tam vasto Opere fieri aliter vix posse, ac  
 propterea condonandum. Alia ratio est, cum sententia vel pe-  
 riodus aliqua tantum ex Hebræo transferatur: alia, cum integer  
 tractatus Si sermo & stylus non ubique est ad palatum & Hebrai-  
 smum redolere sciendum, ut hic etiam indulgendum fuisse ali-  
 quid, qui in linguæ Hebrææ studio exinde proficere cupiunt, ne  
 in collatione impediuntur. Et certum est, vix ita pura esse posse  
 ea, quæ ex alia lingua & ab alio sunt translata; in his præsertim  
 linguis, quæ non sunt usuales, sed ex libris addiscuntur: semper  
 aliquid ex stylo Authoris & lingua originalis adheret. Sæpe e-  
 tiam singulares subsunt emphases & energia, quas libenter re-  
 tinere & doctis intelligendas ac dijudicandas proponere volu-  
 mus. Majoris jucunditatis gratia non solum notis marginali-  
 bus, sed & Indicibus Librum illustravi. Locorum Scripturæ In-  
 dicem, qui in Hebræo codice erat, retinui eo modo & ordine, quo  
 illic reperitur, sed Latine translatus, & adjectis librorum, ca-  
 pitum, & versuum notis, quæ ibi desunt. Animus quidem erat,  
 Hebraicum quoque, textum & notas adjungere, & è re fuisset, sed  
 cæsa sunt caussa, quæ illud nunc impedi verunt. Ubi videbo, quo  
 vultu hac accipiantur, & illa desiderantur, poterit adhuc  
 fieri, si Deus gratiam, vires & valetudinem proo-  
 get. Script. Basileæ x. Kal. Mart. Anno*

1613 cxxix.



## שיר בשבח הספר להחכם רבי רפאל יוסף

בטריוויז :

ומילתו עלי ספר חקוקה  
בתוך מורה ובפרקיו דבוקה  
ובינתו מבולקת ובוקה  
וטסתרינו כמו פרצת דחוקה  
אלי מקום אשר אין בו בדיקה  
אוי חוזיר והאיר כאבוקה  
פרישתם סביבותיו מתוקה  
בכל פנות בכל דרך רחוקה  
ולמה יחיה לכם לפיקה  
וחבינו צפון מצות וחוקה  
גדנות היא ומורה לצדקה :

אלדינו הלא דבר במשה  
וכל חכמת חדשה גם ישנה  
לפנים כל אנוש חועה בתוכו  
לכל רואים פלאים הם דבריו  
באופן נגעל ספרו ונדחת  
עדי יום זה אשר חודפם מבואר  
רבי שם טוב ואפודי וקרקש  
ראו אישים צאו חושים ודרשו  
קנו מורה בלי עצלה ורפיון  
ביום זה תלכדו גיל עד ודמות  
הלא מתת אלדים ואח כגשם



P R Æ F A T I O  
A U T H O R I S.

**D** I C I T Samuel Filius Rabbi Aben Tybbon; *Sic scripsit Author ad discipulum suum præstantissimum Rabbi Joseph Filium Rabbi Jehuda, cujus requies sit in horto Edenus.*

Ex quo tempore primùm ad me pervenisti, & nomen tuum in discipulorum meorum catalogum referre voluisti, incredibile est, quanti te semper fecerim, tùm ob singularem tuam in studiis industriam, tùm ob summum tuum ad res speculativas, quod ex carminibus tuis percipere potui, desiderium. Fuit autem, cùm litteræ & carmina tua elegantissimè composita, Alexandriâ mihi reddita fuissent, & priusquàm vis & acumen ingenii tui mihi explorata essent, ut cogitarem, desiderium & appetitum tuum majorem fortè esse apprehensione tuâ. At postquàm apud me te exercuisti in studio Astronomico, & reliquis disciplinis Mathematicis, (quarum fundamenta jam aliqua ab alio hauseras,) suprâ quàm dici potest de te gavissus sum, propter excellentem, quam in te deprehendi, ingenii bonitatem, & naturalem ad Artes istas liberales animi tui inclinationem, faciliq; permisi, ut in illis instruereris, eò quòd jam tùm cognoscerem & præviderem, quisnam & qualis futurus esses. Cùm etiam fundamenta Logica à me didicisses, multùm meam de te conceptam spem & exspectationem adauxisti, adeò ut dignum te censuerim, cui Secreta librorum Prophetarum revelarem, ut ea in illis posses notare & observare, ad quæ perfectos respicere & animum advertere convenit. Itaque incepti digitum quasi in quædam intendere, & summatim ex illis nonnulla tibi proponere. Cùm verò ulterius à me peteres & flagitares, ut accuratius res Theologicas, mentemq; Loquentium sectæ tibi explicarem, ac quid de illorum rationibus & probationibus sentirem, an scilicet sint demonstrativæ nec ne, indicarem; cùmq; viderem, te doctrinæ illorum gustum ab alio jam accepisse, & ita, ab unâ parte, rei difficultate te terrente, ab alterâ, animi tui generositate ad res excelsas & arduas te sollicitante, perplexum esse, nolui honestissimæ & æquissimæ tuæ pe-

# P R Æ F A T I O

tionem hac in parte deesse; sed monui potius, ut methodicè & ordine omnia & singula addisceres, atq; ita non superficialiam, sed solidam rerum cognitionem tibi comparares, & quotiescunq; toto illo tempore, quo unà conversabamur, dubius aliquis Scripturæ locus occurrebat, vel dictum Rabbinorum, quod paradoxum aliquid docere videbatur, in id omnibus viribus incubui, ut verum ejus sensum tibi explanarem. Quando autem DEO OPT. MAX. visum fuit, nos separare, tuq; quò fata tua te trahebant, concessisses, ingrata ista separatio, & luavissimæ conversationis tuæ memoria me excitârunt ad præsentem Librum (de quo te præsentem non cogitabam) tibi, tuiq; similibus, ut ut pauci sint admodum, conscribendum, qui & in certa capita est distinctus, & methodicè elegantique ordine omnia & singula pertractat. VALE.

*Dicit Samuel Filius Juda F. Tibbon, sic ait Author;*

*Psalm. 143. 8. Notam fac mihi, ò DEUS, viam, in qua incedam, nam ad Te attollo animam meam.*

*Proverb. 8. 4. Ad vos, ò Viri, clamo, & vox mea ad filios hominum.*

*Proverb. 22. 17. Inclina aurem tuam, & audi verba Sapientum, & appone cor tuum ad scientiam meam.*

*Summa & argumentum Libri.* LIBRI hujus summa & argumentum consistit, primò, in explicandis quibusdam Nominibus, quæ in scriptis Prophetarum occurrunt.

Illorum Nominum alia sunt *Homonyma & equivoca*, quæ simplices & imperiti intelligunt secundum quædam tantum illorum, de quibus dicuntur: alia sunt *Metaphorica*, quæ vulgus hominum capere solent in prima & naturali significatione, à qua sunt translata: alia sunt *Analogæ*, de quibus quandoq; credunt, quòd sint Univoca, quandoq; quòd sint Aequivoca. Non est autem nobis propositum, illa vocabula explicare pro vulgo, vel tyronibus in speculatione, vel pro illis, qui student tantum in sapientia Legis, (nam Libri hujus, & aliorum hujus generis, intentio est, docere sapientiam Legis secundum veritatem & ex fundamentis); sed propositum nobis est, instruere virum in Lege nostra peritum & exercitatum, veram illius fidem tenentem, in doctrina & vita perfectum ac inculparum, Philosophiæ gnarum, intellectu deniq; sanum, cui sensus Legis litterales nonnunquam movent scrupulos, qui vel ex se & proprio studio, vel ab alio proprium Vocabulorum illorum Æquivocorum, Metaphoricorum & Analogicorum, sensum intelligit, atq; inde *perplexus* redditur, an intellectum suum sequi, & illum Vocabulorum sensum, quem

# A U T H O R I S.

quem ipse addidit, abjicere debeat, (quod faciens existimabit se abjicere fundamenta Legis); an verò illum sensum debeat amplecti post habito intellectu suo, (quod faciens depravationem vel detrimentum aliquod Legi se inferre arbitrabitur), & ita in cogitationibus istis imaginariis hærens, anxius & sollicitus, quomodo se inde extricare debeat, ignorat.

Deinde versatur hic Liber, in Explicatione abstrusarum & arcanarum *Parabolarum*, quæ in scriptis Prophetarum occurrunt, de quibus non expresse dicitur, quòd sint Parabole; sed ita proponuntur, ut indoctis & imperitis videantur esse intelligendæ secundum sensum ipsarum litteralem, neq; aliquid aliud sub illo cortice latere appareat: veruntamen à Viris doctis & intelligentibus expensæ & examinatæ secundum sensum litteralem, scrupulum statim & nodum in animis ipsorum relinquunt. Hinc quia, dum illas *Parabolas* in hoc Libro explicamus, scrupuli & nodi isti solvuntur, *More Nevochim*, h.e. *Doctorem Perplexorum* appellare illum volumus; non quidem quòd omnia, sed quòd maximam partem dubiorum illorum gravissimorum adimat & auferat.

*Cur Liber vocetur More Nevochim, h.e. Doctor perplexorum?*

Non est autem, quòd quis perfectam & absolutam Vocabulorum & *Parabolarum*, quas tractandas suscipio, explicationem ac declarationem à me desideret, aut expectet; (id enim ne sapientissimus quidem & disertissimus ore & linguâ suâ efferre posset, nedum calamo & libro comprehendere): quod ideò moneo, ne stultis & indoctis, qui tamē sibi egregiè videntur sapere, Liber hicce meus scopus veluti sit & signum, in quem inscitix & ignorantix suæ sagittas conijciant. Et de istis rebus egimus jam-pridem in magno nostro Opere Talmudico, ubi inter alia quoq; & hoc monuimus: *Opus Bereſchit* esse sapientiam Naturalem; *Opus Mercavah* sapientiam Divinam: & ibidem quoq; dictum illud Sapientum nostrorum adduximus, *In Opere Mercavah ne coram unico quidem, nisi fuerit sapiens, intelligens, & cum tradent ei summa tantum & generalia capita*. Quare non est, quòd & hic aliud, quàm summa & generalia capita expectes, & illa quidem non certo ordine tradita, sed hinc inde per totum librum dispersa, & aliis rebus, quas declaramus, quasi immixta. Intentio enim mea est, extrahere quidem & elicere sapientia Divina, seu *Opere Mercavah* ea, quæ maximè sunt realia, sed ita, ut simul occultentur & abscondantur, ne contra intentionem Divinam agere videamur, à qua discedere summum nefas ducimus. Nam videmus, quòd in ea, quæ singularia sunt in Apprehensione DEI, ce-

# P R Æ F A T I O

*Psalm. 25. 14.* lentur & abscondantur, sicut David dicit: *Secretum DOMINI timenti-  
bus eum.* Quin-imò prohibitum quoq; est sapientiam Naturalem pe-  
nitius publicare & manifestare, suntq; in illa quædam principia, quæ  
neminem clavis & apertis verbis docere licet. Unde de hac dicunt  
Sapientes nostri, *Et non in opere Bereschit duobus.* Quòd si autem quis  
illas res omnes libro describere & explicare vellet, perinde faceret,  
ac si mille & ampliùs hominibus illas explicaret. Atque hinc vide-  
mus, apud Prophetas ista etiam sub Parabolis esse proposita, &  
Rabbinos nostros, juxta Sacrorum librorum stylum & consuetudi-  
nem per ænigmata & figuras de illis loqui solere. Causa est, quòd  
inter illam (*sapientiam sc. vel Theologiam Naturalem*) & sapientiam  
Divinam magna sit affinitas & convenientia, nec exiguam Myste-  
riorum scientiæ Divinæ partem constituat.

*Gradus Appre-  
hensionis Dei in  
hominibus.*

Profunda autem illa Mysteria quod attinet, noli existimare, illa  
perfectè & ad amussim ulli Homini esse cognita: nequaquam; ver-  
ùm quandoque veritas nobis lucere & splendere videtur instar lu-  
cis vel diei, postea verò iterum occultatur vel à Natura, vel à Con-  
suetudine, ita ut ad priores nostras tenebras ferè revertamur, & si-  
miles simus iis, quos in densissimâ noctis caligine fulgura subinde  
irradiant. Hoc pacto quibusdam ita crebrò coruscare & sese in-  
vicem solent consequi, ut nullum quasi animadvertere possint in-  
terstitium, sibi que in continuâ luce versari videantur, & nox illis  
sit instar diei. Talis est magnus gradus illuminationis Prophetarum,

*Deut. 5. 31.*

*Exod. 34. 29.*

rum, de quo dicitur, *Tu autem sta hic mecum.* Item, *Quia radiavit lux  
faciei ejus.* Aliis ita coruscare solent fulgura, ut longum sit, inter unum  
& alterum, spacium ac intervallum. Et talis est communis gradus  
majoris partis Prophetarum. Aliis unicum tantùm totâ nocte fulgur

*Num. 11. 25.*

apparet. In hoc gradu sunt illi, de quibus dicitur, *Et prophetârunt,  
& non addiderunt.* Aliis accidit, ut unicum fulgur per diversas coru-  
scationes magno vel parvo intervallo distantes appareat, (*hic est  
verborum Auctoris sensus, juxta Schem Tobh*). Inveniuntur etiam  
quidam, qui planè non perveniunt ad talem gradum, ut tenebræ  
ipsorum à fulgure illustrentur, sed tantùm à corpore aliquo puro,  
lucido ac splendido, ut lapide, gemmâ, vel similibus, quæ in tenebris  
lucem solent spargere. Et hæc lux quoq; quamvis tenuis & exigua,  
quibusdam non semper & continuè, sed interruptè apparet, quan-  
doque lucens, quandoq; non, instar flammæ vel aciei gladii versa-  
tilis. Et hi sunt gradus, secundùm quos Homines distinguuntur in  
Apprehensione Dei. Qui verò nullam omninò lucem vident, sed  
perpe-



# AUTHORIS.

perpetuò cœcorum instar palpitant, sunt illi, de quibus dicitur, *Non* Psalm. 82. *sciunt, neq; intelligunt, in tenebris indefinenter ambulant, & abscondita est ab illis veritas, licet luce meridianâ clarior splendeat ac luceat, sicut alibi legimus, Non viderunt lumen lucidum, quod est in Cælis.* Et hi Jobi 37. 21. sunt vulgus populorum, quorum nullam rationem in hoc Libro habuimus.

Porrò scias, quòd perfectorum quoq; aliqua, ut ut vellet, nō posset tamen vel minimam Mysterii alicujus partem secundum eum gradum, quem ipse habet, perfecte & secundum ordinem, ore vel calamo, ut reliquas disciplinas explicare. Verùm idem hic ei, cùm alios docere vult, eveniet, quod illi accidit, cùm ipsemet didicit; ut sc. aliquid nunc ei videatur clarum & apertum, mox iterum obscurum & occultum, quasi rei natura ita esset comparata. Propterea quando Sapientes voluerunt aliquid in hoc argumento docere & proponere, per Parabolas & ænigmata tantum id fecerunt, idq; multipliciter & variè admodum. In quibusdam proponunt rem, quam docere volu-  
lunt, in principio Parabolæ, in aliis in medio, in aliis deniq; in fine illius, quando scilicet non inveniabant aliquam, quæ tota à principio ad finem rei propositæ conveniret. Quandoq; res subjecta, licet una sit, dispersa habetur in pluribus Parabolis, longè etiam à se invicem distantibus. Aliquando, quod profundius est, Parabola una, Parabola est rerum multarum, ut initium illius huic, finis verò alii rei conveniar. Aliquando tota aliqua Parabola ad duas res, sed propinquas, spectat & pertinet. Itaque qui sine Parabolis & ænigmatibus docere vult, is in verbis suis tantis profunditatibus & metaphoris uti cogetur, ut illæ æquè obscuræ sint futuræ atque Parabolæ & ænigmata: ita ut videantur hic Sapientes singularem instinctum Divinum sequi, quemadmodum dispositiones suas naturales sequuntur in actionibus naturalibus. An non vides, quid egerit Deus Sanctus & Benedictus, quando nos perfectos reddere, & mores actionesq; nostras Legibus suis practicis dirigere corrigereq; voluit? Quia enim hoc non benè poterat fieri sine præeuntibus quibusdam sententiis intellectualibus, quorum principium est Apprehensio Creatoris capui nostro conveniens; & hæc non poterat percipi nisi ope sapientiæ Divinæ; sapientia autem Divina non possit acquiri, nisi post sapientiam Naturalem, (nam sapientia Naturalis est contermina sapientiæ Divinæ, eamque ordine doctrinæ præcedit, ut iis notum est, qui in hoc speculationis genere se exercent); idèd principium librorum suorum Sacrorum exorsus est ab Opere

*Cum & quomodo per Parabolas & ænigmata loquatur Sapienter*

*Cum Deum ab Historiam Creationis Sacram Scripturam inchoavit*

*Bere-*

# P R Æ F A T I O

*Bereſchith*, h.e. à ſapientia Naturali, & tùm propter excellentiam ac præſtantiam illius, tùm propter inſufficientiam & imperfectionem noſtram ad apprehendenda iſta, indicavit nobis res illas profundas, quas ſapientia Divina indicare coëgit, per Parabolas, ænigmata, & verba abſtruſa valdè, ſicut dixerunt Rabbinì noſtri piæ memoriæ: *Indicare opus Bereſchit Carni & Sanguini non eſt poſſibile, idcirco abſolutè dicit Scriptura, In principio creavit Deus*; quibus verbis admonere voluerunt, res iſtas eſſe abſolutas, clauſas, nec apertè explicatas, ſicut

*Eccl. f. 7. 25.* ait Salomon; *Procul eſt, quod factum eſt, (h.e. ſapientia Naturalis), & profundum profundum, (ſapientia Divina ſcil.) quæ inveniet illud?* Prætereà etiam ubiq; uſus eſt (*Deuſculicet*) vocabulis Homonymis, ut vulgus pro capto ſuo & tenuitate ingenii ſui uno, & perfectiores alio ſenſu illa intelligerent. Hæc omnia quod attinet, promiſimus jam pridem in Commentariis noſtris Talmudicis, nos illa explicaturos in Libro de Prophetia, & in Libro Conciliationis, in quo polliciti ſumus Expoſitionem Allegoriarum omnium dubiarum, quæ primâ fronte remotæ videntur eſſe à veritate, & è viâ intelligibilis exire. Poſtea-quàm autem ante multos annos Libros illos incepiſſemus, & jam pauca quædam conſcripiſſemus, non videbatur nobis rectum, quòd illà viâ aggreſſi eſſemus explicationem iſtam. Vidimus enim, ſi perſiſteremus in occultandis & ulterius involvendis illis, quæ occultanda ſunt, in Parabolis nos non egreſſuros priorem viam & modum, ſed individuum unum pro alio ejusdem ſpeciei permutaturos, (*h.e. nos nihil novi præſtituros*): quòd ſi verò explicaremus illa, quæ explicatione indigent, operam noſtram parùm convenientem & decentem futuram; quia videremur Allegorias & Secreta Prophetarum Populo velle revelare. Prætereà vidimus, ſi in Allegoriis illis ſpeculetur imperitus & indoctus aliquis è plebe, quòd nullum ſit planè concepturus ſcrupulum: indocto enim, & Naturæ rerum ignaro, nihil novi eſt, credere illa eſſe quæ eſſe nequeunt, ſed ſunt impoſſibilia; quòd ſi verò in illis ſpeculetur Vir aliquis perfectus & eximius, illum vel accepturum eas ſecundùm ſenſum ipſarum litteralem, & ita ſiniſtram tantùm de Authore concepturum opinionè, eumq; pro imperito reputaturum, & hac ratione fundamentis fidei nihil detrimenti illatum iri; vel crediturum, illas internum habere ſenſum, ſicq; in tuto navigaturum, & nil niſi bonum de Authore quoq; illarum cogitaturum, ſive illud internum noverit ac intelligat, ſive non nòrit.

Quocirca cùm in hoc Libro mihi propoſuerim, unâ Expoſitionis  
viâ

viâ exponere rationem Prophetiæ illiusq; graduum, & explicationem Parabolarum librorum Prophetarum, propterea destitit à reliquis duobus Libris, & satis duxi breviter de fundamentis Fidei, & generalibus articulis agere, ad eum ferè modum, quem in Opere nostro magno Talmudico observavi, nisi quòd in hoc Libro mihi res est cum eo, qui Philosophiæ principiis est imbutus, qui scientias veras novit, verbis Legis credit, & in sensu illorum perplexus est, propter vocabula æquivoca, analogâ & metaphorica, quæ in eis occurrunt. Adducemus tamen in eo quandoq; caput aliquod, in quo nullius Vocabuli æquivoci fiet mentio, sed quod vel fundamentum tantum nobis sterneret ad aliud, in quo de significatione alicujus Vocabuli agatur, quam in illo capite nolo tangere: vel Parabolam aliquam exponere, aut de re quapiam monebit, quòd sit Parabola: vel deniq; continet expositionem rerum quarundâ incognitarum, in quibus, propter homonymiam vocis, id, quod veritati repugnat, creditur, ut cum id, quod Parabolæ loco adducitur, sumitur pro re per illam significatâ, vel significatum per Parabolam, pro Parabola ipsa. His ergo sic præmissis, subjungam nunc Propositionem quandam, quæ ita habet.

Scito, clavem Intelligentiæ & scientiæ veritatis omnium eorum, quæ à Prophetis dicta sunt, esse Intelligentiam sensûs & verborum Parabolarum. Nôsti enim id, quod dicit Deus apud Hoseam, *Permanus Prophetarum propono similitudines. Item illud, Aenigmatisè loquere enigma, & parabolicè loquere parabolam.* Nôsti etiam, quia tam crebrò Prophetæ parabolis utuntur, dixisse Prophetam, *Ah ah Domine, ipsi dicunt mihi, An' non parabolicè loquitur parabolis iste?* Non ignoras insuper, quid Salomon dicat ab initio Proverbiorum suorum, *Ad intelligendum parabolam & eloquutionem, verba Sapientum & anigmata eorum.* Sic legimus apud Sapientes nostros in Medrasch; *Cui rei fuerunt similia verba Legis, antequam exsurrexisset Salomon? Pureo, cujus aquæ sunt profunda & frigida, ut Homo nequeat de illis bibere. Quid fecit prudens & ingeniosus quupiam? Colligavit funem funi & filum filo, atq; ita hausit & bibit. Ita progressus est Salomon de parabola ad parabolam, & de verbo uno ad aliud, donec penetrârit in ipsam Legis fossam vel cisternam.* Hactenus illi. Per verba autem illa Legis, quorum mentio fit in Medrasch, & ad quorum intelligentiam penetrare nos dicimus per intelligentiam Parabolarum, non intelliguntur, ut cuius constât sanâ mente prædito, verba Legis de ritibus & ceremoniis, ut, de Tabernaculis conficiendis, de ramis Palmarum, de quatuor Custodibus, & similia: sed intelligentia rerum profundarum & occultarum. Sic dicunt ibi-

*Intelligentia parabolarum clavis est ad intelligentiam.*  
Hof. 12. 11.  
Ezech. 17. 2.

Proverb. 1. 6.

*Verba Legis similia puteo profundo.*

# P R Æ F A T I O

dem; *Quemadmodum si quis solum vel margaritam pretiosam amisit in*  
*Parabola sumi-* intimo domus suæ, candelam unius oboli accendit, eamq; iterum reperit: sic  
*lis candela vili,* Parabola nihil omnino sunt nulliusq; pretii, & tamen per eas videmus & co-  
*quâ pretiosa* gnoscimus verba Legis. Hæc sunt iterum verba ipsorum, in quibus ani-  
*margarita in-* madverte, quomodo interius vel intimum verborum Legis veluti  
*venit.* margaritam, sensum autem litteralem Parabolæ, nullius omnino  
 pretii esse ostendant; quomodo etiam sensum interiorem Parabolæ,  
 sub litteræ externæ cortice latentem, assimilent margaritæ pretio-  
 sæ in domo obscurâ, clausâ, multâ suppellectili, multisque instru-  
 mentis refertâ, amissæ. Quemadmodum enim Homo amissam mar-  
 garitam quidem in domo esse novit, sed non videt eam, nec novit ubi  
 sit, & quali penitus ex ipsius potestate est elapsa, quia ab usu ejus ar-  
 ceretur, donec accendat candelam; ita eadem quoq; ratio est intelli-  
 gentiæ, quam nobis suppeditant Parabolæ.

Proverb. 25. 11. Dicit Sapiens; *Mala aurea cum maskijoth figuris argen-*  
*teis, est verbum dictum suis modis,* ad cujus dicti explicatio-  
 nem attende.

*Maskijoth* sive Figuræ illæ, sunt corpora sculpta, sculpturis per-  
 plexis vel reticulatis, subtilibus, & perforatis ad-instar operis auri-  
 fabrorum; vocanturq; ita, quia per illa visus transit & penetrat.  
 Nam verbum Hebræum *Nischkaph* vel *Hischkaph*, Prospicere, Respi-  
 cere, in Targum transfertur per *Isfeche* מְסַכֵּחַ (unde illud *Maskijoth*  
 derivatur) Dicit ergo, Mala aurea, operi tali argenteo, reticulato,  
 & perforato inclusa, Parabolam esse Verbi suis modis dicti. Quod  
 quàm sit admirandum & egregie dictum, quæso adverte. Ait; In  
 Verbo, quod duplicem habet faciem, h.e. in quo est aliquid apparen-  
 s quod videtur, & aliquid absconditum, requiri, ut externum & ap-  
 parens sit instar argenti, interius autem melius externo, ita ut inter  
 illud, & externum, ea sit proportio, quæ est auri ad argentum: dein-  
 de, ut externum ita sit comparatum, ut possit Lectorem attentum de  
 eo, quod interiùs est, docere. Sicuti enim mala istiusmodi aurea  
 reticulis argenti perforatis obducta, cum de longinquo & sine at-  
 tentione conspiciuntur, videntur esse merè argentea, propiùs autem  
 inspecta à viro acuto visu prædito, ostendunt quid intùs conclusum  
 habeant, aurum videlicet; ita quoq; in Parabolis Prophetarum  
 beatæ memoriæ, externum & apparen- s continet quidem sapien-  
 tiam, quæ multiplicem habet utilitatem in conservanda & dirigen-  
 da Hominum societate, interiùs verò continet sapientiam, quæ

nos

*Alia similiendo;  
 quomodo Para-  
 bola comparata  
 esse debeant.*

# AUTHORIS.

nos erudit de iis, quæ in Religione sunt credenda & amplectenda.

Parabolæ autem Propheticæ duplicis sunt generis. In quibus-  
dam enim singulæ voces rem aliquam peculiarem denotant: aliæ *Parabolarum  
duo sunt genera.*  
verò sunt, ubi tota Parabola rem significatam totam exhibet, in quibus multa quidem habentur verba, sed non singula pondus habent, & rei significatæ aliquid addunt; verùm inserviunt tantùm ad elegantiam, vel, ut rem tantò magis occultent & involvant, sequunturq; verba rationem rei illius, unde parabola est desumpta.

Primi generis Parabolarum exemplum est; *Erecede, scala erecta erat* Genes. 11. 31.  
*super Terram, & caput ejus tangebatur Cælum.* Nam vox *Scala* docet de re una; *Erecta* erat, de alia; *Et caput ejus tangebatur Cælum*, de tertia; *Et Angeli Dei*, de quarta; *Ascendebant*, de quinta; *Et descendebant per eam*, de sexta; *Et ecce Dominus stabat super illam*, de septima. Ex quo vides, singulas hujus Parabolæ voces, rei per eam significatæ aliquid addere.

Secundi generis exemplum est: *Per fenestram domus meae, per fenestras* Proverb. 7. 6.  
*prospexi, & vidi inter simplices, consideravi inter filios juvenem carentem corde, transeuntem per plateam, juxta angulum ejus, & per riam domus ejus gradiebatur, in crepusculo, in vespere diei, in tenebris noctis & caligine, & ecce, mulier in occursum ejus, ornata meretricio & cauta corde, quam tumultuosa erat & perversa, &c. nunc foris, nunc in plateis, &c. & apprehendit eum, &c. Sacrificia pacifica sunt mihi, &c. idcirco egressa sum in occursum tui, &c. Ornamentis ornavi templum meum, &c. Veni, inebriamur amoribus, &c. quia non est vir in domo sua, &c. Ligamen argenti ruli in manu sua, &c. Declinare fecit eum multitudinem dulcedinis sermonis sui.* Ex omnibus enim istis nihil aliud discimus, quàm non sequendas esse illecebras voluptatum corporalium, quarum omnium causam materiale comparat scemine meretrici, & adulteræ maritum habenti, super quam Parabolam extruxit totum suum Librum. Explicabo autem in capitibus quibusdam istius Libri sapientiam illam, quâ Materiam comparat cum Uxore adultera: cur item Librum suum obfignet & claudat laudibus Mulieris strenuæ, quæ non scottatur, sed ornatu domus suæ, & marito suo contenta est. Nam omnia impedimenta & obstacula, quæ Hominem in perfectione sua postrema impediunt, omnes imperfectiones, omniaq; peccata non aliunde, quàm à parte materiæ proveniunt, sicut alibi in hoc Libro exponam. Atque hæc est summa totius Parabolæ, ut non sequatur Homo sensualitatem, h. e. materiam suam tantùm. Materia enim Hominis proxima, eadem est cum materia reliquorū Animantium. Posteaquàm ergo tibi hoc exposui, & secretum istius Parabolæ revelavi, non est

*Materia similis  
adultera.*

## P R Æ F A T I O

quodd velis omnia ea, quæ in Parabola habentur, invenire quoq; in re significatâ: verbi gratiâ, quid sibi velit, quodd dicitur, *Sacrificia Eucharistica sunt mihi, &c.* quid item significetur, cùm dicitur, *Ornamentu ornavi lectum meum*: quod item incrementum rei significatæ accedat, cùm ait, *Nam non est vir in domo sua, &c.* Omnia enim ista verba sequuntur sensum litteralem Parabolæ, & ad illum tantum pertinent. Nam omnibus istis rebus solent scortantes & impudici homines inter se uti. Hoc ergo diligenter observa; est enim fundamentum magnum ad ea, quæ tibi explicare volo. Proinde cùm videbis, me in aliquo capite explicare Parabolam aliquam, & in genere summam & scopum illius tibi indicare, noli postulare rationem & applicationem omnium verborum & rerum in Parabola contentarum, ad rem significatâ. Nam si id feceris, in alterutrum duorum horum incidēs: vel declinabis à scopo & intentione Parabolæ; vel defatigabis te in quærenda explicatione illorum, quæ explicari nequeunt, & ex hoc studio incidēs in vāsaniam & vanitatem, inter multos nostro hoc tempore aded familiarem, qui conantur quædam invenire & eruere è verbis Authorum, de quibus *Authores* ne unquam quidem somniarunt. Tuum autem propositum in majori Parabolarum parte esse debet, ut scias summam illius rei, de quate author Parabolæ cupit erudire: in aliis vero sufficiant tibi ea, quæ à me audies, quodd sc. hoc vel illud sit Parabola, licet nihil ulterius tibi exponam. Nam si scias esse Parabolam, facile poteris conijicere, cujus rei sit Parabola, & proinde verbum illud meum, quo dico, quodd sit Parabola, idem efficiet quod is, qui id removel, quod inter visum & objectum visus est interpositum.

### P R Æ C E P T U M H U J U S L I B R I.

*Quâ ratione Libet iste sis legendus.*

Si vis consequi, & ad unguem vel ad amussim addiscere ea omnia, quæ in hoc Libro continentur, perlegenda sunt tibi ordine singula ejus capita, neq; satis esse tibi ducendum, summam generalem capitulis alicujus intelligere, sed observanda & consideranda quoq; tibi est unaquæq; vox, licet nō sit de intentione capituli illius: (non enim fortuito usurpata sunt & adhibita vocabula, sed summâ cum accuratione & magnâ diligentia: sollicitè etiam cautum est, ne dubii alicujus explicatio intermittatur, nullumq; verbum alieno in loco dicatur). Præterea vide, ne persequaris eum cogitationibus tuis, (h. e. ne obiter & superficialiter eum percurras & legas), nam id si facias, nocebis mihi, & tibi nihil proderis; verum necesse est, ut exinde discas, quæ sunt necessaria & utilia, & à capite ad calcem evolvas eum;

sic

# AUTHORIS.

sic enim extricabit te è multis & magnis dubiis circa Legem, quæ intelligentes omnes exercere solent.

Porrò, adjuro per Deum Benedictum omnes, qui Librum istum meum lecturi sunt, ne ex eo vel unicum verbum alii explicet & exponant, nisi ea, quæ jam exposita sunt ab aliis sapientibus & notis Doctoribus Legis nostræ, qui me præcesserunt: qui verò talia, quæ à nullo ante me dicta sunt, inde addiscet, ne quisquam alteri revelato. Nullus etiã præsumat respondere vel contradicere verbis meis, quia fieri potest, ut quis meam mentem non intelligat & assequatur, sed potius contrarium; & ita damno ac injuriâ me afficeret, pro eo, quod ego ipsi prodesse cupiebam, malumq; mihi pro bono terribuerer. Legat eum & judicet de eo, ad cujuscunq; manus pervenerit, & si quidem ab ægritudine cordis aliquem etiam in minimo curaverit, gratias agat Deo, & quod inde hausit, in usum suum retineat. Quòd si quis nullum planè ex eo emolumentum capiat, illi esto, ac si nunquam esset compositus & in lucem emissus: si verò alicui perniciosum & minùs rectum quid continere videatur, is omnia in meliorem partem interpretetur. Nam si id teneamur facere & observare erga quosvis è vulgo & plebejos, quantò æquius est, ut idem quoq; faciamus erga Doctores & Sapientes nostros, qui nostram utilitatem in veritatis cognitione promovere pro virili suâ sagunt. Certò autem scio, nullos tyrones, qui nihil adhuc in speculatione intelligunt, futuros, qui non ex aliquibus hujus Libri capitibus commodum sint percepturi: perfectos verò, qui scrupulos aliquos habent, omnes, & ex omnibus ejus capitibus non pœnitendos fructus reportaturos, sed tales, qui ipsos sunt exhilaraturi, suavesq; & dulces auribus ipsorum futuri. Vertiginosos verò quod attinet, quorù cerebrum est pollutum, & vanis futilibusq; ac falsis opinionibus, quas tamen veras esse autumant, repletum, quiq; sibi imaginantur, se magnos esse Philosophos ac Theologos, cum tamen ne guttam quidem scientiæ habeant, quæ Sapientiæ titulum in rei veritate mereri posset, illos scio fugituros à multis, contra multa etiam objectiones moruros. Quia nempe nihil quicquam intelligunt, & quia per illa scoriæ adulterinarum ipsorum moneratur produntur, quæ thesaurus sunt & peculiùm illorum, paratum eis ad angustias ipsorum.

Deus verò Benedictus novit, quantoperè timuerim conscribere ea, quæ explicare & consignare volui in hoc Libro. Nam quia talia sunt, de quibus nullus ex gente nostra in hac caprivitate quicquam scripsit hæctenus, quâ ratione primus ego prodire in hac palæstra



# P R A E F A T I O

audeo? Verùm suffultus sum duobus principiis; primò, quòd de istiusmodi negotio dictum sit, *Tempus est faciendi DOMINO: irritam fecerunt Legem tuam, &c.* Secundò, eo quod Sapientes nostri dicunt, *Omnia opera tua fiant ad gloriam DEI.* His duobus, inquam, principiis innixus, suscepi istius, quem exhibeo, Libri compositionem.

In summa: Ego ita sum comparatus, ut licet videam, me premi, angustari, & aliter veritatem, quæ demonstrari potest, docere non posse, nisi ut vix uni bono & laudato viro placere, econtrà verò mille imperitis & stultis displicere cogar, malim tamen uni illi, contemptis reliquorum ludibriis, placere, illumq; ex perplexitatibus & dubiis suis eruere, donec perfectus evadat.

## A L I A P R A E F A T I O.

*Quoniam sunt  
causae contra-  
dictionum, quae  
hinc inde apud  
Scriptores repe-  
runtur?*

Causæ contrarietatum & contradictionum, quæ in Libro & Tractatu aliquo reperiuntur, sunt septem.

*Causa prima* est, cum Author aliquis diversorum Authorum, qui diversas sententias tuentur, opiniones adducit, & nomina ipsorum reticet, nec unamquamq; suo Authori attribuit. Tùm enim in illius Libro videtur esse contrarietas vel contradictio, quia ex duabus illis sententiis vel propositionibus una est huius, altera alterius.

*Secunda causa* est, cum Author libri alicujus sententiam quandam defendit, eamq; postea mutat, & utraq; in Libro ipsius scripta extat.

*Tertia* est, quando non omnia intelliguntur secundum sensum litteralem, sed quædam litteraliter, quædam parabolicè, internû & occultum sensum habentia: vel quando ambæ propositiones, quæ videntur esse repugnantes & contradictoriæ, sunt Parabolæ; cum enim litteraliter intelliguntur, tùm una alteri repugnat vel contrariatur.

*Quarta*, cum conditio aliqua subest rei, quæ nõ exprimitur in loco suo pro necessitate: vel cum sunt duo diversa subiecta, quæ nõ explicatur, tùm etiã videtur esse in verbis repugnantia, cum tamè nulla sit.

*Quinta*, est ordo doctrinæ & institutionis. Si fuerit res aliqua abstracta & intellectu difficilis admodum, ac de ea necessariò sit agendum, sumendaq; sit principii loco in explicatione rei alterius facilioris, tùm necesse est, ut hæc priorem præcedat, (quia semper incipiendum est à facilioribus), & tamen opus etiam erit, ut leviter & crassiore Minervâ declaret Præceptor priorem. Verùm nequaquam accuratè & *inveniens* id faciet, sed relinquet eam, prout discipulus vel auditor illam sibi imaginatur, donec intellexerit id, quod nunc ipsi inculcatum voluit, postea autem ejus naturam & veritatem pro dignitate in loco convenienti pertractabit.

*Sexta,*



## A U T H O R I S.

*Sexta*, est occultatio contradictionis, ita ut non nisi post multa principia appareat & animadvertatur: & quò pluribus principiis opus est ad eam demonstrandam, tantò magis abdita est & occulta. Atq; hoc pacto ignorat eam Author, & existimat, duas primas propositiones sibi invicem non repugnare: verùm si unaquæq; seorsim assumitur, eiq; propositio conveniens alia adjungitur, & legitima ex illis conclusio conficitur; hæc q; conclusio iterum propositionis loco sumatur, & ei alia conveniens jungatur, ac ex his rursus concludatur, sicq; consequenter, post multos syllogismos eò tandem devenietur, ut inter duas postremas conclusiones repugnantia sit vel contrarietates. Et talia latent sæpè sapientissimos & eruditissimos Scriptores. Quòd si verò manifestè duæ propositiones sibi contradicant, ita ut Scriptor vel Author prioris oblitus fuerit, cùm scripsit posteriorem, error & lapsus est nimis magnus, neq; illum Authorem inter eos numerandum censeo, cujus Libri legi mereantur.

*Septima*, est necessitas loquendi de rebus nimis profundis, in quibus oportet quædam occultare, quædam revelare. Sic enim quandoq; necessitas postulat, ut loquendum sit hic secundum unam propositionem, & mox alibi secundum propositionem aliam priori contrariam & repugnantem. Hic autem cavendum est, ne vulgus animadvertat locum contradictionis, operaq; Authori danda, ut omnibus modis eam occultet.

Repugnantia & contradictiones, quæ inveniuntur in *Mischna* & *Bareithoth*, sunt juxta primam causam, sicut frequentissimè apud illos reperies, *Repugnat principium fini vel primum ultimo: solutionis* autem loco, *Principium est Rabbi N. finis Rabbi N.* Sic dicunt sæpè, *Vidit Rabbi verba Rabbi N. & absolute judicavit nobis secundum eum: & vidit verba Rabbi N. & pronunciavit absolute secundum eum.* Alibi etiam reperies, *Communis sententia est secundum Rabbi N. Mischna est à parribus Rabbi N. & sic sæpius, quàm ut omnia recenseri possint.*

Repugnantia aut Contrarietates, quæ reperiuntur in Talmud, sunt secundum causam primam & secundam. Ita invenies illos sæpè dicentes, *Sic & sic est opinio secundum Rabbi N. & sic & sic est opinio secundum Rabbi N.* Item, *Sciat ut secundum illum in uno, & dissentit ab eo in uno.* Item, *Duo Amorajim sunt, sed sententia est secundum Rabbi N.* Et hæc exempla omnia sunt secundum primam causam. Secundum causam secundam sunt ista, *Recessit Raf ab ista sententia; Item, Et scrutatus est. quænam è duabus sententiis esset postrema.* Sic dicunt; *Responsio prima Raf Assè dicit nobis sic & sic: responsio posterior dicit nobis sic & sic.*

Repu-

# PRÆFAT. AUTHORIS.

*Contradictiones  
quæ in Prophe-  
tis esse videntur,  
quales sint.*

Repugnantia & contradictiones, quæ videntur esse in sensu literali quorundam locorum Prophetarum, omnes sunt secundum causam tertiam & quartam. Et harum gratiâ adduxi totam hanc præfationem. Sic nôsti, sæpè Rabbinos scribere, *Scriptura una dicit sic & sic, & Scriptura alia aliter.* Et sic contradictionem primò ostendunt, deinde explicant, quòd desit & subintelligatur conditio quædam, aut quòd subjectum sit permutatum: ut cum ajunt; *Salomon, verba tua non repugnant tantum verbis patris tui, sed etiam sibi invicem contradicunt, &c.* Atq; hæc in primis, & majori ex parte, occurrunt apud Prophetas, quando judicia Dei annuntiant, vel in corruptos mortalium mores invehuntur. Nostri autem propoliti est, de illis tantum monere, in quibus apparet est contradictio in rebus Fidei & Religionis, prout etiam quædam illorum sum expositurus, quia sunt quoq; de arcanis Legis. Quòd si verò apud Prophetas invenias contradictionem juxta septimam causam, tum consideratione & exploratione opus est, neq; temerè & inconsideratè aliquid decernendum aut pronuntiandum.

*Contrarietas apud Philosophos  
qualis.*

Contrarietas, quæ apud Philosophos veros reperitur, est secundum causam quintam.

*Aliorum Scrip-  
torum contra-  
dictiones unde.*

Ea, quæ apud reliquos Scriptores & Commentatores invenitur, est ex causa sexta. Et hujus generis contradictiones multas invenire licet in Medraschoth & Haggadoth, unde dicunt, אין מקשין בהנהגה *Non faciunt syllogismos, vel, Non procedunt syllogisticè in Haggadah.* Inveniuntur etiam in illis contradictiones juxta causam septimam.

*Contradictiones  
hujus Libri unde  
sint.*

Contradictio deniq; vel cōtrarietas, quæ in hoc Libro invenietur, est ex causa quinta & septima: quod diligèter tibi est animadvertendū & observandū, ne perplexus reddaris in nonnullis ejus capitibus.

His itaq; sic præfatis & præmissis, exordiar nunc explicationem Vocabulorum, quorū sensus scitu & intellectu est necessarius, ut sciat, quomodo in singulis locis accipiantur. Erit enim hoc veluti Clavis, cujus ope intro mittimur in loca, quorum portæ sunt clausæ, sed cum aperiuntur. Homo in ea ingreditur, animæ in iis quiescunt, oculi pascuntur, corpora deniq; ab omni labore & molestia recreantur.

*Inquit Samuel F. Jehudah F. Tibbon; Sic ait Rabbi Author hujus Libri (sit memoria justî & sancti in benedictione):*

Jer. 16. 1.

*Aperite portas, & ingrediatur gens justa,  
quæ custodit fidem & veri-  
tatem.*



R. MOSIS F. MAIEMONIS

Liber

MORE NEVOCHIM:

*Hoc est,*

DOCTOR PERPLEXORUM,

Latinè translatus.

PARS PRIMA.

CAPUT I.

*De vocibus דָּמּוּת & דְּמוּת, h.e. Imago &  
Similitudo.*



XISTIMANT vulgò homines, דָּמּוּת Tzelem  
in Lingua Hebræa Similitudinem ac Formam  
alicujus rei significare, id quod ipsos induxit, ut  
crediderint Deum merè esse corporeum, quia di-  
cit, *Faciamus hominem* bidmutenu kidmutenu *in* Gen. I. 26.  
*imagine nostra, ad similitudinem nostram*, arbitran-  
tes, Deum eandem quam homines habere for-

mam & figuram, necessariamque esse corporeitatem. Unde firmiter  
ipsi crediderunt eam, & existimârunt, si ab hac sententia recederent,  
falsitatis crimen intentatum iri Scripturæ sacræ; quin immò Deum  
ipsum negari putât. si ei adimatur corpus, facies, vultus, manus &c.  
eâ figurâ & formâ, quam ipsi habent. Hoc tamen differre statuunt,  
quòd ipsius (*Dei* sc.) corpus, majus & splendidius, materiâ irè ipsius,  
non carnem & sanguinem esse dicant. Atque hoc solo respectu ma-  
jorem ipsius esse majestatem & splendorem autumant. Verùm quòd  
ea attinet, quæ aut ad removendam à Deo Corporeitatem & veram

ipſius Unitatem aſtruendam (quæ, niſi ablata corporeitate, vera eſſe nequit) ſunt neceſſaria, ea alibi in hoc libro adducentur. Propoſitum noſtrum in hoc capite eſt, explicare ſenſum duarum iſtarum Vocum תְּזֵלֶם *Tzelem* & דִּמּוּת *Demuth*.

תְּזֵלֶם *Thoar* Dico ergo, FORMÆ, quæ vulgò nota eſt & pro Forma habetur, quæq; nihil aliud eſt, quàm externa ſpecies, figura & repræſentatio alicujus rei, proprium in Lingua Hebræa Nomen, eſſe *Thoar* תָּאָר; ut cum dicitur, Jephethoar *Pulcher formâ*, & *Pulcher aſpectu*. Item, Ma-  
 Gen. 39. 6. thoaro *Qua eſt forma hujus*? Item, Kethoar *Secundum formam filiorum*  
 1. Sam. 28. 14. *Regis*. Hinc quoque uſurpatur de Forma Artificiali. ut, Jerhoarehu  
 Judic. 8. 18. *Format illud amiſſi*: Et circino Jerhoarehu *format illud*. Atque hoc vocabulum nullo modo cadit in Deum benedictum. Abſit.

תְּזֵלֶם *Tzelem* Vocabulum autem תְּזֵלֶם *Tzelem* uſurpatur de Forma Naturali, h. e. de re, per quam res exiſtit, & eſt quod eſt. Id autem eſt ipſa eſſentia, è qua ens conſtat: Ut, In homine res, h. e. forma illa eſt id, cujus virtute in homine exiſtit Apprehenſio Intellectiva. Et propter hanc dictum eſt de eo, Bezelem *In imagine Dei creavit ipſum*. Item, Tzalmam  
 Gen. 1. 26. *Imaginem ipſorum contemnis*. Nam contemptus hic refertur ad animâ,  
 Pſal. 73. 20. *(h. e. intelligitur de contemptu animæ)*, quæ eſt forma ſpecifica & interna, non autem ad diſpoſitionem & formam membrorum (h. e. non

*Imagines ſive ad formam externam*). Sic dico, Imagines ſive Idola appellari *Tzela-*  
*Idola cur Tze-* *nim*, propter virtutem illam, quam cultores ipſorum in phantaſia  
 lamini? ſua eis tribuunt, non autem propter figuram & formam ipſorum

1. Sam. 6. 5. 11. externam. Ita dico de illo, Tzalme *Imagines anorum ſuorum*, quòd hæc vox (*Tzelem*) ipſis attribuat, non propter formam externam, ſed propter virtutem & influentiam illarum ſpiritualem, quâ damnum ſeu morbus maricarum in anis ſive poſterioribus (*Philiftæorum*) auferebatur. Quòd ſi verò Imagines ſive Idola, & Imagines iſtæ anorum, omninò Formæ externæ reſpectu ita vocantur, tùm Vocabulum *Tzelem* erit amphibolon & homonymum, dicereturque tùm de Forma ſpecifica interna, tùm de Forma artificiali externa, ac ſimilibus diſpoſitionibus & Formis corporum naturalium. Atverò id quod dicitur, *Faciamus hominem beza menu in imagine noſtra*, intelligitur de Forma ſpecifica interna, quæ eſt Apprehenſio intellectiva, nequaquam verò de Forma & figura externa. Ita ergo declaravimus tibi huc-uſque differentiam inter *Tzelem* תְּזֵלֶם & *Thoar* תָּאָר, ſenſum item & ſignificationem vocis *Tzelem*: ſequitur nunc, ut agamus de voce *Demuth*.

דִּמּוּת *Demuth*  
 quid ſignificet?

דִּמּוּת *Demuth* Nomen eſt Verbale à Radice דָּמָה *Aſſimilari*, & ſignificat

fiat Similitudinem in re aliqua : ut, Damichi *Affimilatus sum pelli- Pſal. 102. 7.*  
cano deferti, non alarum vel pennarum ratione ſcilicet, ſed ejulatus  
& luſtus ratione. Sic; *Nulla arbor in horto Dei damah ſimilis erat ipſi Ezech. 31. 8.*  
pulchritudine ſua. Hic comparatio fit reſpectu pulchritudinis. Item,  
*Venenum eſt ipſis Kidmuth juxta ſimilitudinem veneni ſerpentis. Item, Pſal. 58. 5.*  
*Dimjono Similitudo ejus ut leonis. Hæc omnia notant ſimilitudinem Pſal. 17. 12.*  
in certa aliqua re, non verò in forma & figura. Sic dicitur quoque,  
*Demuth Similitudo ſolis ſive throni. Per ſimilitudinem enim ſolii in- Ezech. 1. 26.*  
telligitur Celſitudo & Majestas, non verò quadratura, vel craſſitu-  
do, aut longitudo ejus, ut vulgò exiſtimant. Atque hoc pacto quo-  
que intelligendum eſt illud; *Demuth Similitudo animalium. Ezech. 1. 5. 13.*

Quandoquidem igitur Homo proprietatem aliquam in ſe habet, *Curr dicatur*  
quæ ipſi ſoli convenit, neque in ulla alia creatura ſub ſphæra Lunæ *Homo ad Imagi-*  
reperitur, Facultatem nempe, ſive Apprehenſionem Intellecti- *ginem & ſimi-*  
vam, quæ nullo ſenſu vel operâ corporis utitur, ut manu, pede &c. *litudinem Dei*  
ided affimilat eâ Scriptura Intellectui Creatoris, qui itidem nō exi- *creaturæ*  
ſtit in instrumento vel membro aliquo corporeo. Etſi autem ſimi-  
litudinem non ſit vera, (*ſicut omni ſimilitudo claudicat*), ſed tantum *naſcitur*  
*Aôſav*: tamen de Homine propter iſtam rem, Intellectum inquam  
Divinum, qui ipſi inest, dicitur, quod *ſit ad Imaginem & ſimilitudi-*  
nem Dei: non autem idem, quod Deus habeat corpus & figuram ex-  
ternam.

## C A P. II.

*Solutio objectionis cujuſdam, ex dicto illo,*  
*Et eritis ſicut Dii ſcientes bonum*  
*& malum.*

**O**BJECTIONI mihi vir quidam ſapiens & eruditus, ante trigin-  
ta ſex annos, quandam Objectionem, quam, ut & Reſpon-  
ſiones noſtras circa ejus ſolutionem, conſideratu dignas eſſe judico.

Antequam autem objectionem illam, ejusque ſolutionem com- *Elohim, compe-*  
memorem, præmitto (quod quilibet Hebraicè doctus cognitum ha- *ſit Deo, Angelis*  
bet), Nomen *אלהים Elohim* æquivocum eſſe, & competere Deo, An- *& Judicibus.*  
gelis, & Judicibus provinciarum gubernatoribus. Onkelus Profely- *Vide par. 2. c. 6.*  
tus, piæ memoriæ, veriſſimè expoſuit illud, *Et eritis ſicut Elohim Genef. 3. 5.*  
*ſcientes bonum & malum*, ex poſtrema ſignificatione, *Et eritis ſicut*  
*Principes.*

*Objeſſio.*

Præmiſſo itaque hoc de Æquivocatione iſtius vocabuli fundamento, Objeſſionem iſſam quoque proponam. Dixit Opponenſ: Videtur ex ſimplici ſenſu Scripturæ, Intentionem primam in Hominiſ creatione fuiſſe, ut eſſet ſimilis reliquis animantibus, ſine Intellectu & cogitatione, neſciens diſcernere inter bonum & malum: quando autem rebellavit, tum demum rebellionem iſpius, magnam iſtam perfectionem in illo produxiſſe, quæ propria iſpi eſt; Cognitionem ſcilicet vel Diſcretionem iſtam exiſtente in nobis, quæ omnibus aliis rebus, quæ nobis inſunt, eſt nobilior, & per quam iſſam ſubſtantiamur, & ſumus id quod ſumus. Atque hoc admirandum eſt, quòd pœna inobedientiæ ejus perfectionem iſpi dederit, quâ antea carebat, nempe Intellectum. Perinde enim eſt, ac ſi quis diceret, Quidam homo peccavit & graviſſimum aliquod commiſit flagitium, idè mutarunt iſpius creationem in melius, (h.e. idè melior ac præſtantior redditæ eſt ejus conditio) & conſtitutus eſt tanquam Stella aliqua in firmamento. Hæc eſt ſumma & ſenſus Objeſſionis illius. Nunc audi quoque Reſponſionem noſtram.

*Reſponſio.*

Reſpondimus: Tu vir eſ, qui ſpeculatur in principio meditationum & cogitationum ſuarum, (h.e. qui nimis leviter & præcipitanter judicat) & qui putat ſe rectiſſimè intelligere poſſe Librum, (*Legis ſcilicet noſtræ*) qui eſt Directorium (*vitæ & actionum*) tam priorum quàm poſteriorum, (*hominum ſc., h.e. omnibus omnium ætatum hominibus*) obiter percurrendo eum interdum per otium, à convivio aut Venere, ut liber aliquis Hiſtoricus vel Poëticus legi ſolet. Attende autem & adverte animum; Nequaquam enim ita ſe res habet, prout cogitaſti in principio ſpeculationis tuæ: ſed quemadmodum nunc cum accuratiore rei iſpius conſideratione tibi explicabitur.

Intellectus, quem Creator Adamo primo infudit, (qui eſt perfectio iſpius poſtrema) collatus iſpi fuit jam ante rebellionem (h.e. *lapſum*) ejus. Propter illum enim dictum eſt de Homine, quòd creatus ſit ad Imaginem & ſimilitudinem Dei: propter illum etiam loquutus dicitur Deus cum eo, & præcepta ei dediſſe, ſicut dicitur;

*Gen. 2. 16.*

*Et præcepit DOMINUS DEUS Adamo.* Præceptum etenim non datur brutis, & intellectu ac ratione carentibus. Per Intellectum autem poteſt homo diſcernere inter verum & falſum, & hic inditus fuit iſpi ad perfectionem & abſolutionem ejus. Turpe verò, ſive deforme, & Pulchrum, dicuntur de rebus manifeſtis in ſenſum incurrentibus, non verò de Intellectualibus. Nam non dicimus, quòd cœli ſunt rotundi, pulchrum eſt; vel Turpe eſt, quòd Terra eſt extenſa,

tenſa, ſed prædicatur de illis Verum vel Falfum. Et ſic 2<sup>o</sup> rei al-  
 licujus certitudine vel incertitudine dicitur in Lingua noſtra  
 Veritas & Falſitas: de reverò pulchra vel deformi, Bonum vel Ma-  
 lum, & per Intellectum dignoſcit homo verum à falſo in rebus in-  
 telligibilibus. Quando autem homo adhuc exitit in integritate &  
 perfectione ſua, mentis inprimis & Intellectus, cujus reſpectu di-  
 ctum eſt de eo, *Et minorem feciſti eum paululum ab Angelis*: tum nulla Pſal. 8. 6.  
 planè erat in eo facultas utendi ſenſibilibus, vel ea apprehendendi.  
 Id enim, quod inter ea, quæ manifeſtè in ſenſus incurrunt, maximè  
 turpe eſt, Revelationi nempe nuditatis, ab ipſo nullo modo turpe  
 habebatur, ſuamque propriam turpitudinem ipſemet non cognovit.  
 Deficiente verò ipſo, & ad vanas concupiſcencias, ſenſuumq; cor-  
 poralium libidines inclinante, ſicut dicitur, *Vidit igitur mulier, quòd* Gen. 3. 6.  
*bona arbor ad veſcendum, quòdque deſiderabilis oculis*, punitus eſt merito,  
 quia abnegavit (h. e. *rejecit & contempſit*) Apprehenſionem illam  
 Intellectivam. Et quia peccavit contra præceptum illud, quod ra-  
 tione Intellectus ei datum erat, ideò in locum hujus ſucceſſit Ap-  
 prehenſio ſenſibilium, ſicque præcipitatus eſt in turpes & libidino-  
 ſos affectus. Tunc demum agnovit pretium & æſtimationem ejus  
 quod perdiderat, & quo ſpoliatus erat, quamque miſerum in ſtatum  
 prolapſus fuerit. Hac de cauſſa dicitur, *Et eritis ſicut Dii ſcientes bo-* Gen. 3. 5.  
*num & malum*, non verò, *ſcientes verum & falſum*. Sic animadverte  
 quòd dicatur, *Vattippakachna Tum aperti ſunt oculi amborum*, *cogno-* Ibid. v. 7.  
*veruntq; quòd nudi eſſent*, non verò, *Et aperti ſunt oculi amborum &*  
*viderunt*. Quod enim viderunt antea, idem viderunt quoque poſt-  
 ea: neque ſcoromata erant in oculis ipſorum, quæ ablata fuerunt  
 poſtea: ſed indicatur, rem quandam in homine ottam fuiſſe, quâ  
 turpe in ſe agnoverit id, quod antea nullo modo turpe habebat.  
 Nam ſciendum, Verbum illud *Aperiendi*, *Pakach* פקח, quod ibi uſur- npp Aperire  
quid propriè ſi-  
gnificat.  
 patur, tantum dici de Revelatione cognitionis vel ſcientiæ, non ve-  
 rò de Apertione Viſus ſenſibilis ſive corporalis: ut; *Vajiphkach* Gen. 21. 19.  
*aperuit Deus oculos ejus*. Item, *Tippakachna* Jefa. 35. 5.  
*Tunc aperientur oculi cæ-*  
*corum*. Item, *Pakoach* Jefa. 42. 20.  
*Aperiendo aures tamen non audit*, quopacto ali- Ezech. 12. 2.  
 bi quoque legitur, *Qui habent oculos ad videndum & non vident &c.*  
 Quod verò de Adamo dicitur; *Quando mutavit vultum ſuum, dimi-* Job. 14. 10.  
*ſiſti eum*, id ita exponendum, Quando mutavit objectum vel inten-  
 tionem Vultus ſui, tum dimiſſus vel ejeſtus eſt (ex Paradifo ſc.). Nam  
 vox פנים *Facies*, *Vultus*, derivatur à verbo פנה, quod ſignificat, *Vertere*, פנים  
 convertere: & *Aſpicere*, *Reſpicere*, quaſi *Faciem* vel *Vultum* in aliquam unde ſic dicitur.

rem convertere, quia homo vultu suo in eam rem, quam intentio ejus vult, intentus est. Dicit ergo, quando mutavit (*Adamus*) aspectum suum, & in rem illam direxit, de qua antea mandatum erat ipsi, ne in eam oculos dirigeret, emisit eum Deus ex horto voluptatis sive Paradiso. Hæc fuit poena similis peccato, juxta illud vulgatum, *Mensura pro mensura*. Permissum ipsi erat vesci & frui suavis & delicatissimis horti fructibus quietè & securè: sed quando concupiscentia ejus crevit, & oblectamenta phantasie suæ securus fuit, (ut antea diximus) ac de eo comedit, de quo ipsi injunctum fuerat ne comederet, ablata fuerunt ipsi omnia, & coactus fuit comedere cibum tenuiorem longè, quo antea nullatenus usus fuisset, cumq; cum labore & molestia gravissima, sicut dicitur; *Spinam & carduum proferet tibi &c. In sudore vultus tui vesceris pane tuo &c.* Quod v. 23. clariùs explicat, dum ait, *Et emisit eum Deus ex horro voluptatis ad colendum terram, ex qua sumptus erat.* Atque ita in cibis aliisque rebus v. 18. quàmplurimis æquavit eum jumentis, sicut dicitur; *Et comedes her-* Pl. 49. 13. *bam agri.* In quem sensum Scriptura alibi ait: *Homo in honor: non pernoctavit, assimilatus est jumentis, quæ excinduntur.* Benedictus sit Deus, cujus mens & sapientia est incomprehensibilis.

## CAP. III.

*Explicantur voces תמונה Themunah Similitudo, & תבנית Tabhnith Structura.*

**O**PINANTUR vulgò, duas istas voces *Themunah* & *Tabhnith* in Lingua Hebræa unum idemque significare. Verùm aliter res se habet.

Nam תבנית *Tabhnith* nomen verbale est, à Radice בנה *Banah* Edificare, & significat *Structuram* ac *Dispositionem* alicujus rei, h.e. formam ejus in quadratura, rotunditate, triangulo, aliisque similibus figuris. Sic dicitur, *Tabhnith Structuram vel Formam Tabernaculi, Vetrabhnith & Formam omnium instrumentorum ejus.* Item, *Betabhnitham, juxta structuram vel formam eorum, quæ tibi ostensa est in monte.* Item *Tabhnith Formam ullius aui.* Item, *Tabhnith Formam manus.* Item, *Tabhnith Structura porticus.* Omnia hæc designant Formam sive figuram externam, ideoque in Lingua Hebræa non attribuitur vox ista Formis illis, quæ Deo attribuntur.



**תמונה** Themunah verò nomen est, quod de tribus rebus dicitur. **תמונה** Themunah primò dicitur de Forma alicujus rei, quæ sensibus percipitur, extra Intellectum, h.e. de forma externa, ut quando dicitur: *Et faciam vobis sculptile, themunah figuram ullius simulæ. Ivi.* Item, *Quia non avertistis ullam themunah similitudinem vel figuram.* Secundo dicitur de Forma Imaginaria, quæ existit in Imaginatione & phantasia hominis in ecstasi rapti. Hoc sensu in loco illo, *Inter cogitationes & visionibus nocturnis &c. in fine illius dicitur; Dum constitit, non agnovi aspectum ejus, themunah figurâ oculi meo obversante, h.e. Dimjono similitudine, imagine ejus oculis meis obversante.* Tertiò dicitur de vera aliqua re, quæ Intellectu apprehenditur. Atq; in hac tertia significatione dicitur vox hæc Themunah de Excelso, ut in illo; *Utemunato Et figuram vel similitudinem ejus aspiciet.* Sensus enim est, *Et veritatem Dei apprehendet, h.e. naturam ejus.*

*Themunah de quibus dicitur. Et quo sensu de Deo dicitur.*  
Deut. 4. 16.  
Ibid. v. 15.  
Jobi 4. 13. 16.

CAP. IV.

*In quo explicantur tria Verba Videndi,*

**ראה, חָזַק, חִבֵּית**, Raah, Chasah, Hibbit.

**SCIRE** licet, tria ista Verba, *Raah, Chasah, Hibbit*, dici quidem de Visione oculi: verum transferuntur quoque ad Apprehensionem Intellectus.

*Quo sensu Verba Videndi Deo attribuantur.*

De Verbo *Raah* vulgò notum est, ut, *Vaijar Cùm circumspiceret, et ce puteum in quodam agro*, intelligitur de Visione oculi. Cùm verò dicitur, *Et cor meum raah vidit multitudinem sapientia & scientia*, intelligitur de Apprehensione Intellectus. Hoc sensu semper usurpatur verbum hoc *Raah*, quando de Deo Opr. Max dicitur: ut; *Raithi Vidi Dominum: Vajera Et visus est ipsi Dominus. Item, Vajar Et vidit Dominus quod bonum esset. Item, Hareni Videre fac me quæso gloriam tuam.* Item, *Vajiru Et viderunt Deum Israël.* Omnia ista intelligenda sunt de Apprehensione Intellectus: nullo modo verò de Visione corporali. Nam oculi apprehédunt tantum corpus, & quidem non nisi secundum quædam ejus accidentia, pulchritudinem, quantitatem, proportionem & alia similia. Sic etiam Deus non apprehendit per instrumentum aliquod corporeum, prout alibi declarabitur.

*Verbum Raah Videre.*  
Gen. 29. 2.  
Eccl. 1. 16.  
2. Chron. 18. 18.  
Gen. 26. 2.  
Gen. 1.  
Exod. 33. 18.  
Exod. 24. 10.

Verbum *Hibbit* quod attinet, sumitur & illud primò de Intuitione oculi in rem aliquam: ut; *Ne tabbit respicias post te.* Item, *Vattabet Respexit autem uxor ejus retro eum.* Item, *Venibbat Et aspiciet in terram.*

*Verbum Hibbit Aspiciere.*  
Gen. 19. 17.  
Ibid. v. 26.  
Jesa. 5. 30.

Deinde

- Deinde accommodatur etiam ad Intuitionem vel Visum Intellectus, & Intentionem illius ad assequendam rem aliquam. Hoc sensu usurpatur, quando dicitur; *Lo hibbit Non aspexit iniquitatem in Jacob*: iniquitas enim oculis corporis cerni nequit. Sic etiam dicitur, *Vehibbit Et respexerunt post Moysen*. Etenim hic quoque eundem habere sensum docuerunt Magistri nostri p.m. nihilque aliud indicari, quàm quòd diligenter excusserint & consideràrint dicta & facta Moysis. Hoc item sensu accipiendum est illud, *Habbet na Respice nunc cælum*. Nam in Visione Prophetica factum hoc est. Atque juxta hanc significationem sumitur semper verbum *רָאָה*, quando occurrit de Deo benedicto: ut, *Mehabbit Respicere in Deum*. Item, *Et similitudinem Domini jabbbit respiciet*. Item, *Vehabbit Et aspicere pravitatem non potes*.
- Verbum רָאָה* Verbum denique *Chasah* similiter usurpatur tùm de Visione Oculi: ut, *Vatrachas Et aspiciet in Tzïon oculus noster*: tùm de Apprehensione intellectus: ut, *Quod chasa vidit super Jehuda & Hierusalem*. Item, *Fuit verbum Domini ad Abraham bammachaseh in visione*. Et in hac significatione dictum est, *Vajechesu Et viderunt Deum*, quod animadvertendum.

## CAP. V.

*Non esse ad contemplationem rerum divinarum accedendum sine praeunte cognitione  
& intelligentiâ aliarum scientiarum,  
& sine emendatione vitæ.*

**Q**UÛ M incœpisset Princeps Philosophorum (*Aristoteles*) indagare, & demonstrationes exstruere in rebus profundis admodum, pro sui excusatione in hunc sensum scripsit; Lectorem librorum ipsius non audaciæ vel temeritati ejus id adscribere debere, mulò minùs ambitioni & arrogantia, ac si rem aggredieretur talem, cujus nulla haberi possit cognitio: quin potius convenire, ut id imputet fervori & studio, disciplinas certas ac solidas constituendi, quantum quidem in hac rerum humanarum infirmitate fieri potest. Idem & nos hic dictum volumus. Non enim oportet hominem in hanc gravem & nobilem materiam præcipitanter irruere in initio cogitationis suæ, priusquàm probè se in aliis scientiis & artibus exercuerit, mores suos benè emundarit, suosque affectus & concupiscentias

*Vide lib. 2. de Cael. cap. 12.*

*Quomodo studium hoc Divinum sit incipiendum.*

piscencias imaginarias mortificârît. Postquam autem Principia vera & realia intellexerit ac cognoverit, modos etiam ratiocinationum sive Syllogismorum & Demonstrationum, rationem item, quâ sibi cavere possit à seductionibus & fallaciis intellectus; tùm ritè incipere poterit has quoque res perferutari. At verò non arripiet statim primum quodvis, quod se obrulerit, & quod in mentem ipsi venerit: neque liberè nimis & securè vagari sinet cogitationes suas ab initio in Apprehensione Creatoris: sed verecundè & lentè hic procedet, donec singula benè considerârît & expenderit. Hac de causa scriptum est de Mose; *Et abscondit faciem suam: timebat enim* Exod. 3. 6. *aspicere in Deum.* Nam cum hoc ipso, quod commemoratur, visum illud ita perterrefecisse ipsum, ut non ausus fuerit respicere ad Lucem illam creatam & visibilem; simul quoque docetur, quòd oculi ejus Deum Opt. Max. omnis imperfectionis expertem apprehenderint, quæ res sanè in maximam ipsius cedit laudem, & quòd Deus ex bonitate sua effuderit super ipsum, quantum capere poterat, sicut dicitur; *Et similitudinem DOMINI aspiciet.* Unde Sapientes nostri Num. 12. 8. etiam dixerunt, hanc fuisse Retributionem ipsius, quòd faciem suam absconderit, ne videret Deum. Econtrà Optimates Israëlitarû, quia illocis manibus in hoc negotium irruerunt, & cogitationibus suis propriis locum dederunt, apprehenderunt quidem, sed apprehensione imperfectâ. Hinc dicitur de ipsis, *Et viderunt Deum Israël & sub* Exod. 24. 10. *pedibus ejus &c.* non verò solùm, *Et viderunt Deum Israël:* sic enim generaliter vel simpliciter declarâset, quòd aliquid viderint, non verò modum & rationem, quâ viderint. At verò specialiter & accuratè explicat mensuram apprehensionis ipsorum, quòd nempe corporeitatis tantùm (h. e. rerum corporearum, operum Dei) illa fuerit, quæ justissima fuit pœna temeritatis ipsorum, quòd huc prorupe- rint, antequam perfecti fuerunt. Unde etiam commeriti fuissent ut consumerentur: sed intercessit pro ipsis Moses, donec postea consumpti fuerunt in Tabera. Nadabh autem & Abihu consumpti Num. 11. 3. sunt in tentorio conventus, secundùm veram, quæ ad nos hac de re pervenit, traditionem. Quòd si ergo hoc fuit judicium illorum, quantò majus erit nostrum, qui ipsis sumus longè inferiores, & eorum, qui nobis adhuc sunt inferiores? Quocirca necessarium est, ut unusquisque nostrùm gnaviter desudet in acquirendis fundamentis ad hanc rem requisitis, & ad intelligenda principia illa, quæ Apprehensionem nostram ab omni pollutione, h. e. seductione & deceptione purgant, & tùm demùm ad castra hæc sancta & divina con-

[Exod. 19. 22.] *templanda accedat, sicut dicitur; Quin & Sacerdotes, qui accedunt ad Dominum, sanctificent se-se, ne forte dissipet eos Dominus.* Salomon quoq; mortalium omnium sapientissimus, sollicitè nos admonuit, ut cauti admodum simus, quando ad gradum istum pervenire conamur, dum ait, *Custodi pedem tuum, quando ibis ad domum Dei.* Verùm redeo nunc ad absolvendum id, quod aggressi sumus explicare, ac dico, quòd Optimates filiorū Israël, inter alias remoras & offendicula, quæ in Apprehensione ipsorum eis contigerunt, confusionem quoque senserint ex actionibus & voluptatibus suis corporalibus. Propterea enim dicitur; *Et viderunt Deum, & comederunt ac biberunt.* Verùm finis illius sermonis, quando dicitur, *Et sub pedibus ejus erat, velus* inf. p. 3. c. 4. & *opus lapidis sapphiri* &c. in aliis hujus libri capitibus explicabitur. p. 1. c. 28. Intentio nostra tota, quam hic intendimus, est, quòd verba hæc *Videndi, Raah, Chasab, Hibbit*, quando in hoc argumēto occurrunt, intelligenda sint de Apprehensione Intellectus, non de Visione oculi. Non enim fert essentia Dei, ut oculi corporis eam apprehendant. Quòd si verò quis sit, qui ex ingenii tarditate & tenuitate non possit pertingere ad gradum istum, ad quem illum evehere conamur, & statuat omnes istas voces de Apprehensione sensibilis loqui, ut de Luce aliqua creata (*h.e. de Apparitione visibili Majestatis divine*), vel de Angelis, nullum inest periculum.

CAP. VI.

*In quo explicantur* אַח אַח Vir, & אִשָּׁה Iffcha  
Fœmina: item אַח Ach Frater, &  
אָחוּת Achoth Soror.

אִשָּׁה & אָחוּת  
explicantur.  
[Genes. 7. 2.] **D**UO ista nomina *Isch* & *Ischah*, attribuuntur primò mari & fœminæ inter homines: deinde accommodantur etiam omni masculo & fœmellæ ex cæteris speciebus animantium: ut; *Ex omni jumento mundo accipies tibi septena Isch veischo virum & mulierem ejus, h.e. masculum & fœmellam ejus.* Præterea accommodatur etiam *Ischah* ad quamvis rem, quæ apta & idonea est, ut cum alia conjungatur: ut; *Quinq; cortina erunt conjunctæ, Ischah el achotah, h.e. altera cum altera.* Unde etiam manifestum tibi fit, duas istas voces *Ach* frater & *Achoth* soror, similiter æquivocè dici, eo modo quo *Isch* & *Ischah*.

## CAP. VII.

*In quo explicatur verbum נָלַר Nasci,**Pārere.*

**Q**UOD per hanc vocem *Salad* intelligatur, notum est, Partus scilicet: ut, *Vejaledu Et pepererint ei filios.* Deinde verò transfer-  
 tur etiam ad *Existentiā* vel *Creationem* rerum naturalium: ut, *Antequam montes julledu nascerentur*, h. e. producerentur, vel existerent.  
*Insuper* refertur ad res ex terra germinantes, quæ germinare faciunt omnia, perinde ac si ea pareret, sicut dicitur, *Veholidah vehizmichah Et parere facit eam, ac germinare facit eam.* Præterea accommodatur ad novitates, h. e. eventus temporis, quasi illi essent res quæ nascuntur; ut, *Quia nesci quid teled paritura sit dies.* Porro etiam ad cogitationes, & sententias ac opiniones ex illis ortas & natas, accommodatur, sicut dicitur, *Vejalad Et pariet mendacium.* Ex quo sensu est & illud, *Ubejalde Et in natu alienigenarum acquiescunt*, h. e. in sententiis, scientiis, opinionibus illorum, in quam sententiam *Jowathan Uzielis Filius* transtulit, *Et in legibus gentium incedunt.* Atque hoc sensu is, qui alium docet rem aliquam, vel qui sententiam quandam alicui communicat, habetur ac si genuisset ipsum, quatenus nempe auctor est illius sententiæ & opinionis. Hinc dicti sunt Discipuli Prophetarum, Bene Filii Prophetarum, sicut explicabo in Homonymia vocis *Ben Filius.* Hoc sensu quoque dictum est de Adamo; *Vixit autem Adam triginta & centum annos, Vajoled & genuit in imagine sua, in similitudine sua.* Quid sit *In imagine sua, In similitudine sua*, suprà tibi explicatum est. Reliqui enim omnes filii (Adam) qui præcellerunt ipsum (Seth scilicet de quo sermo est in citato versu) non habuerunt Formam humanam veram (proprie sic dictam), Formam nempe & imaginem illam hominis, de qua dictum est, *In imagine Dei & similitudine ejus.* Verum Seth, postquam eruditur & instituit ipsum (Adamus,) perfectus existit in perfectione humanâ, sicut de eo dicitur, *Et genuit in imagine sua, in similitudine sua.* Unde colligere potes, illum, qui istâ formâ caret, non esse hominem, sed bestiam sub specie & forma humana: nisi quod peculiarem habeat potentiam in omnibus speciebus malorum & damnorum, quam reliqua non habent animantia, (h. e. quod magis & gravius possit ledere quàm illa). Nam quando Intellectus & ratio, quæ illi ad perfectionem assequendam data sunt, illam non assequuntur, cum abutitur iis ad omnis generis perniciofa consilia, &

*Verbum נָלַר*  
*Pārere.*  
*Deut. 21. 15.*  
*Psal. 90. 2.*

*Jesa. 55. 10.*

*Prov. 27. 1.*

*Psal. 7. 15.*

*Jesa. 2. 6.*

*Discipuli Prophetarum cur Prophetarum Filii dicantur.*  
*Genes. 5. 3.*  
*cap. 1.*

*Homo Intellectu carent, non est Homo.*



## CAP. IX.

*In quo explicatur vox Kisse  
Solum.*

Q U I D hæc vox principaliter ac primò in hac Lingua signi-  
 ficet, notum est, (*Solum nempe vel Thronum Regalem*). Quia  
 verò in Solio sedere solent Magnates & Potentes, ut Reges vel  
 Principes, ideò docet nos hæc vox Kisse *Solum* de Magnificèntia,  
 Potentia & Dignitate ejus, cui attribuitur. Sic vocatur Sanctua-  
 rium Kisse *Solum*, ut sc. indicetur Potentia ejus, qui in illo se revela-  
 vit, & quibì splendorem & gloriam suam collocavit, sicuti dicitur;  
 Kisse *Solum gloria*, *alt. do à principio, locus Sanctuarii nostri*. Eandem  
 ob causam vocantur Cœli Kisse *Solium*, quòd eum, qui illos contem-  
 platur & considerat, doceant de Potentia Creatoris ac Motoris illo-  
 rum, & Gubernatoris Mundi istius inferioris, dum largiter ex illis  
 dona sua effundit; ut, *Sic dicit Dominus, Cælum Kissi solium meum est,*  
*& terra scabellum pedum meorum.* Vult dicere, Illi docent de essentia,  
 fortitudine & potentia mea, veluti folium, quod Principi alicui præ-  
 paratum est & competit. Atque hoc necessariò credendum est om-  
 nibus Veritatis studiosis & sectatoribus: non verò quasi corpus  
 aliquod esset, in quo feratur Deus Benedictus. Demonstrabitur enim  
 tibi, Deum non esse corpus vel corporeum, & per consequens non  
 habere locum, aut habitaculum pro corpore. Quare intelligenda  
 sunt ista, prout modò explicuimus. Omnis enim locus, quem Deus  
 ad manifestationem splendoris & gloriæ suæ destinavit, vocatur  
 Kisse *Solum*. Multò latius verò extenditur & usurpatur in illo,  
 Quia manus super Kes-jah *solium Domini* (vel *Dominum*). Intelligitur  
 enim ipsa Dei potentia, vel robur & magnificèntia, quæ non existi-  
 manda sunt esse aliquid extra ipsius essentiam, vel creatum quip-  
 piam, ita ut Deus sit nonnunquam sine folio, quandoque verò cum  
 folio. Hæresis enim est hæc sine dubio. Explicavit hoc nobis Jere-  
 mias, dum ait, *Tu Domine in seculum permanebis, Kissacha solium tuum*  
*in generationem & generationem.* Docet enim nos, quòd (*Solum* sc.)  
 sit res à Deo inseparabilis. Quare hic & in omnibus aliis locis si-  
 milibus vox Kisse significat Magnificèntiam & Potentiam ipsius,  
 quæ non sunt aliquid extra ipsius essentiam, sicut  
 in aliis hujus Libri capitibus de-  
 clarabitur.

Kisse Soliū quid  
 significet. &  
 quomodo Deo  
 attribuitur.

Sanctuarii cur  
 vocetur Soliū.

Jerem. 17. 12.

Cœli cur vo-  
 centur Solium,  
 Thronus.

Jesa. 60. 1.

Exod. 17. 16.

Thren. 5. 19.

*In quo explicantur voces ירד Jarad Descendere  
& עלה Alah Ascendere.*

**I**AM præfati sumus, cum vocem aliquam æquivocam & homonymam (qua Deo sc. attribuitur) explicandam suscipimus in hoc Libro, institutum nostrum minimè esse, omnes illius significationes commemorare: (nò enim occupatus est hic Liber in Lingua explicanda) sed eas tantùm, quæ necessariæ nobis videbuntur ad Propositi nostri rationem, & nihil præterea. Ex illarum igitur numero sunt duo quoque ista verba *Jarad* & *Alah*, quorum sensus & significatio est notissima.

ירד Descendere, & עלה Ascendere, quid significant, & quo sensu Deo attribuantur.

Quando enim transfertur vel movetur corpus de loco (*superiore*) in locū inferiorem, dicitur *Jarad Descendere*: quando verò transfertur è loco inferiore in altiorem & superiorem, dicitur *Alah Ascendere*.

Deinde Metaphoricè transferuntur voces istæ ad *Magnificentiam* & *Potentiam*. Hinc quando deprimitur vel diminuitur Dignitas alicujus, dicitur *Jarad Descendit*: quando verò extollitur & exaltatur, dicitur *Alah Ascendit*. Sic dicit Deus, *Peregrinus qui est in medio tui, jaaleh ascendet super te supernè, & tu descendes*. Item: *Et constituet te Dominus Deus tuus eljon* (quod est ab *Alah*) *superiorem omnibus gentibus terra*. Sic, *Et magnificavit Deus Salomonem lemaaleh summè, excellenter*. Sic nostri sæpè usurpare Rabbinos nostros, ut in illo, *Ascendere faciunt in sanctitate, & non faciunt descendere*.

Præterea usurpantur etiam de *speculatione animi*. Quando enim quis cogitationes suas convertit ad rem vilem & abjectam, dicitur *Jarad Descendere*: quando autem ad res sublimes & præstantes cogitationes suas convertit, dicitur *Alah Ascendere*.

Insuper, quandoquidem genus humanum in infimo loco, infimoque gradu constitutum est respectu Dei: ipse autem Deus in supremo gradu, non quidem ratione loci, sed ratione Essentiæ, Majestatis, & Potentiæ, ideò quando ipsi placet sapientiam largiri alicui, vel Prophetiæ donum super quosdam ex nobis effundere, vocatur *Mansio Prophetiæ* super aliquo, vel *Habitatio Majestatis* & *Præsentia Divinæ* in loco aliquo, *Descensio*: & è contrario, *Ablatio Prophetiæ* ab homine, aut *Recessio Majestatis Divinæ* è loco quopiam, *Ascensio*. Ita ferè semper accipiendæ & intelligendæ sunt hæ voces *Jarad* & *Alah*, quando attribuantur Deo Opt. Maximo.



Ad hæc, quando plaga super gentem aliquam vel clima aliquod terræ descensura est juxta voluntatem Dei antè jam per Prophetas denunciata, qui dixerunt, Deum visitaturum opera ipsorum, (nisi resipiscant): & quando postea eam Deus infligit, dicitur *Descendere*. Nam nisi antè significaret se hoc facturum, & ita ipsis voluntatem suam notam faceret, nimis indigni & abjecti essent homines, quàm ut opera ipsorum visitaret & puniret. Hoc nobis in libris Prophetarum ipsorum declaratur, quando dicitur; *Quid est homo, quòd recorderis ejus, & filius hominis, quòd visites eum?* Hic enim sensus in verbis istis innuitur. Atque hinc appellatur ista res Jeridah *Descensio*: ut, *Age, Neredah descendamus & confundamus ibi labia eorum*. Item, *Vajered Et descendit Dominus, ut videret*. Item, *Eredah Descendam nunc & videbo*. Omnia hæc significant Pœnam hominum.

Psal. 8. 5.

Gen. 11. 7.

Ibid. 15. 5.

Gen. 18. 21.

Verùm significatio quoque prior, de Prophetia sc. & Gloria, non est infrequens; ut, *Vejaradti Et descendam & loquar tecum ibi*. Item, *Vajered Descenderat autem Dominus super montem Sinai*. Item, *Vejered Et descendit Dominus in oculis totius populi super montem Sinai*. Item, *Vajaal Et ascendit ab ipso Deus*, h. e. *Et ascendit Dominus de Abrahamo*. Sed illud, quod dicitur, *Et Moses alah ascendit ad Deum*, est ex significatione tertia, (Ascensionis nempe Intellectus, & speculationis) conjunctum cum eo, quòd etiam ascendit in cacumen montis, super quem descendit Lux vel gloria creata, (h. e. cum de ascensu Moysi corporali in montem, in quo visibilis erat Majestas divina, cum de Ascensione Intellectus ipsius intelligendum est); nequaquam autem, ac si Deus Benedictus ipse haberet talem locum, in quem quis possit ascendere, vel è quo possit Ipse descendere, sicut fatui & imperiti existimant.

Num. 11. 17.

Exod. 19. 20.

Ibid. v. 11.

Gen. 35. 13.

Exod. 19. 3.

## CAP. XI.

*In quo explicatur vox יָשָׁב Jafschabh*

*Sedere.*

**P**RIMò omnium vox hæc in Lingua nostra usurpatur de *Sessione* hominis in certo aliquo loco: ut, *Eli autem Sacerdos Joschebh sedebat super Solium*. Et quia homo, qui sedet, in perfectissima, quam habere potest, quiete est & tranquillitate, ideò accommodatur vox ista ad quamvis rem, quæ tranquilla, quieta permanet, & non mutatur. Hinc, quando Israël promittitur, quòd in summo gradu firmi, quieti & stabiles permanfuri sint, dicitur, *Et exaltabitur, Vejaschebhah & sedebit vel permanebit in loco suo*. Sic etiam dicitur, *Moschibhi*.

יָשָׁב Sedere

quid significet.

1. Sam. 1. 9.

Zach. 14. 11.

Psal. 113. 9.

*Qui*

Quo sensu de  
Deo dicitur.

Psal. 102. 13.

Psal. 123. 1.

Psal. 2. 4.

part. 1. c. 56.

Malach. 3. 6.

Quo sensu Ver-  
bum Jalschabh,  
h. e. Sedere, de  
Caelis dicitur.

Jes. 40. 12.

Psal. 29. 10.

*Qui facit sedere sterilem in familia, ut sit mater liberorum letans.* Sensus est, qui stare & permanere facit eam. Et hoc posteriore sensu dicitur de Deo; ut, *Tu Domine in saeculum teschebb sedes.* Item, *Hajoschebbi Qui sedet in caelis.* Item, *Joschebb Sedens in caelis*, h. e. qui in æternum permanet, qui nullo planè modo mutatur. Non mutatione Substantiæ, quia præter eam nihil habet, in quod possit mutari. Neque etiam mutatur Attributio ipsius (i. e. quoad attributa): quia nulla est proportio inter Ipsum & inter alia omnia extra Ipsum, in quæ possit mutari attributio illa, sicut alibi explicabitur. Ideoque quia omnis omnino mutationis est expertus, est perfectissimus, sicut ipsemet expressè testatur: *Ego Dominus non muror.* Non enim est in eo ullius rei mutatio. Atque hoc sensu usurpatur verbum *Jaschabb*, quando sermo est de Deo Benedicto.

Attribuitur non paucis in locis etiam Caelis, quòd illi quoque mutationi & alterationi non sint obnoxii, h. e. quòd individua & singularia ipsorum non mutantur, quemadmodum mutantur individua Terræ, quæ generationi & corruptioni sunt obnoxia.

Sic, quando attribuitur Deus Benedictus (quæ attributio est æquivoca) speciebus Entium generationi & corruptioni subjectorū, dicitur quoque *Sedere*; quia species illæ non intereunt, sed semper permanent, ut singularia cælorum. Ita dicitur, *Qui sedet in circulo terræ*, h. e. qui perpetuò conservat super globo terræ, i. e. super concavitate ejus, res generationi subjectas, quæ continentur in illa concavitate. Sic dicitur, *Dominus ad confusionem, vel in confusione sedet*, *Jaschabh*. Sensus est; quamvis res terrestres mutantur & corrumpantur, tamen apud Deum nulla est mutatio; quia attributio illa, quæ Deus attribuitur rebus illis, quæ generantur & corrumpuntur, attributio est firma & stabilis, relata ad species, non ad individua.

Confidera hæc & deprehendes Verbum *Jaschabh* semper ita usurpari, quando dicitur de Deo Benedicto.

## C A P. XII.

### In quo explicatur verbum דיפ Kum

#### Stare, Surgere.

דיפ Stare, Sur-  
gere, quid si-  
gnificat, & quo  
sensu de Deo di-  
citur.

Est. c. 9.

**K**U M Vocabulum est æquivocum, cujus una significatio est *Stare, Surgere*, contrarium nempe תָּב Jalschabh *Sedere*: ut, *Et non Kam surrexist, nec movit se propter ipsum.*

Præterea,

Præterea, significat etiam Firmitatem & Veritatem, h. e. veram existentiam rei alicujus: ut, *Vajakem Et stabilivit Dominus verbum* 1. Reg. 3. 20. *Item, Vajakom Et sterit, confirmatus est ager Ephron.* Item, *Vekam Et stabit* Genes. 23. 17. *Et stabit (permanebit) domus, qua in civitate erit.* Item, *Vekam Et stabit* Levit. 25. 30. *in manu tua Regnum Israël.* Hoc sensu semper sumitur verbum *Kum*, 1. Sam. 24. 10. quando occurrit de Deo Opt. Max.: ut, *Nunc akum surgam, dic.* mi- Psal. 12. 6. *nunc, h. e. nunc confirmabo, stabiliam verbum meum, & promissiones,* ac comminationes meas (*de verbo ad verbum*, promissiones meas in bonum & in malum). Sic, *Tu Takum surges, misereberis Tzjonis*, h. e. Psal. 102. 14. *præstabis quod promissisti ei, Te sc. illius miserturum.*

Potèrò, quandoquidem is, qui conclusit & decrevit expedire vel facere rem aliquam, ad eam perficiendam per resurrectionem se accingit, idè de quovis, qui rem aliquam, quæcunque demum illa sit, aggreditur, dicitur, quòd *surgat*; ut, *Quòd surgere fecit (suscitavit) filius meus servum meum adversum me.* Atque hoc sensu accommodatur quoque ad Decretum Dei de perdenda gente aliqua, quæ pœnam est cõmerita; ut, *Vekamti Et surgam contra domum Jeroboami.* Item, *Et Amos 7. 9. surget contra domum malignorum.* Ac fieri potest, ut & hæc (suprà cita- Jesa. 30. 2. ta loca) ita sint capienda, *Surgam nunc.* Item, *Surges, misereberis Tzjo- Psal. 12. 6. nis, q. d. Surges contra inimicos ejus.* Psal. 102. 14.

Et hoc sensu quàm plurima occurrunt loca: non verò, ac si Deus roverà staret aut sederet. Absit. Hinc dicunt Rabbini nostri, beatæ memoriæ: *Suprà (in cælo) neq, est Jeschibhah sessio, neq, Amidah statio.* Verbum enim *Amad Stetit* sæpissimè adhibetur pro *Kam*.

### CAP. XIII.

#### *In quo explicatur verbum עמד Amad Stetit.*

**V**ERBUM *Amad* æquivocum est, significans primò ipsum *Stare* Verbum עמד re hominis: ut, *Beomdo Cùm staret coram Pharaone.* Item, *Si Stetit. jaamod staret Moses & Samuel.* Item, *Et ipse omed stabat juxta eos.* Genes. 41. 46. *Deinde usurpatur etiam pro Cessatione alicujus rei; ut, Veamedu Jerem. 15. 1. Et steterunt, & non responderunt ultra.* Item, *Vattaamod Et stetit, substi- Gen. 18. 8. tit à pariendo.* Jobi 32. 16. Gen. 29. 35.

Præterea notat Stabilitatem & Permanentionem, seu Durationem: ut, *Vejaamdu Ut stent diebus multis.* Item, *Poteris amod stare.* Item, Jerem. 32. 14. *Amad Stetit sapor ejus in eo, h. e. remansit, permanisit, nec mutatus est.* Exod. 18. 23. Jerem. 48. 11.

Psal. 111. 3. Item, *Iustitia ejus omedet stat in saculum*, h. e. stabilis est, permanet, durat.

Stare, quo sensu  
da Deo dicatur. Et hoc postremo sensu semper accipiendum verbum *Amad*, quando de Deo occurrit: ut, *Veamedu Et stabunt pedes ejus in monte olivarum*, h. e. stabiliuntur causæ ejus, i. e. causata, effecta ejus, prout hoc tibi expositurus sum, quando agam de Voce Regel *pes*. Illo quoque sensu dicit Deus ad Moysen, *Et in hic amod sta mecum*. Item, *Ego omed stabam inter Dominum & vos eo tempore*.

Zach. 14. 4.

inf. cap. 28.

Deut. 5. 31.

Ibid. v. 5.

## CAP. XIV.

### Explicatio vocis אדם Adam Homo.

Vocabulū אדם  
Homo.

**A**DAM Vox est æquivoca, & primò quidem Nomen est proprium primi Hominis, ac, ut Scriptura docet, derivatum à nomine *Adamah* Terra.

Genes. 6. 3.

Eccles. 3. 21.

Ibid. v. 19.

Deinde Nomen est generale totius speciei: ut, *Non disceptabis spiritus meus baadam cum homine*. Item, *Quis sit spiritum filiorum Adam hominum?* Item, *Et præstantia haadam hominis præ bestiu nulla*.

Tertiò specialius significat communem plebem & Multitudinem hominum, h. e. minorum gentium Deos, idiotas, non verò homines singulares è communi mortalium sorte quasi exemptos: ut, *Etiā filii Adam hominū, etiam filii viri*. Et in hoc tertio significato dictum est: *Et viderunt filii Dei filios haadam hominum*. Item, *V'erunt amen keadam sicut homo moriemini*.

Psal. 49. 3.

Genes. 6. 3.

Psal. 82. 7.

## CAP. XV.

### Explicatur נָצַב Nizzabh, יָצַב Jazabh

#### Stare.

נָצַב וְיָצַב ex-  
plicantur.

**N**IZZABH & Jazabh, etiam si diversæ sint radices, sensus eorum tamen unus idemq; est, prout ex universo eorum usu cognosces. Sunt autem æquivoca.

Primò enim nihil aliud significant quàm *Kum* State: ut, *Vetazzebh Stetit autem soror ejus procul*. Item, *Jitzazzebhu Adstant Reges terra*. Item, *Egressi sunt nizzabhim stantes*.

Exod. 2. 4.

Psal. 2. 2.

Num. 16. 27.

Deinde significant quoq; Stabilitatem, Firmitatem, & Perpetuitatem: ut, *Verbum tuum nizzabh stat in cælo*, h. e. stabile, firmum permanet. Sic usurpantur, quotiescunque occurrunt de Deo: ut, *Et ecce Domi-*

Psal. 119. 89.

Gen. 23. 13.

Domini

*Dominus nizzab habebat super illam*, h. e. firmus, stabilis permanens super illam, sc. scalam, cujus una extremitas est in cœlo, altera in terra, per quam ascendendum est cuiusvis, qui cupit ascendere, ut apprehendat eum, qui super illam stat: quandoquidem firmus perstat in vertice summo scilicet. Clarum enim est id, quod dico, Verba scilicet ista, *Ecce Dominus stabat super illam*, juxta hanc parabolam vel metaphoram esse intelligenda, ex sequentibus: *Et Angeli Dei ascendeant*. Per hos enim nihil aliud intelliguntur quam Prophetæ, sicut de illis expresse dicitur; *Et misit Angelum*. Item, *Et ascendit Angelus Domini de Galgal ad Bochim*. Quam appositum verò est, quod dicit, *Ascendeant & descendeant*, ascensionem descensionem præponendo! Nam post Ascensionem & assequutionem graduum cognitionis (*rerum sc. Divinarum*) in illa scala, fit Descensio ad res civiles, quâ ratione homines gubernari & doceri debeant, quod Descensionis nomine indigitar, *cap. 10.* suprà docuimus. Sed revertor ad institutum nostrum, quod sc. *Stabat supra illam*, nihil aliud significet, quam stabilis, firmus est; non verò stationem aliquam corporalem. Ex hoc sensu est quoque illud, *Venizzabhta Et stabu super petram*. Atque hic observa, *Nizzab habebat & Amad* *Exod. 33. 21.* idem denotare. Nam eodem pacto alibi legitur; *Ecce ego omed stabo coram te super petram in Horeb.* *Exod. 17. 6.*

*Propheta vocantur Angeli.*

*Num. 20. 16. Judic. 1. 1.*

# CAP. XVI.

## *Explicatio vocis זר Tzur Petra, Rupes.*

**N**OMEN *Tzur* æquivocum est, ac primò quidem est Nomen *Montis*: ut, *Vehikkita bazzur Et percuties Tzur.* *713 Rupes, Petra. Exod. 17. 6. Jos. 5. 1.* Deinde quoque nomen est duri cujusdam *Lapidis*: ut, *Cultros tzurim lapidum sive lapideos.*

Tertiò *Originem*, *Scaturiginem* seu *Venam* significat, unde lapides excinduntur; ut, *Aspicite ad zur venam, unde excisi estis.* Hinc transfertur ad cujuslibet rei originem & principium: idè postquam *Propheta* dixit, *Respicite ad zur*, subjungit, *Aspicite ad Abrahamum patrem vestrum &c.* Quasi dixisset; Quandoquidem scaturigo seu *vena* illa, è qua excisi estis, est *Abraham* pater vester, idcirco in ejusdem viis incedite, ipsius mores & virtutes imitemini, vestigiis ipsius insistite. Decet enim, ut natura ipsius *venæ* & *scaturiginis* existat in re, quæ inde est excisa. Atque secundum hunc sensum vocatur *Deus Benedictus Tzur*; quia est principium & causa efficiens omnium *Cui Deus vocantur Deus 713 Rupes.*

Deut. 32. 4.  
Ibid. v. 18.  
Ibid. v. 30.  
1. Sam. 2. 2.  
Jes. 16. 4.  
Exod. 33. 21.

rerum extra ipsum; ut, Hazzur Scaturiginis (Dei) opus est perfectum. Item, Hazzur Scaturiginis (Dei) qui te genuit, oblitus es. Item, Zuram Scaturigo ipsorum (Deus) vendidit eos. Item, Non est Zur scaturigo sicut Deus noster. Item, Zur Scaturigo seculorum est. Item, Et stabis super Zur scaturiginem. Subsiste hic, & considera probè hoc, quod dictum, Deum esse omnium rerum principium; nam hæc est porta, per quam ad ipsum (Deum vel cognitionem ejus) pervenitur, quemadmodum indicavimus in explicatione loci illius; Ecce locus mecum.

## CAP. XVII.

*Quare Prophetæ occultè & quasi per ænigmata loquuti sint tam de Opere Bereschith, quam de Opere Merkavah, h. e. de sapientia naturali & spiritali.*

De rebus Divi-  
nu testè est lo-  
quendum.

Philosophi &  
Gentiles occultè  
& anigmaticè  
de suis principijs  
docuerunt.

**N**O LI existimare, Sapientiam Divinam solùm à Plebe & Multitudine hominum esse occultandam: nam idem quoque judicium est de Sapientia naturali, sicut ostendimus tibi in Præfatione hujus libri ex illo trito, *Et in opere Bereschith ne in duobus quidem.*

Atque hoc non solùm fit apud nostros Doctores Legis: sed olim quoq; jam observatum est à Philosophis & Sapientibus inter Gentiles, qui occultârunt principia sua, & per ænigmata de iis loquuti sunt. Hinc Plato, & alii ante eum vocârunt *Materiam* Fœminam, & *Formam* Marem, seu Masculum. Nosti enim, tria esse principia eorum quæ generâtur & corrumpuntur, *Materiam*, *Formam* & *Privationem*, quæ perpetuò conjuncta est *Materiæ*: nisi enim *Privatio* *Materiam* ita comitaretur, non posset ipsa *Formam* recipere. Et hoc respectu *Privatio* quoque inter principia censetur. Quando autem forma accedit, tum *privatio* cessat; *privatio*, inquam, formæ illius, quæ accessit, & inducitur *privatio* alia, & sic in infinitum, sicut in *Physicis* explicatur.

Quòd si igitur hi in istiusmodi rebus, in quarum publicatione nullum est damnum aut periculum, metaphoricis verbis & similitudinibus in docendo usi sunt: quantò magis decet, ne nos, qui Legis Dei Doctores sumus, manifestemus ea, quæ pro vulgi intellectu nimis sunt difficilia, & pro quibus aliud quid, immò planè contrarium ejus, quod volumus, sibi possit imaginari.

Animadverte igitur & istud.

## CAP. XIIIX.

*In quo explicantur tria verba, קרב Karabh Ap-  
propinquare, נגש Nagasch Accedere, נגה Nagah  
Tangere, Attingere.*

**T**RIA ista verba, Karabh, Nagasch, Nagah, dicuntur primò de re Verba קרב, נגש, נגה, Accedere, Appropinquare, quid significet, & quomodo de Deo dicantur.

Quando igitur videtur corpus unum Appropinquare alteri, cum ad hoc exprimendum usurpatur primò Karabh; ut, Cum karabh appropinquasset ad castra. Item, Et Pharaonis hikribus appropinquare fecit se castra. Deinde, Nagah item sumitur de conjunctione corporis cum alio corpore: ut, Vattaggah Et tetigit pedes ejus. Item, Vajaggah Et tetigit os meum. Denique, Nagasch eodem modo de Motu locali usurpatur, ut cum vir ad alium virum accedit & movetur: ut, Vajiggasch Et accessit ad eum Jehudah.

Altera significatio horum verborum est Conjunctio mentis, & Contactus apprehensionis Intellectus, non loci. In hac significatione sumitur verbum Nagah, quando dicitur; Quia nagah attigit ad caelum judicium ejus. Sic Karabh, ubi scriptum est, Rem qua gravior vobis est, ad me takribhun appropinquare facietis, h. e. mihi notam facietis eam. Pariter quoque verbum Nagasch sic usurpatum legitur: ut, Vajiggasch Et accessit Abraham & dixit. Factum enim hoc est in visione Prophetiae & somnio Prophetico, sicut explicabitur alibi. Item, Propterea quoddam nagasch accedit populus iste ore suo & labiis suis. Sic accipienda sunt verba hæc Karabh & Nagasch, quotiescunque inveniuntur in libris Prophetarum de Deo & Creaturis ipsius, qualescunque illæ sint, (ita scilicet, ut vel hæc dicantur ad Deum accedere & appropinquare: vel Ipse ad illas). Deus enim Benedictus non est corpus, (ut fusè in hoc libro demonstratur), neque accedit vel appropinquat ad rem aliquam: neque etiam res alia appropinquare potest ad Ipsum (scilicet corporaliter): quia sublatâ corporeitate, tollitur quoque Locus vel Localitas, omnis item appropinquatio, elongatio, contactus, conjunctio, separatio, vicinitas &c. Nec opinor dubium esse tibi, quin ista loca, Karabh Propinquus est Dominus omnibus invocantibus eum. Item, Kirbhat Appropinquationem Dei volunt. Item, Kirbhat Appropinquatio Dei mihi est bona: non, inquam, opinor dubium esse tibi, quin ista loca

Exod. 32. 19.  
Exod. 14. 10.  
Exod. 4. 25.  
Jerem. 1. 9.  
Genes. 44. 18.

Jerem. 51. 9.  
Deut. 1. 17.


Gen. 18. 23.

Jesa. 29. 13.

Psal. 145. 18.

Jesa. 58. 2.

Psal. 73. 28.



Iof. 9. 16.  
Deut. 5. 27.  
Exod. 24. 2.

omnia intelligentur de Appropinquatione mentis, h.e. de Apprehensione mentali, non autem locali. Sic dicitur etiam, Kerobhim *Propinqui sunt ipsi*. Item, Kerabh *Appropinquas tu & audis*. Item, Veniggafch *Et accedat Moses solus, ipsi autem non jiggeschu accedant*. Quòd si verò tibi placeat illud, quod de Mose dictum est, *Et accedat &c.* accipere de Appropinquatione locali ad montem, in quo commorabatur tùm Lux, sive Gloria Dei, liberum tibi est: modò hoc fundamentum teneas, quòd, sive homo sit in centro terræ, sive in summitate sphæræ nonæ (si fieri posset), quòd, inquam, neque illic longiùs distet à Deo; neque hîc propinquior ipsi sit: sed quòd Appropinquatio ad Deum consistat in Apprehensione ejus, Elongatio verò in eo, quòd ipsum quis ignoret, vel non intelligat. Et hujus Appropinquationis & Elongationis multi sunt gradus: unus invenitur in hoc, alius in alio gradu. Quæ autem Apprehensionis sit præstantia & præcellentia, quæque illius differentia, in alio hujus libri capite explicabitur. Illud verò, quod dicitur, *Gah Tange montes & sumigabunt*, Meraphoricum est, & nihil aliud sibi vult, quàm, Tangere fac eos, vel, Pertingere fac ad eos Verbum tuum, sicut etiam in Jobo dicitur, *Gah Tange ipsummet*, h.e. Adduc plagam tuam super ipsum.

Psal. 144. 5.

Jobi 1. 5.

Hoc ergo pacto verbum *Nagab* in hac Lingua, unoquoque in loco, prudenter secundum sensum suum est discernendum. Quandoque enim intenditur eo Tactus corporalis: quandoque Contractus & Conjunctio mentis, apprehensioque rei alicujus, perinde ac si is, qui apprehendit rem aliquam, quam antea non apprehenderat, ad eam accederet, & longè ab illa antea abfuisset. Observa hoc ergo.

## C A P. XIX.

### *In quo explicatur, quid sit מל Male Plenum.*

מל Plenus,  
quid significet,  
& quomodo de  
Deo dicatur.

Gen. 24. 16.  
Exod. 16. 33.  
Ibid. 17. 22.  
Gen. 25. 24.  
Gen. 50. 3.

**M**ALE Vox est æquivoca, quæ usurpatur primò de corpore, quod in aliud corpus ingreditur, illudque implet: ut, Vattemale *Et implevit hydriam suam*. Item, Melo plenum *Homer*. Item, *Homer pro singulis*. Et sic sæpissimè.

Deinde sumitur de Complemento & Perfectione temporis alicujus certi & definiti: ut, *Vajimleu Et compleri sunt dies ejus, ut pareret*. Item, *Vajimleu Et compleri sunt ei dies quadragenta*.

Tertiò significat Rem, quæ omnibus numeris perfecta est & absol-



soluta : ut, *Umale Et plene benedictione Domini.* Item, *Umlle Et implevit eos sapientiâ cordi.* Item, *Vajimmale Et impletus erat sapientiâ & intelligentiâ & scientiâ.* Atque ex hoc sensu est, *Melo Plena est rota terra gloriâ ejus.* Sensus enim est, *Tota terra testatur de perfectione ejus & de ipso (ita ut gloria & laus ipsius perfecta sit in hac terra).* Item, *Et gloria Domini mille replevit tabernaculum.* Sicque semper intelligendum *to Male Plenum*, quando Deo attribuitur: non verò ac si Deus corpus haberet, quo locum aliquem impleat. Quòd si verò velis per *Gloriam Domini*, *Lucem creatam (h.e. visibile aliquod signum Majestatis Dei)* intelligere, quæ replevit tabernaculum, nihil erit absurdi.

Deut. 33. 23.  
Exod. 35. 35.  
1. Reg. 7. 14.  
Jef. 6. 3.

Exod. 40. 34.

## CAP. XX.

*In quo explicatur, quid sit Ram Altus, Excelsus fuit: גִּבּוֹר Nasa.*

**R**AM Vox est æquivoca, significans *Altitudinem loci*, & *Altitudinem gradus*, h.e. dignitatis, honoris, gloriæ.

Ex priori significatione est quod dicitur: *Vattatom Et exaltata est arca à terra.*

Ex secunda significatione sunt: *Harimoti Exaltavi electum è populo.* Item, *Propterea quòd harimoticha exaltavi te è pulvere.* Item, *Propterea quòd harimoticha exaltavi te de medio populi.* Atque ad hanc significationem semper referenda vox hæc *Ram*, quando de Creatore occurrit: ut, *Rumah Exaltare supra celos Deus.*

Explicatur duo  
verba דָּר &  
גִּבּוֹר, & quomo-  
do de Deo usur-  
pentur.

Gen. 7. 17.  
Psal. 89. 20.  
1. Reg. 16. 2.  
1. Reg. 14. 7.

Psal. 57. 6. 12.

Sic etiam Verbum *Nasab* similiter significat *Altitudinem loci*: & *Altitudinem gradus*, sive *Præstantiam* & *Excellentiam*.

Ex priori significatione est: *Vajilfu Et exaltârunt, elevârunt frumentum suum super asinos suos.* Et sic in hac significatione *Elevationis* & *Translationis* de loco in locum multa reperiuntur.

Gen. 42. 26.

Ex secunda significatione: *Vetinnasse Et exaltabitur regnum ejus.* Item, *Et portavit eos, vajenasse & exaltavit eos.* Item, *Quare tithnasse effertis vos?* Sic semper capiendum verbum *Nasab*, quando Creatori attribuitur: ut, *Hinnase Exaltato te judex terra.* Item, *Sic dixit excelsus: venissa & altus, sc. quoad altitudinem & magnificentiam gradus seu excellentiæ, non loci.*

Num. 24. 7.  
Jef. 63. 9.  
Num. 16. 3.

Psal. 94. 2.  
Jef. 57. 15.

Verùm Objectionem fortè hic quis mihi movebit ex eo, quod ajo, *Magnificentiam & Altitudinem gradus & excellentia*: dicendo, quomodo tam multas res attribui rei uni & simplicissimæ (Deo)?

At

At hoc quod attinet, explicabitur tibi aliàs, quòd apud eos, qui Deum perfectè apprehendunt, non nominetur nominibus & attributis multis: & quòd illæ denominationes vel illa attributa omnia, quæ docent de ipsius Potentia, Magnificencia, Fortitudine, Perfectiōe, Bonitate &c. ad unam rem redeant & referantur, nempe ad ipsius Essentiam: non ad aliquid extra eam, (*b.e. quòd illa omnia nihil aliud sint quàm ipsa Dei essentia*). De Nominibus autem sive Attributis Dei agemus in aliis capitibus. Propositum nobis tantùm fuit in hoc capite demonstrare, quòd duæ hæ voces *Ram* & *Nissa* non intelligenda sint de Altitudine loci: sed Excellentiæ & dignitatis, (*quando sc. Deo attribuntur*).

## CAP. XXI.

*In quo explicatur verbum עבר Abhar  
Transire.*

*Verbum עבר  
Transire.*

Genes. 33. 3.

Exod. 17. 5.

Exod. 36. 6.

1. Sam. 2. 24.

Gen. 15. 17.

Ibid. v. 12.

Exod. 12. 12.

Jerem. 23. 9.

1. Sam. 20. 36.

Exod. 34. 6.

**V**ERBUM hoc *Abhar* significat primò Translationem corporis localem, ac propriè quidem & principaliter Motum animantium secundùm longitudinem rectam & planam: ut, *Et ipse abhar transivit ante eos*. Item, *Abhar Transi ante populum hunc*.

Deinde accommodatur quoque ad *Trañum*, vel *Tractionem* vocis per aërem: ut, *Vajaabhiru Et transire fecerunt vocem per castra*. Item, *Non est bona fama, quam ego audio, quam maabhirim transire faciunt populus Domini*.

Tertiò dicitur de *Adventu splendoris & Majestatis divina visibilis*, quam Prophetæ viderunt in visione Prophetica: ut, *Et ecce furnus fumans, & lampas ignea, qua abhar transibat inter divisiones ipsas*. Factum quippe hoc fuit in visione Prophetica, ut colligitur ex principio illius historiæ, ubi dicitur, *Et sopor irruit super Abraham*. Hoc quoque sensu dictum est, *Veabharti Et transibo terram Aegypti*. Et sic alia his similia.

Quartò etiam transfertur ad eum, qui aliquid agit, & in eo modum excedit, terminosque transgreditur: ut, *Sicut vir abharo qui transivit vinum* (*b.e. qui in eo bibendo modum excessit*).

Quintò dicitur etiam de eo, qui simulat se hanc intentionem habere, & studiò ab ea aberrat ad aliam, quam sibi proposuit: (*vel de eo, qui aliquem a sua intentione abducit, aberrare facit, ac assentum reddit ad aliud quid*) ut, *Ipse autem jaculabatur sagittas lehaabhiro ut transire faceret eum*. Secundùm hanc translationem dictum est meo iudicio, *Vajaabhor Et transivit Dominus super faciem suam*, (*vel, Et transire fecit Deus*

Deus [Mosen sc.] *super faciem suam*): ita ut Affixum <sup>1</sup> in <sup>2</sup> *panav*, referatur ad Deum Benedictum. Hoc enim modo Rabbinī quoque nostri p. m. scripserunt, *panav* referri ad Deum Benedictum, ut videre est in *Haggadoth*. Verū non est hic locus illa adducendi: sufficit nobis, quod inde sententiæ nostræ aliquo modo robur accedat. Explicatio igitur loci illius hæc erit, ut mihi videtur: Mosen p. m. petiisse à Deo Apprehensionem illam, quam appellat Deus Visionem faciei, cum dicit; *Et facies mea non videbitur*: sed Deum, hac præteritā, promississe ipsi Apprehensionem aliam, quam cognominat Visionem posteriorum, dum ait, *Et videbis posteriora mea*. De hac ipsa re scripsimus quoque jam in Deuteriosi nostra, (*h. e. in libro Jad*) & diximus, quod Deus Opt. Max. absconderit à Mose Apprehensionem illam, quæ Visio faciei vocatur, & transire fecerit eum ad aliam, cognitionem sc. operum vel actionum sibi attributarum, quæ sunt illa Nomina sive Attributa Dei, (*tredecim illa Dei proprietates, secundum calculum Hebræorum, quas Deus in illo loco sibi adscribit*). Quod autem dixi; *Quod Deus absconderit ab ipso Apprehensionem unam*: id ita intelligi volo, quod illa Apprehensio naturā suā sit impossibilis & imperceptibilis, & quod omnis homo perfectus, cum præter id, quod intellectus ejus naturā suā potest capere, aliud quid sublimius apprehendere faragit, in apprehensione sua confundatur, aut certe moriatur, (quemadmodum in alio capite hujus libri explicabimus), nisi speciale ipsi adfuerit Dei auxilium, sicut de Mose dicitur, *Et propterea regam te manu meā, donec transiero, vel transire fecero* (*te sc. ab intentione quam habuisti, caput tuum longè superante*). Targum in his loquutionibus more suo agit. Quicquid enim occurrit, quod Deo corporeitatem videtur adscribere & attribuere, illud per ellipsin correlativi explicat, & attribuit alii cuidam rei, quæ ad Deum refertur, & deficit: ut, *Et ecce Dominus stabat supra eam*. Targum explicat, *Gloria Domini stabat supra eam*. Item, *Speculetur Dominus inter me & te*. Targum transfert, *Speculetur verbum Domini*. Atque ita perpetuò solet facere Interpretis ille p. m. Unde in præsentī quoque loco, ubi dicitur, *Et transivit Dominus super faciem suam*, ipse habet, *Et transire fecit Dominus Majestatem suam ante eum*. Juxta illum ergo, res illa, quæ transivit, erit sine dubio aliquid creatum, & Affixū Pronomen <sup>1</sup>. <sup>av</sup> in *panav* referendum erit ad Mosen, ut *al panav* idem sit, quod *lephanav* ante eum, quemadmodum in illo, *Et transivit munus lephanav ante eum*. Et hæc expositio Onkeli elegans quoque est & bona, quam Scriptura Sacra ipsa confirmare videtur, dum dicit, *Eris autem quum pertransibis*

Exod. 33. v. ult.

Ibid.

part. 1. c. 38.

part. 1. c. 32.

Exod. 33. 22.

Quomodo Targum solent corporeitatem à Deo removere.

Genes. 28. 13.

Gen. 31. 49.

Gen. 32. 21.

Exod. 33. 22.

*gloria mea.* Declarat enim, rem illam, quæ transivit, fuisse aliquid Deo attributum, non ipsammet ejus essentiam. Ac de ista Gloria (*cujus sc. in modò adductis verbis sit mentio*) intelligendum, quod statim subjungit, *Donec transiero.* Item illud, *Et transivit Dominus* al panav ante eum. Quòd si autem aliter fieri non posset, sed necessariò ellipsis relativì alicujus statuenda esset, quemadmodum Onkelos ubiq; fecit, nunc vocem *Jekara* Gloria, nunc *Memra* Verbum, nonnunquam *Schecchinah* *Majestas*, ejus loco ponens, pro ratione sc. uniuscujusque loci, tùm & nos correlativum ejusmodi deficiens dare possemus, Kol nempe, h.e. *Vox*, & locum illum ita explicare, *Et transivit vox Domini ante eum & clamavit.* De voce enim dici verbum hoc *Abbar*, antè

- Exod. 36.6. ostendimus ex illo loco, *Et transire faciebant vocem per castra.* Et sic Clamare attribuitur *Vox* erit illud, quod clamavit. Neque absurdum tibi hoc videatur, quòd *Clamor* vel *to Clamare* attribuitur *Voci*. Nam consimili planè modo, & iisdem verbis ei (*voci* sc.) attribuitur Loquutio Dei Num. 7.89. Benedixti; ut, *Audiebat vocem loquentem ad sese.* Quà ratione enim Sermo & Loquutio voci attribuitur, eàdem quoq; ipsi Clamor potest attribui. Quin-imò apertum habemus locum, in quo & *to Amar*, h.e. Loqui vel Dicere, & *to Kara* Clamare, voci attribuitur, ubi legitur: Kol *Vox* dicens clama. Et dixit (sc. vox illa), *quid clamabo?* Sic ergo juxta hanc expositionem, loci præsentis sensus hic erit: *Et transivit vox Domini ante eum, & clamavit, Domine, Domine, Deus fortis, misericors, graciosus, & geminatio illa, Domine, Domine, Vocandi vel Vocantis erit, ut in illo, Mosche, Mosche.* Item, *Abraham, Abraham.* Atq; hæc quoque expositio elegans satis est & commoda.

Non est autem quòd te offendar, quòd res ista adeò profunda & difficilis, plures interpretationes admittat. Hoc enim nihil obest proposito nostro, (vel: *Nihil enim detrimenti afferunt proposito nostro, de removenda sc. à Deo corporeitate*). Liberum tibi est, ex iis eligere & sequi quamcunque volueris, nempe; Vel, quòd totum hoc negotium mera sit Visio Prophetica; & quòd tam per id, quod petivit (*Moser*), quàm per id, quod ipsi denegatum est, & per id, quod apprehendit, tantum Apprehensiones Intellectuales intelligantur; quòd, inquam, hæc omnia sint Intellectualia, nec quicquam in illis sit sensibile, prout ab initio exposuimus: Vel, quòd ibi fuerit etiam Apprehensio sensualis, Visio sc., sed rei alicujus creatæ, per cujus visionem assequutus sit perfectionem Apprehensionis Intellectus, ut exposuit Onkelos, ita tamen, ut apprehensio illa Visionis non statuatur facta fuisse in Visione Prophetica, (b.e. in phantasia & im-

ginatione) sicut de Abrahamo dicitur: *Et ecce furnus fumans & lam-* Genes. 15. 17.  
*pas ignea, qua transivit inter divisiones illas:* Vel denique, quòd illi con-  
 juncta etiam fuerit Apprehensio auditus, ut nempe vox aliqua, &  
 quidem creata sine dubio, fuisse dicatur illud, quod transivit ante  
 faciem ejus (Mosis). Ex istis, inquam, sententiis elige quamcun-  
 que volueris. Omnes enim huc tendunt, ne credas, illud, *Et transivit*  
*lephanav*, intelligendum esse sicut, *Transi ante populum hunc*, (Exod. 17. 5.  
 Transitu sc. vel Transitione corporali). Deus enim Benedictus non  
 est corpus, neque competit ei Motus: ideoque non potest ipsi ver-  
 bum *Abbas* Transire, juxta primam significationem attribui.

CAP. XXII.

*In quo explicatur verbum וָבֹא Bo*  
*Venire.*

**B**O significat primò Adventum Animantium in locum ali- *בו* Venire.  
 quem, vel ad individuum aliquod: ut, *Ba Venit frater tuus* Genes. 27. 35.  
*per dolum.*

Deinde significat quoque Ingressionem vel Introitionem eorum-  
 dem in locum aliquem: ut, *Vajabho Et ingressus est Joseph domum.* Gen. 43. 24.  
 Item, *Cùm tabhou ingrediemini in terram.* Lev. 25. 2.

Tertio significat Adventum rei incorporeæ: ut, *Cùm jabho vene-* Judic. 13. 17.  
*rit verbum tuum, ut honoremus te.* Item, *Ab iis, qua ventura sunt super te.* Jesa. 47. 13.

Quartò transfertur etiam ad quasdam Privationes: ut, *Vajabho*  
*Et venit malum.* *Vajiabho Et venit caligo.* Ac secundùm hanc meta- Jobi 30. 26.  
 phoram, quâ transfertur ad id, quod est incorporeum, accommoda- *Quomodo attri-*  
 tur etiam Creatori, & quidem tùm ad Verbi, tùm ad Majestatis ipsius *buitur Crea-*  
 adventum, quo sensu dictum est: *Ecce ego ba venio ad te in densitate* *tori.*  
*nubis.* Item, *Quia Dominus Deus Israël ba venit in ea.* Et hoc pacto *Exod. 19. 9.*  
*omnia his similia intelligenda sunt de Majestate aliqua ejus visibili* *Ezech. 44. 2.*  
 & corporea: ut, *Uba\* Et veniet Dominus Deus meus, h.e. Veniet Verbum* Zach. 14. 5.  
*ejus, quasi diceret, Servabit promissa sua, quæ promisit per manus*  
*Prophetarum suorum.* Hoc enim sibi vult, dum porrò ait, *Et omnes*  
*Sancti tecum, q.d. Et veniet Verbum Domini Dei per manus*  
*omnium Sanctorum tecum, qui loquuti sunt*  
*ad Israël.*

*In quo explicantur verba נָצַח Jaza Egredi,  
Exire: שׁוּב Schubh Reverti.*

63) Egredi, Ex-  
ire.

**V**ERBUM *Jaza* oppositum est præcedentis verbi *Bo*, & significat *primò*, Exitum corporis è loco, in quo quiescebat, in locum alium, sive jam corpus illud sit animatum, live inanimatum: ut,

Gen. 44. 4. *Ipsi jazeu egressi erant ex urbe.* Item, *Cùm teze egressus fuerit ignis.*

Exod. 12. 6.

*Deinde*, transfertur ad *Ostensionem* vel *Manifestationem* rei incorporeæ: ut, *Verbum jaza egressum est ex ore Regi.* Item, *Cùm jeze egredietur verbum Regina ad omnes mulieres*, vult dicere, *Transgressio mandati Regis*, cui non parebat. Item, *Nam ex Tzizon egredietur Lex.*

Esth. 7. 8.

Esth. 1. 17.

Jesa. 1. 3.

Gen. 19. 13.

Item, *Sol jaza egressus erat super terram*, q. d. *Luminis ejus visio vel apparitio.*

Exire, quo sensu  
de *ujurpa-*  
*tur.*

Jesa. 26. 21.

Et secundum hanc significationem semper intelligendum verbum *Jaza*, quando attribuitur Deo *Benedicto*: ut, *Ecce Dominus jaze egredietur de loco suo*, h. e. *videre facit, ostendit, manifestat verbū suum*, quod nunc à nobis est absconditum, q. d. *fiat aliquid, quod antea non erat.* Quicquid enim creatur à Deo, id attribuitur verbo ejus: ut,

Psal. 33. 6. *Verbo Domini celi creati sunt, & spiritu ori: ejus omnis exercitus eorum*: similitudine desumptā ab operibus Regum terrenorum, quorum instrumenta in perficienda & exequenda sua voluntate, sunt verbum ipsorum. Deus autem *Benedictus* planè nullo eget instrumento, quo agat, sed opus suum solā voluntate perficit. Nullum etiam habet sermonem, prout explicabitur.

נָצַח Reverti.

Jesa. 26. 21.

Hof. 5. 15.

Deut. 31. 17.

Quemadmodum autem verbum *Jaza* accommodatur ad significandam *Manifestationem operis* alicujus divini, sicuti ostendimus ex eo, quod scriptum est, *Ecce Dominus egredietur de loco suo*: ita è contrario, verbum *Schubh* refertur ad *Ablationem* vel *Occultationem* illius, ex solā ipsius voluntate: ut, *Ibo veaschubh & revertar ad locum meum.* Significat enim *Ablationem* *Majestatis* vel *visibilis Dei præsentia*, quæ inter nos erat, quam sequitur *Privatio Providentiæ Dei* erga nos, sicut in *Comminatione* pœnæ Deus ait; *Et abscondam faciem meam ab eis, & consumentur.* Quando enim aliquid privatur *Providentiâ Dei*, tùm *exponitur* & *liberum* relinquitur omnibus accidentibus, quæ ipsi possunt contingere. Quia autem dura nimis est hæc *Comminatio*, ideò *Cognominatione* in ea exprimenda utitur Deus, dicendo, *Revertar in locum meum.*

## CAP. XXIV.

*In quo explicatur verbum הלך Halach**Ivit.*

**V**ERBUM *Halach* quoque est ex censu illorum vocabulorum, הלך Ambula-  
vit, Ivit.  
quæ *Motiones* significant proprias animantium, vel rerum  
animatarum: ut, *Jacob* verò *halach* *ivit* secundum viam suam. Et sic sæ- Genes. 32.1.  
piissime reperitur.

Deinde accommodatur ad Tractionem (motum) corporum, quæ  
subtilia magis sunt, quàm corpora animatorum: ut, *Aqua* verò *haju* Gen. 8.5.  
*haloch* *ibans* & *deficiebant*. Item, *Uthallech* *Et ibat ignis super terram*. Exod. 9.23.

Terrè transfertur ad Diffusionem, Extensionem & Manifestatio-  
nem rei alicujus, quamvis merè sit incorporea: ut, *Vox ejus quasi ser-* Jerem. 46.22.  
*pentis jelech ibit*. Sic, *Vox Domini Dei* *mithallech ambulans in horto*. Gen. 3.8.  
*Vox* enim est res illa, de qua dicitur, quòd ambulaverit in horto.

Et secundum hanc notionem est omne *Halach*, quod occurrit de Quo sensu de  
Deo suscipitur.  
Creatore: quatenus, inquam, transfertur ad rem incorpoream, si-  
gnificans vel Diffusionem rei alicujus, vel Recessionem Providen-  
tiæ Dei, cui planè similis est Discessio vel Ablatio animatorum à re  
aliqua, vel è loco aliquo, quæ fit per *halichah* Itionem. Quemadmo-  
dum enim Ablationem Providentiæ suæ exprimit per Absconso-  
nem faciei suæ, dicens, *Ego* verò *haster astir panaj abscondendo abscon-* Deut. 31.18.  
*dam faciem meam in die illa*: sic etiam exprimit eam quandoque per  
*Halicha* Itionem, quæ nihil aliud est, quàm Recessio à certa re aliqua:  
ut, *Elecha* *ibo* & *revertar ad locum meum*. In illo autè, quod dicitur, *Et* Hos. 5.15.  
*exarsit furor Domini in eos, vajelech* & *ivit*, ambæ sunt significationes Num. 12.9.  
simul, Ablatio sc. Providentiæ Dei, quæ Itionis nomine indigitatur,  
& Diffusio, Revelatio vel Manifestatio rei alicujus, Iræ videlicet  
dei, quæ *ivit* & sequuta est illos, propter quam *Mirjam leprosa facta* Ibid. v. 10.  
*dicitur sicut nix*.

Denique accommodatur hæc vox ad Mores & consuetudines,  
quæ solà mente, sine motu corporis perficiuntur: ut, *Vehalachra* Deut. 28.9.  
*Et incedes in via ejus*. Item, *Post Dominum Deum vestrum* Deut. 13.4.  
*telechu ibitis*. Item, *Venelecha* *Et ibimus* Jesa. 2.5.  
*in luce Domini*.



*In quo explicatur verbum ꝑꝑ Schachan  
Habitare.*

ꝑꝑ Habitavit. **V**ERBUM hoc, ut notum est, significat Continuationem stationis, h. e. Commorationem in loco aliquo: ut, *Ipse autem schochen habitabat in quercubus Mamre.* Item, *Et fuit bishkon cum habitaret Israël.* Et hoc apertum est & manifestum. Habitare enim in loco aliquo, nihil aliud est, quàm continuò in illo stare, seu permanere. Nam quando animantia diù in aliquo loco, sive Communi, sive Proprio subsistunt, dicitur de iis, quòd habitent in loco illo, non obstante, quòd in illo nonnunquam hinc inde moveantur: ut, *Abraham schochen habitabat in quercubus Mamre.* Item, *Et fuit cum habitaret Israël, bishkon.*

Deinde verò accommodatur etiam ad res Inanimatas, adeoque ad omne id, quod constanter & assidue permanet in re aliqua, licet illa res, in qua altera manet, non sit locus: neq; etiam vox illa, quæ permanet, sit animata: ut *Tischkon Habites super illam* (diem sc.) *nubes.* Hic enim manifestum est, nubem non esse quid animatũ, neq; diem esse corpus, vel rem corpoream, sed partem temporis.

*Quo sensu de  
Deo dicatur.*

Atq; secundum hanc usurpationẽ attribuitur etiã Creatori: ad exprimendũ sc. Habitationem vel Cómorationem Majestatis & Providentię ipsius in loco aliquo. Ubicunq; enim Majestatis & Præsentię suę signa collocavit, aut ubicunq; habitare facit Providentiã suam, ibi dicitur *Habitare*: ut, *Vajischkon Et habitavit gloria Domini.* Item, *Veschachanti Et habitabo in medio filiorum Israël.* Item, *Ob voluntatem schocheni inhabitatoris rubi.* Quare in quocunque loco actio hæc (*Habitatio*) invenitur attributa Creatori, significat Commorationem Majestatis ipsius, h. e. Glorię creatæ in loco aliquo, vel Providentiam Divinam in re quapiam, pro ratione sc. uniuscujusq; loci.

## CAP. XXVI.

*Cur Lex Anthropopathiis usa sit.*

*Loquitur Lex  
per Anthropopa-  
thias.*

**N**O T A est generalis illa Regula, quæ inservit ad explicationem omnium loquendi rationum, quæ in hoc negotio occurrunt: *Loquitur Lex secundum linguam filiorum hominum.* Cujus sensus est: Quicquid homines ab initio cogitationis suę intelligentiã & imaginatione suã possunt assequi, id in Scriptura attribuitur Creatori.



ri. Hinc describitur per attributa & nomina corporea, ut doceatur ipsum esse Ens: vulgus enim hominum non apprehendunt ab initio cogitationis Entitatem vel Essentiam, nisi in rebus corporeis.

*Cur Deo attributa & nomina corporea ascribantur.*

Unde quicquid non est corpus, vel res in corpore existens, non creditur ab eis esse vel existere. Sic etiam quicquid à nobis pro perfecto habetur, id quoque attribuitur Deo Benedicto, ad docendum, illum omnibus numeris & gradibus esse perfectissimum, nullumque in ipso esse defectum vel privationem.

*Perfectiones humanae Deo cur attribuantur.*

Econtrariò autem nihil eorum Deo attribui legimus, in quibus vulgus hominum imperfectionem aliquam esse existimat. Ideò non describitur Deus, quòd edat, bibat, dormiat, ægroter, &c. sed per ea tantum, quæ pro perfectionibus ab hominibus habentur, quæ, licet nostri respectu sint perfectissima, ipsius tamen ratione sunt in summo imperfectionis gradu. Sed existimant, si humanæ illæ perfectiones à Creatore separarentur: magnam ipsius Naturæ imperfectionem illatum iri. Sic nostri Motum recenserunt inter perfectiones Animalium, atque etiam necessarium esse ad perfectionem illorum. Quemadmodum enim continuè opus habent cibo & potu, ad compensationem ejus, quod quotidie illis decedit: sic quoque opus habent Motu, ad id, quod ipsis bonum est, vel cui assueti sunt, persequendū, & ad malum fugiendū.

*Cur Deo non attribuantur Edere, Bibere, Dormire &c.*

Unde per se nihil interest, siue cibum & potum, siue motum Creatori attribuas: sed tantum secundum linguam filiorum hominum, h. e. secundum imaginationem vulgi, apud quos Comedere & Bibere Imperfectiones sunt, Motus verò minimè: cum tamen & ipse necessariò præsupponat Imperfectionem. Demonstratū enim est, quòd quicquid movetur, sit corporeum & divisibile. Deinceps verò declarabitur tibi, Deo, cum sit incorporeus, nec motum, nec quietem competere. Quies enim nulli rei competit, nisi ei, quæ moveri potest. Quare omnia ista Nomina, quæ Motum animantiū significant, attribuantur Creatori, eo modo, quo diximus: ut, e. g. quādo Vita ipsi attribuitur, vel quando dicitur vivere. Motus enim accidens proprium est animantium.

*par. 2. in præfat.*

Quando ergo à Deo removeretur corporeitas, tūc omnia quoque ista ab ipso removebuntur, videlicet Descendere, Ascendere, Ambulare, Scare, Circumire, Sedere, Habitare, Egredi, Venire, Transire & similia. Atque hæc paullò fusiùs, prout nos fecimus, declarare, utile & necessarium est, non solum propter vulgus, qui istiusmodi opinionibus imbuti sunt, sed & propter eos, qui ad perfectionem humanam contendunt, ut ab ipsis tollantur cogitationes istæ, quæ cum ipsis adolescentiæ annis incipiunt.

## CAP. XXVII.

*Quàm cautus & diligens fuerit Onkelos in removenda à Deo corporeitate. Differentiam esse inter Prophetiam somnii, Visionem, & inter id, quando dicitur: Et fuit verbum Domini ad me, dicendo &c.*

*Onkelos diligens fuit in removenda à Deo corporeitate.*

ONKELOS Profelytus, vir perfectissimus in Lingua Hebræa & Chaldaica, diligentiam & industriam suam inter cætera quoque in removenda corporeitate à Deo gnaviter admodum comprobavit. Omnia enim Attributa vel Nomina, in Scriptura Deo attributa, quæ corporeitatem inducere videntur, ipse secundum verum & genuinum illorum sensum exposuit. Hinc quando in vocem incidit, quæ *Morum* aliquem designat, tùm loco *Morum* posuit *Apparitionem* vel *Manifestationem splendoris alicujus creati*, h. e. *Majestatis vel Providentiæ Divinæ*. Ita interpretatur, *Jarad Descendit Dominus*, per, *Jitgele Revelabit se Dominus*. Item, *Vajered Et descendit Dominus*, *Vajitgele Et apparuit*, non verò, *Unechar Et descendit*. Item, *Eredah na Descendam nunc & videbo*, per, *Revelabo me & videbo*. Atque hoc perpetuum est in ipsius Translatione.

Exod. 19. 18.

Gen. 11. 5.

Gen. 18. 11.

Gen. 46. 4.

At verò illud, *Ego eredah descendam tecum in Aegyptum*, ipse de verbo ad verbum interpretatus est, *Ego echut descendam tecum*, quod mirabile est. Sed discimus inde magnam Viri istius perfectionem, præstantiamque interpretationis ejus, quomodo singula intellexerit, prout intelligenda & capienda sunt. Revelavit enim nobis per hoc Targum rem magnam, ad Prophetiæ negotium spectantem, ut videlicet attendamus ad principium illius Narrationis, quod ita habet: *Loquutus est Deus ad Israël in visionibus noctis, & dixit, Jacob, Jacob: & respondit &c. Et dixit, ego &c. Ego descendam &c.* Nam postquam ex principio istius historiæ collegit, omnia illa in Visionibus noctis facta esse, non dubitavit singula, quæ in Visione dicta sunt, iisdem verbis referre. Atque talis narratio vera est. Refert enim tantum id, quod dictum est ei (*Jacobo*), non quod reverà accidit, quale est illud, *Et descendit Dominus in montem Sinai*, quod narratio est ejus, quod reverà factum est, unde etiam id per Apparitionem vel Revelationem transtulit, sicq; à Deo removit, quicquid de *Motus* est essentia.

\* Exod. 19. 20.

Res autem Imaginarias quod attinet, est Narratio ejus, quod alicui dictum est, eas reliquit prout sunt, quod mirandum. Admoneris verò inde, magnam esse differentiam inter id, de quo dicitur, *In somnio*, aut, *In visionibus noctis*, & inter id, de quo dicitur, *Bemachase ubemareh In visione*, & inter id, de quo simpliciter & absolute dicitur, *Et fuit verbum Domini ad me, dicendo*, vel, *Et dixit Dominus ad me, dicendo*. Cæterum, fieri quoque potest meo judicio, ut Onkelos per vocem *Elohim*, Angelum intellexerit, ac proinde non dubitavit transferre, *Ego descendam tecum*. Neque incredibile tibi videatur, *Elohim* ibi fuisse Angelum, eò quòd dicit, *Ego sum Deus, Deus Patrius tui*. Nam fieri potest, ut illa verba prolata sint (à Deo) per Angelum. Nónne enim vides, quòd idem ille, de quo dicitur, *Et dixit ad me Angelus Domini in somnio, Jacob*, *Et respondi, adsum*, quòd, inquam, idem ille in fine illius narrationis dicat, *Ego Deus Bethel, ubi unxisti statuam, ubi vocasti mibi vocem?* Nullum autem est dubium, Jacobum Deo, non verò Angelo votù fecisse. Verùm nihil novi hoc est in libris Prophetarum, ut narrentur verba illa, quæ Angelus Dei nomine loquitur, ac si Deus ipse illa proferret. Quare illa omnia intelligenda sunt per ellipsin relativi alicujus, ac si diceretur, *Ego sum legatus Dei patris tui: tulisses. Ego sum legatus Dei, qui apparuit tibi in Bethel* &c. Talia multa occurrunt, quando agemus de Prophetia ejusque gradibus, item de Angelis, secundum intentionem hujus libri.

Verba ab Angelis prolata ita sapienter narrantur, ac si Deus illa prolatusset.

## CAP. XXIIIX.

*In quo explicatur Nomen רגל Regel Pes.*

**R**EGEL Vox est æquivoca, significans primò Pedes Animantium: ut, *Regel tahat regel Pedem propede*. Exod. 21. 24.

Deinde transfertur ad rem, quæ post aliam sequitur: ut, *Egrederere tu, & omnis populus, qui est beraglecha in pedibus tuis*, h.e. qui sequuntur te. Exod. 11. 8.

Tertiò significat quoque Causam: ut, *Et benedixit tibi Dominus leragli ad pedem meum*, h.e. mei causæ, vel propter me. Quando enim aliquid est propter rem aliam, vel vi alterius alicujus rei, tùm res illa ejus est causa. Et sic sæpè occurrit, ut, *Leregel hammelacha, uleregel hajeladim Ad pedem gregi, & ad pedem puerorum*, h.e. propter gregem & propter pueros. Sic, *Et stabunt pedes ejus in die illa super montem olivarum*, h.e. stabunt causæ, vel potiùs causata ipsius, h.e. miracula, quæ tùm conspiciuntur in loco illo, quorum Deus Benedictus causa esse efficiens. Ad hanc interpretationem inclinat Jonathàn F. Uziel p.m. *Et revelabit se cum potentia sua, in die illa, super*

*montem olivarum.* Et sic transferre solet alia quoque hujus generis.

Exod. 24. 10. Quod vero attinet locum illum, ubi dicitur, *Et sub pedibus ejus erat velut opus albedinis lapidum Sapphiri*, ibi Onkelos vocem *Raglav* pedes, exposuit, ac si cognomen esset Solii. Sic enim ait, *Et sub throno gloria ejus.* Observa autem hic iterum & admirare, quàm diligenter & accuratè Onkelos corporeitatem à Deo removeat, & quicquid eam, etiam de longè, inducere aut confirmare videtur. Non enim dicit, *Et sub solio ejus*: quia si Solium Deo ipsi attribuisset, primà fronte visum fuisset inde sequi, Deum solio aliquo fulciri, atque ita corporeitatem in ipso esse: verùm attribuit Solium, Gloriae ipsius, h.e. Majestati, quæ est lux aliqua creata. Sic in Targum illius loci, *Quia ma-*

Exod. 17. 16. *nus super solium Jav*, ait, *Coram Deo, cujus Majestas est super throno gloria.*

Jerem. 17. 12. Et sic omnium consensu intelligendum quoque illud, *Solum gloria.* Sed hæc præter scopum: quare ad institutum nostrum revertor. Dico ergo, finem Onkeli, in Translatione loci adducti, fuisse tantùm remove à Deo corporeitatem, non verò declarare & exponere, quid nam assequuti sint (*Optimates scilicet filiorum Israël*), vel, quid illa parabola sibi velit. Atque ita ubique ferè solet facere, ut non temerè ingrediatur vel immisceat se in rem hanc (*ad explicandas videlicet Parabolas & Similitudines*), sed remaneat in removenda corporeitate: quia Remotio corporeitatis, res est Demonstrativa & ad fidem necessaria; unde ibi liberè sententiam suam pronunciat, prout res ipsa postulare videtur. Explicatio autem Parabolarum, res est incerta & dubia: fieri enim potest, ut habeant intentionem hanc vel aliam. Res etiam plerumq; in iis sunt valdè obscuræ. Et intelligentia ipsarum non est de articulis Fidei, neque apprehensio ipsarum pro capto vulgi. Ideoque noluit se (*Onkelos*) huic negotio immiscere. Nobis autem, secundum instituti nostri rationem in hoc libro, necessarii ista sunt explicanda. Dico ergo, *Thachar raglav* Sub pedibus ejus, idem esse quòd *Misibbaro ubiglalo* ex causâ ipsius, h.e. per eum, & propterea, sicut explicuimus. Quod autem apprehenderunt, fuit ipsa Materia prima, quæ est à Deo Benedicto (*immediatè scilicet*), cujusque ipse causâ est efficiens. Nam observandum, quòd dicat, *Sicut opus albedinis Sapphiri*: si enim voluisset denotare colorem vel speciem externam, simpliciter dixisset, *Sicut albedo Sapphiri*. Verùm addit, *Sicut opus*, quia Materia, ut nôsti, naturâ suâ semper recipit (formas), & patitur, nunquam verò agit, nisi per accidens, sicut forma semper agit per se, nunquam autem patitur, nisi per accidens, quemadmodum ista in libris Physicorum explicantur. Hanc ergo

ob causam dicit, *Kemaaseb* Sicut opus. Præterea, per *libhnat hassapphir* albedinem Sapphiri, significatur Splendor vel Pelluciditas, non color albus. Albedo enim sapphiri non est color albus, sed pelluciditas vel splendor tantum. Splendor autem non est color, ut docetur in Physicis. Quod si enim esset color, non possent alii colores post ipsum videri, neque etiam alios colores reciperet. Quia verò corpus splendidum vel lucidum omnibus coloribus destitutum est, ideò alios colores omnes recipit, alternativè sc., quemadmodum Materia prima, quæ in se omnibus formis privata est, omnes autem alternativè recipit. Sic ergo id, quod apprehenderunt, erit Materia prima, quæ Deo attribuitur, quia est prima & præcipua inter creaturas, quæ generationi & corruptioni sunt obnoxie, & quia eâ ex nihilo creavit. Verum de ista materia alibi quoque dicitur. Hoc tantum adhuc addo, quod etiam secundum paraphrasin Onkeli locum habeat hæc nostra expositio (*de Materia prima sc., quam apprehendisse statuimus Optimates filiorum Israël*). Sic enim ait, *Et sub solio gloriæ ejus*. Jam verò materia prima in rei veritate est sub Cælo, quod vocatur Solium, ut in præcedentibus vidimus. Ad mirabilem autem hanc expositionem permovit me dictum quoddam *R. Eliesarum F. Hyrcani*, quod in alio hujus libri capite audies. Generalis omnium (*h.e. tam Onkeli quam mea*) intentio est, removere à Deo corporeitatem, & apprehensiones istas omnes constituere Intellectuales, non verò sensuales, (*h.e. refertur ad Intellectum, non ad sensum*). Tu ergo & istud observa ac animadverte.

p. 2. c. 26.

# CAP. XXIX.

## *Explicatur verbum אַזַּבֵּחַ Azabh Dolere.*

**V**ERBUM *Azabh* æquivocum est, primò & propriè Dolorem significans: ut, *Beezeb In dolore paries filios.* Dolere: Gen. 3. 16.

Deinde significat quoque Iram, Indignationem: ut, *Et non azabho* 1. Reg. 1. 6.  
*h.e. nichilo* indignari fecit, vel irruavit eum pater ejus. Sic, *Quia neezabh* 1. Sam. 20. 34.  
*indignabatur propter Davidem.*

Tertiò, Rebelleare vel Rebellionem: ut, *Ipsi maru veazebhu rebelles* Jesa. 63. 10.  
*fuerunt & rebellârunt Spiritui Sancto.* Item, *Jaazibhuhu Rebellarunt ei in* Psalm. 78. 40.  
*solitudine.* Sic, *Si via ozebhu rebellionis in me est.* Sic, *Totâ die verba mea* Psalm. 139. 24.  
*jeazzebhu rebellant.* Juxta secundam vel tertiâ significationē dictum Psalm. 56. 6.  
*est, Vajrazzebhu belibbo*, & juxta secundam quidem significationem Gen. 6. 6.  
*sensus erit, quod Deus indignatus fuerit contra ipsos, propter malitiam operum ipsorum.* Quod verò attinet *to Belibbo*, *h.e. In corde*

Gen. 8.21. *fuo, quemadmodum in Historia Noachi quoque dicitur, Dixitq; Do-*  
*quomodo de minus belibbo in corde suo, ejus expositionem accipe. Quando propter*  
*Deo dicatur, hominem de re quadam dicitur, quòd eam dixerit. In corde suo, vel,*  
*quòd aliquid Ad cor suum, rùm intelligitur aliquid, quod nulli hominum unquà*  
*in corde suo dixit vel prodidit. Sic, quando Deus aliquid apud se vult & decer-*  
*dicat. nit, quod nulli Prophetæ revelavit, rùm, quando res illa (quam voluit*  
*& decrevit) præterit, & facta est, dicitur de ea, Et dixit Dominus in*  
*corde suo, more humano, juxta tritum illud: Loquitur lex linguâ filio-*  
*rum hominum. Et hæc clara sunt & manifesta. Quia ergo in Rebel-*

Gen. 6.6.

Gen. 8.21.

par. 1. c. 39.

lione Diluvii non explicatur, quòd aliquis ad ipsos missus fuerit  
 (à Deo) eo tempore, qui illos vel monuerit, vel mortem ipsis inter-  
 minatus fuerit, idèd dicitur de eis, *quòd iratus fuerit contra ipsos belibo*  
*in corde suo.* Sic, quando volebat, ut nullum ampliùs sit Diluvium,  
 nulli Prophetæ dixit, Abi & annuncia hoc: idèd & ibi dicitur, *Di-*  
*xit Dominus in corde suo.* Explicatio verò loci illius *Vajitazzeb el*  
*libbo*, secundum tertiam hujus vocis significationem est, quòd rebel-  
 laverit homo contra voluntatem Dei. *Cor* enim quandoque etiam  
*Voluntatem* significat, quemadmodum explicabitur in Homonymia  
 vocis *Lebh* Cox. [Sic ergo verba illa juxta hanc sententiam transferenda  
 erunt: Et rebellavit cordi (h.e. voluntati) ejus (Dei).]

## C A P. XXX.

### *In quo explicatur אכל Achal Comedere.*

אכל Come-  
dere.

**V**ERBUM hoc *Achal* ex prima sua Impositione significat Sum-  
 ptionem cibi & alimenti animalium, quod ita notum, ut non  
 necesse sit exemplis illustrare.

Deinde, quia duo præcipuè fiunt in comestione, *primò* quidem In-  
 teritus rei, quæ comeditur, h.e. Destructio formæ ipsius primæ; *dein-*  
*de* animantium accretio, constitutionis item & essentiæ ipsorum  
 conservatio, omniumque virium & facultatum corporis restauratio:  
 idèd duas adhuc significationes in hac lingua habet. Nam juxta pri-  
 mam proprietatem accommodatur hoc verbum *Achal* ad quemvis  
 Interitum & Destructionem, adeoque in univèrsam ad cujusvis for-  
 mæ desolationem: ut, *Veachela* *Et comedet vos terra inimicorum ve-*  
*strorum.* Item, *Terra ochelet comedens habitantes suos.* Item, *Gladio teuc-*  
*celu comedemini.* Item, *Tochal Comedet gladius.* Item, *Incenditq; se in eos*  
*ignis ipsius, vatrochal & comedit extremum castrorum.* Item, *Ignu ochela*  
*comedens est*, h.e. perdet omnes rebelles suos perditione ignis, cui  
 ipse dominatur. Atque sic frequentissimè occurrit. Secundum alte-

Levit. 26.38.  
 Num. 13.32.  
 Jesa. 1.20.  
 1. Sam. 1.26.  
 Num. 11.1.  
 Deut. 4.24.

ram

ram Comestionis proprietatem, accommodatur quoque ad Sapien-  
tiam & Doctrinam, & universaliter ad Apprehensiones Intelle-  
ctuales, per quas Forma humana conservatur propter perfectionem,  
quæ ipsis inest, quemadmodum corpus per cibum, propter bonita-  
tem illius conservatur: ut, *Venite, emite, veichlu & comedite*. Item, *Jes. 55. 1.*  
paullò pòst, *Audite audiendo me, veichlu & comedite bonum*. Item, *Ibid. v. 2.*  
*Achol Comedere mel multum, non est bonum*. Item, *Achol Comede fili* *Prov. 25. 17.*  
*mi mel, quia bonum est, & savum, quia dulciù est palato tuo*. Et sic sæ- *Prov. 24. 13.*  
pè quoque fit in verbis Rabbiorum nòstrorum p.m., quòd scil. Sa-  
pientiam, Comestionem appellent, ut quando dicunt; *Venite, co-*  
*medite carnem, in qua multa est pinguedo*. Dicunt etiam, *Omne Edere*  
*& Bibere, cujus mentio fit in hoc libro, (Proverbiorum scilicet) nihil est*  
*aliud, quàm Sapiencia, vel Lex, ut alia exemplaria habent*. Sic enim  
frequentè Sapiencia quoque vocatur Aqua: ut, *Omnes sitientes ve-*  
*nire ad aquas*. Et quia hoc ita crebrò usu venire solet, atque ita ma-  
nifestum & perspicuum est, ac si prima & propria hujus verbi es-  
set significatio, idcirco *Fames & Sitis* etiam usurpantur de Priva-  
tione Sapienciæ & Apprehensionis: ut, *Et mittam famem in terram,*  
*non famem panis, neque sitim aquæ, sed audiendi Verbum D O M I N I.* *Sapientia voca-*  
Item, *Sitivit anima mea ad Deum, ad Deum vivum*. Et sic passim. *tur Aqua.* *Jes. 55. 1.*  
Ita interpretatur Jonathan locum illum, *Et haurietis aquas è fon-* *Privatio Sa-*  
*tibus salutis*; in hunc sensum, *Et accipietis doctrinam novam cum gau-* *pientia vocatur*  
*dio à selectis justorum*: ubi animadvertè, quà ratione *Aquam* expo- *Fames & Sitis.*  
nat Sapienciam venturam in diebus illis; Vocem autem מִי־מַי־מִימֵי *Amos 8. 11.*  
*maajene* E' fontibus, sumpsit, ac si esset idem quod מִי־מַי־מֵי *Plal. 42. 3.*  
*Meene* in il- *Jes. 12. 3.*  
lo *Mosis, Meene haedah, h.e. A' capitibus, à primariis cœtus*. Hi verò  
sunt Sapiences. Quod autem dicit, *A' selectis Justorum*, idèd fecit, quia  
Justitia vera demum salus est. Vides ergo, quo modo singulas voces  
ad Sapienciam & Doctrinam accommodàrit.

## CAP. XXXI.

*De imperfectione Intellectus humani. Quòd cer-*  
*tos terminos præscriptos habeat. De differen-*  
*tia ejus inter homines. Quæ item Sapien-*  
*tia causa sint impedièntes.*

**S**CIENDUM est, esse Apprehensiones quasdam, quas Intellectus *Apprehensio In-*  
humanus facultate & naturâ suâ apprehendere potest, & esse *tellectus est im-*  
*perfecta.*



quasdam res, quas naturâ suâ apprehendere nullo modo potest, ne quidem per causam (h.e. per singularem gratiam & influentiâ Divinam), sed quarum apprehensionis portæ ipsi omni ex parte sunt clausæ & obferatæ: esse etiam quasdam, ex quibus aliquid apprehendit & assequitur, aliquid verò ignorat. Nam licet Apprehensionis facultatem habeat, non tamen sequitur, quod omnia possit apprehendere, prout sensus etiam quidem apprehendunt, sed non in quavis distantia. Et sic reliquæ facultates corporales, ut E. G. Si aliquis possit portare duo talenta, non sequitur, eum posse portare decem. Quemadmodum autem inter Individua talis est differentia, ut unum altero præster in istis apprehensionibus sensualibus, & reliquis facultatibus corporalibus, quemadmodum cuivis notum est, sic tamen, ut terminum certum habeant, nec in immensum vel infinitum progrediantur: ita iudicium quoq; idem est apprehensionum humanarum intellectuallium. Est enim & hic magna differentia & imparitas, unusq; altero multò est præstantior, quemadmodum hoc inter Litteratos in primis videre licet. Nam est qui ex semet- ipso rem quandam per speculationem suam invenit, quam alius nunquam potest intelligere; ita ut quamvis eam alius omni studio ipsam docere velit, quibuscumq; exemplis illustret, & longo admodum tempore, nunquam tamen ad illam pertingere valeat intellectus ipsius, sed abbreviata sit manus intellectus ejus ad eam intelligendam. Verum & hæc præstâtia non progreditur in infinitum: sed habet Intellectus humanus quoq; cancellos suos, intra quos ipsi subsistendum. Sunt enim quedam, quorum apprehensionem sibi impossibilem esse homo benè novit, unde etiam anima ipsius illa scire & cognoscere non avert; quia rem sibi impossibilem esse judicat, & nullam portam esse novit, per quam ad illorum cognitionem introire queat. Sic ignoramus numerum stellarum Cœli, an par sit vel impar: numerum item specierum animantium, mineralium, plantarum, & similium. Deinde sunt quedam, ad quorum apprehensionem appetitus & desiderium hominis vehemens admodum est, in quibus indagandis & perferutandis Intellectus ipsius omnes suos nervos intendit. Hinc apud omnes Gentes & omni tempore magna invenitur caterva hominū, speculationibus ejusmodi deditorum. Atq; hic variæ admodum & dissentientes sunt illorum opiniones, unde controversiæ & quæstiones multæ oriuntur: quia Intellectus in apprehensione illarum (h.e. in desiderio apprehendendi illas) pender, & ita unusquisq; existimat, se invenisse viam, per quâ naturam & veritatem illarum scire queat. Neq; etiam in facultate Intellectus

*Est differentia  
in Apprehensio-  
ne secū dum In-  
dividua.*



æus humani est, demonstrationem illarum adducere. Nam de nulla re, quæ demonstrari potest, controversia est vel dissensio: neque illi quisquam se opponit & contradicit, nisi ignorans & imperitus, quæ contradictio vocatur demonstrativa, (hæc *contra ea, quæ demonstrari possunt*). Sic inveniuntur homines, qui controversiam movent de rotunditate Terræ, Cœli, & similibus. Verum isti nullum habent accessum vel introitum in hoc negotium. Confusio verò ista accidit potissimum & frequentissime in rebus Divinis: rarius in Naturalibus: in Mathematicis omnino ferè deficit.

Alexander Aphrodisæus scripsit, tres esse causas Dissensionum & Controversiarum: *primò*, Amorem dominationis & victoriæ, *φιλωνευστικόν*, hæc enim impedit hominem, quò minus rem sicuti est apprehendat: *secundò*, Subtilitatem, profunditatem & difficultatem rei apprehendendæ: *tertiò*, Ignorantiam & inscientiam apprehendentis, ut & Imperfectionem & Imbecillitatem ejus ad apprehendendam rem, cujus apprehensio est possibilis.

Et has quidem causas commemoravit Alexander. Nos verò his nostris temporibus etiam quartâ, *quæ ab ipso omissa*, addere possumus, Consuetudinem sc. vel Institutionem. Amant enim homines naturâ *Consuetudinis quædam rei*. id, ad quod sunt assuefacti, & propendunt ad illud. Unde vides, quòd illi, qui in pagis habitant, quia non solent ibi sæpè caput & corpus lavare, voluptatibus indulgere, delicatisq; cibis uti, civitates spernant, neq; voluptatibus illarum frui desiderant, sed res malas potius eligant sibi assuetas, quàm bonas, quibus assueti non sunt, nec magnopere in magnificis palatiis habitare, sericis ac pretiosis vestimentis vestiri, aut balneis, unguentis vel aromatibus se oblectare aveant. Idem planè accidere solet homini in sententiis & opinionibus, quibus innutritus est, ut præ amore illarum, ab illis dimoveri nequeat. Quæ causa est, ut homo sæpè non possit apprehendere veritatem, quia sc. illa sequitur, quibus est assuetus, quemadmodum vulgo hominum in corporeitate, & aliis rebus Divinis evenit, prout alibi declarabimus. Nam hæc omnia idèò præcipuè illis accidunt, quia exercitati & educati sunt in scriptis, quæ inter ipsos magnifunt, & quæ secundum sensum litteralem de corporeitate docent, & aliis imaginationibus, in quibus nulla est veritas: intelligenda autè sunt parabolicè, ob causas, quas alibi adducam. Porro nò existimare debes, ea, quæ de imbecillitate & imperfectione Intellectus humani à nobis

nobis dicta sunt, & quoddam certus ac definitus ei præscriptus sit terminus, (vel, & de ejusdem limitatione) à Lege nostra solum dici. Nam hoc ipsum Philosophi quoque statuerunt & apprehenderunt, apprehensione perfectâ sine ulla hæsitacione aut dubitacione; prout sanè res est extra omnem dubitacionis aleam posita, nisi fortè apud eum, qui planè ignarus est earum rerum, quarum demonstrationes evidentes habentur. Hoc caput quod concernit, fundamenti loco id quasi præmisimus ad sequentia.

## CAP. XXXII.

*Quòd æquè accidat defectus & defatigatio in Intellectualibus, ac in Sensualibus. Non esse altiora indaganda, quàm Intellectus cujusq; ferat, rationibus, & testimoniis Scripturæ demonstratur.*

SCIA T Lector, quoddam in Apprehensionibus Intellectualibus (eò quoddam à materia dependent) simile quid accidat ei, quod contingit in Apprehensionibus sensualibus. Quando enim vides oculis tuis, apprehendis id, quod in facultate visus tui est ut apprehendas: quoddam si verò oculos tuos cogas ac visum nimium intendas, ut per majorem distantiam videas, quàm verò facultas tua videndi concedit, vel, cum intueris scripturam aut sculpturam aliquam subtiliorem, quàm ut facultate visus tui eam videre queas, tùm non solum debilitabitur visus tuus in eo, quod minimè videre potes, sed etiam in eo, quod aliàs videre posses: ita ut non ampliùs videre possis id, quod videre potuisti, antequam hoc pacto visum tuum intendebas & defatigabas. Idem experietur, qui in contemplatione scientiæ vel artis alicujus occupatus est, quæ in cogitatione consistit. Cùm enim cogitationes suas nimium in eam intenderit & defatigâr, confunderetur, neque intelligeret illud, quod aliàs intelligere potuisset. Ratio quippe omnium facultatum & potentiarum corporalium in hoc negotio eadem est & una. Simile quid accidit tibi in Apprehensionibus Intellectualibus. Quoddam si enim substituteris in dubio, in quod incidis, & non affligeris animam tuam, persuadendo ei, demonstrationem esse ejus rei, cujus nulla est demonstratio, neq; refellere aut falsitatis redarguere conaris id, cujus contrarium nullâ ratione demon-

*Defatigatio accidit Intellectualibus æquè ac sensualibus.*

monstrari potest, neque etiam id, quod captum tuum superat, cupis apprehendere: cum, inquam, hæc omnia observaveris, pervenisti ad summam perfectionem hominis, erisq; in gradu R. Akibhæ p.m. qui in rebus his Divinis ingressus & egressus est in pace, in speculatione sua. Quod si verò tentes apprehendere id, quod apprehensionem tuam superat, vel falsitatis redarguere incipias ea, de quorū contrariis nulla est demonstratio, ita quidem, ut nullo modo probabilia sint vel possibilia: tūc devenies sicut Elisæus quidam, h.e. non solum non perfectus, sed imperfectione omni eris imperfector, & fiet, ut imaginaria in te dominantur, ad vitia, & quasvis res turpes ac malas inclines, propter molestiā & defatigationem nimiam, quā Intellectum hoc pacto afficis, & ita lumen ejus exstinguis: non aliter atque in sensu Visus solet contingere, ut multas species falsas apprehendat, quādo debilitatus est, sicuti in egrotis videre est, vel cum acies oculorum intenditur ad res nimis lucentes & splendoras, aut subtiles. In hunc sensum ait Salomon, *Si mel invenisti, comede sufficientiam tuam, ne forte satieris eo, & evomas illud*, cujus rei exemplum referunt de Elisæo quodam. Egregia similitudo admodum, in qua Sapientiam cum cibo comparat, (quemadmodum antea quoque monuimus), & quidem dulcissimo, melle sc. cujus natura est, ut magnā quantitate comestum, stomachum concitet, & vomitum gignat, quasi voluisset dicere Salomon: Apprehensionem hanc esse quidem excellentem, egregiam & rem perfectissimam, verum si non intra terminos ejus subsistatur, & cautē ac prudenter quis in ea versetur, degenerare in imperfectionem, sicut in esu mellis accidere solet. Id enim si moderatē ac temperanter sumatur, nutrit ac dulce est; quod si verò quis modum excedat & nimis comedat, contrarium evenit. Observa autem, quod non dicat, *Ne satieris eo & fastidium ejus te capiat*, vel, *& spernas illud*, sed, *Et evomas illud*. In eundem sensum dicit alibi, *Comedere mel multum, non est bonum*. Huc quoque respicit, dum ait; *Ne sapiens sis nimium, ad quid desolaberis?* Sic quando inquit, *Custodi pedem tuum, quando is ad domum Dei*. Hinc ait quoq; David, *Non ambulavi in magnis, neq; in mirabilibus supra me*. Idem sibi volunt Sapientes nostri, cum dicunt, *Altiora præ te ne inquirito, & abscondita à te ne perscrutator*. Item, *Ea que tibi mandata sunt, cogita; non enim indiges hiis, que ocula sunt*, h.e. Ne emittas intellectum tuum, nisi ad id, quod homo potest apprehendere & assequi: nam in iis, quæ intellectum ejus superant, se exercere, plurimum nocet, prout ostendimus. Idem quoque innuunt, cum dicunt. *Quicunq; respicit quatuor res &c.* In primis

*Non est defatigandus Intellectus tuus, quæ captum ejus superant.*

*Proverb. 25. 16.*

*Sapientia comparatur cum melle.*

*Ibid. v. 27.*

*Ecclesi. 7. 17.*

*Ecclesi. 4. 17.*

*Psal. 131. 1.*

*Legitur hæc sententia quorū apud Syr. c. 3. v. 20. 21.*

verò in illo, *Quicumq;* non parcat gloriæ Creatoris sui, (*expediret ei, ut non venisset in mundum, addendum, ut patet ex Comment. R. Schem tobh*). Nihil enim aliud volunt, quàm quod diximus, Non esse homini cogitationibus suis ad ejusmodi res, quæ interitum ipsi asserunt, prorumpendum. Quando verò dubia quædam ipsi oriuntur, aut non è vestigio demonstrationem rei quæ sitæ invenit, cum non statim illam relinquet, vel repudiabit, aut falsam pronuntiabit; verùm expectabit, gloriæ Creatoris sui parcat, sibiq; temperabit, quemadmodum hoc jam explanatum est. Istorum verò dictorū Prophetarum & Sapientum nostrorum mens & sententia non est, omnis speculationis portas claudere, & intellectum arcere ab apprehensione illarum rerum, quas potest apprehendere, prout fatui quidam & ignavi homines existimant, qui bellè admodum hoc pacto inscitiam & ignorantiam suam perfectionis ac sapientiæ velo tegere se posse autumant. econtrà verò perfectionem & scientiam imperfectionis notā insigunt, atq; ira de via legis egrediuntur & exorbitant, *ponentes tenebras lucem & lucem tenebras*. Verùm intentio est indicare, Intellectum humanum certum habere terminum, in quo ipsi sit consistendum. Non est autem, quodd verba nostra, quæ in hoc capite de Intellectu humano diximus, subtiliter & accuratè examines: tantum enim ad scopum nostrum ea dirigere voluimus, non verò *discutere* naturam Intellectus explicare.

Jesa. 5. 20.

### C A P. XXXIII.

*Non esse cursum studiorum ab ipsa Theologia incipiendum, sed exercendum prius animum in aliis artibus & disciplinis. Quare de rebus Divinis loquantur per enigmata, quare item vocentur Secreta.*

*Per certos gradus ad studium Theologicum esse accedendum.*

**S**CIRE te velim, in docendo vel discendo statim incipere à Sapientia Divina, & ab expositione Parabolarum, Troporum, ac Metaphorarum Propheticarū, valdè esse periculosum & detrimensum. Necesse enim est, ut primò Juniores vel Tyrones, & ii, qui tardioris sunt ingenii, in primis rudimentis instituantur, pro mensura apprehensionis ipsorum. Quòd si autem quis animadvertatur perfectioris esse Intellectus, & ad sublimem & excelsum istum gradum

dum aptus & idoneus, ad gradum, inquam, istum speculationis demonstrativæ & doctrinarum verè intellectuallium, eum paulatim adscendere facient, donec ad perfectionem suam vel propriam industriam, vel auxilio magistri alicujus, perveniat. Quum enim statim quis ab hac Divina Sapiencia inchoaverit, in eo non tantum exorietur confusio rerum credendarum, sed totalis earum abolitio: neq; is mihi vide-

*Simila.*

*Cur Sapiens occultè & ænigmaticè de rebus Divinis loquatur.*

Et hæc quoque causa est, propter quam Lex loquitur Lingua filiorum hominum, sicut exposuimus, quia hæc ratio commoda & facilis est, ut ab ea incipiant & discant pueri, mulieres & communis plebs, in quorum viribus non est, res secundum veritatem ipsarum apprehendere. Quamobrem etiam hoc modo sufficienter ipsis traditum est de omnibus, quæ credenda sunt, & de omni conceptione, quæ dirigere potest intellectum ad cognoscendum, quod Deus sit & existat, quamvis non ad veritatem quidditatis ejus. Si verò quis fuerit perfectior & sublimioris ingenii, ut cognita habeat Secreta Legis, sive ea ab alio didicerit, sive à seipso, ut ab uno ad alterum fuerit incitatus, is ad eum gradum pertingeret, ut sententias illas veras ac reales (*de Deo*) credat per vias fidei veræ; (*non ut vulgus per similitudines ab hominibus desumptas*), nempe, vel per demonstrationem in iis, de quibus demonstratio haberi potest, vel per alia argumenta firma & solida in iis, in quibus fieri id potest, atque ita formaliter cognosceret & intelligeret veritatem & substantiam earum rerum, quæ ipsi sunt per similitudines & parabolas traditæ. Porro multoties jam in hoc libro adduximus tritum illud Rabbiorum nostrorum dictum, *Et in Mercava ne unicum quidem sc instituent, nisi fuerit sapiens & intelligens ex mente sua, & tunc tradens ipsi summa & principalia capita.* Quapropter non est inci-

*Cur Lex per anthropopatheas loquatur.*

*cap. 26. & 47.*

piendum cum homine in hoc negotio, nisi pro mensura captus ipsius, & cum duabus istis condicionibus, *primò*, si fuerit sapiens, h. e. si imbutus fuerit scientiis illis, è quibus principia speculationis desumuntur; *secundò*, si fuerit intelligens, clari ac perspicaci ingenti, qui rem vel leviter indigitatam percipiat, quod sibi voluit, dum ajunt, *Et intelligens ex mente sua*. Verùm causas quod attinet, quare vulgus non possit addiscere per vias speculationis veras, & cur non possit incipi cum illis à declaratione & descriptione ipsius quidditatis & naturę rerum, cur item res hæc expediens & necessaria sit, eas explicabo tibi capite proximè sequenti.

## CAP. XXXIV.

*De causis, propter quas in discendo vel docendo non sit incipiendum à Sapientia Divina.*

*Causa, propter quas cursus studiorum non sit à Theologia incipiendus.*

1. *Profunditas & difficultas.*  
Eccles. 7. 24.  
Job. 28. 12.

*Incipiendum non est à difficilioribus.*

2. *Ingenii humani incapacitas.*

Job. 11. 12.

**Q**UINQUE sunt causæ, quæ impediunt ac prohibent, ne incipiantur studia à rebus Divinis, & ne quis vulgo vel plebi de illis ostendat ac revelet ea, quæ de illis sciri & intelligi possunt.

*Prima causa* est Rei ipsius in se difficultas, subtilitas & profunditas, de qua Salomon ita loquitur: *Remotum quiddam est & profundissimum, quousquique illud reperiet?* Item Job, *At sapientia undenam invenitur?* Jam verò præposterum est in discendo incipere à difficilioribus & magis abstrusis. Hinc quoque in Parabolis Legis nostræ invenimus, quòd Sapientia comparetur Aquæ, id quod Sapientes nostri inter alia quoq; hoc modo exposuerunt: Is, qui nandi artem callet, educere potest margaritas è profundo maris; qui verò ejus est imperitus, in profundo submersus manet. Quare nemo id tentare debet, nisi qui in ea arte est exercitatus.

*Secunda causa* est Brevitas & Tenuitas scientiæ omnium hominum ab initio: quia non datur homini perfectio ultima (*Intellectus* sc. ) à principio, sed inest ipsi primò potentia tantum, actu omni privata. Nam, *ut pullus onagri est homo, qui nascitur*. Neque sequitur, si aliquid alicui inest potentia, necessarium esse, ut deducatur in actum. Fieri enim potest, ut in imperfectione sua maneat, idque vel propter impedimenta quædam externa, vel propter paucitatem & intermissionem studii operæque in illis rebus, per quas potentia illa posset

in

in actum deduci. Hinc dicitur expresse, *Non multi sapientes sunt.* Et Job. 32. 9. huc pertinet illud Rabbiorum nostrorum, *Vidi filios cœnaculi, & erant pauci.* Nam plurima sunt, quæ nos à perfectione arcant & detinent. Præterea, quando perfectè satis præparabit se homo, & quando satis otii ipsi erit ad discenda omnia, quæ discenda sunt, ut ea, quæ potentia ipsi insunt, in actum perducantur?

*Tertia causa* est Prolixitas & Multitudo præcognitorum, quibus homo instructus esse debet. Nam licet homo naturaliter teneatur desiderio ad cognoscendos fines, tamen fit sæpè, ut tædium ipsum occupet, ac præcognita requisita derelinquat. Quod si autem quis ad istiusmodi finem vel perfectionem posset pertingere sine præcedente cognitione illorum, tùm non forent præcognita, sed inanes defatigationes, & metæ superfluitates. Quilibet enim homo, ut ut simplex & faruus, ita comparatus est, ut si ex somno ipsum excitaveris, & ex ipso quæsieris; an non desideret pernoscere, quæ sit natura, quis numerus, quæ forma & figura cœlorum? quid sint angeli? quâ ratione creatus sit mundus? in quem finem singulæ ejus partes ita sint ordinatæ & dispositæ? quid sit anima? undenam originem suam trahat? an à corpore separetur? & si separatur, quomodo separeretur, & quonam deveniat? ac similia: tibi sine dubio sit responsurus, quod sic: & appetet naturâ suâ veram & solidam rerum istarum cognitionem. Verùm volet, ut tranquillum sit hoc desiderium, & sine labore ac molestiâ, unoque & altero verbo cognitio ista sibi instilletur. Etenim si ipsi volueris imponere, ut vel per unicam septimanam negotia sua seponat, quod omnia ista addiscere & intelligere possit, minimè gentium id faciet, sed potius in imaginationibus suis falsis acquiescet, & spernet ea, quæ ipsi dicuntur de multitudine eorum, quæ præcognita habere oportet, de longitudine item temporis, quod ad ea requiritur. Tu verò nôsti, quod hæc omnia arctissimè inter se cohæreant & connexa sint. Omnia enim, quæ sunt vel existunt, sunt vel Deus ipse, vel opera Dei, quæ sunt ea omnia, quæ sunt præter Deum. Jam autem non est alia via cognoscendi Deum, nisi ex ipsius operibus. Illa enim docent Deum esse, & de omnibus iis, quæ credenda sunt de eo, h. e. quæ de ipso affirmari vel negari debent. Quare necessario consequitur, intelligenda esse probè Entia omnia & eorum naturam, ita ut ex unaquaque specie certa & necessaria principia desumere possimus, quæ nobis ad investigationem naturæ Dei infervant. Quot enim principia desumuntur ex natura Numeri (h. e. ex

3. Multitudo rerum præcognoscendarum.



*Arithmetica*) & ex proprietatibus Figurarum in Geometria, quæ nos erudiunt de multis rebus, quæ removeri debent à Creatore, & quarum remotio nos porro docet de aliis? Astronomiæ & rerum naturalium scientiam quod attinet, non video quomodo de illis dubitari possit: sunt enim res necessariae ad intelligendam dispositionem & fabricam Mundi, atque ita faciunt ad intelligendum, quomodo Deus verè, non secundum vanas imaginationes & conceptiones nostras Mundum regat & gubernet. Sunt præterea aliæ quædam Scientiæ Theoricæ live Speculativæ, (ut *Logica & Metaphysica*), unde licet principia ad hanc Scientiam vel Sapientiam non petantur, tamen exercent Intellectum, & ipsi habitum comparant faciendi demonstrationes, & ex rei veritate naturam earum rerum, quæ demonstrantur, intelligendi, ac præterea tollunt errores multos, qui inveniuntur in opinionibus speculantium, ne accidentaliter confundantur cum essentialibus, & quæ inde oriuntur absurdæ opiniones aliæ. Quibus omnibus & hoc adhuc addi debet, quod ad formalem rerum, prout in se sunt, cognitionem hominem deducant. Et quamvis hæc non sint fundamenta Sapientiæ Divinæ: attamen usum necessarium exhibent in aliis rebus, quæ nos ad illam Sapientiam appropinquare faciunt. Quare cum hæc ita se habeant, necessariò unusquisque, qui perfectionem humanam vult adipisci, instituendus primò est in arte Logica, deinde ordine in disciplinis Mathematicis, (puta *Arithmetica, Geometria, Astronomia &c.* has enim hoc loco intelligit per *Chochmorh limudajoth*), postea in scientia Naturali, ultimò in Divinis. Nunc autem invenimus multos, quorum intellectus fathiscit & deficit in addiscendis istis artibus & disciplinis: & licet non deficiat, fieri tamen potest, ut morte absumentur, antequam perfectam illarum cognitionem habeant. Quocirca, nisi per Kabbalam, h. e. per Traditionem Scientia aliqua nobis data esset, & si per exempla ac similitudines ad istam rem non deduceremur: sed intelligenda ac discenda omnia nobis essent formaliter per essentielles rerum definitiones, ac non nisi per demonstrationes, omnia credenda: cum certè, quia hoc non nisi per longas præparationes fieri potest, major hominum pars diem suum obirent, antequam scirent, num Deus sit nec ne? ut nil dicam de eo, quid de ipso affirmandum vel negandum & removendum sit? neque ab istiusmodi præmatura morte eriperentur, nisi fortè unus ex urbe, & duo ex familia, h. e. paucissimi (locutio proverbialis & trita in Rabbiorum scriptis). Alios autem quod attrinet, quos



Deus *Seridim*, h.e. Superstities vel Residuos appellat, qui veluti è com- Jerem. 3. 14.  
 muni hominum sorte sunt exempti, illis summa & extrema perfectio  
 non competit, nisi post notitiam istorum præcognitorum. Salomon  
 ipse, mortalium omnium sapientissimus agnovit, quàm necessaria  
 sint ista principia, & ostendit, fieri non posse, ut quis ad sapientiam  
 hanc sine præeunte legitima in illis exercitatione perveniat, quâdo  
 inquit: *Si hebetatum fuerit ferrum, & acies ejus non polita fuerit, quomodo* Ecclef. 10. 10.  
*exercitus vel fortitudines superabit?* (h.e. Si acies cultri alicujus vel gla-  
 dii non fuerit acuta, & superficies ejus non benè polita, non pote-  
 rit res duras superare, seu scindere: sed necesse est, ut prius acuatur  
 & polietur.) & *rectificatio* (h.e. industria vel præparatio) longè ma-  
 jor requiritur ad sapientiam (sc. acquirendam). Item, *Accipe disci-* Proverb. 19. 10.  
*plinam, ut sapiens fias in novissimo tuo.* Cæterùm, alia est adhuc  
 Necessitas, propter quam principia ista sunt scienda & addiscen-  
 da, hæc nempe: dum homo studet, quàm plurima ipsi subinde  
 nascuntur dubia, citius etiam addiscit contraria alicujus senten-  
 tiæ, & quæ eam refellunt, quàm ejus confirmationem, quemad-  
 modum facilius est domum aliquam destruere, quàm exstruere.  
 Confirmatio autem assertionum, & solutiones dubiorum utpluri-  
 mum fluunt ex variis principiis, quæ ex istis præcognitis desumun-  
 tur. Ideoque qui sine illis speculatur, similis est ei, qui pedibus suis *Simila.*  
 ad certum aliquem locum ambulans & contendens, in profun-  
 dam admodum fossam incidit, è qua exeundi nulla ipsi est facultas  
 nullumque consilium, donec moriatur. Nam tali homini longè sa-  
 tius fuisset, si iter illud intermisisset & quietus in loco suo substitisset.  
 Eleganter admodum & vivis coloribus Salomon in Proverbiis has  
 pigrorum & pigritiæ ipsorum proprietates descripsit. Tota enim  
 Parabola est de pigritia quærente sapientiam. Dicit ibi de desi-  
 derio ejus, qui desiderat scientiam finium, & tantum desiderat,  
 nullam operam impendendo discendis præcognitis, quæ eò ded-  
 ducunt, *Desiderium pigri interficit eum, quia renuerunt manus ejus facere* Prov. 21. 25. 26.  
*quicquam. Totâ die concupiscit concupiscientiam: justus autem tribuit, nec*  
*cohibet.* Causam, propter quam desiderium ejus ipsum interficiat,  
 dicit esse, quòd non sollicitus sit de eo, quod desiderium ejus sedare  
 posset; sed quòd tantum desiderio suo indulgeat, ac nihil præterea  
 agat, sperans eò se pervenire velle, quòd perveniendi ipsi nulla sup-  
 petunt media & instrumenta. Unde si desiderium suum planè re-  
 linqueret, longè ipsi foret consultius. Sed animadvertite, quomodo

finis

finis hujus parabolæ principium ejusdem declarat, cum dicitur. *Justus verò tribuit, nec cohibet.* Justus enim pigro non aliâ ratione opponitur, nisi quatenus, prout alibi explicuimus, justus tribuit unicuique rei, quod suum est, h. e. tempus suum totum impendit studiis, neque ab eo quicquam detrahit, ut aliis negotiis tribuat, quasi dixisset, *Justus tribuit omnes dies suos sapientia, neque illi detrahit, quemadmodum simili sensu alibi dicit, Ne des mulieribus robur tuum,* (continuè sc., & omne robur tuum). Atque hoc morbo laborant multi celeberrimi & clarissimi Viri, quod velint primò inquirere & investigare fines, ac de illis differere, sine protheoria & præcognitione principiorum requisitorum. E' quibus nonnulli sunt, qui ex ignorantia vel superbia illa vituperant, (quia nempe vel nequeunt illa comprehendere, vel ad ea addiscenda pigri nimis & ignavi sunt), ac demonstrare & probare conantur, illa summè esse perniciofa ac inutilia. Sed veritas intelligenti clara est.

4. Dispositio vel  
Constitutio Na-  
turalis.

Non pauca, qua  
hic habet, vi-  
dentur Pelagia-  
nismum sapere,  
ideoq; cum ju-  
dicio legenda.

Quarta ratio est Dispositio naturalis. Hanc quod attinet, demonstratū est, Qualitates morū esse præparationes Qualitatum rationaliū, neque fieri posse, ut rationalia sint vera, h. e. ut intelligibilia (*adverè, facultates sc. Intellectus*) sint perfecta, nisi in eo, qui bonis, placidis, ac constantibus moribus est præditus. Sunt autem quidam, qui à principio nativitatis suæ ejusmodi temperamentum nati sunt, cum quo perfectio nullo modo potest consistere; ut e. g. Qui cor habet vehementer calidum & forte, iræ fræna ponere non potest, etiamsi summam adhibuerit exercitationem. Sic, qui naturæ est calidæ & humidæ, robustæque constitutionis, rarissimè timer peccatum, quodcumque huic malo cupiat remedium adhibere. Ita reperies quosdam, qui sunt leves & inquieti, quorum motus inordinati & perturbati, de corruptione compositionis & malitia temperamenti, quod nequit corrigi, luculenter testantur. In talibus hominibus nunquam videtur Intelligentia perfecta, ac proinde cum illis aliquid tentare velle in hoc negotio, mera est stultitia. Sapientia quippe hæc longè aliter comparata est, quàm Medicina, & Arithmetica vel Geometria. Quilibet ad eam propter rationes jam dictas, non est aptus; & requirit quoque necessariò præcedaneam præparationem in bonis moribus, per quos homo constituatur in summo gradu rectitudinis & perfectionis; Abominatio enim Domini est perversus, cum rectus verò secretum ejus est. Ideoque non docent eam pueros & juvenes, quia propter fervorem naturæ non sunt ad eam recipiendam idonei, & propter flammæ juveniles, quæ mentes illorum annis crescen-

Proverb. 3. 32.

crescentibus & pubescentibus occupant, donec extincta sit illa flamma immoderata, & ipsi constantiores ac sedatiores existant, animum suum nōrint deprimere, atque temperamentum corrigere & emendare. Tū enim demū admitti & promoveri debent ad istum gradum, Apprehensionem nempe Dei Opt. Max., sive Sapientiam Divinam, quæ Opus Mercavah vocatur, sicut dicitur, *Pro-* Psal. 34. 19.  
*pinquus Dominus contritus corde.* Item, *Excelsus locus & sanctum inhabitatio,* Jer. 17. 15.  
*& cum contrito & humili spiritu &c.* Hinc scribunt in Talmud ad id, quod dicitur, *Tradantur principalia capita: Non tradunt principalia capita nisi Patri domus iudicii, cuius cor dolore & mœrore affectum est,* innuentes, requiri mansuetudinem, humilitatem, & timorem peccati cum sapientia. Et ulterius ibidem dicitur; *Non tradunt secreta Legis, nisi Isejoez, h.e. Consiliario, vachacham charaschim, h.e. & Sapientiarum artificum, unevon lachasch, h.e. & perito eloquentia.* Hæ autem res in nemine esse possunt sine dispositione & inclinatione naturali. Quidam enim homines planè non pollent consilio, qui tamen sunt intelligentes & ingeniosi admodum. Alii verò sunt, qui in rebus politicis, ad gubernationem hominum & animorum ipsorum pertinentibus, bonis & salutaribus consiliis sunt instructissimi, qui *Consiliarii* nomine iudigantur, at interim in rebus intelligibilibus, etiam primis & facillimis, nihil quicquam intelligunt, sed sunt ignorantēs, imperiti, & omni ingenio ad eas destituti, *Ut quid est* Prov. 17. 16.  
*pretium in manu stulti, ut emat sapientiam, & cor non est ei?* Alii sunt intelligentes, ingenii clari & perspicaces, qui nōrunt res verbis brevibus & concinnis complecti. Hi comprehenduntur sub *Nevon lachasch, h.e. perito eloquentiæ.* Verū quia nullam impendunt operam, idè quoque scientias & artes non assequuntur. Qui verò scientiam habet artium in actu ipso, & habitum illarum, is vocatur *Chacham charaschim, h.e. Sapiens artificum, vel Sapiens, Peritus artifex,* de quo dicunt, *Quando ipse loquitur* (sc. de verbis Legis), *omnes sunt surdi,* (quia sc. tam doctè, tam solidè & profundè de illis disserit). Ex his vides, quantum Sapientes nostri ab homine requisiverint, antequam ei traderent *Secreta Legis*; ut nempe perfectus sit tū in negotiis politicis & practicis, tū in scientiis theoreticis, ac præterea naturæ bonæ, ingeniosus & eloquens, qui sciat res accuratè & propriè proponere. Hinc legimus ibidem, quòd cū *R. Jochanan* ad *R. Elieser* dixisset, *Veni & docebo te opus Mercavah,* *R. Elieser* responderit, *Nondum consenui, ac sentio adhuc fervorem naturæ, & motus juveniles.* Quare cū requisiverint non solum justam ætatem,

sed etiam honestos mores, sive virtutem, quomodo huc admitti possent promiscuè quivis homines, idiotæ, pueri, mulieres, infantes &c.?

5. *Occupationes  
sive cura rei fa-  
miliaris & do-  
mestica.*

*Quinta causa* est Occupatio circa necessitates corporis, quæ sunt prima perfectio, (ut circa victum, amicum &c.) præsertim si conjuncta sit cura de uxore & liberis: ut nihil jam dicā de studio hominis pravo & perverso, quod ponere solet in acquirendis rebus superfluis, quod frequens & vulgare est vitium. Nam si homo perfectus quoque occupatus nimium sit in istis rebus necessariis, (quantò magis, si in non necessariis?) ac desiderium illius accrescat; appetitus ejus rerum speculativarum decrescit & suffocatur, ac remissè, negligenter & longè minori curâ & industriâ eas persequitur: quin etiam læpissimè non apprehendit id, quod apprehendere posset, vel consequitur apprehensionem confusam & turbatam, mixtam ex apprehensione & ignorantia.

Quocirca ex causis adductis res istæ conveniunt tantum hominibus singularibus, peculiaribus donis instructis, non autem promiscuè omnibus: ideoque occultandæ sunt à tyronibus & ab incipientibus, arcebunturque ab illis omnes, qui non sunt idonei, non aliter atque prohibetur puer ab esu crassorum ciborum, aut à gravioribus oneribus.

## C A P. XXXV.

*Quòd necesse sit, ut per Cabbalam tradatur  
Remotio corporeitatis &c.*

**N**O L I existimare, quòd sub iis, quæ in præcedentibus capitibus, de Magnitudine hujus Sapientiæ, de ejus Occultatione, & difficultate Apprehensionis, præmisimus, comprehensa quoque sit Remotio corporeitatis, earumque actionum vel passionum, quæ in hoc negotium ingrediuntur. Nequaquam. Nam, quemadmodum summenè necessarium est, ut hæc doctrina in vulgo diffundatur, & in ea pueri iniciantur, quòd sc. Deus sit unus, quòd nullus alius sit colendus præter ipsum: sic quoque non minus necessarium est, ut per Cabbalam ipsis tradatur, quòd Deus non sit corporeus, quòd nulla sit similitudo inter ipsum & creaturas ejus, ne quidem in re minimâ, quòd ipsius Esse non sit sicut Esse illarum, nec Vita ejus sicut vita animantium, nec Sapientia ejus sicut sapientia alicujus hominis, quòd etiam differentia inter Ipsum & Creaturas non consistat tan-

*in corporeitas  
Dei tradenda  
per Cabbalam.*

tum

tum in multitudine & paucitate, vel magnitudine & parvitate, sed in ipsa specie essentiae: h. e. firmiter unicuique tenendum est, quod Sapientia ejus & sapientia nostra, Fortitudo ejus & fortitudo nostra, non differant secundum paucitatem vel exiguitatem & multitudinem, secundum intensionem vel remissionem, aut simili quâpiam in te. Forte enim & debile necessario in specie conveniunt, & definitione unâ comprehenduntur: horumque respectu comparatio fit inter duas res, quæ unum sunt specie, prout hoc explicatur in Scientiis Naturalibus. Quâcunque autem in attributione vel proprietate Deus nobiscum conferatur, toto cælo ipsius proprietates à nostris differre semper observabimus, nec utrasque sub una definitione comprehendi posse. Sic existentia vel existere dicitur de Ipso & aliis extra Ipsum æquivocè, prout alibi explicabo. Atque hæc mensura sufficit pro pueris & pro plebe, quando sciunt, Deum esse, & esse perfectissimum, sine corpore vel potentia aut facultate aliqua corporea, sine omni imperfectione, ac per consequens nulli passio-  
ni obnoxium. Verum quod attinet negotium de attributis Dei (*sc. essentialibus*), quatenus illa ab ipso removeantur, & quis sensus sit aliorum attributorum, quæ ipsi attribuuntur (*metaphoricè sc.*), Creationem item Mundi, Gubernationem ejusdem, Providentiam, Voluntatem Dei, Apprehensionem, Scientiam & Noticiam ejusdem, Prophetiam & ejus gradus, Nomina item Dei, quæ licet multa sint, tamen de ejus unitate docent; hæc omnia sunt res profundæ & abstrusæ, ac verè Mysteria Legis, quorum passim mentio fit in libris Prophetarum & Rabbiorum nostrorum, & de quibus non decet loqui nisi secundum præcipua illarum capita, ut antè ostendimus, & quidem coram tali, qualem præcedenti capite descriptum vidimus. Remotio autem corporeitatis, similitudinis item & passionis à Deo, sunt tales res, quæ cuivis, uti se habent, sunt aperiendæ & explicandæ; easque per Kabbalam & oralem traditionem tradere parvulis & mulieribus, indoctis & imperitis, est necessarium, quemadmodum traditur ipsis, quod sit Unus, Æternus, & quod nulli alii præter Ipsum sit serviendum. Nam non constat Unitas, nisi per remotionem corporeitatis: corpus enim non est unum, sed compositum ex materia & forma, quæ sunt numero duo. Præterea dividi potest, & recipit divisionem. Hæc cum acceperint, in iisque exercitati fuerint, sed in dictis Prophetarum hæsitent & confundantur, tùm illa ipsis ordine & distinctè exponuntur & declarabuntur, admonebunturque de homonymiis & metaphoricis usurpationibus

*Proprietates  
Dei quomodo à  
nostro differant.*

*Quantum &  
quid pueris &  
communem ple-  
bem de Deo de-  
cere liceat.*

*Quid nō liceat.*

vocabulorum, quæ in illis occurrunt, ut confirmetur in illis fides de Unitate Dei, atque ita fide perfectâ credant libris Prophetarum. Quodd si autem quis imbecillioris fuerit ingenii, quàm ut comprehendere & intelligere possit explicationes versuum illorum, & quomodo nomen aliquod in diverso sensu usurpetur, ei dicetur, explicationem illam intelligi à Sapientibus & ab eruditis: ipsi sufficere, ut sciat, quod Deus Benedictus non sit corporeus, neque passioni alicui obnoxius, (quia Passio species est Mutationis: in Deum autem non cadit mutatio:) quodd item nulli rei assimilari, & cum nulla alia re sub una eademque definitione comprehendendi possit; & tandem, quodd verba Prophetarum vera sint, ac certam expositionem habeant. Et hic cum ejusmodi ingeniis subsistit potest. Neque enim necesse est, ut argumentis confirmetur scientia hominis in articulo Corporeitatis & affectionum corporis: quemadmodum non est necesse, ut argumentis confirmetur ipsi, Nullum esse Deum, vel Deum non habere socium & æqualem, vel Non esse alium Deum colendum.

## CAP. XXXVI.

*Quare Deus dicatur Irasci, & Zelotypiâ  
affici.*

QUANDO QUIDEM adhuc de variis, quæ Deo tribuuntur, Attributis agimus, explicabo tibi quoque, quo respectu de Deo dicatur, quodd res aliqua ipsi placeat, vel displiceat, & ad iram provocet. Non est autem intentio nostra in hoc capite explicare, quâ ratione de hominibus dicatur, quodd ipsi Deo placeant, vel ipse iis irascatur: verum hoc volumus.

*Ira, Furor, Indignatio, Zelotypia, nunquam attribuitur Deo, nisi propter Idololatriam.*

Deut. 11. 16. 17.

Deut. 6. 14. 15.

Deut. 31. 29.

Deut. 32. 21.

Deut. 6. 15.

Jerem. 8. 19.

Quodd si consideraveris & inspexeris totam Legem, omnesque Prophetarum libros, nunquam invenies has voces, *Charon Furor, Aph Ira, Caas Indignatio, Kinah Invidia, Aemulatio, Zelotypia*, Deo attribui, nisi quando agitur de Idololatria. Præterea etiam, non invenies aliquem vocari *Hostem, Inimicum, Osorem Dei*, nisi propter Idololatriam: ut, *Ne colatu Deos alienos &c. unde excandescas: in vos ira Domini. Sic, Non ambulabitis post Deos alienos &c. ne forte irascatur furor DOMINI DEI tui in te. Item, Irritando, vel ad iram provocando eum opere manuum vestrarum. Item, Ipsi zelare fecerunt me in te, quæ non est Deus, irasci fecerunt me in vanitatibus suis. Item, Deus enim zelotes Domini Deus tuus &c. Item, Quare irasci fecerunt me sculpsitibus suis, &*

vanitatibus Dei alieni? Item, *Præ ira in filios suos & filias suas.* Item, *Quia ignis accensus est in furore meo, super vos ardebit.* Item, *Ulciscitur se de hostibus suis.* Item, *Retribuit odio habenti ipsum.* Item, *Donec expulerit inimicos suos de facie sua.* Item, *Id quod odio habet Dominus Deus tuus.* Item, *Omnem abominationem Domini, quam odit.* Et sic in aliis locis innumeris, quæ omnia si percurras, invenies cuncta hoc sensu esse dicta.

Hanc verò amplificationem vel potius exaggerationem adhibuerunt Prophetæ, quia error iste, Idololatria inquam, Deum ipsum attingit. Nam qui credit Rubenem stare, quando sedet, non tam longè declinat à veritate, sicut is, qui credit Elementum ignis esse sub aëre, vel Elementum aquæ esse infra tertam, aut Terram esse expansam, vel simile quid: & hic secundus non tantum declinat à veritate, sicut ille, qui credit Solem oriri ex Igne, vel sphæram, sive cælum, dimidium tantum esse globum, aut simile quid: hic autem tertius non tantoperè deflestit à vero, quemadmodum is, qui credit Angelos comedere & bibere, vel tale quid agere: atque hic quartus non tam graviter errat sicut is, qui credit alium colendum esse Deum. Quando enim ignorantia & incredulitas vel negatio dependet à re aliqua magna & eccellente, longè habetur major & gravior, quàm si versatur circa rem levem & ignobiliorem. Negationem voco, quando aliquid credimus aliter quàm se habet. Ignorantiam, ignorationem simplicè ejus rei, quæ sciri potest. Sic ignorantia ejus, qui ignorat, quæ sit proportio conii ad cylindrum, vel qui ignorat Solem esse rotundum, non est tam crassa, sicut illius, qui ignorat, num sit Deus in Mundo, necne. Et negatio ejus, qui credit conum dimidiam esse partem cylindri, (*est enim tertia pars, juxta Euclid. Geom. l. 5. tb. 10. prop. 10.*) vel qui negat Solem esse rotundum, non est tanta, quàm illius, qui negat unum tantum esse Deum. Porro, Idololatra quod attinet, nostri, neminem illorum hac opinione Idolum colere, quasi nullum præter illud existimaret esse Deum: nemo etiam hominum unquam excivit, vel existit, qui sibi imaginetur, figuram illam, quam ex metallis, lignis vel lapidibus confecit, creasse cælum & terram, illaque gubernare: verum colunt illa, quatenus ea habent pro rebus intermediis inter ipsos & Deum Opt. Max., sicut hoc clarè nobis exponitur à Jeremia, cùm ait; *Quis non timebit te Rex gentium?* Jerem. 10. 7. &c. Item, *Et in omni loco incensum offertur* *Idolatriæ* h.e. *Nomini meo*, vel propter me. Indicat enim (vox sc. *Idolatriæ*) *Nomini meo*) causam primam (propter quam se offertur incensum) ex opinione ipsorum (idololatrarum). Sed de ista te jam egimus in majore nostro Opere: neque etiam

*Idololatra quomodo Idola colant.*



his ullus Sapientum Legis nostræ contradicit. Quamvis autem Hæretici illi (*idololatra*) credant, Deum esse, quia tamen ipsorum Negatio vel Hæresis consistit in eo, quod Deo soli debetur (cultu sc. & celebratione, sicut dicitur, *Et coleris Dominum* &c.), & per quod confirmatur in animis plebis, Deum esse; quasi nempe id aliis quoque deberetur, vel ad alios etiam pertineret: idèò miseram plebem eò adducit, ut non credant Deum esse. Apprehendunt enim illi (*plebs videlicet*) cultus tantùm externè (*existimantes, illum esse Deum, qui ab omnibus colitur*): non verò rationes eorundem, neque etiam veritatem illius, qui colitur. Hac verò re nil nisi mortem consequuntur, sicut dicitur, *Non relinques vivam ullam animam*, ut sc. tollatur falsa ista opinio, neque per illam alii quoque perdantur: hæc enim causa expresse additur: *Ne doceant te facere secundum omnes abominaciones suas.*

Deut. 10. 16.

Ibid. v. 18.

Quòd si ergo isti vocantur Hostes, Inimici, Ofores Dei, & de eis dicatur, quòd ad Iram & Zelotypiam ipsum provocent; quæ ratio erit eorum, quorum hæresis immediatè tangit Deum ipsum, & qui multa credunt de Deo falsa & absurda, h.e. qui vel negant Deum verum ejusque essentiam, vel qui duos Deos credunt, vel qui Deum credunt esse corporeum, & passionibus vel imperfectionibus aliis subiectum & obnoxium? Hi enim longè deteriores sunt illis, qui idola colunt, quasi mediatores vel res intermedias inter Deum & ipsos, ac benefaciendi vel malefaciendi virtutem habentes. Quare certò persuasum habeas, si credas corporeitatem, vel affectiones & qualitates corporis, te longè gravius Deum offendere, & ad iram ac zelotypiam provocare, multò etiam truculentiorum te esse Dei Hostem, Inimicum, & Oforem, quàm is est, qui exercet Idololatriam. Neque existimes, eum, qui corporeitatem credit, excusari posse, si dicamus, illum in ea sententia educatum esse, vel meliora nescire, vel obrusioris esse ingenii: sic enim idololatra quoque excusari potest, quòd id faciat vel ex ignorantia, vel idèò, quia in ea consuetudine à parentibus suis educatus sit. Non est etiam quòd dicas, sensum legis litteralem illos in hunc errorem coniecisse: nam & idololatræ ad cultum suum moventur per falsas & inanes suas imaginationes. Quæ omnia cùm ita se nunc habeant, omni planè excusatione carent ii, qui cùm ipsi ingenio non sint idoneo ad harum rerum speculationem, ab iis, qui veritatem solidè intelligunt, eam nolunt accipere. Nam non reputo illum pro Hæretico, qui non adducit (h.e. *qui non potest adducere*) demonstrationes ad remo-

*Ignorantia &  
Educatio nō ex-  
cusant hæresin.*

ven-



vēdam corporeitatem; sed eum pro Hæretico habeo, qui non credit  
ipſius remotionem: in primis cū Onkelos & Jonathan tam ſolli-  
cité omnia, quæcunque potuerunt, hac in parte declinārint.

Et hoc volebamus in iſto capite.

CAP. XXXVII.

*In quo explicatur vox פנים Panim Facies.*

**P**ANIM Facies, vox eſt valdè æquivoca. פנים Facies.  
Primò ſignificat Faciem cujuſlibet animantis; ut, *Et verſe* Jerem. 30. 6.  
*sunt omnes panim facies in pallorem.* Item, *Quare penechem facies veſtræ* Gen. 40. 7.  
*mala ſunt?*

Deinde ſignificat Iram, Indignationem: ut, Ulphaneha *Et facies* 1. Sam. 1. 18.  
(ira) ejus non erat illi ampliùs. Hoc ſenſu ſæpè uſurpatur de Dei Indi-  
gnatione & Furore: ut, *Pene Facies (ira) Dei diſiſit eos.* Item, *Pene* Thren. 4. 16.  
*Facies (ira) Domini ſuper facientes malum.* Item, *Panaj Facies (ira) mea* Pſal. 34. 17.  
*diſcedet, & requieſcere faciam te.* Item, *Et ponam ego panaj faciem meam* Exod. 30. 14.  
&c. Et ſic frequentiſſimè. Levit. 10. 5.

Tertiò ſumitur pro eſſentia hominis & ſtatu ejus (h.e. de præſentia,  
& perſona hominis): ut, *Al pene in faciebus omnium fratrum ſuorum mor-*  
*tuus eſt.* Item, *Al pene in faciebus omniſque populi glorificabor,* h.e. coram Lev. 10. 3.  
ipſis, ipſis præſentibus. Sic, *Niſi in faciem el panim maledixeris tibi,* h.e. Jobi 1. 11.  
*in tua præſentia.* Hoc ſenſu dictum eſt: *Et loquutus eſt Dominus ad* Exod. 33. 11.  
*Moſen panim el panim de facie ad faciem,* h.e. in propria perſona, co-  
ram, absque medio, ſicut dicitur, *Age videndos nos præbeamus panim de* 2. Chron. 25. 17.  
*facie,* & ſicut alibi dicitur, *Panim bepanim De facie ad faciem loquutus* Deut. 5. 4.  
*eſt Dominus vobiscum.* Quæ quomodo intelligenda ſint, clariùs in alio  
loco exponitur: *Vocem verborum audiviſtis, & ſimilitudinem nullam vi-*  
*diſti præter vocem:* & tamen de hac ait, *De facie ad faciem.* Quare eo-  
dem modo & in illo, *Et loquutus eſt Dominus ad Moſen de facie ad fa-* Exod. 33. 11.  
*ciem,* capiendum de enarratione verborum, h.e. *decem præceptorum,*  
ſicut dicitur, *Et audivi vocem loquentem ſecum.* Unde vides, quòd Au-  
ditio vocis ſine intermedio & interventu Angeli, cognominetur  
phraſi illà, *De facie ad faciem.* Tandem ex tertia hac ſignificatione eſt  
& illud, *Ulphanai Et facies mea non videbitur,* ſenſus enim eſt: Veritas  
eſſentiæ meæ, ſeu ipſa Eſſentia mea prout eſt, non poteſt apprehendi.

Quartò denotat vox hæc Panim circumſtantiam Loci, ſignificatq;  
id, quod eſt in facie hominis, vel coram homine (in uno eodemq; loco)  
& inter manus ejus. Hoc ſenſu uſurpatur ſæpè de Deo Benedicte,

ut

ut cum dicitur, Liphne *Ad faciem Domini*. Et ex hac significatione est quoque illud secundum expositionem Onkeli; *Et facies mea non videbuntur*. Sic enim transfert, *Et que coram me sunt, non videbuntur*, innuens, esse sublimes & nobiles quasdam creaturas, quas homo non possit apprehendere prout sunt, Intelligentiæ sc. separatæ & abstractæ, de quibus ait, quod coram Deo sint & inter manus ejus jugiter, propter summam curam & providentiam, quam continuè de illis habet. Ea autem, quæ apprehendi possunt juxta ipsum (Onkelum inquam), sunt illa, quæ in inferiori & ignobiliore sunt gradu essentia, h.e. substantiæ, materiæ & formæ, (*ut sunt corpora naturalia tam simplicia quàm composita*). De his ait, *Et videbuntur quæ post me sunt*, q.d. ea Entia, quæ sunt ac si ego ab eis declinatem, eaque post tergum meum projicerem: parabolicè; quia longius remora sunt ab essentia Dei. Et hæc quidem Onkeli est explicatio: meam sententiam de eo, quod Moses à Deo petiit, audies infrà cap. 54.

Quinò habet quoque significationem Temporis, & significat idem quod *Kodem* Antè, Antea, Antequam: ut, Lephanim *Antè in Israël*. Item, Lephanim *Antea*, vel *Antequam* terram fundisti.

Sextò deniq; significat Curam & Providentiam, vel Respectum: ut, Levit. 19. 15. *Non accipies pene facies egeni*. Item, *Et acceptus panis facie*. Item, *Qui non accipit panem facies*. Sicque sæpissimè. Et juxta hanc significationem accipiendum illud quoque: *Tolle Dominus panem faciem suam super te, & ponet te pacem*. Vult enim dicere; Comitabitur nos ipse providentia.

## CAP. XXXIIX.

*In quo explicatur vox אַחֹר Achore, Achare  
Post, Posterius &c.*

אֲחֹרִי חֶסֶד

Post.

Exod. 16. 12.

1. Sam. 2. 13.

1. Reg. 23. 26.

Gen. 22. 10.

**A**CHOR Vox est homonyma, & primò significat Tergum, Dorsum: ut, Achore *Posteriora* h.e. Tergum Tabernaculi. Item, *Et exiit hasta meacharav è posterioribus ejus* (h.e. è tergo ejus.)

Deinde significat quoque Tempus: ut, Veacharav *Et post eum non surrexit sicut ille*. Item, *Post verba illa*. Et sic multoties.

Tertio, significat Post rem aliquam sequi, vel mores & virtutes alijus imitati: ut, Achare *Post Dominum Deum vestrum ibitis*. Item, Achare *Post Dominum ibunt*. In quibus significat, Sequi voluntatem ejus, & Ambulare in viis operum ipsius, ejusque virtutes imitari. Sic dicitur, *Ambulavit achare post preceptum*. Et hoc sensu dictum est, *Videbu*

*debus posteriora mea*, h.e. apprehendes ea, quæ sequuntur me & mihi assimilantur, quæq; ex voluntate mea consequuntur, h.e. creaturas meas omnes, sicut in aliis capitibus à me explicatum.

C A P. XXXIX.

*In quo explicatur homonymia vocis*

לב Lebh Cor.

**L** E B H Vox est homonyma, & *primò* quidem est nomen Mem- <sup>35</sup> Cor.  
bri, in quo est principium vitæ omnium animantium: ut, *Et in-* 2. Sam. 18. 14.  
*fixit ea belebh in cor Absalomi.*

Quandoquidem verò Membrum hoc est in medio corporis, accommodatur *secundò* ad cuiusvis rei Medium: ut, *Ufq; ad lebh cor cali.* Deut. 4. 11.  
Item, *Belabbat In corde ignis.* Exod. 3. 2.

*Tertiò* sumitur quoq; pro Cogitationibus: ut, *Nónne libbi cor meum* 2. Reg. 5. 26.  
*ivit tecum?* h.e. Nónne fui occupatus in cogitationibus meis, cùm sic  
& sic accideret? Et ex hoc sensu est, *Non videbitù post levavchem cor* Num. 15. 39.  
*vestrum*, h.e. nò sequemini cogitationes vestras. Item, *Ascher levavo* Deut. 19. 18.  
*Cujus cor avertat sese hodie*, h.e. cuius cogitatio se avertat.

*Quartò* significat Consilium: ut, *Omne residuum Israëlù lebh corde* 1. Chron. 12. 38.  
*uno erant, ut constituerent Davidem Regem*, h.e. consilii unius erant.  
Item, *Stulti ob defectum lebh cordis moriuntur*, h.e. ob defectum & ino- Prov. 10. 21.  
piam consilii. Item, *Non* <sup>לְיָדִי</sup> <sup>יְחֶרֶף</sup> *jecheraph levavi cor meum omni-* Job. 27. 6.  
*bus diebus meis*, h.e. non declinabit consilium meum: sic enim versus  
ille incipit, *Iustitiam meam fortificabo, nec deferam eam &c.* De sensu  
aurem isto vocis *Jecheraph* est meo iudicio & illud, *Ancilla* <sup>נְחֻרְפָּת</sup> *ne-* Lev. 19. 16.  
*cherepher leisch* (h.e. quæ vito appropriata, desponsata est). Sic in  
Lingua Arabica vox similis est <sup>טַנְחַרְפָּה</sup>, quæ significat eum, qui à  
servitute declinat, & transit ad matrimonium.

*Quintò* significat Voluntatem: ut, *Et dabo vobis pastores secundum cor* Jerem. 3. 15.  
*meum kelibbi.* Item, *An im levavecha cum corde tuo rectum sicut cum* 2. Reg. 10. 15.  
*corde meo?* q.d. An est voluntas tua recta sicut mea? In hac significa-  
tione usurpatur de Creatore: *Quemadmodum est bilvavi in corde meo* 1. Sam. 2. 35.  
*& in animo meo, faciet*, h.e. faciet secundum voluntatem meam. Item,  
*Et erunt oculi mei velibbi & cor meum ibi omnibus diebus*, h.e. providentia 1. Reg. 9. 3.  
mea & voluntas mea.

*Sextò* significat Mentem, Intellectum: ut, *Homo verò vacuum jillavet* Job. 11. 12.  
*efficitur cordatus*, h.e. fit intelligens. Item, *Lebh Cor sapientiæ ad dexte-* Ecclef. 11. 12.  
*ram ejus*, h.e. Intellectus ejus in rebus perfectis. Sic alibi. Et in hoc

*Quo sensu Cor  
Deo attribua-  
tur.*

Deut. 4. 39.  
Jes. 44. 19.

Deut. 29. 4.  
Deut. 4. 35.

Deut. 6. 5.

significato passim attribuitur Deo Benedicto, paucis locis excep-  
tis, in quibus pro Voluntate usurpatur. Singula autem secundum  
suum sensum sunt exponenda. Sic legimus, *Revocato ad cor tuum el  
levavecha*. Item, *Et non revocat ad cor suum el libbo*. Et sic, quæcunq;  
his similia reperiuntur, sunt ex notione Intellectus, quemadmodum  
dicitur, *Et non dedit vobis Dominus cor ad intelligendum*. Item, *Tibi osten-  
sum est, ut scires, quod Dominus est Deus*. At verò quod illud attinet, *Dili-  
ges Dominum Deum tuum in toto corde tuo* bechol levavecha, id, meo  
quidem iudicio, idem valet ac, omnibus viribus cordis tui, h. e. omni-  
bus viribus & facultatibus corporis : principium enim omnium  
provenit ex corde. Sensus ergo est : Omnium actionum tuarum finis  
erit Apprehensio Dei, quemadmodum exposuimus in Commenta-  
rio nostro super Textum Talmudicum, & in Opere nostro Tal-  
mudico.

## CAP. XL.

### *In quo explicatur vox רוח Ruach Spiritus.*

רוח Ventus,  
Spiritus.  
Gen. 1. 2.

Exod. 10. 13.  
Ibid. v. 19.

Psal. 78. 39.  
Gen. 6. 17.

Eccles. 12. 7.

Num. 11. 17.  
Ibid. v. 26.

2 Sam. 23. 2.

Prov. 29. 11.

**R**UACH Vox est homonyma. Significat enim *primò* Aërem,  
h. e. unum ex quatuor Elementis : ut, *Veruach Et spiritus Domini  
incubabat super aquas*.

*Deinde* significat Spiritum flantem, h. e. Ventum : ut, *Veruach Et spi-  
ritus (ventus) Orientalis attulit locustas*. Item, *Ruach Spiritus Occidenta-  
lis*. Et sic sæpissimè.

*Tertio* sumitur pro Spiritu vitali : ut, *Ruach Spiritus abit & non re-  
vertitur*. Item, *In quo ruach spiritus vita*.

*Quarto* sumitur de parte illa hominis incorruptibili, quæ super-  
sties remanet post mortem : ut, *Veruach Et spiritus hominis redit ad  
Deum, qui dedit eum*.

*Quinto*, significat Influentiam illam intellectualem divinam à  
Deo Prophetis instillatam, cujus virtute prophetant, quemadmo-  
dum hoc explicaturi sumus, quando de Prophetia agemus, cujus ra-  
tio in hoc libro nobis quoque pertractanda : ut, *Et separabo min ha-  
ruach de spiritu qui est in te, & ponam in eis*. Item, *Et fuit cum quievisset  
super eos hatuach spiritus*. Item, *Ruach Spiritus Domini loquutus est in  
me &c.*

*Sexto* significat quoque *Propositum*, & *Voluntatem* : ut, *Kol rucho  
Omniem spiritum suum profert stultus*, h. e. omnem intentionem, volunta-  
tem

tem suam. Sic, *Et exhaurietur ruach spiritus Aegypti in medio ejus, & conflum ejus absorbebo*, h. e. dissipabitur propositum ipsius, & gubernatio ejus abscondetur. Sic, *Quis direxit ruach spiritum Domini, & quis vir consilii ejus, ut indicare possit eum?* h. e. Quis est, qui sciat ordinem voluntatis ejus, aut qui apprehendat & assequatur, quâ ratione hanc rerum universitatem gubernet, & qui eam indicare possit? quemadmodum hoc alibi quoque declaraturi sumus. Vides ergo, quod vox hæc *Ruach*, *Quo sensu Deo attribuitur.* quando Deo attribuitur, ubique sumatur partim in quinta, partim in sexta & ultima significatione, quatenus Voluntatem significat. Exponatur in unoquoque loco pro ratione rerum & circumstantiarum.

CAP. XLI.

*In quo explicatur vox נפש Nephesh*

*Anima.*

**N**E P H E S C H Vocabulum est æquivocum, & primò quidem נפש Anima. est nomen generale Animæ, cujus vis viventis sensu præditi: ut, *In quo nephesh anima viveus.* Genes. 1. 30.

Deinde sumitur quoque pro Sanguine: ut, *Non comedes hane nephesh animam cum carne.* Deut. 12. 23.

Tertio significat in specie Animam rationalem, h. e. formam hominis: ut, *Vivit Dominus, qui fecit nobis hane nephesh animam hanc.* Jerem. 38. 16.

Quarto denotat rem illam, quæ etiam post mortem hominis superstes manet: ut, *Et erit nephesh anima Domini mei ligata in fasciculo viventium.* 1. Sam. 25. 29.

Quinto significat Voluntatem: ut, *Ut alligaret Principes ejus benaphscho secundum animam suam*, h. e. pro voluntate sua. Sic, *Ne des me benephesh in animam hostium meorum*, h. e. Ne tradas me arbitrio & libidini ipsorum. Sic, *Si est in naphschechem cum anima vestra ad sepeliendum mortuum meum*, h. e. si est mens & voluntas vestra. Item, *Si staret Moyses & Samuel coram me, non esset naphschi anima mea ad populum istum*, h. e. non esset mihi voluntas in illis, quod non vellem eos conservare. Atque ita usurpatur vox *Nephesh* Anima, pro Voluntate, quotiescunque occurrit de Deo Benedicto, ut v. g. in nuper citato loco, *Quemadmodum in corde meo ubenaphschi & in anima mea, faciet*, sensus enim est, In voluntate mea, & in animo meo. Sic expono & illud, *Vattikzar naphscho In labore Israël*, h. e. Jud. 10. 16. Et desit, cessavit voluntas ejus ab affligendo Israël. Jonathan versum istum non exposuit, quod existimârit, *Animam* hic sumi

in prima significatione, unde sequeretur passio (*h.e. Deum passioni esse obnoxium*): quare illum intactum reliquit. Quòd si verò intelligatur in hoc postremo significato, expositio clara est & plana. Præcessit enim, quòd Dei providentia ipsos deseruerit, neque Deus ipsos servârit, donec mortui fuerunt & clamaverunt ad quærendam salutem. Postquàm verò seriam egissent poenitentiam, miseria ipsorum invalesceret, inimiciq; eorum prævalerent, misertus est illorum, ac cessavit voluntas ejus, crucem & afflictionem ipsorum porro continuandi. Diligenter itaq; hoc observa, nam præclara valdè est hæc expositio. Præfixum autem Beth *In*, in voce *בְּעָמַל* *In labore* est loco Mem *A*, *Ab*, quasi diceretur *בְּעָמַל* *A' labore vel molestia*. Neq; hoc novum quid est: nam talia plura periti hujus lingue jam pridem observârunt: ut, *Quod verò super fuerit בָּשָׂר וּבְלֶחֶם in carne & in pane*. Item, *Quòd si parum reliquum fuerit בשׁכָּחִים in annis &c.*

*Præfixum Beth loco Mem frequenter ponitur.*

Levit. 3. 32.

Levit. 25. 52.

## CAP. XLII.

*In quo explicatur חַי Chaj Vivens, Vivum, Vivere: & מוֹת Mori.*

חַי Vivere, &  
מוֹת Mori.

**CHAJ** Nomen est, quod competit primò vegetabili & sensitivo: ut, Omne reptile, quod est *chaj vivens*.

Gen. 9. 3.

Jesa. 38. 9.

Jesa. 5. 8.

Lev. 13. 16.

Deinde significat idem quod Sanari, & Convalescere à gravi aliquo morbo: ut, Vajechi *Et vixit* (convaleuit) *ab aegritudine sua*. Item, *Manserunt in castris ad chajotam donec vixissent, vel revixissent*. Sic, Caro *chaj viva*. Econtrariò *Mut* significat pariter primò Mortem, deinde gravem aliquem Morbum & Aegritudinem, ut, Vajamoth *Et mortuum est cor ejus, & fuit in lapidem*, h.e. ingravescere morbus ejus. Quare ut hæc homonymia vitetur, dicitur de filio mulieris Sareptanæ, *Et invalescebat morbus ejus, usq; dum non remaneret in eo anima*: si enim dictum fuisset, Vajamoth *Et mortuus est*, potuisset explicari, illum ad mortem, vel lethaler ægrotasse, quemadmodum Nabal, cùm verba uxoris suæ audivisset. Andeloseni quidam statuerunt, halitum ejus tantùm desuisse, ita ut non ampliùs respiraret, quemadmodum in Apoplexia, Suffocatione matricis, & aliis morbis acutis sæpè solet accidere, ut per dies aliquot dubium sit, an tales vivi sint vel mortui.

1. Sam. 25. 37.

1. Reg. 17. 17.

1. Sam. 25. 37.

*Andeloseni.*

Prov. 3. 22.

Prov. 8. 35.

Prov. 4. 22.

Tertiò adhibetur hoc verbum *Chajah* non infrequenter ad Sapientiæ habitum: ut, *Et erunt chajim visa anime tuae*. Item, *Qui invenit me, invenit chajim vitam*. Item, *Chajim Visa enim sunt invenientibus ea &c.* Et hinc est, quòd scientiæ vel sententiæ bonæ & salutare vocan-

vocantur *Vita* : perniciosæ econtrà & pestiferæ, *Mors* : ut cùm Deus dicit : *Ecce proposui tibi vitam & bonum : mortem & malum* : ubi expresse ostendit, Bonum esse Vitam, & Malum esse Mortem. Sic explico illud, quod Deus ait, *Ut vivatis*, secundùm receptam opinionem, *Ut benè sit tibi*. Et quia frequens est hæc translatio in hac lingua, hinc dicunt Rabbini nostri p.m. *Iusti etiam in morte sua vocantur vivi* : & contrà, *Impii etiam viventes vocantur mortui*.

CAP. XLIII.

*In quo explicatur קנף Kanaph Ala.*

**K**ANAPH Vocabulum est æquivocum, & per metaphoram קנף Ala, Ora ad varia accommodatur.

Primâ suâ impositione significat Alas animantium volatiliū : ut, *Omnis avis, omnis kanaph ala*. Item, *Omnis avis kanaph ala, quæ volat sub cælis*. Gen. 7.14. Deut. 4.17.

Deinde transfertur ad Alas vel Oras vestimentorum : ut, *In quatuor kanphoth aliū vestimenti sui*. Deut. 22.12.

Tertiò accommodatur ad Extremities terræ habitabilis, ejusque angulos vel plagas, longè à locis nostris distantes : ut, *Ut apprehendas kanphoth alas terræ*. Item, *Mikkenaph Ab ala terre* (i.e. ab extremo terræ) *cantica*. Jobi 38.13. Jesa. 24.16.

Quartò dixit *Aben Ganach*, quòd occurrat quoque in significatione Abscondendi, sicut in lingua Arabica dicunt كنف كنه. Sic locum illum Jesaïæ, *Non jiccaneph alatus fiet doctor tuus*, explicat, *Non occultabitur, non absconderetur à te doctor tuus*. Atque hæc expositio elegans est, secundùm quam meo judicio exponendum & illud, *Non discooperies kanaph alam patris sui*, h.e. non detegat absconditum, occultum, secretum patris sui. Sic, *Et expandas kenaphecha alam tuam super ancillam tuam*, expono, Absconsonem, protectionem super ancillam tuam. Et hoc sensu, meo judicio, transfertur רי Kanaph ad Deum Benedictum & Angelos, quia Angeli quoque ex sententia nostra sunt incorporei. Quod dicitur : *Quæ venisti ad recipiendum te sub kenaphav alæ ejus*, ejus expositio est, *Quæ venisti ad recipiendum te, sub absconsonem & protectionem ejus*. Sic cùm de Angelis dicitur, *icidem significat Occultationem, Absconsonem*. Nôsti enim, quando dicitur, *Duabus (aliis) operiebas faciem suam, & duabus operiebas pedes suos*, Prophetam velle significare, quòd causa essentia Angeli, quæ per Faciem intelligitur, & illa, quorum Angeli causa sunt, sive effecta & opera Angelorum, quæ per Pedes intelliguntur, prout ex-

cap. 49. p. 1.

posui in voce *Regel*, occulta admodum sint & abscondita. Actiones quippe Intelligentiarum occultæ sunt, earumque ratio haud faciliè patet; idque duas ob causas, quatuor una tangit ipsos, altera nos, h.e. partim ob debilitatem ingenii & intellectus nostri, partim ob summam difficultatem apprehendendi abstracta secundum veritatem ipsorum. Quod verò porro dicit, *Et duabus volabam*, id in peculiari capite tibi explicabo; quam ob causam sc. Angelis Volatus attribuitur.

## CAP. XLIV.

*In quo explicatur vox רַא אֵין Ajin Oculus.*

רַא Oculus.

Gen. 16. 7.

Exod. 21. 24.

**A** Jin vel En Oculus, Vox est æquivoca, significans primò Fontem aquarum: ut, *Alen Ad fontem aquarum in deserto.*

Deinde significat Oculum, visus organum: ut, *Ajin rachat Ajin Oculum pro Oculo.*

Jer. 39. 12.

Quoniam in Deo

attribuitur.

1. Reg. 9. 3.

Deut. 11. 12.

2. Chron. 16. 9.

Terriò significat Curam, Providentiam: ut cum de Jeremia dicitur, *Accipe eum veenecha & oculos tuos pone super illum.* Sensus enim est, Curam ejus gete, sit tibi curæ. Hoc sensu sumitur, quando dicitur de Deo Benedicto: ut, *Et erunt enaj oculi mei, & cor meum ibi omnibus diebus*, h.e. providentia & intentio mea, sicut in præcedentibus exposuimus. Sic, *Semper ene oculi Domini Dei tui sunt in ea*, h.e. providentia ejus. Item, *Ene Oculi Domini discurrunt per totam terram*, h.e. Providentia ejus extenditur ad omnia, quæ sunt in terra: quemadmodum hoc tibi explicabitur, quando agemus de Providentia. Quando verò huic voci *Ajin Oculus* adjungitur verbum *Raah* aut *Chasah* Videre: ut, *Aperi oculos tuos, urech & vide.* Item, *Oculi ejus jechesu videbunt*: tum denotat Apprehensionem Intellectualem, non Sensualem. Omne enim Sensibile, ut nosti, passioni est obnoxium: Deus verò agit, non patitur, sicut explicabo.

## CAP. XLV.

*In quo explicatur verbum שָׁמַח Schamah  
Audiuit.*

שָׁמַח Audiuit.

Exod. 23. 13.

Gen. 45. 16.

**S** CH A M A H Vox est æquivoca, significans primò Auditionem auris; secundò Acceptionem vel Receptionem rei alicujus. Ex significatione Auditionis est, *Non jisschamah audietur per os tuum.* Item, *Et vox nischmah audita est in domo Pharaonis.* Et sic sæpissimè. Sic crebrò occurrit hoc verbum *Schamah* in significatione Acceptionis



nis vel Receptionis: ut, *Non schameu audierunt Moſen.* Item, *Si ſchameu audiverint & ſerviverint.* Item, *Et vos hanifſchmah an audiemus?* Item, *Qui non ſchamah audiverit verba tua.*

Exod. 6.9.  
Neh. 13.27.  
Deut. 18.19.

Tertiò ſignificat Notitiam, Scientiam: ut, *Gentem, cujus non iſchmahu audietis linguam,* h.e. cujus ſermonem nescies, ignorabis. Sic ſemper verbum hoc *Schamah*, quando Deo attribuitur, ſi juxta ſenſum Scripturæ litteralem videatur eſſe ex prima ſignificatione, ſumitur pro Apprehenſione, & eſt ex ſignificatione tertia: ut, *Vaiſchmah Et audivit Dominus.* Item, *Befchomeo Cùm audiret murmurationes veſtras.* Hæc enim omnia ſignificant Apprehenſionem mentis. Si verò juxta ſenſum textus litteralem videatur eſſe ex ſecunda ſignificatione, tùm ſignificat, quòd Deus Exaudire velit clamorem clamantis ad ipſum, ejusque petitionem adimplere, vel quòd nolit ipſum exaudire, neque petitioni ejus ſatisfacere: ut, *Schamoh eſchmah Audiendo audiam clamorem ejus.* Item, *Vefchamati Et audiam, quia gratoſus ego.* Item, *Inclina aurem tuam uſchemah & audi.* Item, *Et non ſchamah audivit Deus vocem veſtram, neque aures ſuas admovit vobis.* Item, *Quamvis multiplicetur precationem, tamen non ſchomeah audio.* Item, *Quia non ſchomeah audio te.* &c.

Deut. 28.49.  
*Quo ſenſu de Deo dicatur.*  
Deut. 1.34.  
Exod. 16.7.  
Exod. 22.22.  
Ibid. v. 26.  
Jeſa. 36.17.  
Deut. 1.45.  
Jeſa. 1.15.  
Jerem. 7.16.

Sic itaque ex tropis & metaphoris iſtis hætenus explicatis pro te inventurum, quod reſtinguat ſitim tuam, & tibi multos ſcrupulos eximat. Nunc ergo quoque illorum rationes & cauſas tibi exponam, ut de nullo amplius dubitare poſſis.

CAP. XLVI.

*Quà ratione dirigamur ad cognoscendū Deum per ipſius virtutes, opera & creaturas. Quòd item affectiones corporea Deo ideò attribuantur, ut diſcat populus, in Deo omnium illarum perfectionem exiſtere.*

MAGNA eſt, ut in alio quodam capite jam innoimus, diſſerentia inter directionem ad exiſtentiam rei alicujus, & inter veritatem quidditatis & ſubſtantię ejus, (h.e. *inter ſcientiam rei alicujus* & *reſ alicujus*). Directio enim ad demonſtrandam exiſtentiam rei alicujus deſumitur vel ex accidentibus, vel ex operationibus, vel ex aliis quibusdam remotis attributis ejus: ut E. G. Quan-

do  
i. cap. 33.  
*Quomodo declaratur exiſtentia rei alicujus.*

do Regem aliquem vis cognoscendum dare cuidam ex ipsius subditis, quicum non novit, tūm variis modis eum describere poteris. Vel enim dices, Est vir procerus, albus, pallidus, canus, & sic describis eum ex accidentibus. Vel dices, Est ille, circa quem vides magnam illam peditum & equitū catervam, strictos gladios, signa erecta super caput ejus, tubas item ante faciem ipsius: vel, est ille, qui habitat in hoc palatio, in ista terra, quæ in hoc vel illo est climate: vel, est ille, qui hanc domum, murū, vel pontem, jussit ædificare, quibus & similibus, describis eum partim ab operibus, partim ab aliis attributis extraneis. Sed & per res magis absconditas *τὸ πρὸς* rerum docere potes & ostendere: ut, si aliquis ex te quæsierit; Est ne huic terra Rex aliquis? & respondeas, Est omnino. quam afferes hujus rei demonstrationem? Poreris dicere; Cū numularius vel trapezista iste, quem vides, sit vir debilis, corporis exigui, & magna auri copia coram ipso: alter verò iste, homo robustus, & magni corporis, egenus, stans ante ipsum, & vel unicum obolum eleemosynæ loco petens; sed non solum nihil ab illo accipiat, verum graviter increpetur, ac verbis injuriosis repellatur, sanè nisi Regis metus esset, ipsum interficeret, expelleret, ac omnem ejus substantiam auferret. Ita enim demonstrasses, Provinciam illam suum habere Regem, atque ex *οὐραξία* & ordine rerum civilium, cujus causa est timor Regis & pœnarum illius, ostendisses, Regem esse. In his exemplis omnibus, quæ adduximus, nullum est, quod doceat de essentia Regis, & de veritate substantiæ ejus, quatenus Rex est.

Hoc modo quoque fieri solet in omnibus Prophetarum & Legis Divinæ libris, cū Deus pro multitudine & communi plebe hominum describitur.

Quando enim necessitas postulavit, ut omnes eò dirigantur ac deducantur, ut credant Deum esse, & omnes habere perfectiones, h.e. quod non simpliciter existat, quemadmodum cælum & terra existunt, sed quod sit existens, vel ens vivum, sapiens, omnipotens, agens, & reliqua, quæ de ipso credenda sunt, quemadmodum in sequentibus declarabitur: tūm, ut ipsorum mentibus imprimat Deum existere, demonstrarum hoc ipsis est per similitudinem corporeitatis: quod sit vivens, per similitudinem Motionis vel Motus. Nam non vider imperita plebs, quomodo aliquid verè & citra dubitationem possit existere, nisi corpus. Et quicquid non est corpus, sed affectio tantum in corpore, juxta ipsos quidem existit, & est ens, sed imperfectius quàm corpus; quia sc. ad illius existentiam corpus

*Quomodo Dei  
existētia demon-  
stretur in Libris  
Sacris pro vul-  
go.*

corpus necessariò requiritur. Quod verò neque corpus est, neque affectio in corpore, id in principio formalitatis (h.e. *intellectus*) hominis, maximè autem juxta imaginationem ejus, planè non existit. Sic etiam non capiunt, quomodo aliquid Vivere possit sine Motione: unde quicquid non moveretur motu voluntario & locali, non vivit ipsorum opinione, cùm tamen motus non sit de essentia Viventis, sed accidens ipsi inhærens. Ita, quia nobis nulla Apprehensio nota est, nisi quæ sit per sensus: quia etiam non intelligimus, quomodo aliquid ex unius hominis animo in animum alterius transferri possit, nisi per sermonem live vocem, quæ formatur labiis, lingua, & reliquis membris ac organis ad loquelam pertinentibus; ideò cùm voluerunt (*Propheta*) nos eò dirigere & disponere, ut credamus, Deum apprehendere, & multa ab ipso per Prophetas ad nos pervenire, descripserunt eum nobis Audientem & Videntem, h.e. quòd apprehendat & intelligat res illas, quæ videntur & audiuntur: Loquentem item, h.e. quòd multa ab ipso ad Prophetas perveniant, cuius Prophetiæ ratio alibi tibi absolutissimè adhuc explicabitur. Præterea, quia non possumus intelligere, quomodo possit effici ut aliquid existat sine contactu, ideò descripserunt eum nobis Agentem, Operantem. Sic, quia vulgus non apprehendunt, quomodo res aliqua Vivere possit, quæ caret animâ, ideò eum quoque descripserunt, Animam habentem. Verùm vocabulum Animæ, tùm *ἄνωμα* *vîvunt* dicitur, sicut suprà explicuimus: sensus enim est, quòd Vivat. Porro, quia dictæ Actiones vel Operationes (*motus, visus, auditus, loquela, actio*,) in nobis non perficiuntur nisi organis & instrumentis corporeis: ideò quoque Illi tribuuntur organa, quibus sit motus localis, ut pedes, plantæ pedum &c. organa auditus, visus, odoratus, ut Aures, Oculi, Nasus: organa insuper & instrumenta loquelæ, ut Os, Lingua, Vox, ac denique ea, quibus utitur is, qui aliquid facit, ut putà, Manus, Digiti, Volæ, Brachium. Atque hæc omnia in eum finem, ut doceatur, Deum sine omni esse imperfectione. Organa corporea ipsi accommodantur, ad docendum de functionibus ipsorum: functiones verò, ad aliam quampiam perfectionem denotandam, non illas actiones ipsas. Exempli gratiâ, attribuuntur Ipsi Oculus, Auris, Manus, Os, Lingua, ad docendum de Visu, Auditu, Actione, & Loquela: actiones verò istæ, ut Visus, Auditus, illi tribuuntur, ad significandam Apprehensionem in genere. Hinc est, quòd in hac Lingua Hebræa sæpè Apprehensio unius Sensus, ponatur pro Apprehensione Sensus alterius: ut, *Videre Verbum Domini*, h.e. funduntur.

*Cur Propheta  
Deum describit  
Videntem, Au-  
dientem?*

*Cur Loquentem?*

*Cur Agentem?*

*Cur Animam  
habentem?*

*cap. 41.*

*Cur membra cor-  
poru Ipsi descri-  
bunt?*

*Apprehensiones  
Sensuum in Lin-  
gua Hebræa cõ-  
funduntur.  
Jerem. 2. 31.*

Audite verbum Domini: Scopus enim est, ut apprehendant sensum verbi ejus. Sic, *Vide, odor filii mei est sicut* &c. h.e. Odorare, odor filii mei est: vult enim, ut apprehendat odorem ejus. Tale quoque est illud, *Exod. 10. 18. Et omnis populus videbant voces & lampades*, (prò, apprehendebant): pràterquàm quòd in eo & hoc observandum sit, quòd in Visione Prophetià, quemadmodum in confesso apud nos est, acciderit. Operatio, vel Actio & Loquela Illi attribuantur, propter Influentiam, quæ influit ab ipso, (*in hæc sc. inferiora*), sicut alibi explicabitur.

Sic ergo omnia organa & instrumenta corporea, quæ Deo apud Prophetas attribuantur, sunt vel Motus localis, ad docendum de ipsius Vita: vel Sensus, ut doceant de ipsius Apprehensione: vel Tactus, ut doceant de ipsius Actione: vel Loquelæ, quæ docent de Infusione intelligentiarum super Prophetas: (*h.e. de influentia rerum intellectualesium, quam Prophetis infundit*), quemadmodum explicabitur. Quare omnia hæc eò tendunt, ut confirment nobis, Deum esse Ens, Vivens, Agens, vel efficiens omnia, quæ sunt extra Ipsum, & Apprehendens sua opera. Quomodo verò hæc omnia ad unum tantum referantur principium, Substantiam nempe Dei Opt. Maximi, id a libi docebo, cum de Remotione formarum externarum à Deo sum acturus. In hoc enim capite propositum nobis tantum est declarare, quo sensu Instrumenta illa corporea Deo attribuantur, ut sc. doceant de functionibus & operationibus illorum, quæ à nobis pro perfectionibus habentur, atque ita confiteri cogamur, illum numeris omnibus esse absolutissimum & perfectissimum, prout jam alibi hoc ipsum monuimus, cum explicaremus dictum illud, *Loquitur Lex lingua filiorum hominum*.

*Exempla pradi-  
ctorum.*

*Jes. 66. 1. Item, Scabellum pedum meorum. Item, Locum plantarum pedum meorum. Deinde Instrumenta Tactus: ut, Manus Dei. Item, Dignitas Dei. Sic, Opus digitorum tuorum. Item, Et pones super me manum tuam. Item, Et brachium Domini. Dexteræ Domini. Sic Instrumenta sermonis vel Loquelæ: ut, Os Domini loquutum est. Et aperuit labia sua. Vox Domini cum robore: Et lingua ejus sicut ignis consumens. Sic attribuantur Ipsi quoque Organa Sensuum: ut, Oculi ejus videbunt. Item, Palpebræ ejus probabunt. Oculi Domini discurrunt. Inclina ad me aures tuas & audi. Ignem accendisti in naso meo.*

Ex membris internis nullum Ipsi attribuitur, nisi *Cor*, eò quòd vox sit homonyma, & de Intellectu quoque dicatur (prout declaravimus),

vimus), & quoddam sit principium vitæ animantium. Hinc *Meajim* viscera Deo attribuuntur, quia ponuntur pro Corde. Nam quando dicitur, *Fremuerunt meaj*, h.e. *viscera mea super eum*: Item, *Multitudo meecha viscerum tuorum*, nihil aliud significatur, quàm Cor. Vox enim *Meajim* sumitur vel generaliter, vel specialiter. Specialiter quidem de intestinis: generaliter verò de quovis membro interno, & per consequens quoque de ipso Corde; id quod evidenter apparet ex eo, quod dicitur, *Et lex tua in medio meaj viscerum meorum*. Nihil enim aliud est, quàm si dixisset, *In medio cordis mei*. Hoc ergo sensu antè citata quoque loca sunt capienda, *Fremuerunt viscera mea*: Et, *Multitudo viscerum tuorum*. Nam & verbum *Hamah* Fremere, de Corde præ cæteris membris occurrit: ut, *Hamah Fremit in me cor meum*.

Sic non attribuuntur Ipsi *Humeri*, quia communiter adhibentur portandis oneribus, & quia iis summopere homines defatigantur: multò minùs Organa illa, quæ cibis & alimentis capiendis inserviunt. Nam illa etiam in principio cogitationis manifesta sunt imperfectionis signa & indicia.

Cæterùm, Membrorum omnium ratio in rei veritate una est & eadem; quòd nempe sint instrumenta diversarum functionum animæ. Quædam enim illorum sunt necessaria ad Conservationem ipsius Individui, ut sunt omnia membra interna: quædam ad Conservationem speciei, ut membra Generationis: quædam necessaria sunt Individuo ad exequutionem rerum suarum, & ad perficiendas actiones suas; ut Manus, pedes, oculi, quæ sunt instrumenta Motus, Actionis, & Apprehensionis. Motus hominibus est necessarius, ad persequendum id, quod illis conducit ac salutare est, & fugiendum è contrario quod illis perniciosum. Sensus sunt necessarii ad cognoscendum & discernendum ea, quæ illis sunt contraria vel convenientia. Actiones artificiales eis sunt necessariae, ut sibi prospiciant de cibo, potu, amictu, tecto: nam necessariò requiritur ad naturam ipsorum, ut possint sibi necessaria comparare, quemadmodum in multis quoque brutis animantibus artificiosas quasdam operationes videmus, quibus ad suam necessitatem indigent. Jam verò nullum hominem ita vecordem arbitror, qui non sciat, Deum nullà re ad sui continuationem & conservationem, vel ad res suas dirigendas ac disponendas, indigere; unde consequitur, illum quoque talia instrumenta & organa non habere, sed esse incorporeum. Actiones etenim suas omnes per seipsum, vel per essentiam suam peragit, non verò per instrumenta externa. Porro, si non habet ra-

*Ex membris internis nullū nisi Cor Deo adscribitur.*

*cap. 39.*

*Jer. 31. 20.*

*Jes. 63. 15.*

*Vox חַיִּים Viscera quid significet. & quomodo Deo adscribatur.*

*Psalm. 40. 9.*

*Jer. 31. 19.*

*Jes. 63. 15.*

*חַיִּים Fremere.*

*Jer. 4. 19.*

*Cur non attribuuntur Deo Humeri.*

*Item Organa nutritionis & alimenti.*

Audite verbum Domini: Scopus enim est, ut apprehendant sensum verbi ejus. Sic, *Vide, odor filii mei est sicut* &c. h.e. Odorare, odor filii mei est: vult enim, ut apprehendat odorem ejus. Tale quoq; est illud, *Er omnis populus videbant voces & lampades*, (prò, apprehendebant): præterquàm quòd in eo & hoc observandum sit, quòd in Visione Prophetiæ, quemadmodum in confesso apud nos est, acciderit. Operatio, vel Actio & Loquela Illi attribuuntur, propter Influentiam, quæ influit ab ipso, (*in hæc sc. inferiora*), sicut alibi explicabitur.

p. 2. cap. 12.

Sic ergo omnia organa & instrumenta corporea, quæ Deo apud Prophetas attribuuntur, sunt vel Motus localis, ad docendum de ipsius Viri: vel Sensus, ut doceant de ipsius Apprehensione: vel Tactus, ut doceant de ipsius Actione: vel Loquelæ, quæ docent de Infusione intelligentiarum super Prophetas, (h.e. *de influenza rerum intellectualium, quam Prophetis infundit*), quemadmodum explicabitur. Quare omnia hæc eò tendunt, ut confirment nobis, Deum esse Ens, Vivens, Agens, vel efficiens omnia, quæ sunt extra Ipsum, & Apprehendens sua opera. Quomodo verò hæc omnia ad unum tantum referantur principium, Substantiam nempe Dei Opt. Maximi, id a libi docebo, cum de Remotione formarum externarum à Deo sum acturus. In hoc enim capite propositum nobis tantum est declarare, quo sensu Instrumenta illa corporea Deo attribuuntur, ut sc. doceant de functionibus & operationibus illorum, quæ à nobis pro perfectionibus habentur, atque ita confiteri cogamur, illum numeris omnibus esse absolutissimum & perfectissimum, prout jam alibi hoc ipsum monuimus, cum explicaremus dictum illud, *Loquitur Lex lingua filiorum hominum*:

p. 1. c. 26. &amp; 33.

Exempla pradi-  
storum.

Jes. 66. 1.

Jes. 60. 13.

Psalm. 8. 4.

Psalm. 139. 5.

Jes. 53. 1.

Psalm. 118. 15.

Jes. 1. 20.

Job. 11. 5.

Psalm. 29. 4.

Jes. 30. 27.

Jer. 32. 4.

Psalm. 11. 4.

Zach. 4. 10.

Jes. 36. 17.

Jer. 17. 4.

Verum exempla quoque nunc proponamus eorum, quæ hactenus dicta sunt. Primò igitur Instrumenta vel organa Motus Localis Ipsi attribuuntur: ut, *Scabellum pedum meorum*. Item, *Locum plantarum pedum meorum*. Deinde Instrumenta Tactus: ut, *Manus Dei*. Item, *Digitus Dei*. Sic, *Opus digitorum tuorum*. Item, *Et pones super me manum tuam*. Item, *Et brachium Domini*. *Dextera Domini*. Sic Instrumenta sermonis vel Loquelæ: ut, *Os Domini loquutum est*. *Et aperuit labia sua*. *Vox Domini cum robore*: *Et lingua ejus sicut ignis consumens*. Sic attribuuntur Ipsi quoque Organa Sensuum: ut, *Oculi ejus videbunt*. Item, *Palpebre ejus probabunt*. *Oculi Domini discurrunt*. *Inclina ad me aures tuas & audi*. *Ignem accendisti in naso meo*.

Ex membris internis nullum Ipsi attribuitur, nisi *Cor*, eò quòd vox sit homonyma, & de Intellectu quoque dicatur (prout declaravimus),

vimus), & quòd sit principium vitæ animantium. Hinc *Meajim* viscera Deo attribuuntur, quia ponuntur pro Corde. Nam quando dicitur, *Fremuerunt meaj*, h.e. *viscera mea super eum*: Item, *Multitudo meecha viscerum tuorum*, nihil aliud significatur, quàm Cor. Vox enim *Meajim* sumitur vel generaliter, vel specialiter. Specialiter quidem de intestinis: generaliter verò de quovis membro interno, & per consequens quoque de ipso Corde; id quod evidenter apparet ex eo, quod dicitur, *Et lex tua in medio meaj viscerum meorum*. Nihil enim aliud est, quàm si dixisset, *In medio cordis mei*. Hoc ergo sensu antè citata quoq; loca sunt capienda, *Fremuerunt viscera mea*: Et, *Multitudo viscerum tuorum*. Nam & verbum *Hamah* Fremere, de Corde præ cæteris membris occurrit: ut, *Hamah Fremit in me cor meum*.

Sic non attribuuntur Ipsi *Humeri*, quia communiter adhibentur portandis oneribus, & quia iis summopere homines defatigantur: multò minùs Organa illa, quæ cibis & alimentis capiendis intervniunt. Nam illa etiam in principio cogitationis manifesta sunt imperfectionis signa & indicia.

Cæterùm, Membrorum omnium ratio in rei veritate una est & eadem; quòd nempe sint instrumenta diversarum functionum animæ. Quædam enim illorum sunt necessaria ad Conservationem ipsius Individui, ut sunt omnia membra interna: quædam ad Conservationem Speciei, ut membra Generationis: quædam necessaria sunt Individuo ad exequutionem rerum suarum, & ad perficiendas actiones suas; ut Manus, pedes, oculi, quæ sunt instrumenta Motus, Actionis, & Apprehensionis. Motus hominibus est necessarius, ad persequendum id, quod illis conducit ac salutare est, & fugiendum è contrario quod illis perniciosum. Sensus sunt necessarii ad cognoscendum & discernendum ea, quæ illis sunt contraria vel còvenientia. Actiones artificiales eis sunt necessariae, ut sibi prospiciant de cibo, potu, amictu, recto: nam necessariò requiritur ad naturam ipsorum, ut possint sibi necessaria comparare, quemadmodum in multis quoque brutis animantibus artificiosas quasdam operationes videmus, quibus ad suam necessitatem indigent. Jam verò nullum hominem ita vecordem arbitror, qui non sciat, Deum nullà re ad sui continuationem & conservationem, vel ad res suas dirigendas ac disponendas, indigere; unde consequitur, illum quoque talia instrumenta & organa non habere, sed esse incorporeum. Actiones etenim suas omnes per seipsum, vel per essentiam suam peragit, non verò per instrumenta externa. Porro, si non haberet

Ex membris internis nullū nisi Cor Deo adscribitur.

cap. 39.

Jer. 31. 20.

Jes. 63. 15.

Vox חַיִּים Vi-

scera quid significet. & quomodo Deo attribuat.

Psal. 40. 9.

Jer. 31. 19.

Jes. 63. 15.

חַיִּים Fremere.

Jer. 4. 19.

Cur non attribuantur Deo Humeri.

Item Organa nutritionis & alimenti.



lia organa & instrumenta, non inerunt ipsi quoque functiones & operationes illorum, quia hæ sub instrumentis comprehenduntur, (i.e. *ab illis consequuntur*): h.e. nihil erit in ipso præter ejus essentiam, per quod videat, sciat, aut velit aliquid. Nam istæ formæ externæ sive facultates, nomine solo distinguuntur. Sed Rabbini nostri p.m. jam pridem generalem tradiderunt Regulam, quâ omnia ea refutant, quæ formas ejusmodi corporales Deo apud Prophetas tribuere videntur. Docet enim illa te, quòd Corporeitas nulli ipsorum unquam in mentem venerit, neque etiam quisquam de ea dubitavit. Unde invenies, illos in toto Talmud & omnibus Medraschor litteralem verborum Prophetarum sequi sensum, quòd scirent rem esse apud omnes confessam, & extra omnem dubitationis aleam positam, omnia ista parabolicè esse intelligenda, neque etiam ullum inde errorem vel hæresin esse timendam. Quare cum viderunt, Deum assimilari (à Prophetis) Regi, qui præcipit, monet, punit, & præmia subditis suis largitur, qui etiam habet suos servos & ministros, mandata ejus promulgantes, ac quicquid ipsi visum est facientes, ideò hoc ipsi (h.e. *Sapientes nostri*) quoque imitati sunt, & loquuti sunt de Deo secundum omnia, quæ consequuntur ex ista parabola, quòd loquatur, exaudiat, respondeat, & quicquid præterea Reges agere & facere consueverunt, persuasi, nullâ hic esse dubitandi vel hæsitandi materiam. Regula autem illa generalis, cujus meminimus, hæc est, quæ legitur in Bereschit rabbah: *Magna est virtus vel fortitudo Prophetarum, qui assimilant formam cum formante eam, (vel cum authore ejus, h.e. formantem vel authorem formæ cum forma, sive formato), sicut*

Ezech. 1. 26.

*Et super similitudinem throni similitudo sicut aspectus hominû.* Quibus verbis docere voluerunt, illas figuras & formas omnes, quas viderunt Prophetæ in Visione Prophetiæ, fuisse figuras sive formas à Deo creatas. Id quod verissimum est. Omnis enim forma, quæ in imaginatione concipitur, est creata. Mirabile autem valdè est, quod dicunt, *Gadol coham*, h.e. *Magna est virtus eorum*: nam hac ratione loquendi ostendunt, quòd sibi ipsis hoc videatur esse difficillimum.

Quomodo de  
re aliqua insoli-  
ta loqui soleant  
Rabbini.

Sic etenim perpetuò ferè loqui solent, quando audiunt de re vel actione & facinore aliquo insolito: ut, *Dixit quidam, Rabbi N. fecit tale factum, in loco N. & quidem solus, & noctu. Respondit N. Camma rabh gubhreh* *Quanta est virtus vel fortitudo ejus, quòd hoc solus fecerit!* Nam *Rabh gubhreh* idem est quòd *Gadol cocho*. Quare perinde est ac si dicerent; Quantum quæso hoc est, quod Prophetæ coacti sunt facere, dum necesse habuerunt essentiam Dei per res à Deo creatas de-



declarare! Ita ergo aperte & manifestè demonstrarunt, quòd non credant Corporeitatem, & quòd omnes formæ ac figuræ, quæ exhibentur in Visione Prophetiæ, sint res creatæ, sed alsimilentur formæ formatori, ut loquuntur, (i.e. quòd Deo, qui omnium figurarum & formarum author est, formæ ab ipso creatæ attribuantur). Quòd si autem quis in deteriore partem vellet mentem ipsorum interpretari, & imperfectionis eos, quos nec vidit, nec cognovit, arguere, sciat, quòd oleum sit & operam perditurus, nec quicquam auctoritati illorum, quorum memoria sit in benedictione, derogaturus.

## CAP. XLVII.

*Quare Deo attribuantur Visus, Auditus, Odo-  
ratus, non item Gustus & Tactus. Cur item ipsi  
attribuatur Intelligentia vel Intellectio,  
non item Phantasia sive  
Imaginatio.*

MULTOTIES jam indicavimus, nihil eorum Deo à Pro-  
phetis attribui, quæ à vulgo pro Imperfectionibus habentur, vel quæ mente suâ non possunt concipere, quâ ratione Deo competat, licet eadem sit illorum ratio, quæ eorum, quibus eum nobis describunt & quasi depingunt; quia ea, per quæ describitur, cogitationibus nostris perfectiones quasdam imprimunt, vel saltem imprimere possunt. Quocirca necessarium videtur esse, ut explicemus, Quare Deo non attribuantur quoque Gustus & Tactus, cum reliqui sensus ipsi attribuantur, videlicet Visus, Auditus, Odo-  
ratus? Nam Dei iustitias ab omnibus sensibus æqualiter est im-  
munis: omnes item sunt Imperfectiones in notione Apprehensio-  
nis (h.e. & apprehensiones sensuum omnium sunt Imperfectio), etiam in il-  
lis, qui tantum per Sensus apprehendunt: propterea quòd passioni, remissioni, & dolori sint obnoxii, non minùs atque alia organa & instrumenta. Quare cum ejus, quod dicitur, *Deus Benedictus Vider*, sensus sit, quòd apprehendar visibilia; & quando dicitur, *Deus Benedictus Audit*, quòd apprehendat audibilia: eodem pacto quoque potuisset de Ipso dici Gustus & Tactus, & explicari, quòd apprehendat objecta Gustus & Tactus. Ratio enim Sensuum omnium una est & eadem: unde si ab ipso tollas apprehensionem Sensus unius,

cap. 26. p. 1.

*Cur Gustus &  
Tactus non as-  
tribuantur Deo,  
cum reliqui sen-  
sus ipsi attri-  
buantur.*

tolles simul apprehensionem omnium quinque Sensuum, &, si affirmes de eo apprehensionem Sensus unius, affirmabis simul apprehensionem omnium quinque. Hoc tamen nihil obstante, reperimus in Libris nostris Sacris: *Et vidit Deus. Et audivit Deus. Et odoratus est Deus.* Nullibi autem: *Et gustavit Deus. Et tetigit Deus.*

Caussam igitur hujus rei esse dico, quòd fixum & ratum sit in omnium hominum animis, Deum non conjungi cum corporibus per contactum corporale n; quia sc. ipsum Videre nequeunt. Duo autem isti sensus, Gustus nimirum & Tactus, non apprehendunt sensata, h.e. objecta sua, nisi per contactum: reliqui verò possunt apprehendere objecta sua, licet substantiæ illæ, quæ sunt subiecta qualitarum illarum, longè sint remota, (h.e. *licet objecta ipsorum longè sint remota*). Ideoque hi secundum imaginationem vulgi convenienter potuerunt Deo attribui.

Præterea, Sensus in hunc finem & scopum Deo accommodantur, ut nos doceant, Deum apprehendere opera nostra. Jam autem visus & auditus sufficiunt, ut quævis, quæ sunt extra Ipsum, apprehendat.

Vel etiam factum hoc dici potest propter nostram Admonitionem & Commonefactionem, quemadmodum Sapientes nostri dicunt, *Sciro, vel, Attendito quid supra te sit, Oculus nempe videns, & Auris audiens.*

Intelligis ergo, quòd in rei veritate, omnium (*Sensuum*) una sit & eadem ratio, & quòd eodem modo, quo removenitur à Deo Gustus & Tactus, removeri quoque ab ipso possint Visus, Auditus, & Olfactus; omnes enim in universum sunt apprehensiones corporales & patibiles. Differentia tantum in hoc sita est, quòd quorundam imperfectio statim appareat: quidam verò videantur esse perfecti. Sic quia Phantasia & Imaginatio videntur esse Imperfectiones, Intellectio verò non item, ideò non accommodatur Deo Phantasia sive Imaginatio, (quæ verbo *Damah* דָּמָה exprimitur) sed Cogitatio & Intelligentia, sive Intellectio; (quæ exprimitur verbis *Bun* בּוֹן & *השכל* vel *השכל*) ut, *Quemadmodum chaschabhti cogitavi facere.* Sic, *Ubitbhunato Et intelligentiâ suâ inclinavit calos.* Ex quo vides, idem observari in Apprehensionibus Internis, quod in Apprehensionibus Sensualibus externis, quòd nempe quædam Deo attribuantur, quædam verò non: idque totum secundum linguam filiorum hominum: h.e. quod ipsi (*homines sc.*) habent pro perfectione, id attribuant Deo (*Propheta*); & quod ipsi habent pro imperfectione, id Illi non attribuant. In rei autem veritate Deus nullam habet formam

Cur Phantasia  
& Imaginatio  
non attribuan-  
tur Deo.

Jer. 18. 8.

Jer. 10. 12.

mam

nam essentialem externam præter ipsius substantiam, quemadmodum demonstrabimus.

## CAP. XLIIIX.

*Quâratione Onkelos Paraphrastes Chaldeus*

*Videre & Audire, de Deo exponat.*

**Q**UOD si inspicias Targum Onkeli, deprehendes, illum sibi diligentissimè cavisse in iis locis, in quibus vox *Audiendi* de Deo Opt. Maximo occurrit. Nam si videatur accipi in prima sua significatione, tùm eam ita reddidit, quòd illud (*de quo verbum Schamah Audire, dicitur*) perveniat vel pervenerit ad eum, q.d. quòd illud apprehenderit. Si sumatur pro Clamore & Precatione, tùm dicit, quòd Deus Acceperit, vel non Acceperit. Nam perpetuò, quando legimus, *Audivit Dominus*, ipse reddit, *Auditum est coram Domino*: & in significatione altera Clamoris, vel Clamandi, quando verbi gratiâ dicitur, *Audiendo audiam clamorem ejus*, ipse transfert, *Accipiendo accipiam clamorem ejus*. Atque hoc ita perpetuum est in ejus Targum, ut ne in unico quidem loco ab hac expositione recedat.

Sic, quando verbum Videndi *Raah* Deo attribuitur, mirabiles habet idem Onkelos ejus expositiones, quarum mentem ego quidem ubique non assequor. Quandoque enim pro *Vajar* Vidit Dominus, habet, *Vachasa* Et vidit Dominus: alibi pro eodem ponit, *Ugele* Et revelatum est coram Domino. Dum autem in quibusdam locis verbum *Raah* reddit per *Chasab*, ex eo apparet, verbum *Chasab* in lingua quoque Aramæa esse homonymum, & sumi tam pro Apprehensione Intellectus, quàm pro Apprehensione sensus. Unde mirandum, quare in quibusdam illud vitât, ac reddiderit, *Ugele* Et revelatum est coram Domino Et cùm consuluisssem ipsa exemplaria Targum illius, eaque contulisssem cum iis, quæ audiavi, dum studiis adhuc darem operam, vidi, quòd in omnibus locis, in quibus *Videre* jungitur nomini Iniquitatis aut Dominii vel Violentiæ & Rapi-næ, ipse interpreteretur per *Ugele* Et revelatum est coram Domino. Quia enim dubium non est, quin verbum *Chasab* in Lingua illa significet Apprehensionem & scientiam rei apprehensæ, prout est quando apprehenditur: idcirco quando invenit verbum *Raah* Videre, junctum cum nomine Iniquitatis, non dixit, *Vachasa* Et vidit, sed, *Ugele* Et revelatum est coram Domino. In tota autem Lege ubique inveni verbum *Raah*, quando Deo Benedicto attribuitur, redditum

*Quomodo Onkelos exposuerit vò Audire & Videre de Deo Opt. Max.*

*Verbum huius in lingua Aramæa homonymum.*

- ab ipso per verbum *Chasab*, sequentibus tantum locis exceptis: *Quia*  
 Genes. 29. 32. *raah vidit Dominus afflictionem meam*; Onk. *Quia gele revelata est co-*  
 Gen. 31. 12. *ram Domino afflictio mea. Quia vidi omnia, qua Laban fecit tibi*;  
 Onk. *Quia gele revelatum est coram me: ubi quamvis loquatur An-*  
 gelus, tamen non attribuit ei apprehensionem & firmam cognitio-
- Exod. 2. 25. *nem iniquitatis, (quam sc. Laban contra Jacobum exercuerat).* Sic, *Et*  
*raah vidit Dominus filios Israël*; Onk. *Ugele Et revelata est coram Do-*  
 Exod. 3. 7. *mino servitus filiorum Israël. Rao raiti Videndo vidi, afflictionem populi*  
*mei, qui est in Aegypto*; Onk. *Migla gele Revelando revelata est coram*  
 Ibid. v. 9. *me subiectio populi mei. Etiam raiti vidi oppressioem*; Onk. *Gele Re-*  
 Exod. 4. 31. *velata est coram me oppressio. Et cum raah vidisset afflictionem eorum*;  
 Exod. 32. 9. *Onk. Cum gele revelata esset coram eo afflictio ipsorum. Raiti Vidi*  
*populum istum*: Onk. *Gele Revelatus est coram me populus iste, h.e.*  
 Exod. 2. 25. *Vidi rebellionem ipsorum, sicut alibi quoq; dicitur, Et vidit Dominus*  
 Deut. 32. 19. *filios Israël, h.e. afflictionem & molestiam ipsorum. Vajar Et vidit*  
*Dominus & exacerbatus est*: Onk. *Ugele Et revelatum est coram Domi-*  
 Ibid. v. 36. *no. Cum jireh videbit quod abieris inanus*: Onk. *Cum gele revelatum*  
*erit coram ipso; nam & hoc loco significatur Iniquitas & Tyrannia*  
*inimicorum. In his omnibus respexit & sequutus est dictum illud*  
 Habac. 1. 13. *Prophetæ, Aspicere iniquitatem non potes: idè quotiescunque ipsi oc-*  
*curret verbum Videndi de Iniquitate, Injuriâ & Rebellionem, transtu-*  
*lit, Ugele Et revelatum est coram ipso; vel, Et revelatum est coram*  
*me. Verum corrupta & depravata est in exemplaribus nostris hæc*  
*expolitio sine controversia elegantissima & optima in tribus locis,*  
*in quibus invenio Vachasab, cum secundum hanc sententiam de-*  
*buisse reddi, Ugele Et revelatum est coram Domino. Loca sunt*  
 Gen. 6. 5. *ista. 1. Et vidit Dominus, quod magna esset malitia hominum. 2. Et*  
 Ibid. v. 12. *vidit Dominus terram. 3. Et vidit Dominus, quod exosa esses.* Mihi enim  
 Gen. 31. valdè probabile videtur, errorem aliquem librariorum hic irrepisse:  
 quia tamen non est penes nos ipsius Onkeli *αὐτόγραφον*, nihil certi as-  
 firmare possumus, sed credendum nobis est, Onkeli istam expo-  
 sitionem esse. Quod verò & illud, *Dem jireh providebit sibi de pecude,*  
 Gen. 22. 8. *exponit, Coram Domino gele revelatum est pecus, idè fecit, ne vi-*  
*deatur statuere, Deum ipsummet quæsiturum & exhibiturum pec-*  
*cus: vel etiam, quod in lingua illa (Aramaëa) absurdum sit, Appre-*  
*hensionem Dei referre ad Animal irrationale. Priora autem loca*  
*quod attinet, diligenter inquirenda sunt in vetustis exemplaribus:*  
*quod si ubiq; ita inveniantur, prout nos illa adduximus, sanè confi-*  
*teor, me rationem & intencionem ipsius ignorare.*

## CAP. XLIX.

*Quòd Angeli non sint corporei, sed intelligentiæ abstractæ. Quomodo item intelligendum sit, quòd nonnunquam corporei & alati apparuerunt.*

**A**NGELI quoque non habent corpora, sed sunt Intelligentiæ abstractæ à materia: attamen facti sunt, & à Deo creati, quemadmodum explicabitur. Hinc dixerunt in *Bereschit Rabbah* Sapientes nostri: *Locus ille, Lahat Flamam gladii versatilis, vel vertentis se, intelligendus est juxta illud; Ministros suos ignem lohet flammanî* (h.e. per *Lahat* ibi intelligitur *Angelus, qui est instar flammæ*) *hammitappecheth gladii versatilis*, (h.e. *Versatilis ille Angelus appellatur*), quia Angeli instar *Prothei* in varias formas se cōvertunt; quandoq; enim *Virorū*, quandoq; *Mulierum*, quandoq; *Ventorū*, quandoq; *Legatorum* formā & specie vestiti apparent. Quibus verbis apertè testantur, Angelos non esse materiales, neque certam & constantem aliquam habere formam vel figuram corporalem extra intellectum, sed omnia tantum fieri in Visionibus Propheticis, & in Imaginatione, quemadmodum explicabitur, quando agemus de Prophetia. Quòd verò inter cætera dicunt, illos sæpè sub specie *Mulierum* apparere, idèd fit, quia Prophetæ etiam nonnunquam viderunt in Visione Angelos in forma *Mulierum*, & in specie alluditur ad dictum *Zachariæ*, *Ecce duæ mulieres egrediebantur, & ventus erat in alis earum.*

*Angeli sunt incorporei.*

Gen. 3. v. ult.

*Angeli sub Mulierum quoque specie apparent.*

Zach. 5. 9.

Porro nōsti, Apprehensionem illius rei, quæ immunis est à materia, & omni corpore destituta, homini esse difficillimam, præsertim ei, qui nescit discernere inter Intelligibile & Imaginarium, & qui apprehensioni tantum Imaginationis innititur. Nam illi reverà omnia vel actu vel potentiâ existunt, quæcunque in imaginatione sua concipit: & quæcunque in imaginatione sua concipere nequit, habet pro puris privationibus, vel pro non entibus. Ejusmodi autem homines, quales sunt plerique Speculatores, nullam rem ex veritate possunt cognoscere, neque etiam ex dubiis & rebus controversis norunt se extricare. Propter hanc ergo difficultatem Prophetæ quædam in medium attulerunt, quæ juxta sensum litteralem Angelis corpora tribuere videntur, morum item & formam ac figuram humanam; præterea etiam, ut mandata accipientes à Deo Opt. Max.,

*Apprehensio rerum incorporearum est difficilis.*

*Cur Prophetæ Angelis corpora & actiones corporeas attribuerint.*

& voluntatem ac mandatum ejus facientes & exequentes. Atque hæc omnia in eum finem, ut dirigamur ad credendum, Angelos existere, vivere, & esse perfectos, quemadmodum hæc explicuimus in iis, quæ Creatori attribuuntur. Quandoquidem verò, si hic subsisterent, homo sibi imaginari potuisset, ac si veritas & essentia ipsorum æqualis esset essentiæ Dei, quia & de Deo multa dicuntur, quæ juxta sensum litteralem videntur docere ac si esset corporeus, vivus, mobilis, & figurâ humanâ præditus: idèò ulterius progressi sunt, & ostenderunt, gradum essentiæ ipsorum longè esse in ferio rem gradu essentiæ Dei, èd quòd inter formas illas, quas eis tribuunt, ponunt quoque formas Animalium Irrationalium, ut sc. hinc intelligamus, Essentiam Dei tantò & magis perfectiorem esse essentiâ illorum, quantò perfectior est homo quàm animantia irrationalia. Ex formis autem animalium irrationalium nullam nisi Alas eis attribuunt: quia non potest cogitari Volatus sine Alis, sicut nec Incessus sine Pedibus. Facultatum enim illarum substantia non potest concipi extra subjecta illa. Selegerunt verò motum volatiliu m præ aliis, ad docendum de Vita ipsorum: quia motus ille est perfectissimus & præstantissimus inter motus locales animalium irrationalium, & ab Homini bus ipsis perfectissimus habetur, ita ut sæpè sibi potentiam volandi expectant & optent, quò tantò faciliù s fugere queant ea, quæ sibi sunt contraria & exitiosa; ac persequi illa, quæ sibi sunt salutaria, maximè si procul ab iis absint. Hæc ergo una est causa, propter quam Motum hunc illis attribuerunt. Sed & hinc factum esse potest: quia sicut avis modò videtur, mox abscondit se, nunc propè, nunc longè est, & quidem exiguo admodum temporis spatio, immò momento: ita quoque Angeli. Atq; hæc omnia talia sunt, quæ necessariò tibi de Angelis sunt credenda. Deo verò Opt. Max. perfectionem istam imaginatiam, Volatum nempe, non attribuerunt, èd quòd sit Motus Animantis Irrationalis. Cave enim, ne

2. Sam. 22. 11. *Et equitavit super Cherubim, & volavit (h. e. ne existimes, & volavit ibi de Deo dici): nam de Cherubh ipso dicitur quòd volarit, ad celerem rei illius adventum significandum, sicut alibi dicitur, Ecce Dominus equitavit super nubem velocem, & venit in Aegyptum.* Ne etiam seducat te id, quòd legimus apud Ezechielem de facie bovis, facie leonis, facie aquila, plantâ item pedu viruli, (ut sc. existimes, Angelis alias quoque formas animalium irrationalium tribui, contra quàm supra diximus): nam illa peculiarem habent explicationem, quam alibi ex me audies, præterquàm quòd Propheta ibi nil descri-

*Cur forma animalium irrationalium illi attribuantur.*

*Cur volatili præ aliorum Animalium Motu illi attribuantur.*

*Cur Deo non attribuantur Volatus.*

2. Sam. 22. 11.

Jes. 19. 1.

Ezech. 1.

par. 3. cap. 1.

describit præter animalia. Verùm, ut dixi, sufficientem de his instructionem alibi dabimus. Cæterùm de motu volatilibus passim in Scriptura legitur, neque aliter quàm per Alas depingitur, unde & illis (*Angelis*) Alæ tribuuntur, ad dirigendum nos, ut credamus ipsorum existentiam, nequaquam verò ad exprimendam veritatem quidditatis illorum. Præterea, quicquid motu veloci & celeri moveretur, propter Motus celeritatem dicitur *Volare*: ut, *Quemadmodum volat aquila*. Aquila enim celerius & magis perniciousè volat, quàm omnes reliquæ aves, ideoque similitudo ab illa ducitur. Denique tenendum & hoc: Alas esse causas volatus, idèò alas externas, quæ videntur, denotare quoq; causas motus rerum mobilium. Verùm hoc non est de intentione istius capituli.

## CAP. L.

*Fidem non esse rem, qua ore profertur, sed qua in animo creditur.*

**S**CIAS, Lector candide, quòd Fides, non sit id, quod ore profertur, sed res concepta & figurata in anima; quando nempe credimus, rem ita se habere (sc. *extra intellectum*) prout illam in animo conceptam habemus. Quando ergo de dogmatibus Religionis, vel aliis, quæ pro veris & indubitatis habes, ore tantùm differis, sine vera illorum intelligentia & fide, vel examinatione, nimis hoc est exiguum, neque sufficit. Ita enim reperimus, multos homines stolidos & ineptos quædam observare & credere, quorum rationem nullam in animo suo tenent.

Quòd si itaque in animo tuo statueris ad sublimem istum gradum speculationis ascendere, ut verè tibi constet, Deum esse unum unitate simplicissimâ, sine ullâ compositione aut divisione, sciendum tibi, Deum nullam habere formam externam substantialem, vel nullum attributum essentiale. Quemadmodum enim nullum potest habere corpus, sic nullum attributum substantiale habere potest. Quare qui dicit, Illum esse unum, sed statuit, Eum varias ejusmodi formas habere, ille verbis quidem Illum unum esse dicit, sed in cogitatione suâ plures esse credit, quemadmodum quidam ajunt, Deus est unus, sed multas habet formas, & tamen Ipse & formæ ejus unum sunt; quamvis corporeitatem negent, & credant, Illum esse simplicissimū. Intentio enim & mens nostra non est prout loquimur, sed prout credimus. Et non est, nisi post formalem rei conceptionem; fides



etenim est de eo, quod in animo formatum & conceptum habemus credere, quod ita se habeat extra intellectum, prout formatum est in intellectu. Quod si jam cum ista fide conjuncta sit certa fiducia ac persuasio, rem illam aliter se habere non posse, nec vel minimum ei adhæreat, quod illam expellere vel labelactare queat, tunc demum vera est fides. Quod si verò exueris & deposueris concupiscentias tuas & pravas consuetudines, ac diligenter consideraveris & expendis ea, quæ in proximè-sequentibus capitibus sum dicturus de Remotione formarum istarum, vera esse comperies ea, quæ diximus, & eris ex iis, qui verè in animis suis formatam & conceptam habent Unitatem; non ex iis, qui ore illam proferunt, sed in animis suis aliter statuunt, de quibus dictum est, *Propè es cordi eorum, sed longè à renibus eorum.* Homo etenim debet esse ex illorum numero, qui veritatem rectè sciunt & apprehendunt, quamvis non multum de illa loquantur, sicut David præcipit, *Dicite in corde vestro super cubili vestro, & silete, Selah.*

Jerem. 12. 2.

Psal. 4. 5.

## CAP. LI.

*De Remotione formarum sive attributorum  
à DEO Opt. Max.*

MULTÆ sunt in magna hac rerum universitate & variæ res, quæ per se nobis notæ sunt & manifestæ, ut Intelligibilia prima, sensibilia, & quædam alia, quæ his sunt propinqua & affinia, ita ut, licet homo relinqueretur sicut est, nullâ tamen de illis demonstratione egeret. Talia sunt, Existentia Motus, Libertatis hominis in agendo, Generatio item & Corruptio rerum naturalium, & Qualitates rerum sensibiles, ut Calor ignis, Frigiditas aquæ, & similia alia. Posteaquam verò absurdæ sententiæ & opiniones prodierunt ab hominibus quibusdam, qui vel ex errore in illas inciderunt, vel studio & in persequens eas excogitârunt, ut naturæ & sensibus ipsis se opponerent, vel aliquid, quod nunquam exitit, persuaderent; coacti fuerunt Sapientes illa manifestè & sensibus nota confirmare, & è contrario res illas imaginarias refellere & refutare. Ita coactus fuit Aristoteles adstruere Motû rerum naturalium, quia à nonnullis negabatur; item demonstrare, non dari indivisibilia, sive atoma, quia illa à multis asserebâtur. Ex horum censu est quoq; Remotio formarum seu Attributorû Dei substantialium, quia est ex Intelligibilibus primis; Attributum enim non est substantia ejus, cui attribuitur, sed quid-

*Cur Remotio  
Attributorû Dei  
vini de con-  
tatione egerit.*



quiddam substantiæ superadditum, ideoque accidens: quod si namque attributum sit ipsa substantia ejus, cui attribuitur, cum attributum illud est identicum & superfluum in prædicatione. Perinde enim est ac si diceret, Homo est homo; aut quasi diceret, Homo est vivens ratione præditum: Nam *res Vivens ratione præditum*, est ipsa substantia & veritas hominis, neque datur tertium aliquid præter hoc, Hominem inquam, quod sit vitâ & ratione præditus, ac itidem per hæc attributa describi possit. Quare attributum istud nihil aliud est, quam explicatio nominis, & eo solo differt ab eo, cui attribuitur: ita ut idem sit ac si diceret, Res illa, cui nomen est Homo, est res composita ex vita & ratione. Vides igitur, Attributa necessariò esse vel ipsam substantiam ejus, cui attribuuntur, & cum nihil aliud sunt quam explicatio nominis, quo respectu illa à Deo nos non excludimus, sed alio, ut capite sequenti explicabitur: vel esse quidpiam præter ejus substantiam, & per consequens accidens illius. Licet autem Nomen Accidentis negetur in Attributis Dei, (*h. e. licet nolint dicere, illa Attributa esse Accidentia*): non tamen statim negatur res ipsa. Omnis enim res, quæ substantiæ addita est, extrinsecus apprehendit eam, nec quidditatem ejus perficit, quæ ipsissima est natura accidentis. Præterea, si sint plures formæ, sive plura Attributa in Deo, sequitur hinc plura esse æterna. Unitas enim consistere nequit, nisi credamus substantiam unam, simplicem, sine compositione aut multitudine. Illa quippe res una est, quæ, quomodocunque respiciatur vel consideretur, una est, neque ullo modo, vel ullam ob causam in duo dividi potest, ac nullam planè neque extra Intellectum, neque in Intellectu, pluralitatem admittit, prout id alibi in hoc libro demonstrabimus. Alii dicunt, quòd Attributa Dei neque sint substantiæ Dei, neque res egrediens extra eam, sicut quidam ajunt, Universalia (*Ideæ Platonice*) neque esse entia, neq; non entia: item, Substantiam individuum neque esse in loco, neque ab omni termino excludi: ista quippe dicuntur tantum, & existunt solum in verbis, non in animis & mentibus, ac propterea multò minùs existentiam habent extra Intellectum. Patroni tamen istarum opinionum (quemadmodum cuius notum est) conantur multis verbis & similitudinibus vel exemplis illas adstruere, magnisque clamoribus, contentionibus, rationibus ac sophismatis, fidem ipsis conciliare. Quando verò illas cum eo conferunt, quod in animo suo credunt, nil solidi inveniunt, sed meram confusionem, & Intellectus imperfectionem, quia ea conantur probare, quæ non sunt, & medium creare

inter duo contraria, quæ medium nullum habent. Numquid enim datur medium inter Ens & Non ens? & cum duæ res ponuntur, cum illarum una necessariò est eadem cum altera, vel aliquid ab ea diversum, (*h.e. cum vel sunt eadem, vel sunt diversa & distincta*). Adacti sunt autem ad hanc opinionem, sicut diximus, quod imaginationibus suis nimis tribuerunt. Nam de omnibus corporibus cogitamus, quod sint substantia: omnis autem substantia suas habet proprietates, & sua attributa, neque ulla datur substantia corporea, quæ non habeat sua attributa. Hanc igitur imaginationem sequuti existimârunt, Deum quoque ex diversis rebus substantialibus esse compositum, & ex quibusdam substantiæ superadditis. Unde quidam illorum hanc imaginationem sequuti sunt, & crediderunt, Deum esse corporeum: quidam verò ab hac opinione recesserunt, & removerunt à Deo corporeitatem, sed retinuerunt Attributa. Ad omnia autem ista induxit iplos, quod sequuti sunt sensum litteralem Legis, sicut in aliis capp. de hac materia agentibus, explicabo.

*Quid homines  
permoverit ad  
credenda Attributa  
in Deo?*

## CAP. LII.

*Quinq; modi, quibus omnis res denominatur, vel describitur.*

*Quinque modi  
res aliqua de-  
scribi potest.*

**O**MNIS, quæ de re aliqua instituitur, Denominatio vel Descriptio necessariò ex uno quinque illorum modorum desumitur.

1. *Per Definitionem.*

Primo enim fit Denominatio rei per Definitionem illius, quemadmodum Homo definitur, quod sit Vivens ratione præditum, vel Animal rationale. Et hæc denominatio docet de quidditate & essentia ipsius rei, sicut præcedenti capite explicatum est. Est enim tantum expositio nominis, nec quicquam aliud. Hæc Denominationis vel Attributionis species omnium consensu longissimè à Deo removetur; quia Deus nullas habet causas se priores suæ essentiæ, per quas definiri posset. Ideoque in confesso est apud omnes sanæ rationis Philosophos, Deum definiri non posse.

*Deus nequis de-  
finiri.*

2. *Ab altera  
tantum parte  
definitionis.*

Se. undò, denominatur res aliqua ab altera tantum parte definitionis, ut, cum homo denominatur tantum vel ab Animalitate, vel à Rationalitate, e.g. quando dicimus, Omnis homo ratione præditus est; sensus est, quod in quocunque invenitur humanitas, in eodem etiam existat facultas ratiocinandi. Atque hæc denominationes quoque unanimi consensu à Deo remonentur. Quod si enim

• habe-

haberet partem quidditatis, tùm quidditas ejus esset composita. Hoc autem naturæ Dei repugnat non minùs quàm quod præcessit.

*Terrò*, sit denominatio à re quapiam extra essentiam subjecti, quâ substantia ejus non perficitur, sed quædam tantùm ejus est Qualitas. 3. A Qualitatibus. Qualitas autem (quæ Genus summum est) species est accidentis. Quare si Deo competeret denominatio ex ista specie, tùm sequeretur, in ipso esse accidentia, quod vel solum sufficere posset ad demonstrandum, à natura Dei alienum esse, quòd sit capax qualitatum. Miror autem, quomodo ii, qui statuunt attributa substantialia in Deo, removeant ab eo Similitudinem & Qualificationem, (*sic liceat exprimere terminum Hebraicum* *יְהוָה*). Nam dum ajunt, Deum non qualificari, nil aliud volunt, quàm Deum non habere qualitates. Omne enim attributum, quod substantiam rei consequitur, vel conservat ejus substantiam, & tùm nihil est diversum ab ipsa; vel est qualitas substantiæ illius.

Porro, genera Qualitatum sunt quatuor, è quibus singulis denominationum vel attributionum exempla proponam, ut tibi constet, hanc attributionis speciem Deo nullo modo attribui. Quatuor sunt genera Qualitatum.

Primi generis exemplum est, si describas hominem à natura quadam ejus speculativa, vel à virtute, aut alia dispositione, vel habitu, qui ei inest, animæque ejus adhæret: ut, si dicas, Iste faber, vel, Iste Timens Deum, vel, Iste ægrotus, vel, Sapiens iste, Medicus iste, Misericors iste, &c. Inter hæc omnia nulla est differentia; nam omnis ars, sapientia, vel virtus, cùm habitualiter inest, habitus est animi, quemadmodum illis notum est, qui Logicam vel primis tantùm labris degustârunt.

Secundi generis exemplum est, quando denominas rem à naturali ejus Potentia vel Impotentia: ut, cùm aliquid dicis Lene vel Durum, Forte vel Debile. Omnia enim ista sunt qualitates naturales.

Tertii generis est, cùm denominas hominem à Passibili ejus qualitate vel Passione: ut, cùm dicis, Homo iste iracundus, contentiosus, timidus, misericors; quando nempe virtutes non confirmatæ sunt &c. Item, cùm rem describis à Visu, Gustu, Odoratu, Calore, Frigore, Siccitate, Viriditate &c.

Quarti generis exemplum est, cùm denominas rem ab eo, quod ei accidit quatenus Quanta est, (h.e. à figura & forma): ut, cùm aliquid dicis Longum, Breve, Obliquum, Rectum &c.

Quòd si igitur jam sigillatim omnes istas & similes denominationes consideraveris, deprehendes, eas Deo nullo modo posse attribui. Deus nullas habet Qualitates.

tribui. Non enim habet Quantitatem, ut ei competat Qualitas ratione Quantitatis, vel figuræ & formæ. Non est Passibilis, ut eum apprehendat Passibilis vel Passio. Nihil etiam habet, cujus ratione ipsi possit competere Potentia naturalis, vel Impotentia. Denique, non habet Animam, cujus respectu ipsi accidat Dispositio vel Habitus, ut Mansuetudo, Pudor, vel aliud quid, quod corpus animatum sequitur, quatenus animatum est, ut Pinguedo, Aegritudo, &c.

Sic ergo explicatum tibi est, nullam Denominationem, vel nulum Attributum desumptum ex summo genere Qualitatis existere in Deo Benedicto: & ita vidimus huc-utque tres Denominationis sive Attributionis modos, qui docent vel de ipsa rei Quidditate, vel de Parte quidditatis, vel de Qualitate aliqua existente in quidditate, ac de singulis demonstratum est, quod Deo attribui non possint, propterea quod omnes in universum docent de Compositione, quam à Deo removendam esse alibi demonstrabitur. Quare constanter asserimus, illum absolutissimè esse Unum.

part. 2. c. 2.

4. A' Loco,  
Tēpore, vel Per-  
sona &c.

Quartò denominatur vel describitur res à proprietate quadam, quæ est extra eam, ut à Loco, vel Tempore, aut Persona: ut, cum describis Rubenem, quod sit Pater τi N. aut Amicus, vel vicinus illius in certo quopiam loco, aut, quod hoc vel illo tempore fuerit. Hæc species Attributionis non inducit multitudinem vel mutationem in substantia subjecti. Nam si de Rubene dicatur, quod sit Socius Simeonis, Pater Hanochi, Dominus Levi, Amicus Judæ, habitans in domo tali, natus in loco tali, hæc omnia neque sunt de ipsius substantia, neque res aliqua substantiæ inhærens, ut qualitates. Ac initio nō videtur absurdum esse, si per hanc denominationis speciem Creator describatur, taliaque ipsi attribuantur. Verum si ad veritatis trutinam res examinetur, & accuratè consideretur, liquebit, id nullo modo posse fieri. Nulla etenim est comparatio vel proportio inter Deum & Tempus vel Locum, ut alibi declarabitur. Tempus quippe est accidens motus secundum prius & posterius, ac proinde etiam numerari potest, sicut exponetur in aliis locis huic rei peculiariter destinatis, & Motus est rerum corporearum. Deus autem non est corporeus. Quocirca inter Ipsum & inter Tempus nulla est comparatio. Sic nulla quoque proportio est inter Ipsum & inter Locum. Nam de proprietatibus Loci est ambire Locatum; quod verò ita ambitur, necessariò est corpus. Quare cum Deus non sit corpus, à loco quoque non describi vel denominari potest.

Deus non potest  
describi à Loco  
vel Tempore.

part. 2. c. 13.

Res ramen consideratione digna hoc loco est; An nulla planè sit pro-

proportio inter Deum Benedictum & Creaturas ejus, à qua Deus denominari possit? Equidem quòd nulla inter Deum & creaturam aliquam sit Relatio, manifestum est. Nam de proprietatibus duorum Relatorum est, ut sint *ἀντιστρόφως* & æqualiter inter se permulentur. Jam verò Deus necessariam habet existentiam. Quæcunque autem sunt extra eum, potentiâ tantùm existunt, sicut explicabimus. Quare inter illa nulla potest esse Relatio. At verò Comparisonem quod atinet, non videtur esse *ἀδύνατος* primâ fronte. Veruntamen neque illa hic locum habet: nam si inter Intellectum & Visum, quæ nostrâ sententiâ eâdem essentiâ comprehenduntur, nulla est comparatio; quomodo posset esse proportio inter illa, quæ nullo respectu sub una & eadem re comprehendi possunt? Essentia enim vel τὸ Esse juxta nos de Deo, & de aliis merè *ὑμῶν ἡμῶν* dicitur: unde nulla potest in veritate esse comparatio inter Ipsum & creaturas ejus. Comparatio quippe vel proportio inter ea est, quæ sub una & eadem specie proxima continentur: quòd si verò sub uno tantùm genere contineantur, nulla inter illa potest esse proportio vel comparatio. Idcirco non dicitur, Hæc rubedo est fortior vel debilior quàm ista viriditas, vel ipsi æqualis, licet sub eodem genere comprehendantur, Colore scilicet. Si autem duæ res sint sub duobus summis generibus, tùm extra omnem controversiam, etiam in notitia communi & naturali, non possunt inter se comparari: quin imò sæpè, etsi ad unum genus referantur: ut, Apud omnes sanæ mentis homines in confesso est, nullam esse comparisonem inter centum cubitos, & inter calorem piperis: hoc enim est in prædicamento Qualitatis, illud in prædicamento Quantitatis. Sic nulla est comparatio inter Sapientiam & inter Dulcedinem, vel inter Mansuetudinem & inter Amaritudinem, licet sint sub uno genere summo, videlicet Qualitate. Quare cùm nulla inter has res possit esse comparatio, quomodo comparari posset Deus cum creatura aliqua, cùm tanta in ipsa essentia inter illa sit differentia, ut non major esse possit? Præterea, si inter ea esset comparatio, sequeretur necessariò in Deum cadere accidens comparisonis, quamvis illud accidens non sit in ipsa Dei essentia. Vides ergo, neque comparisonis respectu aliquam denominationem vel attributionem Deo in rei veritate attribui posse: quamvis inter illas, quibus Creator metaphoricè describi solet, hæc sit omnium convenientissima. Nam licet comparata varientur, tamen non sequitur inde Multitudo æternorum, vel Mutatio in Deo Benedicto.

*An nulla inter Deum, & creaturas sit proportio?*

*s. Ab Operibus  
vel Actionibus.*

*Ab his potest  
Creator describi.*

Quintò fit denominatio ab Opere vel Actione aliqua. Per Opus autem vel Actionem, non intelligo hic Habitum artis, qui subiecto inest, ut cùm dico, Faber, Pictor &c., ista enim sunt ex specie Qualitatis, sicut antè docuimus; sed intelligo Opus vel Actionem aliquam certam aut particularem: ut cùm dicis, Ruben est, qui renovavit hanc januam, qui ædificavit istum murum, qui texuit istud vestimentum. Atq; hæc Attributionis vel denominationis species longissimè remota est ab essentia Comparati, ideoque commodè illa Deus Opt. Max. describi potest. Nôsti enim, quòd non necesse sit, ut opera talia diversa fiant per res diversas in essentia operantis: & quòd omnia opera Dei fiant non per rem aliquam extra ipsius essentiam, sed per solam ejus essentiam, sicut explicuimus.

Summa ergo eorum, quæ in hoc capite pertractavimus, est, quòd Deus omnimodè sit unus, nullam admittens multitudinem, neque etiam rem aliquam præter ipsius substantiam vel essentiam, & quòd multa nomina & attributa illi in Sacris libris tribuantur, propter multitudinem ipsius operum, non verò propter multitudinem in ejus essentia. Quædam verò etiam ei attribuuntur, ad docendum de ipsius perfectione, ut demonstravimus cap. 26. 4. 6. & 47. hujus libri. An verò fieri possit, ut detur substantia aliqua simplex, in qua nulla sit multitudo, quæ diversa facere queat opera? id in sequentibus declarabitur.

### CAP. LIII.

*Quid seduxerit eos, qui credunt varia Deum  
habere attributa? Quid item credendum sit de  
quatuor illis, de quibus omnes consentiunt,  
Vivus, Sapiens, Potens,  
Volens.*

**V**N a est ferè & eadem res, quæ permovit illos, qui credunt, diversa esse in Deo attributa, & eos, qui credunt corporeitatem. Quemadmodum enim illos, qui credunt corporeitatem, non induxit ad eam credendam Speculatio Intellectualis, sed quòd secuti sunt sensum Scripturæ litteralem & externum: ita quoque eos, qui credunt Attributa Dei. Nam cùm vidissent, Deum in Lege & Prophetis, variis Attributis describi, litteraliter illi statim hoc acceperunt,

runt, & crediderunt, Attributa illa reverà in Deo existerè; eximentes quidem Deum à corporeitate, sed non ab affectionibus corporeis, quæ sunt accidentia, h.e. à dispositionibus animalibus, quæ omnes nihil aliud sunt, nisi qualitates. Quòd si etenim examines omnia illa Attributa, quæ illi credunt in Deo esse essentialia, deprehendes, illa in universum qualitatem aliquam significare, licèt expressè illud non asserant. Nam, quia omnia corpora animata talia attributa habent, existimârunt, illa quoque Deo rectè attribui. At verò de omnibus tenendum est vulgare illud dictum; *Loquitur Lex secundùm linguam filiorum hominum.* Intentio quippe illorum (*Attributorum sc., quæ à Prophetâ Deo attribuuntur*) est, attribuire Deo perfectionem, non substantiam illius rei, quæ Ei attribuitur: ac præterea multa (attributa vel nomina) respiciunt opera ejus diversa. Jam autem non statim variantur res existentes in operante, cùm variantur opera. Cujus rei exemplum tibi producam à rebus, quæ inter nos existunt, ubi ab uno agente vel operante diversæ procedunt operationes, & quidem ab agente involuntario, unde à minore ad majus facilè potest concludi, quid sentiendum sit de agente voluntario. Ignis quasdam res dissolvit, alias congregat & conrescere facit, coquit & comburit, dealbat & denigrat. Jam si quis describeret Ignem, quòd sit dealbens, denigrans, coquens, comburens, congregans, dissolvens, sanè præter veritatem nihil diceret. Verùm si aliquis naturæ Ignis ignarus hæc audiret, imaginaretur sibi, sex diversas res Igni inesse, unde istæ operationes procedant; unum sc., quod denigrat, alterum dealbens, tertium coquens, quartum comburens, quintum fundens vel dissolvens, sextum coagulans & condensans. Etenim actionum istarum quælibet alteri est contraria, neque ulla earum cum altera convenit. Qui verò cognitam & perspectam habet naturam Ignis, novit, illum unâ qualitate omnes istas operationes perficere, Calore videlicet. Quòd si ergo hoc invenitur in eo, quod naturaliter agit, quantò magis reperietur in eo, quod agit voluntariè, immò quantò magis in Creatore (cujus natura est ineffabilis), credemus omnia attributa, licèt diversa, (nostro sc. sensu) esse unum & idem? Sapientia enim in nobis non est Potentia, & Potentia non est Voluntas. Quocirca hinc non debemus concludere, in Deo diversas res esse substantiales & essentielles, aliud videlicet quod scit, aliud quod vult, aliud quod potest, quæ est sententia illorum, qui Attributa Deo attribuunt, ubi tamen discrepant. Alii enim expressè dicunt & statuunt, Attributa hæc esse res additas

*Diversitas actionum, non inducit diversitatem in agente.*



ipsius substantiæ: alii verò non apertè hoc dicunt; at licèt verbis id nolint confiteri, in re ipsa tamen nihil aliud credunt. Dicunt enim, Deus per essentiam est potens, sapiens, vivens; volens est per essentiam. Sed missis illis, veritatem sententiæ nostræ exemplo tibi declarabo. Facultas rationalis in homine est facultas una, neque ulla in ea est pluralitas vel multitudo. Vt autem illius facultatis Homo scit & addiscit scientias & artes: illius virtute dolat, texit, ædificat, discit varias disciplinas, ut Geometriam vel Arithmeticam; illà etiam novit provinciam vel civitatem aliquam regere & gubernare. Hæ actiones omnes proficiuntur ab una simplici facultate, in qua nulla est multitudo, & tamen sunt tot illarum actionum, quæ ab ea procedunt, ut vix numerari possint. Quod cum ita sit, non alienum censendum est à Deo Benedicto, ut plures & discrepantes operationes procedant ab una & simplicissima ejus essentia, ita ut nulla tamen in ea statuatur pluralitas, nec res aliqua adventitia.

*Attributa, quæ  
Deo in Scriptu-  
ra attribuuntur,  
qualia sint.*

Proinde Attributa Dei omnia, quæ in Scriptura Ipsi attribuuntur, vel sunt nomina Operum, non verò Essentiæ illius: vel docent de ejus absolutâ Perfectione; non autem, quasi essentiam haberet ex diversis rebus compositam. At licèt vocem Compositionis nolint admittere, res ipsa tamen & sensus ejus manet, si substantia aliqua ponatur talia attributa habens. Sed tamen restat adhuc dubium quoddam, quod & ipsum tibi explicabo. Nam agnoscunt quidem, ab una essentia posse profluere diversas actiones; sed negant, illa Attributa esse nomina diversarum & variarum ipsius operationum: verùm dicunt, esse Attributa essentialia Dei, non operum ipsius; nam si dicerent, esse essentialia, & esse nomina operum Ipsius, sequeretur, Dei essentiam esse creatam. De numero autem Attributorum illorum essentialium dissentiant, quia varia ac diversa Scripturæ loca sequuntur. Hoc loco recensere tibi ea tantùm, de quibus omnes consentiunt, ducti non testimonio & auctoritate Scripturæ, sed propriâ ratione, existimantes, illa ita certa & manifesta esse, ut à nemine negari possint. Horum autem sunt numero quatuor, *Vivens, Potens, Sapiens, Volens*, de quibus ajunt, quod sint res diversæ (sc. ab essentia Dei, i.e. quod non sint ipsa Dei essentia), & perfectiones, quarum nullâ Deus carere queat, (h.e. sed tamen talia, quæ essentiam Dei necessariò comitantur, & sine quibus esse nequit), & quod nullo modo fieri possit, ut sint de operibus ejus. Hæc summa est sententiæ ipsorum.

*Sapientia & Vita  
in Deo idem.*

Tu autem scias, quod *Sapientia* & *Vita* in Deo idem sint, quatenus per utrumque hoc attributum significatur, quod Deus seipsum vel essen-



essentiam suam apprehendat, quia omne, quod apprehendit essentiam suam, Vitâ & Sapientiâ est præditum. Deinde, quòd Essentia apprehendens in Deo reverà nihil aliud sit, quàm Essentia apprehensa. Nam Deus non est compositus ex duabus rebus, quarum una apprehendit, altera non apprehendit, quemadmodum Homo compositus est ex anima, quæ est apprehensiva, & ex corpore, quod non est tale. Sic ergo, cùm vocamus Deum Sapienter, hoc sensu, quòd apprehendat seipsum, Vita & Sapientia in Deo sunt unum & idem, *(atque ita evertitur sententia ipsorum, quia statunt, attributa illa in Deo inter se differre.)* Verùm illi non respiciunt hunc sensum, sed apprehensionem creaturarum ejus, *(atque ita sibi contradicunt, quia si per Sapientiam intelligitur Apprehensio creaturarum, erit hoc attributum non essentiale, sed operû Dei).* Sic reliqua duo attributa quod attinet, Potentiam sc. & Voluntatem, neutrum sanè illorum quoque invenitur in notione essentiæ Dei Benedicti, quia non potest de illis Homo cogitare, quòd Deus Possit seipsum, vel Velit seipsum; sed concipiuntur ea respectu comparisonum inter Deum & creaturas ejus: ut, quòd Potens sit, quia creavit omnia; quòd sit Volens, quia existere facit id, quod existit; quòd sit Sciens, illud nempe, quod fecit existere.

Quare nos, qui Unitatem Dei tenemus & asserimus, quemadmodum non dicimus, quòd in essentia ejus sit res quæpiam adventitia, quâ creavit Cœlos, & alia, quâ creavit Elementa, alia item, quâ creavit Intelligentias: ita quoque non statuimus, quòd sit in Deo præter ipsius Essentiam aliquid quod Potest, aliud quod Vult, aliud quod Intelligit creaturas suas: sed firmiter credimus, quòd Essentia ejus unica sit & simplicissima, nec quicquam habeat adventitium, quòd item creârit omnia, quòd sciat omnia, nec tamen per rem aliquam adventitiam, quòd item nomina sive attributa ista Deo adscribantur vel ratione Operum ipsius, vel secundum comparisonem inter Ipsum & ejus Opera; comparatione videlicet acceptâ, prout nos ejus naturam explicuimus, quòd sc. ea fiat non propter rei veritatem, sed propter imaginationes & cogitationes nostras, vel deniq; quòd doceant de perfectione ejus, propter similitudinem cum perfectionibus illarum rerum, quas nos intelligimus, sicut ulterius adhuc explicaturi sumus.

## CAP. LIV.

*Quid petierit Moſes à DEO, quando dixit, Notas mihi fac vias tuas? Item, Oſtende mihi quæſo gloriam tuam? Quidq; Deus ipſi ad hæc reſponderit? Explicatur etiam, quid ſint Viæ Dei.*

*Moſes à Deo  
duo petiit.*

SCITO, quodd Sapiantum omnium Antefignanus & Antifteſ, Moſes Præceptor noſter, duo à Deo petierit, & quodd ad utrumque reſponſum à Deo Opt. Max. acceperit.

Primò enim petiit à Deo, ut oſtenderet ipſi Eſſentiam & Veritatem ſuam. Secundò petiit, ut nota faciat ipſi Attributa ſua. Ad ambas has petitiones reſpondit ipſi Deus; primò promittens ei, ſe notum quidem facturum ipſi nomina & attributa ſua, quæ nihil aliud ſint quàm ſua opera; deinde, indicans ei, Eſſentiam ſuam prout eſt à nemine apprehendi poſſe: attamen evecturum ſe eum in talem ſpeculationis locum & gradum, unde queat apprehendere, quicquid homo mortalis de Deo apprehendere poſſit, quemadmodum fanè tantum apprehendit, quantum nemo unquam ante ipſum, nec poſt ipſum.

*Primò petiit  
cognitionem At-  
tributorum Di-  
vinorum.*

Exod. 33. 13.

Petitiõ notiariæ Attributorum Dei Benediſti comprehenſa eſt in his verbis, *Oſtende quæſo mihi vias tuas, ut cognoscam te, utq; inveniam gratiam in oculis tuis.* In quibus verbis multa admiratione digna obſervanda occurrunt. Nam dum ait, *Oſtende mihi quæſo vias tuas, ut cognoscam te, utq; inveniam gratiam in oculis tuis:* docet, quodd Deus Benediſtus per nomina vel attributa ſua cognosci poſſit, utpote cum is, qui novit vias ejus, nòrit ipſummet Deum. Deinde, dum ait, *Ut inveniam gratiam in oculis tuis,* docet, eum, qui cognoscit Creatorem, gratiam invenire in oculis ejus, non verò illum ſolùm, qui jejuniis vacat & orationibus. Nam is, qui Deum cognoscit, Ipſi placere & appropinquare vel propinquus eſſe dicitur: qui verò eum non cognoscit, is eſt, cui Deus irarſci, quique à Deo remotus & elongatus eſſe dicitur. Pro menſura enim Sapientiæ & Ignorantiæ judicatur de ira Dei vel ejusdem gratia, de appropinquatione ad Ipſum, & elongatione ab Ipſo. Sed hæc extra oleas, & præter ſcopum iſtius capituli, quare revertor ad inſtitutum noſtrum.

Postea-

Posteaquàm ergo Moses à Deo petiisset cognitionem Attributionum, & ut populo propitius esse velit, responsumque à Deo de gratia populo exhibenda accepisset, ulteriùs progressus est, & petiit quoque Apprehensionem Essentiæ Dei, idque his verbis, *Ostende mihi quæso gloriam tuam!* *Secundò passim cognitionem Essentiæ Dei.*

Exod.33.v.18.

Responsum itaque à Deo ad utramque hanc petitionem accepit. Ad priorem quidem, quâ petiit, *Ostende mihi quæso vias tuas*, respondit ipsi Deus, *Ego transire faciam omne bonum meum ante faciem tuam.* *Ad utrumque respondit ei Deus.*

Exod.33.19.

Ad secundam verò hoc responsum accepit, *Non poteris videre faciem meam, quia non videbit me homo & vivet.* Dum ait, *Quòd velis transire facere ante faciem ejus omne bonum suum*, significat, se ostensurum ipsi omnia entia à se creata, de quibus legimus, *Et vidit Deus quicquid fecerat, & ecce bonum valde erat;* & quidem ita ostensurum, ut accuratè apprehendat naturas ipsorum, quomodo item invicem sint colligatæ & unitæ, & quæ sit ratio gubernationis ipsorum, idque tam universaliter & in genere, quàm singulariter & in specie. Huc respicit Deus, quando ait, *In tota domo mea fidelis est:* q.d. Ipse intelligit essentiam

Ibid.vers.10.

Genes.1.31.

Mundi mei totius intelligentiâ fideli, verâ & solidâ. Scientiæ enim, quæ non sunt veræ, non sunt solidæ, sive stables & diurnæ. Quocirca opera illa sunt attributa ejus, à quibus cognoscitur. Quòd verò illud, cujus apprehensionem Mosi Deus promisit, sint ejus opera, id in se probari potest, quia id, quod Deus ipsi notum fecit, sunt mera attributa sive cognomina operum illius, ut, Misericors, Gratosus,

Num.12.7.

Longanimis, Multus benignitate &c. Sic itaque declaratum tibi est, *Vias illas, quarum cognitionem Moses expetiit, quas etiam Deus ipsi notas fecit, esse opera provenientia à Deo.* Sapientes appellunt מידות Middoth *Mensuras, Proprietates*, ut cum dicunt, *Tredecim sunt Middoth mensura, proprietates*, quam vocem etiam usurpant de Proprietatibus hominis, ut, *Quatuor sunt Middoth, h.e. proprietates eorum, qui Scholam adeunt.* Item, *Quatuor sunt Middoth proprietates in eis, qui dant elemosynam* &c. Hoc verò non idèd fit, quasi Deus quoque tales proprietates haberet, sed quia facit opera similia operibus illis, quæ à nobis proveniunt ex proprietatibus, h.e. dispositionibus animalibus, nequaquam verò quòd ipse quoque ejusmodi dispositiones animales habeat.

Exod.34.6.7.

*Via Dei sunt opera Dei.*

*Proprietates Dei vocantur Middoth à Rabbini.*

Sufficit autem ipsi enumeratio tredecim illarum proprietatum, quamvis omne bonum, h.e. omnia opera ejus apprehenderit; quia illæ proprietates sunt opera sive actiones Dei, ad Conservationem & Gubernationem generis humani pertinentes, quod unicum Mo-

*Cur Deus tredecim tantum proprietates enumeravit?*

ses in sua petitione intendit. Nam verborum illorum, *Ut cognoscam te, utq; inveniam gratiam in oculis tuis, & vide quid populus tuus sit gens ista*, summa hæc est: Quia mihi incumbit populum hunc regere & gubernare, vellem in gubernatione illorum incedere in via & modo operum tuorum, quibus tu illos regis & gubernas. Ita ergo nunquodque tibi ostensum est, quod Derachim *Via*, & Middoth sive *Proprietates Dei* sint unum & idem, Opera nempe Dei, quæ à Deo Opt. Max. in Mundum hunc proveniunt.

Porro, ab unoquoque opere, quod apprehenditur, denominatur Deus certo aliquo nomine sive attributo, ab illo opere deducto & derivato. s. o. Cum apprehenditur subtilissimus ejus modus generandi embryonem in animali aliquo, quàm mirà ratione in ipso existere faciat varias facultates; præterea, quàm curiosè & sollicitè progenitores partum illum educunt, à morte & interitu præservent, ab omni damno & læsione custodiant, ac omnia necessaria ipsi subministrant; hinc, quia hæc & similia opera à nobis non fiunt nisi post Pasionem & Commotionem viscerum, quæ vocatur *Misericordia*, idèd dicitur de Deo, quod sit *Misericors*, sicut legitur, *Quomodo miseretur pater filiorum*. Item, *Et parcam ei quemadmodum qui parcat filio suo*. Quæ proinde nō ita accipienda sunt, quasi Deus Pasioni esset obnoxius, vel quasi viscera ejus commoverentur, sed quia simile quid à Deo ad Sanctos ejus provenit, quod à patre super filium, qui ad clementiam, compasionem & misericordiam erga ipsum commovetur: nequaquam verò propter passionem aut mutationem aliquam.

Quemadmodum etiam nos *Chaninah* Gratiam vocare solemus, cum quippiam largimur ei, cui nil debemus: ut, *Channuni Gratiam facite mihi amici mei*. Item, *Quos chanan gratiose largitus est Deus*. Item, *Quia channani ex gratia dedit mihi Deus*: ita quia Deus creat, conservat & gubernat eos, quibus nullo jure est ad hæc obligatus, idèd vocatur Channun *Gratiosus*.

Quandoquidem etiam inter Opera Dei externa genus humanum spectantia, sunt Poenæ & Plagæ ipsius, quas illis immitit, eaq; vel Particulares, erga certos & paucos quosdam, vel Universales, quæ totas familias, provincias, civitates penitus consumunt & funditis everrunt, quemadmodum in aquarum inundationibus, terræ-motibus, bellis, pestilentiis, & aliis ejusmodi Dei flagellis evenire solet; idèd, quia hæc à nobis erga alios non exercentur nisi ex ira & gravissima indignatione, vel zelotypiâ, aut vindictæ cupiditate, Deus quoque ab hujusmodi operibus vocatur *Zelotes*, *Vindex*, *Irascens*,

Cur Deus vocetur Misericors?

Psalm. 103. 13.

Mal. 3. 17.

Job. 19. 21.

Gen. 33. 5.

Ibid. v. 11.

Cur Deus vocetur Gratiosus?

Cur Deus vocetur Zelotypus,

Vindex, Irascens,

Servans iram,

&c.

*scens, & Servans* sc. vindictam vel inimicitiam, h.e. quia similes actiones & similia opera in nobis proveniunt à dispositionibus animi, quæ vocantur Zelotypia, Vindictæ cupiditas, Ira. Deus autem illa perficit citra ullam passionem, secundum uniuscujusque meritum: Deus enim est perfectissimus, neq; ulla in ipsum cadit imperfectio. Atq; ita omnes Dei actiones, vel omnia ipsius opera, similia quidem sunt actionibus, quæ in hominibus à certis passionibus & qualitatibus animi proficiunt; verum in Deo non proveniunt à re aliqua essentia superaddita. Quare Princeps vel Gubernator Provinciæ alicujus operam dare debet, ut in istis proprietatibus Deo similis existat, exerendo & exercendo illas secundum æquitatem & judicium, nequaquam verò secundum affectus & passiones suas; id eoque cavebit sibi, ne iræ fræna laxet, vel alios affectus nimium sibi dominari sinat. Omnis enim passio mala est & vitiosa. Prudentem itaq; & cautum hic decet esse hominem, quantum in ipso est, ita ut certis temporibus & certis personis sit Misericors & Gratosus, non simpliciter & nudè ex Commiseratione & Misericordia, sed cum ratione, prout res & æquitas postulat. Sic quandoque & erga quosdam sit Servans, inimicitiam sc., Ullor, Vindex, Iratus, non tantum ex ira & indignatione, sed pro ratione delicti, ita ut verbi gratiâ ju-

*Non est affectibus indulgendū.*

*Non irasci debemus personam, sed vitium.*

beat aliquem comburere, neq; tamen in ipsum sit iratus & exacerbatus, neq; etiam ipsum spernat & contemnat, sed simpliciter quia videt illum hoc esse commeritum, & quòd ex hoc opere magnum sit ad homines emolumentum redundaturum. Hinc cum præcepit Deus septem Gentes perdere & extirpare, postquam dixisset, *Non relinques vivam ullam animam, statim subjungit, Ne doceant vos facere se-*

*Deut. 20. 16. Ibid. v. 18.*

*secundum omnes abominationes suas, quas faciunt Diu suu, & peccetis in Dominum Deum vestrum:* q. d. Non est quòd existimeris, hoc Crudelitatem sive Tyrannidem & Vindictæ cupiditatem esse, sed est opus, quod ipse intellectus humanus justum & æquum esse judicat, ut sc. è medio tollatur quicunque recedit & declinat à via veritatis, adeoq; removeantur quicunque impediunt homines ab assequenda perfectione, quæ est Apprehensio Creatoris. Præterea observandum est & hoc, quòd deceat, ut plura sint Principum & Magistratum opera Misericordie, Clementiæ, Gratiæ, quàm verò opera Pænæ; eò quòd tredecim illæ proprietates (*Mosi à Deo revelata, Exod. 34. 6. 7.*) omnes sint Misericordiæ, unicâ exceptâ, hac videlicet, *Visitans iniquitatem Patrum super Filios.* Nam illius *Nakko lo jenakkeb* sensus est, Extirpando non extirpabit, sicut verbum *נָקָה Nakah* sumitur in illo, *Ve-*

*Plura decet Principes facere opera Clementiæ, quàm Ulionis & Pœnæ.*

*Exod. 34. 7. Jesa. 3. 26.*

*nikkara* Et extirpata in terra sedebit. Quod verò prædictam proprietatem attinet, *Visitans iniquitatem patrum super filios*, scias, illam tantum de peccato Idololatriæ accipi, quod inde demonstrari potest, quia in Decalogo dicitur, Super tertiam & quartam generationem eorum, qui oderunt me. Nam nemo vocatur *Ofor Dei*, nisi Idololatra, sicut dicitur, *Omnem abominationem Dei, quam odit*. Quatuor autem tantum generationum mentionem facit, quia summum, quod homo de semine suo videre potest, est generatio quarta. Quando igitur interficiuntur Idololatræ civitatis alicujus, cum occiditur senex idololatra, & filius ejus, nepos item, & pronepos ejus; quasi diceret, Ex præceptis ejus (præcepta autem sine dubio quoque comprehenduntur sub operibus) esse, ut semen & posteri Idololatarum quoque, licet parvuli, occidantur, propter peccata patrum & majorum suorum. Atque hoc præceptum passim in Lege observatum invenimus, unde etiam de Urbe ad Idololatriam impulsæ & prolapsæ mandavit, ut ipsa perdatur & quicquid in ea fuerit, idque præcipue eo fine, ut macula illa deleatur, & magnum damnum, quod inde oriri posset, præcaveatur.

Vide cap. 36. hujus partis.  
Oforas Dei tantum vocantur Idololatra.

Deut. 12. 31.

Deut. 13. 13. &c.

Sic ergo declaravimus, quare Deus ex operibus suis istorum tredecim solum mentionem fecerit? ideò nempe, quia his tantum in Gubernationibus Politiarum & Provinciarum opus habemus. Supremus etenim gradus hominis est, ut, quam maximè fieri potest, Deo similis evadat, ita sc., ut accommodemus vel conformemus opera nostra ad opera illius, quemadmodum Sapientes nostri explicarunt in expositione versus illius, *Sancti estote, quemadmodum ego sanctus sum*. Dixerunt, *Quomodo? Ipse est gratus sic & tu sis gratus: quemadmodum ipse est misericors, sic & tu sis misericors*. Generalis autem intentio nostra fuit demonstrare, quod Attributa sive Proprietates Deo Opt. Max. attributæ, sint nomina Operum illius, non verò ita intelligendæ, quasi Deus esset Qualitati subiectus.

Levit. 11. 44.

## C A P. LV.

*De iis, quæ à Deo sunt removenda. De utilitate item Scientiæ Naturalis ad cognitionem Dei.*

Removenda à Deo corporeitas.

IN quàm pluribus hujus libri capitulis jam inculcavimus, removendum esse à Deo omne id, quod corporeitatem inducit, eique patro-

patrocinator, ideoq; illi ulterius demonstrando, hic super sedebimus.

Pari ratione à Deo removenda est Passio omnis, quia omnem Passionem necessariò sequitur Mutatio, & quia efficiens passionum citra dubium aliud est, quàm id, quod patitur. Unde si Deus esset Patiens vel Passibilis, quocunque demùm Passionis modo, necessariò aliquid extraneum in Ipsum ageret, eumq; mutaret.

Sic removenda quoque à Deo est omnis Privatio, ac simpliciter negandum, Illum unà vice perfectione quãdam carere, quæ aliã vice Ipsi insit. Nam si hoc statueretur, tùm potentiã tantùm perfectus esset: cum omni etenim potentiã necessariò privatio est conjuncta, & quicquid de potentiã in actum exit, aliud quid de necessitate habet, quod illud educit, & quod actu existit. Quare consequitur, omnes perfectiones Deo inesse actu, nec quicquam nisi potentiã ullã ex parte inesse.

Præterea, removenda est à Deo omnis Similitudo & Comparatio cum rebus creatis, id quod & quivis facilè per se percipere potest & animadvertere, & à Prophetis nostris jamdudum revelatum, ut. *Cui* Similiendo. *Jeſu. 42. 25.* *assimilabitur me & equabor? Cui igitur assimilabitur Deum? Nemo est sicut* Ibid. v. 18. *tu, &c.* Psalm. 86. 8.

In summa, quicquid est ex aliqua è quatuor sequentibus speciebus, id à Deo removendum est; *primò*, quicquid inducit corporeitatem; *deinde*, omnis passio & mutatio; *tertiò*, quicquid inducit privationem, ita ut statuatur res aliqua ipsi nunc actu nõ inesse, quæ postea in actu ei insit; *quartò*, omnis similitudo creaturæ alicujus. Atq; hæc sunt de utilitatibus, quas affert Scientia Naturalis in cognitione Dei. Quicunq; enim illas scientias ignorat, ille nequit intelligere imperfectionem Passionis, neq; naturam ejus, quod actu vel potentiã existit; ignorabit etiam, quòd Privatio sequatur id, quod potentiã existit; quòd item id, quod in potentia manet, imperfectius sit eo, quod de potentiã egreditur in actum; & denique quòd id, quod movetur, imperfectum quoque sit, si referatur ad id, cuius virtute movetur, & de potentiã in actum exit. Ac licet quis ista in genere sciat, sed non è fundamentis & per demonstrationes, tamen nesciet adhuc particularia, quæ ex istis generalibus principiis consequuntur, ideoque nullam poterit dare demonstrationem essentialis Dei, neq; rationem reddere, cur istæ species ab ipso removeantur. His ergo ita præmissis, incipiam in sequenti capite explicare falsitatem sententiæ illorum, qui credunt, Deum habere Attributa essentialia, quæ intelliguntur ab his, qui in Logicis & Physicis sunt versati & exercitati.



*Nullam esse similitudinem inter Deum &  
aliud quid extra Ipsum.*

*Similitudo quid  
sit.*

**S**IMILITUDO est comparatio, vel proportio & analogia quædam inter duas res. Inter quas cumq; igitur res nulla est proportio vel affinitas, inter illas quoq; nulla est similitudo: & vice versâ, Inter quæcunque nulla est similitudo, inter illa quoq; nulla est proportio vel comparatio: v. g. non dicimus, Hic calor similis est illi colori, vel, Vox hæc similis est illi dulcedini. Atq; hoc per se clarum est & manifestum. Sublatâ itaque proportionem vel comparationem inter nos & Deû Opt. Max. <sup>+</sup> e. inter ipsum, & quicquid est præter ipsum, tollitur quoq; similitudo.

*Similitudo inter  
quæ sit?*

Scias autem, quando cumq; duæ res sunt sub una specie, h. e. quando quidditas earum una est, licet interim discrepent in magnitudine, parvitate, fortitudine, debilitate aut simili aliquâ re, hac discrepantiâ nihil obstante inter illas esse similitudinem. E. g. Similitudo est inter granum sinapis & inter sphaeram stellarum fixarum, in tribus sc. dimensionibus, quamvis illud sit extremè parvum, hæc verò extremæ magnitudinis. Essentia enim ipsa dimensionum in illis una est & eadem. Sic Cera liquefacta à Sole & elementum Ignis assimilantur inter se in Calore, licet ibi calor sit debilis, hic verò vehementior. Qualitas enim utrobique est eadem.

Sic itaq; intelligere deberent illi, qui credunt, quod Proprietates sive Attributa Dei, qualia sunt, *Existens, Vivens, Sapiens, Sciens, Potens, Volens*, Ipsi sint essentialia, quod illa attributa nullo respectu eodem modo Ipsi & nobis attribui possint, (*h. e. quod nihil planè commune habeant*), ac proinde non tantum differant Magnitudine, Perfectione, Duratione, Firmitate, ita ut Essentia ipsius sit magis stabilis & firma quàm essentia nostra, Vita ejus magis durabilis quàm vita nostra, Potentia ejus major potentia nostra, Sapiëntia ejus magis perfecta quàm sapientia nostra, Voluntas ejus magis universalis quàm voluntas nostra, neque unâ definitione comprehendantur, quemadmodum autem illi volunt. Nequaquam ita se res habet. Nam Magis & Minus dicuntur de duabus rebus, quibus illud tertium, de quo magis vel minus prædicatur, est utrinque commune: ac proinde in quibus locum habet Magis & Minus, inter illa necessariò est aliqua similitudo. Et quemadmodum ex sententia ipsorum sequitur, quod essen-

*Magis & Mi-  
nus de quibus  
dicatur.*



essentia Dei nullam habeat similem, sic quoque exinde sequitur, quod proprietates ejus, quas vocant essentielles, nullas habeant similes, nec cum aliis sub eadem definitione comprehendantur. Verum ipsi existimant, quod Dei proprietates & nostrae unâ definitione comprehendantur, nec tamen inter illas sit similitudo, quæ sibi invicem manifestè contradicunt.

Quocirca ex his manifestum est ei, qui intelligit Naturam similitudinis, quod *τὸ Ens* vel *Existens* & reliqua attributa, ut *Voluntas*, *Sapientia*, *Potentia*, *Vita*, de Deo & aliis, cum nulla inter eos sit similitudo, merè æquivocè & ὁμοιούτως dicantur; non autem analogicè. Nam quæ analogicè de aliis prædicantur, sunt illa, quæ dicuntur de duabus rebus, inter quas est aliqua similitudo in quapiam re, quæ res in illis est accidens, nec quicquam facit ad substantiam illarum. Jam verò Attributa illa, quæ Deo attribuuntur, omnium confessione non sunt accidentia; sed attributa illa, quæ nobis insunt, ex Adversariorum sententia sunt accidentia. Quare miror, unde hauriant illam similitudinem, quod dicunt illa sub unâ definitione comprehendere. Atque hæc demonstratio evincit, nullam planè esse participationem inter Proprietates illas, quæ Deo attribuuntur, & inter nostras, nisi tantum in nomine, nequaquâ verò in ulla aliqua re. Quod cum ita se habeat, non est credendum tibi, proprietates illas in Dei essentia res esse adventitias, ad instar proprietatum nostrarum: propterea quod in nudo & solo nomine communicent. Atque res ista in summo gradu habetur apud intelligentes, quare observa & animadverre eam diligenter, ut in promptu eam habeas in iis, quæ ulterius te sum docturus.

## CAP. LVII.

*Profundiùs agitur de Proprietatibus DEI,  
quàm in præcedentibus: & in specie de  
istis tribus, Existens, Unus,  
Æternus.*

NOTUM est, Existentiâ esse Entis accidens, ideoque rem esse adventitiâ ipsius quidditatis Entis, sed non in Deo, id quod clarum est & manifestum in iis, quæ existentiae suæ causam habent. In eo verò, qui existentiae suæ nullam causam habet, (quod innuimus, cum de eo dicimus, quod necessariam habeat existentiam,) *Existentiâ est  
Entis accidens.*

existentia nihil aliud est, quàm ipsius essentia & veritas, & vicissim essentia ejus nihil aliud est, quàm ipsius existentia. Nam essentia ipsius non est ita comparata, ut existentia ipsi accidat; nam ita existentia foret res adventitia, sed semper & necessarid existit, nec quicquam novi unquam in ipso exoritur, neq; etiam accidens aliquod ei accidit. Quare Existit, sed non per existentiam; Vivit, sed non per vitam; Scit, sed non per scientiã; Potense est, sed non per potentiam; Sapiens est, sed nō per sapientiam; verum omnia in ipso sunt unum & idem, nullaq; in eo est multitudo.

*Unitas & Multitudo Entis accidentia.*

Deinde sciendum, Unitatem quoq; & Multitudinem accidentia esse Entis, quatenus id nempe unum est vel multiplex, quod in Metaphysicis explicatur. Quemadmodum enim Numerus non est substantia rerum numeratarum: sic Unitas non est substantia illius rei, quæ una est. Omnia enim illa sunt accidentia ex prædicamento Quantitatis discretæ, & apprehendunt Entia, quæ idonea sunt ad talia accidentia recipienda. Illud verò, quod existentiam habet necessariam & simplicissimã, nulliq; compositioni obnoxiam, quemadmodum falsò de eo dicitur multitudo, ita pari ratione falsò de eo dicitur Unitas, h. e. Unitas in illo non est aliquid adventitium ad vel præter substantiam illius, sed est Unus, at non per Unitatem. Ita autem loqui cogimur, quia res istæ ita subtiles sunt, ut intellectum nostrum quasi effugiant, ideoque etiam verbis propriis & usitatis explicari nequeant. Atq; hinc multi errores nascuntur, quòd in omnibus ferè linguis verborum penuriã laboremus. Sic enim fit, ut impropriis uti cogamur, & talibus, quæ rei dignitatem exprimere nequeunt, ac inde rem nobis longè aliter imprimamus, quàm in veritate se-se habet; ut quando volumus dicere, quòd Deus non sit multiplex, non possumus id aliter, quàm dicendo, illum esse Unum, licet Unum & Multiplex sit ex differentiis Quantitatis. Idcirco ut rem explicemus, & mentem nostram ad veritatem dirigamus, dicimus; Unus est, sed non per Unitatem.

*In Deo autem perquam.*

Sic cū Illum vocamus *Kadmon*, h. e. Æternū, hoc volumus, quòd nullam habeat originē: dum autē Illum *Kadmon* appellamus, pater, nos longè minùs quàm res est, dicere. *Kadmon* enim (h. e. Antiquus, Primus, Æternus) dicitur de eo, quem apprehēdit Tempus, quod est accidens motus rei alicujus corporeæ. Præterea est ex categoria Relatorum. Nam Æternum accidens est in Tempore, quemadmodum Longum & Breve accidentia sunt in Linea. Proinde, quem non apprehendit, vel, in quem non cadit accidens Temporis, de eo nō verè dici-

dicitur Æternus vel Novus sive Creatus, quemadmodum de Dulcedine dici nequit, quòd sit Curva vel Obliqua aut Recta, neq; de Voce, quòd sit Salsa vel Insulsa.

Atq; ista sunt nota iis, qui se exercuerunt, ut res secundum veritatem intelligant, & eas per Apprehensionem Intellectus, non verò secundum sensum verborum litteralem examinant. Quando ergo in Scriptura de Deo dicitur, quòd sit Primus & Ultimus, eadem ratione id fit, quàm ipsi Aures & Oculi attribuuntur, ad docendū nempe, nullam in Ipsum cadere mutationē, nihilq; in Ipso innovari, vel de novo oriri, nequaquam verò quòd Tempori subijciatur, ita ut proportio aliqua sit inter Ipsum & aliud quid extra Ipsum, Tempus sc., cujus respectu sit Primus & Ultimus. Omnia etenim ista nomina Ipsi attribuuntur secundum linguam filiorum hominum, & <sup>ut</sup> <sup>non</sup> <sup>ad</sup> <sup>Deum</sup>. Sic cum ipsum Unum vocamus, volumus illum nullum habere similem vel æqualem, non quòd ipsa Unitas ejus essentiae adhæreat.

## CAP. LIIIX.

*Attributa Dei Negativa esse vera.*

**A**TT RIBUTA, quæ Deo per Negationem attribuuntur, sunt *Attributa Negativa sunt vera Attributa.* Attributa vera; utpote in quibus nulla est Imminutio, (h.e. *que Deo nihil detrahunt, nec minus, quàm convenit, adscribunt*), & quæ nullam Imperfectionem Deo assignant. Verùm Attributa Affirmativa sunt cum communia cum aliis, cum etiam maximopere imperfecta, prout fusè jam à nobis declararum.

Quare necessarium erit, ut tibi exponam, quomodo Attributa Negativa cum Affirmativis conveniant? & quomodo ab iisdem differant? Deinde ostendam tibi quoq; quòd nullam aliam viam habeamus Deū denominandi vel describendi, nisi per Attributa Negativa.

Dico ergo, Attributum non ita proprium esse illius, cui attribuitur, ut nulli alii rei præterea possit competere, sed potest aliquid esse attributum alicujus rei, licet aliis etiam sit commune, neque illi soli insit, cui attribuitur. E. G. Si hominem aliquem de longinquo videas. & quæras, Quid est illud, quod video? & tibi respondeatur. Esse animal; erit sanè hæc denominatio vel descriptio quædam illius, quod vides, licet non appropriet rem & discernat ab aliis omnibus, quæ præter illam sunt; sed tantum innuat, quòd non sit corpus aliquod vegetabile vel minerale. Sic, si in

domo

domo quadam esset Homo aliquis, tuq; scires, esse in illa domo corpus aliquod, sed ignorares qualenam corpus, ac proinde quærens & diceris, Quidnam est in hac domo? & alius tibi responderet, Non est in ea statua vel planta; hic fieret tibi quidem aliqua descriptio & appropriatio, ita ut scire posses, esse in illa animal quoddam, sed interim ignorares, qualenam illud sit animal. Atq; hac in parte communicant Attributa Negativa cum Affirmativis, quòd necessariò aliquam appropriationem faciât, quamvis illorum appropriatio nihil aliud sit, quàm remotio & negatio illius rei, quam de subiecto non negatum iri putabamus.

*Quomodo Attributa Affirmativa cum Negativa conveniant.*

*Quomodo inter se differant.*

Differunt autem Attributa Negativa ab Affirmativis in hoc, quòd licèt Affirmativa non approprient, tamen de parte aliquâ rei illius doceant, cujus scientia quæritur, sive jam pars illa sit de substantia, sive de ejus accidentibus. Negativa verò nihil certi nos docent de substantia illius rei, cujus scientiam quærimus, nisi per accidens, quemadmodum exemplo id declaravimus.

*Non rectè attributa Deo Attributa Affirmativa.*

His itaque sic præmissis, dico, quòd Deo, qui necessariam habet existentiam, eamq; sine omni compositione, sicuti jam demonstravimus, cujus *to eivou* tantum in genere, non ipsam Quidditatem apprehendimus, falsò attribuantur Attributa Affirmativa. Nam non habet Esse extra Quidditatem, nec Quidditatem extra *to eivou* suum, ut attributum de parte illius aliqua possit docere: neq; etiam Quidditas ejus est composita, ut attributum possit docere de duabus partibus: neque etiam habet Accidentia, ut attributum de istis docere possit. Quare nullo planè modo admittit Attributa Affirmativa.

*Attributa Negativa de se describi possit Deo.*

At verò Attributa Negativa quod attinet, illa adhibenda sunt ad dirigendum Intellectum nostrum ad ea, quæ de Deo credenda sunt: quia ex his nulla in Deo planè sequitur Multitudo, & perducunt Intellectum ad summum cognitionis Dei gradum, ad quem pertinere potest. Exemplo rem declarabo. Per manifestas demonstrationes scimus, quòd necessariò sit adhuc aliquid, præter illas substantias, quas sensibus apprehendimus, & illas, quarum cognitionem & scientiam intellectus sibi vendicat, ideoque de eo dicimus, quòd sit *Existens*, cujus sensus est, quòd privatio ejus sit falsa, (i. e. *falsum esse quòd non existat*). Deinde didicimus, quòd illud Ens non Existat metaphoricè, quemadmodum Elementa, quæ sunt corpora mortua, ideoque illud *Vivens* vel *Vivens* vocavimus, cujus sensus est, quòd Deus non sit Mortuus. Præterea intelleximus, quòd hujus Entis Essentia

Essentia non sit sicut Essentia cœlorum, quæ sunt corpora viva, ideoque diximus de eo, quòd non sit corpus. Insuper vidimus, Ens illud quoque non esse sicut Essentia vel Existentia Intelligentiarum, quæ quidem neque sunt corporeæ, neque etiam mortuæ, sed tamen sunt aliunde productæ, ideoque de eo dicimus, quòd sit *Aeternum*; h.e. quòd nullam Essentiæ suæ causam habeat. Post hæc apprehendimus, quòd hujus Entis Essentia non ita sit comparata, ut Existat pro se solùm; sed quòd ab illo multa alia profluant & proficiantur, & quidem non ut Calor ab Igne, velut Lux à Sole emanant: sed ita, ut simul ab illo conserventur, stabiliantur, disponantur & regantur ac gubernentur; ideoque de eo dicimus, quòd sit *Potens, Sapiens, Volens*, quorum attributorum mens & sententia est, quòd non defatigetur, quòd nihil ignoret, quòd non perturbetur vel præcipiteretur, ac denique quòd non deferat vel derelinquat (*entia sua scil.*). Cùm enim dicimus, illud *non defatigari*, indicamus Essentiam ejus sufficienti potentiâ esse instructam, ut alia extra se existere faciat. Cùm dicimus, illud *nihil ignorare*, volumus innuere, quòd Apprehendat, h.e. quòd Vivat: nam omne apprehendens necessariò est vivens. Cùm dicimus, quòd *non perturbetur vel præcipiteretur, nec deferat vel derelinquat*, innuimus, quòd omnia ista Entia in pulchro ordine procedant & gubernentur, non derelicta & casu quasi generata; sed quòd cuncta sint & gubernentur per Voluntatem ejus. Tandem addidimus, quòd nullum sit Ens simile isti Enti, ideoque dicimus de eo, quòd sit *Unum*, quo attributo removemus ab eo Multitudinem vel Pluralitatem.

Ex his ergo colligere potes, omne Attributum, quod Deo Benedicto attribuitur, vel esse Attributum Operis, vel significare Negationem Privationis ipsius; si scilicet significet Apprehensionem substantiæ, non operis ipsius. Attributa verò ista Negativa non aliter usurpabis, quàm sicuti intellexisti; quomodo sc. quippiam de certa aliqua re negatur, quod ei non inesse solet, prout de Pariete dicimus, quòd non Videat. Porro, Lector charissime, si in Apprehensione quidditatis Expansi istius, (h.e. *Cæli*), quod est corpus mobile, cujus palmas & cubitos jam novimus, cujus etiam partium mensuram & motum magnâ ex parte scimus, Intellectus noster deficiat & fatiscat, & non obstante, quòd sciamus illud certâ materiâ & formâ esse præditum; ramen ideo, quia materia ejus non est sicut communis nostra materia, non possumus illud certis nominibus & attributis affirmativis describere: dicimus enim, Cœli non sunt le-

ves, neque graves, neque passioni obnoxii, neque actionem recipientes, neque habentes gustum, odoratum & similia; idque idem, quia materiam illorum ignoramus; si, inquam, in Apprehensione Cœli ista nobis eveniunt, quidnam quæso fiet, quando animi nostri conantur apprehendere id, quod materiæ omnis est expers & simplicissimum, quodque essentiæ suæ nullam habet causam, quod item præter essentiam suam nihil habet adventitium, cujus perfectionis ratio consistit in Negatione imperfectionum de Ipso? prout explicuimus, quod de eo nihil nisi *τὸ εἶναι* ejus apprehendamus, quod videlicet sit Existens, cui nihil sit simile in universa rerum natura, & quod cum nullo alio ulla in re communicet, quod in creandis iis, quæ extra se sunt, non defatigetur, nec succumbat, quod item se habeat ad ea ut naucerus ad navem; quæ tamen similitudo & comparatio ipsa quoque non est vera, nec per omnia conveniens, sed servit tantum ad significandum & ostendendum, quod Deus gubernet Entia, h.e. quod & illa, & illorum ordinem vel dispositionem sicut necesse est, conservet ac custodiat.

Laus & honor sit Illi, ad cujus Essentiam comprehendendam peccata nostra nimis sunt angusta, cujus Operum cognitio & scientia, quam habemus, mera est ignorantia, in cujus laudibus celebrandis & deprædicandis, omnis linguarum nostrarum elegancia, omnis eloquentia imperfecta nimis est & incompleta.

## CAP. LIX.

### *De differentia & gradibus Apprehensionis vel Cognitionis DEI.*

QUANDO QUIDEM demonstratū hætenus est, Essentiam Dei nullo modo apprehendi posse, & quod nihil aliud possumus apprehendere de Deo, quàm *τὸ εἶναι* ipsius, quodque nulla attributa Affirmativa ipsi attribui queant, meritò quis quærere posset; Quæ ergo in re sit differentia inter eos, qui Deum cognoscunt & apprehendunt? Nam si res ita habet, ut hætenus dictum est, sequi videretur, Mosen & Salomonem non plus apprehendisse, quàm quivis alius, qui Sapientiam quærit, nullamque illos habuisse hac in parte prærogativam. Jam verò certum est, tum apud Theologos, tum apud Philosophos, quod præstantia & præcellentia unius præ altero hic sit permagna. Scias ergo, omnino rem ita se habere, maximamque esse inter Apprehendentes differentiam. Nam quemadmodum ed

*De differentia  
inter eos, qui  
Deū cognoscunt  
& apprehen-  
dunt.*

pro-

propius quoad veritatem & cognitionem rei alicujus accedit, quò pluribus nominibus & attributis illa ipsi describitur: sic multò propius is accedit ad Deum ejusque cognitionem, qui multa eorum de ipso negare potest, quæ de ipso neganda & removenda sunt, quàm is, qui nihil quicquam de ipso negat. Quare ne pigeat hominem annos aliquot ejusmodi scientiæ veritatique principiorum ejus solidè addiscendæ impendere, quæ scientia efficiat, ut rem aliquam de Deo negare possit, & per demonstrationem evidentem scire, quòd non nisi falsò Deo attribuat. Id quod alius speculationis illius expers minimè novisse potest, sed in perpetuo apud ipsum est dubio, an res illa in Creatore existat, nec ne. Ita multi, quorum oculi non sunt illustrati, affirmant aliquid de Deo, ejus negatio est evidentissima; quemadmodum ego demonstrationem suam adducturus, quòd Deus non sit corporeus: alii de eo dubitant, & ignorant, an sit corporeus vel incorporeus? alii præcisè affirmant, illum corpus habere. Vide jam, quanta sit differentia inter tria ista hominum genera. Nam primus sine dubio Deo magis est propinquus, quàm secundus, secundus propior tertio, tertius remotissimus. His verò si addamus quartum, cui per demonstrationem quoque constat, omnem à Deo Passionem removendam esse, quòd primus, qui corporeitatem removendam intellexit, ignoravit, contra sanè cogemur, illum primo adhuc esse propiorem. Atque ita consequenter colligere possumus donec perveniamus ad aliquem, qui multarum rerum de Deo negandarum demonstrationes novit, quæ aliàs ipsi, nostrâ opinione, inesse, vel ab ipso proficisci posse videntur, quem præstantissimum & perfectissimum meritò judicabimus & pronuntiabimus.

Sic ergo hæcenus declaratum tibi est, tantò propius te ad Deum accessurum, quò plura sciveris per demonstrationem negare: & è contrario, quò plura de ipso affirmaveris, eò longius te à veritate cognitionis ejus recessurum. His itaque modis appropinquandum est ad ejus apprehensionem; ut videlicet scrutemur & disquiramus, quòd cognita nobis sint ea omnia, quæ falsa sunt de Deo Opt. Max., nequaquam verò, ut rem aliquam de ipso affirmemus, vel tanquam additamentum ipsius essentiae, vel tanquam perfectionem naturæ ejus, quemadmodum ejusmodi perfectiones in nobis inveniuntur. Nam perfectiones omnes sunt quidam Habitus. Et non possunt omnes Habitus reperiri in quovis subiecto. Præterea dupliciter à Deo elongaris, quando aliquid de ipso affirmas: primò, quia omnia, quæ de ipso affirmas, perfectiones sunt secundum nos tantum & apud

*Attributis Affirmativum dupliciter à Deo elongamur.*



nos: deinde, quòd Deus nullius alterius rei capax est; sed omnes ejus perfectiones nihil aliud sunt quàm essentia ipsius, sicuti exposuimus.

Quandoquidem ergo animadverterunt homines, quòd non possumus in hac nostra infirmitate aliter Deum apprehendere, quàm per Negationem; Negationem autem nobis non notificare quicquam de veritate sive natura illius rei, de qua aliquid negamus: idcirco unanimi consensu omnes omnium sæculorum homines falsi sunt, mentes nostras Deum non posse apprehendere, nec quenquàm apprehendere, quid sit, Deus sc., nisi ipsemet Deus. Hinc dicunt Philolophi, Victoriæ ejus esse in amœnitare vel decore ipsius, & absconditum esse à nobis propter summum splendorem & fulgorem, quemadmodum Sol debiles oculos splendore suo perstringit & ab apprehensione sui arcer. Atque in hunc sensum infinita protulerunt, quæ hic repetere non è re esse duco. Omnium præstantissimum est illud, quod in Psalmis legimus,

Psal. 65. 2.

*Tibi silentium laus est, h. e. Silere apud Te vera laus est. Verba emphatica admodum in hoc negotio! quibus Psalter docet, in omnibus nostris verbis, quibus utimur ad Deum Opt. Max. laudibus extolendum & prosequendum, balbutiem deprehendi, quâ Majestatem Dei diminuamus, ac per consequens longè satius & decentius esse, ut omninò taceamus, Deumque in cordibus & animis nostris celebremus, quemadmodum alibi Piis mandatum legimus, Dicite in cordibus vestris, super cubili vestro, & silere, Selah. Nôsti etiam celebre illud Rabbiorum nostrorum dictum, (cui utinam reliqua eorundem omnia essent similia): quod, licet notum sit & tritum admodum, ipsis tamen illorum verbis tibi recitabo, ut eò melius illius sensum tibi declarare possim: dicunt, Stabat quidam coram R. Chani-nah, orans, ac dicens, Deus magne, potens, tremende, magnifice, fortis, robuste. Dixit ipsi, Absolvisti nunc omnes laudes Domini tui: (q. d. nimia liberalis es & superfluus in fingendis & comiis Dei tui): Nam ne quidem tria priora, sc. Magne, Potens, Tremende, dicere nobis liceret, nisi ea dixisset Moses in Lege. & venissent Viri Synagoga magne, eaq; in orationibus ac precationibus ordinassent, & tu hæc omnia dixisti! Si Rex quidam terrenus, qui*

*Similitudo.*

*caro est & sanguis, haberet millena millia denariorum aureorum, & ipsum laudarent vel æstimarent tantum à nummis argenteis, numquid hoc ipsi non probrosum foret? Hactenus verba pii illius Rabbini, in quibus animadverte ante omnia, quantoperè abominatus fuerit multiplicationem Attributorum affirmativorum, & quomodo ostenderit, Attributa illa in intellectu nostro retinenda, neque unquam ore*

*pro-*

*Qua de causa  
fasciatur omnis,  
Deum à nobis  
apprehendi non  
posse.*

*Convenerit cum  
illo Pauli, 1. Cor.  
2. vers. 11. Ταύτην  
Θεὸς ἡμῖν ἀκάλυπτον,  
οὐ μὲν τὸ πνεῦμα  
τοῦ Θεοῦ.*

Psal. 4. 5.



proferenda esse. Posteaquàm autem necessitas sermonis ea efflagitavit, ut ita in hominibus conceptus & imaginatio quædam de Deo, per descriptionem ipsius à perfectionibus illorum, formaretur, licet ajunt, *Loquuta est Lex lingua filiorum hominum*, tùm iis quoque uti, & Creatorem appellare licuisse, sed tantùm in illis Libris (*Sacris*), neque extra Sacræ Scripturæ sectionem: ex quo verò tempore etiam venerunt Viri Synagogæ magnæ, qui Prophetæ fuerunt, & ea in orationibus disposuerunt & ordinaverunt, & hic illorum usum licitum & concessum esse. Duas itaque præcipuas causas recenser, propter quas illa interorandum adhibeamus; una est, quòd in Lege occurrunt; altera, quòd Prophetæ illa in oratione ordinârunt: absque prima, nullam ipsorum omninò mentionem facere; absque secunda, non extra ipsorum locum (h.e. *extra Scripturam*) illa transferre, nec in orando usurpare nobis liceret, *Et tu*, inquit Rabbi, *tàm liberè illa multiplicare audes!* Præterea autem istud etiam ex hoc dicto apparet, quòd non omnibus quoque Attributis, quæ Deo in libris Prophetarum attribuuntur, nobis in orationibus nostris uti liceat. Nam non dicit solum; *Nisi Moses præceptor noster ea dixisset*, non possemus vel auderemus illa dicere; sed adhuc aliam in super orationem addit, videlicet, *Nisi venissent Viri Synagoga magnæ, & illa in oratione disposuissent*. Tùm enim demùm, orationibus nostris ea inferere, concessum est. Quare non agendum est, ut stulti quidâ homines facere solent, qui in orationibus, multa elogia, epitheta, verba, rhythmos & carmina cõponere & congerere solêt, quæ si homini alicui attribuerent, dignitatem ipsius imminuerent, atque iis ad Deum, ut sibi quidem imaginantur, appropinquare satagunt. Nam boni illi Viri res istas excelsas, sublimes, & à vulgi captu remotas, non intelligunt, & Deum Opt. Max. effræni linguarum suarum licentiâ dilacerant, dum ei, quicquid in buccam venerit, attribuunt, & quidem eò usque, ut passibilem illum in cogitationibus suis fingant, præsertim quando tale quid apud Prophetam aliquem reperiunt. Tùm enim licitum sibi esse omninò arbitrantur illud arripere, & Scripturam pro lubicu quovis modo interpretari; omniâque ad sensum Scripturæ litteralem trahunt, ex quo infinitas postea consequentias & consectaria eliciunt, illisquæ plurima alia superstruunt. Atque ista licentia regnat potissimùm apud Poëtas, Oratores, & hujus farinæ homines, ita ut quandoque talia componant & scribant, quæ partim sunt purè-purè hæretica, partim in summo gradu fatua & ine-

*Cur in Precationibus adhibeantur Attributa Affirmativa.*

*Benedictio in Oratione.*

*Poëtarum & Oratorum licentia.*

pta, ad risum hominem partim permoventia, partim ad fletum, cum considerat, quantâ cum Dei ignominia hæc ipsi attribuantur. Ac nisi misereretur imperfectionis illorum, qui talia scripserunt, quædam tibi proferrem, ex quibus de gravitate peccati ipsorum erudereris. Verum error illorum facile deprehendi potest à quovis sanâ mente prædico. Hoc tantum tibi considerandum propono. Si Lingua mala, & Evulgatio nominis mali, h.e. Obreftatio & Calumnia gravissima censentur peccata, quantò magis libertate linguæ uti de Deo Opt. Max., & istiusmodi illum Attributis describere? Nec enim simplex tantum peccatum, sed Blasphemiam & Sacrilegium appellandum censeo, cum respectu vulgi, qui illa audiunt, cum respectu hominis illius inepti, qui ea profert. Illi autem, qui imperfectionem & defectum istorum nominum apprehendunt, & tamen iis utuntur, meo iudicio, ex eorum sunt numero, de quibus dictum est, *Et dixerunt filii Israël verba, quæ non erant recta, contra Dominum Deum ipsorum.* Item, *Et loquitur contra Dominum errorem.* Quicumque ergo cupit esse ex illis, qui parcunt gloriæ Creatoris sui, ille ne quidem aures ejusmodi blasphemias accommodare debet; multò minùs linguam, ut similia dicat, vel, quod omnium gravissimum, ut illa componat! Cum itaque jam scias mensuram peccati illorum, qui blasphema in Deum ejaculantur verba, summo studio cavere tibi debes, ne utaris Denominationibus affirmativis, quibus existimes te illum magnificere, neque egrediaris ultra ea, quæ Viri Synagogæ magnæ in Orationibus & Benedictionibus ordinaverunt. Illa enim sufficiunt, quantum opus est, immò plus quàm satis sunt, sicut dixit R. Chanina. Reliqua, quæ apud Prophetas occurrunt, quod attinet, illa quidem possunt legi, sed credendum est de illis, prout declaravimus, quòd sint Nomina operum Dei, vel quòd contineant Negationem privationum. Atque istud quoque tale est, quod non in vulgus manifestandum & notum faciendum: sed talis est speculationis species, quæ singularibus tantum convenit, qui nequaquam ita magnificant Creatorem, ut ei aliquid inconveniens attribuant, verum intelligunt id, quod convenit & rectum est. Sed revertamur ad explicationem dicti illius R. Chaninæ, & Sapientia in eo comprehensæ. Non dixit, Similem esse rem hanc ei, si quis Regem habentem millena millia denariorum, æstimeret tantum centum denariorum. Sic enim docuisset, perfectiones Dei tantum esse magis perfectas, quàm illas, quæ Ipsi à nobis tri-

tribuuntur, (h.e. gradu tantum à nostris differre), & esse ex una eademque specie. Nequaquam enim res ita habet, ut per evidentem demonstrationem alibi probavimus. Quare in hoc consistit Sapiencia istius Parabolæ, quòd dicit, *Regi habenti nummos aureos, quem aestimarent, vel laudarent, tanquam habentem nummos argenteos.* Sic enim docet, perfectiones illas, quæ in nobis existunt, & quæ existunt in Deo Opt. Max., nequaquam ejusdem esse speciei, sed omnes illius respectu esse imperfectas, sicut porro ostendit, dum ait, *Numquid hoc non probrosum ei foret?*

Sic itaque ostendi tibi, omnes illas attributiones, quas pro perfectionibus habes, summè imperfectas esse relatas ad Deum, si statuantur ejusdem esse speciei cum perfectionibus in nobis existentibus. Quâ verò ratione hac in parte gerere nos debeamus, docuit nos Salomon, quando ait, *Quia Dominus est in cælu, tu verò in terra, idcirco sint verba tua pauca.* Eccles. 5. 1.

## CAP. LX.

## • Multiplicanda esse Attributa Negativa.

**I**N hoc capite exempla tibi quædam proponam, ut melius adhuc cognoscas, conveniens esse, ut multiplicentur Attributa negativa, & elongeris ab illa opinione, quasi Deus Attributis quoque affirmativis posset describi. E. G. Sit aliquis, cui certò constet, Navem esse vel existere, esse ens, sed ignoret, cui rei hoc nomen comperat, substantiæne alicui vel accidenti? alii autem constet, quòd non sit accedens; alii, quòd non sit animal; alii, quòd non sit statua; alii, quòd non sit planta terræ; alii, quòd non sit corpus compositum compositione naturali; alii, quòd non habeat formam latam & extensam sicut asseres & januæ; alii, quòd non sit rotunda; alii, quòd non acuta, latera habens æqualia, (h.e. quadrata); alii, quòd non sit opus densum: hic clarum sanè est & manifestum, hunc ultimum quasi pervenisse ad veram Navis formam, per istas denominationes negativas, & ferè æqualem esse illi, qui eam per attributa affirmativa scit esse corpus ligneum, concavum, longum, ex multis lignis compositum. Priores autem illos quod attinet, quos nos exempli loco adduximus, ex illis semper prior longius distat à cognitione veræ Navis formæ, quàm posterior, ita ut primus nil nisi nudum Navis nomen teneat.

*Exemplum demonstratur via Attributorum Negativorum.*

Hoc

*Quo sensu alii  
Deo propin-  
qui, alii ab Eo-  
dē remoti esse  
dicantur.*

Hoc ergo pacto quoque Attributiona Dei Negativa te deducunt ad cognitionem & apprehensionem ejus. Opera autem danda est, ut ea, quæ negas, non verbis solum, sed scientiâ & demonstratione certâ neges. Quælibet enim res, cujus negatio per demonstrationem clara tibi est & certa, ad gradum aliquem Apprehensionis Dei te promovebit. Atque hoc modo dicuntur homines alii Deo propinqui, alii ab Ipso remoti, non quod Deus locum habeat, ad quem homo posset accedere, vel ab illo removeri, ut cæci quidam sibi imaginantur, quod tu observa & animadverte. Hactenus via tibi exposita est, cui insistens ad Deum Opt. Max. appropinquare potes.

*Attributa Affirmativa periculosa sunt.*

Attributa Affirmativa quod attinet, per illa Deum describere & denominare, conjunctum est cum periculo haud exiguo. Jam enim demonstratum est, omne illud, quod nos habemus pro perfectione, etiamsi in Creatore juxta sententiam eorum, qui attributa asserunt, existeret, non posse tamen esse de genere perfectionum nostrorum, sed *improvisum* tantum ita dici. Unde necessarium tibi recurrendum est ad Negationem. Nam cum de Deo dicis, quod Sciatur scientiâ unâ, & quidem tali, quæ nec mutatur, nec multiplicatur; quod multas & varias res nōrit, quæ perpetuò innovantur & mutantur, sine tamen ulla innovatione scientiæ; & quod scientia ejus una eademque sit & maneat sine mutatione, dum scit rem, antequam existat, dum existit, & postquam existere desiit; cum, inquam, hæc dicis, satis ostendis, quod sciat per scientiam, quæ longè alia est quàm scientia nostra, & per consequens etiam, quod existat aliâ existentiâ quàm in nobis est. Ex quibus vides, te necessarium ad Negationes delabi, neque persistere in veritate Attributi substantialia, sed in multitudine, & credere, illum esse substantiam quandam ignotas habentem proprietates. Nam dum illas Ipsi te attribuire existimas, removes ab illis similitudinem cum illis proprietatibus, quæ in nobis reperiuntur, unde proin & hoc necessarium consequitur, quod non sint ejusdem speciei. Præterea, dum talia de Ipso affirmas, nihil aliud dicis, quàm Deum subiectum quoddam esse, de quo varia prædicantur adjuncta, sed subiectum illud non esse sicut alia subiecta, & adjuncta illa non esse sicut alia adjuncta, atque ita summa nostra apprehensio in hoc Fidei articulo nil aliud erit, quàm pura-pura Dubitatio, vel Homonymia. Jam, omne subiectum habet sine dubio adjuncta, & illa (*subiectum sc. & adjunctum*) duo sunt quoad definitionem, licet unum sint respectu existentiae.

Subje-

Subiectum enim aliud est quàm adjunctum. At verò in aliquot hujus libri capitibus tibi demonstrabitur, nullam cadere in Deū compositionem, sed simplicem Ipsum esse simplicitate in summo gradu simplicissimā. Quare non solum dico, quòd is, qui affirmat proprietates quasdam de Deo, abbrevietur in apprehensione sua, vel æquivocè & *ἐμμενύμας* apprehendat, vel aliter quàm res est; sed ajo, quòd licèt non ar. madvertat, existentiam Dei è fide sua removeat, (h.e. *quòd neget omninò Dei existentiam*), id quod clarum est & manifestum. Nam qui abbreviatur in apprehensione veritatis rei alicujus, (h.e. *qui imperfectè eam apprehendit*), is partem ejus apprehendit, partem ignorat; ut, si quis de Homine nòlset, illum esse animal, sed ignoraret illum Ratione esse præditum. Jam verò in essentia Dei nulla est multitudo, ut pars ejus aliqua cognosci possit, alia non. Sic, qui *ἐμμενύμας* aliquid apprehendit, is mente concipit & format sibi veritatem substantiæ alicujus prout est, & affirmat eam de substantia alia. Hæc autem proprietates, juxta sententiam illorum, qui eas defendunt, non sunt substantia Dei, sed res præter illius substantiam. Ita, qui aliter rem, quàm se habet, apprehendit, is necessariò al. quid de ea apprehendit, (ut cùm *egrotus dulce existimas esse amarum*). Ast si quis crederet Gustum esse Quantitatem, de eo non dicerem, quòd apprehenderet rem aliter quàm est, sed expressè dicerem illum ignorare naturam & essentiam Gustus, nec scire, cui rei hoc nomen competat. Hæc speculatio subtilis admodum est: quare diligenter & attentè eam considera.

Ex his ergo intelligis, illum imperfectum dici in apprehensione Dei, & elongatum à cognitione ejus, cui non constat ullius rei negatio de Deo, quæ de ipso neganda est: ac proinde, quòd pauciora quis de ipso negat, tantò imperfectiorem ejus esse apprehensionè, quemadmodum in principio hujus capituli exposuimus. Qui verò aliquid de Deo affirmat, is nihil novit præter solum nomen, quia res illa, quam per illud nomen significari existimat, nequaquam existit, sed est merum figmentum & mendacium, & perinde est, ac si illud attribueret alicui rei, quæ nullibi est in rerum natura. s. g. Si homo aliquis audivisset nomen Elephantis, ac sciret esse nomen animalis alicujus, cuperetq; scire formam & veritatem ejus, ac ipsi aliquis, sive decipiendi studio, sive ex errore, diceret, esse animal, habens unum pedem, tres alas, stans in profundo maris, corporis splendidi, faciem habens similem faciei humanæ, loqui instar hominis, nonnunquam volare sicut aves, interdū natare sicut pisces; de hoc sanè nō possem

dicere, quòd Elephantē aliter quàm in se est depinxerit, vel quòd abbreviatus sit in apprehensione Elephantis, sed rotundè dicerem, ista omnia, quæ in hac descriptione posuit, esse falsa, neq; tale quid in rerum natura dari, sed esse non Ens, Entium, nominibus & appellationibus insignitum, prout sunt Chimeræ, Centauri, aliæque figuræ imaginariæ, quibus nomina Entiū, vel simplicia, vel composita, imponunt, (*Chimeram enim vocat hic חִמֶּרֶת, quod est vocabulum simplex & certa cujusdam avis: Centaurum אֶדֶם Hominem-equum, quod compositum*). Ita planè in hoc negotio res se habet. Scimus, quòd Deus sit Existens: demonstrari potest, quòd Existentiæ ejus sit necessaria, quòd ex necessitate Existentiæ ipsius sequatur absoluta simplicitas, sicut explicabo; sed quòd substantia illa simplex, existentiæ necessariæ, habeat proprietates, & ab aliis rebus apprehendatur, illud est non-ens omnibus modis, sicut demonstratum est. Quare cū dicimus, quòd substantia illa simplex, quæ vocatur Deus, sit talis substantia, in qua sunt res multæ, quibus denominatur, imponimus hoc Nomen putæ-putæ privationi, sive non-enti.

Animadverte itaque, quantum sit periculi in Attributis Affirmativis, & quid credendum nobis sit de illis Attributis, quæ Deo in Legge & Prophetis attribuuntur; quòd sc. omnia serviant ad docendum de perfectione ejus, vel sint Nomina operum ab ipso provenientium, ut sæpius jam monuimus.

## CAP. LXI.

*De potestate Nominum DE I, & de mysterio  
Nominis, quod scribitur, sed non  
legitur.*

**O**MNIA Dei Opt. Max. Nomina, quæ in Libris Sacris inveniuntur, derivata sunt (ut palàm est) ab operibus ejus, unico excepto *Jod He Vau He*, quod est Nomen Dei Proprium, unde vocatur *Schem hammephorsch* Nomen expositum, quia clarè & citra ullam æquivocationem de substantia Creatoris docet. Reliqua verò Ipsius Nomina, excellentia quoque sanè, *שמעון* de ea docent, quia sunt derivata ab operibus, quorum similia inter nos reperiuntur, sicut exposuimus. Ipsum etenim illud Nomen, per quod Nomen Tetragrammaton *Jod He Vau He* legitur, (*Adonaj* sc.) deductum est à Dominio; ut, *Loquutus est vñ ille Adonaj Dominus terra nobiscum dura*.

*Nomē Dei יְהוָה  
cur Schem  
hammephorsch?*

*Nomen Adonaj  
יְהוָה.  
Genes. 42. 30.*

Diffi-

Differentia autem est inter *יְהוָה*, quando *Nun* legis cum *Chirek*. *Adonaj* sc., & inter *יְהוָה*, quando *Nun* legis cum *Kametz*, & dicis *Adonaj*, quemadmodum differentia est inter *Sari* *שָׂרִי*, quod significat *Princeps meus*, & inter *Saraj* *שָׂרָה*, ut, *Saraj* uxor *Abrahami*. Nam in hoc (*Saraj* sc. & *Adonaj*) est tūm significatio Honoris, (quia *Dominum* significat), tūm Universalitatis, multa comprehendens, (quia est numeri pluralis, & ita multiplex dominum significat). Præterea dicitur quoque de Angelis hoc nomen *Adonaj*: ut, *Adonaj Domini mei, ne queso transeat*. Atq; hæc de nomine *Adonaj* porissimum, per quod legitur Nomen Tetragrammaron, monere volui, quia magis Proprium est, quàm reliqua Nomina, quæ de Ipso sunt manifestata. Cætera enim quod attinet, ut, *Daijan* Judex, *Schaddaj* Omnipotēs, *Tzaddik* Justus, *Channun* Gratosus, *Rahum* Misericors, & *Elohim*; illorum Erymologia & Universalitas cognita est ac manifesta, (h. e. de illis constat, & quod sint communia, & unde sint derivata). Sed illud Nomen, cujus literæ sunt *Jod He Vau He*, non habet erymologiam notam, neque communicatur alteri. Ac nullum est dubium, quin Gloriosum istud Nomen, quod, ut nōsti, nō proferre licet, nisi in Sanctuario, & à Sacerdotibus Dei sanctis solum in Benedictione Sacerdotū, (vel, *Sacerdotali, quæ habetur Num. 6. 23. & c.*) ut & à Sacerdote magno in die Jejunii, quin, inquam, doceat de re aliqua, in qua inter Deū & alia, nulla prorsus est cōmunicatio; ac probabile omnino est, quod tūm secundū significationem ipsius vocis, (h. e. secundū literas, quibus scribitur) de qua inter nos hodiè non nisi parum exstat, tūm secundū lectionem (h. e. secundū puncta) significet aliquid, quod necessariam habet existentiam. Summa; Magnificentia hujus Nominis, & Prohibitio lectionis ejus inde provenit, quia docet de substantia Dei, quo respectu, vel in qua significatione nulli creaturæ communicatur, sicut de eo Rabbini nostri dicunt, *Nomen meum proprium mihi*.

Reliqua verò Nomina omnia docent de Attributis sive Proprietatibus, h. e. non de sola substantia, sed de substantiæ proprietates vel attributa habente, propterea quod sunt derivata & aliunde desumpta; atque ideò cogitationi imprimunt multitudinem, h. e. inducunt ad cogitandum existentiam proprietatum, quod sc. sit substantia, & res adventitia præter substantiam. Hæc enim est natura omnis nominis derivativi, ut doceat de re aliqua, & de subiecto, cui res illa inhæret, licet non aperte illud exponat. Quandoquidem autem per demonstrationem liquet, Deum non esse tale subiectum, quod alias res recipiat; hinc colligimus, quod Nomina derivativa Ipli at-

*Adonaj dicitur de Angelis.*  
Gen. 18. 3.

*Nomen Tetragrammaron de quānam re docent.*

*Reliqua Dei Nomina de quare docentur.*



tribuantur vel respectu operum ipsius, vel ut dirigamur ad perfectionem ipsius. Propterea indignatus fuit R. Chanina contra eum, qui dixit, Magne, Fortis, Tremende, (*quemadmodum sup. vidimus cap. 59.*) quia illa epitheta inducunt ad credendum, Proprietates essentielles esse in Deo, h.e. esse perfectiones in ipso existentes. Et cum multa sint ejusmodi Nomina Deo attributa, quæ ab operibus ipsius derivata sunt, idèd multi in hanc opinionem prolapsi sunt, ac si tot distinctas haberet Proprietates, quot sunt ejus opera, à quibus nomina illa deducta sunt. Hinc promittit Deus, se ejusmodi sui noticiam & apprehensionem hominibus largiturum, quæ istud dubium ex animis ipsorum tollat, cum ait, *In die illa erit Dominus unus, & Nomen ejus unum*, q. d. Quemadmodum ipse unus est, sic etiam uno solùm nomine eum vocabitur, & quidem tali, quod tantum de substantia ejus doceat, nequaquam verò aliundè sit derivatum. In Capitulis sive Apophthegmatis R. Elieser legimus, *Antequam creatus esset Mundus, fuit tantum Deus Benedictus & Nomen ejus*. Ex quo colligimus, quòd Nomina ipsius derivativa demum post creationem Mundi inventa sint & excogitata, id quod verissimum est; quia Nomina illa omnia deducta sunt ab operibus ipsius in hac Mundi machina existentibus. Nam si consideraveris essentiam ejus unicam & simplicem, sine ullo opere, & ante creationem Mundi, nullum ei invenies Nomen derivativum, sed unum solùm Nomen proprium, de essentia ipsius docens. Nullum autem inter nos est Nomen, quod non sit Derivativum, præter hoc unicum *Jod He Vau He*, quod est *Schem* illud *hammephora sch*, sive Nomen expositum. Quare cavebis, ne aliud præter hoc excogites, neq; si à superstitionis & insanis hominibus, amuleta sive chartas experimentales conscribentibus, talia audias, vel in scriptis eorum legas, illa observes, vel iis uraris. Nomina etenim illa, quæ effingunt, de nulla planè re docent, & tamen vocant ea Nomina (*Divina*), existimantque illa singularem requirere sanctitatem & puritatem, & virtutem habere miracula edendi ac faciendi. Verum ista omnia ab homine perfecto non solùm non credenda, sed ne audienda quidem sunt. Nam nullum prorsus nomen vocatur *Schem hammephora sch*, præter hoc Tetragrammaton, quod scribitur, sed non secundum litteras suas legitur. Sic enim legimus expressè in libro *Siphre*, ad illum locum, *Sic benedicetis filii Israël, Coh Sic, h.e. In lingua hac, Coh Sic, h.e. Cum nomine exposito, quod in Sanctuario* (h.e. in templo Hierosolymitano) *profertur secundum Scripturam suam; in Provincia verò* (h.e. extra templum) *non nisi per pronomen vel cognomen suum*

Zach. 14. 9.

Nomen Tetragrammaton est Schem hammephora sch.

Nomina Dei in amuletis usurpata. sunt ficta & inventa.

Num. 6. 23.

(Ado-



(Adonaj sc.). In Talmud quoque scriptum est; Coh *Sic, h.e. Cum* Sotah fol. 37. Schem hammephoraſch. Si dicas, Cum Schem hammephoraſch ſive Nomine Tetragrammato, vel ſine eo, cum cognomine ſc. ipſius (Adonaj) ? docet me dicere, Et ponent Nomen meū; Nomen ſc. meum, appropriatum mihi: (h. e. Si objicias vel quæras, an debeat Benedictio fieri per Nomen ipſum, an per Cognomen? quid respondendum ſit, docent me verba iſta, Et ponent Nomen meum, &c.) Sic itaque declaratum tibi eſt, Schem hammephoraſch (h. e. Nomen expoſitū) eſſe Nomen quatuor litterarum, & illud ſolū ſine æquivocatione & homonymia docere de eſſentia Dei Opt. Max., & hac de cauſa Rabbinos de eo dixiſſe, in perſona ſc. Dei, Nomen meum appropriatum mihi.

Nunc exponam tibi capite ſequenti, quidnam impulerit illos, qui alia credunt Nomina Divina, & amuleta conficiunt? illiusq; quæſtionis fundamentum, cum omnibus ejus myſteriis ita explicabo, ut nullum tibi dubium remanere poſſit, niſi teipſum libenter, ac ſtudio quaſi, decipere velis & ſeducere.

## CAP. LXII.

*De Nomine Tetragrammato quadam alia.  
Item de Nomine DEI duodecim, & quadraginta duarum litterarum.*

PRÆCEPTUM Divinum accepimus, ut Sacerdotes populo Num. 6. 23. benedicant, & quidem cum Nomine Dei prout ſcribitur, quod eſt Schem hammephoraſch, h. e. Nomen expoſitum: ſed nulli hominum notum erat, quomodo illud pronunciarent, quāve vocali vel unicam ejus literam efferrent, an aliquas dageſſarent vel non, aut an litera aliqua Dageſch recipiat? Verū Sapiētes tradebant illud, h. e. modum pronunciandi illud, unus alteri, neq; quemquam de eo erudiebant, niſi diſcipulum dignum ac idoneum, & ſemel in ſeptimana. Meā autem ſententiā, illud, quod dicunt, Nomen quatuor litterarum tra- In Kidduſchin c. 4. fol. 71. debant Sapiētes filiis & diſcipulis ſuis ſemel in ſeptimana, non ſolū de prolatione & pronuntiatione ejus intelligendum, ſed etiam de rationibus, propter quas hoc Nomen Deo appropriatum eſt, & de myſteriis Divinis, quæ ſub eo latent.

Præterea fuit quoque apud ipſos Nomen duodecim litterarum, quod ſanctitate inferius erat Nomine Tetragrammato. Illud autem, prout mihi quidem videtur, non erat unicum vocabulum, ſed duo aut tria,

quæ literas habebant duodecim. Utebantur eo pro nomine Tetragrammato, quotiescunque eis in lectione illud occurrebat, quemadmodum nos hodie pro eo legimus *Aleph Daleth*, (h. e. nomen *Adonaj*). Verum sine dubio magis emphaticum erat, & aliquid magis singulare significabat Nomen illud 12. literarum, quàm Nomen *Adonaj*. Neque denegatum fuit illud ulli unquam ex filiis S. pientum, sed docebant quemvis, qui id discere cupiebat, quod non faciebant in Nomine Tetragrammato: nam non docebant illud, nisi filios & discipulos suos semel in septimana. Cum verò nomen hoc discerent temerarii quidam homines, & eo dogmata fidei corrumperent, sicut cuiusvis imperfecto accidere solet, quando videt rem aliter se habere quàm principio sibi imaginatus erat, tum & illud incepterunt occultare, neque amplius id docebant, nisi modestos & verecundos ex Sacerdotibus, ut eo benedicerent populo in Sanctuario; quia jam desierant pronuntiare *Schem hammelech*, h. e. Nomen Tetragrammaton, itidem propter abusum & perversitatem hominum, sicut ajunt: *Ex quo mortuus est Simeon justus, cessarunt fratres ejus Sacerdotes benedicere cum Nomine (Tetragrammato sc.): sed benedicebant cum Nomine duodecim literarum.* Item: *In principio cuiusvis tradebant Nomen duodecim literarum, sed ex quo multiplicati sunt homines presumptuosi & fastuosi, qui illud didicerunt, tradiderunt illud tantum modestis & verecundis in Sacerdotio, qui illud absorbeant vel celeriter demurmurabant in melodia fratrum suorum Sacerdotum.* Dixit R. Tarphon, *Asiendi aliquando post patrem meum in suggestum, & admovei aures meas ad Sacerdotem, ac audivi quoddam absorberet illud in melodia fratrum suorum Sacerdotum.*

Cuiusmodi  
fuit illud?

Nomen quadraginta  
duarum li-  
terarum.

Fuit etiam apud Veteres Nomen quadraginta duarum literarum. Cuiusvis autem sanâ mente prædicto notum est, quadraginta duas literas nequaquam posse unicam tantum vocem constituere. Quare sine dubio fuerunt plures voces, constantes quadraginta duabus literis. Neque dubium est, quin voces illæ aliquid significarent, quod appropinquare fecit hominem ad veram cognitionem essentiae Dei Benedicti, secundum eum modum, quem declaravimus. Plures autem illæ voces Nomen vocabantur, quia de una tantum re docuerunt, sicut alia Nomina propria: multiplicabantur autem ad meliorem rei intelligentiam. Res quippe unica potest proponi & explicari multis verbis. Illud verò, quod docebatur, non erat solum pronuntiatio nuda literarum, sine ulla rei impressione, sed etiam (quod observa) doctrina rerum, de quibus voces illæ docebant. Neque unquam Nomen hoc 42. literarum, vel Nomen 12. literarum, vocan-

tur

tur *Schem hammephorasch* : sed *Schem hammephorasch* vocatur tantum Nomen illud Dei appropriatum (*Tetragrammaton* sc.), sicut declaravimus. Duo tamen ista posteriora sine controversia Sapientiam aliquam Divinam docuerunt, quod inde probari potest, quia de eo Magistri nostri dicunt; Nomen quadraginta duarum literarum sanctum & sanctificatum est, neque tradunt illud nisi ei, qui verecundus est, qui fiat in medio dierum suorum (h. e. mediæ ætatis viro), qui non facile irascitur, qui non inebriatur, qui non est obstinatus & pertinax in malis suis moribus, & cujus sermo est placidus & mansuetus cum creaturis. Quicunque autem illud sciebat, reverenter habebat, & castè ac religiose observabat, is superius habebatur charus, inferius desideratus, (h. e. Diis Hominibusque charus erat & acceptus), omnibus creaturæ terrori, in doctrina & eruditione sua confirmatus, (de verbo ad verbum, Doctrina ejus confirmatur in manu ipsius), utrimque tandem Mundi, hujus sc. præsentis & futuri hæres. Hactenus Talmud. Quàm pauci verò sunt, qui verum horum verborum sensum & scopum rectè percipiunt! Plerique enim existimant, de literis tantum & earum prolatione hoc intelligi, neque quicquam aliud hic latere & exponi, sed per solas illas literas ad cognitionem sublimium illorum Mysteriorum perveniri, qualitatibus item ac dotibus illis, quarum facta mentio, ad illas tantum addiscendas opus esse. Verum certum est, illa omnia nil fuisse, nisi expositionem rerum Divinarum, & ex illorum numero, quæ vocantur *Arcana Legis*, sicut explicuimus. Expositum etiam est inter cætera in Libris, qui compositi sunt de Sapientia Divina, quòd hujus Sapientiæ, quæ est Apprehensio Intellectus agentis, nemo possit oblivisci, quod his verbis significatur, *In ejus manu doctrina confirmatur.*

Posteaquam autem facti & mali quidam homines ea, quæ de supradictis nominibus adduximus, invenerunt, ansam inde plura mendacia componendi arripuerunt, literas aliquas pro lubitu in dictionem unam colligentes, ac hominibus persuadentes, illam hoc vel illo modo scriptam aut dictam, talem vel talem habere operationem & effectum. Mendaciis his ita ab isto hominum genere confectis, cœperunt illa in certos libros referri, qui cum ad manus bonorum aliqui, sed nimis credulorum Virorum, qui solidum non habebant judicium inter verum & falsum discernendi, pervenissent, & ab illis inter *νεμῶλια* sua asservati & absconditi fuissent, simplices posterius illos invenientes, fidem eis tanquam veris adhibuerunt, & pro talibus receperunt, juxta id, quod Salomon ait, *Stultus credit omni verbo.* PROV. 14. 7

Verum

Verum digressi sumus à laudabili nostro proposito, & à subtilissima nostra speculatione, ad res, quod cuivis Tyroni notum, futilissimas & ineptissimas: cui occasionem præbuit id, quod de Nominibus Dei & sensu illorum, quidque de illis vulgus sentiat & sciat, diximus. Quare ad ea, quæ antè jam monuimus, revertor, quòd sc. omne Nomen Dei sit derivativum ab aliquo opere, excepto *Schem hammephorash*, seu Nomine Tetragrammato. Necessè autem est, ut in peculiari capite adhuc loquamur de alio Nomine, videlicet *Ehje ascher ehje*, h.e. *Ero qui ero*; quia & illius explicatio facit ad subtilem istam, quam tractamus, speculationem, Remotionem sc. Proprietatum corporalium.

## CAP. LXIII.

*Observat nonnulla ad id, quod Moses dixit,  
Quod est Nomen ejus? Item, de Ehje ascher  
Ehje, Jah, Schaddaj.*

ANTEQUAM ad ipsam explicationem Nominis *Ehje ascher ehje* accedam, præmittam propositionis loco aliquid de eo, quod Moses dixit, *Et dicent mihi, quod est Nomen ejus? quid tùm respondebo ei?* quomodo sc. illa quæstio convenerit huic negotio, ut Moses quæreretur, quid sibi ad illam respondendum esset? Equidem quod ibidem dicitur, *Ipsi verò non credent mihi, sed dicent, Non apparuit tibi Deus*, de eo certum est, quòd hoc pacto deceat alloqui eum, qui gloriatur de Prophetiæ dono, donec probationem adduxerit. At illud nonnihil difficultatis habet. Nam si res ita habet, prout ex literarum cortice apparet, quòd Nomen Dei fuerit id, quod Israëlitis dicere debebat, necessariò sequitur, vel Israëlitas illud Nomen jam scivisse, vel nunquam profus audicum illis fuisse. Si jam sciverunt, nullam ipsis probationem attulisset, licet indicasset, quia illi æquè ac ipse illud scivissent. Si non sciverunt, quomodo probavit esse hoc Nomen Dei, si scientia Nominis probationis loco ipsi inservire debuit? Insuper, postquam Deus Nomen hoc ipsum docuit dixit ei, *Vade, congrega seniores Israël, & obediunt voci tuæ*: & respondit ipsi Moses, & dixit, *Eccè non credent mihi, neque audient vocem meam*; cùm tamen Deus ipsi jam dixisset, *Audient vocem tuam*. Post hæc dixit ipsi Deus, *Quid hoc est, quod est in manu tua?* respondit, *Virga* &c.

Quod ergo tibi ad solutionem & explicationem sciendum, id jam expo-

exponam. Nōsti, quantum in temporibus illis invaluerit Hæresis † Zabeorum, & quomodo omnes propè in universum homines, non nisi paucis exceptis, Idololatriæ addicti fuerint, ita ut stellis & imaginibus, quas illis fecerant, omnem virtutem divinam & spiritua-lem adscriberent. Et quivis tūm temporis vel gloriabatur, quod novum argumentum & novam probationem invenerit, quodd sit Deus super hunc Mundum universum, ut Abraham : vel gloriabatur, quodd descenderit super ipsum spiritus stellæ vel Angeli alicujus &c.

Verūm qui gloriaretur de Prophetia, dicendo, Deum secum loquutum esse, & ipsum misisse, de nullo unquam auditum fuit ante Mo-  
sen Doctorem nostrum. Nam quod de Patriarchis legimus, Deum ad ipsos loquutum esse, & eis apparuisse, id alium sensum habet, ac propterea te non debet seducere. Nuspiam enim illud sensum Pro-  
pheticum habere reperies, ita ut jubeantur clamare ad filios homi-  
num, aut in viam eos dirigere : nec unquam invenies, quodd Abra-  
ham, vel Isaac, vel Jacob, vel aliquis alius ante ipsos dixerint, *Dixi mihi Deus, ut sic faciat, vel non faciat, vel, Misit me ad vos.* Nihil minus. Sed factus est ad ipsos sermo Dei in eo tantūm, quod ipsos solos spectabat & attinebat, h.e. de eo, quod pertinebat ad ipsorum perfe-  
ctionem, & ad significandum illis ea, quæ ipsis facienda erant, vel  
annunciandum id, quod ipsis & semini illorum eventurum erat. Ipsi  
verò instituebant homines suos per modum speculationis & disciplinæ, sicut nobis declaratur, cū dicitur, *Et animas, quas fecerunt* Genes. 12. 5.  
*in Charran.* Cū ergo Deus Moysi apparuisset, & ipsi in mandatis  
dedisset, ut suo nomine mortales alloqueretur, hancque legationem  
apud ipsos expediret, statim apud se cogitavit, illos ante omnia pe-  
tituros, ut probet, Deum esse in hoc Mundo; deinde ut ostendat, se  
ab illo missum & ablegatum esse. Omnes etenim homines, paucis  
quibusdam exceptis, nesciebant tūm temporis, Deum esse : sed  
summa ipsorum speculatio consistebat in contemplatione cæli ac  
virtutum & operationum ejus, neque ulterius se extendebat. A re-  
bus sensibilibus abstrahi se non patiebantur, neque perfecti fue-  
runt perfectione intellectuali. Proinde docuit ipsum Deus scien-  
tiam, quam ipsis traderet, & quæ ipsis persuaderet, Deum esse, No-  
men sc. hoc *Ehje*h ascheh *Ehje*h. Est autem hoc Nomen derivatum à  
verbo *Hajah*, quod significat Essentiam vel Existentiam; *Hajah*  
enim significat *Esse* vel *Existere*: [perinde enim est, sive dicas *hajah*, sive  
*nimza*, nam hæc duo sunt synonyma]. Mysterium verò ejus omne la-  
tet in iteratione vocis ejusdem, quæ significat Existentiam per

Ante Moysen no-  
mo fuit, qui di-  
xerit, Deum se-  
cum esse lo-  
quutum.  
  
Nomen Dicit  
Ehje h ascheh  
Ehje h.

modum attributionis vel prædicationis. Nam pronomen *relativum* *Ascher* continet in se mentionem *Attributi* alicujus *inhærentis* sibi, (est enim per se imperfectum semper, & notat aliquid aliud ei adhuc conjungendum, sicut *Aldi* apud Arabes), & positum est Nomen primum, quod *Subjecti* vicem sustinet *Ehjah Ero*, & Nomen secundum, quod *Attributum* ejus est, *iridem* vocatur *Ehjah Ero*, vox planè in substantia eadem cum priore; quasi ostendere veller, *Denominatum* sive *Subjectum* & *Attributum* unum idemque esse in substantia, quod nihil aliud est, quàm quod nos dicimus, Deum existere, sed non per existentiam. Quare explicatio & expositio illius *Ehjah Ascher Ehjah est, Hannimza ascher hu hannimza* Existens qui est Existens, h.e. is qui necessario existit. Hoc enim est, quod probare & demonstrare debuit, Deum esse *Eus* necessario existens, neque unquam vel non fuisse, vel non futurum esse, sicut hujus rei demonstrationem asseram.

Postquam ergo Deus *Benedictus ipsi (Mosi)* ostendit rationes, quibus ejus *Existentiam* probaret apud *Sapientes* populi sui, pergit, & dicit ad eum, *Vade & congrega seniores*, ac simul ei promittit, quodd ipsum intellecturi sint, & ab illo accepturi id, quod norum ipsi fecit, sicut dicitur, *Et audient vocem tuam*. Moses itaque respondit ei; En, credo equidem, ipsos credituros quodd sit Deus, & hoc recepturos, propter rationes istas intellectuales, sed quam eis probationem asseram, quodd hic Deus miserit me? Ad hoc ergo probandum, datum ipsi est postea signum. Ex quibus omnibus apparer, sensum illius quæstionis, *Quod est Nomen ejus?* hunc esse, *Quis est ille, à quo existimas te missum esse?* Quodd verò ista eloquitur, & his verbis quæstionem format, *Quod est Nomen tuum?* honoris causâ factum est. Perinde enim est ac si diceret, *Existentiam & Veritatem tuam* nemo ignorat, si verò interrogatus fuero de *Nomine tuo*, quid ipsis de hoc *Nomine tuo* indicabo? Itaque honoris causâ noluit Moses ad Deum dicere, esse quosdam, qui existentiam ipsius ignorent, sed rejecit ignorantiam illorum in Nomen, non in id, quod per Nomen intelligitur & significatur.

*Nomen JAH.* Sic Nomen duarum litterarum *Jah* n<sup>o</sup> desumptum est ab *Aeternitate* existentiae ipsius.

*SCHADDAJ.* *Schaddaj* derivatum est à *Daj* sufficiens: ut, *Et substantia erat daijam sufficiens ipsis*; *Schin* autem idem valet quod *Ascher*: ut, *Schecevar* Qui jam; ac proinde significat, *Qui sufficiens est*, quidd Deus

Deus sibi sufficiat, neque opus habeat existentia alius alicujus Entis, aut ut ab alio conservetur: sed existentia Dei sibi ipsi sola sufficiat.

*Chasin* derivatum est à Potentia & Fortitudine: ut, *Vechason* Et CHASIN. Amos 2.9.  
*fortiu veluti quercus.*

Sic *Tzur* Nomen est æquivocum, sicut alibi id exposuimus. TZUR. PART. I. §. 10.

Ita ergo hætenus declaratum tibi est, Omnia Nomina Divina aliunde esse deducta & derivata, vel esse homonyma, ut *Tzur*, id quod verissimum est. Nullum namque Nomen est *DEI*, quod non sit derivatum, præter Terragrammaton, quod est *Schem hammephorasch* Nomen expositum, de nulla alia re vel proprietate docens, nisi de Essentia *DEI*, de cujus ratione hoc est absolute, quod perpetuo & necessario existat.

## CAP. LXIV.

### *Quot modis dicatur NOMEN DEI, &* *GLORIA DEI.*

**S**CITO, *NOMEN DOMINI* quandoque significare solum & nudum *NOMEN*: ut quando dicitur, *Non assumes NOMEN DOMINI DEI tui in vanum.* Item, *Qui expresserit NOMEN DOMINI.* Et sic sæpissimè. Quandoque verò significat Essentiam & Veritatem ejus: ut, *Et dicent mihi, quod est NOMEN ejus?* Interdum usurpatur pro *VERBO DEI*, ita ut, quando dicimus *NOMEN DEI*, idem valeat quod Verbum *DEI*, aut Sermo *DEI*: ut, *Quia NOMEN meum in medio ejus*, h.e. Verbum meum, vel Sermo meus in medio ejus, quia sc. illud est instrumentum voluntatis & beneplaciti mei, sicut explicaturus sum in homonymia vocis *Angelus*. NOMEN DEI quid significet. Exod. 20.7. Levit. 24.16. Exod. 3.13. Exod. 13.21. PART. 2. c. 6.

Sic per *GLORIAM DOMINI* significatur nonnunquam Splendor aliquis creatus, quem *DEUS* quasi prodigii vel miraculi loco ad Magnificentiam suam ostendendam alicubi habitare fecit: ut, *Et habitavit GLORIA DOMINI super monte Sinaj & obsecit eum.* Item, *Et GLORIA DOMINI replebat tabernaculum.* Interdum autem eo itidem significatur Essentia & Veritas ejus: ut cum *Moses* ait, *Monstra mihi quæso GLORIAM tuam*, qui pro responso audivit, *Non videbit me homo & viveret*: ex quo ibid. v. 10. apparet, *GLORIAM*, cujus mentionem fecit, nihil aliud esse



Exod. 3. 13.

quàm Essèntiam Dei, quam honoris causâ *GLORIAM* appellavit, quemadmodum similiter exposuimus illud, *Et dicent mihi, quod est Nomen ejus?* Quandoq; per *GLORIAM* intelligitur *Laus*, quâ homines & reliquæ creaturæ Deum afficiunt & celebrant, (*de verbo ad verbum*, Magnificatio omnium hominum &c.) Vera quippe ejus laus & celebratio (Heb. *magnificatio*) est Apprehensio magnitudinis ipsius. Quicunque ergo apprehendit Magnitudinem & Perfectio-

*Quomodo Homo Deum magnificet.*

*Quomodo Inanimata Deum celebrent.*

nem ejus, magnificat ipsum pro mensura apprehensionis suæ. Homo autem solus magnificat Ipsum sermone & verbis, quibus docere potest id, quod in Intellectu suo apprehendit, & aliis significare. Ea, quæ non habent Apprehensionem, ut silentia, (*h.e. Lapides, Metalla &c.*) illa magnificant Deum, dum per naturam suam docent de potentia & sapientia ejus, qui ipsis dedit existentiam; respectu nempe eorum, qui illa contemplantur & considerant, sive illi facultatem loquendi habeant, (*ut homines*), sive non habeant, (*ut sphaera &*

*Lingua Hebraea etiam Intellectu carentibus attribuit sermonem.*

*Psalm. 35. 10.*

*intelligentia separata*). Atque sic latè admodum hunc usum extendit Lingua Hebræa, & sermonem attribuit eis quoque, quæ non habent Apprehensionem, quasi illa Deum laudarent, & hoc vel illud dicerent, ut, *Omnia ossa mea dicent, Domine quis sicut tu?* Ubi ossibus attribuit, quasi ipsa hoc dicerent, quia sc. illorum natura & consideratio in homine istam fidem & vocem producit, & quia ex illis scitur hoc, (*Nullum esse Deo similem*): ac propterea hoc negotium vocatur *Gloria*, (*dum inanimata & sermone carentia faciunt, ut homines Deum glorificent*): ut, *Plena est omnis terra gloriâ ejus*, h.e. *Plena est omnis terra laude ejus*. Nil enim novi est, Laudem vocari Gloriam: ut, *Date Domino Deo vestro Gloriam*. Item, *Et in templo ejus omnes dicunt gloriam*. Et sic frequentissimè.

*Jes. 6. 3.*

*Jer. 13. 16.*

*Psalm. 29. 9.*

Tu ergo vide, ut hujus vocis homonymiam diligenter observes, & in unoquoque loco in vera ac genuina significatione accipias. Sic enim ex multis dubiis liberaberis.



## CAP. LXV.

*In quo explicatur Homonymia verborum דִּבֶּר אָמַר  
Amar & Dibber, h.e. Dixit, vel Loquutus est:  
& ostenditur, quòd de DEO usurpata, semper  
significent Voluntatem & Bene-  
placitum.*

**P**OSTEA QUAM ad hunc gradum cognitionis veritatis per-  
venisti, ut scias, Deum Benedictum existere, sed non per exi-  
stentiam; esse Unum, sed non per Unitatem: non existimo opus es-  
se, ut tibi explicetur, quã ratione *Sermo* vel *Loquutio* à Deo remo-  
veatur; inprimis cùm unanimi consensu tota gens nostra affirmer,  
*Legem esse creatam*, cujus assertionis nullus alius sensus est, quàm Ser-  
monem, qui Deo attribuitur, esse creatum. Attribuitur autem Deo  
ipsi Sermo, quem Moses audivit, quia Deus illum creavit & inno-  
vavit, sicut creavit reliquas creaturas, de qua re plura dicentur, cùm  
agemus de Prophetia. Quòd itaque *Sermo* Deo attribuitur, id eo-  
dem modo fit, quo ipsi attribuantur aliæ proprietates, ab aliis opo-  
ribus, quæ nostris similia sunt, desumptæ, & erudiuntur mentes no-  
stræ, quòd scientiam aliquam Divinam Prophetæ assequuti sint &  
apprehenderint, cùm dicunt, *quòd Deus cùm ipsis loquutus sit*, vel, *hoc*  
*aut illud dixerit*; ut sciamus ea, quæ nobis ab illis communicantur,  
non cerebri ipsorum esse figmenta & somnia, sed à Deo Opt. Max.  
profecta, sicut explicabitur, & ex parte alibi jam explicatum est.

part. 2. c. 35. 36.

Sermo quã ra-  
tione Deo attri-  
buitur.

i. cap. 46.

Hujus capitis scopus & intentio est docere, duo ista verba, *Dibber*  
& *Amar*, h.e. *Dicere* & *Loqui*, homonymus dici.

דִּבֶּר & אָמַר  
quid significant.

Primò enim dicuntur de Sermonem, qui Linguâ fit: ut, *Moses jedab-*  
*ber loquatur*. Item, *Vajomer Et dixit Pharao*.

Exod. 19. 19.

Exod. 5. 5.

Deinde dicuntur de re aliqua concepta & formata in Intellectu,  
neque Sermonem externo prolata: ut *Veamarti Et dixi ego in corde meo*.  
Item, *Vedibbarti Et dixi in corde meo*. Item, *Et cor suum jedabber lo-*  
*quetur*. Item, *Tibi amar dicit cor meum*. Item, *Vajomer Et dixit Esav*  
*in corde suo*. Et sic frequentissimè.

Eccl. 2. 15.

Ibidem.

Prov. 23. 33.

Psalm. 27. 8.

Gen. 27. 41.

Tertiò dicuntur quoque de Voluntate: ut, *Vajomer Et dixit se per-*  
*cussurum Davidem*; perinde enim est, ac si diceret, *Et voluit occide-*  
*re eum*; vel *Cogitavit secum, se illum occisurum*. Item, *An ad occiden-*

2. Sam. 21. 16.

Exod. 2. 14.

Num. 14. 10. *dum me omer dicis?* sensus enim est, *An vu me occidere?* Sic, Vajomeru  
*Quo sensu Deo* Et dixerunt totus exercitus ad lapidandum eos, &c. Omne *Amar* & *Dibber*,  
*attributum. ut.* h.e. Omnis *Sermo* & *Loquutio*, quæ de Deo dicitur, est ex alterutra dua-

rum posteriorum significacionum, h.e. vel est cognomen Volunta-  
 ris & Beneplaciti ipsius, vel est cognomen rei alicujus, quæ à Deo  
 intelligitur. Quod dico, esse cognomen rei alicujus, quæ à Deo intelligitur,  
 ita intelligo, significare rem aliquam, quam Deus Intellectui nostro  
 infundit, sive jam illam nobis notam faciat per vocem aliquam  
 creatam, sive per modum aliquem Prophetiæ: nequaquam autem  
 quasi Deus Benedictus literis & voce uteretur, vel animam habe-  
 ret, cui quædam possent imprimi, quæ in substantia ipsius sint ad-  
 ventitia & accidentaria. Ista etenim omnia ipsi attribuuntur, sicut  
 reliqua nomina & attributa.

Quando significant Voluntatem & Beneplacitum Dei verba ista  
*Amar* & *Dibber*, h.e. Dicere & Loqui, tùm itidem *דמורבים* & per si-  
 militudinem ita dicuntur, ut in præcedentibus declaravimus. Quia  
 etenim homines non assequuntur in principio cogitationis, quomo-  
 do res aliqua fieri possit per solam voluntatem, sed necesse est, ut  
 qui aliquid vult fieri, id vel ipsemet faciat, vel aliis faciendum præci-  
 piat: ided adscribitur Deo, quòd Jubeat rem aliquam esse, quam esse  
 Vult, diciturq; quòd Ipse Jusserit aliquid esse, & statim fuerit, per  
 modum similitudinis ab operibus nostris, & quia hæ voces quoque  
 Voluntatem significant, prout explicuimus. Sic quotiescunque in  
 opere Creationis occurrit, *Et dixit*, idem valere quod *Voluit*, aut *Dele-*  
*ctatum est*, id quod notissimum est, & alii quoque ante me jam mo-  
 nuerunt. Quòd autem illa *Dicere* in opere Creationis intelligenda

T<sup>o</sup> Dicere  
 Dei, in Historia  
 Creationis, in-  
 telligitur de Vo-  
 luntate Dei.

Psal. 33. 6.  
 Ibid.

sint de *Voluntate*, non de *Sermone*, inde demonstratur; quia Sermo,  
 quo aliquid præcipitur & mandatur, necessariò dirigi debet ad Ens  
 quodpiam, quod illud mandatum potest recipere. Tùm autem nul-  
 la Entia adhuc fuerunt: unde sequitur, illa de sola Voluntate esse in-  
 telligenda. Sic quod dicitur, *Verbo Domini cæli creati sunt*, id est cum  
 eo, *Et spiritus oris ejus omnis exercitus eorū*. Quemadmodum enim *Os ejus*,  
 & *Spiritus ejus* sunt metaphorica: ita quoq; *Sermo* & *Verbum ejus* sunt  
 metaphorica, & sensus est, quòd existant per ipsius Voluntatē & sen-  
 tētiā, id quod nullus Sapientū nostrorū paullò celebriorū ignorat.

Cæterum non necessarium esse arbitror, ut probem, duo hæc ver-  
 ba, *Amar* & *Dibber*, in Lingua Hebræa esse synonyma. Id enim vel  
 ex unico hoc dicto, in quo conjunguntur, satis superq; liquet, *Ipsa*  
*audivit omnia* imitè *dicta Domini*, quæ *dibber loquutus est*.

Joc. 4. 27.

## CAP. LXVI.

*Quomodo Tabula Legis dicantur scriptæ Digito DEI, & Opus DEI.*

**L**EGIMUS apud Moſen, *Et Tabula erant opus DEI*, cuius di-  
 ſti ſenſum eſſe exiſtimo, quòd eſſentia ipſorum erat natura-  
 lis, non artificialis. Omnes enim res naturales vocantur *Opus DEI*:  
 ut, *Ipsi viderunt opus DOMINI*. Hinc poſtquam David mentio-  
 nem feciſſet omnium ſerè rerum naturalium, plantarum, anima-  
 lium, ventorum, pluviarum, & aliarum ſimilium, concludit tan-  
 dem, *Quàm multa ſunt opera tua, DOMINE?* Et ibidem paulò  
 antè longè excellentiùs, *Cedri Libanon quas plantavit*; de Cedris  
 Libani inquires, quòd à *DEO* plantatæ ſint, propterea quòd  
 eſſentia ipſarum erat naturalis, non artificialis. Quà ratione intel-  
 ligendum quoque illud, quod dicitur, *Et Scriptura, Scriptura DEI*.  
 Item, *Et Scriptura DEI erat*: ubi apertè Scriptura illa Deo attri-  
 buit, quemadmodum etiam in alio loco, ubi dicitur, *Scriptas digi-*  
*to DEI*. Et *Digitus DEI* hic non aliter ſumitur quàm in illo, *Supra*  
*cælos*, (qui ſunt) *opus digitorum tuorum*. De his autem (*Cæli*) conſtat,  
 quòd per *τὸ* *Dicere Dei* creati ſint, ſicut dicitur, *Verbo DOMINI*  
*cæli creati ſunt*. Quare ex iſtis apparet, Scripturam accommoda-  
 re Verbum *Dicendi*, ad eſſentiam, productionem vel creationem  
 rei alicujus: & eſſentiam, vel ſubſtantiam illius rei, de qua dicitur,  
 quòd ſit facta *per Verbum*, dici *Opus digiti*; ac proinde illud, *Scriptas*  
*digito DEI*, idem eſſe quod *Verbo DEI*; & *Verbo DEI*, idem quod  
*Voluntate & Beneplacito DEI*. Onkelos hic à vera & genuina  
 expoſitione recedit. De verbo ad verbum enim reddit, *Scriptas*  
*digito DEI*, per *Digitum* intelligens aliquid externum relatum  
 ad DEUM, & *τὸ* *Digito DEI* capiens ſicut illa, *Mons DOMINI*,  
*Faculus DOMINI*; pro Inſtrumento nempe aliquo creato, quo  
 ſculptæ fuerint Tabulæ *Voluntate DEI*. Quid autem ipſum ad  
 hanc interpretationem permoverit, nescio. Sanè longè ſatius fuiſ-  
 ſet, ſi dixiſſet, *Ubememra dadonaj* Et *Verbo DOMINI*, ſicut di-  
 citur, *Verbo DOMINI cæli creati ſunt*. Nam an'non æquè vel  
 magis admiranda eſt cenſenda Scriptura litterarum in Tabu-  
 lis, quàm eſſentia ſtellarum in firmamento? Quemadmo-  
 dum ergo has non per inſtrumentum aliquod in cælo colloca-  
 vit & exiſtere fecit, ſed per primam ſuam voluntatem: ſic quoque  
 Scri-

Exod. 32. 16.

Cur Tabula

Legis vocentur

Opus DEI?

Pſal. 107. 24.

Pſal. 104. 24.

Ibid. v. 16.

Cur Scriptura

DEI?

Exod. 32. 16.

Exod. 31. 18.

Pſal. 8. 4.

Pſal. 33. 6.

Avoth cap. 5.

Scriptura Tabularum est ex operibus Creationis.

Scriptura illa scripta fuit per primam ipsius voluntatem, sine aliquo instrumenro. Nôsti, quod in hunc sensum in *Mischna* legitur; *Decem res creatae sunt inter vespere &c.* & ex eorum numero quoque est *Scriptura Tabularum*; ex quo colligimus, extra controversiam & in confesso apud omnes semper fuisse, *Scripturam Tabularum* esse sicut reliqua opera Creationis, quemadmodum in *Mischna* exposuimus.

## CAP. LXVII.

*In quo explicatur verbum שבת Schabhat Cessavit, & נח Nuach Quievit, Requievit.*

Genes. 2. 2.

Job. 32. 1.

1. Sam. 25. 9.

Exod. 10. 11.

**Q**UEMADMODUM verbum *Discendi* in omnibus sex dierum Creationis operibus translaturum est ad Voluntatem Dei, dum dictum est, *Vajomer Et dixit*: sic usurpatum est verbum *Schabhat Quiescere, Cessare*, de die Sabbathi, quia in eo nihil creatum fuit, dictumque est, *Vajischboth Et quievit vel cessavit die septimo*. Nam, *Desistere à Loquendo*, etiam per verbum *Schabhat* exprimitur: ut, *Vajischberu Et quieverunt, cessarunt tres viri illi respondere Jobo*. Item per verbum *Nuach Quiescere*. Nam quando dicitur, *Et loquuti sunt ad Nabal secundum omnia verba illa in nomine Davidu, vajanuchu & quieverunt*, ejus sensus meo judicio est, *Substiterunt, Desisterunt, Nec loquuti sunt amplius, donec responsum audiverunt*. Nam nulla præcessit mentio Laboris aut Defatigationis, ac licet defatigati fuissent, alienum tamen fuisset hoc loco verbum *Nuach*: sed narratur, illos orationem suam verbis placidis & lenibus, sicut videre est, concepisse, & postea siluisse, h.e. nihil amplius dixisse vel fecisse, quod jure Nabalem ad tam durum & inhumanum responsum permoveere poruisset. Scopus autem narrationis illius est, extremam sorditiem & turpitudinem illius hominis revelare. Atque juxta hanc significationem dictum quoque est, *Vaijanach Et requievit* (h.e. cessavit loqui) *die septimo*. Sapientes ramen nostri, ut & alii Interpretes, in significatione *Quiescendi* exposuerunt, illudque ad opera Dei retulerunt. Sic enim exponunt: *Et quiescere fecit Mundum suum*, vel, *Et quievit Mundus ejus in die septimo*, h.e. Et cessavit creatio, vel, Cessare fecit creationem in die illo. Posset etiam esse ex *Quiescentibus primâ radicali*, vel ex *Quiescentibus terciâ*, & idem cum חָנַח Hinnach, vel חָנַח Hinchah, Reliquit die septimo omnia Entia in eo loco & statu, in quo tùm erant, & in quo nunc sunt, ut sensus sit; Unoquoque

que die è sex præcedentibus, innovata & creata esse quædam Entia  
hujus rerû Universitatis, quam oculis nostris conspicimus: die verò  
septimo omnia relicta esse in hoc statu, quo nunc apparent. Neque  
huic expositioni obest, quòd forma vocis non sit ex forma *Quiescen-*  
*tium Pe* vel *Lamed*. Scimus enim, quanta anomalia & confusio sit in *Confusio verbo-*  
istis verbis, *Defectivis* in primis & *Quiescentibus*; ita ut propter ratio- *rum Anomalo-*  
nem & analogiam Grammaticam lententia nostra, tanquam im- *rum in Lingua*  
pertinens & absurda, non sit rejicienda. Cui accedit, quòd constet, *Hebræa.*  
nos hodie Linguae nostræ non usq; aded peritos esse, & modos ac  
rationes uniuscujusq; linguae esse varias & multiplices. Invenimus  
quippe hoc verbum in significatione *Ponendi, Collocandi*, quoque in  
forma *Quiescentium Ajin*, h.e. secundâ radicali: ut, *Et præparetur ve-* Zach. 5. 11.  
*hinnicha & collocetur ibi.* Item, *Et non permittet ab eis celi lanuach* 2. Sam. 21. 10.  
*sedere super eos.* Et hûc meo judicio referendum est quoque illud, *Quia* Habac. 3. 16.  
*anuach sedebat in die angustia.*

Quod verò attinet verbum *Naphasch*, quod tanquam æquipollens  
Moses alibi adhibet, ubi ait, *Et in die septimo quievit vajinnaphasch*, il- Exod. 31. 17.  
lud formatum est à nomine *Nephesch* Anima, cujus Homonymiam  
jam exposuimus, & inter alia quoque Intentionem animi & Volun- par. 1. cap. 41.  
tatem significare diximus. Sensus itaque illius vocis erit, *Et perfecta,*  
*ad finem perducta, absoluta erat omnis ipsius voluntas, omne ipsius beneplaci-*  
*tum in die septimo.*

## CAP. LXIIX.

*In quo explicatur dictum illud Philosophorum;*  
Deum esse Intellectum, Intelligens, &  
Intelligibile.

**N**O S T I protritum illud Philosophorum de Deo Opt. Max. *Deus est Intel-*  
Axioma: *Deum esse Intellectum, Intelligens, & Intelligibile, & ista* lectus, Intel-

*tria in ipso esse Unum, neq; multitudinem efficere.* In quem sensum nos *ligens, & Intel-*  
quoque jam pridem in magno nostro Opere Talmudico scripsimus, *ligibile.*  
principale Legis nostræ fundamentum, & primarium ejus articu-  
lum esse, quòd *Deus sit Unus, nihilq; sibi conjunctum habeat*, h.e. quòd nihil  
sit æternū præter Ipsum solū, ac propterea de Ipso dici, *Cbaj Vivens,*  
vel *Vivus Dominus*, non *Che Vita Domini*, (*sicut dicitur, Che Pharao* Genes. 42. 15.  
*Vita*, h.e. *per vitam Pharaonis*): quia Vita ipsius non est aliquid præter  
ipsius Essentiam, sicut explicuimus in Remotione Attributorum.

Hoc autem Axioma ejusque sensum difficulter intelligit, qui

nunquam legit libros, qui compositi sunt de Intellectu, & qui ejus naturam essentiamq; non intelligit, sed eandem ejus rationem esse opinatur, quæ est rerum sensibilem, ut v. g. Albedinis aut Nigredinis. Nam istiusmodi homines existimabant, perinde esse quod dicimus, Deum esse Intellectum, Intelligens, & Intelligibile, ac si quis diceret, Albedinem, Album vel Dealbarum, & Dealbans esse unum & idem; ac multi inepti & stolidi hoc vel similibus exemplis conabuntur nostram sententiam refellere & refutare: aliis, qui aliis sibi videntur sapientes, veritatis hujus assertio & notitia nimis difficilis videbitur & mentium nostrarum caput longè exsuperare.

Verum res ista manifesta est & demonstrativa, prout eam Philosophi Divini declararunt, quorum rationes & probationes tibi nunc proponam.

Scias igitur, Hominem, antequam rem aliquam intelligit, esse *Intelligentem*, vel *Intelligere potentia*: quando verò rem aliquam intelligit, ut e. g. formā hujus vel illius arboris, quæ ipsi ostenditur, illamq; à materia ejus abstrahit, atq; ita abstractam illam formam in mente sua concipit & sibi (quod est opus Intellectus) imaginatur, cum dicitur *Intelligens actu*, vel *Intelligere actu*: & sic Intellectus ille ipse in actu, est ipsa Forma arboris à materia abstracta, quæ est in intellectu ipsius. Nam Intellectus nihil aliud est quàm Res intellecta. Quare hoc pacto expositum tibi est, Rem intellectam esse Formam arboris abstractam, & eandem esse Intellectum existentem in actu, neq; duas res esse, Intellectum, & Formam arboris intellectam. Nam Intellectus, qui est in actu, & Intellectum, non sunt diversa. Res verò illa, per quam intellecta est forma arboris & à materia abstracta, nempe *Intelligens*, sine dubio nihil est aliud, quàm Intellectus in actu existens. Operatio enim Intellectus est ejusdem essentia, & Intellectus in actu non est diversum quid ab Operatione ipsius. Nam veritas & ipsa quidditas Intellectus est ejus Apprehensio: proinde non est Intellectus in actu res alia, quàm Apprehensio, nec Apprehensio aliud quid, quàm Intellectus: sed corpus, h. e. substantia & veritas Intellectus est Apprehensio, & quandocunq; ponitur Intellectus existens in actu, nihil aliud est quàm Apprehensio ejus rei, quæ intelligitur, quod manifestum est illis, qui se in hujusmodi exemplis exercuerunt. Quocirca explicatum tibi est & hoc, quòd Veritas & Essentia Intellectus sit ipsa Actio & Operatio illius, Apprehensio sc.; & per consequens, quòd illud, cujus vi & virtute forma arboris à materia fuit abstracta & apprehen-

prehensa, Intellectus putà, ipsum quoq. sit Intelligens. Intellectus enim ille in essentia sua est id, quod formā abstraxit & apprehendit, & hoc ipsum est ejus Operatio, propter quam dictum est de eo, quod sit Intelligens, & Operatio ejus est ejusdem Essentia: istud autem, quod positum est tanquam Intellectus in actu, nihil aliud habet, quàm formam illius arboris. Sic itaque declaratum est, quando Intellectus existit in actu, Intellectum esse ipsam Rem intellectam: & Operatione intellectus, quæ nihil aliud est quàm *res* Intelligens, ejusdem esse essentiam. Ex quibus proinde rectè concludimus, Intellectum, Intelligens & Rem intellectam perpetuò esse unum in omni eo, quod in actu intelligitur. Quando verò relinquitur in potetia, tùm sunt necessariò duo, Intellectus in potentia & Intelligibile in potentia, ut cum dicis v. g. Intellectus iste materialis, qui est in Rubene, est Intellectus in potentia, & ista arbor est intellecta in potentia, hic sine dubio ista sunt duæ res diversæ & distinctæ. Quando verò egreditur in actu utraq; hæc potetia, & forma arboris actu ipso intelligitur, tùm Forma illa intellecta est ipse Intellectus, & per eundem Intellectum, qui est Intellectus in actu, forma illa abstracta est & intellecta. Nam quicquid habet actum existentem, id actu existit. Quocirca omnis Intellectus in potetia & Intellectum vel Intelligibile in potetia, sunt duæ res diversæ: & quicquid est in potentia, nò potest esse sine subiecto sustinente potentiam illum; unde proinde exsurgunt tres diversæ res, id quod in Hominis exemplo videre est. Est enim Homo tanquam subiectum potentia, qui est *res* Intelligens in potentia, & Potentia illa, quæ est Intellectus in potentia, & Res, quæ intelligenda est, Intellectum nempe in potentia: quasi in præsentì nostro exemplo diceret, Homo, & Intellectus materialis & Forma arboris, & hæc tria sunt inter se distincta: cum verò Intellectus de potentia exit in actum, tùm tria illa sunt unum, neq; unquam invenies, quod Intellectus & Intellectum sint distincta, nisi quando accipiuntur in potentia.

Quia ergo certò constat, quod Deus Benedictus sit Intellectus in actu perpetuo, sine ulla potentia, (sicut jam declaratum est, & ulterius adhuc declarabitur) ita ut quandoque apprehendat, quandoq; verò non apprehendat, sequitur necessariò, Ipsum & Rem, quæ ab ipso apprehenditur, esse unum idemq;, Essentiam nempe ejus, & Actum Apprehensionis, à quo dicitur Intelligens, esse ipsam substantiam Intellectus, qui est ejus essentia. Quod cum ita sit, perpetuò erit Deus Intellectus, Intelligens & Intellectum.

Sic itaque hæctenus explicatum est, quod Intellectus, Intelligens

*Intellectum, intelligens, & intelligibile, unum sunt in omni eo, quod actu intelligitur.*



& Intellectum, unum sint numero, non solum in Deo, verum in omni Intellectu, atque aded in nobis quoque, quando Intellectus est in actu. Nos autem quod attinet, egredimur de potentia in actum successivè, & Intellectus abstractus, h.e. Intellectus agens non nunquam impeditur in operatione sua, non quidem à se- ipso, verum ab extrinseco quodam impedimento. Sed hujus rei declaratio non est nostri propositi. Scopus & intentio nostra est, docere, Deum esse Intellectum in actu perpetuo, ac neque ab ipso, neque extrinsecus, ullum ei impedimentum in Apprehensione obvenire posse; ideoq; illum semper esse Intellectum, Intelligens & Rem intellectam, secundum quod se res habet in omni Intellectu in actu, quod multoties jam in hoc capite inculcavimus, eò quod mentes hominum nihil minus, quàm hoc ipsum, credere & sibi imaginari possunt. Acut concludam, non existimo, dubium tibi moturam conceptionem intellectualem in imaginatione, & exempla rerum sensilium in potentia vel facultate imaginativa; quia non conscriptus est hic liber, nisi pro iis, qui in Philolophia probè sunt exercitati, eaque, quæ hactenus de Anima & ejus facultatibus dicta sunt, intelligunt.

## CAP. LXIX.

*Quòd Philosophi Deum Causam primam;  
alii autem hoc nomen vitantes, Efficientem,  
Ipsam appellârint, & demonstratur, nullam  
inter has duas appellationes esse  
differentiam.*

Loquētes, Hebr. **P**HILOSOPHI, prout nôsti, vocant Deum Opt. Max., Causam primam, à quâ appellatione celebres & famosi Scriptores è Loquentium secta valde abhorruerunt, eumque Agens vel Efficientem vocitate maluerunt, existimantes, magnam inter Causam & Agens vel Efficientem esse differentiam. Dixerunt enim; Si dicamus Causam, sequetur necessariò, esse aliquod ipsius causatum & effectum, atque ita Mundum esse æternum, & à Deo necessariò creatum. Si verò dicamus, Efficiens vel Agens, non statim sequitur necessaria alicujus operis vel effecti existentia: quia Efficiens potest esse ante opus & effectum suum, immò non potest cogitari efficiens, nisi cogitetur præcedere opus & effectum suum.

Sed



Sed hæc sunt verba eorum, qui nesciunt distinguere inter illud, quod est Potentiâ, & quod est Actu. Proinde scias, nullam esse differentiam in hoc negotio, siue dicas *Causâ*, siue *Efficiens*. Quando enim accipis *Causam* in potentia, erit & ipsa tempore prior suo causato: quando verò causa est in actu, necessariò quoque causatum actu existit per existentiam causæ. Sic, quando *Efficiens* sumis pro *Efficiente* in actu, necessariò quoque sequetur existentia effecti ipsius. Ita Architectus, antequam domû ædificat, non est Architectus actu, sed potentiâ, cum verò domum ædificavit, fit Architectus ipso actu. Sic Materia domus illius, antequam domus ædificata fuit, erat domus in potentia, exstructâ autem ex ea domo, est domus in actu, & necessariò sequitur existentia rei ædificatæ. Quocirca nihil lucrabimur, etiam si *Efficientis* nomen *Causæ* appellationi præferamus: ideoque in hoc capite ostendere volui, quòd paria sint duo hæc nomina, & quòd eâdem ratione *Causam* aliquid vocare possimus, licet nullum ipsius causatum existat, quâ aliquid vocamus *Efficiens*, quod à nullo impediri & prohiberi potest, cum vult agere, licet nullum ipsius effectum existat.

Quòd verò Philosophi Deum *Causam* potiùs quàm *Efficientem* appellârint, non ideò fecerunt, ut sic receptam apud ipsos opinionem de Æternitate Mundi probarent, sed alias ob causas, quas paucis tibi enarrabo.

Explicatum tibi est in Physica scientia, quatuor esse causas omnium earum rerum, quæ à causa aliqua proficiuntur, *Materiam* sc., *Formam*, *Efficientem*, & *Finem*, & harum alias esse *Propinquas*, alias *Remotas*, universas tamen & singulas vocari causas. Ex illorum autem (*Philosophorum* sc.) opinionibus & sententiis est & hæc, (cui ego non contradico), Deum esse *Causam* *Efficientem*, *Formam* & *Finem*. & hujus rei gratiâ Deum vocârunt *Causam*, quòd tres illas causas complectatur; quòd sit Mundi *Efficiens*, *Forma* & *Finis*. Proinde in præsentî capite & istud tibi explicabo, quâ ratione rectè dicatur de Deo, quòd sit Mundi *Efficiens*, *Forma* & *Finis*. Non est autem, quòd tibi hic multum crucies de Æternitate Mundi, an ea vera sit nec ne? nam de hac quæstione alibi agemus. Nostri intentio hic est, docere, Deum esse causam efficientem singularum rerum in hoc Mundo existentium, prout est Creator totius Mundi in universo.

Dico igitur, quòd singularum illarum quatuor causarum, prout in Phycis quoque traditur, aliæ adhuc semper priores & superiores quærendæ & investigandæ sint causæ, & quòd in omni eo, quod

*mus & nos illud retinere. Passim in hoc libro ab Authore alligantur & resu-*

*Cur Loquentes Deum maluerint Agentem vel Efficientem, quàm Causam appellare?*

*Cur Philosophi Deum Causam potiùs quàm Efficientem appellârint?*

*Quomodo investiganda sit semper causa prima.*

generatur, quatuor illæ causæ propinquæ inveniantur, hæcū deinde alia, istarum iterum alia, donec ad causas primas perveniat. Sic, si sumamus Effectum aliquod huiusmodi, ejus investiganda primum causa efficiens proxima: hujus efficientis iterum alia, & sic consequenter, donec ad primū Movens pervenimus, quod reverā est Efficiens omnium illarum causarum mediātū. Nam si verbi gratiā τὸ Aleph moveretur à Beth, Beth à Gimel, Gimel à Daleth, Daleth ab He, (quā ratione in infinitum procedi posset) &c. sine dubio He moveret quatuor præcedētes literas omnes, Aleph, Beth, Gimel, Daleth, & in veritate de Motu Aleph diceretur, quod He ipsius sit Efficiens. Et hoc patet Creatori tribuuntur omnia opera in rerum natura, omnium ipse Causa est remota & ultima, quæcūq; demū est Causis Proximis illa effecerit. Sic cū examinabimus Formas naturales, quæ generantur & corrumpuntur, inveniemus, in illis necessariō præcedere Formam aliquam priorem, quæ disponat Materiam ad hanc Formam recipiendam, atque istā Formā aliam adhuc priorem esse, & sic consequenter, donec pervenimus ad Formam ultimam, per quam Formæ mediæ existunt, quæ sunt causa Formæ illius propinquæ. Forma autem illa ultima cujuslibet rei, est Deus Benedictus. Dum verō dicimus, Deum esse Formam ultimam totius Mundi, non debes existimare, nos hoc intelligere de Forma illa, de qua ait Aristoteles in Metaphysico, quod non sit generabilis, nec corruptibilis: quia Forma illa, cujus ibi facit mentionem, est Naturalis, non Intelligentia abstracta: neq; enim volumus, Deum ita esse Formam Mundi ultimam, prout Forma materialis est Forma materiæ; Formam nempe corporis aliqujus. Nequaquam. Sed mens nostra est, quemadmodum omnis res, quæ formam habet, id utiq; est, quod est per formam suam, & eā percurrente, rei quoque essentia perit & interit: ita quoque Creatorem se habere ad omnia principia Entium remota. Nam per ejus Existentiā omnia existunt, & ipse quoq; continuat ac conservat statum ipsorum per rem quandam, quæ vocatur *Influentia*, sicut in aliquot hujus libri capitibus explicabimus. Et si fieri posset, ut Creator non existeret, vel in nihilum redigeretur, perirent quoq; omnia Entia, & aboleretur vel interiret quidditas causarum ab ipso remotarum, & causatorum live effectorum ultimarum, ac quicquid inter hæc intermedium existit. Quod cū ita sit, recte proinde dicimus, sicuti per formam suam res est id, quod est, & per eandem veritas & quidditas illius conservatur ac confirmatur: ita quoque Deum se habere ad hunc Mundum, & eatenus illum esse *Formam ultimam* & *Formam*

Deus est Mens  
di Formæ ultimi-  
ma.

*Formarū*, quatenus in Ipso & per Ipsum omnis forma in hoc Mundo ultimò existit & confirmatur, quemadmodum res formam habentes per formas suas confirmantur & conservantur. Et hac de causa vocatur in Lingua nostra *Vita seculorum*, h.e. Vita Mundi, sicut alibi declarabitur.

Deus cur Vita  
Mundi?  
*part. I. cap. 72.*

Eadem est ratio Finiū, sive *Causarū Finalium*. Quòd si enim obiecti alicujus Finem habes proximū, quærendus tibi finis hujus finis alius, & sic consequenter. E. G. Si dicas, Solii Materiam esse lignum, Efficientem fabrum, Formam quadratam, Finem, ut sessione interserviat, hic jam ulterius tibi progrediendum est, & quærendum, quis sit Finis Sessionis in solio? Ad quod si tibi respondeatur, ut in illo sedens in altiori & eminentiori loco sit constitutus; porro quæres, ad quid, vel in quem finem in sublimem ejusmodi locum collocetur? Si dicatur, propter magnificentiam & auctoritatem; porro instabis, cui bono interservit hæc magnificentia? Si respondeatur, ut homines eum timeant & revereantur; ulterius perges, in quem finem sit metuendus & timendus? Si dicatur tibi, ideò, ut homines mandata illius observent; adhuc urgebis & dices, quis finis observationis mandatorum ejus? Si respondeatur, ut conservent & securos præstent homines ab injuriis; porro quæres, quis hujus rei sit finis? Ad quod tibi respondetur, ut ordo & societas hominū conservetur. Atq; ita inquirendum est in omnibus Finibus, donec tandem ad Ultimum perveniamus, qui erit vel Voluntas Creatoris, juxta quorundā sententiam, ut hūc tandem redeat responsio; Sic voluit Deus Benedictus: vel erit Decretum Sapientiæ ipsius, juxta sententiam aliorum, ut ultima sit responsio; Sic fuit Decretum Sapientiæ Dei. Hoc ergo pacto ordo & dispositio cujuslibet finis deveniet tandem ad Voluntatem vel Sapientiam Dei, quæ nihil aliud sunt ex nostra sententia, quàm ipsius Essentia, non autem aliquid aliud præter eam. Quocirca rectè concludimus hinc, cujuslibet rei Finem ultimum esse Deum Benedictum, & per consequens quoque omnium in universum rerum hunc esse finem, ut, quoad fieri potest, similes ipsi in perfectione evadant. Hæc enim est ipsius Voluntas, quæ nihil aliud est quàm ipsius Essentia, & hoc respectu de Deo dicitur, quòd sit *Finis finium*.

Deus omnium  
rerum Finis est  
ultimus.

Sic itaque tibi exposui, quomodo de Deo dicatur, quòd sit Efficiens, Forma & Finis omnium rerum, cujus rei gratiā illum Philosophi vocarunt *Causam*, non verò solum *Efficientem*.

Porro autem scias, quosdam speculationis Magistros è *Loquentium* secta

fectâ eò usque dementiæ & insaniæ pervenisse, ut ausi fuerint asseverare, Et si fieri posset, ut Deus non existeret, tamen propterea non sequuturum, illa quoque desitura & in nihilum redactum iri, quæ exilltore fecit & creavit, Mundus nempe iste; quòd sc. non sequatur, ut destructo Efficiente destruaturs quoque Effectum, postquam jam productum est.

Quomodo destruetur Efficiens destruaturs quoque Effectum.

Ad quod respondeo, verum esse quod dicunt, si aliquid solùm sit Efficiens, & Effectum non opus eo habeat ad sui *Esse* conservacionem: sic enim non destruitur horreum, licet moriatur faber vel architectus illius, quia nimirum illud non conservabat. Verùm quia Deus quoque est forma Mundi, sicut explicuimus, & ipse Mundum in suo esse conservat & còtinuat, falsum est, pereunte causâ conservante, remanere posse id, quod ab illa conservatur; quia nullam habet firmitatem & subsistentiam, nisi quam ab illa accipit. Ex quo vides, in quanto errore versentur ii, qui dicunt, Deum esse tantum Efficientem, non etiam Formam & Finem.

## CAP. LXX.

*In quo explicatur verbum רכב Rachabh  
Equitare vel Vehi, עץ.*

VERBUM hoc *Rachabh* homonymum est. Primum enim significat Equitare, vel Vehi à bestia aliqua, ut moris est: ut, *Ipsæ autem rochebh equitabat super asinam suam.*

Deinde transfertur ad significandum Dominium in rem aliquam: quia nempe equitans dominatur curru suo. Sic dicitur, Deut. 32. 13. *Jarkibhehu Equitare facies eum super excelsa terra.* Item, Vehirkabh ticha Jesa. 58. 13. *Et equitare faciam te super excelsa terra,* h.e. Dominabimini super excelsa terræ. Sic, Arkibh *Equitare faciam Ephraim,* h.e. Dominari faciam eum. Et hoc sensu dictum est de Deo, Rochebh *Equitans cælum in auxilium tui,* h.e. Qui dominatur super cælos in auxilium tui. Et alibi, Psal. 68. 5. *Lerochebh Ei, qui equitat super ערבות,* Arabhoth, h.e. qui dominatur super Arabhoth, sphaeram nempe supremam, quæ reliquas omnes circumdat. Apud Rabbinos etenim nostros passim inculcatur, septem esse expansiones sive orbes, & supremam inter illas, quæ reliquas circummagit, esse Arabhoth. Ubi non est quòd mireris, quòd septem tantum numerent expansiones, cum plures esse constet; nam nonnumquam numeratur tanquam unus tantum globus, etsi plures in eo sint sphaeræ, sicut notum est iis, qui in his rebus operam navarunt, & ego

ego alibi ulterius declarabo. Nihil aliud hic volumus, quàm demonstrare, Rabbinos nostros perpetuò docere, *Arabhoth* esse sphæram omnium supremam, & de illa quoque intelligendum esse, quòd dicitur, *Equitans* *Schamajim* *cælum* *in auxilium* *tui*. Sic enim legimus in *Massechet Chagigah*: *Arabhoth*, *Ex eis* *habitat super eo*, sicut dicitur; *Psal.* 68. 5. Exaltate eum, qui equitat *baarabborh*. Unde verò scimus, quòd *Cælum* sic appellatur? Inde, quòd hî. scriptum est, *Qui equitat baarabborh*, & illic, *Qui equitat* *bischeme* *super cælos*. Ex quibus omnibus liquet, intelligi sphæram unam, quæ reliquas circumagit. Observa autem, quòd dicant: *Habitat super eo*, non verò, *In eo*. Nam si dixissent, *In eo*, videri potuisset, ac si Deo locum aliquem assignarent, vel Ipsum, Virtutem aut Potentiam cœli statuerent, quemadmodum *Tzabei*, Deum Spiritum sphæaræ, h. e. Animam cœli esse existimârunt. Dum verò dixerunt, *Habitat super eo*, significârunt, Deum Benedictum à cœlo separatum, neq; aliquam ipsi inhærentem esse virtutem. Porro autem docent, de Deo dici, *Qui equitat cælos*, propter admirandam hanc similitudinem; quia *Equitans* honoratior est & præstantior, quàm id, quòd equitatur, (quamvis in propriè hoc dicatur, & non pro dignitate rei sufficienter; nam *Equitans* non est ejusdem speciei cum eo, quòd equitatur, ac proinde non possunt inter se comparati), & *Equitans* movet & ducit bestiam, prout & quòcunque ipsi libuerit, illâque, tanquam instrumento aliquo, pro suo beneplacito utitur, & omninò nihil commune habet cum ea, neque inhæret ei, sed est extra eam & separatus ab ea. Sic enim Deus quoque (cujus Nomen glorificetur) movet sphæram supremam, per cujus motum movetur omnia, quæ in ea sunt: Ipse autem est ab ea separatus, neque virtus aliqua illi inhærens. Et in *Bereschit rabba* in explicatione dicitur illius, *Habitaculum Deus æternus*, scribunt; *Ipse est habitaculum* *Mundi*; non verò *Mundus habitaculum ipsius*. Et mox adjungunt, *Equus est accessorium vel adjunctum equitanti*; non verò *equitans accessorium equi*. Hoc est quòd scriptum habetur, *Quia equitabis super equos tuos*. Atque hæc sunt verba Rabbiorum nostrorum, in quibus animadvertet, quomodo exposuerint, quòd Deus cum sphæra suprema conjungatur & comparetur; tanquam sc. cum instrumento suo, quo hanc rerum Universitatem gubernat. Quando enim legis apud Sapientes nostros, quòd in Cœlo hoc vel illo sint talia & talia; in Cœlo alio alia: non ita intelligendum est, ac si in cœlis alia corpora essent præter cœlos; sed sensus est, quòd virtutes, quæ rem aliquam generant, eamque in dispositione sua conservant, ab illis Cœlis proveniant.

part. 2. cap. 24.  
ערכות Arabhoth est sphæra  
suprema.  
Deut. 33. 26.  
Psal. 68. 5.  
Psal. 68. 34.  
Tzabaitarum  
mentio fit apud  
Averrhoem in  
Disp. Metaphys.  
pag. 351. aditionis  
Vemsa in 8.  
Quare Deus di-  
catur Equitare  
Cælos?

Cujus rei demonstratio & probatio vel ex eo peti potest, quod iterum Rabbinii nostri dicunt: *In Arabhorh* (h.e. in Sphæra suprema) esse *Justitiam, Judicium, Thesauros vite, Pacem, Thesauros benedictionis, Animas justorum, Animas item & Spiritus creandos, ac tandem Rorem illum divinum, quo Deus vivificaturus est mortuos*. Constat etenim, quod nulum ex istis enumeratis membris corpus sit in loco aliquo existens; nam per *Rorem* hic non intelligitur ros naturalis & propriè sic dictus. Observa autem, hîc de istis rebus dici, quod sint *in eo* (cælo supremo), non verò *super illo*, ad indicandum, quod ea, quæ in Mundo sunt, existentiam habeant à Virtutibus provenientibus è sphæra suprema, quas ei Deus quasi implantavit, quarumque principium illam esse voluit, inter quas (*virtutes*) rectissimè ac verissimè numerantur quoque *Thesaurs vite*. Vita enim omnium animantium utique est à Vita illa, ut post-hæc sum explicaturus. Deinde recensent quoque, quod idem non negligendum, *Animas justorum, animas item & Spiritus creandos*; est enim hoc longè præstantissimum & excellentissimum illi, qui rem rectè intelligit. Nam Animæ illæ, quæ post mortem sunt superstites, non sunt Anima illa, quæ procreatur in homine tempore generationis. Anima quippe illa, quæ procreatur tempore generationis, est potentia solum & dispositio, sed res illa, quæ separatur post mortem, est res in actu. Præterea, *Anima* quæ generatur, non est idem quod *Spiritus* qui generatur: idè enim numerant inter ea quæ generantur, *Animas & Spiritus*; sed separata à corpore (*anima sc. & spiritus*) sunt unum & idem. Verùm alibi jam

*Anima, quæ post mortem superstes manet, est alia, quàm ea, quæ procreatur in homine tempore generationis.*

part. 1. c. 40.

Homonymiam vocis *Ruscb* Spiritus, exposuimus, idque tum in hoc libro, tum in *libro Scientia*, (est Tractatus in libro *Jad*). Ex his vides, quomodo ea, in quibus præstantissimi inter Philosophos laborârunt, in *Medraschorh* hinc inde sint dispersa, & quidem ita, ut, si vir aliquis sapiens ea intueatur ac consideret, non credat, illa esse vera ab initio speculationis; sed potius ea irrideat, quia secundum sensum ipsorum litteralem procul à veritate remota esse videntur. Cujus rei causa est, quod ænigmaticè & per parabolas de iis loquuti sint, ut illa hoc pacto ab intelligentia vulgi removerent. Sed revertor ad id, quod aggressus sum explicare, & dico, Sapientes nostros, ut his suis verbis fidem conciliarent, rationibus è Scriptura depromptis demonstrasse, res illas enumeratas & recensitas esse in *Arabhorh*, h.e. in Sphæra suprema. De *Justitia & Judicio*, quæ primo loco recensentur, probant ex eo, quod scriptum est, *Justitia & judicium habitaculum solus tuus*. Sic quoque, adducunt probationes de cæteris,

Psal. 89. 15.

quæ

quæ enumerârunt, quia scilicet illa Deo attribuuntur, & apud ipsum esse dicuntur. In Capitulis sive Apophthegmatis R. Eliesaris legimus: *Septem expansiones creavit Deus Sanctus & Benedictus, & ex illis omnibus non elegit Solum gloriae regni sui, nisi in Arabhoth, sicut dicitur, Exaltate eum, qui equitat Arabhoth. Hæc ille.*

Psal. 68. 5.

Porro scias, quod in genere Jumenta, quæ equitantur, vocentur מֵרְכָבָה Mercavah (q.d. *Vehiculum*), cujus rei exempla passim occurrunt: ut, *Et ligavit Joseph merkabhito.* Item, *Bemerkabhah In merkabhah secundani.* Item, *Merkabhoth Pharaonis.* Deinde, quod multæ bestię conjunctim ita appellentur, sicut ex illo loco probari potest, ubi dicitur, *Ceterum ascendebat & egrediebatur merkabhah ex Aegyptio cum sexcentis argenteis, equus verò cum centum & quinquaginta.* Et hinc evincitur etiam, quod in specie dicatur de quatuor equis. Sic ajo, ideò, quia dicitur, *quod solum gloria portabant quatuor animalia*, à Sapientibus nostris illud vocari *Merkabhah*, propter similitudinem cum *Merkabhah*, quæ constat è quatuor individuis, sive bestiis. Atque hæc de *Merkabhah* in hoc capite sufficiant, de quo alibi adhuc plures admonitiones & doctrinas producemus. Hujus capituli (cui innox finis imponendus) scopus erat demonstrare, illius loci, *Qui equitat cælum*, sensum esse; *Qui circumagit & potentia ac voluntate suâ movet Sphæram*, quæ reliquas ambitu suo circumdat & comprehendit; & illius, quod in fine versus dicitur, *Et altitudine suâ cælos*; *Qui altitudine & potentia suâ (quam nempe τῷ Arabhoth sive Cælo supremo indidit) circumagit cælos*, (h.e. *sphæras reliquas*.) Ubi observa, quod Motum vel motionem τῷ Arabhoth (quâ sc. *Deus supremam sphæram movet*) exprimat per verbum *Rachabb*: reliquorum verò motum, qui fit vi & virtute ipsius *Arabhoth* sive *Sphæræ* supremæ, voce *Gaavah*, h.e. *Altitudinis vel Potentiæ*. Nam, cum *Sphæra* suprema movetur motu diurno, moventur simul cum ea reliquæ *Sphæræ* omnes, tanquam *Partes in Toto*. Et hæc est magna & valida illa potentia, quæ movet Totum, ideòque vocavit eam *Gaavah*, *Altitudinem*, *Excellentiam*, *Fortitudinem*. Atque hujus rationis probè esto memor, propter ea, quæ tibi adhuc sum dicturus. Est enim *Motio* vel *circumactio cæli*, principalis & maxima probatio, per quam *Existencia Dei* probatur, prout ejus rei demonstrationem adducam.

Gen. 46. 29.  
Gen. 41. 43.  
Exod. 15. 4.  
1. Reg. 10. 29.

Deut. 33. 26.



*Multa mysteria de rebus Divinis periisse inter Judeos, & alia.*

*Multa mysteria  
Drumaperierunt  
inter Judeos.*

**S**CITO, multas egregias scientias, quæ in Gente nostra olim fuerunt de Veritate istarum rerum, partim Longitudine Temporis, partim infidelium & stultorum populorum in nos dominatione, partim etiam quodd non cuivis concessa erant, (sicut exposuimus) periisse & in oblivionem devenisse, (nihil enim permittum erat, nisi ea, quæ in Libros sacros digesta & relata erant.) Nam nōsti, Talmud ipsum inter nos receptum, olim non fuisse in certum librum digestum, propter rationem illam, quæ tūm passim obrinebat in Gente nostra; *Verba, quæ dixi tibi ore, non licet tibi scripto divulgare.*

*Curprohibitum  
fuerit, mysteria  
Drumascripto  
consignare?*

Atque hæc fuit summa Sapientia circa Legem nostram, quā fugebantur & vitabantur illa, in quæ sequentibus temporibus incidit; Varietates nempe, & perplexitates sententiarum ac opinionum, Dubia item, quæ oriri solent ex sermone scripto, & in librum relato, quibus accedunt Errores, qui à scriptoribus & librariis facillimè committuntur, ex quibus postea oriuntur inter homines dissensiones, controversiæ, schismata, & sectæ, in negotiis & commerciis magna confusio. Sed tūm negotium omne erat penes Syne-drium magnum, sicut exposuimus in Commentariis nostris Talmudicis, & sicut de eo Lex ipsa testatur. Quodd si ergo circa Legem oralem cautum est, ne illa publicè in Libro conscripta omnibus prostarer, ne fortè corrumperetur aut depravaretur: quantò magis debuit hoc fieri circa Arcana ista Legis, & caveri, ne divulgentur publicè, & ita margaritæ porcis objicerentur? Ideo tradebantur illa tantūm quibusdam singularibus, & ab his iterum aliis eximiis & extraordinariis à Deo donis instructis Viris, sicut declaravi tibi in eo, quod Rabbini nostri dicunt, *Non tradunt arcana Legi, nisi consiliario, sapienti &c.*

Atque hæc vera causa est, propter quam solida illa fundamenta, eximique Religionis nostræ articuli, inter nos perierunt, & nonnisi pauca admodum doctrinæ illius veteris vestigia & indicia compareant, quæ in Talmud & Medraschorb sparsim hinc inde exrant, quæ tamen ipsa sunt velut grana cordis parva, (h.e. nuclei parvi), magnis cinctæ corticibus: ita ut omnes serè homines, in corticibus il-



lis enucleandis laborantes, existiment, nullum prorsus illis inesse cor, (h.e. *sana doctrina nucleum vel medullam*).

Illam autem paucam, quæ de Unitate Dei, & aliis rebus ad hoc negotium spectantibus apud quosdam ex Gaonæis & Karræis invenies, ea acceperunt illi à *Loquentibus Ismaëlicarum*, & sunt pauca admodum respectu eorum, quæ Ismaëlitæ ipsi hac de re scripserunt. Ismaëlitæ autem principium suum in hac via, sive in hoc negotio, ducunt à Secta quadam inter ipsos exortâ, cujus nomen est מעתורין h.e. *Separati*. Et ab his acceperunt focii nostri, quæ hac de re habuerunt, horumque ductum & vestigia sunt sequuti. Post hoc tempus orta est inter Ismaëlitas Secta alia, quæ in lingua ipsorum vocatur חאסעריה *Affaria*, & cum illa aliæ quoque opiniones & sententiæ, de quibus nihil apud Scriptores nostros reperimus; non quodd priorem sententiam posteriori prætulerint, sed quia ita contigit, ut priorem sententiam jam amplexi fuerint, & pro certa ac demonstrativa acceptârint. Hispani verò *Andeloseni* de Gente nostra omnes, amplexi & sequuti sunt Philosophorum sententias, in quibus fundamenta Legis nostræ non destruunt, neque eos vel in unico verbulo *Loquentes* sequi deprehendes. Hinc è paucis illis, quæ à recentioribus ipsorum scriptoribus habemus, ipsos in multis ad nostram sententiam accedere & inclinare videmus. Scias autem, quod omnia illa, quæ de his rebus disseruerunt & scripserunt Ismaëlitæ, tam illi, qui sunt de Secta *Muatzals*, quàm illi, qui sunt de Secta *Affaria*, quod inquam illa omnia sint superstructa placitis & principiis, desumptis ex libris Græcorum & Aramæorum, qui in hoc incubuerunt, ut à Philosophis dissentirent, illorumque dogmata destruerent & refutarent. Causa autem hujus rei hæc est. Cum Christianorum natio sub imperio suo complexa est Gentes illas (*Aramæos & Græcos*), & Christiani dogmata multa (*Philosophorum placitis contraria*) defenderent: inter illas autem Gentes, Philosophorum sententiæ valde communes & vulgares essent, (ab illis enim prognata est Philosophia), Regesque Legi illi (*Christianorum*) faventes ex illis exsurrexissent; tum Sapientes Græci & Aramæi temporum illorum videntes, quod Philosophorum opiniones & sententiæ tam manifestè & clarè illa argumenta (*Christianorum sc.*) refutarent, excogitârunt Sapientiam illam *Verborum*, (Hebr. *Devanim*, unde *Medabberim* Loquentes dicti) principiaque ejusmodi exstruxerunt, quæ tum ad fidem ipsorum confirmandam, tum ad Philosophorum opiniones contrarias refellendas conducebant.

Secta מעתורין  
h.e. Separatoriū  
apud Arabes.  
Mentio ejus apud  
Averrh.  
in disput. Metaphys.  
pag. 160.  
edit. Ven. in 8.

Secta Affariæ  
mentio apud eundem  
Averrh. in  
disput. Metaph.  
p. 5, col. 2. p. 8. c. 2.  
&c.

Loquentes Ismaë  
litæ originē suā  
ducūt à Græcis  
& Aramæis.

Cum postea succedebant, & dominium obtinebant Ismaëlitæ, & ad ipsos Philosophorum libri transferebantur, & cum illis quoque Responsiones illæ, quas Græci & Aramæi composuerant contra libros Philosophorum, ut scripta *Jobannæ Grammatici, Aben Adi*, & aliorum; tunc illi statim ambabus, quod ajunt, ulnis illa sunt amplexi, magnos thesauros nactos se arbitantes. Et his non contenti, selegerunt ac corraserunt præterea ex sententiis Philosophorum priorum, quicquid sibi utile fore existimabant, quamvis illud à Philosophis posterioribus satis superque jam fuerit refutatum, ut est sententia de Atomis, de Vacuo &c. quia viderunt, quod istis opus habeat quivis Legis ipsorum studiosus.

Post hæc latius extenderunt (Ismaëlitæ) verba sua, (h.e. contradictionem istam adversus Philosophos), & descenderunt in viam mirabilem, de qua nullus unquam *Loquentium Græcorum & Aramæorum* quicquam scivit: quia hi in nonnullis adhuc conveniebant cum Philosophis.

Deinceps prodierunt inter Ismaëlitæ dogmata Legis adhuc alia ipsis propria & pecuniaria, quæ & ipsa coacti fuerunt defendere. Et de his iterum magna inter eos orta dissensio, unaquæque secta talia principia statuentes & defendente, quæ ipsi ad sententiam suam defendendam inserviebant.

Nullum autem est dubium, quin sint quædam, in quibus tres istæ nationes, *Judaorum* inquam, *Christianorum & Ismaëlitæ*, conveniunt, ut est sententia de Creatione & Novitate Mundi, (per cujus verificationem verificantur mirabilia), & alia: quædam verò illis pecuniaria, quibus se oneraverunt duæ illæ Gentes, ut negotium Trinitatis (*quam Christiani statuunt*), & sententia alterius sectæ (*Ismaëlitæ*) de Prophetia, sive Sermone Dei cum hominibus, ad quæ necesse habuerunt excogitare singularia quædam principia, quibus suas illas sententias defenderent. Nos autem de his, quæ illis sunt pecuniaria, nil dicemus.

*Scopus & intentio Loquentium primorum.*

Summa rei est, quod omnes *Loquentes*, tam primi ex Græcis, qui Christiani facti sunt, quam Ismaëlitæ, in principiis suis construendis non sequuti sint vel attenderint ad ipsam rei, unde ea desumpserunt, naturam, sed tantum viderint, quomodo res deberet esse comparata, ad sententiam ipsorum confirmandam, vel saltè non destruendam: & postea, cum hoc perceperunt, audacter rem ita se habere asseruerint, probationibus super hac re adductis, principiisque suis eisdem superstruatis. Atque sic fecerunt sapientiores inter ipsos, qui

qui primi istarum rerum fuerunt auctores & directores, illasque in libris retulerunt, protestando tamen, solâ speculatione ad ita sentiendum se inductos, sine ullo sententiæ prioris respectu.

Verum posteriores, libros ipsorum legentes, de hoc illorum artificio nihil sciverunt; ita ut, cum in libris illis antiquis invenirent magnum conatum ingensque studium ad rem aliquam confirmandam vel destruendam, nihil minus cogitarent, quam illam confirmationem vel refutationem in materia Religionis esse necessariam: sed simpliciter crediderunt, majores suos hoc tantum fecisse, ut confunderent sententias Philosophorum, & in dubium revocarent ea, quæ illi pro certissimis & maximè demonstrativis habuerunt. Neque vel minimam suspicionem habuerunt, ac si res aliter haberet, quam censuerunt. At verò certissimum est, priores illos nihil asseruisse vel negasse, quam id, quod sententiis ac dogmatibus ipsorum, quamvis remotissimè, & post centum quasi cōsequentias, nocere & præjudicare potuisset: atque ita morbum ex ipso fundamento auferre voluisse. Ad hæc omnia in genere dico tibi, rem omninò habere sicut dixit Themistius: *Natura rerum non sequitur opiniones hominum, sed opiniones hominum debent sequi naturam rerum.*

Cum verò considerassem, & libros *Loquentium* perlegissem, quemadmodum studiosè quoque & pro virili scrutatus sum libros Philosophorum, inveni omnium ipsorum (*Loquentium*) unicam speciem, partibus tantum distinctam. Principale enim fundamentum omnium est, nullam certam cognitionem rerum haberi posse, quòd sc. hoc vel illo modo se habeant; eò quòd in Intellectu contrarium semper esse & cogitari possit. Præterea etiam in quàm plurimis locis Imaginationem & Phantasiam cum Intellectu confundunt, ejusque nomen illi attribuunt. Et postquàm præmiserunt ac posuerunt Principia sua, quæ tibi in alio capite recensebo, demonstrationes conficiunt, & concludunt, Mundum esse novum, vel creatum, ac propterea de necessitate habere Conditorum & Creatorem. Hinc deinde ulterius probant, Conditorum illum esse Unum, & proinde Incorporeum. Atq; hæc est in genere via omnium *Loquentium Ismaëliarum*, quibus similes sunt nonnulli ex nostris, qui illorum viæ insistant. Veruntamen in modis probationum & principiorum de Novitate Mundi, & Æternitatis ipsius destructione discrepant; in hoc autem conveniunt omnes, quòd Mundus sit novus, & propterea Creatorem aliquem habeat.

*Fundamenta  
præcipua Lo-  
quentium:*

*l. cap. 73.*

Viâ autem illâ rectè expensâ, (h. e. probationibus illorum consideratâ), *Dubia sunt & procul infirma.*

procul ab eâ recessit animus meus, quemadmodum sanè decet, ut quivis cordatus ab ea recedat. Nam quæcunque illi pro demonstrationibus adducunt ad adstruendam Novitatem Mundi, incerta & dubia prorsus sunt, neque absolutè & præcisè demonstrativa, nisi fortè illi, qui nescit, quæ sit differentia inter Demonstrationem, Topicam, & Sophisticam; sed ei, qui ista intelligit, luce meridiana clariùs patet, illis probationibus multa adhærere dubia, & principia illa non posse ullâ ratione demonstrari.

Meo judicio summum, quod Orthodoxus aliquis Legis studiosus hic poterit præstare, est, refutare demonstrationes Philosophorum de Æternitate Mundi: & hoc si facit, rem sanè præstat laude dignissimam. Quivis enim sanæ mentis & veritatis alumnus novit, istam quæstionem de Æternitate Mundi, (h. e. tùm Novitatem, tùm Æternitatem ipsius) firmis & absolutis demonstrationibus probari non posse, de quâ re multa adhuc nobis erunt dicenda, quamvis satis superque de hac materia ubique ferè inveniatur. Nam inde à ter-mille annis ad præsens usque tempus in utramque partem Philosophi hanc quæstionem variè ventilârunt, ut ex libris ipsorum videre est. Sed dicer aliquis; Sires ita habet circa hanc quæstionem, quomodo potest ex illa desumi principium, cui superstruatur Existencia Dei? Sanè si dubium sit, an Mundus sit æternus vel novus, & certâ demonstratione probari nequeat, dubium quoque relinquitur, an Deus sit nec ne? Vel dicendum nobis est, nos certis demonstrationibus Novitatem Mundi probare posse, & ita vi cogemus homines ad recipiendum hoc à nobis, si illis volumus persuadere, nos scire Existenciam Creatoris per demonstrationem; id quod à veritate est alienum.

Sed meâ sententiâ verus procedendi modus, isque omnium certissimus, rectissimus, & maximè quoque demonstrativus est, ut probetur primò Existencia Dei, Unitas illius, & Remotio corporeitatis ex principiis & hypotesibus Philosophorum, quibus Æternitatem Mundi adstruere satagunt: nô quòd ego credam Æternitatem Mundi, vel in hoc illis assensum præbeam, sed quòd mihi videatur solidissimè inde evinci & demonstrari posse veritas trium istorum articulorum, de Existencia, Unitate, & Incorporeitate Dei Opt. Max. idq; sine ullo respectu aut præjudicio sententiæ de Æternitate vel Novitate Mundi. Deinde, ut tribus his nobilissimis quæstionibus, ex invictis demonstrationibus decisæ ac probatis, ad Novitatem Mundi accedatur, & ad eam probandam omnis generis argu-

argumenta, quæ haberi possunt, congerantur. Quòd si autem quis crediderit Novitatem Mundi, sive quòd ipsi hac in re sufficiant demonstrationes *Loquentium*, sive quòd id credat ex verbis Prophetarum, id tantò melius est. Non est autem quòd quæras, quomodo confisteret Prophetia, si Mundus esset æternus; donec audieris ea, quæ de Prophetia in hoc libro dicturi sumus. Hic enim nolumus adhuc de illo negotio agere. Istud hoc loco nobis, quòd in principiis & hypothelibus *Loquentium* plurima sint absurda, Naturæ Mundi & ordini creationis è diametro repugnantia, quæ proinde, ut & probationes illorum, in capite peculiari tibi recensabo.

Nunc in genere tibi exponam, quæ mea sit via in hoc negotio, (h. e. in probanda Dei existentia). Sic dico: Mundus necessariò est vel novus, vel æternus. Si novus, habebit Novatorem sine omni dubio. Nihil enim innovat (h. e. creat) se-ipsam, sed innovatur, vel de novo producit ab alio. Novator autem Mundi est Deus. Si est æternus, rùm per necessariam demonstrationem sequitur, quòd præter omnia Mundi corpora sit Ens aliquod, quod neq; sit corpus, neque potentia in corpore, unum, æternum, nullam habens causam, nulli mutationi obnoxium. Ens autem illud est Deus. Ex quo vides, quòd demonstrationes Existentiæ, Unitatis & Incorporeitatis Dei desumendæ sint ex principio vel hypothese Æternitatis Mundi, firmæque demonstrationes hinc exsurgant; neque tamen cogamur dicere, an Mundus sit novus vel æternus. Idcirco invenies in Commentariis meis Talmudicis, quandocunque occasio aliqua se-se mihi offert ad loquendum de fundamentis Legis, & probandam Dei existentiam, quòd ejusmodi verbis id faciam, quæ inclinant ad æternitatem Mundi, nequaquam quòd ego illam credam; sed quia volo Existentiæ Dei in Religionem & Fide nostra probare per viam demonstrativam, in qua nulla sit dissensio vel controversia, ne res ista tam magna & ardua fundamento lubrico & infirmo nitatur, quod quivis labefactare vel suffodere possit, aut ne quis cogitet, quasi nullum prorsus fundamentum habeat. Rationes enim illæ Philosophicæ de tribus istis quæstionibus, sunt desumptæ ex ipsa Natura rerum, neq;, nisi certo respectu, falsitatis alicujus redargui possunt: cùm è contrario rationes *Loquentium* desumptæ sint ex principiis, quæ Naturæ contrariantur & repugnant, ita ut coacti sint asserere, nullam certam ullis rebus inesse naturam.

Peculiare autem caput in hoc libro segregabo, in quo agam de Novitate Mundi, eamq; aliquot rationibus demonstrabo, atq; idem

quod *Loquentes* obrinere satagunt, impetrabo, quin tamen Naturam rerum aboleam, illique vim inferam aut vel in minimo puncto Aristotelis demonstrationibus contradicam. Quicq̃ id enim illi firmis-  
simo & validissimo suo pro Novitate Mundi argumento (quod nō possunt conficere, nisi Naturam totam destruant, & omnibus iis, quę Philosophi statuerunt, contradicant) efficiunt, eodem ego ratione æquē validā pertingam, neque tamen Naturę vel sensibus contradicere necesse habebō.

Visum mihi quoq; est commemorare generalia *Loquentium* principia, viamq; illorum tibi demonstrare, quā ratione ex illis Novitatem Mundi, Existentiam, Unitatem & Incorporeitatem Dei probent, ut & ea, quę ex illis principiis sequuntur. Postea etiam principia Philosophorum, sed proxima tantum, illorumq; viam exponam.

Noli autem à me flagitare in hoc libro, ut Principiorum illorum Philosophicorum, quę paucis & breviter tantum attingam, veritatem tibi probem: nam ita tota ferē Physica & Theologia mihi explicandę essent. Noli etiam à me exspectare, ac si adducturus tibi essem argumenta *Loquentium*, quę pro veritate principiorum suorū adducunt. Nam in hac re & illi totam suam vitam consumpserunt, & consumunt dies suos illi, qui sequuntur ipsos, & libri ipsorū nimis sunt multi. Omnia enim illorum principia, paucis exceptis, refutantur ex manifesta rerum natura, circaque illa, multa dubia sensibus ipsis perceptibilia nascuntur; unde opus habent multos libros & disputationes conscribere pro confirmatione principiorum illorum, ad dubia illa solvenda, & ea, quę ita manifestē in natura illis repugnant, depellenda, licet id nullā ratione aut solertia fieri possit.

Principia verò illa Philosophica quod attinet, quę breviter adducam ad demonstrationem trium prædictarum quæstionum, Existentię sc., Unitatis & Incorporeitatis Dei, illorum veritatem & sensum maiori ex parte statim percipies, simul ac illa audiveris: quorundam verò demonstratio deducitur ē Physica & Metaphysica, quò proin re convertes, & inde probationem ejus rei, quā opus habebis, petes.

Porro sæpius jam edoctus es, nihil esse præter Deum & hoc Universum. De Deo autem nulla probatio haberi potest, nisi ex hoc Universo, & quidem tūc ex Universalitate, tūc ex Particularitatibus ejus. Unde proin sequitur, probē, quę ratio illius sit, tenendum esse, ut ex inde principia probationum desumi possint, sciendumq; quę sit illius forma, figura, & natura. Quocirca visum mihi est ope-

re præ-

ræ pretium esse, ut in peculiari capite historicè & in genere naturam hujus Universitatis describam. Quò factò, in sequentibus capitibus principia *Loquentium* quoque tibi exponam, & quàm ratione quatuor sæpè jam recitatas quæstiones probent. Post-hæc, principia & rationes Philosophorum de dicta materia proponam. Denique, quam ego in illis viam & rationem teneam, paucis explanabo.

CAP. LXXII.

*Comparatio Mundi & Hominis. Quare  
Homo vocetur Microcosmus.*

SCITO, quòd Mundus hic totus in universalitate sua unicum sit *Mundus hic est*  
Individuum, h.e. quòd Globus sphaeræ exterioris vel extremæ *veluti unum*  
cum omnibus, quæ in ipso continentur, sit unum quoddam Indivi- *quoddam Indi-*  
duum, sicut Ruben vel Simeon, quoad Individuitatem. Diversitas *viduum, ex di-*  
verò & varietas substantiarum hujus globi se habet ut varietas sub- *versis partibus*  
stantiarum in unoquoq; Individuo, ut Homine verbi gratiâ. Quem- *compositum.*  
admodum enim Ruben exempli gratiâ est Vir unus, vel Individuum  
unum, sed ex diversis partibus & membris compositum, veluti carne, ossibus, nervis, ex variis item humoribus, qualitatibus & spiri-  
tibus: sic iste Globus in universalitate sua compositus est ex sphae-  
ris, quatuor elementis, & iis, quæ ex his conflata sunt & composita,  
neque datur in illo vacuum, sed est corpus continens, solidum, den-  
sum & plenû, cujus punctû centricum est globus Terræ, quæ circum-  
data est ab Aquâ, hæc ab Aëre, Aër ab Igne, Ignis à Corpore quin-  
to, quod corpus ex multis constat orbibus vel sphaeris, quarum una  
est intra aliam, & ita exactè eam ambit, illique adhæret, ut nullum  
inter illas detur inane sive vacuum, moventurque motu circulari &  
æquabili, nunquam tardius, nunquam velocius, h.e. non moventur  
uno tempore tardè, alio velocius, sed quælibet illarum ex natura sua  
certam habet mensuram velocitatis & motûs sui, ita tamen, ut una  
velocius & celerius moveatur quàm altera. Morus omnium velo-  
cissimus est motus sphaeræ primæ, Diurnus videlicet, qui unius diei  
spatio absolvitur. Hæc sphaera secum movet reliquas omnes,  
motu Partis in Toto: illæ enim nihil aliud sunt, quàm illius, tan-  
quam Totius, Partes. Centrum autem harum sphaerarû variat. Qua-  
rundam enim centrum est centrum ipsius Mundi, quarundam ve-  
rò centrum est extra centrum Mundi. Quædam ex illis motu suo  
proprio semper moventur ab Oriente in Occidentem, quædam



verò ab Occidente in Orientem. Stellæ, quæ in istis sphæris existunt, sunt sphæræ illius, in qua sunt, partes, semperque fixæ permanent in loco suo, & nullum proprium habent motum, sed, ut videtur, moventur motu illius corporis, cujus pars sunt. Materia corporis hujus quinti universaliter sic sumpti, quod circulariter movetur, alia est quàm materia quatuor Elementorum, quæ illius complexu continentur. Orbium verò sive sphærarum Mundum ambientium nequeunt ullo modo vel ratione pauciores esse quàm octodecim. An verò plures esse possint, consideratione eger, sicut & illud; Utrum sphærarum quædam sint, quæ totum Mundum non circumdant? Intra sphæram porro illam, quæ nobis est proxima, reperitur alia materia, quæ diversa est à materia corporis quinti, quatuor illas primas formas seu qualitates recipiens, ex quibus quatuor corpora prima (*h.e. Elementa*) proveniunt, Terra videlicet, Aqua, Aër & Ignis, quorum unumquodque proprium & naturalem suum locum habet, extra quem nunquam reperitur. Ista autem corpora sunt mortua, nequaquam vitâ vel ratione & intellectu prædita, nec moventur à se ipsis, sed immobilia in loco suo permanent ac subsistunt. Quod si accidat, ut illorum aliquod violenter è loco suo moveatur, tùm vi & violentiâ cessante, continuò ad locum suum naturalem redit. Indirum quippe est naturæ ipsorum hoc principium, ut motu recto iterum ad locum suum moveri queant: neque possunt quiescere vel moveri extra lineam rectam. Motus autè istius recti quatuor horum Elementorum, quo iterum ad locum suum moventur, duo sunt genera, *Motus* videlicet *versus Peripheriam*, (Aristoteles vocat *Motum à medio*) qui est Ignis & Aëris: & *Motus versus centrum* (*Motus ad medium*), qui est Terræ & Aquæ. Et postquam hoc pacto ad locum suum revertuntur, iterum quiescunt. At verò Corpora illa Cœlestia rotunda & sphærica, Viventia sunt, & animâ, per quam moventur, prædita, neque habent in se principium quietis: neque etiam alterationi vel mutationi sunt obnoxia, nisi quoad situm, dum motu circulari moventur. An verò Intellectum habeant, in quo aliquid concipere & formare possint, illud subtilioris est considerationis. Porro, cum corpus quintum circulariter in universalitate sua movetur, tùm propter motum istum violentum in Elementis semper aliquid innovatur. Propter illum enim Ignis & Aër è locis suis extruduntur, & in Aquam depelluntur, quæ deinde conjunctim Terram permeant, & ad imam ejus profunditatem penetrant, unde Elementorû permixtio & confusio oritur: cum deinde iterum incipiunt ad loca sua



sua remeare & reverti, particulæ & frustra Terræ conjunctim cum Aëre, Aqua & Igne è loco suo exeunt, quæ postea in se invicem agunt, & vicissim à se invicem patiuntur. Et inde fit Mixti vel Mixtionis illius varietas, ita ut inde primò generentur omnis generis vapores, deinde mineralia, metalla, germina, plantæ, animalia; omnia pro ratione Mixtionis. Quicquid autem generatur, iterum corrumpitur, & prout ex quatuor Elementis generatur, ita in illa vicissim resolvitur, quemadmodum ipsa quoque Elementa tùm ex se invicem generantur, tùm in se invicem corrumpuntur. Materia enim omnium una est & eadem; neque potest inveniri materia absq; forma; sicut vicissim nequit in rebus istis generabilibus & corruptibilibus forma inveniri sine materia. Ita ergo illa tùm inter se invicem, tùm alia, quæ ex illis constant, per generationem & corruptionem in orbem quasi revolvuntur, atq; ad suum principium revertuntur, sicut sphaera circulariter movetur & ad principium suum redit, ita ut motus materiæ istius formatæ, dum unam formam post aliam recipit, similis sit motui sphaeræ, quæ per diversos suos gradus & partes ad unum tandem principium revertitur.

Deinde, quemadmodum in Corpore humano sunt Membra principalia, & Membra minùs principalia, quæ gubernatione membri principalis indigent: sic in hoc Mundo partes aliæ sunt principales, ut Corpus quintum, aliæ Minùs principales, quæ Rectore & Governatore opus habent, ut Elementa & Corpora ex his mista ac composita.

Et, quemadmodum membrum principale, *Cor* videlicet, indefinenter movetur, & omnis motus in corpore est principium: quemadmodum item reliqua membra omnia ipsi sunt subordinata, illisq; omnes facultates transmittit & largitur, quibus ad functiones & operationes suas opus habent; sic quoq; Sphaera suprema reliquas Mûdi partes motu suo regit, omnibusq; rebus generabilibus & corruptibilibus facultates, quas habent, immittit: omnis enim motus in hoc Mundo principium motus sui accipit à sphaera prima, omniumq; animatorum animæ principium est in anima illius sphaeræ. Virtutum autem sive facultatum illarum, quæ ab orbibus cœlestibus in hunc Mundum perveniunt, sunt quatuor: prima est Facultas mixtionis & compositionis, quæ sufficit in mineralibus: secunda est, quæ plantis omnibus dat animam vegetantem: tertia, quæ brutis dat animam sentientem: quarta, quæ ratione præditis dat animam rationalem: & hæc omnia sunt medio lucis & tene-

bratum, quæ rectitudinem & ambitum illorum (orbium vel sphaerarum) circa Terram sequuntur, (ut, cum Sol recta est supra Terram, dies est, cum Terram circumit & infra horizontem est, fit nox).

Quemadmodum etiam, si cor hominis vel ad momentum oculi quiescat, homo moritur, omnesq; ipsius motus & facultates cessant: ita si sphaeræ quiescerent, totus Mundus moreretur, & quicquid in eo est, cessaret.

Præterea, quemadmodum Vivens totum, quâ tum est, per motum cordis sui vivit, licet multa adhuc membra habeat, quæ quiescunt & nihil sentiunt, ut ossa, cartilaginea & alia: sic Universum hoc totum est Individuum unum, vivens per motum sphaeræ, quæ est instar cordis animalium, licet in eo multa sint corpora quiescentia & mortua.

Hoc pacto in mente tua concipere & formare debes totum hunc globum, veluti Individuum unum, mobile, animatum: ista enim conceptio & imaginatio valde necessaria est, & plurimum prodest ad demonstrandum, Deum esse unum, ut videbimus; & per hanc vicissim colligitur, quod Unus ille creârit Unum. Quemadmodum enim membra hominis, quæ quidem in veritate sunt membra hominis, non inveniuntur vel existunt separatim, h. e. neque jecur, neque cor, neque caro per se & seorsim existit: sic nequit fieri, ut inter partes Mundi quædam solæ & seorsim sine aliis in hoc Universo existant; v. g. ut inveniatur Ignis sine Terra, vel Terra sine Cœlo, vel Cœlum sine Terra.

Proin, quemadmodum in homine Facultas est, quæ omnia membra inter se colligat, regit & gubernat, singulis necessaria ad conservationem ipsorum suppeditat, & quæ ipsis perniciofa, depellit & avertit, de qua Medici agunt, quamq; *Facultatem hyemouinliv Restrictam corporis vivi* appellant sæpè etiam *Naturam*: sic quoque in hoc Mundo Facultas quædam est, quæ singula aptè inter se connectit, & non solum species illius, sed etiam Individua specierum, quamdiù illa conservari possunt, atq; adeo quædam Individua Mundi (i. e. quasdam sphaeras) ab interitu conservat. De hac Facultate considerandum & dispiciendum, an in Mundum veniat mediante sphaerâ (supremâ sc.), an sine medio à Deo Opt. Max. proveniat?

Quemadmodum insuper in Corpore Hominis quædam sunt, quæ certum finem certamque intentionem habent; quorum alia pertinent ad conservationem Individui, ut sunt *Organa cibi & alimentis*, alia ad conservationem speciei, ut *Instrumenta generandi*, alia ad ac-

quiren-

quirendas Neceſſitates, cibum, porū, & alia munia obeunda, ut *Oculi, Manus, Pedes, &c.* quædam verò ſunt, quæ nullam per ſe certam intentionem habent, ſed ſequuntur ex membrorum illorum temperamento, (quod temperamentum eſt proprium & neceſſarium formæ illius, quâ operationes illas intentas perficiunt), & quidem poſt generationem eorum, quæ principaliter intenta ſunt, ſecundùm neceſſitatem materiæ, ut *Pili corporis & Color ejus*, unde ordinariè & æqualiter in omnibus non inveniuntur. In quibusdam enim quandoq; omninò deſunt, in aliis in minori, in aliis verò in ſumma quantitate reperiuntur, quæ differentia non invenitur in aliis membris. Nam nullum invenies hominem, qui decuplo majus jecur habeat præ alio; reperies verò quosdam, qui barbâ & pilis in quibusdam corporis partibus omninò carent, & è contrario quosdam, qui decuplo aut vices plus habent barbæ, quàm alii. Et hoc frequens & commune admodum eſt in pilis & coloribus. Sic quoque in hac Univerſitate ſunt quædam, quorum generatio per ſe intenditur, quæ ſunt firma & permanentia, ex ordine Naturæ ſequentia, neque niſi exigua in illis reperitur differentia, pro ratione nempe qualitatis vel quantitatis ipſius ſpeciei; quædam verò ſunt, quorum per ſe non intenditur generatio, ſed quæ univerſalem generationem & corruptionem ſequuntur, ut ſunt variæ ſpecieiſ Vermium, quæ ex ſimo generantur, & alia quædam Animalcula, quæ in fructibus putreſcentibus generantur; Vermes item, qui in ventre generantur; & quicquid denique ex putrefactione humorum generatur. Summa, hûc referendum mihi videtur omne id, in quo non eſt facultas generandi ſibi ſimile. Hinc enim eſt, quòd vides, illa ordinem & ſpeciem ſuam per ſe non conſervare, licet fieri non poſſit, ut non exiſtant: quemadmodum fieri non poteſt, ut non ſint varii colores, & variæ pilorum ſpecies in corpore humano.

Quemadmodum in hominibus ſunt quædam, quorum Individua firma permanent, ut Membra principalia; & quædam, quæ in ſpecie, non in Individuo permanēt, ut quatuor humores: ſic in complexu univerſali huius Mundi ſunt quædam, quæ firma permanent in Individuo, ut Corpus quintum in omnibus ſuis partibus; quædam verò, quæ in ſpecie tantùm permanent, ut quatuor Elementa, & quæ ex illis ſunt compoſita.

Quemadmodum deniq; ex iisdem facultatibus hominis, ex quibus generatio, duratio, & meſſura durationis ejus (*h. e. longitudo vel meſſura vite ejus*) conſequitur, ejuſdem quoque per ſe ſequitur

corru-

corruptio & interitus: sic in toto Mundo causæ generationis, sunt quoq; causæ corruptionis. E. G. Si quatuor illæ facultates, quæ in omni corpore nutritibili reperiuntur, Facultas inquam Attractiva, Retentrix, Digestiva, & Expultrix, se haberent ut Facultates Intellectus, ita ut nil, nisi quod salutare & naturæ conveniens, tempore item & mensurâ decenti ac convenienti facerent & operarentur, à multis morbis & malis hominem immunem redderent: quia verò hoc fieri non potest, sed actiones & operationes suas naturales sine cogitatione & intellectu perficiunt, neq; ullo modo id, quod faciunt, intelligunt, inde necessariò morbi & ægitudines variæ oriuntur, etiam illæ (*facultates* sc.) sint instrumēta generationis & conservationis hominis. E. G. Si Facultas attractiva res tantum bonas, salutares, & naturæ suæ ex omni parte convenientes, mensurâ item decenti attraheret, ab infinitis morbis homo sine dubio liber existeret: quia verò hoc non agit, verum tūm indifferenter quemvis humorem occurrentem attrahit, licet ille humor in quantitate vel qualitate sua à iusta proportionē non nihil declinet, ut nimis calidum vel nimis frigidum, nimis crassum vel nimis subtilem, tūm etiam non conveniente mensurâ, sed nimis fortiter, plurima exinde nascuntur mala. Hinc enim fit, ut nervi suffocentur, obstructions & putrefactiones oriantur, humorum qualitates corrumpantur, eorundemq; quantitas immutetur; ex quibus deinde varii oriuntur morbi, Scabies, Pruritus, Verrucæ, vel etiam majores plagæ, Apostemata, Lepra, Tabes & aliæ, quibus vel unius alicujus, vel omnium membrorum forma corrumpitur. Atq; ita se res habet cum reliquis facultatibus. Eodem modo in hoc Universo illa ipsa res, quæ inservit ad generationem & conservationem rerum generabilium, ut est mixtio Elementorum cum virtutibus cœlestibus, à quibus moventur & hinc inde sparguntur ac distribuuntur; illa ipsa inquam causa est, à qua ea proveniunt, quæ naturæ rerum noxia sunt & perniciofa, ut sunt, Imbres, Pluviae, Nix, Grando, Turbines, Tonitrua, Fulgura, Aëris corruptiones & infectiones, aliæq; res lechiferæ & pestilentes, quibus regio, terra, vel clima aliquod consumitur, dum integra loca hiatu terræ, terræ-moribus, vel aquarum inundationibus sæpè pereunt.

Noli autem existimare, Hominem propter istas comparationis hujus, quam inter Mundum & Hominem hætenus instituiamus, partes vocari *Mundum parvum* vel *Μικρόκοσμον*. Comparatio enim ista ad singula animantia, quæ in membris suis perfecta sunt, trahi & extendi potest: neque tamen hætenus quenkum vidi, qui Asinum

vel Equum vocârit Microcosmum. Verùm ornatur Homo hoc nomine, propter quandam rem, quæ ipsi soli præ aliis animantibus est propria, *Facultatem nempe rationalem*, h.e. Intellectum materialem, quæm apud nullum inveniæ è reliquo animantium genere. Illa etenim omnia ad conservationem & propagationem essentia suæ non indigent ratione, intellectu vel gubernatione, sed eunt & agunt juxta naturam suam, comedunt quod inveniunt & palato ipsorum arridet, in quocunque loco, qui commodus ipsis videtur, habitant, & cum quavis fœmella, in quam incidunt, quando in ardore sunt & calore, se commiscunt, atq; ita tùm se per totum vitæ suæ spatium, tùm speciem suam conservant & propagant, neq; alio speciei individuo opus habent, quo adjuventur vel sustententur & conserventur, quodq; ipsis ea faciat & præstet, quæ sibi ipsis præstare nequeunt.

Homo verò, si per se & solus esset omni regimine & gubernatione destitutus quemadmodum bestia, primo momento periret, neq; per unicum diem superstes manere posset, nisi id fortè per accidens contingeret, h.e. nisi fortè fortunâ aliquid se offerret, quo sustentaretur. Iplius enim cibi & alimenta, quibus sustentatur, arte & præparatione longâ indigent, quæ non fieri potest sine ratione & intelligentia, instrumentis item ac personis multis, quarum unaquæq; in peculiari negotio est occupata. Atq; hanc ob causam opus habent (*homines*) aliquo, qui illos regat & in ordinem cogat, ita ut alii alios adjuvent.

Sic, quia oportet ut custodiant se tempore æstatis à calore, à frigore tempore hyemis, ut abscondant se à pluviis, nive, ventis, & talia ejusmodi observent, quorum nullum sine ratione & intelligentia perfici potest: ideoq; hanc ob causam data est ipsis Facultas illa rationalis, quâ possunt ratiocinari, cogitare, intelligere, facere, præparare, variisq; modis & artibus sibi de victu, recto & amictu prospicere; quâ etiam omnia corporis sui membra gubernant, ita ut tùm principale, tùm minùs principalia suum faciant officium. Idcirco si Homo aliquis destitutus esset hac facultate, & haberet tantùm facultatem vitalem, primo momento pereundum ipsi esset. Est autem facultas ista excellens admodum, & longè præstantior quàm omnes reliquorum animantium facultates: sed & abstrusa valde est, neque ita facilè per sensum communem ejus natura potest percipi, sicut reliquarum facultatum naturalium.

Pari ergo modo in hoc Universo Res quædam est, quæ tùm totam illius compagem regit, tùm principale ejus membrum movet,

Homo enim  
crocolinus  
pellitur.

(*Arabhor* sc., sive primū Mobile), cui facultatem dedit reliqua omnia movēdi & regendi. Sine illa Re cessaret necessariò totus iste globus cum omnibus tam principalibus, quàm minùs principalibus suis partibus: & per illā ē contrariò in omnibus suis partibus conservatur. Res autem illa est DEUS OPT. MAX. Hinc, quemadmodū Homo propter unicam & solam hanc rationem vocatur *Microcosmus*, quia in illo principium quoddam est reliquum totum movens; ita propter hanc in primis rationem Deus in lingua nostra vocatur *Macrocosmus*.

Dan. 12. 7. *Mundi: ut, Et juravit per Vitam Mundi.*

Atq; hæc est pulcherrima & jucundissima inter Mundum & Hominem collatio & harmonia. Scias autem, quemadmodum omne simile quoq; est dissimile; ita & hæc comparisonem in quibusdam deficere, & quidem in tribus tantum.

*Differentia inter  
Mundum &  
Hominem.*

*Primò*, Membrum principale, Cor videlicet, in animantibus omnibus id habentibus, utilitatē & emolumentū capit ex reliquis membris ipsi subordinatis, id quod in hoc Univerſo nō reperitur. Nam in illo, ea quæ reliquis virtutem aliquam infundunt & instillant (*sc. Intelligentia separata*), nullam utilitatē recipiunt ab illis, quæ sub ipsorū sunt potestate & imperio, sed quicquid boni dant & largiuntur, id faciunt ex mera liberalitate & generositate naturæ suæ, ut Deū hac in parte imitentur, non propter cōmodum, vel retributionem aliquam.

*Secundò*, Cor in omnibus animantibus in medio corporis situm & à reliquis membris circumdatū est, ut illud custodiant & abscondāt, ne detrimentum aliquod extrinsecūs queat accipere. In hoc autem Mundo iterum contrarium hujus reperitur. Nam pars illius nobilissima & præstantissima circumdat ceteras viliores & minùs præstantes, propterea quòd certum sit, illam nihil ab aliis recepturam, & licet ipsa acciperet, tamen nihil extrinsecūs potest in illam agere; sed illa subministrat omnibus, quæ sub ejus complexu continentur, omnes ipsorum virtutes, ipsa verò ab aliis corporibus nullam accipit actionem vel facultatem. Est tamen hic quædam adhuc similitudo & convenientia. Quemadmodum enim in animantibus membra à corde remotiora, ignobiliora & minùs præstantia sunt, quàm eidem vicina: sic in Mundo hoc ea, quæ propinqua sunt centro, sunt turbida, crassa, gravia & minùs lucida, propter longiorem ipsorum à corpore illo nobili, lucido, splendido, mobili, subtili & simplici, sphaerâ inquam supremâ, distāciam: quicquid verò ipsi est vicinum, aliquid ex ipsis proprietatibus acquirit, & quantò quid ei est propius, tantò majorem quoq; habet præcellentiam & prærogativam.

*Tertiò*,

*Tertio*, Facultas Hominis rationalis est Virtus in corpore illius, & ab eo inseparabilis. Deus autem Benedictus non est Virtus vel Facultas in corpore Mundi, sed ab omnibus Mundi partibus abstractus & separatus. Providentia quidem & Gubernatio illius toti Mundo est unita & conjuncta, sed conjunctione summè occultâ, & captum humanum longè superante. Non enim aliam habemus demonstrationem, quàm quòd Deus à Mundo sit separatus, nullamq; cum eo communionem habeat; item, quòd ipsius Providentia & Gubernatio in omnes & singulas Mundi partes, etiâ minimas & levissimas, se extendat. *Laudetur is, cujus Victoria est in perfectione ipsius.*

Potèrò scito, quòd magis conveniens fortè fuisset, si in hac comparatione Deum cum Intellectu habituali, qui in homine est, contulissem, (quia is quoq; nō est Virtus in corpore, sed à corpore separatione verâ & reali abstractus ac separatus, inque corpus varias virtutes infundens), & Facultatem rationalem cum Intelligentiis sphaerarū, quæ respectu illarū sunt tanquam corpora. Verū ratio Intelligentiarum sphaerarum, & essentiae Intelligentiarum separatarum, ut & Intellectus habitualis, qui abstractus quoq; est & separatus, magnā adhuc eger consideratione, illaque, utut vera sint, nobis tamen sunt occulta & abscondita, infinitæq; de illis moveri possunt dubitationes & controversiæ. Nobis autem hoc loco inprimis propositū fuit, rationem totius hujus Mundi modo cognito & manifestò expone-re, & quidem ejusmodi rebus, contra quas nemo vel mutire audeat, nisi vel rerum omnium ignarus; quemadmodum Arithmeticæ & Geometriæ imperitus multa negat, quæ luce meridianâ clariores habent demonstrationes: vel præconcep̃tā aliquā opinione laborans, ita ut sibi pertinaciter proposuerit, receptam aliquam sententiam mordicè defendere. Quòd si quis autem rectè & ex fundamentis, non per Cabbalam, rem velit cognoscere & intelligere, is discat, (h. e. *legat libros Sapientum de hac re*), & experietur rem omninò ita se habere, prout scripsimus, & hanc totius hujus Universi esse formam: quòd si verò hoc alicui nimis molestū videatur, & malit ea per Traditionem ab eo accipere, qui demonstrationes omnes novit, is Traditionem accipiat, illiq; suas rationes suasq; objectiones superstruat: si deniq; quis præter Cabbalam, principia quoq; & demonstrationes scire desiderat, is ea potest addiscere, & non aliter rem se habere deprehendet. Nam nos id investigavimus. Tu proinde, Lector, illa animadvertè & observa. Nos his præmissis, pergimus ad ea, quæ ulterius nos explicatu-ros promissimus.

*Principia duodecim Loquentium ad probandas quatuor illas quæstiones, de Existentia, Unitate & Incorporitate DEI, ut & de Novitate Mundi.*

*Principia Loquentium.*

**P**RINCIPIORUM, quæ Loquentes secundum diversitatem & multitudinem opinionum suarum ponunt, quæq; ipsis ad probandum id, quod probare volunt circa quatuor sæpè jam memoratas quæstiones, (quòd Mundus sit novus, quòd Conditorum habeat, quòd ille Unus sit, & deniq; quòd Incorporatus), sunt necessaria, duodecim sunt, quæ tibi primò ligillatim breviter recensito, sentium deinde singulorum paulò fusiùs explicabo.

Propositio prima est ad confirmandam Substantiam abstractam.

II. Dari Vacuum.

III. Tempus esse compositum ex Instantibus.

IV. Substantiam non posse esse sine multis Accidentibus.

V. Substantia abstracta existentiam & subsistentiam perfici in Accidentibus, quæ tibi enumerabo, neq; sine illis esse posse.

VI. Accidens nullum durare duo tempora, h.e. Instantia, vel Momenta.

VII. Eandem esse rationem habituum & privationum: & utraq; esse Accidentia existentia, quæ Efficienti aliquo indigeant.

VIII. Nihil esse in hoc Universo præter Substantiam & Accidens: & Formas naturales quoq; esse Accidentia.

IX. Accidentia se invicem non sustinere, neq; de se invicem predicari.

X. Possibile non probari per convenientiam illius imaginationi cum hoc Universo: (h.e. Possibile non esse illud, quod cum Naturæ ordine convenit, sed quicquid in Intellectu concipi potest).

XI. Infinitum nullum dari, neq; in actu, neq; in accidenti, neq; in potentia, sed omnibus modis falsum esse, h.e. sive dicatur, Infinita multa simul dari, sive successivè, ut Infinitum constet ex illis, quæ existunt & quæ jam esse desierunt. Omnia hæc dicunt esse falsa.

XII. Sensus in quam plurimum errare, tum deficere, ita ut multa sensibilia apprehendere nequeant; proinde ab illis non posse firmum summi iudicium, neq; principia demonstrativa extrui.

Enumeratis summatim his principiis & hypothesebus, nunc sententiam illorum citè quoq; exponam, & quid ex unoquoq; sequatur.

*Prima.*



*Primum* itaque quod attinet, existimant, totum hunc Mundum, 1. *De Atomis.*  
 h.e. omnia illius Corpora conflata esse ex perexiguis quibusdam  
 particulis, quæ ob summam exiguitatem nullam neque divisionem  
 admittant (*Atomos* vocant), neque quantitatem habeant : sed cùm  
 illorum multa in unum coeunt, & invicem congregantur, tùm il-  
 lud compositum fieri quantum, & ipsum (*ἄτομον* sc.) corpus; ita ut, si  
 duo tantùm ejusmodi Atomis conjungantur, unumquodq; illorum  
 (*post conjunctionem*) fiat corpus, ac per consequens deinde duo sint  
 corpora, juxta quosdam ipsorum. Præterea, omnes istos Atomos  
 statuunt esse similes & æquales, nullamque inter illos esse differen-  
 tiam. Dicunt itaque, omnia in universum corpora ex istis particu-  
 lis individuis esse composita compositione conjunctionis; (*non per  
 mutationem vel iuxtionem, sed conjunctionem vel copulationem, ut formas  
 suas retineant*;) & proinde Generatio illis nihil aliud est quàm Con-  
 gregatio, & Corruptio idem quod Separatio : unde etiam non utuntur  
 vocibus Generationis & Corruptionis, sed pro iis dicunt, Congre-  
 gationem & Separationem, Motum & Quietem. Tandem, non ita-  
 tuunt, particulas istas ab æterno existere, quemadmodum Epicu-  
 rus voluit, & alii, qui sententiam de Atomis sunt amplexi, sed Deum  
 illos semper de novo creare, quando ipsi lubet, ac proinde iterum  
 quoque posse entitate suâ privari & in nihilum redigi. Quocirca  
 nunc tibi quoque exponam sententiam ipsorum de privatione Sub-  
 stantiæ.

*Secundum principium est de Vacuo*, quod idem primi & antiquissi- 2. *De Vacuo.*  
 mi ex Loquentibus crediderunt. Est autem Vacuum, spatium quod-  
 dam nihil continens, sed omni corpore vacuum, omni que substan-  
 tiâ privatum. Hoc principium propter præcedens necessariò cre-  
 dere coacti sunt. Nam si Mundus esset plenus atomis illis, quomo-  
 do possent moveri corpora mobilia sine penetratione vel ingressu  
 unius corporis in aliud? Præterea, atomi illi nequeunt congregari  
 vel separari sine ipsorum motu. Quocirca coacti sunt necessariò sen-  
 tentiam hanc de Vacuo amplecti & defendere, ut hac ratione spa-  
 tium deur, congregationi & separationi particularum illarum in  
 Vacuo in quo neque corpus est, neque substantia quædam ex sub-  
 stantiis illis.

*Tertium principium est de Tempore*, quod dicunt componi ex multis 3. *De Tempore.*  
 Nunc, h.e. ex multis Temporibus, quæ ob brevitatem durationis  
 suæ non possunt dividi. Atque hoc principio iterum propter  
 primum opus habuerunt. Viderunt enim sine dubio demonstratio-

*Phys. lib. 5. c. 1.*

nes Aristotelis, quibus probavit; trium istorum, Magnitudinis, Temporis, & Motus localis, eandem esse rationem, & si unum illorum sit divisibile, sequi & alterum tale esse. Scimus autem, si Tempus dicatur esse continuum & divisibile in infinitum, necessario sequi, particulam quoque illam, quam statuunt individuum, esse divisibilem. Sic, si statuamus Magnitudinem esse continuum, sequetur etiam illud *Nunc*, quod illi faciunt individuum, posse dividi, prout exposuit Aristoteles in libro, quem inscripsit *De Auditu naturali*. Quocirca asseruerunt, Magnitudinem non esse continuum, sed compositam ex particulis individuis, in quibus terminatur & finitur divisio; Tempus item constare & constatum esse ex Instantibus, quæ non admittunt divisionem. Exempli gratiâ, Hora continet 60. minuta, Minutum 60. secunda, Secundum 60. tertia, & sic consequenter usque ad decima verbi gratiâ, vel adhuc magis minuta, & quidem talia, quæ non amplius, ut magnitudo continua, dividi possunt. Quod si verò res ita, ut dicunt, habeat, sequitur Tempus esse quiddam positivum & ordinatum, quod est falsum. Ast absurde omnino de Tempore, & contra veritatem statuunt, idque justo iudicio. Quod si enim doctrina hæc de Tempore accuratissimos & subtilissimos Philosophos perplexos reddidit, magnaue pars illorum eam non potuerunt perfecte intelligere, ita ut Galenus dixerit, Tempus divinum quippiam esse, cujus natura apprehendi nequeat; quanto minus eam assequantur illi, qui ad nullius rei naturam respiciunt?

Verum attende quæso, quanta absurda ex his tribus enumeratis propositionibus consequantur.

*Absurda, quæ ex prædictis tribus propositionibus consequuntur.*

Dicunt, Motum esse translationem Substantiæ individui particularum illarum, ab una ad alteram ipsi vicinam & proximam, ac propterea Motum unum altero non esse velociorem. Hinc dicunt, quando duo mobilia vides uno eodemque tempore ire diversas vias (*inæqualis spatii vel longitudinis videlicet*), causam diversitatis non esse, quod illius mobilis longius iter conficientis motus sit velocior, sed quod motus, qui vocatur tardior, plures habeat quietes, alter vero pauciores. Si ipsis obijciatur exemplum sagittæ ab arcu intentæ emissæ, dicunt, & hic quietes ingredi in motus ipsius (*sagittæ*). In summa, dicunt ab errore sensuum fieri, quod existimamus aliquid moveri motu continuo: illos enim in multis errare, & sensibilia omnia non posse apprehendere, quemadmodum in duodecima Propositione ajunt.

*Obijciuntur*

*Obijciunt ipsis quoque exemplum mola.* In motu molæ circulari perfecto citra dubium pars illa, quæ est in peripheria, eodem temporis spatio longiorem viam vel circulum conficit, quàm illa, quæ est prope centrum, & per consequens motus peripheriæ vel circuli exterioris velocior est motu circuli interioris. Neque hic excipere possunt, etiam in hujus partis (*interioris molæ*) motus, plures ingredi quietes. Corpus etenim illud totum, molæ videlicet, unum est & continuum. Si dicant, cum illa circumgyratione partes illius dissipari, & inde quietes, quæ ingrediuntur in motum partium illarum, quæ sunt prope centrum, plures esse, quàm illas, quæ ingrediuntur in motum partium, quæ sunt ab illo remotiores: Respondemus, quâ ratione probabile est, ut mola, quæ est corpus tale, quod ne quidem malleis confringi potest, dissipetur, & per quietes suas iterum uniatu-  
 ac continuum reddatur, adeoque pristinam suam formam recuperet, ut non apprehendantur & sensibus percipiantur partes illæ dissipatæ? Sed hic iterum recurrunt ad duodecimam suam propositionem, Nullam sensibus esse habendam fidem, testem autem fidelem esse Intellectum.

At verò noli existimare, hoc omnium esse absurdissimum ex illis, quæ è tribus recensitis ipsorum propositionibus consequuntur. Illud enim, quod ex positione & affirmatione Vacui sequitur, longè est mirabilius & absurdius. Neque id, quod de Motu dixi, magis absurdum est, quàm hoc, quod coguntur confiteri, Diametrum quadrati, ejusdem lateri esse æqualem & commensurabilem, adeò ut quidam ex illis dicant, Quadratum esse non-ens. In summa, secundum primam ipsorum propositionem destruuntur omnes demonstrationes Geometricæ. Velenim ex ea simpliciter & prorsus destruuntur quædam: ut omnes proprietates, convenientiæ ac differentiæ in lineis & dimensionibus: item, aliquas lineas esse rationales, alias irracionales, atque adeò omnia ea, quæ Euclides in decimo suo libro complexus est, & similia: vel sequitur exinde, quarundam rerum demonstrationes non esse perpetuas & absolutas: ut, cum verbi gratiâ dicimus, Dividamus lineam in duas æquales partes; sanè si tunc linea illa fortè constet ex numero impari illarum substantiarum individuarum, id nequaquam fieri poterit juxta sententiam illorum. Porro scito, apud *Filios Schabir* (nomen loci) extare librum quendam Inventionum ingeniosarum valdè celebrem, *Sepher hattachbuloth*, in quo plures quàm centum ejusmodi Inventiones continentur, quarum singulis suæ sunt additæ demonstrationes,

*Vide propos. ultimam Euclidis lib. 10.*

*Vide Euclid. ab initio lib. 10.*

nes, quæ in ipso actu & experientia veræ ac reales deprehenduntur. Quod si verò Vacuum daretur, ne unica quidem illarum, & vera eisset, plurimaque de ductu vel fluxu aquarum artificia evenirent. Atque in his & similibus propositionibus ac principiis demonstrandis miseri illi homines omnes suos dies consumpserunt. Sed pergo ad reliqua quæque explicanda.

4. De Accidentibus.

Quarta propositio est, Accidentia existere, & esse res superadditas ad Substantiam, nullumque corpus sine aliquo illorum esse posse. Quæ propositio, si non ulterius progredieretur, sed in his terminis manerent, vera utique, manifesta, & extra omnem dubitationem aleam eisset posita. Verum falsum est, quod porro dicunt, si Substantiæ alicui non insit accidens vitæ, ei necessariò inesse accidens mortis: sic colorem vel saporem, motum vel quietem, congregationem vel separationem; nam omni subjecto necessariò inesse alterutrum duorum contrariorum. Quod si autem alicui insit accidens vitæ, tùm oportere ut ei aliæ quoque insint accidentium species, ut Sapientia vel Stultitia, Voluntas aut ejus contrarium, Potentia vel Impotentia, Apprehensio aut aliquod ex ejus contrariis: in summa, quicquid in Vivente vel Vita prædico reperitur, id reperiri quoque dicunt in illo vel ejus contrarium.

5. Substantiæ individua perfici in Accidentibus.

Quinta propositio est, Substantiæ individua existentiam conservari & perfici in Accidentibus illis, neque sine illis esse posse.

Hujus propositionis declaratio & sensus est, Unamquamque illarum Substantiarum individuarum, quas Deus creavit, habere sua Accidentia, sine quibus esse nequeat, ut v. g. colorem aut odorem, motum vel quietem; sed non quantitatem, quia substantiæ illæ, juxta ipsorum sententiam, non admittunt quantitatem. Quantitatem enim non vocant accidens; nam non intelligunt naturam accidentis.

Secundùm hanc itaque propositionem docent, Accidentia ea, quæ in corporibus reperiuntur, non esse propria totius corporis universaliter sumpti, sed reperiri in unaquaque substantia individua, è quibus corpus illud est compositum. E. g. Quemadmodum in massa Nivis, Albedo non tantùm reperitur in tota massa, sed & in qualibet ejus particula, & per consequens in toto composito. Sic dicunt rem quoque se habere in corpore mobili; unamquamque videlicet ejus substantiam individua esse mobilem, & propterea totum corpus tale esse. Sic Vita, ex ipsorum sententia, existit in unaquaque particula corporis viventis. Ita dicunt, quamvis particulam Ani-

mantis

mantis sensu præditi, sensilem quoque esse. Nam *Vita, Sensus, Intellectus & Sapientia ipsi sunt Accidentia*, non minùs quàm Nigredo & Albedo. *De Anima dissentiunt.* Quidam statuunt, Animam esse accidens existens in uno aliquo atomorum illorum, è quibus homo verbi gratià compositus est: totum autem compositum vocari Animatum, quia substantia illa individua vel atomum illud in eo continetur. Alii dicunt, Animam esse compositam ex multis subtilissimis substantiis accidens quoddam habentibus, quo uniantur & conjungantur, & animata fiant, substantiasque illas cum substantiis corporis commisceri. Ex quibus vides, illos Animam quoque inter Accidentia referre. *Intellectum* quod attinet, unanimi consensu affirmant, quòd sit accidens in substantia quadam individua totius Intelligentis. *De Scientia* hærent, an sit accidens existens in unaquaque substantia individua scientis, an in una tantùm? Quamcunque sententiam eligant, absurda plurima exinde consequuntur. *Si ipsis objiciatur exemplum quorundam metallorum & lapidum*, qui maximà ex parte habet colorem validissimum; cum verò comminuuntur & conteruntur, tùm color ille recedit & evanescit: ut si conteras Smaragdum, qui in summo gradu viridis est, pulvis erit albus, quod argumento est, accidens illud existere in toto, non in qualibet ejus parte. Sic, (quod clarius est) si discindantur & secentur partes corporis alicujus viventis, nequaquam vivent partes illæ; quod iterum nobis ostendit, illam rem (*Vitam* sc.) existentiam suam habere in toto, non in singulis illius partibus. Quòd si, inquam, hæc ipsis objiciantur, *respondent*, Accidentia nullam planè firmitatem & durationem habere, sed subinde & singulis momentis nova generari, quemadmodum in sequenti ipforum propositione sum declaraturus.

*Propositio sexta* est, Nullum accidens durare per duo momenta. Cujus propositionis hic est sensus: Existimant, *Deum*, cum substantiam aliquam creat, simul & eodem momento quoque creare cum illa accidens aliquod; neque enim Deum posse substantiam creare sine accidente: esse hoc *ἀδύνατον*. Accidentis autem hanc esse rationem, quòd ne quidem per duo momenta durare & superstes esse possit, sed quàm-primùm creatur, rursus interire, Deumque statim aliud creare ejusdem speciei, quod cum perierit, iterum aliud, & sic consequenter fieri in omnibus accidentibus, quorum speciem Deus vult conservare. Quòd si Deo placeat aliam speciem accidentis in substantia aliqua creare, illum hoc facere; quòd si verò creare

6. Nullum Accidentis ultra momentū durare.

desinat, substantiam illam tùm deficere & interire. Atque hæc est sententia plerorumque. Quidam verò ex secta *Muatzali* dicunt, quædam Accidentia ad certum tempus permanere & durare; quædam verò ne per duo quidem momenta. Verùm non habent certam aliquam seriem vel catalogum, ut possint dicere, hæc Accidentium species manet, ista verò non.

Ad hoc autem statuendum induxit eos, quia negant, quòd Natura aliqua existat: item, quòd hujus vel illius corporis natura requiratur & secum ferat, ut habeat talia accidentia. Sed dicunt, *Deum* accidentia omnia in momento creare sine mediis naturalibus, & sine adjumento aliarum rerum. Cùm enim hoc asseritur, sequitur necessariò, accidentia non posse diù durare. Quòd si dicas, illa certo tempore subsistere, postea privari, (*ut alii ex ipsis sentiunt*), tùm quæstio oritur, quisnam, vel quidnam illa privarit? Si dicas, Deum illam privationem efficere, quando ipsi placet; repugnat id sententiæ illorum, qui statuunt, Efficientem non efficere privationem: illam enim non indigere efficiente, sed cessante efficiente ab opere aliquo sequi privationem illius. Id quod ex parte verum est. Et hæc causa est, propter quam ipsis placuit statuere, Existentiam vel Privationem alicujus rei non sequi ex natura illius. Dicunt enim, Accidentia creari successivè unum post alterum. Hinc quidam ex ipsis statuunt, cùm Deus vult cessare facere substantiam aliquam, tùm illum non creare in illa accidens, & ita ipsam statim non existere. Alii verò dicunt, quando Deus volet destruere Mundum, illum creaturum accidens destructionis vel consummationis non in subiecto, & illam consummationem & corruptionem fote contrariam existentiae ipsius Mundi.

Secundùm hanc itaque propositionem dicunt, nos nequaquam vestimentum illud rubrum, v. g. quod nos rubro colore tinxisse opinamur, tinxisse, sed Deum eo momento colorem illum in vestimento creasse, quo illud cum rubro colore, quem in vestimentum ingressum opinamur, conjunximus. Neque hoc solùm, sed præterea dicunt, Deum hanc consuetudinem observare, ut non proveniat Nigredo verbi gratià, nisi quando vestimentum vel pannus conjungitur cum Indico, & Nigredinem illam, quæ oritur ex conjunctione tincti cum ipsa nigredine, non permanere, sed primo momento perire, & aliam creari: neque solere Deum sublata nigredine creare rubedinem vel virorem, sed nigredinem aliam priori similem.

Secundùm hanc ipforum positionem sequitur quoq; quòd scientia nostra, quam hodiè habemus, non sit scientia illa, quam habuimus heri: sed scientias illas privari, & creari alias prioribus similes; siquidem scientia ipsis est accidens. Sic de Anima dicere possumus; si illa sit accidens, in unoquoq; animali animà prædito singulis momentis centum-mille creari animas. Tempus enim juxta ipsos compositum est ex Instantibus, sive particulis temporis, quæ non possunt dividi.

Sic dicunt etiam secundùm istam hypothesin, quando Homo movet (*h.e. sibi videtur movere*) calamum, Hominem nequaquam illum movere, sed motum calami esse accidens à Deo in calamo creatum: motum item manûs, quæ secundùm nostram opinionem movet calamum, esse accidens à Deo in manu moventis creatum. Deum autem hanc consuetudinem observare tantùm, quando motus manûs accedit ad motum calami; manui verò nullam planè inesse actionem vel causam per se ad calamum movendum: nam Accidens transire è subjecto suo in aliud. Sic unanimiter quidam illorum dicunt; Si pannus albus intingatur in pelvim Indico repletam, & eo colore tingatur, nequaquam tamen Indici virtute fieri illam, quæ postea consequitur, panni nigredinem. Nigredinem enim accidens esse in corpore ipsius Indici, & per consequens non posse transire è subjecto suo in aliud. Præterea nullum corpus inveniri, quod actionem aliquam habeat, verùm ultimum tantùm Agens, DEUM videlicet; ac propterea illum efficere nigredinem in corpore panni, quando conjungitur cum Indico, quia hanc soleat tenere & observare consuetudinem. In summa, nullo modo aliquid, præter Ipsum, dici posse causam alicujus rei. Atque hæc quidem communis est illorum sententia. Sunt autem alii, qui causas aliquas admittunt, & istam sententiam rejiciunt. De Actionibus tamen Hominum dissentiunt. Plerorumque, in primis vulgi de secta *Haascharijah* vel *Afsaris*, sententia est, quòd cum movetur calamus, Deus quatuor accidentia creet, quorum neutrum causa sit alterius, sed quæ paria sint in essentia & conjuncta. Primum, esse Voluntatem ad movendum calamum: secundum, Potentiam ad movendum: tertium, Motum ipsum Hominis, h.e. motum manûs: quartum, motum Calami. Quando enim Homo rem aliquam vult, & eam facit, (ut ipse quidem opinatur,) tùm arbitrantur, & voluntatem, & potentiam ad faciendum, & actum ipsum in illo creatum esse; neque illum agere per potentiam concreatam, quæ actionem aliquam in actu ha-



beat. *Muatzali* autem dicunt, illum agere per potentiam ipsi concreatam: & quidam ex secta *Haascharjah* dicunt, potentiam illam creatam in actu, habere actionem aliquam in actu, quæ ab illa dependeat. Verum multi hanc sententiam rejecerunt. Cæterum, unanimi omnium consensu Voluntas illa creata, Potentia item & Actus creatus, ex quorundam sententia, omnia in universum sunt accidentia, quæ nullam durationem habent: sed Creator creat in calamo unum motum post alium, quamdiu calamus movetur; neque quiescit, nisi etiam quietem in illo creet, ejusque quietis creationem tamdiu tunc continuat, quamdiu calamus quiescit.

Hæc omnia si ita se habeant, sequitur, DEUM omnibus temporibus ex illis *Nunc*, h. e. singulis instantibus & singulis momentis Accidentia creare in variis Individuorum speciebus, quæ existunt, ut Angelis, Sphæris, &c. Et hanc dicunt veram esse fidem de Actione & Operatione Dei, omnesque illos, qui hoc non credunt, negare, DEUM esse omnium rerum causam efficientem. Meo autem, & omnium, nisi fallor, sanæ mentis hominum judicio, de istiusmodi opinionibus dici potest, *An, sicuti illuditu homini, illuderet ei?* Nam in rei veritate hoc nihil aliud est, quam ludere.

Jobi 13.9.

7. De Privationibus.

*Propositio septima* est, quod credunt, Privationes habituum esse res existentes in corpore, substantiæ ipsius additas, & esse quoque accidentia existentia, quæ semper & continuè creantur; quam-primum nempe aliqua perit, alia creatur. Declaratio hujus propositionis est. Non vident, Quietem esse privationem Morûs, Mortem privationem Vitæ, Cæcitatem privationem Visûs, & similia; sed Morûs & Quietis ratio illis eadem est, quæ Caloris & Frigoris. Et quemadmodum Calor & Frigus duo sunt accidentia, in duobus subjectis, Calorem & Frigus recipientibus, existentia: sic omnia Morus ipsa est accidens creatum in subjecto Mobili, & Quies accidens, quod creavit DEUS in subjecto Quiescente, quodque, ut reliqua accidentia, ne quidem per duo durat instantia, sicut in præcedenti propositione vidimus; Quiescens enim illud facit corpus, in cujus singulis partibus Deus quietem creat, & unâ cessante aliam, sicque continuè, quamdiu corpus quiescens quiescit.

Sic eadem est secundum illos ratio Scientiæ & Ignorantiæ. Ignorantia enim ipsis est Ens, & quidem accidens, ideoque quam-primum est creata, perit iterum, eâque pereunte illico creatur alia, quamdiu subjectum in ignorantia permanet.

Ita



Ita pariter dicunt, Vitam & Mortem esse accidentia, & palàm affirmant, quòd Vita pereat, & alia quotidie, immò singulis momentis creetur, quamdiù vivit id, quod Vità est præditum. Quando verò Deus vult illius Mortem, ipsum creare accidens Mortis, posteaquàm accidens Vitæ (*quod, ut dictum, non potest per duo momenta durare*) recessit. Et hæc omnia rotundè & apertè asserunt. Ex quibus sequitur, accidens Mortis quoque, quod Deus creat, privari & interire primo creationis suæ momento, Deumque statim aliam Mortem creare. Nam aliter Mors non posset continuari. Proinde, quemadmodum, ex ipsorum sententiâ, Vitam unam creat post aliam; sic creat quoque Mortem unam post aliam. Hic verò miror, quamdiù Deus creet Accidens illud Mortis in mortuo, omnibusne diebus, quibus forma & figura ejus durat, an autem omnibus diebus, quibus supereft substantia aliqua ex substantiis ejus? Nam Deus creat urique accidens illud Mortis, juxta sententiam illorum, in unaquaq; substantia individua. Nos verò invenimus, qui ante mille annos mortui sunt: quod argumento est, Deum non privasse substantiam illam; & per consequens, totis istis mille annis Mortem unam post alteram in illa creasse. Et hæc est vulgi inter ipsos opinio.

Quidam autem de secta *Muazzali* dicunt, aliquas Privationes rerum naturalium non esse res existentes; sed dicunt, Defatigationem esse privationem Potentiæ, Ignorantiam vel Stultitiam esse privationem Sapientiæ. Verùm non dicunt idem de omnibus Privationibus. Non enim statuunt, Tenebras esse privationem Lucis, vel Quietem privationem Morûs: sed faciunt Privationes quasdam Entia reverà Existentia; alias, Privationes habituum, prout nempe bonum ipsis videtur, sicut id quoque fecerunt in propositione præcedenti de Duratione accidentium, dum quædam dixerunt certum tempus durare, quædam verò ne per duo quidem momenta. Scopus enim illorum ubique est, Naturam rerum constituere, prout phantasie & fidei ipsorum videtur esse consentaneum.

Propositio octava est, Nullum esse Ens præter Substantiam & Accidens; Formasque naturales ipsas esse Accidentia. Declaratio hujus propositionis. Omnia corpora, illorum sententiâ, composita sunt ex substantiis similibus, sicut vidimus in propositione prima: & diversitas ac differentia omnis inter illa in nulla alia re consistit, quàm in accidentibus. Quocirca hoc modo omnia ista, *Vita, Humanitas, Sensus, Loquela* vel *Ratio*, juxta ipsos erunt accidentia, eadem planè ratione, quâ *Nigredo, Albedo, Amaritudo, Dulcedo*; ita ut non alia

8. Nihil esse præter Substantiam & Accidens.

sit differentia inter Individua diversarum specierum, quàm est inter Individua unius speciei. Proinde unam eandemque habebunt substantiam corpus Cœli, corpus Angelorum, corpus Throni gloriæ Dei (ut quidem in imaginatione concipi potest), corpus Vermis vel Plantæ alicujus, &c. tantum discrepabunt in accidentibus. Substantiæ autem omnium (*corporum*) sunt substantiæ individuæ.

9. *Accidentia se invicem nō sustinent.*

*Proposio nona* est: Accidentia se invicem non sustinere, neq; dici posse, Accidens aliquod esse prædicatū alterius Accidentis, & postea demum Substantiæ: sed Accidentia omnia æqualiter prædicari prædicatione primā de Substantia. Fugiūt autem hoc, (*quodd Accidentium se. unum sustinere possit aliud*), quia sequeretur, Accidens ultimum non posse inveniri vel existere in Substantia, nisi præcedente Accidente primo; id quod illi simpliciter negant. Volunt enim, Accidentia omnia posse existere in qualibet Substantia, neque illam habere Accidens aliquod proprium & peculiare. Sed & propter aliam rationem hoc negare coacti sunt. Nam necesse est, ut Subiectum, de quo Adjunctum prædicatur, per certum aliquod tempus firmum sit & durable. Quodd si autem Accidens, ut ajunt, ne per duo quidem momenta durare possit, quomodo poterit sustinere aliud, alteriusve esse subiectum?

10. *De Possibilitate omnium potest.*

*Proposio decima*, est Transitus ille, vel Translatio, (h.e. ut Hebræi explicant, פְּסִיבִילִיתָא Possibilitas illa) cujus mentionem faciunt, quæ est veluti columna Sapientiæ Loquentium.

Declaratio ejus. Dicunt; Omnia ea, quæcunq; nobis imaginamur, transire quoque posse ad Intellectum, (h.e. *possibilia esse, credi posse in Intellectu*). Verbi gratiā, fieri posse in consideratione Intellectus, ut globus Terræ convertatur in Sphæram orbicularem; vel contrā, Sphæra cœlestis in globum Terræ: item, ut moveatur globus Ignis versus centrum, vel ad medium, & globus Terræ versus peripheriā, h.e. à medio: neque enim unum locum corpori alicui per se magis esse convenientem altero secundum hunc *Transitum* vel hanc *Possibilitatem intellectualem*. Sic de rebus visibilibus dicunt, fieri posse, ut unaquæq; illarum sit major vel minor quàm est, vel etiam ut contrariam planè formam, figuram vel locum obtineat. E. g. Ut Homo sit instar montis, habeat multa capita, volet per aërem, vel ut existat elephas instar pediculi aut pulicis, & vicissim pulex instar elephantis. Omnia hæc dicunt transire secundum Intellectum, (h.e. *possibilia esse, vel recipi posse in Intellectu*), & universum Mundum sequi istum *Transitum*, vel istam *Possibilitatem*. Ita de quavis re, quam sub hac specie

specie ponunt, ajunt, conveniens quidem esse (*secundum ordinarium se. cursum & consuetudinem*), ut ita sit prout est, sed fieri quoq; posse, ut sit aliter, neque ullam esse rationem, cur res quæpiam ita potius sit vel esse debeat quàm aliter; contemnentes planè totam rerum Naturam. Præterea etiam dicunt, ex consuetudine tantum esse, quòd Ens aliquid certas habeat formas, mensuras determinatas, aliasque res necessarias, quæ non mutantur vel variantur. Quemadmodum enim consuetudo tantum est, quòd Rex non nisi equo per vicos civitatis ire solet, neque unquam aliter videatur; (neq; enim impossibile est secundum Intellectum, ut pedes eat, sed sine dubio maximè est possibile, & transit secundum Intellectum). Sic dicunt, consuetudinem tantum esse, quòd Terra moveatur versùs centrum, & Ignis sursum; vel, quòd Ignis calefaciat, & Aqua infrigider; neque impossibile esse in Intellectu, ut hæc consuetudo mutetur, ita ut Ignis infrigider & deorsum moveatur, Ignisque maneat; Aqua calefaciat & kursum moveatur, Aquaque sit & maneat. Er super hoc fundamentum exstruxerunt totum negotium.

His tamen omnibus nihil obstantibus, consentiunt in hoc; falsum esse, duo Contraria simul esse posse in eodem subiecto & instati uno, nulloq; modo Intellectum hoc admittere. Sic dicunt, impossibile esse, ut substantia existat sine omni accidente, vel accidens sine subiecto, ut quidam ex illis asseverant. Item, Substantiam non posse converti in accidens; vel contrà, Accidens in substantiam; neque posse corpus unum ingredi vel penetrare alterum; sed impossibilia esse hæc omnia secundum Intellectum.

Quòd verò ea habent pro Impossibilibus, quæ non possunt formari vel concipi; & quòd è contrario ea vocant Possibilia, quæ formari & concipi possunt; id equidem verum est. Sed dicunt Philosophi, quia hanc conceptionem vel formationem sumitis de Imaginatione & Phantasia, non de Intellectu, idè illa quoque possibilia sunt tantum in Imaginatione, non in Intellectu. Quocirca consideratis in hac Propositione Necessarium, Possibile, & Impossibile, nunc de Imaginatione, nequaquam autem de Intellectu; nunc de Sensu communi, quemadmodum hoc quoque observavit *Abunazar*, dum explicat, quidnam illud in rei veritate sit, quod *Loquentes* vocant Intellectum.

Ita ergo liquet, omne id, juxta illos, esse Possibile, quod in imaginatione cogitari potest & concipi, sive conveniat cum rerum natura, sive non conveniat: & è contrario Impossibile, quodcunque ima-

ginari

ginari nobis non possumus. Atq; hæc Propositio non potest ab ipsis verificari, nisi post novem præcedentes, ideoq; sine dubio necessarium fuit, ut illas præmitteremus; id quod tibi ulterius colloquio vel disputatione inter *Loquentem* & *Philosophum*, declarabo.

*Colloquium inter  
Loquentem  
& Philosophū.*

*Dixit Loquens Philosopho;* Quare Ferrum est in summo gradu durum & nigrum? Butyrum autem in summo gradu molle & album?

*Respondit Philosophus;* Omne corpus naturale duas habet species accidentium. Alia ipsi accidunt ratione Materiæ, ut Sanitas, Morbus; alia respectu Formæ, ut Risus, Fletus. Materiæ autem corporum compolitorum compositione ultimâ, diversæ admodum sunt secundum formas materiis appropriatas, ita ut substantia Ferri contraria sit substantiæ ipsius Butyri, unde etiam diversa sequuntur illa accidentia. Quòdenim vides unum esse Durum, alterum Molle, ista diversitas oritur ex diversitate formarum; Nigredo verò & Albedo sequuntur è diversitate Materialium ultimarum.

*Loquens hanc Philosophi responsionem per sua principia refellit & destruit.* Dicit enim: Nulla planè, ut existimas, est forma, quæ ita constituit vel disponit substantiam, ut possit substantias diversas constituere; sed omnia sunt mera accidentia, sicut ex ipsorum sententiâ exposuimus in Propositione octavâ. Deinde ait: Nulla est differentia inter substantiam Ferri & Butyri, sed ambo sunt composita ex substantiis individuis similibus, prout vidimus in Propositione primâ, ex quâ etiam sequitur propositio secunda & tertia, quemadmodum exposuimus, item duodecima. Præterea, ex sententia *Loquentis*, nulla substantia habet accidentia propria, ita ut præter eam recipere quoque possit accidentia secundaria. Accidens enim, juxta ipsos, non sustinet accidens aliud, ut visum est in propositione nonâ. Insuper, accidens nullam habet substantiam vel durationem, ut audivimus in propositione sextâ. Cùm ergo omnia ista à *Loquente* secundum propositiones suas posita fuerint, & ex iis conluserit, substantiam Ferri & Butyri unam esse eandemque, comparisonem item vel proportionem inter quamlibet substantiam & quodvis accidens unam esse, neque unam substantiam accidenti alicui magis convenire quàm alteram: & quemadmodum uni substantiæ separatae non magis competit motus quàm alteri; sic non esse unam substantiam magis idoneam quàm aliam, ad recipiendum accidens Vitæ, Mortis, Intellectûs, Sensûs, nihilque ad hanc rem conferre multitudinem vel paucitatem substantiarum cùm accidentia existant in qualibet substantia separata, sicuti declaravimus in propositione  
iplo-

ipſorum quintâ. Et ex his propoſitionibus omnibus quoq; ſequitur, Hominem non eſſe magis idoneum ad intelligendû quàm Veſpertilionem, & per conſequens Veſpertilionem transformari poſſe & intelligentem fieri, omneque adeò id, quod in hac Propoſitione de Translatione ſive *miſtaſion* dixerunt. Atq; propter hanc propoſitionem ſuſceptus eſt omnis labor & contentio *Loquentium*, quia præcipuum ipſorum eſt fundamētum, quo ſua dogmata cōfirmant, prout exponetur.

*Noſtricia.* Quòd ſi, Lector chariſſime, intellexeris doctrinam de Anima & ejus facultatibus, ſingulaque, prout in rei veritate & natura ſe habent, tibi perſpecta fuerint, ſcies, majorem Animalium partem, & quæ perfectiora ſunt, (h. e. quæ Corde, membro nobiliſſimo, inſtructa ſunt), Imaginationis facultatem habere, Hominemque ab aliis Animantibus non diſtingui Imaginatione, neque Imaginationem idem eſſe quod Intellectum, ſed ejus contrarium. Nam Intellectus diſſolvit compoſita, & partes illorum ſeparat, illaq; abſtrahit ac in veritate & cauſis cognoscit, concipit, & ſibi imprimat. Item de re unâ multa apprehendit, inter quæ ſecundùm Intellectum tanta eſt differentia, quanta eſt in Imaginatione inter duas perſonas. Intellectu dignoſcitur Univerſale à Singulari, nullaq; niſi per Univerſalia verificatur demonſtratio. Intellectu novit Homo diſcernere inter Adjuncta Eſſentialia & Accidentalialia. Imaginatione verò nullam iſtarum facultatum & operationum habet. Illa etenim non apprehendit niſi Singularia; vel enim apprehendit compoſitum in univerſalitate ſua, prout ſenſus illud apprehendunt; vel componit diſperſa & ſeparata inter ſe invicem, ac ex illis corpus unum, vel facultatem corporis unam conficit: ut, cùm aliquis ſibi imaginatur, Hominem quendam habere caput equinum, alas & ſimilia; hoc vocatur Figmentum & Mendacium, quia in toto Mundo nuſpiam reperitur. Denique, non poteſt Imaginatione ullum Univerſale apprehendere, ut apprehenſio ejus non habeat materiæ reſpectum, licet formam abſtrahat abſtractione accuratiſſimâ. Idè nulla vera conſideratio vel notio poteſt eſſe in Imaginatione. Attende parùm, quantum nobis hic proſit Artium Mathematicarum cognitio, & quàm utilia ac præſtantia ſint, quæ inde ſumimus, principia. Sunt quædam, quæ cùm Homo conſiderat, non poteſt in Imaginatione formare & concipere, ſed invenit, imaginationem illorum æquè eſſe impoſſibilem, atque impoſſibilis eſt congregatio duorum contrariorum in uno ſubjecto; & tamè poſteà per demonſtrationem oſten-

*Artium Mathematicarum  
uſum.*

ditur, rem illam, quæ in Imaginatione fuit impossibilis, reverà existere. Sic, si tibi imagineris Globum immensæ magnitudinis, instar Sphæræ supremæ, & per ejus medium sive centrum transire diametrum, duosq; viros pedibus suis in linea recta stare super duas extremitates diametri ab utraq; parte tùm necessariò diameter vel erit contrarius & oppositus Horizoni, vel non erit: si fuerit, necessariò ambo cadent; si non, cader tantùm unus, inferior nempe, alter verò stabit, secundùm apprehensionem Imaginationis. At vero per certas demonstrationes ostensum est, Terià esse globosam, & inhabitatam esse super ambabus extremitatibus diametri, ac utriusq; extremitatis incolę caput Cœlũ versùs spectare, pedesq; unius oppositos esse pedibus alterius, qui in altera & opposita parte habitat, neq; tamen formaliter in intellectu cogitari posse, ullum cadere; propterea quòd non sit unus suprà, alter infrà, sed uterque est suprà & infrà pro diversa relatione ad alterum. Ita demonstratum est in parte secunda libri חחרותם *Hacharuthim*, fieri posse, ut duæ lineæ dentur, inter quas ab initio sit spatium & interstitium quoddam, quod promensura protractionis linearum coarctetur, neque tamen unquam concurrant lineæ, licet in infinitum extenderentur, & tantò propius semper conjungantur, quantò longiores sunt: id quod nullà ratione imaginari nobis possumus. Duarum autem illarum linearum unam oportet esse rectam, alteram obliquam, sicuti ibi explicatur. Quocirca videmus hinc, existere quædam, quæ nullo modo cogitare vel imaginari nobis possumus, sed juxta imaginationem planè sunt impossibilia: & econtrà demonstratum est, Imaginationem quædam affirmare, quæ impossibilia sunt; ut, quòd Deus sit corporeus, quia secundùm Imaginationem nihil potest existere, nisi corpus vel res corporea. Atq; ita etiam apparet nunc, id, quo Homo probat Decens, h.e. *Necessarium*, Transiens, h.e. *Possibile*, & Impossibile, aliquid aliud esse quàm Imaginationem, quæ speculatio longè est præstantissima & utilissima ei, qui cupit è tenebris istis Imaginationis emergere. Neq; existimes, *Loquentes* hujus rei planè ignaros fuisse; nam omninò aliquam hujus rei cognitionem habuerunt. Hinc ea, quæ imaginari nobis possumus & tamen sunt impossibilia, ut, quòd Deus sit corporeus; dixerunt *Ascendere in spiritum cogitationis, non in Imaginationem*, & sæpissimè dicunt, *Cogitationes fallere*. Propter hanc ergo causam opus habuerunt novem præcedentibus propositionibus, ut stabilirent decimam istam propositionem de Possibilitate sive Transitu cujusvis rei, quam possibilem esse censent secundùm Imagina-

ginationem, propter similitudinem Substantiarū, & æqualitatē sive paritatē Accidentiū, sicuti declaravimus. Ex his, Lector charissime, Speculatio profunda admodum exsurgit, quomodo sc., si de quibusdā cōceptionibus unus dicar, quod sint Imaginarie, alius, quod Intellectuales, nos aliā possumus viā Imaginaria discernere ab Intellectu- libus, quā Philosophi. Quodd si enim dixerit Philosophus, *Ipsa existētia testis mihi est sufficiens*, & per illam possum probare Necessariū, Possibile & Impossibile; dicet ipsi Adversarius, Hoc ipsum est τὸ περιεχόμενον, de quo cōtrovertitur: Istam enim Rem. vel istud Ens ego factū esse dico per liberrimam voluntatem, nequaquam autem necessariō existere: & quando hac formā factum est, potuisset etiā fieri contrariā planē; neq; præcisē judicat intellectus, illam non aliter esse posse, ut tu cogitas. Verūm de porta ista Transitus sive Possibilitatis alibi *part. 2. cap. 19.* adhuc verba sum facturus.

*Proposito undecima* est, Falsum esse, dari Infinitum.

11. *Non dari Infinitum.*

Cujus declaratio est. Jam demonstratū est, impossibile esse, ut vel unum existat corpus infinitū, h. e. infinite magnitudinis; vel, ut dentur multa corpora, licet per se finita, numero infinita: vel, ut infinita plura simul sint eodem tempore. Sic falsum est, dari causas infinitas, h. e. rem quandam esse causam rei alterius, hanc iterum alius, & sic consequenter dari causam causę in infinitū, ita ut actu possint plura numerari infinita, sive sint corpora, sive à corporibus abstracta, quorum unum sit causa alterius. Hic enim est ordo naturalis essentialis, in quo, non dari Infinitum, demonstrari potest.

Quod verò attinet existentiā Infiniti in potentia vel in accidenti, illa ita comparata est, ut in quibusdā certō demonstrari possit. Sic enim ostendi potest, Corpus & Tempus posse dividi in infinitum potentiā. In quibusdā verò indiget consideratione, ut in illo, quod Infinitum est non nisi per accidens, (quod etiam vocatur *Infinitū per accidens*), quando sc. post unius rei privationem, in ejus locum succedit alia, post hanc tertia, & sic continuē in infinitū usq;. Hęc res profundā admodum indiget speculatione & consideratione. Qui de probatione Æternitatis Mundi gloriatur, (ut *Aristoteles*), dicit Tempus sine fine esse, & tamen nihil ipsi hinc falsi vel absurdi consequitur; quia quando una pars temporis desinit, semper alia sequitur. Sic Accidentium unum post alterum accedere materię in infinitum, neq; tamen etiam hinc falsum quid sequitur, quia Accidentia illa non simul existunt, sed successivē recedente uno, subsequitur aliud. Hęc sanē talia sunt, quorum Impossibilitas non potest demonstrari.



*Loquentes* autem omne Infinitum rejiciunt, ipsisq; perinde est, siue dicas, Corpus unum dari infinite quantitatē; siue dicas, Tempus & Corpus posse dividi in infinitum: nihil etiam interest secundum illos, si dicatur, res numero infinitas existere simul: ut si dicas, Homines, qui nunc existunt, esse infinitos; aut si dicatur, res quasdam percingere posse ad infinitum, per priorum sc. continuam privationem & sequentium successione: ut cum dicis, Ruben Filius Jacobi, Jacob F. Isaaci, Isaac F. Abrahami, & sic in infinitum. Hoc enim juxta ipsos itidem absurdum æquē est ac prius, istaq; quatuor Infiniti species illis sunt æquales. De ultima tamen non nihil dissentiunt. Nam quidam illorum conati sunt demonstrationibus impossibilitatem ejus evincere, prout illas alibi in hoc libro tibi sum indicaturus: alii verò dixerunt, esse hoc per se notum & intelligibile in principio cogitationis, neq; demonstratione egere. At si ita apertè & manifestè falsum esset, non dari infinita talia per successione, licet in præsentī tempore sint finita, sanè in principio cogitationis quoq; falsa esset Æternitas Mundi, neque aliis principiis ad eam destruendam opus foret. Sed hujus rei indagatio non est præsentis loci.

12. Sensus in multis errare.

*Propositio duodecima* est; Sensus non semper nobis repræsentare veritatem. Duobus enim modis æstimant Apprehensionem sensuū. *Primò* dicunt, multa sensibilia latent sensus, & ab illorum apprehensione sunt abscondita, idq; vel propter exiguitatem corporis sensibilibus, uti dicunt de Substantia separata vel individua; vel propter distantiam sensibilibus à sentiente, quemadmodum Homo non potest Videre, Audire, vel Odorari per distantiam aliquot milliarium, neq; potest sensibus apprehendere motum cælorum. *Secundò* ajunt, Sensus errare in apprehendēdis objectis. Cum enim Homo longius distat à re quapiam, tūc quod magnum est, parvum ipsi videtur; & res parva in aqua existens ipsi videtur magna; curvum ipsi videtur quod rectum, cum pars ejus est in aqua, pars extra aquam. Sic Aurigine vel Ictero laborantibus omnia videntur flava; & in cujus lingua bilis flava est, ei omnia dulcia videntur amara, &c. Has ergo ob causas dicunt, Sensibus minimè fidendum, neq; ab illis principia demonstrativa sumenda esse. Noli autem existimare, quasi primi *Loquentes* frustra in propositionem hanc consenserint, quemadmodum multi ex posterioribus existimant, superfluum fuisse, quodd tantum studium adhibuerint in stabiliendis Atomis. Omnia enim ista principia, quæ hæctenus à nobis explicata, necessaria illis sunt, cumq; unum illorum tollitur & destruitur, corrumpitur simul totum ipsum



rum propositum. Hæc ultimâ verò propositione inprimis & quàm maximè opus habent. Cùm enim sensibus nostris quædam apprehendimus, illa destruentia, quæ ab ipsis affirmantur, tùm dicunt, Non esse respiciendum ad sensus, nullamque illorum rationem habendam, posteaquàm jam demonstratum sit, ut arbitrantur, restem advocandum esse tantùm Intellectum: ut, cùm dicunt, Quietes ingredi in motum continuum, & Molam dissipari in motu circulari; item, Albedinem in panno vel vestimento privari, & supervenire aliam: quæ contraria planè sunt iis, quæ sensibus apparent; quemadmodum etiam ex assertione Vacui multa consequuntur sensibus repugnantia: ad hæc omnia respondent, ista sensus effugere propter summam ipsorum subtilitatem. In aliis verò dicunt sensus errare. Hæc autem opiniones omnes quod attinet, nōsti illas esse antiquissimas, de quibus tamen Sophistæ (posteriores) gloriati sunt, quasi ipsi primi essent illarum auctores & inventores, sicut meminit Galenus in libro suo de Facultatibus naturalibus, de iis, qui sensibus contradicebant, ubi multa alia commemorat, quæ tibi non sunt incognita.

His ergo principiis & propositionibus præmissis, nunc me accingam ad exponendum, quâ ratione quatuor antehac commemoratas quæstiones probent & adstruant.

CAP. LXXIV.

*Probationes Loquentium, Mundum esse novum.*

**I**N capite isto proponam tibi rationes, quibus probât Loquentes, *Via. quibus Loquentes Novitatem Mundi adstruunt.*  
*Mundum esse novum;* quod tamen ut prolixius ipso met verbis faciam, non est quòd exspectes. Verùm intentionem tantùm, & vias sive modos probationum, quibus unusquisque Novitatem Mundi adstruit, vel Antiquitatem ejus destruit, principiaq; quibus innititur, breviter tibi indicabo: ita ut, si ipsos met illorum libros prolixosque Commentarios sis perlecturus, nihil aliud in iis sis inventurus, quàm nos hic producemus, nisi fortè majorem copiam, elegantiam, aut profunditatem vel obscuritatem sermonis ac verborum, ad obstupesciendum & in admirationem quasi rapiendum auditorem vel lectorem. Præterea, invenies in libris eorum crebras ταυτολογίας, sive unius rei repetitiones & iterationes, objectiones item multas & responsiones ad illas, omnisq; ad eò generis rationes & modos, contra dissentientes ab ipsis insurgendi.

*Via prima.* *Via prima.* Dicunt quidam; In uno innovato (h.e. *creato*) haberi probationem, totum Mundum talem esse. Q. d. Falsum est, Rubenem, qui primò fuit gutta seminis, postea per varias mutationes perfectionem suam adeptus est semet-iplum ita immutasse; sed aliud est sine dubio, qui ipsum tam variè mutavit, & per consequens opus habuit Efficiente aliquo, qui ipsum formaret, & de una forma in aliam quasi transferret. Et sic idem quoq; de Arbore vel alia Planta dici potest. Ergo eadem est ratio totius Mundi.

Unde vides, hos credere, quicquid in uno aliquo corpore invenitur, illud iudicandum esse inveniri quoq; in omnibus: (*id quod falsum est, subintellige*).

*Via secunda.* *Via secunda.* Dicunt; Ex innovatione singularis vel individui aliqujus ex eorum genere, quæ nascuntur, per demonstrationem patere, totum Mundum innovatum esse.

Declaratio. Ruben aliquando non fuit, postea autem fuit vel exiit. Id autem cum fieri non potuerit nisi à Jacobo patre suo, sequitur, & hunc esse innovatum vel ortum. Hic iterum cum existere non potuerit nisi ab Isaac patre suo, sequitur, & hunc esse ortum, & quidem ab Abrahamo, & per consequens & hunc ortum habere; sicq; procedi posset in infinitum, siquidem Mundus non esset novus, sed ab æterno. At verò jam supposuerunt, falsum esse, dari hoc pacto Infinitum, sicut exposuimus in Propositione ipsorum undecimâ. Sic ergo, si pervenias ad primum tandem Hominem, Adamum videlicet, sine patre genitum, orietur quæstio, undenam hic sit genitus? Si dicatur v. g. è pulvere; quæri poterit, unde iste pulvis? Si dicatur, ex aqua verbi gratiâ; & ulterius quærat, ex quânam re aqua illa? Dicent, hoc progredieretur in infinitum. Falsum autem est, dari Infinitum: vel devenietur tandem ad existentiam rerum post puram-puram privationem, quæ ipsissima juxta illos est veritas, hicq; subsistendum esse dicent. Dicunt enim, Demonstrativum esse hoc, Mundum existere in cepisse post meram & absolutam privationem.

*Via tertia.* *Via tertia.* Dicunt; Substantiæ Mundi non possunt effugere, quin sint vel Conjunctæ, vel Separatæ; quin item quædam illarum aliquando Congregentur, & aliâ vice iterum Separentur: manifestumque est ex consideratione vel intellectu Substantiæ illarum, neque Congregationem, neque Separationem tantum ipsis convenire. Quod si enim Substantia & natura illarum postularer, ut tantum sint Separatæ, in æternum nunquam conjungerentur: sic, si natura illarum decerneret, ut tantum sint Conjunctæ, in æternum nunquam

quam separarentur; ideoque neque Congregatio illis magis convenit quam Segregatio, neque Segregatio magis quam Congregatio. Quocirca, quòd videmus quasdam congregari, quasdam verò separari, & quasdam alternatim nunc congregari, nunc segregari, argumento hoc est, substantias istas opus habere aliquo, qui congreget illas, quæ congregantur, & qui separet illas, quæ separantur. Atque istud dicunt certissimam esse probationem, Mundum esse de novo creatum. Ex quo vides, auctorem viæ istius niti propositione primâ, & iis, quæ ex illa sequuntur.

*Via quarta.* Dicunt; Totus Mundus compositus est ex Substantia & Accidenti, neque ulla Substantia sine Accidenti uno vel pluribus esse potest. Accidentia autem omnia sunt de novo creata. Quocirca sequitur, Substantiam quoque, quæ subjectum est illorum Accidentium, creatam esse. Quicquid enim creatis est conjunctum, quodque sine illis esse nequit, id ipsum quoque de novo creatum esse necesse est, & per consequens evincitur, totum Mundum novum esse.

Quòd si quis dicat; fortè Substantia non est nova, sed Accidentia, quæ illi successivè in infinitum accedunt: dicent; si hoc esset, sequeretur infinita esse illorum, quæ innovantur: quod verò tanquam falsum saltem rejecerunt.

Atque istam viam habent pro optima & omnium solidissima, ita ut multi arbitrati fuerint, illam esse demonstrativam. Tres autem in illa, ut consideranti apparet, præsupponunt hypothesès, quibus opus habuerunt.

*Prima* est: Non dari Infinitum per successionem, ita ut, cum unum recedit, aliud ipsi in infinitum usque succedat.

*Secunda:* Omne Accidens esse innovatum. At verò Adversarius, qui pro Æternitate Mundi pugnat, de omnibus accidentibus verum hoc esse negabit. Motum enim circularem Aristoteles statuit neque generari; neque corrumpi; ideoque etiam subjectum mobile, quod illo motu moveretur, neque generari, neque corrumpi dicit. Proinde supervacaneum & inutile est, ut diù immoremur in asserenda novitate Accidentium reliquorum, quorum novitatem Adversarius noster non oppugnat; sed concedit, unum in alterius locum ubique succedere, unico tantum hoc excepto, *Motu circulari*, h. e. motu Sphæræ illius, quæ non est innovata, neque de specie reliquorum Accidentium de novo creatorum. De hoc ergo unico Accidente dispendium & inquirendum est, ejusque, tantum Novitas ostendenda.

*Tertia*

*Tertia* hypothesis, quam author viæ istius assumit, est; Nullum Ens sensibus apprehendi præter Substantiam & Accidens, h.e. præter Substantiam illam individuum, de qua loquuntur, & ejus Accidentia.

Verùm si sit corpus compositum ex materia & forma, sicut per demonstrationem ostendit Adversarius noster, demonstrandum est, Materiam primam, & Formam primam esse generabiles & corruptibiles. Tum enim quoque demonstrata erit Æternitas Mundi.

*Via quinta.*

*Via quinta*, est via Appropriationis vel Proprii, à multis admodum usurpata, cujusque sensus redit ad illud, quod declaravi tibi in Propositione ipsorum decimâ. Hi respiciunt & considerant Mundum vel in tota sua substantia, vel in aliqua ejus parte, dicuntque; Possibile est ut hæc res, prout est, habeat talem formam, mensuram, talia accidentia, istud tempus vel locus: & possibile quoque est, ut sit major, minor, ut habeat contrariam formam, alia accidentia, aut ut existeret ante illud tempus, vel post illud, alioque in loco. Proinde dum ei assignata & appropriata est certa figura, mensura, tempus, locus, aliaque accidentia, cum possibilitate tamen, ut contrario modo se habeat; inde probant, necessarium esse, ut sit aliquis, qui appropriaverit & elegerit alterum ex duobus istis possibilibus; item, ut Mundus in sua substantia, vel aliquâ parte, habeat Appropriatorem, & per consequens, ut sit conditus & creatus. Nulla enim est differentia, siue dicas Appropriatorem, siue Efficientem, siue Creatorem, siue Existere facientem, aut Innovantem, vel Intendentem. Idem enim omnium horum est sensus.

Atque secundùm hanc viam multos fecerunt ramos tum generales & communes, tum speciales & proprios. Hinc enim dicunt; Non esse magis conveniens, ut Terra sit sub Aquis, quàm ut sit super Aquas; quis ergo est, qui ei hunc locum appropriavit? Item, non est ulla ratio, cur Sol potius sit aut esse debeat rotundus, quàm quadratus, vel triangularis, quia par est ratio omnium formarum ad quævis corpora formas recipientia; quis ergo est, qui Soli hanc formam appropriavit? Et sic etiam considerant vel intelligunt singularia totius Mundi, ita ut summopere admirentur, cum vident flores diversorum colorum, hancque diversitatem pro certissima probatione habeant. Dicunt enim, Terra est una; Aqua similiter est una; unde est ergo, quòd flores alii sint virides, alii rubri? Sanè hoc non potest aliunde esse, quàm à quodam certo Appropriatore, qui illis hunc vel illum colorem appropriat. Quis autem ille Appropriator præ-

præter Deum? Quapropter concludunt, necesse est ut totus Mundus Appropriatorem habeat, qui tùm illum totum, tùm singulas ejus partes appropriârit.

Atque hæc omnia colligunt ex propositione sua decima, ideoque non magni sunt momenti: ut jam taceam, quòd quidam illorum, qui defendunt æternitatem Mundi, non contradicant nobis in Proprio, sicut explicabo. Est tamen hæc via, meo judicio, omnium optima, de qua etiam meam sententiam alicubi adhuc tibi explicabo. PART. 2. C. 19.

*Via sexta.* Existimavit quidam ex posterioribus, se viam invenisse præstantissimam, & quidem præcedentibus omnibus longè excellentiorem. Via autem illa est Præponderatio existentiae super privationem, (h.e. quòd *Existentia rerum existentium, Privationi illarum præponderata & prælata sit, cum utraque fuerit æquè possibilis*).

Dicit: Apud quosvis homines in confesso est, Mundum esse existentiae possibilis. Nam si existentiam haberet necessariam, esset Deus ipsemet. Res enim nobis est utique cum illo, qui confitetur existentiam Dei, & affirmat æternitatem Mundi. Possibile autem est id, quod possibile est ut existat, & possibile est ut non existat, cuique non magis convenit existentia quàm privatio. Quocirca id, quod existit existentia possibili, ita ut æquè possibilis sit existentia atque privatio illius; illud inquam probat nobis, esse Præponderatorem, qui præponderârit Existentiam Privationi illius.

Atque hæc via sufficientissima ipsis longè videtur. Verùm nihil aliud est, quàm ramus viæ præcedentis de Appropriatione sive proprio, nisi quòd pro Appropriatore hic substituatur Præponderator, & Ens mutetur in Existentiam ipsius Entis.

At verò vel imponit nobis hic author istius viæ, vel errat ipsemet in eo, quòd dicit, Mundum esse existentiae possibilis. Adversarius enim noster, qui credit Æternitatem Mundi, vocem *Possibilis*, cum ait, *Mundum esse existentia possibilis*, longè alio sensu usurpat, quàm *Loquens*, sicut explicabimus. Præterea, quòd ait, Mundum habere necessariò Præponderatorem, qui præponderârit Existentiam illius Privationi ejusdem, id adhuc maximoperè dubium est. Nam Præponderatio & Appropriatio vel sunt Entis, quòd aptum est ad recipiendum unumquodque duorum contrariorum, vel sunt duarum rerum æqualiter inter se discrepantium & differentium, ita ut dicatur; Posteaquàm deprehendimus hoc isto modo, & non alio, id demonstrat esse Efficientem aliquem, qui hoc intenderit; ut, si diceret,

Quandoquidem hoc *Æs*, quod non est magis aptum ad recipiendam formam cacabi, quàm ad formam candelabri, invenimus in forma cacabi vel candelabri, inde equidem scimus fuisse quendam Appropriatorem & Intendentem, qui intenderit alterum ex istis duobus possibilibus: quia hic manifestum est, *æs* extitisse, & utroque isto attributo possibili caruisse, privatumque fuisse ante præponderationem præponderantis. Verùm, si quæstio sit de re quapiam, de qua controversum est, an semper extiterit, aut post privationem demùm existere cœperit? de illa nullo modò hoc mente concipi vel dici potest: neque quæri potest, quis præponderaverit Existentiæ ejus Privationi illius, nisi antea demonstratum sit, illam post Privationem existere incepisse. Jam autem illud in hæc materia, de qua hic agemus, disceptatur. Quòd si verò Existentiæ & Privationem imaginationis tantùm hic intelligere velimus, iterum redimus ad Propositionem decimam, quæ est de Intelligentia imaginationum & cogitationum, non verò rerum existentium & intelligibilium; quia Adversarius noster, qui credit *Æternitatem* Mundi, censet Imaginationem privationis illius non aliter se habere, quàm Imaginationem omnium impossibilium, quæ cadunt in Imaginationem. Verùm non est propositi nostri illorum verba refutare. Tantùm volui tibi explicare, Viam istam, quam ipsi diversam longè existimant à præcedente, eandem omninò cum illa esse, nec quicquam ab ea differre.

*Via septima.*

*Via septima*, quâ itidem recentiorum quidam utitur. Vult hic stabilire Novitatem Mundi per id, quod Philosophi dicunt de Animis, illas non interire, sed perpetuò superstites manere.

Dicit; Si Mundus est antiquus vel æternus, sequitur, semper Homines aliquos mori, infinitumque esse eorum, qui moriuntur, numerum, & per consequens infinitas esse Animas, & quidem simul existentes. Atqui jam demonstratum est, hoc posterius esse falsum, existere posse plura numerabilia infinita simul & eodem tempore.

Verùm mirabilis admodum est ista via, quæ ignotum probat per magis ignotum; adeò ut verissimè de ea tritum illud proverbium dici possit: *Fidejussor tuus fidejussore eget*. Argumentatur etenim, ac si jam demonstratum esset, Animas superstites manere, & sciret, quânam ratione sint superstites; quid denique illud sit, quod superstites manet. Quòd si veller dubium hinc injicere Adversario, qui credit æternitatem Mundi cum permanensione Animarum, tùm necesse

cesse foret, ut Adversarius permanentiam Animarum eodem modo sumeret & intelligeret sicut ipse.

Sed solverunt dubium istud quidam ex posterioribus Philosophis, dum dixerunt, Animas remanentes non esse corpora, ut loco comprehendantur; neque esse quid positivum, ut Infinitum in existentia illarum sit impossibile. Novisse enim debes, de rebus abstractis (h.e. quæ neque sunt corpus, neque potentia in corpore, sed Intelligentiæ) nullam multitudinem ullo modo firmiter posse concipi vel intelligi, nisi ex illis aliæ aliarum sint causæ, ita ut una habeat rationem causæ, altera effecti. At verò id, quod remanet de Rubene, neque est causa, neque effectum illius, quod remanet de Simeone. Ideoque sequitur, illa numero unum esse, sicut explicavit *Aben-Bachar* & *Aben-Zaig*, & alii, qui de profundis istis rebus scripserunt.

Summa est, Ab ejusmodi rebus incognitis & abstrusis, quæ cogitationes nostras superant, non esse sumenda principia, quibus alias res probemus.

Scias autem, unicuique, qui viis istis conatur confirmare Novitatem Mundi, vel Antiquitatem ejus refutare, necessariò auxilium sumendum esse vel ab una duarum istarum propositionum, vel ab ambabus; Propositione videlicet decimâ de Transitu illo, sive de Possibilitate illa imaginaria, ita ut stabiliat Appropriatorem, qui unicuique rei proprietatem suam dederit, vel Propositione undecimâ, quâ refellit Infinitum per successionem, quam propositionem variè verificare nituntur. Quòd si enim respiciatur ad speciem quandam, cujus individua generationi & corruptioni sunt obnoxia, tempusq; præteritum consideretur; tùm dicunt sequi secundum opinionem credentium Æternitatem Mundi, Individua hujus vel illius speciei, quæ usque ad hoc tempus extiterunt, esse infinita; &, si illis adjungantur deinde ejusdem speciei individua post illud tempus (quod verbi gratiâ ponatur mille annorum) existentia, iterum esse infinita; atque ita posteriorem hunc Individuorum complexum majorem esse complexu priori; & per consequens, unum Infinitum esse majus altero. Et sic faciunt quoq; in Motibus circularibus Sphærarum, atq; ex illis etiam, ut quidem opinantur, sequi ajunt, circuitiones infinitas Sphæræ unius majores esse circuitionibus Sphæræ alterius, diversasque esse illarum circuitionum species, quarum unaquæque sit infinita. Ita de unaquaque Accidentium specie inquirunt, quæ in individuo abstractè considerant, sibi quæ illa, ac si existerent, ima-



ginantur, & quasi res essent, quæ certum habeant principium, atque ita ad complexum illum imaginarium postea addunt, vel ab illo detrahunt. Verum omnia sunt Entia tantum in Imaginatione & cogitatione existentia, & jam pridem propositioni isti (*undecime sc. de falsitate Infiniti*) cervicem fregit *Abunazar Alpharabius*, illiusque incertitudinem secundum omnia ejus particularia derexit, sicut id reperies manifestè, si sine affectu & præconceptra opinione legeris Librum ipsius celeberrimum *de Entibus, quæ mutantur*.

Atque hæc sunt principales viæ & modi *Loquentium*, quibus Novitatem Mundi probant. Hac autem per istas rationes, ut ipsi quidem arbitrantur, probant, per se deinde sequitur, quoddam Efficientem vel Creatorem habeat, qui cum intentione, voluntate, & electione illum innovaret. Quare cum ad hoc peculiaribus probationibus non sit opus, hinc progrediuntur ad Unitatem illius demonstrandam, prout in sequenti capite explicabo.

## CAP. LXXV.

*Quinque viæ, quibus Loquentes Unitatem  
DEI probant.*

*Quomodo probant Loquentes Unitatem DEI.*

IN hoc capite explicare mihi propositum est demonstrationes *Loquentium*, quibus Unitatem DEI probant. Illorum autem *Via* præcipuè sunt duæ, *Via sc. Impossibilitatis*, & *Via Mutationis*. Et hæc iterum in quinque subdividuntur.

*Via prima.*

*Via prima Impossibilitatis* est illa, quâ vulgus ipsorum utitur. Dicunt: Si duo Dii sint in Mundo, sequitur hinc, vel dari substantiam, quæ nullum habeat duorum contrariorum; quod falsum est: vel duo contraria simul, & eodem tempore, in uno subiecto esse posse; quod itidem falsum. E. G. Si Deus unus velit, ut hæc substantia fiat calida, & alter velit, ut sit frigida, inde sequetur, alterutrum ex his duobus: vel, illam neque futuram calidam, neque frigidam, quia duæ hæc actiones simul in eodem subiecto concurrere nequeunt. Hoc autem est falsum, quia omne corpus suscipit alterum è duobus contrariis: vel, illam fore calidam & frigidam simul. Sic si alter velit movere corpus, & alter velit, ut quiescat, tùm illud corpus neque movebitur, neque quiescet, vel movebitur & quiescet simul.

Atque hæc argumentationis vel probationis species fundata est super quæstione de Substantia individua, quæ est prima ex ipsorum propositionibus; super propositione item de Creatione Accidentium;



rium; & super propositione illa, quâ statuunt, Privationes habituum esse res, quæ opus habeant efficiente aliquo.

Quod si verò quis dicat, Materiam inferiorem, cui accidunt successivè generatio & corruptio ex sententia Philosophorum, diversam esse à materia superiore, Orbium videlicet cœlestium, quemadmodum hoc per demonstrationes ostendi potest: ac porro inferat, duos quoque esse Deos, unum, qui regit materiam inferiorem, cui nihil rei sit cum materia superiore Cœli; alterum, qui regit & gubernat sphæras, quique nullas actiones exerceat in materiam inferiorum, quemadmodum illi ajunt, qui duos Deos esse statuunt; tùm hæc sententia nihil impossibile utique affirmabit. Nam si aliquis regerat, signum hoc fore Imperfectionis illorum, si dicatur, unum non agere in res eas, in quas agit alter; responderi potest, nequaquam hoc esse imperfectionis vel impotentiae signum in illo: nam res illa, quæ non dependet ab operatione illius, est naturæ ejus impossibilis. Nullam autem imperfectionem arguit, non posse rem impossibilem, sicut apud nos, qui Unitatem Dei asserimus, non habetur pro imperfectionis argumento, quod Deus non possit conjungere duo contraria in uno subiecto, quodque ad hoc & alia impossibilia potentia ejus non extendatur. Hujus itaque argumenti debilitatem animadvertentes, ad aliud confugerunt.

*Via secunda.* Si duo sint Dii, sequitur necessariò, ambos habere rem *Via secunda.* quampiam communem, in qua conveniunt & communicant, & unumquemque habere aliquid proprium & peculiare, quod alter non habet, quo ab illo differt. [*At (subintellige) Consequens est absurdum.*]

Hanc viam quod attinet, Philosophica est & demonstrativa apud eos, qui illam sequuntur, & si principia sive hypotheses illius probatæ fuerint, quemadmodum ego id facturum sum, quando adducam sententiam Philosophorum in isto negotio. At verò non sequitur apud eos, qui credunt Attributa Dei. Nam secundum illos in Deo sunt multæ res diversæ & distinctæ; Sapientia enim in Deo illis aliud est, quàm Potentia; Potentia aliud quàm Voluntas; ac proinde ex illorum sententia non est absurdum, utrumque duorum Deorum habere aliquid commune, in quo cum altero conveniat; & unumquemque aliquid peculiare habere, quo ab altero differat.

*Via tertia,* quæ & ipsa propositione quâdam ipsorum opus ha- *Via tertia.* bet, est hæc. Quidam ex antiquioribus *Loquentibus* dicunt, Creatorem Velle per Voluntatem, sed tamen Voluntatem illam non esse

reim substantiæ ipsius additam, sed esse Voluntatem extra subjectum. Atque ex his, quæ tamen à veritate longissimè absunt, inferunt, Voluntatem istam, quæ est extra subjectum, non esse posse in utroq; Deo, vel in duobus Diis: eò quòd una causa, eaque simplicissima, non possit duo iudicia, h.e. *diversas proprietates, vel diversitatem* efficere in duabus substantiis.

Verùm hoc est probare ignotum per magis ignotum. Voluntas enim illa, de qua loquuntur, non potest in intellectu formari vel concipi; ac præterea est juxta quosdam omninò impossibilis, & juxta illos ipsos, qui eam credunt, ejusmodi ex illà nascuntur dubia, quæ ipsimet nunquam refutare possunt, & tamen non erubescunt ex illa demonstrationem petere pro Unitate Dei.

*Via quarta.*

*Via quarta.* Dicunt: Existentia Operis (h.e. *huius Mundi*) docet de Existentia Efficientis, sed non docet de multitudinem sive numero Efficientium, nihilque interest, sive quis duos, sive tres, sive viginti, aut plures dicat.

Quòd si quis excipiat, hanc demonstrationem non docere de Impossibilitate pluralitatis in Deo, sed tantum de ignorance numeri; & nihil impedire, quòd minùs dicamus, posse esse unum vel plures: tùm perficiunt probationem suam eo, quod dicunt, Existentiã Creatoris non esse possibilem, sed necessariam, ac proinde tolli quoque possibilitatem pluralitatis. Et hæc est ratio argumentandi illius, qui hoc argumento utitur.

Verùm fallaciam manifestam hic committunt. Nam in ipsa existentia Creatoris quidem nulla est possibilitas; sed in opinione & mente nostra est possibilitas. Alia autem est possibilitas in scientia nostra, & alia possibilitas in existentia. A' possibilitate verò in cogitatione vel scientiã, ad possibilitatem in existentia, non valet consequentia; vel contrà, A' negatione possibilitatis in existentia, ad negationem possibilitatis in scientia: quemadmodum illi sciunt, qui didicerunt, quomodo conclusiones ex præmissis sequantur.

*Via quinta.*

*Via quinta,* quæ est cujusdam ex recentioribus, qui existimavit, se egregium quid invenisse, quo possit Unitatem Dei probare. Sensus ejus est hic. Aut unus fuit sufficiens ad creandam totam istam rerum Universalitatem, aut non: si fuit, tùm utique alter erit superfluus, eoq; nihil opus erit; si non fuit, sed à duobus simul perficienda & disponenda fuit universa hæc Mundi machina, tùm quisque illorum dicendus est fuisse insufficiens, & non satis potens ad id præstandu, alteriusq; ope indiguisse. Hoc autem est unu ex impossibilibus. Ergo &c.

Ve-

Verum contra hanc rationem potest excipi; Non omnem, qui non operatur id, quod in ipsius natura non est, ut illud operetur, (h.e. quod contra ipsius naturam est), dicendum esse Impotentem & Insufficientem. Nam quemadmodum non est Homo aliquis Infirmus & Debilis vocandus, qui nequit portare decem talenta; & sicut non est attribuenda Deo Impotentia, quia non potest se-ipsum corporeum facere, vel alium sibi similem creare, aut quia nequit creare quadratum, cujus latus æquale sit diametro: sic illi, qui duos Deos statuunt, possunt dicere, non esse illis Omnipotentiam derogandam ided, quia nullus illorum solus creat; eò quod necessitas existentiae ipsorum requirat, ut sint duo. Hoc verò non esse ex indigentia, quasi unus alterius ope indigeret, sed ex necessitate, contrariumq; esse impossibile. Et sicut non ided dici potest, Deum non esse omnipotentem, nulloque modo Indigentiae, Impotentiae vel Insufficientiae titulo appellandum, quod non possit existere facere corpus aliquod, nisi creet Substantias individuas, illasque per Accidentia, quæ itidem creat, conjungat, ut illi *Loquentes* asserunt; quia sc., ut aliter fiat, est impossibile. Sic, qui duos Deos statuit, dicere potest, impossibile esse, ut unus solus faciat omnia, nec tamen Imperfectioni ipsius hoc adscribendum esse, quia illa talis sit, ut duo simul & unæ sint & operentur.

Atq; hæc argumentorum istorum debilitas sic defatigavit & exercuit nonnullos, ut quidam illorum dixerit, Unitatem Dei haberi ex lege per Cabbalam; sed à reliquis ludibrio tantum fuit habitus & non nisi sannis exceptus. Mihi autem videtur, Virum illum fuisse sani admodum ingenii ac judicii. Nam cum nihil solidum & demonstrativum in ipsorum rationibus vidisset, in quo animus ipsius acquiescere potuisset, dixit, per Cabbalam sive Traditionem hoc haberi ex lege. Illi etenim homines nullam planè certam rerum naturam, unde demonstrationes veræ peti possunt, admittunt, intellectumq; certam & rectam scientiam, quæ veras possit gignere conclusiones, habere negant. Omnia autem hæc singulari intentione facta sunt; ut sc. destruerent verba Philosophorum, & ostenderent, dari posse demonstrationes de illo, cujus nulla planè est demonstratio: non animadvertentes vel non curantes, quod hac ratione subtrahantur nobis demonstrationes de illis rebus, quarum demonstrationes existunt: id quod Deo Opt. Max., & Viris intelligentibus, qui Veritatem consentur, hoc loco committimus

& conquerimur.

*Refutatio Corporeitatis, ex sententia  
Loquentium.*

*Quomodo Lo-  
quentes refutent  
Corporeitatem.*

**A**RGUMENTA & rationes, quibus *Loquentes* utuntur ad removendam à Deo corporeitatē, longè sunt infirmiora, quàm ea, quibus usi sunt ad asserendam Unitatem Dei. Est enim ipsis remotio Corporeitatis veluti ramus, necessariò ex Unitate, tanquam radice, promanans.

Dicunt: Corpus non est unum. [*Deus (subintellige) est unus. Ergo non est corpus.*]

Verùm qui refutat Corporeitatem ex eo, quòd corpus sit compositum ex materia & forma; Deo autem ejusmodi compositionem competere non posse ostendit: hic, meo judicio, non est *Loquens*, ejusq; hanc demonstrationem fundamentis Loquentium superstructam esse nego. Est enim demonstratio realis, fundata in veritate & natura materiæ & formæ: hæc q; ipsissima est Philosophorum sententia, quam adducam & explicabo, cùm acturus sum de Philosophorum in hoc negotio demonstrationibus.

Intentio nostra in hoc capite est, commemorare *Demonstrationes Loquentium de Remotione Corporeitatis* ex eorundem principiis.

*Via prima.*

*Via prima.* Ajunt; Si Deus est corpus, tùm Divinitas & Veritas ejus perficietur vel in universalitate & complexu Substantiarum individuuarum corporis illius, quod habet, vel in una tantùm.

Si perficiatur in una, tùm nulla est utilitas reliquarum, sed sunt superflue: nulla q; est ratio essentiae illius corporis, (*quia una substantia individua non potest corpus constituere*). Si in omnibus & singulis perficiatur, tùm erunt Divinitates multæ, non verò Deus unus. Atqui verò jam demonstrârunt, Deum esse unum. Ergo.

Hanc rationem si consideraveris, invenies illam superstructam esse propositioni ipsorum primæ & quintæ, ac proinde nullius esse ponderis. Potest enim illis dici, Corpus Dei non est, ut dicitis vos, compositum ex conjunctione particularum ejusmodi individuarum, quales Ipse creavit; sed est corpus unum continuum, nullam nisi in Cogitatione admittens divisionem. In cogitatione autem nulla est notio vel probatio, (h. e. a Cogitatione & Imaginatione alicujus rei ad illius esse nulla est consequentia). Sic enim imaginari tibi potes, Cælos esse ruptos vel fissos, quod tamen non est, (Philosophi vocant *Opus*

*Imagi-*

*Imaginacionu*). Et ita argumentari possumus ab iis, quæ nobiscum sunt, & quæ à nobis videntur, (*h.e. ab Orbibus cælestibus*), ad ea, quæ nobis sunt occulta, (*h.e. ad Deum*).

*Via secunda*, quæ magni admodum apud ipsos momenti habetur, *Via secunda*, est desumpta ab Impolribilitate Afsimilationis, quòd sc. D E U S Benedictus nulli creaturæ afsimilari possit. Si autem corpus esset, aliis utiq; corporibus foret similis. Atq; hic prolixi valdè sunt.

Dicunt. Si dicas, corpus illius non esse simile reliquis corporibus, tibi ipsi contradicis. Nam omne corpus cuius aliud corpori simile est in ratione corporeitatis: differunt autem à se invicem corpora in aliis rebus, accidentibus videlicet. Quare qui dicunt, D E U M esse corpus, affirmare coguntur, Illum aliquod sibi simile creasse.

Verum duobus modis hæc ratio confutari potest. *Primum* enim dicere potest aliquis, Non recipio ego hanc Traditionem, quòd Deus nulli creaturæ in re aliqua afsimilari possit? quam huius rei habes demonstrationem, nisi auctoritatem librorum Prophetarum? Sed ita Remotio corporeitatis est Cabbalistica, non Intellectualis & demonstrativa.

Quòd si excipiat (*Loquens*); Si similis est alicui creaturæ, sequitur, illum aliud sibi simile creasse; respondere potest Adversarius, Nihil esse Deo simile per omnia; se enim non negare, multas in Deo res esse, modosque multos. Nam qui credit corporeitatem, non veretur hoc affirmare.

*Secundus* modus hanc rationem impugnandi, isque magis conveniens, est hic; Firmum & ratum est apud omnes Philolophos, de Sphæris cælestibus & de corporibus istis materialibus dici, quòd sint corpus, cum tamen non habeant eandem materiam & formam, sed æquivocè materia & forma de utrisque dicatur: & licet Cælum suas dimensiones habeat, non tamen esse corpus sicut reliqua corpora. Nam non quicquid habet dimensiones, statim est corpus; sed corpus est, quod constat ex materia & forma. Quòd si hoc de Cælo dici potest, quando magis potest de Deo dicere, qui Corporeitatem affert, Illum habere quidem dimensiones, sed tamen essentiam, veritatem & substantiam illius non esse similem corpori alicui creato, proinde *Corpus* de ipso & aliis dici *ὑποκείμενον*, quemadmodum *Ens* de D E O & aliis *ὑποκείμενον* dicitur apud Orthodoxos. Præterea, non admittunt, qui pro Corporeitate certant, omnia corpora ex similibus particulis esse composita, sed dicunt, D E U M creare quidem omnia corpora, verum diversæ esse naturæ & essentiæ. Quemadmo-

dum igitur secundum illos corpus aliquod scintillans & splendendum (*ex his sc. inferioribus*) non est simile globo Solis: sic dicunt Corpus lucis creatæ, h. e. Majestatem Divinam, nequaquam similem esse corpori Cælorum, & Stellæ non esse similes Majestati Divinæ, vel columnam Nubis creatæ non esse sicut corpus D E I Opt. Max. Illius enim corpus esse perfectum, gloriosum, omnisque compositionis & mutationis expers, & per consequens perpetuò extitisse, & juxta voluntatem ac beneplacitum suum omnia reliqua effecisse. Hæc autem sententia, utur infirma, quomodo mirabilibus illorum rationibus, quas tibi indicavi, refellatur, non video.

*Via tertia.* *Via tertia.* Dicunt; Si Deus sit corpus, cum utique erit finitus. Hoc verum. Si autem sit finitus, habebit quoque certam mensuram & certam formam ac figuram. Et hoc verum est.

Pergunt: Si figuram habeat & mensuram, sequitur, possibile fuisse ut fieret major vel minor quam est, vel etiam, ut aliam planè figuram obtineat, & proinde etiam, quia videmus certam illi mensuram & formam esse appropriatam, sequi, illum habere Appropriatorem.

Hanc viam quod attinet, audiui quidem eam à nonnullis valdè commendari, sed omnium est infirmissima, utpote quæ nititur Propositione decimâ, ex qua cum ràm multiplices difficultates & absurditates oriantur, si reliquis Entibus applicetur, prout ostendimus, quando ergo plures inde nascentur, si Deo accommodetur?

Verum nulla est differentia inter hoc & inter id, quod dicunt de Præponderatione Existentiæ Mundi super Privationem illius, illam sc. docere de Efficiente aliquo præponderante Existentiâ Privationi illius, propter possibilitatem existentiae. Quod si enim quæramus ex eis, quare non sequatur etiam de existentia Dei, si sequatur de Mundo, cum dicimus; quandoquidem existit, sequitur illum habere Præponderatorem, qui præponderarit Existentiâ ejus Privationi illius? Respondebunt sine dubio, quia hoc procederet in infinitum, & necessariò tandem huc devenient, ut dicant, quòd necessariæ sit existentie sine aliqua possibilitate, neque alio, à quo existentiam accipiat, indigeat. Nam hæc eadem responsio dari quoque potest ab eo, qui Corporeitatem defendit, ad id, quod hic dicunt de mensura, forma & figura; videlicet, De omnibus mensuris, quæ possibilem habent existentiam, h. e. quæ primò non fuerunt, deinde verò existere inceperunt, dici quidem posse, potuisse illas fieri vel majores, vel minores, quam sunt, vel etiam diversæ planè figuræ & Appropriatorem aliquem sine dubio habere: verum formam vel figuram

ram & mensuram D B 1, quæ sine omni sunt imperfectione & similitudine, quod attinet, nequaquam illam ita esse comparatam, ut aliquando non existerit, postea verò existentiam acceperit, ita ut Appropriatore opus habuerit; sed ipsius essentiam, mensuram & figuram necessariæ esse existentiae. Sic enim non dici potest, Ipsi opus aliquo fuisse, qui post privationem existentiam ei appropriaverit; quia nempe nulla possibilitas privationis in Ipso existit: sic etiam non dici potest, Illum opus habuisse aliquo, qui ipsi formam & mensuram appropriârit; quia scilicet sic est necessaria ipsius existentia.

Quocirca, Lector optime, si constituisti veritatem inquirere, abjiciendi tibi sunt omnes affectus, traditiones, & receptæ opiniones; cavendum etiam tibi, ne animus tuus pertrahatur in sententiam istorum Speculatorum, ne tibi idem quod illis accidat, qui, *prunas ignis evitare volentes, in flammam ejus inciderunt*, adeo ut totam rerum naturam destruxerint, creationem Cæli & Terræ everterint, adeoque, quod dici solet, Cælum Terræ miscuerint. Dum enim existimârunt, se per propositiones illas suas demonstraturos, Mundum esse novum; non solum id non perfecerunt, sed præterea demonstrationes de Unitate D B 1, Existentiâ ejus, & Corporeitatis remotione nobis eripuerunt. Demonstrationes enim, quibus hæc omnia probare oportet, petendæ sunt ex natura Rerum, quemadmodum in sensus nostros & intellectum incurrit.

Expositâ itaq; ipsorum sententiâ, accedemus ad recensenda principia, & considerandas demonstrationes Philosophorum de Existentiâ D B 1, Unitate illius, & Corporeitatis ab illo remotione, omisâ & quasi concessâ ipsis Æternitate Mundi, licet eam nō credamus. Postea monstrabo tibi viam nostram, quâ nos, verâ speculatione duce, perfecte tres istas quæstiones probare possumus. Et

his confectis, tandem revertar ad congregiendum  
cum Philosophis de Æternitate  
Mundi.

FINIS PRIMAE PARTIS.



RABBI MOSIS MAJEMO-  
NIDIS

# MORE NEVOCHIM

## PARS SECUNDA.

PROLEGOMENA.

*Propositiones  
Philosophorū, ad  
demonstrandam  
Dei Existentiā,  
Incorporeitatem,  
& Unitatem.*



IGINTI-QUINQUE sunt Propositiones, eaq̃;  
omnes demonstrativę & indubitę, quibus opus  
est ad demonstrandam Dei Existentiā, Incor-  
poreitatem & Unitatem. Ipse enim Aristoteles,  
& qui eum sequuti sunt, Peripaterici, firmissimis  
rationibus illas jam-pridem demonstrarunt. Prę-  
ter illas autem adhuc aliam ipsis concedemus &  
largiemur, quā mirificę quęstiones nostrę confirman-  
tur, sicut ex-  
plicabo. Propositio autem illa est MUNDI ÆTERNITAS,  
quam tuentur.

Propositio I. *Falsum est, dari Ens quantitate infinitum.*

II. *Falsum itidem est, dari Entia quantitatem habentia numero infini-  
ta simul.*

III. *Falsum quoq̃, est, dari processum Causarum & Effectuum in infini-  
tum, licet mensuram & quantitatem non habeant. E. G. Quodd Intel-  
lectus hic sit causa Intellectus secundi, secundus tertii, tertius  
quarti, & sic in infinitum, falsum est.*

IV. *In quatuor Pradicamentis invenitur Mutatio. In pradicamento  
Substantia, quando res mutatur in substantia per Generationem & Cor-  
ruptionem: in pradicamento Quantitatis, per Accretionem & Diminu-  
tionem: in pradicamento Qualitatis, per Alterationem: in pradicamen-  
to Ubi, per motum Localem. Et de hac ultima Mutatione in Ubi  
dicitur Motus in specie, de reliquis verò in genere.*

V. *Omnis Motus est mutatio & exitus de potentia in actum.*

VI. *Motuum (localium) aliud est Substantialiū, aliud Accidentalē: aliud  
item*



item Violentus, alius Partialis, qui est species motus Accidentalium. Substantialis est, cum transfertur corpus de loco in locum. Accidentalium; ut cum dicitur de Nigredine corporis alicujus, quod translata sit de loco in locum. Violentus, cum lapis sursum movetur violentia motoris alicujus. Partialis; ut est motus clavi in navi: nam quando movetur navis, dicitur quoque quod moveatur clavus. Et sic quotiescunque dicitur totum aliquod compositum moveri, dicitur quoque moveri pars ipsius.

VII. Quicquid mutatur, id dividitur; ideoque, quicquid movetur, id dividitur & est corpus; & quicquid non dividitur, id quoque non movetur, ac proinde non potest esse corpus.

IX. Quicquid movetur secundum accidens, necessarium aliquando quiescit. Quia enim motus illius non est in substantia, ideo non potest esse perpetuus motus ille accidentalium.

IX. Omne corpus, quod movet aliud corpus, quando movet, movetur & ipsum.

X. Quaecunque dicuntur esse in corpore, in duas partes dividuntur: vel enim insunt corpori ut Accidens, vel insunt ei ut Forma naturalium. Utraque autem sunt potentia in corpore.

XI. Quaedam res, quae in corpore subsistunt, cum dividitur corpus, dividuntur & ipsae, & quidem divisione accidentalium; ut colores, & reliqua, quae per totum corpus se diffundunt: quaedam vero, quae corpus conservant, nullo modo dividuntur; ut Anima & Intellectus.

XII. Omnis potentia vel virtus per corpus diffusa est finita; quia se ipsum corpus finitum est.

XIII. Nulla mutationis species est continua, nisi motus localis species circularis.

XIV. Motus localis omnium motuum est antiquissimus & primus naturalium; generationem enim & corruptionem praecedit alteratio; alterationem appropinquatio alterantis vel mutantis ad rem alteratam, (h. e. motus localis): accretio autem & diminutio non possunt esse nisi praecedente generatione & corruptione.

XV. Tempus est accidens motuum consequens, ei, cohaerens, neque unum sine altero esse potest. Non existit motus, nisi in tempore; & non potest intelligi aut mente concipi tempus, nisi cum motu: & quicquid non habet motum, non cadit sub tempore.

XVI. Nulla res, quae non est corpus, potest intelligi habere numerum: sed si fuerit potentia in corpore, possunt numerari individua potentiarum, cum materia vel subiecta illarum numerantur. Propter hanc causam

sam res immateriales, quæ neque sunt corpus, neque potentia in corpore, non possunt sub numero aliquo intelligi, nisi habeant rationem causarum vel effectuum.

**XVII.** *Omne, quod movetur, habet Motorem aliquem; eumq; vel externum, ut lapis, qui a manu movetur; vel internum, ut corpus animalium, quod compositum est ex movente & mobili.* Proinde, cum moventur, & Movente vel Motore privatur, Animâ videlicet, remanet mobile solum, Corpus scilicet, planè eadè formâ vel figurâ, sicut antea fuit, nisi quoddam motu sit destitutum. Et quia Movens in Moto vel Mobili existens occultum est, & à Sensibus videri nequit, existimârunt Animalia moveri sine movente: omneque mobile, quod virtutem motricem habet intra se, dicitur moveri à se ipso, quia virtus illa motrix in tota substantia existit.

**XIX.** *Quicquid exit de potentia ad actum, ab alio, & quidem externo vel extrinseco, educitur.* Nam si educens esset in ipso, nullumq; adesset impedimentum, ne unico quidem momento existeret in potentia, sed semper foret in actu: quoddam si autem educens in ipso esset, aliquodque impediens ei adesset ac removeretur, sine dubio idem ille impedimentum auferret, qui educeret quoque potentiam illam in actum.

**XX.** *Quicquid existentia sua causam habet, possibilis est existentia ratione substantia sua.* Nam si causæ ejus existant, existet & ipsum; si non existant, vel tollantur, vel mutetur dispositio illarum unde illius existentia sequitur, neque illud existet.

**XX.** *Quicquid ratione substantia sua, necessaria est existentia, id sua existentia nullam prorsus causam habet.*

**XXI.** *Quicquid à duabus rebus est compositum, ejus, quatenus talis, existentia causa est illa compositio; & per consequens, quoad substantiam suam, non habet necessariam existentiam.* Existentia enim ejus consistit in existentia duarum illarum partium, earumq; compositione.

**XXII.** *Omne corpus necessarid compositum est ex duabus rebus, & certa habet accidentia.* Duæ res illud conservantes sunt Materia & Forma. Accidentia sunt, Quantitas, Forma, Figuræ, Situs, &c.

**XXIII.** *Quicquid est in potentia, & in sua substantia habet possibilitatem aliquam, illud necesse est aliquando in actu non existere.*

**XXIV.** *Quicquid est in potentia, est materiatum.* Possibilitas enim perpetuè est in materia.

**XXV.** *Principia Substantia composita singulari sunt Materia & For-*

*ma, & ha non possunt esse sine Efficiente, h.e. Motore, qui moveat & disponat subiectum (h.e. materiam) ad recipiendam formam. Hic autem est Motor proximus, qui disponit materiam individui vel singularis alicujus. Atque hic consideratione digna res occurrit de Motu, Movente, & re Motâ, de qua alibi jam satis superque actum, cujusque summam Aristoteles comprehendit, dum ait, Materiam non movere se-ipsam. Et hæc est Propositio maxima ac præcipua, ad investigationem Motoris primi nos deducens.*

Hæ itaq; sunt viginti-quinq; illæ Propositiones, quarum quædam sunt intellectu facillimæ, & patent ex principiis demonstrativis, quæ sunt intelligibilia prima; quædam verò demonstrationibus & principiis multis indigent, quæ omnia jam demonstrata & adducta sunt ab Aristotele partim in Libris Acroamaticis, partim in Metaphysicis. Nostri autem propositi non est, libros Philosophorum hûc transferre, & remotiora illorum principia explicare, sed proxima tantum, quibus ad materiam nostram opus habemus.

Nunc præcedentibus propositionibus unam adhuc, Æternitati Mundi præcrocinantem, adjiciam, quam Aristoteles pro omnium verissima & fide dignissima habuit. Eam nos ipsi nunc per modum Concessionis dabimus, donec id, quod intendimus, probaverimus.

XXVI. ergo est; *Tenipus & Motum ipso actu esse existentia aterna & perpetua.* Proinde secundum eum ex hac positione sequitur, esse corpus quoddam, quod moveatur motu æterno in ipso actu existente; Corpus videlicet quintum, unde dicit, Cælos neque generationi, neque corruptioni esse obnoxios. Motus enim secundum illum neque generatur, neque corrumpitur. Nam statuit, quemlibet motum, motum alium, sive ejusdem, sive alterius speciei, præcedere. Quod verò existimamus, in Animantibus ante motum localem non præcedere motum alium, negat esse verum. Causam etenim motus post quietem illorum refert ad res procreantes motum illum localem, quæ sunt vel Mutatio temperamenti, (unde est appetitus vel desiderium ad quærendum sibi convenientia, & ad fugiendum contraria); vel Imaginatio, vel Consilium & Proæresis in illis exorta. Horum, ergo trium aliquod semper motus localis causam esse, & ex unoquoque motus alios sequi dicit. Item ait, Uniuscujusque rei innovationem tempore præcedere possibilitatem innovationis ejus, & ex his concludit & deducit ea, quæ faciunt ad adstruendam propositionem ejus. Præterea, sequitur ex hac propositione, dari Mobile

bile quoddam finitum, quod per longitudinem finitam infinitis vicibus per eandem longitudinem moveatur & revertatur; quod falsissimum est, & non nisi in motu circulari fieri potest, sicut demonstrari potest ex decima-tertia istarum propositionum. Insuper sequitur hinc, dari Infinita, non quidem simul, sed successivè.

*Aristotelem non credidisse, rationes suas pro Æternitate Mundi esse demonstraturas.*

Atque hæc est propositio illa, quam semper & ubique stabilire & confirmare nritur Aristoteles. Mihi tamen nequaquam videtur, illum in hac opinione fuisse, ac si rationes ejus essent demonstrativæ, sed existimo, illam ab eo simpliciter, tanquam probabilem & rationi consentaneam, receptam fuisse. Ejus autem asseclæ & commentatores, illam omninò necessariam & demonstrativam, nequaquam verò probabilem esse, affirmârunt. Loquentes verò ostendere conati sunt, illam penitus esse impossibilem, neq; intellectu nos assequi posse, quomodo Entia infinita successivè produci aut creari queant: quin-imò dicunt, Impossibilitatem ejus esse Intelligibile primum. Mea sententia est, propositionem hanc esse possibilem vel probabilem, non autem necessariam, sicut Aristotelis Interpretes volunt; neque impossibilem, sicut Loquentes asserunt.

Verùm non est hic intentio mea, rationes Aristotelis, nostrasque de illis dubitationes proponere; neque etiam volumus sententiam nostram de Novitate Mundi explicare; sed propositum nobis hoc loco fuit, nudè tantùm recensere principia & propositiones, quibus ad tres nostras quæstiones demonstrandas opus habemus. Quocirca cùm id jam factum sit, pergo ad explicandum, quid ex illis sequatur & concludi possit.

## CAPUT I.

*Quomodo ex præmissis propositionibus sequatur, Mundum habere Motorem, cumq;  
Unum, Incorporeum, &  
Æternum.*

*Quomodo ex principis Philosophici demonstratur, Mundum habere Motorem, Unum, Incorporeum, & Æternum.*

**E**X Propositione vicesima-quinta sequitur, esse Motorem aliquem, qui movet materiam istam generabilem & corruptibilem, ut formam aliquam recipiat. Quod si verò inquiratur, unde Motor ille movendi vim habeat? apparebit, illum necessariò habere adhuc alium priorem, sive ejusdem, sive alterius speciei, qui illum moveat: (Morus enim est in quatuor prædicamentis, & de omnibus dicitur

dicitur Motus in genere, prout docuimus in *Propositione quarta*. ) Hoc verò non potest procedere in infinitum, uti ostendimus in *Propositione tertia*. Verùm videmus, omnem motum pervenire ad motum corporis quinti (Cæli), ibique subsistere : & ab illo motu omnem Motorem originem suam, veluti per ramum aut caterfam aliquam, trahere in Mundo hoc inferiori. Porro, movetur Cælum motu locali, qui primus est omnium motuum & antiquissimus, uti vidimus in *Propositione decima-quarta*, & sic omnis motus localis pertingit tandem ad motum Cæli. Exempli gratiâ, si dicas, Lapidem istum, quem moveri vides, moveri à baculo, baculum à manu, manum à nervis, nervos ab arteriis, arterias à musculis, musculos à calore naturali, calorem à forma, huncque esse Motorem primum; hic Motor quoque ad movendum inducitur aliunde, veluti à Voluntate vel Consilio, Lapidem baculo ori foraminis alicujus admovendi, ne vento spiranti ingressus per illud pateat. Motor autem venti, & flatus vel spirationis ejus causa efficiens est motus Cæli, & per consequens etiam motus primi localis. Atq; ita videbis quoque, omnem causam generationis & corruptionis devenire tandem ad motum Cæli. Quod si verò & hûc tandem pervenerimus, ad motum nempe Cæli, ulterius sequetur, & hoc aliquem habere Motorem, juxta *Propositionem decimam-septimam*, & quidem vel intra se, vel extra se. Si habeat Externum, erit vel Corporeus, vel Incorporeus, & ita non vocabitur Externus; vel non dici poterit de eo, quod sit extra illud, sed abstractus ab illo. Nam de rebus incorporeis non nisi latissime & impropriè dicitur, quod sint extra corpus. Si habeat Internum, tùm erit Motor ille vel Virtus & Facultas per totum ejus corpus diffusa, quo diviso & illa dividatur, sicut est calor Ignis; vel erit Facultas ejus aliqua indivisibilis, ut est Anima vel Intellectus, ut habuimus in *Propositione decima & undecima*, & per consequens Motor Cæli erit alterutrum ex istis quatuor; vel erit corpus aliquod extra illud, vel ab illo abstractum quid, aut virtus per illud diffusa, aut denique facultas ejus aliqua indivisibilis. Falsum autem est, primum, Motorem Cæli esse corpus aliquod extra ipsum. Nam si esset corpus, sequeretur, moveri & ipsum, quando movet aliud, ut liquet ex *Propositione nona*, & hoc corpus, quod movet, moveri itidem ab alio; sicque consequenter in infinitum. In *Propositione autem secunda* docetur non dari corpora numero infinita. Deinde, falsum est, Motorem Cæli esse Facultatem quandam per totum illius corpus diffusam, secundum modum tertium; quia enim Cælum est corpus, se-

quitur, illud esse finitum, secundum *Propositionem primam*; Facultatem item ejus esse finitam, ut quæ & ipsa dividi potest diviso corpore, ex *Propositione undecima*, & per consequens, non posse moveri in infinitum, id quod posuimus in *Propositione vicesima-sexta*. Præterea, falsum est secundum quartum modum, Motorem Cæli esse Facultatem ejus aliquam indivisibilem, qualis est Anima in Homine. Falsum est, illam solum esse causam motus perpetui & continui, ut sit indivisibilis: *Declaratio*. Si talis Facultas est Motor primus vel Movens primum, tunc sequitur, illum Motorem moveri per accidens, secundum *Propositionem sextam*. Ut clarius res evadat, hoc adjicio. Quando Homo ab Anima sua (quæ forma ipsius est) movetur & impellitur, ut ex inferiori ædium parte in superiorem ascendat, tunc Corpus illius est id, quod movetur in substantia, & Anima est Movens primum in substantia, (*juxta hanc sc. sententiam*), sed non negari potest, illam quoque per accidens moveri. Nam translato Corpore ex ædium parte inferiore in superiorem, necessarii quoque transfertur Anima, quæ erat inferius, in locum superiorem. Rursum, cum Motus & Impulsio animæ cessat & quiescit, quiescit quoque id, quod propter ipsam movebatur, Corpus videlicet; cum autem Corpus quiescit, tollitur iterum motus ille Animæ accidentalis. Quicquid enim per accidens movetur, necessarii quoque quiescit, secundum *Propositionem octavam*, & illo quiescente, quiescit quoque id, quod propter illud movebatur. Hæc autem omnia si ita se habeant, sequitur, Movens illud primum aliam insuper oportere causam habere, extra illud universale compositum ex Movente & Moto vel Mobili, quâ, tanquam Motus principio, existente, Movens illud primum moveat ea, quæ in ejus complexu ab ipso moventur, & quâ absente ac deficiente quiescat. Propter hanc causam animantium corpora non perpetuò moventur, licet in unoquoque sit Movens primum indivisibile, quia Movens illorum non semper movet in substantia, sed causæ ejus impulsivæ sunt extra illud, ut Appetitus quærendi sibi salutaria, vel fugiendi contraria, Imaginatio & Phantasia in iis, quæ Imaginationem habent. Cum enim illæ causæ adsunt, tunc movet; & dum movet, movetur quoque per accidens, & necessarii iterum quiescit. Quocirca, si Motor Cæli sit in ipso Cælo, juxta aliquem dictorum trium modorum, non poterit moveri motu perpetuo. Quod si verò Motus iste sit æternus & perpetuus, ut statuit noster Adversarius, & hoc sit possibile, secundum *Propositionem decimam-tertiam*, sequitur juxta hanc sententiam.

ex

ex prædictâ divisione, causâ primâ motûs Cœli esse juxta modum secundum, h.e. abstractam ab ipso Cœlo.

Sic ergo per demonstrationem certam liquet sequi, Motorem Cœli (siquidem motus illius sit perpetuus & æternus) neque esse corpus, neque potentiam aliquam corpoream: ac proinde non habere motum, neque substantialem, neque accidentalem, ideoque etiam nullam admittere divisionem vel mutationem, juxta *Propositionem quintam & septimam*. Hic autem Motor nemo alius est præter *DEUM OPT. MAX.*, verè primam motûs Cœli causam. Sequitur etiam, falsum esse, duos vel plures esse Motores, quia res abstractæ & incorporeæ non possunt numerari, nisi ita sint comparatæ, ut una habeat rationem causæ, altera causari, secundum *Propositionem decimam sextam*. Liquet insuper, Motorem illum non cadere sub tempus, quia videlicet à motu est exemptus, secundum *Propositionem decimam quintam*.

Ex hac itaque consideratione per demonstrationem colligimus, falsum esse, Cœlum moveri à se- ipso motu perpetuo; Item, Causam primam motûs ejus neque esse corpus, neq; potentiam in corpore; Motorem esse unum, nulliq; mutationi obnoxium; Existentiæque ejus nulli tempori esse alligatam: quæ sunt tres istæ quæstiones, de quibus celeberrimi Philosophi demonstrationes exstruxerunt.

*Secunda consideratio ipsorum.* Posuit Aristoteles *Propositionem* quandam, hanc videlicet; Quando aliquid fuerit compositum ex duabus rebus, & earum altera reperitur per se & seorsim extra totum compositum, tùm sequitur, idem separatam reperiri rem alteram extra compositum. Quod si autem existentia illarum necessario secum ferat, ut non nisi unâ & conjunctim reperiantur, qualis est ratio materiæ & formæ, tùm neutra sine alia unquam existit. Proinde si una illarum separata inveniatur, colligi inde potest, illis nequaquam hanc naturâ inesse, & alteram quoq; per consequens separatam existere. Exempli gratiâ, si sumamus Oxy mel, & separatim inveniamus Mel, tanquam unam compositi partem, sequetur ex eo, nos quoq; reperiuros separatim Acetum. Posteaquàm exposuit hæc *Propositionem*, assumit, & dicit, Nos multas res invenire compositas ex movente & moto, h.e. quæ movent alia, & quæ ipsæ quoque ab aliis, dum movent, moventur: id quod manifestum est in Sphæris, quæ reliqua omnia movent. Invenire nos etiam Motum, quod nihil planè mover, & illud est motum ultimum; ac proinde sequi,

*Secunda consideratio Philosophicæ circa Unitatem, Incorporatam, & Æternitatem Dei.*



nos invenire quoque Movens aliquod, quod à nullo movetur; quod est Movens ultimum. Hoc autem Movens, quia nullum habet motum, est indivisibile, incorporeum, & temporì nullo modo subiectum, prout explicatum est in *Propositione precedenti*.

*Tertia consideratio circa prædictas quaestiones.*

*Tertia consideratio Philosophica* in hoc negotio ex Aristotele desumpta, (licet ipse eam in alia materia adduxerit) est hæc: Nullum est dubium, quin sint Entia existentiæ, & quidem sensibus etiam perceptibilia. Illa autem necessariò secundum unum trium istorum modorum sunt comparata, (est enim divisio necessaria). Vel omnia Entia sunt exempta à generatione & corruptione: vel omnia sunt generationi & corruptioni subiecta: vel quædam tantum generantur & corrumpuntur, & quædam non. Atqui primum manifestè est falsum. Ad oculum enim videmus, Entia plurima generari & corrumpi. Falsum non minùs est secundum: Nam si omnia Entia cadant sub generationem & corruptionem, tùm sanè sequitur, universa & singula Entia possibilitatem habere intereundi. Quod autem in specie est possibile, necessariò tale sit, sicut nòsti, & proinde sequitur, Entia omnia interire & corrumpi. Si verò omnia intereant, falsum est aliquid existere: quia enim nullum remanet, quod existere faciat, sequitur, nullum quoque Ens existere. Videmus autem res multas existere; quin-imò nos ipsi existimus. Quocirca per hanc considerationem sequitur, cùm sint Entia quædam, quæ generantur & corrumpuntur, esse Ens aliquod, quod neque generatur, neque corrumpitur, illudque Ens nullam planè interitûs possibilitatem vel potentiam habere, neque possibile, sed necessariæ esse existentiæ. Dico præterea; Si (*Ens sc. illud*) sit necessariæ existentiæ, oportere ut sit tale vel ratione substantiæ, vel ratione causæ suæ, ita ut existentia & privatio ejus sit possibilis ratione substantiæ, & necessaria ratione causæ, quâ ratione causa ejus necessariam faciet existentiam ejus, secundum *Propositionem decimam-nam*. Itaque ex hoc liquet, necessariò esse Existentiæ necessariæ ratione substantiæ, sine quo nullum Ens esse vel existere posset ullo modo, neque generabile & corruptibile, neque ingenerabile & incorruptibile, (siquidem Ens tale in rerum naturâ, ut Aristoteles asserit, existat, quod sc. nec generatur, nec corrumpitur), causatum enim necessariò habet causam.

Atque hæc demonstratio talis est, ut à nemine in dubium vel controversiam vocari possit, nisi fortè ab homine imperito & naturæ demonstrationis ignaro.

Præ-



Præter hæc dicimus, Nullum Ens necessariam habens existentiam potest existentiae suae habere causam, secundum *Propositionem vigesimam*: neque etiam potest in eo esse multitudo rerum, secundum *Propositionem vigesimam-primam*. Ideoque etiam per consequens non potest esse corpus, vel potentia in corpore, secundum *Propositionem vigesimam-secundam*.

Sic itaque ex hac consideratione demonstratur, esse Ens aliquod necessariae existentiae ratione substantiae suae. Illud autem nullum aliud est, quam *DEUS OPT. MAX.* Liquet etiam hinc facile, Necessitatem existentiae ratione substantiae in duobus inveniri, falsum esse. Nam sic necessitas existentiae foret res adventitia & superaddita substantiae uniuscujusque illorum duorum, & neuter eorum esset necessariae existentiae solus, sed esset ita necessitas existentiae in hoc & in alio. At verò multis modis ostendi potest, Ens existētiæ necessariae non habere secundum, vel socium, ac simile, vel contrarium aut diversum. Causa est Absoluta ejus Simplicitas & Perfectio, in qua præter substantiam nihil redundat & superfluum est, & proinde causa ex omni parte deficit. Hinc enim firmiter conficitur, Ens hoc nullum sibi simile habere, & cum nullo alio participare posse.

*Quarta consideratio Philosophica.* Videmus quotidie multa de potentia exire in actum. Quicquid autem exit de potentia in actum, id Eductorem aliquem extrinsecus habere necesse est, secundum *Propositionem decimam-octavam*. De hoc verò constat, illum prius quoque fuisse potentiam, postea demum talem in actu factum esse. Et quod tū in potentia talis erat, illius causa fuit vel impedimentum aliquod intrinsecum in ipso-existens, vel proprietas & relatio quæpiam inter ipsum & inter id, quod eduxit, quæ prius non erat, quâq; accedente, in actum postea rem educere potuit. Utrumque autem horum duorum requirit Educentem, vel impedimenti remotorem, & hic alium. Hoc verò non potest produci in infinitum. Itaque necessario tandem deveniendum est ad Eductorem aliquem à potentia in actum, qui semper existat uno eodemq; modo, & in quo nulla sit omnino potentia; volo dicere, in cujus substantia nulla res sit in potentia. Nam si in eo sit possibilitas aliqua, tū sanè sequitur, Illum aliquando non fuisse, secundum *Propositionem vigesimam-tertiā*. Præterea sequitur, Illum esse materiae omnis experient, & abstractum, secundum *Propositionem vigesimam-quartā*. Abstractus verò à materia, & omnis possibilitatis expers, ac per se existens, nemo est nisi *DEUS OPT. MAX.*, de quo probatum est, Illum esse Incor-

*QUARTA consideratio Philosophica.*

poreum, ac per cōsequens Unum, juxta *Propositionem decimam-sextam*.

Atque istæ rationes probandi sunt omnes demonstrativæ de Existētia DEI Unius & Incorporei, cum fide de Æternitate Mundi.

*Demonstrationes de Unitate DEI.*

*Prima.*

Entibi quoque nunc Demonstrationem de Remotione Corporēitatis, & assertione Unitatis, hanc videlicet. Quodd si duo sint Dii, sequitur, illos habere rem quandam inter se communem, per quam unusquisque illorum Deus est, & rem aliam, quā inter se differunt & distinguuntur, ut duo sint: & si in unoquoque illorum existat res quædam, quæ non invenitur in altero, sequitur, quemlibet illorum ex duabus rebus esse compositum, neque unumquemque illorum esse causā primā, ac necessariæ existentiæ ratione substantiæ, sed utrumque habere causas, secundum *Propositionem decimam-nonam*. Si verò ratio differentiæ sit in uno tantum illorum, cum is, in quo duo illa sunt, non habebit existentiam necessariam substantiæ suæ ratione.

*Secunda.*

*Via altera de Unitate.* Demonstratum est *parte 1. cap. 72.* Totum Mundum esse quasi Unum Individuum, in quo omnia inter se colligata sunt & cohærent, & virtutes Cœli diffusas esse in materia hac inferiori ac sublunari, eamque disponere ac stabilire. Hoc autem si ita sit, falsum est, DEUM unum esse, qui occupatus sit solum in una ejus parte, & Deum alium, qui occupatus sit circa aliam; quia omnia arctissimè & inseparabiliter inter se cohærent, nullaq; superest divisio vel partitio, quā ratione temporis, ut unus operetur uno, alter alio tempore, vel ut simul agant, & operentur semper quasi unus, ita ut nulla actio nullumque opus perficiatur & absolvatur, nisi ab utroque simul.

Verum quod unus isto, alter alio tempore agat, falsum est multis modis. Nam si tempus illud, in quo unus agit, ita sit comparatum, ut in illo quoque possit alter agere & operari, quæ est causa, quæ facit, ut hic operetur, alter quiescat? Quodd si verò tempore illo impossibile sit alteri agere & operari, suberit hic causa alia, propter quam unus potest, alter nequit operari: in Tempore etenim nulla est diversitas vel differentia, & subjectum operationis vel actionis unum est, arctissimèque compactum & colligatum, sicut declaravimus. Præterea, unusquisque illorum hac ratione cader sub tempus, quandoquidem actio ejus cum tempore conjungitur: unusquisque item illorum egredietur de potentia in actum tempore actionis suæ: unusquisque etiam egebit alio, à quo deducatur è potentia in actum: tandem in substantia utriusque existet possibilitas.

Falsum

Falsum non minus est, illos duos semper simul agere in hac Universalitate, ita ut unus sine altero nihil possit agere; Nam si complexum aliquod non perficiat opus nisi in complexu suo, (h.e. *si duo simul & conjuncti operi aliquid faciant*), tunc neutra pars illius potest dici Efficiens ratione substantiæ suæ, (h.e. *tunc neuter eorum dici potest per se causa efficiens illius operis*): neutra etiam potest dici causa prima illius operis; sed causa prima erit conjunctio illius complexi (*duorum illorum*). Præterea, notum est per demonstrationem, Ens necessarium non habere causam. At verò congregatio & conjunctio complexi operis illius (h.e. *duorum illorum*) necessario habet causam aliam congregantem complexum illud. Causa hæc congregans est vel unum quid, vel complexum quoque. Si sit simplex quid & unum, tunc illud non potest esse aliud, quam *DEUS OPT. MAX.* Si verò quoque fuerit complexum aliud, tunc sequitur complexum secundum (h.e. *conjunctio duorum aliorum*), & necessario tamen devenietur tandem ad unum, qui sit causa hujus rerum Universalitatis, quæ una est, sive jam illa ortum habeat & esse cœperit post privationem, sive semper fuerit.

Sic itaque ostensum tibi quoque est per hanc viam, quòd ex Unitate hujus Mundi erudiamur de Unitate Authoris & Creatoris ejus.

*Via alia de Remotione Corporeitatis.* Omne corpus est compositum, ut dictum est in *Propositione vigesima-secunda*. Omne compositum habet efficientem, qui facit, ut forma in materia ejus exsistat: & omne corpus admittit divisionem, dimensiones, & per consequens susceptible est accidentium. Itaque corpus non est unum, neque ratione divisionis, neque ratione compositionis suæ. Nam omne corpus est corpus unum, propter rem quandam, quæ ipsi accedit præter id, quod jam corpus est, ideoque necessario duas res habet & in se comprehendit. In eo autem, quod necessario existit, demonstratum est, nullam omnino compositionem esse posse.

Demonstrationibus ergo his sic præmissis, incipiemus nunc, ut promissimus, exponere Vias nostras.

## CAP. II.

*Ex motu Cæli probari Existentiam  
Creatoris.*

CORPUS istud quintum, Cælum videlicet, est vel generabile & corruptibile unà cum motu suo, vel est ingenerabile & incor-

*Ex motu Cæli  
probat Existentiam  
D. 1.*

COR-

corruptibile, quemadmodum sentit Adversarius noster. Si sit generabile & corruptibile, tùm sine dubio existentiae suae authorem habet *DEUM OPT. MAX.* Quicquid enim esse incipit posteaquàm non fuit, id Esse sui vel Existentiae suae habet authorem; & falsum est, aliquid suae ipsius existentiae causam esse posse. Quòd si verò Caelum semper morum fuerit, & motu sempiterno ac perpetuo movendum sit, tùm secundùm propositiones à nobis positas sequitur, Eum, qui illud movere motu illo perpetuo, (*h.e. Motorem ejus*), neque esse corpus, neque virtutem in corpore. Hic autem iterum nemo potest esse præter *DEUM OPT. MAX.*

Demonstratum itaque tibi jam est, Existentiam *DEI* esse necessariam, nullamq; habere sui causam, neque possibilitatem ratione substantiae suae; adductæ sunt demonstrationes certæ & evidentes de Existentia ipsius, sive Mundus statuatur esse novus, & aliquando non fuisse, sive non statuatur esse novus: demonstratum quoque est, Illum esse unum & incorporeum, sive iterum statuamus, Mundum esse novum, sive non, uti exposuimus in via tertia de viis Philosophorum; item in expositione Remotionis Corporeitatis, & confirmatione Unitatis per rationes Philosophorum.

Consultum mihi nunc videtur, ut ab illam sententiam Philosophorum, & ipsorum rationes producam de existentia Intelligentiarum separatarum, ac ostendam, quomodo hac in parte conveniant cum fundamentis Legis nostræ; in Existentia inquam Angelorum.

Hoc facto, revertar ad id, quod promisi, videlicet ad proferendas rationes de Novitate Mundi. Hæ enim non bene possunt ac solidè percipi, nisi quis intelligat rationem existentiae Intelligentiarum separatarum. Antequàm autem existentiam illarum probem, necessariò mihi præmittenda est Propositio quædam, quæ lucernæ instar erit, occulta & abscondita totius hujus libri illustrantis, & quidem tam in iis capitulis, quæ jam præcesserunt, quàm in illis, quæ sequentur.

*Sic fere loquitur  
Petrus de scrip-  
tis Prophetarum,  
1. epist. c. 1. v. 19.*

*Intensio Autho-  
ri in hoc libro.*

*Propositio illa est hæc.* Scias, Intentionem & propositum meum in hoc libro non esse, conscribere Scientiam Naturalem vel Divinam, aut adducere demonstrationes de illis, quorum demonstrationes jam-dudum sunt allatæ: Intentio quoque mea non est, Dispositionem & ordinem Sphærarum, vel illarum numerum explicare ac definire. De istis enim rebus omnibus libri sufficientes jam sunt conscripti & compositi; ac si in uno vel altero non sufficerent, sanè illa, quæ ego in hoc libro profero, non forent illis meliora. Verùm sco-

pus

pus meus in hoc Libro (quemadmodum in Præfatione jam monui) est, explicare Dubia & Arcana Legis, quæ ab Intellectu vulgi sunt abscondita.

Itaque, si videas, me loqui de Intelligentiis separatis, de illarum veritate & numero, de numero Sphærarum, & motûs illarum causis, de veritate Materiæ & Formæ, de Influentia Divina, aliisque rebus similibus, noli existimare, me tantum materias illas Philosophicas confirmare velle & asserere, (nam hæc omnia in aliis libris jam pertractata & demonstrata sunt): sed eatenus & idè de illis ago, quatenus & quia per illorum notitiam ac intelligentiam lux & explicatio accedit dubio alicui Legis Divinæ, multique ejus nodi dissolvuntur.

*Quatenus de  
rebus Philoso-  
phicis agat.*

Nôsti etiam ex Præfatione Libri, cardinem ejus præcipuè verti circa explicationem illorum, quæ intelligi possunt de *Opere Bereschith* & *Mercavah*, circa expositionem item Dubiorum, quæ dependent à Prophetia, h.e. quæ incidunt de *Prophetia*, & cognitione Creatoris. Proinde quotiescunque observabis, me in capite aliquo de ejusmodi re differere, de qua jam actum est in Scientia Naturali vel Divina, vel quæ facile ab omnibus creditur, aut quæ jam demonstrata est in aliis disciplinis; scito, materiam illam esse clavem ad intelligendam rem quampiam è libris Prophetarum, ut purà, Parabolas & alia ipsorum mytheria: ac propterea illam à me adduci, explicari, & probari, quia prodesse nobis potest ad cognitionem *Operis Mercavah* vel *Operis Bereschith*, vel ad declarandum fundamentum aliquod Prophetiæ, vel denique ad confirmandos nos in articulo aliquo Legis, h.e. Fidei & Relligionis nostræ.

His ergo sic præmissis, redeo ad absolvendum id, quod jam aggreffus sum.

## CAP. III.

*Rationes Aristotelis de causa motûs Cæli non esse quidem demonstrativas, sed esse ordini Nature magis convenientes, & pauciora habere dubia, quàm alias.*

**O**PINIONES Aristotelis de causis motûs Cæli, è quibus existentiam Intelligentiarum separatarum educit, quamvis talibus rationibus nitantur, quæ certam demonstrationem non hæ-

bent, pauciora tamen habent dubia, quàm omnes aliæ sententiæ, & ordini Naturæ magis quàm reliquæ sunt convenientes, quemadmodum loquitur *Alexander in Libro de Principiis Totius vel Universi*, ac insuper consentiunt cum plurimis dictis Legis Divinæ, ut jam nihil dicam de Medraschoth & expositionibus allegoricis Sapientum nostrorum, uti explicabo. Ideoque adducam sententias & rationes ejus, ut ex illis colligere possim ea, quæ cum Lege & rationibus Sapientum nostrorum conveniunt.

## CAP. IV.

*Quomodo Aristoteles probet, Cælum esse animatum; & Esse Intelligentias separatas.*

*Quodd Cælum Animā habeat.*

*Qualem habeat Animam.*

*Principium motus Cæli non est Natura, sed Anima.*

**C**OELUM animatum esse, palàm est, si rectè & accuratè res expendatur. Qui verò hoc audiunt, difficile id nimis intellectu esse judicant, vel prorsus rejiciunt; eò quòd sibi imaginantur, dum dicimus, Cælum habere Animam, nos loqui de Anima aliqua, qualis est Hominum, Asinorum, Boum, &c. At verò minimè hic est sensus ejus, quod dicimus: verùm hoc volumus; Motum Cæli localem argumento esse, illud habere principium, per quod moveatur, & principium hoc indubitatè esse Animam.

*Declaratio hujus rei.* Falsum est, Motus circularis Cæli eam esse rationem, quæ est motus recti lapidis deorsum, vel quæ est motus ignis sursum; ita sc., ut principium motus illius sit Natura, non Anima. Nam quod ejusmodi motu naturali moveretur, illud à principio suo, cum extra locum suum est, moveretur ad quærendum locum suum, & cum ad locum suum pervenit, quiescit. Hæc verò sphaera, Cælum videlicet, moveretur circulariter in loco suo.

Neq; idèò, quia Animam habet, necessarium est, ut ita moveatur. Nam omne animatum moveretur vel propter Naturam, vel propter Impressionem seu Imaginationem intellectualem. Hoc volo dicere. Naturale est animatis, persequi id, quod illis est conveniens, & fugere, quod eis est contrarium & inconveniens, sive jam motor illorum sit extrinsecus; ut, cum animalia, quando sitiunt, fugiunt à calore Solis ad locum aquarum: sive motor sit intrinsecus, Imaginatione videlicet; nam cum sibi imaginatur animal id, quod naturæ ejus est conveniens vel contrarium, moveretur quoque.

non

non movetur ad fugiendum à suo contrario, nec ad persequendum id, quod ei est conveniens. Nam ad quodcumq; movetur, ab eo iterum movetur; & à quocumque movetur, ad illud movetur iterum. Præterea, si motus illius esset ex hac causa, sequeretur, illam tandem aliquando perventuram ad id, ad quod movetur, & ibi quieturam. Nam si moveretur ad quærendum vel ad fugiendum aliquid, & illud nunquam posset assequi, motus ejus esset inanis & frustraneus. Ergo, si ita res habeat, motus hic circularis Cœli erit propter Imaginationem aliquam mentalem, vel cogitationem, quæ faciat, ut sic moveatur. Ejusmodi verò Imaginatio non est nisi in Intellectu; proinde si ita sit, Cœlum quoque habebit Intellectum. Porro, non

*Cœlum habet  
Intellectum.*

omnis, qui Intellectum habet, quo aliquid cogitare & sibi imaginari potest, & Animam, quâ movere se potest, movetur statim, quando in mente sua discurret vel aliquid sibi imaginatur. Nam hæc Imaginatio vel Cogitatio mentis sola non facit motum, ut hoc patet ex primâ Philosophiâ & ipsâ experiētiâ. Deprehendes enim apud te ipsum, quòd multa sæpè cogites & mente volvas, ad quæ moveri posses, nec tamen moveris ullo modo, donec in te gignatur appetitus & desiderium ad illam rem, quam cogitasti & in mente tua tibi es imaginatus; tùm demùm enim eò moveris. Sic ergo liquet quoq; quòd neq; Anima, per quam motus fit, neq; Intellectus, quo in mente res concipitur & figuratur, sufficiant ad motum mentalem gignendū, donec illis conjungatur appetitus & desiderium ad illam rem mente conceptam. Unde proin sequitur, Cœlum quoq; habiturum appetitum & desiderium ad rem in intellectu suo conceptam, quam animo persequitur. Res autem illa est **DEUS** Opt. Max. Atq; isto modo dicit Aristoteles, **DEUM** movere Cœlū, quia Cœlum desiderat assimilari rei illi, quam apprehendit, quæ est simplicissima, immutabilis, in qua nihil novi generatur, & à qua bonum semper profluit. Non potest autem istud in Sphæram sive Cœlum competere quatenus corpus est, sed ratione solū operationis motus circularis, (nam hoc est summum, quod corpus habere potest, ut operatio ejus perpetuò in ipso permaneat), qui est simplicissimus omnium motuum in corporibus existentium, omnisq; mutationis tam in substantia sua, quàm in bonis ab ipso provenientiis, expers.

*Cœlū habet ap-  
petitum & desi-  
derium, cuius  
objectū est Deus.*

*Quomodo Deus  
dicatur movere  
Cœlum.*

Postquàm ergo Aristoteles hæc omnia probavit, reversus est ad considerationem Sphærarum sive Orbium cœlestium, & invenit, multos esse illorum, per demonstrationem ex motibus multis, quorum unus ab altero differt velocitate, tarditate, & ratione motus,



licet omnes sub se comprehendat motus circularis, (h.e. licet omnes sint *circulares*); & hinc secundum considerationem naturalem credere coactus fuit, eam rem, quam ille Orbis in mente sua concepit, qui moveatur (h.e. *motum suum absolvit*) motu veloci unius diei spatio, aliam esse ab ea, quam Orbis alius in mente sua formavit, qui

*Intelligentia mo-  
vent Sphæram.*

motum suum absolvit spatio triginta annorum. Pronuntiavit itaq; & judicavit Aristoteles, tot esse Intelligentias separatas, quot sunt Sphærae, & unamquamq; Sphæram appetere Intelligentiam illam, quæ est ipsius principium, quæque movet illam motu ei proprio, ac tandem, Intelligentiam illam, Sphærae istius esse Motorem. Veruntamen neque Aristoteles, neque quisquam alius præcisè definivit numerum Intelligentiarum, an scilicet decem, vel centum: sed scribit tantum, tot esse, quot sunt Sphærae; ita ut cum quidam illius tem-

*Tot secundum  
Aristotelem sunt  
Intelligentiæ, quot  
Sphærae.*

pore opinarentur, quinquaginta esse Sphæras, dixerit Aristoteles, si res ita se habeat, totidem quoque fore Intelligentias abstractas. Disciplinæ enim Mathematicæ illo tempore raræ & imperfectæ fuerunt. Existimârunt, quemlibet motû opus habere peculiari Sphæra, nec sciverunt, quod à declinatione unius Orbis plures motus apparentes oriri possint, ut putâ, Motus longitudinis, Motus declinationis, & Motus apparens in circulo Horizontis in latitudine Orientalium & Occidentalium. Sed hæc extra propositum nostrum; rever-

*Posteriores Phi-  
losophi decem In-  
telligentiæ sepa-  
ratas finxerunt.*

tamur itaque ad id, in quo jam fuimus. Posteriorum Philosophorum sententia longè alia fuit; dixerunt enim, decem esse Intelligentias separatas: propterea quod numerârunt globos illos, in quibus sunt stellæ, & sphæram circumdantē, vel circumagentem (h.e. *primam*), licet in quibusdam globis Orbes sint multi. Globorum enim numero sunt novem; is nempe, qui reliquas omnes circumagit, orbis Stellarum fixarum, & orbis septem Planetarum. Intelligentia decima est Intellectus agens, de quo docemur ex eo, quod Intellectus noster exit de potentia in actum, & quod formæ existant generabiles & corruptibiles, postquam non fuerunt (*qua antea vel aliquando non fuerunt*) in materiis suis, nisi potentiâ. Quicquid enim de potentia exit in actum, id Educentem aliquem extrinsecus habere necesse est; & necessarium est, ut Educens ac Eductum sint unius speciei. Nam Faber lignarius non facit repositorium, thecam, vel simile quid, quatenus artifex est, sed quatenus forma illius repositorii in Intellectu ejus existit, & illa forma in Intellectu fabri, est illud, quod formam repositorii in actum eduxit, & in ligno exstruxit. Sic procul dubio id, quod formam dat, est forma abstracta, & quod dat

Intel-



Intellectum, est Intellectus, & quidem Intellectus agens. Itaq; proportio vel ratio Intellectus agentis ad Elementa & quæ ex illis sunt composita, est sicut proportio cujuslibet Intelligentiæ separatæ alicui Sphæræ propriæ ad illam Sphæram: & proportio Intellectus actualis existentis in nobis, (qui est ab Influentia Intellectus agentis, & quo apprehendimus Intellectum agentem) est eadem quæ Intellectus uniuscujuscunque Sphæræ, qui ab Intelligentia abstracta in eam defluit, & quo Intelligentiam abstractam apprehendit, in animo sibi format, ei assimilari experit, ac denique movetur.

Cæterum, ex dictis & sententia Aristotelis sequitur adhuc aliquid aliud, quod etiam ex parte jam alibi explicatum est, videlicet, quod Deus Benedictus nihil agat per Appropinquationem vel Contactum; nam quemadmodum ipse urit mediante Igne, & ut Ignis movetur mediante motu Cœli: sic Cœlum ipsum quoq; movetur mediante Intelligentiâ abstractâ. Ita ergo Intelligentiæ, quæ nil aliud sunt quàm Angeli, erunt appropinquant, h. e. *causæ propinque*, quarum medio Orbes cœlestes moventur. Quia autem in Abstractis ratione Substantiæ ipsorum non potest esse numerus, (cùm non sint corpora), sequitur juxta ipsum, Deus Benedictus esse Authorem & causam Intelligentiæ primæ, quæ movet Sphæram primam, eodem modo, quem diximus; & Intelligentiæ illius, quæ movet Sphæram secundam, causam & principium esse Intelligentiam primam; sicq; consequenter usque ad Intelligentiam moventem Sphæram nobis proximam ac vicinam, quæ causâ est ac principium Intellectus agentis, & hic finitur existentia Abstractorum, quemadmodum corpora quoque incipiunt à Sphæra suprema, & finiuntur apud Elementa & quæ ex illis sunt composita. Neq; verò ideò dicendum, Intelligentiam moventem Sphæram supremam esse necessariæ existentiae; quia cum reliquis Intelligentiis in re quapiam participat, in motione corporum videlicet, & unaquq; ab altera in certâ aliquâ re differt, unde quælibet illarum decem duas in se res habet. Quod cùm ita sit, necessariò requiritur causâ aliqua prima omnium.

*Deus est causâ  
Intelligentiæ primæ.*

Atque hæc est sententia Aristotelis de rebus istis expositis, ut ex libris eorum, qui ipsum sequuti sunt, intelligere possumus.

Summa omnium ipsius dictorum, & ejus, quod ex illis discere possumus, hæc redit; Orbes cœlestes omnes esse corpora viventia, animâ & intellectu, quo principia sua apprehendere & intelligere possunt, prædita. Item, quod per existentiam Intelligentiarum se-

paratarum, non per corpus aliquod, cuncta à Deo influant, quòdque sint Mediatores quasi inter Deum & omnia ista corpora.

Nunc itaque exponam tibi ea, quæ in Lege nostra cum istis sententiis conveniunt, & quæ in eadem illis sunt contraria, in capitulis sequentibus.

## CAP. V.

*Quòd Orbes cælestes sint animati, Legi Divine esse consonum.*

*Ex Scriptura demonstratur, Orbes esse animatos.*

**Q**UOD Orbes cælestes sint Animalia intelligentia & ratione prædita, h. e. quòd apprehensionem habeant, id verissimum & rectissimum est secundum Legem quoque nostram; quòdque non sint corpora mortua, sicut Ignis & Terra, (uti fatui & imperiti arbitrantur) sed, ut Philosophi loquuntur, Animalia, quæ colunt, laudant & celebrant Dominum & Creatorem suum. Hinc dicit David, *Cæli enarrant gloriam Dei, &c.* Procul enim abest à veritate, quòd quidam existimant hic agi de re ipsa, (h. e. *hic intelligi id, quod homines ex illis intelligunt*): quia Hebræi non tribuunt Narrationem alicujus rei, nisi illis, quæ Intellectum habent. Quòd verò hæc attineant & attribuantur ipsis Orbibus, non notitiæ hominum, quam ex illis capiunt, id firmiter demonstratur ex eo, quod porro ibi dicitur; *Non est sermo, neque verba ipsis, & sine his auditur vox eorum.* His enim verbis aperte explicat, se describere substantiam illorum; quòd scilicet laudent Deum Opt. Max., & annuncient mirabilia ejus sine verbis & fermocinatione, id quod est verissimum. Nam qui verbis laudat, is narrat tantum id, quod in mente sua concepit & cogitavit, veràque laus consistit in cogitatione & conceptione mentis; verba inserviunt solum ad docendum alios, aut ad ostendendum de nobis

quòd apprehenderimus, sicut dicitur, *Dicite in corde vestro, super cubili vestro, & silete, Selah*, prout exposuimus. Atque hæc est ratio à Lege petita, quam nemo, nisi imperitus vel perversæ mentis homo, rejiciet.

*Demonstratur idem ex Rabbinis.*

Quòd verò sententiam Sapientum nostrorum attinet, non video illam operosa declaratione aut probatione indigere. Manifesta sunt ea, quæ ordinaverunt in consecratione Lunæ, quæ item in precationibus & prædicationibus ipsorum inveniuntur: ut, *Et exercitus Cælorum adorant te. Item, Cum cantarent simul Stelle matutinae, & jubilarent omnes Filii Dei.* & similia alia multa. In Bereschith rabbah dicunt; *Cum ait Deus Sanctus & Benedictus, Et terra erat tohu vabohu: sensus illius*

Tohu

Tohu Vabohu est; Lugebat & clamabat propter malam sortem, quæ ipsi contigit; h.e. Terra dicebat, Ego & illi (Cœli videlicet) creati sumus simul & unâ, (Cœlum nempe & Terra): & superiora vivunt, inferiora verò sunt mortua. His enim verbis apertè testantur, Orbes cœlestes esse corpora viva, non corpora mortua, sicut Elementa.

Atque ita expositum tibi est, id, quod Aristoteles scribit, Orbes cœlestes apprehendere & cogitare, cum verbis Prophetarum & Legis nostræ Doctorum, Sapientum videlicet nostrorum p.m., consentire.

Præter hæc scias quoque, Philosophos omnes in hoc unanimiter convenire, Regimen Mundi hujus inferioris perfici à virtutibus in-

*Mundus regi-  
tur à virtuti-  
bus Cœli.*

fluentibus in illum à Cœlo, sicut alibi commemoravimus, & Sphæras cœlestes apprehendere ac scire id, quod regunt & gubernant. Id quod iterum scriptum reperitur in Lege nostra, cum dicitur; Ne at-

*Deut. 4. 19.*

tollas oculos tuos in Cælum, & videas Solem, Lunam, & Stellæ, & omnem

militiam Cœli, & impellaris, & incurves te ei, colasq; ea, quæ distribuit Do-

*Gen. 1. 18.*

minus Deus tuus omnibus populis sub toto Cælo. Vult enim dicere: Posuit illa Deus Mediatores, ad gubernandas creaturas, non ut colantur.

Dicit enim expresse, Ut dominarentur diei ac nocti, ac dividerent lucem à

tenebris: dominatio quippe consistit in Gubernatione, quæ adjungitur

Luci & Tenebris; quæ causæ propinquæ sunt generationis &

corruptionis. Nam de Luce & Tenebris dictum est, Et ad distinguendum inter Lucem & Tenebras.

Falsum autem est, Gubernatorem rei alicujus ignorare rem illam, quam gubernat, cum scit veritatem regiminis. Verum de hac materia alibi adhuc fusiùs agemus.

## CAP. VI.

### *De Angelis. Nomen ANGELI esse equivocum.*

**M**INIME' necessarium esse duco, ut ex Lege probem, quòd sint Angeli, cum id in plurimis locis scriptum reperiat.

Nôsti etiam, vocem Elohîm, nomen esse Judicum: ut, Ad Elohîm Elohîm, nomen Judices veniet negotium duorum illorum. Et hac de causâ transfertur ad Judicium.

Angelos & ad Creatorem, eò quòd ipse sit Judex super Angelos. Cur dicatur de

Hinc dicit, Quia Dominus Elohechem Deus vester est, respectu totius

speciei hominum, vel totius generis humani. Et postea; Ipse est

Elohe hælohîm Deus Deorum, h.e. Deus Angelorum, & Dominus Do-

minorum, h.e. Dominus Sphærarum & Stellarum, quæ sunt Domini

omnium aliorum corporum. Hic verus est sensus illius loci; non

enim

*Deo & de An-  
gelis.  
Deut. 10. 17.*

enim possunt illæ voces, *Elohim* Deorum, & *Adonim* Dominorum, intelligi de specie hominum, quia homines longè viliores sunt illis, & imprimis, quia omnes hominum status, tam capira & Principes quàm Subditos, generaliter jam complexus est, dum dicit, *Dominus Deus vester*. Non etiam potest hic significari, quòd Deus Opt. Max. sit Dominus super omnia, quibus Divinitas adscribitur & affingitur, ut putà Lapidēs vel Lignum. Nulla etenim foret hæc Deo gloria vel majestas, si diceretur esse Dominus Ligni, vel Lapidis, vel Fusilium. Proinde significatur, Deum esse Judicem super Judices, h. e. Angelos, & Dominum Sphærarum sive Orbium cœlestium.

part. 1. c. 59.

Porro, præmisimus jam in hoc libro caput quoddam, in quo ostendimus, Angelos esse incorporeos; id quod Aristoteles quoque asserit, diversorantum adhibito nomine. Ille enim dicit *Intelligentias separatas*, nos dicimus *Angelos*.

Præterea, quod ait Aristoteles, istas Intelligentias esse medias vel mediatores inter Deum & reliqua existentia, illisque mediantibus moveri Orbes cœlestes, quorum motus causa est generatio: id ipsum quoque scribitur in omnibus libris nostris. Non enim invenies, Deum ullum opus fecisse, nisi per manus alicujus Angeli. Nō isti, quòd *Malach* Angelus significet *Legatum*, *Nuncium*. Et quivis, qui mandatum aliquod expedit, est *Angelus*, ita ut de *Motu animalium irrationalium* quoque dicatur, illum fieri per manum Angeli, quando ille motus est ad intentionem Creatoris, qui indidit eis facultatem, quā illo motu movere possunt. Sic dicitur, *Deus meus misit Angelum suum, & conclusit os leonum, & non perdidit eos*. Motus quoque *asinae* Bileami omnes facti fuerunt per manum Angeli. Quin imò *Elementa* ipsa vocantur Angeli: ut, *Qui facit Angelos suos, ventos: ministros suos, ignem flammantem*. Non te latet etiam, Angelum vocari *Nuncium* & *Legatum ex hominibus*: ut, *Et misit Jacob Angelos*. Sic dicitur de *Prophetis*: *Ascendit autem Angelus Domini de Gilgal ad Bochim*. Item, *Et misit Angelum, & eduxit nos ex Aegypto*. De *Intelligentiis separatis* quoque dicitur, quæ apparuerunt Prophetis in Visione Prophetiæ. Item de *Facultatibus vitalibus vel animalibus*, sicut explanabimus. Nos hoc loco agimus tantum de *Angelis*, qui sunt *Intelligentia separata*, & dicimus, Scripturam non negare, quòd Deus Opt. Max. gubernet Mundum per medium Angelorum. Hinc Sapientes nostri, ad id, quod in Lege nostra legimus, *Faciamus hominem in imagine nostra*; & *Agendum, defendamus & confundamus ibi labium eorum*; in hunc sensum scribunt, *Si ita loqui liceat*, (כִּיכֹל) *Non facit Deus quicquam, donec illud*

Angelus quid significet

Dicitur de Motu animalium irrationalium.

Dan. 6. 22.

Num. 24.

De Elementis.

Psal. 104. 4.

De Legato Hominum.

Gen. 32. 3.

De Prophetis.

Judic. 2. 4.

Num. 20. 16.

De Intelligentiis abstractis.

De Facultatibus vitalibus & animalibus.

Deus gubernat Mundum per Angelos.

Gen. 1. 26.

Ibid. 11. 7.

infinitus

intueam fueris (deliberarit) in familia superioris. In quo dicto admiror, quare dicant, *Nisi* לֹא יִשְׁתַּחֲוֶה *intueatur!* Iisdem enim planè verbis ait Plato, quod Deus inspicit in Mundum Intelligentiarum, & ex illo producat Entia. Alibi verò simpliciter ita efferunt, *Non facit Deus quicquam, nisi antea consultarit de eo cum* אֱלֹהִים *familia superiori.* Vox אֱלֹהִים autem in Lingua Græca significat *Acie*m. Sic in Bereschith rabbah & in Medraich Koheleth dicitur ad illud Salomonis, *Et ascher asuhu* Qui Ecclesi. 1. 12. jam fecerunt eum; *Non dicitur, Asahu Fecit eum, sed Asuhu Fecerunt eum: quia* (si dici possit aut liceat, vel ita loquendo) *Ipse & domus judicii ejus suppurarunt & deliberarunt super unoquoque membro, quod est in te, illudq; collocarunt super basin suam, h. e. in locum suum, sicut dicitur; Ipse* Deut. 32. 6. *fecit te, & praparavit te.* Sic dicunt iterum in Bereschith rabbah; *Ubi-  
cunque dicitur in Scriptura* וַיְהִי *ET DOMINUS; ibi intelligitur Ipse & domus judicii ejus.* Horum dictorum omnium mens & sententia non est, ac si Deus loqueretur, cogitaret, consilium & considerationem aliorum peteret, vel sententiâ alicujus juvaretur; nam quomodo adjuvari posset Creator à creatura sua? verùm declarant nobis, quod minimæ quæque partes Entium hujus Mundi, usque ad creationem membrorum animalium prout sunt, fiant mediantibus Angelis; quia Virtutes & Facultates omnes sunt *Angeli*. Quàm verò perniciosâ & detrimentosa est hujus rei ignorantia! Si dicas alicui, etiam ex iis, qui se existimant esse è numero Sapientum Israël, Deum mittere Angelum suum, ut in uterum mulieris ingrediatur, ac embryonem ibi formet; plausibile hoc admodum ipsi videbitur, & approbabit illud, quin imò existimabit esse hoc Omnipotentiae & Sapientiae Divinae maximum præconium: licet aliàs credat, Angelum esse corpus igneum, & quoad quantitatem, sicut tertia totius Mundi pars. Omnia hæc convenientissima ipsi videbuntur Naturæ Dei. Verùm si dicas ei, Deum indidisse semini Facultatem formatricem, quæ faciat ac formet dispositionem illam membrorum, & illam esse *Angelum*; vel, Omnes formas provenire ab Intellectu agente, & hunc quoque esse *Angelum*, *Principem* nempe *hujus Mundi*, cujus tam frequentem mentionem faciunt Sapientes nostri, nullo modo hoc admittet; quia natura veræ fortitudinis & potentiae Illius (DEI sc.), quæ existere facit facultates activas in qualibet re, sensibus apprehendi nequit. Nostri Sapientes autem omnibus prudentibus satis explicuerunt, quamlibet Facultatem corporalem esse Angelum, ac per consequens multò magis, Facultates dispersas ac diffusas per hunc Mundum; singulasque unam

*Unus Angelus tantum habere actionem & operationem propriam, non duas. Hinc dicunt in Bereschith rabbah; Traditio est, Nunquam unus Angelus duas obire legationes, neque unquam duo Angeli obeunt legationem unam. Par enim ratio est omnium Facultatum seu Virtutum. Quodd verò Facultates singulares, naturales & animales, Angeli quoque ab illis vocentur, illud ex multis locis probari & confirmari potest. Primarium illud est, quod in Bereschith rabbah legimus: Singulis diebus creat Deus Opt. Max. cœtum Angelorum, qui dicunt coram eo canticum, & postea recedunt. Quodd si contra hoc dictum obijciatur, Angelos esse stables, ac propterea illos vocari Chajim, Kaijamm, h.e. viventes & stables; respondebunt, Quosdam illorum esse stables & permanentes, quosdam verò non, quemadmodum in veritate res non aliter se habet. Virtutes enim illæ singulares sunt ordinariè & regulariter generabiles ac corruptibiles; species verò illarum permanentes & incorruptibiles. Dicitur ibidem in negotio Judæ & Thamaris; Dixit R. Jochanan, Voluit transire (Jehudah), sed ostendit ei Deus Angelum, qui est præfectus concupiscentia, h.e. Facultatem impredientem. Unde vides, illos Facultatem hanc vocare quoque Angelum. Sic passim invenies illos dicentes, Angelus, qui est præfectus tali vel tali rei: quia omnis Virtus vel Facultas, quam præfecit Deus alicui rei, vocatur Angelus illi rei præfectus. Hinc legimus in Medrasch Koheleth: Eâ horâ, quâ homo dormit, dicit anima ejus ad Angelum, & Angelus dicit ad Cherubinum, &c. Ex quo intelligenti apparet, Facultatem imaginatricem quoque vocari Angelum, & Intellectum vocari Cherubinum, quod à sapientibus & intelligentibus elegantissimum judicatur, utur à stultis & imperitis repudietur.*

*Sub variis formis apparuit Angeli.*

Gen. 18.2.

Jud. 13.7.

Exod. 3.2.

*part. 2. c. 44. 45.*

Quod verò varietatem formarum attinet, quibus Angeli in Visione Prophetica apparuerunt, de eo jam alibi egimus. Invenies Prophetas, qui viderunt Angelos sub specie & forma Viri: ut, *Et ecce tres viri stabant ante ipsum.* Alii viderunt Angelum tanquam Virum terribilem & formidabilem: ut, *Et aspectus ejus tanquam aspectus Angeli Dei terribilis valdè.* Alii viderunt Angelum veluti Ignem: ut, *Et apparuit ei Angelus Domini in flamma Ignis.* Et dicunt ibi Sapientes nostri; Abrahamo, cujus virtus erat pulchra, apparuerunt sub specie Viros; Lotbo, cujus virtus erat mala, apparuerunt sub specie Angelorum, quod est mysterium Propheticum, de quo alibi commodior dicendi locus occurrer. Dicitur ibidem quoque: *Antequàm expeditissent legationem suam, vocavit eos Viros: postquam verò eam perfecerunt, induerunt*

An-

Angelitatem, h.e. formam Angelicam. Animadvertite, quomodo ex omni parte Angeli rationem ponant in Actione seu operatione aliqua, & quòd omnis Visio Angeli capienda sit de Visione Prophetica, & ratione Apprehendentis. Proinde nihil est, quod in tota hac materia scripsit Aristoteles, quod Legi nostræ repugnet aut contradicat, nisi hoc, quòd Aristoteles credit, ista omnia esse æterna & necessaria, & habere existentiam à Creatore; nos verò, quòd omnia sint creata, quòd Deus creârit Intelligentias separatas, & quòd indiderit Cœlo Facultatem appetendi illas. In hoc (inquam) ab eo dissentimus, quòd nos dicamus, Illum creâsse Intelligentias & Orbes cœlestes, illisque Facultates gubernatrices indidisse. Verùm sententiam illius, & sententiam nostram percipies, quando agemus de Novitate Mundi.

CAP. VII.

*Quòd Orbes cœlestes, & Angeli, qui in eis sunt, intelligant & eligant quod rectum est.*

EXPOSUIMUS jam hemonymiam vocis *Malach* sive Angelus, & ostendimus, quòd sub se comprehendat etiam Intelligentias, Sphæras cœlestes, & Elementa, quia omnia mandatum quoddam exsequuntur. Verùm noli existimare, Orbes vel Intelligentias comparatas esse sicut reliquæ Virtutes corporales, quæ Naturæ sunt; Hæ enim operationes suas non apprehendunt, Orbes verò & Intelligentiæ apprehendunt operationes suas, eligendi prætereà & regendi facultatem habent, verùm non eam libertatem & gubernationem, quam nos, quæ tota est in rebus creatis. Docet nos hoc Lex Divina. Idè enim dicit Angelus ad Lothum, *Quia non* Gen. 19. 12.  
*possum facere, &c.* Item, cùm petiisset Loth ab eo, ut erueret se posset, dicit ei; *En suscepi faciem tuam etiam hac in re.* Sic dicitur, *Cave tibi à* Ibid. vers. 21.  
*facie ejus, & attende ad vocem illius, &c.* Hæc omnia docent te, quòd Exod. 23. 21.  
apprehendant opera sua, quòdque voluntatem & electionem habeant in regimen illud, quod eis datum est (h.e. *in ea, quorum regimen & gubernatio illis concessa est*), quemadmodum & nos voluntatem & electionem habemus in regimine illo, quod nobis datum est, illudq; à momento nativitatis in potestate nostra habemus. Hac tamen cum differentia; quòd nostræ actiones sint viliores, & quòd gubernationem ac operationem nostram præcedat privatio; Intelligentiæ verò & Sphæræ semper faciant bonum, & quòd apud eos nullit



nisi bonum, (sicut in seqq. capp. explicabimus), & quicquid habent, id in perfectione & actu semper eis insit à primo eorum principio.

## CAP. IIX.

*Motus cælestium Orbium & Stellarum sonos  
edere vehementes & suaves, sed propter lon-  
gam distantiam non exaudiri à no-  
bis posse.*

*Vide Aristot. lib.  
2. de Cæl. cap. 9.*

**E**X receptis antiquorum Philoſophorum ſententiis eſt & hæc, Motus Sphærarum ſive Orbium cæleſtium reddere ſonos terribiles & fortes admodum.

*De Muſica ſua  
harmonia Or-  
bitū cæleſtium.*

Probationem huius ſui dogmatis hinc deſumpſerunt, quòd dixerunt; Corpora illa noſtra, quæ tam parva ſunt, cum motu celeri moventur, ſonitum & tinnitum edunt formidabilem; quantò magis ergo corpora Solis, Lunæ & cæterorum aſtrorum, quæ magnitudine & celeritate motus in tantum illa ſuperant? Deinde, ſecta Pythagoræ tota credidit quoq; ſonos illos eſſe ſuaves, harmonicos, & magnitudini corporum proportionatos, ad-inſtar concentus & harmoniæ Muſicæ. Poſſunt etiam dare cauſſam, quare ſonus illi à nobis non exaudiantur.

*\* Reſpicit ad il-  
luſt. dictū Rab-  
binorū, Trium  
rerū vox tranſi-  
it ab una ex-  
tremitate Mū-  
di ad alteram,  
Vox populi  
Romani, Vox  
Sphæræ Solis, &  
Vox egreſſus  
animæ ex cor-  
pore.*

Atque hæc ſententia nota quoque fuit in Gente noſtra. An non vides Sapientes noſtros \*definire magnitudinem ſoni Solis, cum indies Sphæram percurrit? Idem enim ſtatuendum eſt de omnibus, ſi de uno dicatur.

Verum Ariſtoteles negat hoc, & probat, illos nullum ſonum habere, quemadmodum illius ſententiam reperiſ in libro ſecundo de Cælo & Mundo, quòd te remitto.

*Sapientes Gen-  
tilium vincunt  
Sapientes Iſraë-  
lites in rebus A-  
ſtronomiæ.*

Noli autem exiſtimare, Ariſtotelem propterea contradicere Sapientibus noſtris hac in re, quia ſententia de ſonis Sphærarum ſequitur opinionem illam, quæ crediderunt, Cælum manere fixum, & Stellæ moveri. Noſti verò, ſententias Sapientum Gentilium in iſtiusmodi rebus Aſtronomiis præponderare ſententiis illorū, (h. e. Gentiles in hiis rebus Sapientibus noſtris palmam præripere). Hinc rotundè dixerunt; Vicerunt Sapientes Gentium Sapientes Iſraëlis, id quod veriſſimum eſt. Nam quicumque de illis rebus ſcripſerunt, nihil aliud ſcripſerunt, quàm quod ratio ipsis dictabat, nihilque aliud crediderunt, niſi cuius veras demonſtrationes invenerunt.



## CAP. IX.

*De numero Sphærarum cælestium, & dicto quodam Rabbiorum quorundam, quo dicunt, Duo esse expansa.*

**I**N capite quarto hujus partis indicavimus jam, Numerum Sphærarum cælestium tempore Aristotelis non fuisse accuratè cognitum & investigatum: & eos, qui nostro tempore illas numerârunt, novem illarum supputâsse, sed unum Globum, qui multas Sphæras continet, pro una tantùm numerâsse, quemadmodum illis notum est, qui Astronomiæ operam dederunt. Ideoque noli contemnere dictum illud Rabbiorum quorundam; *Duo sunt expansa, sicut dicitur*; Ecce Domini Dei tui sunt cæli, & cæli cælorum, (vel, Est cælum, & cælum cæli.) Nam author hujus dicti, globum omnium Stellarum, h.e. Sphæras, in quibus sunt Stellæ, pro uno numeravit, & globum Sphære circumagentis (h.e. *primæ*) pro secundo, ac propterea dixit, *Duo sunt expansa.*

*Numerus Sphærarum tempore Aristotelis non fuit accuratè cognitus.*

*Deut. 10. 14.*

Antequàm autem ulteriùs progredior, præmittam tibi hic propositionem quandam scitu necessariam ad intelligendum scopum & argumentum istius capituli.

Propositio illa est hæc. Scias, quòd inter priscos Mathematicos controversia sit de Sphæris Veneris & Mercurii, *an sint supra, an verò infra Solem?* quia nulla certa demonstratio est, quæ nos doceat de certo ordine vel loco duorum horum Orbium. Veterum omnium sententia fuit, Orbes Veneris & Mercurii esse supra Solem, quod probè nota. Sequutus est postea *Ptolemaeus*, qui argumentis obtinuit, quòd sint infra Solem, dicendo; Naturæ convenientissimum esse, si dicatur Sol esse in medio, & habere tres Planetas supra, & tres infra se. Post hunc venerunt alii quidam *Andelofeni*, excellentissimi admodùm Mathematici, & demonstrârunt secundùm principia *Ptolemæi*, Venerem & Mercurium esse supra Solem. De qua re librum celebrem conscripsit *Aben-Aflach Hispanensis*, cum cujus filio familiaritas mihi intercessit. Post hæc laboravit quoque in hoc negotio præstantissimus Philosophus *Abubachar Filius Alzaig*, cum cujus discipulorum uno studui, qui mihi ostendit argumenta (quæ ab eo descripsimus), quibus probat, fieri non posse, ut Venus & Mercurius sint supra Solem. Verùm rationes illæ *Abubachari* probant tantùm impossibilitatem hujus rei, (h.e. *partem questionis negativam*);

*An Sphæra Veneris & Mercurii sint supra vel infra Solem?*

*Veteres numerarunt quinque Orbes.*

*Quatuor Orbes stellati.*

*Stella vocabantur ab aliquibus Figuræ, Imagines.*

non verò demonstrant verum motum illorum (*Orbium* sc.). Summa; siue ita sit, siue non sit, Veteres omnes posuerunt Venerem & Mercurium supra Solem, ideoque Orbes numerarunt quinque: Orbem Lunæ, qui nobis sine dubio proximus est; Orbem Solis, qui altior est illo; Orbem quinque reliquorum Planetarum errantium; Orbem Stellarum fixarum; & Sphæram circumagentem cæteras, in qua nulla est Stella. Globorum ergo vel Orbium figuratorum, h.e. Orbium formas vel figuras habentium, in quibus Stellæ sunt, (sic enim Antiqui solebant Stellæ appellare *Tzuroth*, h.e. Formas, Figuras, vel Imagines, ut ex libris ipsorum liquet), erunt quatuor: Orbis videlicet Stellarum fixarum; Orbis quinque Stellarum erraticarum; Orbis Solis; & Orbis Lunæ; & supra hos omnes Orbis alius non stellatus. Atque hic numerus apud me est fundamentum maximum rei cuiusdam in animo meo, quam non vidi adhuc apud ullum Philosophum. Ego verò in libris Philosophorum & Sapientum nostrorum inveni quædam, quæ me ad eam perduxerunt. Quidnam autem illud sit, exponam capite sequenti.

## CAP. X.

*Mundum hunc moveri à Virtutibus influentibus è Mundo superiori, &c.*

*Mundus hic inferior regitur à Mundo superiori.*

**N**OTUM est, Philosophos omnes, quotiescunque loquuntur de regimine & gubernatione Mundi, statuere, Mundum hunc inferiorem generabilem & corruptibilem regi à Virtutibus & Influentiis Sphærarum cælestium, quemadmodum aliquoties jam monuimus.

In hunc sensum dicunt Sapientes nostri; *Non est ulla verba hic infra, quæ nō habeat* *מַסַּל* *Massal* (h.e. Planetam, Sydus, Influentiā) *suprà in Firmamento, quæ percutit illam, eiq; dicit, Cresce sicut dicitur; Nunquid nō isti statuta Cœli? nunquid pones dominiū ejus in terra?* (*Massal* hoc loco vocant non solum duodecim signa Zodiaci, sed etiam Planetas, sicut videre est in *Bereschith rabbah*, ubi dicitur; *Est massal cursus suum absolvens spatio triginta dierum, & est Massal absolvens iter suum spatio triginta annorum*). Illo enim dicto voluerunt docere, omnia Individua generabilia habere virtutes suas à Syderibus vel Stellis eisdem appropriatis. Et licet virtutes Orbium cælestium diffusæ sint per omnia Entia; tamen virtutem uniuscujusq; Stellæ vel Planetæ, speciei cui propriam esse, quemadmodum se res habet in virtutibus & facultati-

*מַסַּל* *Massal* *quid?*

*Vu Stellarū & Planetarum in hac inferiōra.*

tatibus corporis. Nam tota rerum Existentia (h.e. totus Mundus) est veluti unum Individuum, sicut in præcedenti libro vidimus. Sic docent Philosophi, Lunam habere virtutem quandam propriam in elementum Aquæ: cujus rei argumentum est, quòd crescente Lunâ crescunt quoque maria & Humina, eâdemq; decrescente, & illa decrescunt. Crescunt enim maria, dum prodit Luna; & decrescunt, cum recedit, h.e. in ascensione & descensione ejus in quadris Sphæræ, uti notum est eis, qui operam aliquam in his navârunt. Splendorem verò Solis movere elementum Ignis, clarissimum est. Videmus enim cum Sole calorem diffundi in omnia Entia, & eo recedente vel sese abscondente frigus dominari. Proinde ulteriori ad id demonstratione non est opus.

Cum itaq; hæc intellexi, statim animum meum subiit hæc cogitatio & ratiocinatio; quòd licet ab omnibus istis quatuor Globis figuratis (h.e. stellaris) virtutes influant in hæc generabilia, unusquisq; tamen illorum peculiare Elementum habeat, cujus Elementi virtutum principium sit Globus ille solus, quiq; illud motu suo moveat; Orbem Lunæ movere Aquam, Orbem Solis movere Ignem, Orbem reliquorum Planetarum movere Aërem, (qui propter multitudinem motuum illorum, & varietatem in retrogradatione, reëitudine, & statione subitò quandoque & ipse mutatur, variatur, coarctatur, colligitur & diffunditur), Orbem reliquarum Stellarum fixarum movere Terram, (unde fortè propter tarditatem morûs illarum & illa tardiùs movetur ad recipiendam Passionem, aut Mixtionem). Et ad hanc Appropriationem Stellarum fixarum ad Terram digitorum intenderunt Sapientes, cum dixerunt, Numerum specierum germinantium esse æqualem numero Stellarum.

Ordo ergo talis fortè est: Orbes erunt quatuor; Elementa, quæ ab illis moventur, quatuor; Virtutes, generaliter ab ipsis in hæc Entia provenientes, quatuor, sicut exposuimus: sic quatuor quoq; sunt Causæ uniuscujusq; morûs sphaerici, quæ sunt formæ illius; videlicet, Rotûditas ejus, Anima, Intellectus, quo potest aliquid formaliter concipere vel cogitare, uti explicuimus, ac deniq; Intellectus separatus, qui est Desiderium vel Appetitus ejus, quæ omnia diligenter norare & observare debes, quæq; paulò fusiùs & clariùs tibi nunc explicabo.

Nisi figura ejus (Sphæræ) talis (rotunda sc. vel orbicularis) esset, nullo planè modo posset moveri motu circulari continuo; continuatio enim morûs per regressione non est possibilis, (h.e. ut aliquid continuè

part. 1. c. 72.

Luna vii in A-  
quam.

Solis vii in Ignē.

Singula quatuor  
Globi figurati  
Elementum cer-  
tum habens, cui  
virtutes insun-  
dunt.

part. 1. c. 72.

Quatuor causa  
motûs Sphæra-  
rum.

part. 2. c. 4.

nue

nuè moveatur, & subinde per eandem viam revertatur, possibile non est), nisi in motu circulari solùm. Nam licet id, quod movetur motu recto, quandoque revertatur per illam eandem viam, tamen non est continuatio motûs; quia inter omnes duos motus contrarios intercedit quies aliqua, prout in loco suo demonstratur. Proinde patet hinc, ut aliquid motu continuo moveatur, & per unam eandemq; viam revertatur, necessariò requiri, ut moveatur circulariter. Jam verò nihil moveri potest nisi id, quod habet Animam; proinde hinc sequitur quoq; existentia Animæ, (h.e. *Sphæram habere animam*). Hoc autem est impossibile sine causâ aliqua *πρωτευειν*, quæ est Conceptio vel Cogitatio formalis, & sine appetitu ac desiderio rei alicujus in mente conceptæ, sicut ostendimus; & hoc iterum esse nequit nisi in Intellectu; quandoquidem non est (motus ille *Sphæra* sc.) vel fuga contrarii, vel perlequutio convenientis & boni, (sicut est motus naturalium animalium irrationalium); & hoc nequit etiam esse sine Ente quodam in Intellectu formato, ad quod appetitus & desiderium ejus dirigatur. Hæ igitur sunt quatuor causæ motûs Sphærarum.

Quatuor genera  
Virtutum, à  
Sphæris ad nos  
pervenientium.

part. 1. c. 72.

Quatuor genera Virtutum universalium primò ab illis ad nos pervenientium sunt hæc; Virtus generationis mineralium, Virtus animæ vegetantis, Virtus animæ viventis, & Virtus animæ rationalis, sicut alibi exposuimus. Quòd si autem consideraveris operationes quatuor istarum Virtutum, duas illarum species reperies: Generationem nempe cujusvis rei, quæ generatur, & Conservationem illius; perpetuam videlicet, quoad speciem; quoad individua verò, ad tempus, sive temporalem. Atq; hùc tendit illud, quod dicitur, *Naturam esse Gubernatorem sapientem, qui providet, ut sit Animal cum arte rationandi; & qui curat, ut perpetuò conservetur; dum facit existere Virtutes formatas largientes, quæ sunt causæ existentia illius; & Virtutes aliteres, quæ sunt causæ subsistentia, durationis & conservationis illius*. Nihil enim aliud sibi vult, quàm Divinum quid esse illud, à quo duæ istæ operationes ad nos mediantibus Sphæris cœlestibus perveniunt.

De Numero  
Quaternario.

Porrò autem admirandus est iste Numerus Quaternarius, & consideratione dignum hic illud, quod in Medrasch legimus; Rabbi Tanchuma dixit, Quot gradus fuerunt in scala? Quatuor; In scala videlicet illa, de qua dicitur, Et ecce scala erat super Terram. Sic in omnibus Medraschoth legimus, Quatuor sunt exercitus vel castra Angelorum; id quod sæpissimè iteratur. In quibusdam tamen exemplaribus ita legi: Quot gradus fuerunt in scala? Septem. Omnia verò Medraschoth & omnia exemplaria consentiunt in hoc, quòd quatuor fuerint Angeli, quos

quos vidit adscendentes & descendentes, non plures; duo videlicet adscendentes, & duo descendentes; quod fuerint quatuor (*illi*) congregati in uno gradu Scalæ; & quod fuerint in ordine uno, eorumque duo adscenderint, & duo descenderint; & tandem exinde docuerunt, quod latitudo Scalæ sit Mundus & tertia pars Mundi in Visione Prophetiæ. Nam latitudo unius Angeli in Visione Prophetiæ fuit instar tertiæ partis Mundi; sicut dicitur, *Et corpus ejus sicut Tharsis*. Proinde si res ita sese habeat, quatuor Angelorum latitudo erit instar Mundi & tertiæ illius partis. Et in parabolis Zachariæ, ubi describitur *quatuor currus, qui egrediebantur inter duos montes, qui erant erei*, expressè dicunt; *Isti sunt quatuor Spiritus Cæli, qui egrediuntur à conspectu Dominatoris totius Terræ, & sunt causa omnium eorum, quæ innovantur*. Quod Aes attinet, cujus mentionem facit, sicut & alibi dicitur, *Tantum aspectus æris politi*, in eo lateet homonymia, quam postea tibi explicabo. Quoad illud, quod dicunt, *Angelum esse ut tertiā partem Mundi*, quod & iisdem verbis legimus in *Bereſchith rabba*, id manifestum & clarum admodum est, ac à nobis quoque jam explicatum in Opere nostro magno Talmudico, ubi docuimus; Omnes Creaturas in tres partes dividi, in Intelligentias separatas, quæ sunt Angeli, in corpora Sphærarum cœlestium, & in Materiam primam, h. e. in corpora illa, quæ perpetuò mutantur & sub Cœlo sunt. Sic ergo, qui modò vult, solidè potest ænigmata Prophetiæ intelligere, è somno Oblivionis expergisci, è mari Ignorantiæ emergere, ac denique ad superos vel ad summum Scientiæ gradum adscendere; qui verò mavult in ignorantia sua hære & ad imos descendere, is non necesse habet corpus vel animum suum multum defatigare. Quiescat modò, & sponte suā eò descendet. Tu verò hæc omnia attentè considerato & ruminato.

*Latitudo unius  
Angeli quæritur.  
Dan. 10. 6.*

*Zach. 6. 1.*

*Ezech. 1. 7.*

# CAP. XI.

*Omnia Entia in tres partes dividi, quarum prima sunt Intelligentiæ separatae, Angeli videlicet; secunda, Sphæræ cœlestes; tertia, Corpora generabilia & corruptibilia.*

CUM Mathematices studiosus aliquis in res istas Astronomicas, de figura nempe & numero Sphærarum cœlestium, de quibus hætenus egimus, incidet, illasque leget, cogitabit fortè, illa

*Non omnia sunt  
in Astronomia  
demonstrativa.*

omnia esse absolute & præcisè demonstrativa: verùm novisse debet, minimè ita rem habere, neq; hoc quæri in Astronomia. Sunt enim in illa quædam demonstrativa, quædam verò dubia. Sic per demonstrationem ostendi potest, Solis viam deflectere à lineâ Æquinoctiali, neq; ullum eâ de re est dubium; utrùm verò habeat Orbem eccentricum an Epicyclum, non liquet per demonstrationem, & Astronomus de eo non est multùm sollicitus. Nam scopus illius scientiæ est, ejusmodi constituere dispositionem, cum qua conveniat, quòd motus Stellæ vel Planetæ sit circularis & æqualis, sine festinatione, retardatione, aut mutatione, & ut id, quod ex illo motu sequitur, conveniat cum eo, quod oculis videmus. Operam etiam dare debes Astronomus, ut motus & numerus Orbium diminuat quantum potest. Verbi gratiâ, cùm possumus fabricare hypothesin vel dispositionem quandam, cum qua conveniat id, quod de motu alicujus Planetæ videtur, in tribus Orbibus, (h.e. *per quam apparentem motum Planetæ alicujus ad tres Orbes referre possumus*), & dispositionem aliquâ, cum qua illud ipsum conveniat in quatuor Orbibus, cùm porius inniti debemus dispositioni illi, cujus motuum numerus est paucior. Hinc eligimus in Sole Eccentricitatem potius, quàm Epicyclum, sicuti dicit Ptolemæus; Hinc etiam, cùm videamus Stellarum fixarum omnium motum esse unum, cujus (*motus sc.*) dispositiones inter se non mutantur aut variantur, consentimus, quòd omnes sint in una Sphæra. Nil tamen impossibile est, si dicamus, unamquamq; Stellam in peculiari esse Sphæra, & illas Sphæras omnes uno motu, & circa unum eundemq; polum moveri: quâ ratione tot essent Intelligentiæ, quot sunt Stellæ, sicut dicitur; *Num est numerus ligdudav exercitiibus ejus?* h.e. multitudini illorum. Nam Intelligentiæ & Corpora cælestia, Virtutesque illorum omnes, sunt Exercitus ejus; illorumque species necessariò sub numero aliquo comprehenduntur. Proinde licèt ita esset, nil tamen derogaret ordini nostro, dum unam tantùm Stellarum fixarum Sphæram numeravimus, quemadmodum etiam quinq; tantùm Sphæras constituimus Stellarum erraticarum, licèt una Sphæra plures Orbes complectatur: quia jam intellexisti intencionem nostram, videlicet, quòd illas tantùm Virtutes in Entibus numeremus, quas apprehensione generali apprehendimus, nullâ habitâ ratione, Veritatem ipsam Intelligentiarum & Orbium determinandi.

*Omnia Entia in  
tres partes divi-  
duntur.*

Verùm tota nostra Intentio hic est, indicare, quòd omnia Entia, quæ sunt sub Creatore, in tres partes dividantur, quarum prima sunt Intel-

Intelligentiæ separatæ; secunda, Corpora Sphærarum cœlestium, quæ gestant formas perpetuas, in quibus nec forma de subiecto in subiectum transfertur, nec subiectum in substantia sua mutatur; tertia, Corpora ista generabilia & corruptibilia, quæ Materia una comprehendit, (h.e. *quæ unam & communem habent Materiam*): præterea, quod Gubernatio vel Virtus regiminis influat à Deo in Intelligentias secundum ordinem ipsarum: & ab Intelligentiis in corpora cœlestia proveniat, quicquid bonitatis & lucis ipsis inest: à corporibus cœlestibus in corpora hæc generabilia & corruptibilia, quicquid boni vel virtutis à principiis suis habent. Scito autem, quod singuli isti, qui bonum ac salutare quid aliis infundunt, (h.e. *Intelligentia & Orbes*), non ideò solùm existant aut hanc intentionem & finem habeant, ut illi profint solummodò, quod utilitatem & commodum ab illis recipit. Hinc enim sequeretur, id quod falsissimum est, (Finis quippe præstantior est rebus illis, quæ sunt propter finem); sequeretur inquam, si ita esset, D E U M supremum, perfectissimum & gloriosissimum existere propter aliquid levius & vilius, quod nulli unquam Sapienti in mentem venturum est. Ita autem, ut jam tibi declarabo, res comparata est. Quicquid perfectum est perfectione aliquâ, illius perfectio vel ita comparata est, ut se ipsum tamen perficiat, & in nullum alium transeat; vel ita, ut in eo supersit perfectio pro alio quoque: ut, si diceret, E. G. Est quidam, qui pecunias sufficientes habet pro necessitatibus suis omnibus, sed non h. l. superfluum, unde alii prodesse queat; & est alius, qui pecunias habet non solùm quantum sibi sufficit, verùm etiam ut adhuc multos alios divites facere possit; ita ut alii tantam copiam dare valeat, quàm non solùm ille reddatur dives, sed & tertium adhuc ditare queat. Et hoc modo res se habet in hoc Mundo. Nam Influentia illa, quæ defluit à D e o Opt. Max. ad existentiam Intelligentiarum separatarum, influat etiam ab Intelligentiis ad productionem illarum ex se invicem, usque ad Intellectum agentem, & ibi finitur Productio vel Creatio Abstractorum. Ab abstractis porrò omnibus & singulis effunditur Virtus productiva alia usque ad Orbes cœlestes, & eorum ultimum, Orbem Lunæ; & hinc deinceps Corpora generabilia & corruptibilia, h.e. *Materia prima*, & ea, quæ ex illa sunt composita, & omnes Sphæræ effundunt Virtutes in Elementa, donec Influentia illorum perficiatur in fine generationis & corruptionis.

Atq; hæc omnia jam demonstravimus non pugnare cum iis, quæ dixerunt Prophetæ, vel Sapientes Legis nostræ. Nam gens nostra



Deut. 4. 6. *fuir gens sapiens & perfecta, sicut testatus est Deus per illum Dominum, qui perfectos fecit nos, dicendo; Utrique populus sapiens & intelligens, gens magna ista.* Posteaquàm verò improbi Tyranni gentium stultarum perdidissent optima quæque, quæ habuimus, Sapientiam & libros nostros è medio sustulissent, ac denique Sapientes nostros intetemissent, ignorantes & imperiti nos quoque evasimus, (sicut malum hoc Deus nobis comminatus erat propter iniquitates nostras, cùm dixit; *Et peribit sapientia Sapientum ejus, & intelligentia Intelligentum ejus absconderur;*) cum illis commixti sumus, & translatae sunt ad nos sententiæ & opiniones illorum, planè ut ipsorum mores, qualitates & opeta. Nam quemadmodum de similitudine operum ait, *Miscuerunt se cum gentibus, & didicerunt opera eorum:* sic ait de translatione sententiarum & opinionum stultarum ad nos, Ubalde *Et in filijs alienigenarum acquiescent,* quod Jonathan F. Uzielis transfert, *Et in statutu vel consuetudinibus populorum incedent.* Cùm igitur secundum consuetudinem stolidatum & ignorantium istarum gentium ita educati fuimus, factæ sunt nobis sententiæ & opiniones istæ Philosophicæ, quasi peregrinæ & alienæ essent à Lege nostra, quemadmodum alienæ sunt stultis & imperitis. Verùm nequam ita est.

Jes. 29. 14.

Psal. 106. 35.

Jes. 2. 6.

Posteaquàm ergo multoties jam mentionem fecimus Influentiæ provenientis à Deo Opt. Max. & Intelligentiis, necessarium quoque est, ut tibi nunc veritatem ejus, h. e. quid per Influentiam intelligatur, exponam. Quo facto, incipiam explicare quæstionem de Novitate Mundi.

## CAP. XII.

*De Influentiâ à Creatore in Intelligentias separatas, & ab his in Orbes cælestes proveniente.*

**O** MNE Ens, quod innovatum est, necessariò habet causam efficientem, quæ illud innovavit, postquàm non fuit. Efficiens autem ille proximus est Corpus, vel non est Corpus. Corpus verò non agit quatenus est corpus, sed agit quatenus est corpus unum, h. e. ratione formæ suæ. Sed de hac materia agam postea. Efficiens porro ille innovans rem innovatam potest & ipse esse innovatus. Hoc verò non potest procedere in infinitum, sed necessariò (siquidem res innovata sit) deveniendum est tandem ad Innovato-

rem



rem antiquum & æternum, qui non sit innovatus. Sed hic ulterius queri potest, quare is nunc, & non prius innovârit eam, cùm tamen ipse extiterit? Respondeo, Si res ita sit, (h.e. si *Efficiens antea existit*) opus illud innovatum ante innovationem suam esse non potuit, vel propter Privationem Proportionis alicujus inter Efficientem & Effectum, (ita sc., ut *Efficiens in Effectum, vel propter absentiam, vel nimiam distantiam, operationem non exercere potuerit*), si Efficiens fuerit corpus; vel propter Privationem Dispositionis materiæ, si fuerit Efficiens incorporeus. Hæc enim omnia contemplationis & considerationis prorsus sunt naturalis, nullusque in illis habetur respectus vel ad Antiquitatem & Æternitatem, vel ad Novitatem Mundi. Nam non est hic scopus noster in præsentî capite. Porro autem manifestum est ex Scientia Naturali, quòd nullum corpus in aliud corpus agat, nisi vel illud corpus ipsum, vel aliud proximum & vicinum illi fiat obviàm, siquidem Actio Agentis illius fiat per media. Exemplum hujus rei sit hoc. Corpus istud, quod nunc calefactum vides, calefactum est propterea, vel quia corpus Ignis ipsi venit obviàm, vel quia Ignis Aërem, & Aër circumstans illud calefecit: quâ ratione Causa efficiens proxima calefactionis corporis illius erit Corpus Aëris calidi. Sic Adamas attrahit ferrum de-longè per virtutem ab ipso in Aëre, qui ferro obviàm venit, dispersum; ac propterea non in quavis distantia attrahit. Sicut enim Ignis per quamvis distantiam non calefacit, sed per eam tantum, in qua Aër inter ipsum & rem à virtute ejus calefactam mutari potest, (cùm enim cessat calor Aëris ex Igne, qui est sub cera, tùm non amplius liquefcit): ita comparatum est cum eo, quod attrahitur vel attrahit. Cæterum, id, quod calidum prius non erat, sed postea demùm calidum factum est, nequit esse sine Causa calefaciente innovata; sive jam Ignis ipse sit innovatus, (h.e. *caussa illa Efficiens innovata*), sive ab Igne venerit per distantiam & longitudinem ab ipso immutaram, & tùm Proportio vel Comparatio illa est id, quod prius non fuit, & postea innovatum est. Et hac ratione inveniuntur Causæ omnium *Innovatorum corporum causa.* rerum innovatarum in hoc Mundo, quarum causa est Mixtio Elementorum, quæ sunt corpora in se invicem agentia, & à se mutuo patientia, h.e. quarum Innovationis causa proxima est Appropinquatio corporis ad corpus, aut Distantia corporis à corpore, (vel, ut *Philosophi loquuntur*, Contactus Proprius & Impropius, qui & Virtualis). Quod verò attinet Innovata illa, quæ non sequuntur Mixtionem, ut sunt Formæ omnes, necesse est, ut Efficientes (h.e. Dator

*Formarū causa efficiens.*

formæ) illorum sit incorporeus. Nam Efficiens formæ est Forma sine materia, sicut locis suis explicatum est, & rationes ejus rei jam à nobis adductæ sunt in præcedentibus; quibus & hoc addi potest, quòd omnis mixtio augmentationem & diminutionem recipit, & successivè vel gradatim innovatur: formæ verò non ita successivè innovantur; ideoque etiam nullus in eis est motus: verùm innovantur aut corrumpuntur sine tempore, & proinde non sunt ex operibus mixtionis, sed mixtio disponit tantùm materiam ad recipiendam formam: Efficiens præterea formæ, res est, quæ nullam recipit divisionem; nam operatio illius est de ejusdem specie, (*quale enim est Effectum, talis quoque est Causa; Et contrà:*) ideoque clarum est, Efficientem formæ, h. e. Dactorem ejus de necessitate quoque esse Formam, & quidem abstractam. Talem autem Efficientem, qui est incorporeus, actionem suam perficere in comparatione vel proportionem aliqua, falsum est; cùm non sit corpus, ut aliud corpus ei accedere, appropinquare, vel ab eo elongari possit; quia nulla est proportio distantiae inter corpus, & id quod non est corpus, ac proinde necessariò causa privationis ejusmodi operis (h. e. *forma alicujus*) est privatio dispositionis materiæ illius ad recipiendam abstractam actionem. Et sic liquet, quòd operationes corporum secundùm formas suas in se invicem, consequantur dispositionem & præparationem materiæ ad rei incorporeæ operationes, quæ sunt formæ, recipiendas. Cùm itaque actiones Intelligentiæ abstractæ manifestæ & evidentes sint in Mundo, ea videlicet omnia, quæ præter vel absque mixtione innovantur, scimus certò, illum Agentem vel Efficientem, quia non est corpus, neque per contactum, neq; per certam ac propriam distantiam operari. Perpetuò verò Agens ille appellatur *Agens abstractum per Influentiam*, similitudine desumptà à fonte, ex quo aqua non ex una tantùm parte vel latere, sed undique effluit, & in omnes partes effunditur, neque solùm propinqua, sed & remota irrigat. Ita enim quoque ab Intelligentia non solùm ex una parte, vel per unam certam distantiam, aut uno solùm tempore virtus effluit, & in alia effunditur; sed virtus ejus est perpetua erga omnia, quæ apta ac præparata sunt, actionem illam, quæ  $\Psi\psi$  h. e. *Affluentia* vel *Influentia* vocatur, recipiendi. Hinc, quia ostensum est,  $\Delta\epsilon\upsilon\mu$  Optimum Maximum esse incorporeum, omniumq; rerum Causam Efficientem, dicimus, Mundum innovatum sive factum esse ex Influentia Creatoris, & Illum Mundo influere facere, h. e. infundere quicquid in eo innovatur. Sic dicitur, Illum influere fecisse,

fecisse, h.e. infudisse Prophetis sapientiam. Omnia ideò & propter hanc rationem, quia istæ Actiones sunt actiones Agentis incorporei, cujus Opus vocatur *Influentia*. Atque hoc nomen עפע *Influentia* vel *Affluentia*, per similitudinem à fonte aquas ubertim effundente desumptum, uti declaravimus, ideò Lingua Hebræa Creatori attribuit, quia ad exprimendam Actionem Abstracti non potest commodius vocabulum inveniri, quàm hoc ipsum עפע h.e. *Influentia* vel *Affluentia*. Non possumus enim tale vocabulum habere, quod cum veritate rei consentiat & conveniat: non minùs quippe difficile est imaginari sibi, vel intellectu assequi Operationem Entis separati, quàm ejus Existentiam. Quemadmodum enim Imaginatio existimat nihil existere nisi corpus vel potentiam in corpore; sic nullam arbitratur esse Actionem, nisi eam, quæ sit per contactum Agentis, vel per certam aliquam distantiam, vel denique secundum certam partem. Hinc quidam ex vulgo, posteaquàm sufficienter ipsis demonstratum est, Deum non esse corpus, neque appropinquare ad id, quod facit; putârunt, Illum præcipere Angelis, & hos per Appropinquationem & contactum corporalem actiones suas perficere, quemadmodum nos quoq; actiones nostras conficimus; existimârunt etiam, Angelos illos esse corporeos. Quidam verò crediderunt, Deum aliquid Verbis & Sermone præcipere, illumq; Sermonem operari vel efficere, sicut nos litteris & voce sermonem nostrum proferimus. Sed omnia hæc sequuntur ex pura-pura Imaginatione, quæ in rei veritate quoque *Figmentum malum* (יצר הרע) appellari potest. Omnis enim imperfectio in sermone vel moribus, est opus Imaginationis, vel certè operationem ejus sequitur. Verùm hæc non sunt instituti nostri in hoc capite. Hoc enim propositû nobis fuit, explicare, quid sit עפע h.e. *Influentia*, quæ Creatori & Intelligentiis, h.e. Angelis attribuitur, quia sunt incorporei. Sed & de Virtutibus Sphærarum celestium dicitur, quodd Influentiam dent Entibus aliis; & dicitur, Influentia hujus vel illius Orbis, etiam si operationes ejus proveniant à corpore; unde fit, quòd Stellæ agant per certam aliquam longitudinem, h.e. tum secundum Appropinquationem illarum ad centrum Mundi, tum secundum Elongationem illarum ab eo, & secundum proportionem inter se invicem.

Quodd verò diximus, Prophetas transferre hoc vocabulum עפע *Influentia* ad Actionem Creatoris, id de sequentibus locis intelligendum est; *Me dereliquerunt, scaturiginem Aquæ vivæ*, h.e. עפע *Influentiam Vitæ* sive Existentiæ rerum, quæ nihil aliud est, quàm Vita.

*Cur Influentia vocetur Actio abstracta?*

Jerem. 2. 13.

*Psal. 36. 10.* Vita. Sic, *Tecum est securigo Vita*, h.e. Influentia vel Affluentia existentiae. Sic idem est sensus ejus, quod in fine versùs illius dicitur, *In lumine tuo videbimus lumen*, h.e. Per Influentiam Intelligentiae, quæ à te profluit, intelligemus & apprehendemus Intelligentiam.

## CAP. XIII.

*Tres esse sententias de Novitate vel Antiquitate Mundi: prima, Sapientum Legis; secunda, Philosophorum; tertia, Aristotelis & asseclarum ejus.*

*Tres sunt sententiae de Antiquitate vel Novitate Mundi.*

1. *Sapientum Legum.*

**T**R E S sunt omnium eorum, qui credunt Deum esse, sententiae de Antiquitate vel de Novitate Mundi.

*Prima sententia est eorum, qui credunt Legi Moysi Doctoris nostri p.m.,* hæc videlicet; Mundum totum, h.e. omnia Entia præter Creatorem, post puram-puram privationem (h.e. *postquam non vel nihil fuerunt*) existentiam suam à Deo accepisse, & priùs Deum solum fuisse, ac præter Deum nihil planè, neque Angelos, neque Caelos, neque quæ in eis continentur, extitisse, postea verò demùm secundum ejus voluntatem & beneplacitum existeri cœpisse prout sunt, & quidem ex nihilo: præterea, Tempus ipsum esse ex iis, quæ creata sunt, quia Tempus sequitur motum; motus autem accidens est in remota; & res mota, cujus motum tempus sequitur, est innovata & facta postquam non fuit.

*Quomodo Deus dicatur fuisse antequam crearet Mundum.*

Quod autem attinet illud, quod dicitur, *Deum fuisse vel extitisse antequam crearet Mundum*, ubi verbum *Hajab* Fuit, vel Extitit, videtur docere de Tempore; atq; adeo ea omnia, quæ nobis in hanc sententiam in mentem veniunt ex Dei existentia infinita ante Creationem Mundi; sciendum est, ibi non verum Tempus intelligi, sed tantum dici de æstimatione vel imaginatione Temporis, (h.e. *non verè dici de Tempore, sed respectu tantum Intellectus vel Imaginationis nostræ*). Nam Tempus citra omne dubium est Accidens, habeturque à nobis inter Accidentia creata, sicut Nigredo, Albedo; licet non sit ex specie Qualitatis, sed ex Accidentibus motui adhærentibus; sicut notum est ei, qui intelligit verba Aristotelis, quæ scripsit de explicatione Temporis ejusque naturæ. Nos verò hic in transitu aliam quandam observationem explicabimus, quæ licet propriè nostræ intentionis non sit, multum tamen ad eam prodest, hanc scilicet; quod Causa, propter

propter quam Temporis ratio multis Sapientibus tam abstrusa & recondita fuerit, adeo ut in illius ratione investiganda aqua ipsis hæserit, & an reverà existat necne, dubitarent, ut Galenus & alii præter eum, hæc mihi videatur esse; quia est Accidens in Accidente. Nam Accidentia, quæ in corporibus existunt existentia primâ, ut Colores, Sapores, facillimè intelliguntur & in animum imprimuntur; sed Accidentia, quorum Subiecta sunt Accidentia alia, ut Flamma, vel Splendor in colore, Declinatio vel Circumferentia in linea, illorum ratio nobis valdè est abdita, in primis cum & hoc accedit, quòd Accidens illud Subiecti vicem sustinens non est stabile & permanens in una quapiam re, sed de una mutatur in aliam; tùm enim obscura fit res valdè. Jam verò hac ratione duæ res concurrunt simul in Tempore; est enim Tempus accidens adhærens motui, & Motus accidens est adhærens rei, quæ movetur: Motûs præterea non ea est ratio, quæ Albedinis vel Nigredinis; illa enim sunt constantia & permanentia; Motûs verò natura & essentia est, ut ne per momentum quidem unâ in re permaneat & consistat. Et hoc est, quod Temporis rationem & naturam tam difficilem ac abstrusam reddit. Verùm ad rem. Intentio nostra est docere, Tempus secundum nos esse rem creatam generabilem, sicut reliqua accidentia & substantiæ, quæ accidentia illa sustinent, ideoq; Creationem Mundi non posse dici à Deo factam in Principio temporali; quia Tempus est ex rebus creatis. Id quod probè animadvertendum tibi est, nisi in labyrinthos inextricabiles te præcipitare velis. Nam si affirmes, Tempus fuisse ante Mundum, necessariò quoque cogèris credere Antiquitatem Mundi. Tempus enim est accidens, & proinde sine subiecto esse nequit; sicque sequetur, rem aliquam ante Mundum hunc, qui nunc existit, extitisse, id quod nos fugimus.

*Cur de Striva d  
Tempore tam  
abstrusa sit &  
occulca.*

Atque hæc una est è tribus illis sententiis, Unum videlicet ex fundamentis Legis Moïsi, & quidem secundum post fidem Unitatis (h.e. secundum post Unitatem DE I articulus:) neque aliud cogitare tibi que imaginari debes. Abraham Paternoster ipsemet cœpit revelare hanc sententiam, ad quam naturalis eum deduxit speculatio. Hinc est quòd invocavit Nomen Domini Dei Mundi. Hùc etiam respicit, dum ait, Creatorem Cœli & Terræ.

Gen. 21. 33.

Gen. 14. 22.

2. Philosophorū.

Secunda sententia est eorum, quorum sententiam & rationes jam vidimus & audivimus, Philosophorum videlicet. Dicunt hi; Falsum esse, quòd Deus aliquid faciat ex nihilo: & impossibile, quòd aliquid possit in nihilum reducere; h.e. Impossibile esse, ut Ens ali-

quod materiam & formam habens, generetur ex privatione materiæ purâ putâ; &, ut corrumpatur in privationem materiæ illius puram-putam; statuuntque, æquè impossibile esse ac absurdum, DEO hoc attribuere, atque si dicatur, DEUM posse duo contraria uno tempore & in uno subiecto congregare, vel creare Deum sibi similem, vel se-ipsam facere corporeum, vel denique facere quadrangulum, cujus diameter lateri sit æqualis, vel aliud quid simile impossibile. Præcipuum autem, quod ex illorum verbis colligimus, est, quòd dicunt, (h.e. *præcipua ipsorum ratio est*); Quemadmodum nullam Naturæ DEI affert imminutionem, quòd non potest facere impossibilia, (quia impossibile naturam habet firmam & stabilem, quæ non est ex operatione Efficientiæ, ac proinde non potest mutari): sic nihil DEI potentiæ derogat, si dicatur, Illum non posse aliquid existere facere ex nihilo, (quia & hoc est ex impossibilibus). Propterea credunt, esse materiam quandam existentem DEO cœvâ & cœternam, quæ non inveniatur sine DEO, neque DEUS sine illa: neque tamen credunt, Materiam illam in existentia sua planè similem & æqualem esse Majestati DEI, sed statuunt, DEUM existentia illius esse causam, ipsamque ad DEUM se habere sicut argilla ad figulum, vel ferrum ad fabrum, ita ut ex eâ creârit quicquid ipsi placuerit, modò Cœlos, modò Tertam, modò aliquid aliud. Præterea credunt hujus sententiæ patroni, Cœlos esse generabiles & corruptibiles, attamen non esse generatos ex nihilo, neque etiam in nihilum destructum iri: sed, quemadmodum Animantia generantur & corrumpuntur ex materia existente in materiam existentem; ita ad eundem modum Cœlos quoque generari & corrumpi, planèque se illorum generationem & corruptionem habere, sicut cæterorum Entium, quæ sub eis sunt. Insuper etiam in diversas sectas scinduntur, quas omnes, ut & earum opiniones, recensere nunc nihil attinet in hoc libro; quia fundamentum illorum generale tibi indicavi. Atq; hæc fuit ipsius quoq; Platonis sententiâ, de quo Aristotelem in *Acroasmaticis* invenies testantem, quòd crediderit, Cœlos generationi & corruptioni esse obnoxios. Sic & clarissimè hanc ejus sententiam reperire licet in libro ipsius, quem *Timæum* inscripsit. Veruntamen non credit idem nobiscum, (sicut illi, qui non diligenter & attentè sententiâs considerât, arbitrantur, unâ eandemq; esse ipsius & nostrâ sententiam). Nos enim credimus, Cœlos non esse ex re aliqua, sed post simplicè & absolutâ privationem; ipse verò credit, quòd existant & facti sint ex materia aliqua. Et hæc est secunda sententiâ.

*Plato quomodo  
crediderit. Cœ-  
lum esse genera-  
bile & corrupti-  
bile.*

*Tertia sententia est Aristotelis, & eorum, qui ipsum sequuntur, librosque ejus Commentariis illustrarunt, hæc videlicet. Primum idem dicit quod præcedentis sententiæ assertores, scilicet; Non posse materiatum quid existere ex immateriato, (h.e. Ex nihilo non posse aliquid fieri). Deinde addit & istud; Cælum non subjectum esse generationi & corruptioni ullo modo.*

Declaratio & explicatio hujus sententiæ est hæc. Existimat, rotam hanc rerum Universalitatem prout est, nunquam non fuisse, nec unquam non futuram sicut est: rem illam stabilem & constantem, quæ non cadit sub generationem & corruptionem, Cælum videlicet, semper ita extitisse: Tempus & Motum esse æterna ac perpetua, à generatione & corruptione exempta: Sublunaria ista quoque nunquam non ira fuisse, h.e. Materiam primam in substantia sua neque esse generabilem, neque corruptibilem, sed formas successivè illi supervenire, ita ut cum una recedit, altera accedat; cum unam exuit, aliam induat: Ordinem istum superiorem & inferiorem nec corrumpi, nec aboleri, neque quicquam in eo innovari, quod vel non est in natura ejus, vel extra analogiam ipsius. Dicit insuper, (licet non his ipsis verbis; rationabiliter tamen ex sententia ejus id colligi potest); Impossibile esse, ut in Deo mutetur Voluntas, vel innovetur Desiderium: & Deum totam hanc rerum Universalitatem per Voluntatem suam existere fecisse, verum non actione post privationem, (h.e. *ex nihilo*). Et quemadmodum ex impossibilibus est, ut Deus non existat, vel substantia ejus mutetur; sic existimat quoque impossibile esse, ut Voluntas DEI mutetur, vel novum aliquod beneplacitum in eo exoriat. In summa, concludit, Mundum hunc, prout nunc est, ita semper extitisse, & in omnia sæcula futurum esse.

Atque hæc sunt tres illæ sententiæ eorum, quibus per demonstrationem notum est, Mundum hunc DEUM aliquem habere.

Quod verò illos attinet, qui ignorant DEI existentiam, & existimant, Res omnes existere prout casu & per accidens congregantur vel disgregantur: Nullum item esse Mundi gubernatorem vel ordinem, ut Epicurus ac impia ejus turba, illisque similes, prout narrat Alexander, non est necesse illorum sententiam commemorare; quia jam est demonstratum, *DEUM esse*. Nullam autem nobis adfert utilitatem, recensere opiniones illorum, qui sententiam suam ædificant super fundamentum, cujus destructionem & refutationem per demonstrationem certam habemus. Sic oleum & operam perderemus, si vellemus confirmare opinionem secundam, eorum, qui di-



cunt, Cœlos esse generabiles & corruptibiles. Nam credunt Antiquitatem Mundi. Nos verò nullam differentiam ponimus inter eum, qui credit, Cœlum è materia aliqua esse generatum, & in materiam aliquam resolutum iri; & inter eum, qui credit, ut Aristoteles, Cœlum neque generari, neque corrumpi. Summa enim fidei omnium eorum, qui sequuntur Legem Moïsis Doctoris nostri p.m., Abrahami item Patriarchæ, & aliorum, qui in viis ipsorum incesse-  
runt, est; Nullam rem esse Deo coævam: &, Non esse Deo impossibile ex privatione (h.e. ex nihilo) aliquid producere, licet id adhuc sibi quidam imaginentur.

Posteaquàm ergo sententias istas ita enumeravimus, incipiam nunc exponere, quibus rationibus Aristoteles sententiam suam probare & demonstrare nitatur, quidque illum ad eam credendam & amplectendam impulerit.

## CAP. XIV.

*Rationes Aristotelis pro Antiquitate vel  
Æternitate Mundi.*

**N**ON est necessarium, ut in singulis capitibus repetam, quòd hunc librum non nisi pro te (*Discipule charissime*) composuerim, eò quòd mihi profectus tui in studiis cogniti sint & perspecti; quòdque non è te esse ducam, verba ipsa Philosophorum adducere & allegare ubique, sed sensum tantùm illorum. Nolo etiam in his prolixus esse, sed monebo te solùm de viis & rationibus, quibus innituntur, sicut feci in exponendis opinionibus *Loquentium*. Præterea, nullius habeo rationem nisi Aristotelis; quia, sententiæ ejus consideratu omnium sunt dignissimæ; & quia si responsio solida contra ipsum habeatur, vel per responsiones nostras ostendatur, quòd rationes ejus sint dubiæ, idem etiam, & quidem multò magis, valere poterit contra omnes alios, qui fundamentis Legis nostræ contradicunt.

*Rationes Aristotelis pro Æternitate Mundi, ex natura*

*Prima.*

Primò ergo dicit Aristoteles, Motum neque generari, neque corrumpi. Ait enim: Si Motus sit innovatus, & ante omne innovatum præcedat Motus, exitus nempe ejus in actum, & innovatio ejus postquàm non fuit; tùm Motus urique aliquis exister, ille nempe, per quem existit posterior Motus, & per consequens, Motus primus necessariò erit æternus, vel procedet hoc in infinitum. Et secundùm hoc fundamentum dicit quoque, Tempus neque generabile esse, neque



neque corruptibile, quia nempe Tempus Motum sequitur, eiq; adhæret, & nullus Motus nisi in Tempore esse, Tempusq; non nisi per Motum intelligi potest. Hæc prima est via ejus, ex qua Æternitas Mundi secundum ipsum concludi potest.

*Secunda via.* Dicit: Materia prima, quæ communis est quatuor *Secunda.* Elementis, est ingenerabilis & incorruptibilis. Quod si enim Materia prima esset generabilis, sequeretur, illam ex alia materia generatam esse; & hanc materiam generatam esse formatam; quia hæc est natura generationis; Nos autem materiam primam informem statuimus. Propterea si res ita sit, sequitur, illam non esse ex alia materia generatam, sed æternam & non perituram, (*incorruptibilem*). Atq; hinc etiam ipsius sententiâ sequitur Æternitas Mundi.

*Tertia via.* In toto Cælo, inquit, nulla est contrarietas. Nam in *Tertia.* motu circulari nulla est contrarietas, sicut demonstrari potest, verum in motu recto. Causa autem corruptionis omnium eorum, quæ corrumpuntur, est contrarietas, quæ illis inest. Posteaquàm ergo in Cælo nulla est contrarietas, idcirco neque corrumpi potest: quicquid verò non est corruptibile, id neque est generabile. Itaque præsupponit & pro confesso sumit hic propositiones aliquot, videlicet; *Omne generabile esse corruptibile; & vicissim, Omne corruptibile esse generabile: Item, Quicquid non generatur, id quoq; non corrumpi; & vicissim, Quicquid non corrumpitur, id nec generari.* Et hæc quoque via est, quâ se Æternitatem Mundi confirmare existimat.

*Quarta via.* Ante omnem rem innovatam tempore præcedit pos- *Quarta.* sibilitas innovationis ejus, sicut & omnem rem, quæ mutatur, tempore præcedit posibilitas mutationis ejus. Et ex hac propositione concludit Aristoteles continuitatem sive perpetuitatem Motus circularis. Hac item propositione multi alii post Aristotelem Mundi Æternitatem probant, & quidem hoc pacto. Innovatio Mundi, ajunt, antequàm fuit, erat vel possibilis, vel necessaria, vel impossibilis. Si fuit necessaria, tùm utiq; semper extitit: si fuit impossibilis, tùm ne nunc quidem existere potest: si possibilis, quis ergo sustinuit posibilitatem illam? Sanè si ita fuit, non potuit hoc esse sine re aliquâ existente, & posibilitatem illam sustinente, de quâ re dici potuerit, quòd fuerit possibilis. Hæc ratio valida admodum est ad stabilendam Mundi Antiquitatem, quam quidam ex recentioribus Sapienribus *Loquentium* solidè admodum hac distinctione solvisse se arbitrantur, quòd Possibilitas sit in Agente vel Efficiente, non verò in Effecto. Verum nihil hoc est. Nam duplex est Possibilitas: est

Possibilitas in re innovata, & est Possibilitas in Efficiente, qui innovavit rem innovatam, antequam innovata fuit. Quare sine dubio, prout dictum, duplex est Possibilitas; Possibilitas in Materia ad ita existendum, & Possibilitas in Efficiente ad ita agendum.

Atque hæ sunt matres viarum, (h. e. *principales viae seu modi*), quibus insistit Aristoteles ad probandam Æternitatem Mundi, desumptæ ex natura ipsius Mundi.

*Alia rationes ex  
Aristotele, perita  
à Dei natura  
pro Æternitate  
Mundi.*

*Prima.*

Sunt verò & aliæ adhuc viæ, quas quidam ex ejus Philosophia desumpserunt & deprompserunt, quibus Æternitas Mundi probatur ex consideratione DEI Optimi Maximi.

*Primo* ajunt quidam: Si Deus innovavit Mundum post privationem, tùm fuit Deus ante creationem Mundi Efficiens in potentia, & post creationem ejus factus est demùm Efficiens in actu, atque ita exivit Deus de potentia in actum. Quòd si autem hoc ita sit, necessariò in Deo erit aliqua possibilitas, & habebit Deus aliquem, qui eduxit Ipsum de potentia in actum. Hujus rationis solutio difficilis quoque est admodum, neque facile *πεύρεται* ejus demonstrari potest.

*Secunda.*

*Deinde* ajunt: Cùm agens uno tempore operatur, & alio non operatur, evenit illud vel propter Impedientia, vel propter Impellentia, quæ in eo innovantur. Impedientia inferunt ei Intermissionem operis, quod vult; Impellentia verò voluntatem, ut velit, quod antea non volebat. Quandoquidem ergo ejusmodi Impellentia, tanquam Accidentia, quæ voluntatem ejus mutare possent, vel Impedientia aut Retardantia, quæ in eo innoventur vel recedant, in Deo non existunt; idcirco sequitur, Illum haudquaquam uno tempore agere, alio verò non, sed Operationem ejus non minùs quàm Æternitatem semper in actu existere.

*Tertia.*

*Tertio* dicunt: Omnia Dei opera sunt perfectissima, nihilque habent vel Imperfecti, vel Otiosi, vel Superflui. Hanc rationem frequentissimè adducit & laudat Aristoteles, dicendo; Naturam esse sapientem, neque quicquam facere frustrà, sed omnia in eà, quam res habere possunt, esse perfectione.

Hinc inferunt: Mundus hic est in summa, quam habere potest, perfectione, neque majorem aut meliorem habere potest: itaque necesse est, illum semper fuisse, quia Sapientia Ejus (*qui creavit eum*), ut ejusdem Substantia, est æterna. Substantia enim ejus nihil aliud est quàm Sapientia ejus, quæ Existenciam huic Mundo dedit.

Ex his allatis fundamentis & argumentis omnia reliqua originem

nem trahunt, quæ apud quoscunque alios invenies, qui credunt Æternitatem Mundi, & ad illa referri possunt.

Sed porro ex inconvenienti & absurdo sic argumentantur: Quo- *Argumentū ab absurdo pro Æternitate Mundi.*  
modo fieri potest, ut Creator ille excellentissimus fuerit otiosus & nihil omnino fecerit. nihilque æternum innovarit, cum Existencia ejus sit æterna & infinita; sed ab hesterno quasi tantum die Mundū hunc condiderit? Quamvis enim exempli gratiā diceres, D E U M multos Mundos creasse ante istum, & quidem tot, quot grana sinapis tota Sphæra suprema potest capere, & quemlibet totidem annis iterasse; perinde tamen hoc esset ad existentiam D E I infinitam, ac si diceres, D E U M heri creasse Mundum. Nam cum ponis initium Existentiæ post privationem, nil interest, siue illud ad centum-mille annos, siue ad tempus aliquod brevissimum referas. Hoc ergo quoque; refugium & rejiciunt, qui credunt Æternitatem Mundi.

Tandem argumentantur ex omnium in Mundo nationum generali confessione & consensu: Quia enim universalis omnium hic sit consensus, ideò hinc sequi, Rem istam esse naturalem, non ex institutione. Sic ait Aristoteles; Omnes in Mundo homines aperte profiteri continuationem & perpetuitatem Cœli: & quia illud statuerint ingenerabile & incorruptibile, ideò etiam ab illis electum esse pro Habitaculo D E I Opt. Max. & Spirituum, h. e. Angelorum: hosq; vicissim illis (D E O & Spiritibus sc.) attribuisse, ut docerent de Continuatione vel Perpetuitate ejus, (h. e. Cœli). Atq; hujus generis alia plura pro sententiæ suæ confirmatione adducit. *Vide Arist. l. 1. de Cœlo c. 3. Vide eund. l. 2. de Cœlo c. 1.*

## CAP. XV.

*Rationes Aristotelis pro Æternitate Mundi  
non esse demonstrativas.*

S C O P U S meus in hoc capite est, ostendere, Aristotelem ipsum *Aristotelem non credidisse, rationes suas pro Æternitate Mundi esse demonstrativas.*  
non existimasse, se demonstrationes habere pro Æternitate Mundi, neq; hac in parte falsum fuisse: h. e. quòd Aristoteles ipsemet probe sciverit, se nullam in hoc argumento posse demonstrationem afferre; & rationes probationesque suas, quas adducit, probabiles tantum, ac magis acceptabiles & plausibiles, minusque dubias esse, ut opinatur Alexander. Nemo enim cogitare debet de Aristotele, quòd crediderit, has suas rationes esse demonstrativas; Nam Aristoteles ipse alias docuit vias, modos & conditiones demonstrationis. Id autem, quod me ad hunc sermonem impulit, est, quòd recentiores, qui

Aristo-

Aristotelem sequuntur, existimant, Aristotelem demonstrativè probasse Æternitatem Mundi; immò quòd viderim, multos, qui Philosophià se egregiè imbutos esse arbitrantur, acceptare ab Aristotele hanc quæstionem, & purare, quæcunq; in medium proferunt, simplices & absolutas esse demonstrationes, atque ideò flagitium esse censent, ab Aristotele dissentire, vel de eo cogitare, quòd aliquid ipsi fuerit absconditum, aut quòd in re aliqua errarit. Proinde visum est mihi illorum sententiam examinare, illisq; ostendere, Aristotelem ipsum non gloriatum fuisse de argumentis demonstrativis in hac controversia.

lib. 8. Physic. c. 1.

Hinc enim ait in libro *de Auditu*; Omnes Physicos, qui ipsum præcesserunt, credidisse, Motum esse ingenerabilem & incorruptibilem, excepto Platone, qui credidit, non solum Motum esse generabilem & corruptibilem, sed & Cælum tale esse. Quòd si autem arbitratus esset, hanc quæstionem per demonstrationes absolutas claram & evidentem esse, sanè non fundasset eam in consensu & opinione illorum, qui ipsum in Physicis præcesserunt, neq; necesse fuisset, ut illa diceret, quæ eo in loco assert, ad refutationem eorum, qui ipsi contradicunt. Quicquid enim per demonstrationem probari potest, illius veritati neque per omnium in universum Sapientium consensum aliquid accedit, neque per omnium totius Mundi hominum dissensionem quicquam decedit.

Respicit ad initium cap. 10. l. 1. de Cælo.

Præterea, invenies Aristotelem in libro *de Cælo & Mundo*, cum incipit explicare, quòd Cæli neque sint generabiles, neque corruptibiles, in hunc sensum scribere; *Volumus nunc quoque investigare de Cælis, & dicemus, an ex materia aliqua sint generati, nec ne? & an cadant vel non cadant sub generationem & corruptionem?* Hac quæstione sic propositâ, adducturum se ait prius objectiones eorum, qui defendunt, Cælum esse generabile & corruptibile. Postea profert alia, & in hunc sensum porro scribit: *Si faciamus hoc, sententia nostra apud sanam mentem prædictos magis erit acceptabilis & plausibilis; si inquam prius audiantur rationes Adversariorum. Nam si nostram tantum sententiam præferamus, nostrasq; rationes, & non simulationes Adversariorum, minus facile recipietur ab Auditoribus. Præterea decet eum, qui de veritate judicare vult, non esse osorem & adversarium aliter sentienti vel contradicenti; sed æquum arbitrum, qui & veritatem ingenuè confiteatur, & de rationibus Adversariorum ita judicet, ut sibi ipsi judicari vellet, si suæ essent (vel, ut judicaret, si suæ essent).* Hæc est summa & sensus verborum Aristotelis.

Vos, qui intelligentes estis, appello nunc, an ulla causa vel culpa rema-

remaneat in isto viro post hanc citatam ejus præfationem? & an quispiam cogitare possit, saltẽ in mentem ipsi venisse, se demonstrationes in hac quæstione producere? an denique quis imaginari sibi possit, vel an credibile sit, Aristotelem potuisse sibi imaginari, rem quampiam, quæ demonstrativè probari potest, minùs acceptabilem esse, nisi etiam proferantur rationes Adversariorum? Præterea, dum hanc suam sententiam, *Opinionem*, & probationes suas, *Rationes* appellat, an credibile est, Aristotelem ignorasse differentiam inter *Rationes*, & inter *Demonstrationes*: inter *Opiniones*, quæ facile vel difficulter recipiuntur, & inter *Res demonstrativas*? An denique necessaria fuissent in demonstratione, quæ de confessione veritatis erga Adversarium & confirmatione sententiæ illius subjicit? Nequaquam. Verùm tota ejus intentio hũc est directã, ut ostendat, sententiam & opinionem suam rectiorem esse opinione Adversariorum suorum, qui dicunt, Philosophiam ipsam hũc nos ducere, ut credamus, Cœlos generationi & corruptioni esse subiectos, sed tamen nunquam privatos, (h.e. *nunquam non existisse*), neque genitos fuisse, neque unquam interituros: vel etiam aliter, qui alias sententias tuerentur. Et hoc verissimum ac extra omne dubium est. Nam opinio ejus propiùs accedit ad veritatem, quàm opiniones illorum, secundum modum argumentandi ex natura Rerum jam existentium. Nos autem non ita credimus, (h.e. *non existimamus, rationes petendas esse ex natura Rerum existentium*), licet explicabo. At progressu temporis, non solum alias sectas, sed & ipsam Philosophiam invasit licentia & audacia quædam, ita ut voluerint asseverare & tueri, Aristotelem demonstrativè hanc quæstionem probasse. Scilicet ipsorum sententiã demonstrationes aequalit, semet ipso non animadvertente, donec posteri ejus id deprehenderunt. Ego verò pro certo & indubitato habeo, Aristoteli nunquam in mentem venisse, quòd ista, quæ asserti in hoc argumento, de Æternitate videlicet Mundi, de causa varietatis motus Sphærarum, & ordine Intelligentiarum, sint demonstrationes, neque ea unquam pro talibus habuisse: sed, quemadmodum ipse ait, sensisse, *Portas faciendi probationes de talibus rebus nobis esse clausas, neque principium nos habere*, cui inniti, & unde argumentationem petere possimus. Sic enim alicubi scribit; *Καὶ περὶ ὧν λόγων μὴ ἔχουσιν ὄντων μεγάλων, χαλεπὸν Τόpic.lib.1.c.2*  
*οἰόμενοι εἶναι τὸ διὰ τὴν ἀποδείξαι οἷον πότερον ἢ κόσμος αἰετοῦ ἢ οὐ.*

Neque obest, quòd, ut nōsti, aliter hunc locum exponat *Αβιηάζατ*, quomodo videlicet nullo modo admittat, quòd Aristoteles dubitavit

de Æternitate Mundi, & quomodo irrideat Galenum, qui scribit, hanc quæstionem esse dubiam, neque per demonstrationem probari posse. Opinatus est enim ipse, manifestissimum esse, & per demonstrationes ostendi posse, quod Cœli sint æterni, Sublunaria vero generabilia & corruptibilia. Summa; Sententia ista quidem per ea, quæ in hoc capite allata sunt, neque stabilitur, neque tollitur, neque dubia redditur: volumus tamen ea asserre, propter multos, qui, sibi imaginantes, se doctos & eruditos esse admodum, cum tamen nihil scient, definitivam pronuntiant sententiam pro Æternitate Mundi, quam acceperunt ab aliis hac eadem opinione imbutis, & testimonia omnia Prophetarum rejiciunt, eò quod non didacticè vel scholasticè illa sint proposita, sed per viam narrationis sub D E I persona & nomine: nam illà viâ diriguntur tantum singulares & intellectum perfectum habentes.

Id verò, quod nos sentimus & secundum Legem nostram tueri conamur de Novitate Mundi, in sequentibus capitibus exponemus.

#### C A P. XVI.

*Exponit Author in genere, quid ipse sentiat de rationibus Aristotelis, & quo ordine illas sit refutaturus, sententiamq; suam defensurus.*

**I**N hoc capite exponam tibi primò id, quod ego in hac quæstione credo; deinde adducam probationes & rationes sententiæ meæ, quam defendo.

Dico ergo, quicquid dicant illi ex *Loquentibus*, qui existimant, se demonstrationes attulisse pro Novitate Mundi, me nequaquam rationes illas approbare, neq; unquam ita deceptum iri, ut fallacias & sophismata illorum pro demonstrationibus agnoscam: illos prætereà, qui gloriantur, se demonstrationes conficere in quæstione aliqua per fallacias, nequaquam robur asserre, & fidem acquirere *τῷ ἰσχυρισμῷ*, sed potius illud debilitare, & occasionem ad contradicendum præbere, (quando enim defectus & infirmitas rationum illarum deregitur, tum anima debilitatur ad fidem adhibendam illi rei, de qua probationes adferuntur); & longè satius esse, ut res illa, de qua nulla demonstratio affertur, in quæstione vel in dubio remaneat,

neat, & aliquod extremum duorum contrariorum, quod magis congruum & conveniens videtur, recipiatur. De viis autem & rationibus *Loquentium*, quibus Novitatem Mundi probant, alibi egi, & simul quoque de iis, quæ obijci contra illas possunt, monui. pars. i. c. 75.

Ita dico de rationibus, quas Aristoteles & affectu ipsius afferunt pro Novitate Mundi, nec illas esse demonstrativas, sed dialecticas, quæ multa adhuc & magna habent dubia, sicut audies.

Quod ego itaque hac in parte adstruere conabor, huc redit; Quod, ut Lex nostra sentit, non sit impossibile, Mundum esse novum; & quod rationes illæ, quæ aliter docere videntur, multas adhuc admittant exceptiones, quæ impediunt, quod minus damnum & detrimentum sententiæ nostræ inferre possint: & cum hoc probavero & demonstravero, quod videlicet possibilis sit Novitas Mundi, quæ recipitur à me ex parte Prophetiæ, (quæ non raro explicar res, ad quas viribus ingenii humani pervenire esset impossibile; sicut ostendam, Prophetiam non tolli etiam juxta eorum sententiam, qui tuerentur Antiquitatem Mundi): cum inquam. m. probabilitatem sententiæ hujus nostræ demonstravero, incipiam explicare, quantum præponderet & prævaleat aliis, per rationes speculativas; h. e. quantum nostra sententia de Novitate Mundi præponderet alteri de Antiquitate Mundi: ostendam etiam, quod, sicuti ex sententia nostra de Novitate Mundi inconveniens & absurdi quid sequi videtur; sic longè majus sequatur ex sententia de Antiquitate Mundi. Nunc ergo docebo viam quandam, quâ refelluntur rationes eorum, qui stant pro Antiquitate Mundi.

## CAP. XVII.

*In quo refutat Argumenta Aristotelis, pro  
Eternitate Mundi, quæ desumpta sunt  
ex natura ipsius Mundi.*

**O**MNE Innovarum generatum est postquam non fuit: ac si materia ejus extiterit, sed unam formam exuerit, & aliā induerit, alia est etiam ejus natura post innovationem, perfectionē & quietem ejus, quàm eo tempore, quo generabatur & incipiebat exire de potentia in actum; alia etiam, quàm fuit priusquam ad exeundum in actum moveretur. E. G. Alia est natura seminis muliebris, dum adhuc est sanguis in matrice, quàm tempore conceptionis, quando concurrat semen virile, & moveri incipit; alia item eo tempore est ejus

*Alia est natura rerum, quando perfecta sunt, quàm tempora generationum illarum.*



natura, quàm post partum, cùm est animal perfectum. Neque argumentari licet ullo modo à natura rei alicujus, post illius generationem, perfectionem, & firmam subsistentiam in perfectione sua, ad naturam ejus eo tempore, quo movebatur ad generationem: neque etiam argumentum deduci potest à natura illius tempore motionis, ad naturam ejus, antequàm incepit moveri. Quòd si verò hic erras, & argumentari vis à natura alicujus rei in actu existentis, ad naturam ejus existentis adhuc in potentia, plurima tibi orientur dubia & absurda, ut pro falsis habeas ea, quæ vera sunt, & vice versa pro veris ea, quæ falsa. Illustrabo rem exemplo. Sic Vir quidam perfectissimo & accuratissimo natus ingenio & intellectu naturali, cujus mater, posteaquàm per paucos menses ipsum lactasset, mortua sit; patet verò solus ipse in quadam insulâ ab omnium hominum societate remotâ & separatâ educârit, donec adolevit & intellectu ac judicium adeptus est: puer autem nullam unquam viderit mulierem, nec ullam ex brutis animantibus scemellam. Quærit proinde hic puer ex Viro sibi adjuncto; quomodo & quâ quæso ratione facti sumus, existentiamque nostram accepimus? Respondet interrogatus ille, Unusquisque nostrum generatur in ventre cujusdam Individui speciei nostræ nobis simillimi, quod *Fœmina* vocatur, & talis est figuræ vel talis. In ventre autem existentes, exiguum admodum primò corpusculum habemus, movemur, nutrimur, & paulatim crescimus ac vivimus, donec ad certam quandam magnitudinem pervenimus; tùm aperitur inferiùs in corpore porta quædam, per quam eximus, nec tamen postea crescere desinimus, usque dum ad hanc circiter, quâ nos vides, quantitatem pertingimus. Puer ille orbus necessitatè statim iterum quætet; Dum ita parvi fuimus in ventre, ibi viximus, nos movimus, & crevimus, an quoque comedimus, bibimus, & per os ac nares respiravimus? an excrementa ejecimus? Si responderetur ei, quòd non; ipse sine dubio hoc incipiet negare, & demonstrationes exstruere ex impossibilibus, argumentando ab Ente perfecto, & diceret; Quilibet nostrum, si vel per unicam horam careat respiratione, mori cogitur, & omnes ejus motus cessant; quomodo ergo credi potest, aliquem in utero, clauso undique, circumdato, & in medio corporis existente, per tot menses vivere & se movere posse? Quòd si quis deglutiât aviculam, mori cogitur avicula illa, quam primùm in stomachum descendit; quantò magis ergo, si quis existat in infimo ventre? Si quis per paucos saltem dies nihil comedat, neque bibat, sine dubio mori cogitur;

*Non licet argu-  
mentari à natu-  
ra rei in actu, ad  
naturam ejus  
adhuc in potentia  
existentis.*



rum; quomodo tot menses sine cibo & potu superstes manere potest? Præterea, si quis comedat & intra aliquot dies nihil egerat, præ dolore mori cogitur; quomodo ergo vivere potest per tot menses sine egestionem? Quòd si nobis venter perforaretur, intra perpaucos dies mori cogeremur; quomodo ergo fieri potest, ut embryonis in utero umbilicus sit apertus? quomodo fieri potest, ut nunquam oculos suos aperiat, os suum distendat, pedes extendat, cum omnia membra sint perfecta & sana, sicut existimatis? Ita concludet tandem, impossibile esse, ut hoc pacto Homo generetur.

Animadvertite, Lector benevole, & considera probè hoc exemplū, & invenies, eodem omninò modo se habere negotium nostrum cum Aristotele. Nos enim, qui sequimur Mosen Doctorem, & Abrahamum Patrem nostrum pp. mm., credimus, tali formā vel ex tali materia Mundum esse generatum; hoc item vel illo tempore, aut ordine creatum. Venit Aristoteles ad nos refutandum, & argumenta adducit ex natura hujus Entis (h. e. *Mundi*) perfecti, & in actu existentis; Nos verò cōfitemur & concedimus, quòd longè aliter nunc se habeat in perfectione & absoluta constitutione sua, quàm eo tempore, quo generabatur, & quo post meram privationem incepit existere. Et omnes ejus rationes & objectiones, quas adfert, feriunt illos tantum, qui dicunt, Naturam hujus Mundi existentis docere & arguere de Novitate ejus. Ego verò jam protestatus sum, me hoc non asserere.

Sed revertor ad indicandum tibi fundamenta rationum ejus, & ostendendum, quòd nihil quicquam nos lædant; quia statuimus, D E U M universum Mundum creasse post privationem, & donec, ut nunc eum vides, perfectus fuit, generasse.

Dicit, *Materiam primam neq. esse generabilem, neq. corruptibilem; & ex rebus generabilibus & corruptibilibus probare hoc conatur, impossibilitatemq. ejus demonstrare.*

At nos ipsi verissimum hoc esse dicimus. Non enim statuimus, *An materia prima sit generabilis & corruptibilis?* Materiam primam generari, sicut generatur Homo ex semine; aut corrumpi, sicut corrumpitur Homo in pulverē; sed dicimus, D E U M Opt. Max. ex nihilo eam creasse, & ex ea, prout est postquam esse cœpit, generari omnia, in eamq. iterū corrumpi & resolvi, quæcunq. ex ea generantur, formā destitutam illam nunquam inveniri, ad ipsam deniq. omnem generationem & corruptionem tandem pertinere, neq. tamen generari prout ea, quæ ex illa generantur, neque corrumpi sicut ea, quæ in illam corrumpuntur & resolvuntur, sed creatā esse à

De o, & ab eodem iterum in nihilum posse redigi, quando ipsi visum fuerit.

Sic de Motu (ex cuius natura ibidem argumentatus est Aristoteles pro ἀσυννείῃ & ἀφθαρσίῃ ejus) dicimus, rem esse verissimam. Nam posteaquàm existit motus in hac natura, quam nunc habet, non est verosimile, illum generari & corrumpi generatione & corruptione universali, sicut generantur & corrumpuntur motus particulares. Atque eadem ratio est omnium eorum, quæ sequuntur naturam Motûs.

Ita de Motu circulari verissimum esse dicimus, illum non habere principium. Post existentiam enim corporis sphaerici, quod movetur circulariter, non possumus mente assequi principium motûs illius.

Eodem modo dicimus de Possibilitate, quæ necessariò in omni eo, quod generatur, præcedit, quòd illa necessaria sit in Ente hoc firmiter jam subsistente, (h. e. in Mundo hoc jam subsistente), in quo quicquid generatur, necessariò ex alio existente generatur. Verùm de re, quæ creata est ex privatione (*nihilo*), nihil neque in sensibus, neque in intellectu inveniri potest, propter quod possibilitatem in illa præcedere cogitari posset.

Sic dicimus de Generatione Cœli, nihil contrarium ei inesse, & pro verissimo id agnoscimus; sed negamus, Cœlum generatum esse sicut generatur Equus vel Palma; negamus etiam, corruptionem sequi compositionem ejus, sicut in Plantis & Animalibus propter contrarietatem, quæ illis inest. Fundamentum hujus rei est id, quod jam posuimus, rationem Entis in perfectione sua existentis non docere de ratione illius ante ejus perfectionem. Sic nihil absurdum nos est, si quis dicat, Cœlum generatum esse ante Terram; vel, Terram ante Cœlum; aut, Cœlos fuisse sine Stellis; vel, speciem unâ Animantium sine altera. Nam omnia hæc facta esse, intelligi possunt in Tempore generationis hujus Universi, quemadmodum in Tempore generationis Animalis, prius generatur cor quàm testiculi, (sicut ad oculum videre licet), & nervi prius quàm ossa; licet post perfectionem ejus non reperiatur ullum eorum membrorum, sine quibus Animal subsistere nequit, absque altero. Quin-imò necessarium est, ut hæc omnia ita se habeant, si capiatur Scriptura secundum sensum suum literalem, licet in rei veritate non ita sit, sicut alibi

Gen. 2. 6. 30.

explicabitur, ubi pluribus de hac re agemus. Necessarium enim est, ut hac de re admonearis, quæ est veluti murus aheneus, quem circa

Legem

Legem exstruxi, ut eam circumdet, & ab omni violentia custodiat, *(de verbo ad verbum, & impediatur lapidem omnium in eam projicientium.)*

Quòd si Aristoteles, sive alius quis, qui sententiam ejus rueret, nobis objiciat, & dicat; *Quandoquidem hoc Ens (Mundus) nihil docet nos, neq. probationem ex eo desumere possumus; quomodo nòstis vos, quòd sit generatum, & quòd alia Natura generàrit illud?* Dicemus, quòd nos hoc loco ad id respondere non teneamur; quia nostrum propositum hic non est, stabilire Novitatem Mundi, sed ostendere tantum, possibile esse ut Mundus sit novus, neque hanc sententiam everti rationibus à Natura rerum existentium petiris, cùm nos illis non contradicamus; & cùm hoc à nobis confirmatum fuerit, exponere, quomodo hæc sententia de Novitate Mundi præponderet sententiæ de Æternitate.

Nunc itaque nihil aliud in hac materia superest, nisi ut adferantur & producantur rationes, contra Novitatem Mundi, desumptæ, non ex natura Rerum existentium, sed ex Intellectu, à Natura videlicet DEI. Et hæ sunt tres illæ viæ, quarum in præcedentibus jam mentionem feci, in quibus pro Antiquitate Mundi pugnant ex consideratione DEI Opt. Max. Ostendam ergo jam tibi modos, per quos illas in dubium vocare potes, ita ut omnem suam vim & veritatem amittant; idq. in capite proximè sequente.

## CAP. XIIX.

*In quo refutat Argumenta Aristotelis pro  
Æternitate Mundi, desumpta ex  
consideratione Creatoris.*

PRIMA via, quæ contra nos procedunt, hæc est, quòd (opinione scilicet ipsorum) sequatur, DEUM exire de potentia in actum, si uno tempore dicatur operari, & alio non.

*Argumentum primum contra Novitatem Mundi, ex consideratione Creatoris.*

Sed confutatio hujus rationis facilis & manifesta admodum est; quòd videlicet hoc sequatur in iis, quæ composita sunt ex materia possibilitatem habente, & ex forma. Nam cùm corpus tale in formam suam agit posteaquàm non egit in eam, sine dubio Actio fuit in eo potentia, & exivit deinde in actum, aliquemq. necessariò Eductorem habet. Hæc enim propositio demonstrativè probari potest de rebus materiatis. Verùm quod attinet Ens Incorporeum & Immaterialium, in ejus substantia possibilitas nullum locum habet, sed actu

*Refutatio.*

actu ei inest, quicquid habet. Neque vel ex necessitate aliqua, vel impedimento & impossibilitate est, quòd uno tempore agit, altero verò non: nullam etiam in natura Abstracti mutationem hoc arguit. Nam secundùm Aristotelem, & eos, qui sequuntur ipsum, Intellectus agens etiam, qui Abstractus est, uno tempore agit, & altero non, sicut explicat *Abunazar* in libro suo de *Intellectu*, in hunc sensum scribens: *Patet est, quòd Intellectus agens non semper agit & operatur, sed uno tempore operatur, altero verò non.* Hæc sunt verba ejus, & quidem verissimè dicta. Et tamen, licet ita sentiat, non dicit, quòd Intellectus agens mutetur, vel de potentia in actum exeat, cùm uno tempore aliquid facit, quòd priùs non fecerat: nam nulla est inter Corpora & inter Incorporea, neq; tempore Actionis, neq; tempore Cessationis ab agendo, proportio vel similitudo. Verùm Actio dicitur æquivocè de Formis, quæ in Materia sustinentur, & de Abstractis. Ideoq; ex eo, quòd Abstractū non operatur uno tempore, quòd operatur alio, non sequitur, quòd idcirco exeat de potentia in actum, sicut se res habet in formis, quæ sustinentur in materiis.

Quòd si verò quis existimet, fallaciam aliquam hic subesse, & dicat; Quòd Intellectus agens uno tempore operetur, alio verò non; id fieri, non propter rem quampiam in ejus substantia, sed propter dispositionem materialium: operationem autem ejus manere perpetuam erga quidvis, quod aptum & Idoneum est ad eam recipiendam; & si eam aliquid impediat, id esse à dispositione materiali, non verò ab ipso Intellectu. Ei respondemus, Intentionem nostram non esse, indicare causam, propter quam Creator uno tempore agit, & alio non. Neq; idè hoc exemplum adduximus ab Intellectu agente, quòd dicamus, quemadmodum Intellectus agens operatur uno tempore, & non operatur alio, ac separatus est; sic quoque *D e u m* Opt. Max. Nequaquam enim hoc dicimus; neq; etiam hoc affirmare vel concludere voluimus; & si fecissemus, sophisticè & fallaciter egissemus; sed hoc concludere & evincere voluimus, quòd licet Intellectus agens, qui neq; corpus est, neq; potentia in corpore, uno tempore agat, alio verò non, quicquid deinde in causa sit; nequaquam tamen de eo dici possit, quòd de potentia in actum exeat, vel quòd in ipso sit possibilitas aliqua, vel deniq; quòd opus habeat Educatore, qui educat illum de potentia in actū. Atq; ita depulsum est à nobis dubium istud magnū, quod movet nobis ii, qui certant pro Antiquitate Mundi: quòd videlicet, cùm *D e u m* credamus neque corpus esse, neque potentiam in corpore; non sequatur

in eo mutatio aliqua ex eo, quod operatur postquam non operatus est.

Secunda via vel ratio, ex qua evincere volunt Antiquitatē Mundi, *Secundum argumentum.*  
*desumpta est ab Impellentibus, Innovatis & Impedientibus, quæ ipso-*  
 rum opinione in Deo fore necesse esset, si nostra sententia esset vera.

Hujus objectionis solutio difficilis & subtilis admodum est. Sed *Solutio.*  
 audi eam. Omne Agens voluntarium, quod facit actiones suas propter aliud quid, necessarii agit uno tempore, & nō agit alio propter Impedientia, vel propter Innovata, vel propter Impellentia quædam. Sic verbi gratiā, Homo aliquis vult habere domum, sed non ædificat eam propter Impedientia quædam, ut, quod materia requisita non præstet sit; vel si materia adsit, non possit formam accipere ob defectum instrumentorum; & si hæc omnia, materia videlicet & instrumenta, adsint, fieri tamen potest, ut non ædificet eam, eò quod, cum domo non indigeat, eam ædificare nolit: quando verò innovata quædam innovantur, (h. e. *nova mutationes oriuntur*), ut calor, frigus, vel alia, quæ ipsum impellunt ad quærendum refugium & habitaculum, tūm volat ædificare. Ex hoc exemplo apparet, quod Innovantes mutant voluntatem, & Impedimēta vel Impedientia resistant ei, ut propter illa non possit operationem suam perficere. Et hæc omnia verissima sunt, si fiant actiones propter rem quampiam extra ipsam voluntatem; verum quando Agens nullum omnino finem habet, sed simpliciter & solum sequitur voluntatem suam, tūm voluntas illa nequaquam indiget impellentibus; & licet volens nulla habeat impedientia, non tamen sequitur, quod semper agat; quia nullus ibi est finis egrediens, propter quem agit, & propter quem tenetur quasi agere, cum nulla ipsi obstant impedimenta; quia simpliciter suam sequitur voluntatem.

*Si quis inisset; Hæc quidem omnia vera sunt, attamen cum uno tempore vult, alio autem non vult, an non hæc est mutatio?* Respondemus; Nequaquam. Veritas enim & quidditas Voluntatis hæc est, ut velit, vel non velit: quod si Voluntas illa sit in Ente materiali, quod finem aliquem externum quærit, tūm mutatur Voluntas pro ratione Impedientium & Innovatorum: sed Voluntas Entis abstracti, quæ non est propter ullam aliam rem, non mutatur; neq; substantiæ ejus mutationem infert, quod hodiè rem quampiam vult, cras verò aliam; neq; cogimur hic aliam rationem reddere, sicuti nec ejus, quod diximus, licet uno tempore agat, alio verò non, id nullam mutationem in ipso evincere. Proinde liquet hinc, quod Voluntas æquivocè

dicatur de Voluntate nostrâ & de Voluntate abstracti, neq; ulla inter illas sit similitudo.

Atque ita solvimus quoque istam objectionem, & ostendimus, quòd nihil falsi nobis ex illa sequatur; id quod demonstrare conati fuimus.

*Tertium argumentum.*

Tertia via: *Quicquid exivit, id Sapientia Dei fecit ut exiret. Sapientia autem ejus cum ipsius substantia est æterna. Aeternum proinde, quicquid ex illa sequitur.*

*Solutio.*

Sed hæc consequentia debilis & infirma est admodum. Quemadmodum enim non intelligimus Sapientiam ejus, quæ fecit, ut sint novem, & non plures, nec pauciores Orbes, tot & non plures, nec pauciores Stellæ, & illæ hujus magnitudinis, non majores, nec minores: sic ignoramus & non intelligimus Sapientiam ejus, cur hæc omnia existerent fecerit postquam non fuerunt longo antè tempore. Omnia hæc etenim sequuntur Sapientiam ejus perpetuam, quæ non mutatur, (sed nos modum & rationem Sapientiæ illius ignoramus ignorantia merâ, purâ-putâ), quemadmodum & in nobis quoque Voluntas sequitur Sapientiam. Substantia autem ac Sapientia ejus sunt unum & idem, quia nos nulla attributa credimus, quemadmodum multa de hac re audies, cum de Providentia DEI agemus, ex quibus absurdum istud concideret ac corruet.

Quod verò attinet id, quod addit Aristoteles; quòd Gentes omnes inde à cunctis sæculis hoc credant, quòd Angeli & Deus ipse in Cælo habuerint, quemadmodum id & Scriptura Sacra videtur asserere; id nihil omnino facit ad probandam Æternitatem Mundi, sicut arbitratur; sed dictum id est ad probandum, quòd Cæli nos doceant de existentia Intelligentiarum separatarum, (quæ sunt Spiritus & Angeli), & hæc de existentia DEI, motoris & gubernatoris illarum; quemadmodum ostendam & palam faciam, nos nullam probationem ita firmam habere de existentia DEI, atque eam, quam ex Cælorum natura petimus, ut qui secundum Philosophos quoque docent de existentia & incorporeitate Motoris ipsorum, sicut alibi ostendimus.

Posteaquàm ergo tibi demonstravi possibilitatem sententiæ nostræ, quòdque illa nequaquam sit impossibilis, sicut arbitrantur ii, qui disputant pro Æternitate Mundi: venio nunc ad ostendendum, quantum sententia nostra præponderet per speculationem; quanta item absurda & inconvenientia sequantur ex sententia contraria, idq; in capitibus sequentibus.

## CAP. XIX.

*In quo probat, quòd Mundus hic ipse doceat,  
quòd sit ex intentione Intendentis.*

**O**STENSUM tibi jam est ex sententia Aristotelis, & reliquorum, qui credunt Æternitatem Mundi, quòd statuant, totam hanc rerum Existentiam à DEO necessariò esse & promanàsse, DEUM esse *causam*, & Mundum *causatum* seu *Effectum*, atque ita necessariò sequi. Et quemadmodum non dicitur de DEO, cur existat, vel cur sic existat, h.e. cur unus sit & incorporeus? sic non dici de Mundo hoc toto, cur existat, vel quomodo sic existat? eò quòd hæc necessaria sint & sic sequantur ex ordine Causæ & Effecti, neq; possibilis sit in illis Privatio, aut Mutatio ejus, quam habent, constitutionis. Proinde sequitur ex hac sententia, Omnes res necessariò in sua natura perpetuò permanere, neque ullam rem in natura sua mutari; ac per consequens, impossibilis est secundum illam, Entis alicujus à natura sua mutatio, neque sunt (siquidem ita res habeat) res istæ universæ ex intentione Intendentis, (DEI sc.), qui voluerit & liberè elegerit, ut ita existant. Nam si sint ex intentione Intendentis, tùm non extiterunt ante intentionem ejus. Nostrâ verò sententiâ sunt ex intentione Intendentis, non autem ex necessitate, & potest illas Intendens mutare, intentionemque aliam intendere, sed non præcisè quamvis; quia natura impossibilium firma est, neque ullo modo abrogari potest, sicut explicabimus.

Meum igitur propositum in hoc capite est, rationibus demonstrationi propinquis ostendere, Mundum hunc ipsum docere nos de eo, quòd sit ex intentione Intendentis, nec tamen me onerare illis rebus, in quibus laborant *Loquentes*; Abolitione sc. vel Sublatione naturæ rerum existentium, Sententiâ illâ de Atomis, & continuâ creatione Accidentium, aliisque ipsorum fundamentis, quæ tibi exposui *part. I. c. 73*. Noli enim existimare, quasi illi idem dicerent, quod ego. Conantur quidem idem præstare, quod ego; in hoc nullum est dubium, & dicunt quoq; ea, quæ ego dico, illaq; probare nituntur: sed nullam illi statuunt esse differentiam, sive Planta aliqua appropriata dicatur esse in Rubedine sine Albedine, vel in Dulcedine sine Amaritudine: aut, si Cælis approprietur figura rotunda sine quadrata vel triangulari, (h.e. *Omnes rerum proprietates tollunt, & perinde esse ducunt, sive Planta alicui hoc sive aliud dicatur esse proprium; sive dicatur,*



*proprietatem Cæli esse, ut sit rotundum, sive non, &c.)* & hæc stabiliunt per suas hypothèses, quas nôsti: ego verò proprietatem Entium, prout fieri decet, per principia Philosophica, ex ipsa Rerum natura delumpra, stabiliam.

Hanc autem viam meam explicare incipiam, postquàm hoc præmisero, quod Materia (*prima*) communis sit omnibus rebus, quæ mutantur; & quòd impossibile sit, ut non sit alia causa præter hanc materiam, quæ faciat, ut quædam hanc, quædam verò aliam formam habeant; vel causæ plures, secundum numerum earum rerum, quæ mutantur. Et in hoc consentiunt unanimiter omnes, tam ii, qui Antiquitatem, quàm illi, qui Novitatem credunt.

Præmissâ igitur hac hypothese, explicabo mentem & intentionem meam per Quæstiones & Responsiones ad eas ex mente Aristotelis.

*Quaro itaque ex Aristotele, & dico;* Demonstrationem fecisti nobis, quòd una sit communis materia omnium eorum, quæ sunt sub sphaera Lunæ; si ita sit, quæ nam est causa, quòd tam variæ sint species Entium? & quæ causa est varietatis in Individuis uniuscujusque speciei?

*Respondet nobis;* Causa diversitatis est varietas temperamenti eorum, quæ ex illa materia sunt composita. Materia enim illa communis primò recipit quatuor formas, & unamquamque formam illarum comitantur duæ qualitates, & in istis quatuor qualitatibus sunt elementa vel fundamenta omnium, quæ componuntur ex illis, dum primò per motum Cæli commiscantur, & postea convenienter temperantur: tùm enim oritur diversitas in commixtione compositorum ex illis, pro diversa mensura caloris, frigoris, humiditatis & siccitatis, suntque per istiusmodi diversa temperamenta diversæ quoque dispositiones ad varias formas recipiendas; & formæ illæ sunt aptæ ad recipiendas formas alias, sicque perpetuò: formæ porro alicujus materia habet certam latitudinem seu mensurâ in quantitate & qualitate, secundum quam Individua speciei variant, prout in Physica scientia explicatum est. Atque hæc omnia vera sunt & manifesta ei, qui animam suam in veritate vult erudire, eamque non derelinquere.

*Secundo loco quaro ab Aristotele, & dico;* Si temperamenta Elementorum causa sunt dispositionis materialium ad diversas formas recipiendas, quid nam est illud, quod Materiam illam primam ita præparavit, ut pars illius receperit formam Ignis, pars alia formam Terræ, & reliqua pars intermedia inter duo ista partim formam

Aquæ,

*Quòd hic Mundus ipse doceat, quòd sit ex intentione Intendens.*



Aquæ, partim formam Aëris, cum una & communis sit materia? unde item factum, quod materia Terræ magis fuerit propria & idonea formæ Terræ, & materia Ignis magis idonea ad formam Ignis?

*Ad hoc respondet Aristoteles, & dicit; Fieri hoc ex diversitate locorum: hanc quippe in materia dispositiones varias efficere. Idenim, quod propinquum & vicinum est Sphæræ primæ, recipit ab ipsa maiorem subtilitatem, & motus velocitatem, ad naturam ejus magis accedit, & per hanc dispositionem accipit formam Ignis: quod verò ab illa Sphæra longius distat versus centrum, id magis crassum & densum, minusque lucidum fit, & Terræ formam recipit. Atque sic eadem est causa in Aqua & Aëre. Et hoc necessarium est; fieri enim nequit, ut materia non sit in aliquo loco, vel ut Peripheria sit Centrum, aut Centrum Peripheria, & hinc proinde venit appropriatio formarum diversarum, h.e. dispositio ad formas diversas recipiendas.*

*Tertio querimus ex ipso; An Cœli & Elementorum una sit eademque materia?*

*Ad hoc respondet, quod non, & quod illius materia sit alia, & aliæ quoque formæ; quodque Corpus, de istis corporibus inferioribus, & illis superioribus, æquivocè prædicetur, sicut Recentiores exposuerunt, & quemadmodum id per demonstrationem ostendi potest. Etenim audi, Lector benevole, quid ego dicturus sim.*

Nôsti demonstrationem Aristotelis, quod ex varietate operationum appareat quoque varietas formarum. Cum ergo motus quatuor Elementorum sit rectus, motus verò Cœli circularis, manifestè liquet, Materiam illam & hanc non esse eandem, hocque verissimum est secundum speculationem naturalem: cum etiam deprehendatur, illa, quæ motu recto moventur, esse varia & diversa; quædam enim moventur sursum, quædam deorsum, quædam in alterutrum latus, quædam tardiùs, quædam velociùs; hinc iterum evidens est, quod diversas habeant formas, quodque quatuor sint Elementa. Et ex hac ipsa probatione sequitur quoque, unam esse eandemque Materiam omnium Sphærarum cœlestium, quia omnes moventur circulariter; Formas verò illorum esse diversas, quia una movetur ab Oriente in Occidentem, alia ab Occidente in Orientem; una prætereà velociùs, alia tardiùs movetur.

*Quarto ergo querendum quoque est; Quandoquidem Materia ista communis est omnibus Sphæris, & unumquodque subjectum illorum est certæ alicui formæ appropriatum & dicatum, (vel unicuique*

*subiecto appropriata sit certa aliqua forma*); quis nam quæso est, qui ista subiecta appropriavit & præparavit ad recipiendas formas? an aliquis alius, præter Deum, hanc proprietatem illis attribuire potuit?

Hic verò te erudiam de profundo intellectu & summâ apprehensione (h. e. *summo ingenio*) Aristotelis, quâque vehementer ipsum vexârit hæc obiectio; quâ item ratione conatus fuerit se ex illa extricare per res, in quibus illum Existentiâ isthæc rerum nihil juvat, licet objectionis ipsius non meminerit. Videbis enim in libris ejus, illum conari nobis disponere & ordinare existentiam Orbium cœlestium eodem modo, quo disposuit existentiam Sublunarium, ita ut omnia sint per consecutionem & necessitatem naturalem, non autem ex libera voluntate & intentione Intendentis aut appropriatione Appropriatoris, prout ei visum fuit. Verùm nequaquam adhuc perfecit quod quæsit, neque etiam in sempiternum id faciet. Nam conatur causam reddere, cur Cœlum moveatur ab Ortu, & non ab Occasu? cur item quidam Orbes velociorem, alii verò tardiorum motum habeant? quod videlicet id proveniat ex diversa à suprema Sphæra distantia. Denique, cur septem Planetæ tot habeant Orbes vel Sphæras, & reliquæ Stellæ fixæ omnes unam tantum? Horum, inquam, omnium causas conatur reddere Aristoteles, eaque secundum ordinem naturalem necessarium disponere. Verùm, prout dictum, nequaquam rem perfecit. Nam quod ea attinet, quæ dicit de rebus existentibus sub Sphæra Lunæ, ea sequuntur ordinem convenientem huic Existentiæ, (sive rebus existentibus), & ejus causæ claræ sunt: rectèque de illis dici potest, quod per necessitatem sint ex motu Cœli, & ex ejus facultatibus. Verùm quod ea attinet, quæ commemoravit de Sphæris cœlestibus, illorum causas evidentes non adduxit, neque ejusmodi dispositionem vel ordinem ostendit, de quo dici posset, quod sit necessarius. Nam videmus quandam Sphæram velociorem motum habentem, esse superiorem aliâ tardiorum motum habente; & vice versâ, aliam, tardiorum motum habentem, superiorem aliâ velociorem motum habente: alias item motus habere æquales, etiamsi una altior sit quam altera. Et sic alia multa ac gravia adhuc sunt in consideratione hujus rei, an videlicet sit necessaria, ut arbitratur Aristoteles: quibus peculiare caput destinabo. Summa; Cùm videret Aristoteles, quàm infirma sint ea, quæ adduxit, in harum rerum causis ac rationibus exponendis & reddendis, antequàm inciperet, in hunc sensum est præfatus: *Propositum nunc est nobis duas quæstiones indagare, quarum indagatio*

*Vide libr. 2. de Cœlo, c. 12. & 5.*

*dagatio dubia est & anceps. Decet autem, ut eas pervestigemus, & de illis secundum apprehensionem intellectûs, sapientia & sententia nostra, (h.e. pro intellectu, ingenii doctrinæque nostræ modulo) aliquid dicamus. Neque propterea temeritatu vel arrogantiæ crimen imputandum nobis arbitramur, sed potius diligentiam & studium nostrum in Philosophia amore & admiratione dignum esse censemus. Quodd si enim illas quæstiones tam arduas & excellentes discussimus, & solutionem aliquam convenientem assulerimus, æquum erit, ut Auditor de illu laetetur, & sibi gratuletur. Hæc est summa & sensus verborum Aristotelis, ex quibus vides, ipsum probè sciuisse incertitudinem verborum suorum; inprimis cum ejus tempore Disciplinæ Mathematicæ ràm imperfectæ fuerint, neque tantam Motûs cœlestis cognitionem habuerint, sicut nos hodiè habemus; ac videtur mihi illum in Metaphysicis propter hanc quoque causam Sphærarum singulis Intelligentiam certam assignasse, ut unaquæque Sphæra quiddam habeat, quod ipsi hunc vel illum motum appropriet. Verùm ostendam tibi, illum nihil hac in parte hic lucrari. Quod verò in verbis citatis ait, *Secundum apprehensionem intellectûs, sapientia & sententia nostra*, ejus verum sensum tibi exponam, quod à nullo Interpretum adhuc factum vidi. *Sententia nostra*, ait, respectu Antiquitatis Mundi. *Sapientia nostra*, inquit, propter illud, de quo omnes conveniunt & consentiunt, quòd omnes istæ res opus habeant Causâ & Efficiente aliquo, neque ulla fiat casu vel fortuitò. *Intellectus nostri*, ait, pro tenuitate intellectûs & ingenii nostri ad sufficientes causas reddendas istarum rerum. Proinde probè vidit, se parùm hic præstitisse, prout etiam in rei veritate fecit. Nam quæ commemorat de causâ Velocitatis Motûs communis & Tarditatis Sphæræ Stellarum fixarum, quâ contrario modo & motu incedit, illa ratio mirabilis est! Quod etiam dicit, necessariò sequi, tantò velociorem esse Sphæræ alicujus motum, quantò remior est à Sphæra octava; id nequaquam sequitur ordinem, quemadmodum declaravi, & evidentissimum est ex hoc, quòd sequeretur, Sphæras omnes, quæ moventur ab Oriente in Occidentem infra Sphæram octavam, velociùs moveri, quàm illæ, quæ ipsis sunt inferiores, & ita moventur ab Oriente in Occidentem, & motus illarum, quæ moventur ab Oriente, esse propinquos in velocitate motui nono. Verùm, prout dictum, non tantam habuerunt ejus tempore Astronomiæ cognitionem, ut nos habemus hodiè.*

Nos autem quod attinet, scito, quòd, secundum sententiam nostram, nobis, qui credimus Novitatem Mundi, ista sint facilia & planis-

planissima. Dicimus enim, quòd sit aliquis, qui unicuique Sphærarum & velocitatem ejus appropriat prout vult, sed quòd nos ignoremus modos Sapientiae, quâ singula sic existere fecit. Quòd si Aristoteles posset rationem & causam reddere diversitatis motus Sphærarum, & probare, quòd illa à diversitate sitûs illarum inter se invicem proveniret, sicut existimat, mirabile sanè hoc esset: & causa appropriationis diversorum motuum eadem ferè esset quæ diversitatis Elementorum, quæ variant secundum rationem sitûs ad Peripheriam vel Centrum, (h.e. *prout vel peripheria vel centro Mundi sunt vicina, vel ab iis remota*). Sed hoc manifestè repugnat ordini Sphærarum, sicut ostendi, & clarissimum est ex existentia appropriationis Sphærarum & Stellarum, cujus Homo causam propriam reddere non potest aliam, præter intentionem Intendentis. Quòd enim Sphæra semper movetur, & Stella semper quiescit, id argumentum est, Materiam Stellarum non esse eandem, quæ est materia Sphærarum: quod ipsum quoque monuit *Abunazar in Additionibus suis ad librum Aristot. de Auditu*, ubi in hunc sensum scribit; *Est differentia inter Sphæram & inter Stellam: Sphæra enim est pellucida vel crystallina, Stellæ verò non sunt crystallinae. Causa, est differentia, licet parva, inter duas materias, & duas illas formas. Hæc sunt ipsius verba. Ego verò dico, non parvam, sed maximam esse differentiam; non enim desumo probationem ex pelluciditate, sed ex moribus, & extra omne dubium pono, triplicem esse materiam & triplicem formam; Corporum videlicet, quæ perpetuò quiescunt, ut sunt corpora Stellarum: Corporum eorum, quæ perpetuò moventur, ut sunt corpora Sphærarum cœlestium: & Corporum illorum, quæ moventur & quiescunt, ut sunt Elementa. Miror autem, quidnam sit illud, quod conjunxit duas diversas istas materias, sive jam magna, ut ego arbitror, sive parva (ut Abunazar opinatur) sit inter illas differentia? & quisnam illas præparaverit & disposuerit ad hanc unionem? In summa, dicere, quòd & duorum corporum unum cum alio conjungatur, ita ut non cum eo commisceatur, sed in loco aliquo proprio & certo firmiter ei conjunctum maneat, sine intentione Intendentis alicujus, id sanè mirabile admodum esset! Majori autem admiratione digna res est ratio Stellarum illarum innumerarû, quæ sunt in Sphæra octava, quæ omnes sunt globosæ, & earum quædam parvæ, quædam magnæ: una hic, alia alibi, cubiti quasi distantia ab illâ remota, ut quidem nobis videtur: hic decem unâ conjunctæ & coacervatæ, alibi in spatio magno nulla planè! Quænam*

etenim

etenim hic causa est, quæ huic spatio decem Stellas assignavit, & aliud spatium vacuum omnique; Stellâ destitutum reliquit? Præterea, cum corpus Sphæaræ totum sit unum, simplex, & sine omni differentiâ, propter quam causam hæc illius pars magis conveniens fuit huic Stellæ, quæ in ea existit, quàm alia? Hæc omnia, & quæ alia sunt hujus generis, difficilia sunt admodum, quin-imò propè impossibilia, si credantur esse de necessitate à Deo Opt. Max., sicut videtur Aristoteli: quod si verò credatur, illa esse ex intentione Intendentis, quia ea sic fecerit, nihil quicquam huic sententiæ inerit vel miri, vel absurdi; neque ulterius locus vel occasio erit inquitendi, nisi hoc forte, ut dicas, quæ nam causa est Intentionis hujus? Universaliter & in genere hoc sciendum est, omnia ista esse propter rationem nobis ignotam, nec quicquam frustra vel casu fieri. Sic nosti, in Animantibus, ut cane, asino, &c. nervos & musculos non casu creari, vel fortuito quantitatem suam accipere; neque per accidens fieri, quod nervus unus sit crassus, alius subtilis; musculus unus habeat ramos, alius non habeat; unus rectâ descendat, alius obliquè: sed singula esse propter certos usus & notas utilitates, propter quas necessario ita esse debent. Quomodo ergo Intelligens aliquis imaginari sibi potest, quod dispositiones, mensura, numerus, & motus Sphærarum varii absque ratione vel casu existant? Nullum est dubium, quin necessario singula sint ex intentione Intendentis. Disponere verò ista secundum Necessitatem, non verò secundum Intentionem, res est ab Intellectu nimis remota & aliena. Meo autem judicio non est major probatio pro Intentione, (h.e. quod omnia ex certa sint Intentione), quàm ex varietate motûs Sphærarum, & Stellarum in Sphæris fixatione vel stabilitate, aut immobilitate. Hinc omnes serè Prophetas invenies à Cælis & Stellis demonstrare Existentiam Dei Benedicti. De Abrahamo notum est, quid ipse ex consideratione Stellarum didicerit. Jesajas, monens quomodo hinc probatio exstrui oporteat, ita inquit; *Attollite in sublime oculos vestros, & videte, qui creavit ista?* Sic ait Jeremias, *Faciens Cælos*. Abraham; *DOMINUS DEUS Cælorum*. Prophetarum Princeps Moses; *Qui equitat Cælos*, sicut explicuimus. Atque hæc est vera & indubia probatio. Nam quod diversitates attinet eorum, quæ sunt sub Cælo, licet materia eorum sit una, dicere tamen possumus, quod virtutes cælestes & materiæ positio vel situs à Cælo illas approprient, sicuti nos docuit Aristoteles, (h.e. quod proprietates illas diversas obtineant à virtutibus cælestibus. & pro ratione situs materia prope Cælum, vel longè ab eodem.) Quod vero diver-

Jes. 40. 26.

Jer. 32. 17.

Gen. 14. 7.

Deut. 33. 26.

sitates attinet in Sphæris & Stellis, quis illas appropriare potuit nisi Deus Opt. Max.? Si quis dicat, Intelligentias separatas hoc posse; nihil tamen obtinebit & lucrabitur. Intelligentiæ enim non sunt corpora, ut certum aliquem situm vel spatium à Sphæra habere possint: quomodo proinde moveri potest Sphæra aliqua motu suo appetitivo versus Intelligentiam suam abstractam in Orientem, & mox in Occidentem? an videtur Intelligentia hæc separata in Oriente, aut postea in Occidente? & quòd videtur una festinanter, altera verò tardo & lento gressu incedere, non sequi potest id secundum proportionem distantiae unius ab altera. Quare necessario dicendum est, quòd natura & substantia, adeoque appetitus Sphærae exigat, ut in hoc latus & tali velocitate moveatur, prout Aristoteles inquit, & rem hanc explicat.

Sic igitur reversi sumus ad id, in quo principiò occupati fuimus. Dicimus ergo, quandoquidem materia omnium est una, unde factum est, quòd una Sphæra habeat naturam diversam à natura alterius? &, unde una habet ejusmodi appetitum, quem talis motus species sequitur, alia alium appetitum, quem alius quoque motus sequitur? Sanè hoc nequaquam esse potest sine Appropriatore. Hæc itaque consideratio ducit nos ad investigationem duarum quæstionum. *Prima est*: Utrùm sequatur ex diversitate & differentiâ hac Entium, vel rerum existentium, quòd sint ex intentione Creatoris, non verò ex necessitate, aut an non sequatur? *Alteræ est*: An, si omnia sint ex intentione Intendentis singula appropriantis, sequatur illa esse nova post privationem, (h.e. ex nihilo certo tempore creata), an verò non sequatur hoc, sed quòd nihilominus Appropriator ejus ita fuerit perpetuus? Nam hoc etiam jam dixerunt quidam ex illis, qui credunt Æternitatem Mundi. Quocirca incipiam nunc duas istas quæstiones, quantum quidem necessitas postulare mihi videbitur, insequentibus capitibus explicare.

## CAP. XX.

*In quo adducitur sententia Aristotelis, qui  
statuit, Res istas naturales non esse  
per accidens.*

*Nullas res naturales esse per accidens.*

**A**RISTOTELES statuit, Nullas res naturales casu & per accidens contigisse vel factas esse. Demonstratio ejus est hæc. Res accidentales non sunt Perpetuæ, aut Frequentes. Omnia autem ista

ista Entia sunt vel Perpetua, vel Frequentia. Cæli enim utique sunt Perpetui, ut qui neque in substantia, neque in locis suis mutantur. Res naturales sub Sphæra Lunæ partim sunt Perpetuæ partim Frequentes. Perpetuæ, ut calor Ignis, motus Lapidis deorsum. Frequentes, ut Formæ singularium cuiuslibet Speciei, & Operationes eorū. Et hæc omnia sunt manifesta. Quod si ergo Partes ejus (Mundi) non sunt per accidens, neque Totum per accidens esse potest. Atque hæc est demonstratio, hicque sensus verborum Aristotelis, respondentis quibusdam antiquis Philosophis, qui exstimabant, Mundum hunc per accidens à se ipso & sine causa ortum esse. Nam dicit: *Alīstiatūr, causam Cæli & Mundi esse ab ipso Cælo & Mundo. Ajunt enim, A se ipso esse Motum circularem, & Motum, qui separavit ac constituit universa secundum hunc ordinem, in quo nunc existunt. Verum hoc mirabile admodum est! Nam dicunt illi ipsi, Animalia & Plantas non generari vel oriri per accidens, sed suas habere causas, ut Naturam, vel Intellectum, aut aliud quid simile, (non enim quilibet nascitur ex quolibet semine vel corpore, sed ex uno semine nascitur oliva, ex uno concubitu homo, ex alio aliud): & tamen de Cælo, & reliquis corporibus, intra divina ista opera contentis, dicunt, quod sint à se ipsis, neg, sicut Animalia & Plantæ, causam aliquam habeant.* Hæc est summa verborum ejus. Hanc autem sententiam longâ oratione postea incipit refutare, & falsitatem ejus ostendere.

*Statuerunt quidam, Mundum esse à se ipso.*

Itaque sic patet, quod Aristoteles crediderit, & demonstratione ostenderit, ista Entia nequaquam casu & per accidens existere. Hoc verò inde refutat, eò quod per se sint, h. e. quod causam habeant necessariò requirentem & exigentem, ut sint, & quod propter illam causam eo in statu, in quo nunc sunt, existant. Istud enim est, quod demonstrare voluit, & quod etiam credit Aristoteles. Verum, quod idè, quia non sunt ex se ipsis, sint ex intentione Intendentis & voluntate Volentis, id nequaquam credidisse puto Aristotelem; quia meo judicio, tam non consistere possunt hæc duo simul, quod Ens aliquod per necessitatem Naturæ existat, & quod sit innovarum ex intentione Intendentis & voluntate Volentis, quàm non possunt simul consistere duo contraria. Necessitas enim hæc quam Aristoteles credit, ita se habet, quod nullum Ens inartificiale (h. e. naturale) esse queat sine causa necessariò efficiente illud in eo, quo est statu, & quod hæc causa habeat secundam, secunda tertiam, & ita consequenter usque ad causam primam, ex qua necessariò reliquæ omnes sequuntur; quia hæc series non potest procedere in infinitum. Non tamen credit, quod Necessitas existentiae Mundi hujus à Creatore,

*Quomodo Aristoteles crediderit necessitatem existentiae Mundi.*



h.e. à prima caussa, ita sequatur, sicut Umbra sequitur Corpus, Calor Ignem, aut Lux Solem, quemadmodum de eo dicunt, qui verba ejus non intelligunt. Verum credit, illam ita sequi ex prima caussa, sicut Intelligibile sequitur ex Intellectu; quia Intellectus efficiens est Intelligibilis, quatenus est Intelligibile primaque ejus caussa: immò, secundum ipsum, Intellectus est in supremo gradu & summâ perfectione inter Res existentes; ita ut dixerit, Deum velle, id quod necessarium ab ipso sequitur, de eo lætari, ex illoque voluptatem vel utilitatem aliquam capere, neque contrarium vel aliud quid velle posse. Itaque non dixit de eo, quod sit ex Intentione, neque Intentio hic locum habet. Nam Homo vult, ut habeat Oculos & Manus, de eo gaudet, lætatur & voluptatem ac utilitatem capit, neque possibile est, ut velit contrarium; nec tamen quisquam habet Oculos & Manus per Intentionem & Appropriationem suam ad talem formam vel tales actiones. Nam Intentio & Appropriatio non conveniunt, nisi rei, quæ quidē non existit, sed tamen ita esse vel non esse potest, prout intenditur vel appropriatur. Nescio autem, num isti posteriores verba Aristotelis ita intellexerint, ac si res istæ naturales duas causas haberent, Necessitatem sc. ac Intentionem & Appropriationem; an verò hic ipsi contradixerint, & Intentionem ac Appropriationem solum elegerint, existimantes, illam nihil Antiquitati Mundi derogare. His ergo sic explicatis, accedam nunc ad sententiam istorum posteriorum examinandam.

## CAP. XXI.

*In quo exponitur & refutatur sententia eorum,  
qui dicunt, Mundum esse Antiquum, &  
tamen à DEO creatum.*

*De istorum sententia, qui existimant, Mundum esse æternū, & tamen à Deo creatum.*

**S**CITO, quod sint quidam ex posterioribus Philosophis, Antiquitatem Mundi defendentibus qui ajunt; Deum fecisse Mundum, Existentiam ejus liberè elegisse, & intendisse ac appropriasse eum in hoc statu, in quo est: sed tamen falsum esse, hoc in certo aliquo tempore ab ipso factum, verum semper ita fuisse & futurum esse. Dicunt præterea; quod nos non possumus intelligere, quomodo aliquid possit quidpiam efficere & tempore opus suum non præcedere; illud inde venire, quod id sequatur & necessarium sit in omnibus iis, quæ nos facimus; eò quod omnis ejusmodi Efficiens habet Privata-



Privationem quandam, & est primò Efficiens in potentia, postea verò, cum operationem exercet, in actum demum exit. Quod verò D E U M Opt. Max. attinet, quia in illo nulla sit privatio, nihil etiam ei insit potentia; idèd Ipsum non præcedere opus suum, neq; unquam non fuisse Efficientem. Et quemadmodum differentia magna est inter Substantiam ejus & Substantiam nostram; ita magnam esse quoque differentiam inter Comparationem ipsius cum opere suo, & Comparationem nostri cum opere nostro. Atque hoc idem dicunt de Appropriatione & Volunrate; quòd videlicet nihil intersit in hoc negotio, sive dicas, Efficiens, Volens; sive, Approprians, Intendens; falsumq; sit, Voluntatem vel Operationem ejus mutari, sicut exposuimus.

Ita proinde vides, Lector, illos vocem NECESSITATIS mutasse, sed rem ipsam retinuisse; idq; forsitan propter elegantiam sermonis, vel ad vitandum absurdum & inconveniens aliquod. Nam idem est, dicere, Existentiam hujus Mundi necessariò sequi causam suam, & Esse perpetuum propter perpetuitatem causæ, (quæ est D E U S Opt. Max.) sicut dicit Aristoteles; & dicere, Mundum esse ex Effectione, Intentione, Voluntate, Electione & Appropriatione D E I, & Nunquam non ita fuisse, neque unquam non ita futurum esse, (h. e. *neg, unquam tamen D E U M non Efficientem ejus fuisse, vel futurum esse*): quemadmodum ortus Solis causa Efficiens est Diei, licet neutrum illorum alterum tempore præcedat.

Verùm nequaquam ita se habet Intentio Dei, de qua nos loquimur; sed illa ita est intelligenda, quòd Mundus nequaquam sequatur vel dependeat à D E O Opt. Max. necessitate vel consequentià causati ad causam suam, quod ab ea non potest separari, neque mutari, nisi causa ipsa mutetur.

Quòd si aurem ita rem intellexeris, animadvertes, falsum esse, quòd Mundus sequatur vel dependeat ab existentia Dei, sicut effectum à sua causa, & quòd sit ex ejus actione vel appropriatione.

Sic ergo quæstio vel status controversiæ hujus tibi est explanatus, unde occasio nobis datur ad inquirendum de varietate & diversitate, quæ in Cœlis reperitur, de qua demonstratum est, quod sine causa esse nequeat; An videlicet illa causa sit causa istius diversitatis, & ab existentia ejus necessariò dependeat & sequatur, (sicut credit Aristoteles); an verò causa illa efficiat diversitatem illam, eamq; appropriet eo modo, quo nos credimus, qui sequimur Molen Doctorem nostrum p. m.? De hoc autem dicturus sum,

*Explicatio sen-  
tentia Aristote-  
lis de Necessita-  
te.*

posteaquàm tibi declaravero sensum Necessitatis ejus, quam Aristoteles sibi imaginatur, ut rectè illam intelligas: postea autem incipiam explicare rationibus speculativis, Philosophicis, clavis, & minimè sophisticis, quantum nostra sententia de Novitate Mundi alteri sit præferenda. Dicit ergo Aristoteles, quòd Intelligentia prima necessariò sit à Deo; Intelligentia secunda necessariò à prima; tertia à secunda. Sic sentit, Orbes vel Sphæras necessariò esse ab Intelligentiis. Proinde evidens est, illum non statuere de ordine illo noto, quem ex pluribus ejus locis nosti, & de quo præcipua jam attigimus, quòd primò aliquid factum sit, & postea ex eo aliud innovatum fuerit, (nam non credit cujusquam rei innovationem). Sed hæc est ejus sententia, quòd sint per Necessitatem causæ: h. e. Intelligentiam primam, causam esse existentia: Intelligentia: secundæ; secundam, causam tertiæ, usque ad finem ipsarum. Sic juxta ipsum eadem est ratio Sphærarum & Materia: primæ, neque ulla istarum rerum omnium tempore aliam præcelsit, vel sine illa extitit. Exemplum hujus rei est, si quis dicat: è quatuor qualitatibus primis necessariò sequuntur Lævitas & contrarium ejus (*Asperitas*); Durities, Mollities; Densitas & contrarium ejus (*Raritas*), quæ, & aliæ similes, citra dubium innovantur & oriuntur ex Caliditate, Frigiditate, Humiditate & Siccitate, etsi nullum Corpus inveniatur, quatuor istas qualitates primas habens, quod nudum sit ab istis qualitatibus secundis. Nam hic Innovatio non habet locum, sed causâ. Secundùm hoc ergo exemplum dicit Aristoteles de Mundo hoc in genere, quòd unum sequatur ex alio, donec pervenitur ad Causam primam, ut ipse loquitur, vel ad Intelligentiam primam, aut quodcunque aliud nomen usurpare mavis; omnes etenim & nos ad unum aliquod principium respicimus: sed ipse statuit, ex eo provenire reliqua omnia per Necessitatem; nos verò dicimus, omnia ista Entia ab illo principio esse facta per talem Intentionem & Voluntatem, per quam istud Ens (h. e. iste Mundus) quod antea non erat, existens factum est. Sed nunc incipiam explicare rationes meas, & præponderationem sententiæ nostræ de Novitate Mundi, in capitibus sequentibus.

*In quo disputat contra Aristotelem, & ejus asselas, qui asserunt, Omnes res existentes esse ex Necessitate, &c.*

**H**YPOTHESIS seu *Propositio prima*, in qua Aristoteles & *Hypotheses Aristotelis & aliorum, quibus probant, Omnes res esse ex Necessitate.*  
 Homnes Philosophi conveniunt, est hæc; Ex re simplici non posse sequi nisi aliud simplex & unum: si verò res sit composita, tot alias ex ipsa provenire posse, quot sunt illarum simplicium, ex quibus est composita. E. G. Ex igne, in quo est compositio duarum qualitarum, Caliditatis videlicet & Siccitatis, duo quoque proveniunt; quòd nempe Calore suo calefacit, & Siccitate suâ exsiccat. Sic è re, quæ composita est ex materia & forma, proveniunt res tum ex parte materiæ, tum ex parte formæ ejus. Sic è re, quæ è pluribus est composita, sequuntur plura. Et secundum hanc Propositionem dicit Aristoteles, quòd nihil à Deo primò sequatur & proveniat, nisi Intelligentia una, simplex.

*Propositio secunda* est: Non quidlibet sequitur ex quolibet, sed necesse est, ut semper aliqua sit proportio inter Causam & Causatum. Sic non ex quolibet accidenti sequitur accidens quodlibet, ut E. G. ex qualitate quantitas; vel contrà, ex quantitate qualitas. Ita non sequitur ex materia forma, vel ex forma materia aliqua.

*Propositio tertia*: Omne agens, quod agit ex Intentione & Voluntate, non Naturâ, multas & diversas actiones facit.

*Propositio quarta*: Omne compositum ex substantiis diversis vicinis, (h. e. unitu, conjunctu & juxta se tantum quasi collocatu) magis decentem & digniorem compositionem habet quàm illud, quod compositum est ex diversis substantiis per mixtionem. E. G. Ossa, Caro, Nervi vel Musculi magis simplices sunt quàm Manus & Pes, quæ composita sunt ex ossibus, carne, nervis & musculis. Atq; hoc clarius est, quàm ut ampliori expositione egeat.

His ita præmissis concedo, quòd extra omne dubium sit id, quod ait Aristoteles. Intelligentiam primam esse causam secundæ, secundam tertiæ, & sic consequenter, si mille illarum essent gradus, & primam esse simplicem: sed quæro, unde proveniat illa Compositio, quæ juxta mètem Aristotelis existit in istis Entibus per necessitatem vel consequentiam? Confitemur & largimur ipsi etiam reliqua omnia, quæ dicit, quòd videlicet in Intelligentiis tantò plurium rerum compositio

*Refutatio principiorum Aristotelis pro Necessitate Entium, ex Absurdo, quæ inde sequuntur.*

positio oritur, quod longius à prima elongantur; quia nempe intelligibilia illarum multiplicantur. Sed cum ista sententiæ & opinionis hujus confessione quæro, quomodo Intelligentiæ sint causæ, è qua sequuntur Sphæræ? & quæ nam sit proportio inter materiam & inter abstractum, quod non habet materiam? Præterea demus ipsi & hoc, quod uniuscujusque Sphæræ causæ sit Intelligentia aliqua juxta formam commemoratam, quod nempe in Intelligentia illa sit compositio, cum intelligat se-ipsam, tum alia, & ita composita quasi sit è duabus rebus, è quarum prima sequitur Intelligentia proximè illam sequens, & ex altera Orbis sive Sphæra. Sed hic quæro, quomodo ex altera ista re simplici, è qua Orbis cœlestis sequi vel provenire dicitur, Orbis sequi possit, cum Orbis sit compositus ex duabus materiis & duabus formis; ex materia videlicet ac forma sua, & ex materia & forma Stellæ, Orbi illi inhærentis? Quod si hoc sit ex necessitate, tum sine omni exceptione compositum hoc oportet habere causam compositam, ex cujus parte sive membro uno sequatur corpus Sphæræ, & ex parte altera corpus Stellæ; siquidem una sit omnium Stellarum materia. Videtur autem, quod alia sit substantia Stellæ lucidæ, & alia Stellarum obscurarum, nullum lumen habentium: ac nôsti, omne Corpus compositum esse ex Materia & Forma sua. Sic itaque demonstratum tibi est, istas rationes omnes nihil concludere pro Necessitate illa, quam vult adstruere. Insuper verò Varietas quoque Motuum, quibus Sphæræ moventur, non est secundum proportionem dispositionis ipsarum, ita ut ex hac concludi possit Necessitas, sicuti ostensum est. Præter hæc, consideratio Conditionis & Naturæ Sphærarum refellit ea, quæ ponit Aristoteles de existentia rerum naturalium. Quod si enim materia Sphærarum omnium est una, quare non potest forma Sphæræ unius transferri in materiam alterius, (sicut accidit sub Sphæra Lunæ), cum materia sit ad illam apta ac idonea? quare item hæc forma in hac materia manet perpetuò, cum materia omnium sit communis? Quod si quis dicat, (*de verbo ad verbum ita*; ô DEUS, an non dicit, vel dicere potest aliquis?) unamquamque Sphæram propriam ac peculiarem habere materiam. Respondeo; Si ita sit, tum forma motus non docebit de materia, atque ita destruentur omnia rerum naturalium principia. Ad hæc; Si materia Stellarum omnium est una, quoniam in re differunt inter se singularia illarum, in formis ne, an in accidentibus? Quodcunque dicatur è duobus istis modis, sequetur, quod formæ & accidentia illarum transferri possint, &

sibi

sibi invicem succedant; dum sc. materia manet, & idonea relinquatur ad quamvis formam & quodvis accidens recipiendum. Præterea, si res ita habet, prout dicimus, quod materia Sphærarum aut materia Stellarum nihil habeant commune inter se invicem, sed de utrisq; dicatur per æquivocationem nominis, & quod unumquodque corpus Sphærarum habeat existentiam quandam sibi propriam, neque cum alia communem. (h.e. *per quam ab alia distinguatur*), quæritur; quânam ergo in re sit communicatio (h.e. *quânam in re inter se communicent*); in motu ne Orbium circulari, an in subsistentia & immobilitate Stellarum?

Quod si verò credamus, hæc omnia esse ex intentione Intendentis & Appropriantis opus suum secundum impervestigabilem suam Sapientiam, in nullam quæstionum commemoratarum incidemus. Is autem, qui dicit, Omnia hæc esse ex Necessitate, non ex voluntate Volentis, illas evitare nequit; quia sententia illa non sequitur ordinem rerum existentium, neq; causa vel ratio sufficiens illius reddi potest, præterquam quod tot & tanta absurda illam consequantur: qualia v.g. sunt, quod Deus Opt. Max., cuius summam & secundum omnes gradus absolutam in omnibus Entibus perfectionem omnes fatentur, nihil in eis innovare possit, ita ut, si vel alam muscæ prolongare, vel vermibus alicuius pedem decurrere vellet, id non posset. Veruntamen Aristoteles ait, Deum hoc non velle, neque cupere, & falsum esse, Ipsum aliud (h.e. *ut aliter sint*) velle posse, neque hoc perfectioni Ipsius aliquid addere, (*et si mutare posset opus suum & aliter velle*), sed forte secundum certam aliquam considerationem Imperfectionem appellari posse.

Cæterum, licet probè sciam, multos ex illis, qui amicis suis libenter opitulantur, ita hoc mihi imputaturos & interpretaturos, ac si verba illorum non satis intelligerem, vel studio ab illis recederem; istud tamen nequaquam me impediet, quod minùs ea producam, quæ apprehendi & pro ingenii mei modulo intelligo.

Dico ergo summarim: Quicquid Aristoteles dixit vel scripsit de istis Entibus, quæ sunt sub Sphæra Lunæ, usque ad centrum Terræ, verissimum est; neque discedet ab eo, nisi fortè is, qui rem non intelligit, aut qui jam alias sententias imbibit, quas propugnare vult & defendere, quæque illum eò usque trahunt, ut illas etiam res negare audeat, quæ oculis ipsis apparent. Quod verò attinet ea, quæ scripsit de iis, quæ sunt inde à Sphæra Lunæ sursum-versus, illa sunt probabilia aliquo modo & verosimilia, exceptis quibusdam; præ-

*Quia Aristoteles scripsit de Entibus sub Sphæra Luna, verum sunt.*

*Qua mūt scri-  
ptis de iis, qua  
sunt supra spha-  
ram Luna, non  
sunt salia.*

cipue verò illis, quæ scripsit de ordine Intelligentiarum, & quibusdam sententiis Divinis (vel *DEUM spectantibus*), quas ipse credidit; in quibus gravissimæ sunt absurditates, corruptionesq; manifestæ & evidentes, quarumq; nullam omninò demonstrationē afferre potest.

Non est autem quòd hic curiosè quæras, Cur ita diligenter congeram dubia, quæ circa sententiam ipsius occurrunt? neq; ut dicas, An dubiis istis sententia una refellatur, & contraria stabiliatur? Nam in rei veritate nequaquam ita est. Verum agimus & procedimus cum hoc Philosopho, sicut nobis discipuli illius præscripserunt. Alexander enim scripsit; *Si de re vel questione aliquà nulla adferri possit demonstratio, duas ejus extremitates contrarias esse sumendas*, (h.e. utramque quæstionis partem, Affirmativam sc. & Negativam, esse expendendam), ac videndum, quales nam circa utramque oriantur dubitationes, & tùm illam, qua pauciores habet, pro veriore esse habendam & amplectendam. Ita dicit Alexander habere se negotium in illis, quæ Aristoteles scripsit de rebus divinis ac spiritualibus, quarum non potest haberi demonstratio. Omnes enim, qui fuerunt post Aristotelem, dixerunt, ea, quæ Aristoteles de illis scripsit, pauciores habere dubitationes, quàm alia quævis, quæ de ipsis dici possent. Et sic fecimus nos quoque. Quia enim vidimus, quòd ista quæstio, *An Celi sint generati, an verò sint æterni?* in neutram partem demonstrativè probari possit, dubitationes exposuimus, quæ utramque sententiam comitantur & consequuntur, ac ostendimus, quòd sententia de Antiquitate & Æternitate Mundi longè magis sit dubia, incerta, & perniciofa fidei de DEO, quàm verò sententia de Novitate Mundi, præterquàm quòd hæc est sententia Abrahami Patris, & Moysi Prophetæ nostri. Quia verò mentionem feci hic considerationis quæstionis vel sententiæ alicujus per illius dubia, necessarium esse video, ut ejus rationem paucis tibi exponam.

### C A P. XXIII.

*Quomodo dijudicāda sint dubia, quæ circa aliquam sententiam occurrunt? Quid item requiratur ad judicandum in questione probabilis, quænam sententia sit preferenda?*

*Abstrusa senten-  
tiae alicujus non  
numero, sed pon-  
dere sunt diju-  
dicanda.*

**P**R O P O R T I O inter dubia, quæ sequuntur unam sententiam, & inter dubia, quæ sequuntur sententiam contrariam, præponderatio

deratio item vel decisio, quænam sententia minùs sit dubia, non est æstimanda ex multitudine dubiorum, sed ex magnitudine absurditatis illorum. Fieri enim potest, ut unum dubium majus sit, quam mille alia.

Deinde, veritas proportionis hujus nemini rectè patere potest, nisi qui æquâ lance utramque sententiam expendit. Qui verò alterutram illarum vel ex consuetudine & educatione, vel propter utilitatem aliquam eligit & amplectitur, is excœcatur, ut rectum videre nequeat. Nam rei alicui per demonstrationem probatæ nullus, licet affectibus deditus imus sit, contradicere potest: in istiusmodi verò rebus multa in contrariam partem afferri possunt.

Quòd si autem volueris affectus omnes exuere, consuetudinem abjicere, & rationi ac speculationi solùm inniri, non erit tibi difficile, præponderare id, quod præponderandum est, (h. e. judicare & pronunciare, quænam sententia alteri sit præferenda): observatis tamen quibusdam conditionibus.

Primò enim novillè te oportet mensuram bonitatis Intellectûs tui, & perfectionem Naturæ tuæ. Hanc autem experiri & cognoscere poteris, si te aptum & capacem deprehenderis in reliquis disciplinis Mathematicis & in Logicis, (vel, si deprehendus, eo proficere in illis disciplinis & eas posse apprehendere).

Secundò requiritur, ut peritus sis artium Physicarum; quò verè & solidè possis dubia intelligere, ac de illis judicare.

Tertio, mores quoque tuos compertos habere te oportet. Quòd si enim quis sit deditus suis affectibus vel utilitatibus, (sive id habeat à natura, sive ex acquisito pravo habitu), aut promptus ad iram, ut illam non moderari possit; is semper errabit & impinget, tales sententias quærendo, quæ ipsum confirmant & juvant in eo, ad quod inclinat.

Hæc autem ita monere te volui, ne fortè decipiaris, si quis te in sinistram opinionem velit trahere dubio aliquo, contra Novitatem Mundi moto, & statim seducaris. Est enim in hac sententia magna fundamentorum Legis comprehensa destructio, sequunturque eam absurda multa de Deo Opt. Max. Quocirca cohibe diligenter intellectum tuum, & accipe (doctrinam) à Prophetis, qui sunt Columna generis humani in recta Fide & in Unitate, neque recede à sententia de Novitate Mundi, nisi propter demonstrationem. Hæc autem in tota rerum natura non existit.

Cæterùm ne vilipendas, Lector, quòd verba ista narrativa



*Vide sup. quoque  
in fine cap. 15.*

(h.e. *testimonia Prophetarum*, quæ non demonstrativè de rebus agunt, sed tantum per modum narrationis & historice, sine probationibus) fundamenti loco penam vel habeam in quaestione hac de Novitate Mundi. Ipse enim Philosophorum Princeps Aristoteles in libris suis similia adduxit, quibus sententiam suam de Antiquitate Mundi superstruit. Verissimè de his dictum est: *Ne esto Lex nostra perfecta, sicut sermo ipsorum otiosus & inanis*. Cum ergo ipse sententiam suam funder in legibus vel opinionibus \* *Zabæorum*; cur nobis non liceret fundare sententiam nostram in autoritate dictorum Moïsis & Abrahami, vel eorum, quæ ex dictis ipsorum sequuntur? Verum, quia promisi tibi, me in peculiari capite expositurum dubia, quæ sequuntur ex sententia illorum, qui existimant, Sapientiam Hominis scire & assequi posse ordinem motuum, quibus Orbes cœlestes moventur, quodque (illi motus) sint res naturales, sequentes necessariò ordinem & proportionem, (h.e. quòd tantò celerius moveantur, quantò primo mobili sunt propiores; & tantò tardius, quantò sunt ab eo remotiores), idèd ad illud præstandum in capite sequenti accedo.

\* *Vide part. 1.  
cap. 63.*

## C A P. XXIV.

*An Epicycli & Eccentra sint? & An ex illis  
diversitas illa motuum in Sphæris cœ-  
lestibus dependeat?*

**E**X rebus illis Astronomicis, quæ partim ex me, partim ex libro *Almagesti* didicisti, ne longâ circuituione utar, nôsti, totum negotium motus Sphærarum & cursûs Stellarum, secundum quod apparet nobis, duobus niti fundamentis; Orbe videlicet epicyclo, vel Orbe eccentrico, vel utroque simul.

*Orbem epicycli  
& Orbem eccen-  
tricum sine ra-  
tione excogitatos  
esse.*

Offendam ergo, duo hæc principia & fundamenta nullam habere rationem, immò repugnare omnibus iis, quæ in Physica traduntur.

Primum itaque est, quòd constituitur Orbis epicyclus, qui circumit in Orbe alio, cujusque motus & circumitio non est circa centrum illius Orbis ferentis ipsum, quemadmodum hoc præsupponitur in Luna & reliquis quinque Planetis, (*Sole sc. excepto*). Ex hoc enim necessariò sequitur revolutio, quòd nempe Orbis epicyclus revolvatur, & loca sua mutet. Hoc autem falsum est, à quo fugit (*Aristoteles sc.*), quòd nimirum sit ibi aliquid, quod locum suum mutat.

Idèd



Idèd ait *Abubachar ben Alcaig* in iis, quæ de Astronomia scripsit; Falsam esse existentiam Orbis epicycli: & recenſet quoque falſitates multas, quæ ex illa ſequuntur, (h. e. ex exiſtentia Orbis epicycli), quarum aliquas tibi explicabo. Una eſt, quòd illius motus circularis non poteſt eſſe circa centrum Mundi. Fundamentum autem univerſale huius Mundi eſt, quòd Motus ſint tres, Motus à medio, Motus ad medium, & Motus circa medium. Quòd ſi verò ſit ibi Orbis epicyclus, ejus motus neque erit à medio, neq; ad ipſum, neq; circa ipſum. Prætereà, fundamentum Ariſtotelis in ſcientia Naturali eſt; Motum circularem non poſſe fieri niſi circa rem firmam & ſtabilem, ac proinde hinc ſequi, Terram eſſe firmam & immobilem. Quòd ſi verò Orbis epicyclus exiſtat, tùm illius motus circularis nō erit circa rem firmam & ſtabilem. Audiſi autem, ſed non à diſcipulis ejus, dictum *Abubachar* conſtruxiſſe diſpoſitionem quandam, in qua nullus eſt Epicyclus, ſed ſolùm Orbes eccentrici. Licet autem hoc oſtendiſſet, tamen non multùm eo lucratus eſſet; quia Eccentricitas quoque declinat à fundamento Ariſtotelis. Nam in Eccentricitate etiã invenimus motum circularem ſphæricum, non circa mediũ, ſed circa punctum imaginariũ extra centrum Mundi, & circa rem inſtabilem.

Quòd ſi quis Aſtronomiæ imperitus exiſtimet, Eccentricitatum (cũ punctum earum primo intuitu videatur eſſe in medio ſphæræ Lunæ) motum eſſe circa medium; nos ei concedemus, quòd ſit circa punctum in Igne vel Aëre, ſed non circa rem firmam: & explicabimus ei, quòd menſuræ Eccentrorum jam expoſitæ ſint à *Ptolemaeo in Almageſto*, ſicut ab illo ibi ſunt poſitæ, (ac propter à non multùm ſit diſputandum de puncto ipſorum, circa quod moventur). Poſteriores etiã ac recentiores per demonſtrationem veram ac indubiam oſtenderunt menſuram Eccentrorum ſingulorum in medio diametri Terræ, quemadmodum oſtenderunt quoque longitudines & quantitates. Sic oſtenſum eſt, quòd punctum Eccentricum, circa quod movetur Sol, neceſſariò egrediatur extra concavitatem ſphæræ Lunæ, & ſit infra gibboſitatẽ ſphæræ Mercurii. Ita punctum Eccentricum, circa quod movetur Mars, egreditur extra concavitatem ſphæræ Mercurii, & eſt infra gibboſitatẽ ſphæræ Veneris. Sic centrum eccentricum Jovis in eadem hac eſt longitudine, h. e. inter ſphæram Mercurii & Veneris. Centrum autem eccentricum Saturni venit inter ſphæras Martis & Jovis. Vide, quàm multa in his contineantur abſurda & remota à contemplatione Naturali, quæ omnia liquidò

parebūt tibi, si intellexeris Longitudines & Mensuras vel quantitates singularum Sphærarū & Planetarū. Quantitates verò sumendæ sunt in medio diametri Terræ, ut omnia sint ex proportionē una, nō verò ex proportionē Eccentri ad suam Sphæram. Magis absurdū & dubiū est hoc; quòd possibile sit, si duæ Sphæræ sint, & una intra alteram contenta, eiq; ex omni parte cohærens, ac duo habeāt Centra, ut moveatur parva in medio magnæ, nec tamē moveatur magna; & impossibile, ut moveatur magna super ullum diametrum, quin simul moveatur parva, nisi motus sit super diametro transeunte inter duo Centra. Præterea, secundum hanc propositionem demonstrativam, & secundum id, quod per demonstrationem probatum est, quòd non detur Vacuum; secundum item hypothesēs de Centris, sequitur, cūm movetur superior, moveri quoq; in illius motu inferiorem, quæ sub illa est, & circa centrum ejus, cūm tamen nequaquam ita res inveniatur. Verūm reperimus, ambientem & ambitam (vel, continentem & contentam, sc. Sphæram) non moveri unam motu alterius, neque super ejus centro, neq; denique super polis illius, sed unamquamque motum habere sibi proprium. Propterea cogit hoc credere, esse corpora alia Sphærica inter singulas duas Sphæras. Quantum autem quæso dubii huic inest, si res ita haberet? & ubi collocabuntur Centra illorum corporum inter Sphæras existentium? Habebunt etiam illæ Sphæræ motus suos proprios. Egit hac de re Tebit in libro suo, ac demonstravit id, quod nos diximus; si videlicet res ita se habeat, necessariò credendum esse, alia corpora inter singulas duas Sphæras existere. De his autem omnibus nihil tibi declaravi, cūm sub mea esses institutione, ne te in iis, quæ tūm scire & intelligere te volebam, confunderem. Quod verò attinet inclinationem, cujus mentio fit in latitudine Veneris & Mercurii, illam coram tibi declaravi, & ostendi, difficillimum vel impossibile esse, mente comprehendere vel imaginari sibi, quomodo tale quid in corporibus esse queat. Quod ipsum, ut vidisti, Ptolemæus falsus est, quando in hunc sensum scripsit: *Nemo autem istas, & similes suppositiones, difficiles esse arbitretur, cūm ista, quæ nos adduximus, considerat. sicut ea, quæ sunt industria, sagacitate & subtilitate artis; tūm enim difficilia videbuntur. Verūm non decet corporibus diviniū humana conferre, nec rationes rerum ut magnarum à dissimilimū exemplū petere, &c.* Hæc est substantia verborū ejus. Jam etiam dixi te ad loca, è quibus petere potes verificationem omnium eorum, quæ ad intelligentiam punctorum istorum Eccentricorum in Sphæris pertinent; nisi concidant, vel jam conciderint:

de

*in Almagesto  
lib. 13. cap. 2.*

de nullo enim audiui, qui ad ea cor suum apponeret. Facile autem liquebit illud, si mensuram diametri uniuscujusque Sphæræ, & quanta sit distantia inter duo Centra, in medio diametro Terræ cognoveris, sicut hac de re demonstrationem fecit *Alchabizius in Epistola sua Elongationum*: illas enim Elongationes si intellexeris, patebit tibi veritas ejus, quod ego te docui. Has dubitationes itaq; benè considera, & an vera sint ea, quæ Aristoteles scripsit in *Phylica*? Nam secundum sententiam ejus, neq; est Epicyclus, neq; Eccentricitas; sed omnia voluntur circa centrum Terræ. Ita autem quæritur, quomodo Planetæ ràm diversos motus habere possint? aut, an alius sit modus, secundum quem conveniat, ut sit motus circularis, æqualis, perfectus, & tamen appareat id, quod nobis apparet (*in motu Sphærarum sc., b.e. ut tamen tanta inequalitas appareat*) præter alterutrum dictorū modorum, vel utrumq; simul? in primis, cum in iis, quæ Ptolemæus scripsit de orbe epicyclo Lunæ, & ejus versus punctum eccentricum Mundi & suum inclinatione, inveniatur id, quod juxta positionem illarum hypothesium computatur, nec vel unus gradus in eo deficiat, quemadmodum hujus rei veritatis testes sunt Eclipses, quæ secundum istas hypotheses suppurantur, & accurata minorum, temporis, & quantitatis obtenebrationis illarum cognitio & observatio. Præterea, quomodo cogitari potest, retrogredi posse Planetam cum reliquis suis motibus, sine Epicyclo? Quomodo verò etiam imaginari quis sibi potest, esse Sphæram vel motum non circa Centrum constans & fixum? Hæc vera & mera est confusio, de qua coràm & ore-tenus tibi explicui, quòd talia non curer Astronomus. Scopus enim ejus non est, indicare nobis formam existentiae Sphærarum sicut est; sed ut ejusmodi dispositionem faciat, per quam motus sint circulares, æquales, & convenientes cum eo, quod oculis nostris apprehendimus, sive deinde in rei veritate ita sit, sive non sit. Cæterum nōsti, quòd *Abubachar Filius Alzai* de Aristotele dubitavit; An sciverit eccentricum Solis, & de eo tacuerit, ac occupatus fuerit in eo, quod sequitur ex Declinatione, cum opus Eccentri non possit separari ab opere Declinationis; an verò non apprehenderit illud? Verissimum est, quòd non apprehenderit illud, neq; quicquam de eo audiverit. Disciplinæ enim Mathematicæ non fuerunt perfectæ illius tempore; & si de eo audivisset, sine dubio maximo studio id refutasset: aut si illud approbasset, confusus fuisset in omnibus iis, quæ in hoc genere scripsit. Hic vero id repeto, quod suprà dixi; *in fine cap. 22.* Omnia illa, quæ Aristoteles scripsit de rebus sublunaribus, esse

rationi consentanea, & talia quorum causæ sint manifestæ, quorum unum ex altero sequitur, ac denique quorum sapientia & providentia naturalis cognita est & perspecta: quod verò ea attinet, quæ sunt in Cælis, de illis Homo nihil scit, nisi per exiguam istam mensuram Mathematicam. Tibi per me, in eo (*Cælo* sc.) videre licet quicquid *Psal. 115. 16.* volueris; ego dico cum Psalmistâ: *Cælum, Cælum est pro DOMINO; Terram autem dedit filius Hominum:* h. e. DEUM solum perfectè cognoscere vetitatem, naturam, substantiam, formam, motum & causas Cælorum; Homini verò concessisse, ut ea, quæ sub Cælis sunt, possit intelligere, quia sunt Mundus, & domus quasi ejus, in qua dominatur, cujusq; pars est (*Homo*). Et hoc est verissimum. Nam causæ, è quibus probationes de Cælis sumuntur, sunt nobis impossibiles, nimis remotæ, & in loco ac gradu nimis alto. Probatio generalis & universalis, quæ ex illis defumitur, hæc est; quòd nos doceant de Morore suo. Reliqua sunt talia, quæ intellectus humanus non potest assequi; & cogitationes suas illis defatigare, nihil aliud est, quàm oleum & operam perdere, ac proinde qui illud tentat, non integrè vel non sanè mente est præditus. Propterea subsistamus in his, quæ in nostra sunt facultate, ac relinquamus ista, quæ ratione apprehendi nequeunt, ei, qui extraordinariâ influentiâ Divinâ donatus *Num. 12. 8.* fuit, ut idoneus evaserit, sicut de eo dicitur, *Ore ad os loquar ei.* Hoc optimum est, quod ego in hac quæstione scio. Fieri potest, ut alius per demonstrationem sciat veritatem ejus, de quo ego dubiro. Ex summo autem veritatis amore, quo teneor, dubitationes & confusiones hujus materiæ proposui, de quarum nulla demonstratio aliqua cognita mihi vel audita est.

## CAP. XXV.

*Cur potiùs credatur Mundi Novitas, quàm  
ejus Antiquitas.*

SCIAS, nos sententiam de Antiquitate Mundi amplecti propter testimonia vel loca Scripturæ, quæ testantur, Mundum esse novum. Scriptura enim Sacra non magis docet de Novitate Mundi, quàm docet, DEUM esse corporeum: neque clausæ vel inaccessibleis nobis sunt portæ expositionis in negotio Novitatis Mundi, (h. e. neque ita sunt comparata testimonia de Novitate Mundi, ut non aliter explicari possent); verùm eodem modo possumus illa interpretari, sicut fecimus in Remotione Corporeitatis; & fortè longè faciliùs & commo-

commodius possemus dicta illa Scripturę de Antiquitate Mundi exponere, & ad eam illa accommodare, quàm dicta illa, quę docent de corporeitate DEI, quam à Deo rempovimus. Ut verò hoc non faciamus vel credamus, duę sunt causę. Una est, quòd per demonstrationem probari potest, Deum esse incorporeum; atque idèò necessariò sequitur, aliter esse exponenda & interpretanda ea, quę à simplicitate ejus demonstrata dissentiunt: Antiquitas verò Mundi non probari potest per demonstrationem, ideoque nulla necessitas postulat, ut dicta illa rejiciantur, & aliter exponantur propter præponderationem sententię, quia fortè contraria præponderare & preferri aliquo modo potest. Et hæc est causa una. Altera causa est, quòd si credamus Incorporeitatem DEI, neque fundamentis Legis nostrę vis ulla inferatur, neque dicta Prophetarum falsitatis arguantur, neque etiam quidquam in eo absurdi statuatur, nisi quòd, ex opinione stultorum & ignorantium, hoc sit contra Scripturam; cum tamen, ut ostendimus, non sit contra eam, sed potius ipsa Scripturę intentio. Credere verò, Mundum esse antiquum eo modo, quem ponit Aristoteles, quòd videlicet sit ex necessitate, quòd nihil in natura mutetur, quòd nihil extra cõsuetudinem suam exorbitet; id Legem nostram funditus evertit, omnia Signa & Miracula mendacii arguit, cuncta etiam, quę Lex sperare, vel Deus timere jubet, è medio tollit, nisi illa Signa ita, ut quidam impostores Ismaelitę fecerunt, explicentur: quã tamen ratione ad aliam stultam ac stolidam sententiam pervenitur. Si verò altero modo credatur Antiquitas Mundi, ex sententia videlicet Platonis, quòd Cœli quoque sint generabiles & corruptibiles, tùm nullo modo aliquid de Lege nostra destruitur; neque Signorum & Miraculorum falsitas inde sequitur, sed potius illorum possibilitas, ac poterunt de ea exponi multa Scripturę loca: non pauca etiam in Lege & reliquis Scripturę locis occurrent, quę huic sententię favere, ac ab ea dependere videbuntur; quin imò Rationum instar erunt, licet non talium, quę nos cogant & constringant, donec per demonstrationem sententia illa sit probata. Quamdiù enim non affertur demonstratio pro hac sententia, tamdiù ad eam non inclinamus aut respicimus; sed intelligimus Scripturam secundum sensum suum litteralem, ac dicimus, Legem nobis proponere ejusmodi rem, quam viribus nostris assequi nequimus. Signa verò & Miracula testantur de veritate argumentorum nostrorum. Si enim credatur Novitas Mundi, Signa & Miracula omnia sunt possibilia, & sic quoque Lex ipsa est possibilis, concii-

*Dua causa, propter quas creduntur incorporari.*

*Cur Antiquitas Mundi cum Aristotele non credatur.*

*Platonis sententia melior.*

*Sententia de Novitate Mundi corruptissima.*

duntq; quæstiones omnes, quæ in hoc negotio moveri solent: ut, *Cur Deus posuerit Prophetiam suam in hoc, & non in alio? Cur Deus Legem suam dederit uni alicui Genti, & non alii? Cur hoc tempore eam dederit, & non citius vel ferius? Cur ista præceperit, & alia prohibuerit? Quare Prophetæ alicui hæc, & non alia signa ac miracula destinârunt? Quænam in his Legibus fuerit Dei intentio? Cur non in naturam nostram indiderit ea, quæ in illis prohibuit & præcepit, si hæc dicantur esse ex intentione Dei?* In promptu est responso ad omnes istas quæstiones, ut dicatur, *Ita voluit, vel, Ita decrevit Sapientia ejus.* Sicut, cum Voluntas ejus fuit, Mundum fecit in hac forma, neque tamen scimus formam, tempus, aut modos, vel circumstantias Voluntatis & Sapientiæ ejus: sic quoque ignoramus Voluntatem aut rationem Sapientiæ ejus, curea, quæ in prædictis quæstionibus continentur, ita appropriaverit? Quòd si verò quis dicat, Mundum esse ex necessitate, jure optimo & bonâ consequentiâ moveri possunt omnes illæ quæstiones, neque nisi turpes admodum ad illas responsiones dari poterunt, plurimisque dictis Scripturæ, quæ citra omnem dubitationem secundum litteram intelligi debent, directè contrariantes. Atque propter hanc inprimis rationem sententiam illam fugimus ac vitamus. Et in hac re, hujusq; quæstionis indagatione multi præstantes Viri dies suos consumplerunt, & consument adhuc alii in futurum. Quòd si enim Novitas Mundi per demonstrationem probatur, etiam secundum Platonis sententiam, corruunt, quæcunque contra nos in medium protulerunt Philosophi: quòd si verò Aristotelis sententia vera sit per demonstrationem, concidit Lex nostra, & ad alienas ac peregrinas delabimur sententias. Sic itaque hætenus ostendi tibi, quòd totum negotium ab ista quæstione dependeat. Tu proinde cura, ut diligenter hoc observes.

## CAP. XXVI.

*De dicto quodam R. Elieferis, undenam Cælum & Terra creatæ sint?*

*Dictum R. Elieferis, de creatio-  
ne Cæli & Ter-  
ra.*

**I**N notis ac celeberrimis illis magni Rabbi Elieferis Apophthegmatis vidi quædam ita aliena & mirabilia, ut similia apud nullum eorum, qui Legem nostram sequuntur, vidisse me meminerim. Scribit enim ibi in hunc sensum: *Ex quoniam loco (unde) Cæli creati sunt? De luce vestimenti sui accepit, & extendit sicut vestimentum, & fuerunt expansi ac euntes, sicut dicitur; Qui operis se lumine tanquam vestimen-*

to, qui extendit Cælum veluti cortinam. Ex quoniam loco creata est Terra? De Nive, quæ est sub folio Gloria, accepit, & sparsit super Aquas, & congelata fuerunt, ac facta sunt pulvis Terræ, sicut dicitur; Qui dicit Nivi, Job. 37. 6. esto Terra. Hæc sunt verba ejus. Miror autem, quidnam Sapiens iste crediderit? an crediderit falsum esse, quod fieri possit aliquid ex nihilo; ac impossibile, quod absque materia generatum sit ab eo (Deo) id, quod generatum est; ac propterea quæsierit de Cælo & de Terra, undenam sint creata? Sed ira nihil prodest ei responsio ejus; nam & ab ipso iterum queri potest; Unde sit creata Lux vestimenti ejus, & Nix, quæ est sub throno Gloriæ? quin-imò Thronus ipse Gloriæ unde sit creatus? Si per Lucem vestimenti intelligat rem increatam, & Thronum quoque Gloriæ increatum esse statuar, nimis absurdum est, & Antiquitatem Mundi manifestè asserit, sed juxta sententiam Platonis. Quod autem Solium Gloriæ Dei sit è rebus creatis, Sapientes nostri scripserunt, sed modo & ratione valde mirabili. Dixerunt enim, Creatum esse ante creationem Mundi! Scriptura Sacra nihil hac de re (h. e. de generatione vel creatione Solii Gloriæ) nobis suppeditat, nisi David, ubi ait; In Cælis disposuit Solium suum: quod dictum variis expositiones admittit. Æternitatem verò ejus in futurum, docet nos Scriptura, inquit: Tu Domine Thren. 5. 19. in sæculum permanes, Solum tuum in generationem & generationem. Si R. Elieser Antiquitatem Solii credidit, tùm (Solum) attributum erit Dei, non corporis alicujus creati. Quomodo autem fieri potest, ut aliquid generetur ex attributo aliquo? Mirabilius est, quod ait de Luce vestimenti ejus! In summa, dictum hoc exercere & confundere potest Virum quoque doctissimum, & in fide ac religione sua exercitatusissimum! Mihi sanè sufficiens aliqua illius expositio non constat. Adducere tamen volui, ne fortè in eo erres. Quisquis ejus sensus sit, hanc non contemnendam nobis utilitatem præstat, quod nobis explicat, Materiam Cælorum non esse materiam Terræ, sed duas diversas & distinctas esse materias: unam, propter excellentiam & præstantiam attribui Deo Opt. Max., quam appellat Lucem vestimenti ejus; alteram longè abesse à Luce & Splendore Dei, & esse materiam inferiorem, quam indigitat per Nivem sub Solio Gloriæ. Atque hoc est, quod me impulit, locum illum Legis, Et sub pedibus ejus quasi opus albedinis sapphiri, explicare, quod apprehenderint in visione illa Prophetica veritatem Materiæ primæ & inferioris. Onkelos enim retulit, Pedes ejus ad Solum, sicut alibi exposui; iste verò (R. Elieser) explicat, quod Albedo illa, quæ est sub Solio, sit materia Terræ. Et

Quid colligi possit ex illo dicto R. Elieseri.

Exod. 24. 10.



hoc ipsum, quod videlicet duæ sint materiæ, superior, & inferior, neque materia omnium rerum una & eadem, sæpè inculcavit & repetit R. Eliezer; id quod pro magno secreto habendum tibi est: nec vilipendendum, quod præstantissimi ex Sapientibus Israëlitarum in eo explicando laborârunt; est enim secretum de secretis hujus Universitatis, & secretum ex secretis Legis. In Bereschith rabbah legimus: *Dicit R. Eliezer; Omnia, quæ sunt in Cæli, creata sunt ex Cæli; &, quæcunque sunt in Terra, creata sunt ex Terra.* In quo dicto observa, quomodo ille Sapiens te docuerit, quod materia una & communis sit omnium eorum, quæ sunt in Terra, h. e. quæ sunt sub sphaera Lunæ, & materia una Cælorum, omniumque, quæ in eis sunt, & quidem ab illâ diversa. Ostendit etiam in suis Apophthegmatis excellentiam materiæ illius (*superioris*), & appropinquationem ejusdem ad Illum (*Deum* sc.): ac econtrâ imperfectionem hujus (*materie inferioris*), terminumque loci illius: id quod diligenter nota & observa.

## CAP. XXVII.

*Articulum Fidei esse, Credere Novitatem & Creationem Mundi; sed non necessario credendum esse illius Destructionem & Interitum.*

*Non esse necessarium credendum Mundi interitum.* **E**XPLICAVI tibi, ex articulis & fundamentis Legis nostræ esse, credere Novitatem Mundi. Quod verò sit iterum corruptendus, postquam innovatus & generatus est, id nequaquam pro Fidei articulo habemus, neque ullum detrimentum infertur Fidei nostræ, si credamus, perpetuò Mundum duraturum.

Sed dices fortè, An non probatum est, omne, quod generatur, etiam corrupti? Proinde si Mundus generatus est, necessario iterum corruptetur.

*Quomodo omne, quod generatur, etiam corrumpitur.* Verùm hoc nos nullo modo ferit. Non enim dicimus, Mundum generatum esse, sicut generantur res naturales, quæ sequuntur ordinarium Naturæ ordinem. Nam quicquid secundum hunc morem naturalem generatum est, id necessario secundum eundem modum naturalem iterum quoque corrumpitur. Quemadmodum enim natura ejus est, quod primò non existit, & postea factum fuit; sic naturam ejus necessario sequitur, ut non semper ita existat. Demonstratum

stratum quippe est, quòd ejusmodi generatio non possit secundum naturam suam perpetuò durare. Verum secundum rationem nostram Legalem, quæ est, quòd omnia existant & corrumpantur secundum Voluntatem Dei, non ex Necessitate; secundum hanc, inquam, sententiam non sequitur nobis, quòd Deus, quando rem aliquam, quæ non existit, existere fecit, necessariò cogatur iterum eam corrumpere & destruere: sed dependet res à mera Voluntate Dei, ita ut possit eam corrumpere, si vult; vel, si eam vult conservare secundum decretum æternæ suæ Sapientiæ, illam còservare & perennare queat in sæcula sæculorum, & quamdiù ipse subsistit. Ita nosti, Sapientes nostros de *Solio Gloriæ*, quod creatum esse dicunt, nihil dicere, quòd sit deliturum. Neq; etiam in ullius Prophetæ vel Sapientis libro auditum est, quòd Solium Gloriæ corrupendum vel privandum sit; sed loquuntur benè Scripturæ de Æternitate & perpetuitate ejus. Sic *Animæ Sanctorum*, juxta nostram sententiam, sunt creatæ, nec ramen unquam privabuntur, immò, secundum quosdam, qui litteram Allegoriarum sequuntur, perpetuà quoque voluptate corpora ipsorum fruuntur, & in omnem æternitatem; prout credunt illi, quorum fides nota est de illis, qui sunt in Horto Edenis, (h. e. in *Paradiso*).

In summa; Constringit nos speculatio credere, quòd non sit necessarium, ut corrumpatur Mundus: neque supersunt hic nisi testimonia Prophetarum vel Sapientum; si videlicet habeamus textum aliquem vel testimonium aliquod, quòd Mundus hic in nihilum sit redigendus, an verò non? Major enim pars Gentis nostræ credunt, traditum esse in Scriptura, quòd Mundus totus sit corrupendus. Demonstrabo autem tibi, quòd nequaquam ita se res habeat; sed quòd multa testimonia habeamus pro Perpetuitate ejus. Quæcunq; verò occurrunt, quæ secundum litteram videntur docere, Mundum destruendum iri, de illis omnibus manifestissimum est, quòd sint parabolica. Quòd si autem hoc nolit credere aliquis ex illis, qui sequuntur litteram Scripturæ, ac dicat, non posse non credi, Mundum interiturum; eum nolim nimis sollicitè urgeri, sed ipsi indicetur & ostendatur, quòd non necessarius sit Mundi interitus, idèò, quia generatus est; ac liberum ipsi relinquitur, credere quicquid vult de parabola illa, quam secundum sensum litteralem accipit. Nulla enim hac in re ullo modo Legis est destructio.

## CAP. XXIIIX.

*Docet, Salomonem non credidisse Antiquitatem Mundi, sed Æternitatem vel Perpetuitatem ejus.*

*Errant, qui existimant, Salomonem credidisse Antiquitatem Mundi.*

**N**ON pauci reperiuntur ex illis, qui Legi & Relligioni nostræ additi sunt, qui arbitrantur, sapientissimum illum Regem Salomonem p.m. credidisse Antiquitatem Mundi; quos summopere miror, quomodo cogitare possint de Viro amplexante Legem Mo-  
sis, quòd Antiquitatem crediderit! Et si quis existimet, quòd hoc pacto declinaret à sententia & fundamentis Legis, bone Deus, quomodo receperunt hoc ab ipso multi Prophetæ ac Sapientes, & non contradixerunt vel ignominia aliquam maculam inusserunt ei post ipsius mortem, sicut illum condemnarunt propter uxores alienigenas, & alia?

Ad hoc autem cogitandum, occasionem illis præbuit id, quod Sapientes nostri dicunt; *Quasi verunt abscondere librum Ecclesiastu, quia verba illius declinant ad heresin, (h.e. heresin sapiunt).* Et reverà, si litteram spectes, ita est, & multa inveniuntur in illo Libro, quæ aliena admodum à Lege DEI docent, expositioneq; indigent. Verùm inter illa non est Antiquitas Mundi, neque vel unicus ibi extat aut reperi poterit versus, qui illam doceat: sed sunt quidam, qui docent de Æternitate ejus, (h.e. de eterna duratione ejus), quos cum viderunt, existimarunt, illum credidisse, Mundum non esse innovatum, cum tamen nequaquam ita se res habeat.

*Scriptis quidam, qua videtur docere Perpetuitatem ejus.*

**Ecclesi. 1. 4.** Verba illius de Æternitate Mundi sunt hæc: *Terra autem leolam in sæculum stat.* In quo dicto, qui Novitatem non rectè intelligit, (h.e. qui existimat, *Omne innovatum, vel creatum, iterum destruendum esse*), cogitur dicere, quòd intelligatur Tempus ei determinatum. Et sic in illo, *Adhuc omnibus diebus Terra, omnibus sc. diebus definitis & determinatis ei.* Sed miror, quidnam dicturi sint ad illud Davidis, *Terram fundavit super bases suas, non dimovebitur Olam vaed in sæculum & sempiternum.* Quòd si neque hic id, quod ait *Olam vaed* In sæculum & sempiternum, evincat Æternitatem ejus, cum & DEUS definitum tempus habebit, quia de ipsius Æternitate quoque dicitur; ut, *Dominus Rex est Olam vaed in sæculum & sempiternum.* Proinde sciendum tibi est, quòd *Olam* non necessariò significet *Æternitatem*, nisi ei

con-

conjungatur *Ed* (79 vel 78), idque vel post illud, ut *Olam vaed*, vel antè, *Ad Olam*. Itaque, si res ita se habeat, dictum Salomonis, *Leolam In sæculum stat*, inferius est dicto Davidis, *Non dimovebitur in sæculum & sempiternum olam vaed*. Verùm alibi quoque docuit David Æternitatem Cœlorum & Perpetuitatem statutorum ipsorum, Immutabilitatemq; omnium eorum, quæ in illis sunt; *Laudate D E U M Psal. 148. v. 1. de Cœlis, &c. Quia ipse præcepit, & creata sunt, & stare fecit ea in æternum & in sæculum, statutum dedit, & non præteribit*; ita enim hoc explico, quòd illa statuta, illæ consuetudines, quas eis dedit & ordinavit, in æternum non mutabuntur. Per *Statutum* enim intelligit statuta illa Cœli & Terræ, quorum in præcedentibus mentionem fecimus, & de illis dicit, quòd creata sint. Nam *ipse*, inquit, *præcepit, & creata sunt*. In hunc sensum scribit quoq; Jeremias; *Qui dedit Soli in lucem* cap. 31. 35. *diei, & statuta Luna & Stellarum in lucem noctis, &c. Si amoveri possunt statuta ista à facie mea, inquit D O M I N U S, etiam semen Israël amoveri poterit, ut non sit Gens coram me cunctis diebus*. Hic enim aperte proficitur, licet statuta illa sint creata, non tamen cessatura vel desitura. Ac, si diligenter inquiratur, reperietur hoc ipsum in aliis verbis Salomonis. Scripsit enim, quòd ista opera, Mundus videlicet, & quicquid in eo est, in natura sua perpetuò permaneant, licet sint facta, (h. e. *creata*): *Quicquid facit D E U S, ipsum erit in sæculum, super illud non est addendum, nec ab eo detrahendum*. In hoc versu quippe indicat, Mundum esse de opere D E I, & esse Æternum: Æternitatisq; illius hanc reddit causam; *Super illud non est addendum, nec ab eo detrahendum*. Hac enim de causa ait, futurum esse in sæculum; Q. D. Omnis res, quæ mutatur, mutatur vel propter defectum alicujus rei, quæ ad perfectionem indiget; vel propter superfluitatem alicujus rei, quæ non indiget, & carere potest. Opera autem D E I, cum in suprema sint perfectione, neque in illis aliquid vel superfluum sit, vel deficiens, necessariò permanent in eo statu, in quo sunt. Nihil enim inveniri potest, quod mutationem in illis causari queat. Præterea, quasi rationem veller reddere, vel excusare ea, quæ mutantur, aut potius mutari videntur, in fine versûs ita scribit, *Et Deus facit, à quo timent*, h. e. innotat, facit mirabilia & miracula. Quod postea ait, *Illud, quod fuit, jam est, & quod futurum est, jam fuit, & Deus requirit tempus præteritum*; illo nihil aliud vult docere, quàm continuam durationem rerum existentium, uniusque post alteram successionem. Illud autem, quod adduxit de perfectione Operum D E I, quòdque illis nihil possit addi, vel detrahi, ante ipsum jam revelavit nobis Sapientum omniû Domi-

Deut. 32. 4. Dominus & Antesignanus, inquiens, *DEI perfectum est opus* = h. e. Opera, vel Creaturæ ejus omnes in summâ sunt perfectione, neque ulla eis admixta est vel imperfectio, vel superfluitas. Similiter etiam, quicquid *DEUS* illis (*in esse*) vel ex illis (*fieri*) decrevit, id ipsum ex summâ ejus est iustitiâ & sapientiâ, sicut in aliquot hujus libri capitibus explicatur.

## CAP. XXIX.

*Docet, quòd loca illa Scripturæ, quæ de Mundi Interitu docere videntur, omnia sint parabolica, neq; ex illis probari possit, Mundum interiturum.*

**Q**Uæ non intelligit linguam Hominis, quem audit loquentem, is equidem novit, quòd loquatur, sed nescit, quid loquatur, & quid sibi velit; immò, quod magis mirum est, accidit sæpè, ut voces quædam in lingua ejus, qui loquitur, significant rem quampiam, cujus planè contrarium denotant in lingua ejus, qui audit, & audiens existimet, idem illas in Loquentis lingua significare quod in sua. E. G. Si Arabs audiat Hebræum loquentem ac dicentem *Abbah*, existimabit illum loqui de aliquo, qui quippiam Non vult, vel Renuit, cùm Hebræus dicat, quòd illud velit, (*Abbah* enim in lingua Hebræa significat *Velle*, & in lingua Arabica, *Nolle*).

Eodem planè modo accidit Vulgo in verbis Prophetarum. Quædam enim omninò non intelligunt, sed sunt illis, sicut Propheta ait: Jer. 29. 11. *Eritq; vobis Visio omnium verborum Prophetarum sicut verba epistola obfignata.* Quædam verò contrario & menti Authoris repugnante accipiunt sensu, sicut dicitur, *Et perversistis verba DEI viventis, DOMINI exercituum, DEI nostri.* Prætereà scito, unumquemque Prophetam peculiare quid habere; & eâ linguâ, eâq; loquendi ratione, quæ ipsi est familiaris & consueta, ipsum impelli à Prophetia sua ad loquendum ei, qui intelligit ipsum. (Si Propheta est Hebræus, impellit eum Prophetia, ut loquatur Hebræicè; si Arabs, Arabicè, &c. Si purum & ornatum sermonem vel stylum habet, eodem modo Prophetiam suam eloquitur; si minus ornatum, minus ornatè quoq; Prophetiam suam profert, &c. Sic exponunt Commentatores Hebræi verba Authoris).

His ergo ita præfatis, sciendum, crebrò hoc occurrere in verbis  
Propheta-

*Propheta suâ  
linguâ & stylo  
Prophetiam suam  
eloquitur.*

Prophetæ Jeshajæ, minùs frequenter in verbis aliorum Prophetarum. Quando enim vaticinatur de Gentis alicujus Destructione, vel de Populi alicujus magni Interitu, ait: *Stellas cecidisse; Cælus interiisse & contremiscere; Solem obtenebratum; Terram vastatam & commotam esse; aliisq; multis similibus loquutionibus parabolicis utitur, sicut apud Arabes, de eo, cui singulare aliquod infortuniû accidit, dicitur, quòd Cælum ipsius in Terram conversum sit, vel super Terram ejus ceciderit: sic, quando enarrat (Jeshajas) Prosperitatem ac Felicitatem Genti alicui eventuram, dicit: Lucem Solis vel Lunæ augeri; vel, Cælum & Terram innovatum iri. Alii autem Prophetæ, cùm loqui volunt de Viri, Gentis vel Terræ alicujus Interitu, attribuunt D E O Opt. Max. magnam iram & Indignationem; cùm verò sermonē volunt instituere de Prosperitate Populi alicujus, attribuunt D E O Læritiam & Exultationem. De Ira D E I contra Populum aliquem dicunt: Egressus est, Descendit, Rugiit, Tonavit, Edidit vocem, & similia. Item: Præcepit, Dixit, Operatus est, Fecit, &c. Sæpè, cùm interitum Incolarum loci alicujus annuntiare volunt, pro illis totam Speciem nominant & usurpant. Sic ait Jeshajas: Et elongabit D O M I N U S Adam Hominem, loquens de interitu Israëlitarum. Ita Tzephanias: Et succidam Adam Hominem de superficie Terra, & extendam manum meam super Jebudab. Observa hoc diligenter.*

Jes. 6. 19.

Zeph. 1. 3.

Stylo itaque & phrasi Prophetarum in genere sic explicatâ, veritatem illius in specie quoque nunc tibi ostendam & demonstrabo.

Jeshajas, cùm à D E O mitteretur ad prophetandum de Regni Babylonici destructione, & Sanchei ibi, Nebucadnezarisq; successoris illius interitu, ac enarrare inciperet ruinam in fine Regni illorum ipsius eventuram, victoriam, quâ vincendi erant, & mala omnia, quæ victos omnes, à vi gladii fugientes, comitari solent, in hunc modum ait: Quoniam Stella Cælorum & Orion eorum nequaquam splendere faciens lumen suum; obscurabitur Sol, quando egredietur, & Luna nequaquam splendere faciet lumen suum. Et paullò post: Idcirco Cælum commovere faciam, & Terra movebitur de loco suo propter iram D O M I N I exercituum, & propter diem iræ furoris ejus. Neque enim quemquam puto ita ignorantem, cœcum, literæq; parabolarum & narrationum historicarum vel oratoriarum additum esse, ut existimet, Stellas, Cælum, Lucem Solis & Lunæ mutata esse, vel Terram de centro suo motam, quando destructum fuit Regnum Babel. Verùm repræsentat nobis tota hæc narratio statum & conditionem Hominiis victi, cui lux omnis atra,

Quid Prophetæ, Regni vel Gentis alicujus Destructionem & Interitum, per Cæli, Terræ, Solis, Lunæ, Stellarum, &c. commotionem, vastationē, mutationem, &c. exprimant & prædicant.

Jeshajas de Regni Babylonici destructione.

Jes. 13. 10.

Ibid. v. 13.

Statum & cōditio Hominiis victi.

dulce amarum, immò cui Terra nimis angusta, & Cœlum ruinam minitari videtur.

*De Israelitarum  
calamitatibus  
sub Sancheribo.*

Sic, cum vellet narrare id, quod à Deo acceperat, de Attenuatione & Depressione Israëlitarum tempore impii illius tyranni Sancheribi, cum dominaretur in omnes urbes munitas Jehudæ, quomodo sint in captivitatem abducendi, affligendi, infinitis malis & angustis ab ipso afficiendi, totaq; adeò Terra per manum ejus perdenda, sic scriplit; *Formido & fovea & laqueus erit super te, ô habitator Terra!*

Jes. 24. 17.

*Et erit, qui sugerit à facie formidinis, cader in foveam, & qui ascenderit de medio foveæ, capietur laqueo, quia cataracla de Excelsis aperientur, & contremiscunt fundamenta Terræ. Confringendo confracta est Terra, dissipando dissipata est Terra, movendo movit sese Terra, agitando agitabit sese Terra*

*De interitu & confusione Sancheribi.*

Ita cum in fine illius Concionis describit, quid Deus Sancheribo sit factururus; Interitum videlicet Regni ejus super Hierusalem, & Ignominiam ac pudorem, quo Deus ipsum sit affecturus,

Ibid. v. 23.

ita ait: *Itaq; erubescet Luna, pudoreq; afficietur Sol, quia regnavit Dominus exercituum, quod eleganter admodum Jonathan F. Uzziel interpretatur. Nam ita exponit; Quando accidet Sancheribo id, quod accidit Jerusalem, tunc scient Idolorum cultores, quod hoc sit opus Domini, & pudore ac ignominia afficientur. Hæc enim sunt verba ejus: Et pudore afficientur, qui colunt Lunam, & erubescunt, qui colunt Solem, quia revelabitur regnum Domini, &c.*

*De felicitate  
Israelitarum  
post mortem  
Sancheribi.*

Cum incipit loqui de statu tranquillo Israëlitarum post mortem Sancheribi, pinguedine item, fertilitate ac inhabitatione Terræ ipsorum, Regni denique per Hiskijam exaltatione & dilatatione, parabolicè hoc ita exprimit, ut inquit, *Lucem Solis & Luna auctam iri. Quemadmodum enim de Victo dixit (suprà), quod lux Solis & Lune ipsorum recedat & in Tenebras convertatur; sic de Victoris ait, quod lux ipsorum augeatur.*

*Hominis in calamitate confusi-  
onis oculi & vi-  
sus obscurantur.*

Nam experientia comprobatur, oculos hominis in calamitate magna constituti obscurari, neque claram esse lucem visus ejus; quia spiritus visus ob nimiam vaporum abundantiam, & nimiam suam debilitatem ex multitudine luctus & angustiae a-

*In lætitia lux  
videtur esse cla-  
rior.*

nimæ tunc turbatur. Econtrà in lætitia, cum facultates animæ ad exteriora diffunduntur & spiritus clarus est, videtur homini, ac si lux longè clarior fieret, quàm erat antea. Hinc posteaquàm dixit Pro-

Jes. 30. 19.

*pheta; Populus enim in Tzizon habitabit, & in Jerusalem, plorando non plorabit, miserendo miserebitur tui, &c. tandem subjungit; Erig, lux Luna*

Ibid. v. 6.

*sicut lux Solis, & lux Solis erit septemplex, sicut lux septem dierum, in die, quâ obligaveris Dominum contritionem Populi sui, & percussuram plage*

*ejus.*



*quis sanaverit*, h.e. cùm iterum ruinam ipsorum è manu Sancheribi impij eriger. Quod ait, *Sicut lux septem dierum*, id exponunt Interpretes de Multitudine; eò quòd Hebræi soleant multiplicare per septem, (h.e. *septenarium numerum pro Multitudine ponere*). Mihi verò videtur, illum respicere ad septem dies dedicationis Templi tempore Salomonis, quia non fuit unquam Populo illi tanta gloria, felicitas & lætitia, sicut in diebus illis: ita ut Propheta hoc velit dicere; Talem ipsorum gloriam & felicitatem futuram, qualis fuit septem illis diebus.

*Septenarius apud Hebræos sumitur pro Multitudine.*

Describens Interitum Edom, qui affligebant Israël, ita loquitur; *Et interfecti eorum projicientur, & de cadaveribus eorum ascendet fetor eorum, & liquefcent montes propter sanguinem eorum. Liquefcet quoque universus exercitus Cæli, complicabunturq; Cæli sicut liber, & universus exercitus eorum decidet, sicut decedit solum de vite, & sicut decedit de ficu. Quoniam inebriatus est in Cælo gladius meus, ecce super Edom descendet, &c.* Attendite hic, qui oculos habetis, & videte, an sit in isto loco aliquid, quod nobis dubitandi vel suspicandi ansam præbeat, quòd agatur de re quapiam reverà Cælis eventura? an verò nudæ sint parabolæ de Regni ipsorum destructione, de providentiæ DEI ab illis recessione, velocique ac repentinâ magnificentiæ ipsorum depressione & humiliatione? Idem enim est, ac si diceret; Viri, qui staris & dignitatis suæ ratione similes fuerunt Stellis, ac extra omnem fortunæ mutationisque aleam positi videbantur, subito deciderunt, instar folij à vite vel ficu decidentis. Hunc Prophetæ sensum esse, ita clarum est & evidens, ut nullum de eo verbum facere necesse fuisset, ne dum tam fusè explicare, nisi quidam, non solum è vulgo, sed & ex iis, qui singulares esse volunt, existerent, qui rationes hinc (*pro interitu Mundi* sc.) conficiunt, nullâ vel antecedentium, vel consequentium, vel subjectæ materiæ ratione habitâ; existimantes, Legem æquè nobis testari de illis, quæ Cælis eventura sunt in fine dierum, (h.e. *de Cæli interitu*), atque nos docet de generatione illorum.

*De interitu Edom eorum.*  
Jes. 34. 3.

Quando Jesajas Israëlitis lætum de Sancheribi, Populorum, Regumque, qui cum eo fuerunt, interitu, & econtrâ de præsentis DEI auxilio ipsis affuturo, nuntium promulgavit, parabolicè id in hunc modum expressit; Videte, quomodo liquefacti sint Cæli illi, & inveterata sit Terra illa, morietur quisquis est super eam, vos verò eripiemini & servabimini. Q. D. Illi, qui repleverunt Terram, & qui ita firmi & stabiles esse putabatur sicut Cælum, (per Ironiam), momento peribunt, & confluentur sicut fumus: quorumque res tam con-

*De lato nuntio interitus Sancheribi & reliquorum Regum & de præsentis Dei auxilio.*  
Jes. 31.

Ibid. v. 3. stantes & immotæ sicut Terra esse videbantur, peribunt sicut vestimentum, quod veterascit. Sic enim incipit concionem illam; *Utiq; consolabitur DOMINUS Tzjonem, consolatus est omnes desolationes ejus, &c.* Paullò post: *Attendite ad me popule mi.* Item: *Prope est justitia mea, egressa est salus mea, &c.* Levate in Cælum oculos vestros, & aspiciite Terram deorsum: Cæli enim sicut fumus deficient, & Terra velut vestimentum veterascet, habitatores quoque ejus similiter interibunt, salus autem mea in sempiternum erit, & justitia mea non conteretur.

De reductione  
& conservatione  
me Israelitarum.

De reductione, stabilitate & conservatione Regni Israël inquit, DEUM renovaturum Cælos & Terram. Consuevit enim de Regno aliquo loqui, ac si esset Mundus peculiaris, h.e. Cælum & Terra. Jesa. 51. 12. Cum incipit consolationem suam, inquit: *Ego, Ego sum consolator vester.* Et paullò post; *Posui verba mea in ore tuo, & in umbra manûs meæ protexi te, ut plantes Cælos, & fundes Terram, & dicendo ad Tzjon, Populus meus tu.* Cum varicinarur, quâ ratione superstes futurum sit Regnum Israël, & aliorum Regnorum jugum à se excussurum, ait; Jesa. 54. 10. *Montes movebunt se, & colles mutabuntur, misericordia autem mea à te non recedet.* De æternè-durato Regno Mesiæ, & non destruendo Regno Israël ait; Jesa. 60. 10. *Non occidet ultra Sol tuus, &c.* Et quia hac ratione solutus est sub ejusmodi parabolis mentem suam intelligentibus eas explicare, eodem quoque modo Captivitatem & particulares circumstantias ejus enarravit ac prædixit, & postea etiam Reductionem illorum, Regni restitutionem, omnisque luctûs deletionem & abolitionem, his verbis; Ecce ego creabo Cælos novos & Terram novam, & non memorabuntur priores, nec ascendent super eos. Quibus verbis quid sibi velit, in sequentibus mox explicat, hunc in sensum scribens; Quod dixi, *Creabo Cælos, &c.* id ita intelligo, quòd vos positurus sim in lætitiâ perpetuâ, loco luctûs & anxietatis illius, neq; illius luctûs prioris memoria sit remansura. Verùm audi ordinem singulorum, & rationem connexionis locorum de hac re docetium. Jesa. 63. 7. In principio illius argumenti ait: *Miserationes DOMINI memoriâ repetam, & laudes DOMINI pro omnibus, quæ contulit nobis.* Postea miserat: res illas recenset, sic porro inquit: *Portavitq; eos, & tulit eos cunctis diebus saculi, &c.* His nostram subjungit rebellionem: *Ipsi autem rebelles fuerunt, & irasci fecerunt Spiritum Sanctum ejus.* Post-hæc commemorat Dominium inimicorum nostrorum super nos: *Hostes nostri conculcaverunt Sanctuarium tuum.* Fumus ut ii, quibus à saculo non es dominatus, &c. Deinde pro nobis orat: *Ne irascaris DOMINE usque valde.* Hinc transit ad recensenda ea, quibus potissimum rei facti & plagas

plagas illas commercii fuimus, quòd videlicet ad veritatem vocati fuerimus, sed non responderimus; *Quæsitum sum ab iis, qui ante à non in-* cap. 65.1.  
*terrogabant, &c.* Hoc factò pollicetur nobis remissionem & misericordiam, dicendo: *Sic dixit D O M I N U S, Quemadmodum invenitur* v. 8.  
*mustum in botro, & dicit, quis &c.* Inimicis verò nostris, violentiam in nos exercentibus, minatur pœnas; *Ecce servi mei comedent, vos verò* v. 13.  
*esurietis.* Post-hæc indicat, quòd populus hic (sc. *nostr*) fidem suam sit emēdaturus, in benedictionē in Terra futurus, quòdque ea omnia, quę

præcesserunt, æternā oblivione sint spelienda, his verbis: *Servos autem suos vocabit nomine alio. Qui benedicit se in Terra, benedicit se in D E O* v. 15. 16. 17. 18.  
*vivente: & qui juraverit in Terra, jurabit in D E O veraci: quoniam oblivio-*  
*ni tradita sunt angustie priores, & abscondent se ab oculis meis.* Ecce enim,

ego creabo Caelos novos, & Terram novam, & non me morabuntur priores, nec ascendent super eos. Sed gaudere & exultate in sæculum sæculi in his, quæ ego creo: nam ecce, ego creo Hierusalem exultationem, & Populum ejus gaudium, & exultabo in Hierusalem, &c. Sic tibi declaratum & revelatum est totum negotium. Posteaquàm enim dixit, *Ecce, ego creo Caelos novos & Terram novam*, continuo, quid sibi velit, exponit, dicēdo; *Ecce, ego creo Hierusalem exultationem, & Populum ejus gaudium.* His autem præmissis, ait; *Quemadmodum Fides illa & Læticia in ipsa, de quibus tibi promisi, quòd illa sim creaturus, quòdque Terram sint im-*  
*pletura, perpetuò manent; (Fides enim in D E U M, & Læticia in fide* Fides in Deo, &  
*illa, sunt duæ res, quæ nec perire, nec mutari possunt in illis, quæ ea* Læticia inde na-  
*possident): quemadmodum, inquam, Fides, & Læticia in fide, de* scens, nec perire,  
*quibus tibi promisi, quòd impletura sint Terram, immota sunt &* nec mutari quo-  
*perpetua; ita perpetuum quoque erit Semen & Nomen vestrum.* unt.

Hoc enim sibi vult, dum ait; *Sicut Cæli novi & Terra nova, quæ ego facio, stant* cap. 66. 22.  
*coram me, dixit D O M I N U S; sic stabit semen vestrum & nomen vestrum, &c.*

Nam aliquando accidit, ut Semen quidem remaneat, sed Nomen pereat; quemadmodum multi sine dubio hodiè inveniuntur, qui sunt de semine Persarum aut Græcorum, qui tamen nomine illorum proprio non appellantur, sed sub aliarum Gentium titulo comprehenduntur. Atque hoc ipsum, meo judicio, argumentum est Æternitatis Legis nostræ; quia propter illam Nomen proprium & peculiare habemus. Sic itaque, quia frequenter admodum in Jesaja parabolæ istiusmodi occurrunt, eas omnes explicare tibi volui.

Sed & similia reperiuntur apud alios Prophetas. *Jeremias, cùm va-* JEREMIAS de  
*ricinatur, quâ ratione urbs Hierusalem propter iniquitates Patrum* vastatione urbis  
*nostrorū vastanda sit, inquit: Vidi Terram, & ecce erat desolata & vacua.* Hierusalem. d  
Jerem. 4. 23.

**EZECHIEL** *Ezechiel, enarrans interitum Regni Ægyptiorum, & necem Pharaonis per manum Nebucadnezaris, his verbis utitur; Et operiam, quum extinxero te, Cælos, & obtenebrescere faciam Stellæ eorum, Solem nube segam, & Luna non lucere facies lumen suum. Omnia alia luminaria lucis, in Cælo obtenebrescere faciam propter te, daboq; tenebras super terram, dixit DOMINUS.*  
*Ezech. 32. 7.*

**JOEL** *de vastatione Terra per Locustas. Joel Filius Phetuelis, de magna Locustarum sui temporis copiâ hoc pacto scribit; Anse ipsum commovebitur Terra, irement Cæli, Sol & Luna obtenebrabuntur, Stellæq; retrahent splendorem suum.*  
*Joel. 1. 10.*

**AMOS** *de vastatione Samariæ sic loquitur: Occumbere faciam Solem in ipso meridie, & tenebris obruam Terram in die luminis. Convertam quoq; festivitates vestras in luctum, &c.*  
*Amos 8. 10.*

**MICHAËAS** *de eadem. Micha, in ejusdem Samariæ interitûs descriptione, tritis & usitatissimis loquendi formulis utitur: Ecce, inquit, DOMINUS egreditur è loco suo, & descendet, calcabitq; super excelsa Terra, & liquefcent montes sub eo.*  
*Mich. 1. 3.*

**HAGOEUS** *de Periarû & Medorum interitu. Haggæus, de Regni Perlarum & Medorum destructione ita fatetur: Ego commoturus sum Cælum & Terram, ac Mare, & aridam: commoveboq; omnes Gentes.*  
*Hag. 2. 7.*

**DAVID.** *Sic, cum Joab pugnâset contra Edom, ac David recenseret, quàm debiles & infirmi, quoties victi & percussi antea fuissent Israëlites, & quo pacto Deus ipsis tunc in auxiliû exoratus fuerit; Tremere fecisti, inquit, Terrâ, scidisti eam, sana fracturas ejus, quia nutat. Ita cum nos hortatur, ne timeamus, quando Populi moriuntur & intereunt, eò quod innitamus salutem DEI Benedicti, non gladio aut viribus nostris, ait; Populus servatur in DOMINO, est clypeus auxilii tui. Et; Non timebimus, etiamsi permutâris Terram, & moverit montes in cor Maris. Sic, quando agit de submersione Ægyptiorum: Viderunt te Aqua, DEUS, viderunt te Aqua, & timuerunt, etiam commota sunt voragine, &c. Sonitus tonitruus in Cælo, &c. Commota est & contremuit Terra, &c.*  
*Psal. 60. 4.*  
*Psal. 46. 3.*  
*Psal. 77. 17. 19.*

**HABACUC.** *Ita ait Habacuc: Numquid contra flumina iratus est DOMINUS? &c. Sic: Ascendit fumus in ira ejus, & ignis ex ore ejus consumpsit, &c.*  
*Hab. 3. 8.*

**DEBORA.** *Sic in Cantico Deborah: Terra contremuit, &c. Et sic plurima alia hujus generis adhuc occurrunt. Ea verò, quæ non adduxi, secundum exempla allegata sunt exponenda.*  
*Judic. 5. 4.*

**JOEL** *2. 30. Quod attinet dictum Joëlis: Daboq; prodigia in Cælo & in Terra, sanguinem, & ignem, & columnas fumus. Sol ipse converteretur in tenebras, & Luna in sanguinem, antequam veniat dies DOMINI magnus & terribilis. Erat præterea, quicumque invocaverit Nomen DOMINI, evadet; nam in monte Tzïon & Hierusalem erit evasus, &c. quod, inquam, hoc dictum attinet,*  
 id

id mihi agere viderur de cæde Sancheribi prope Hierusalem. Si verò hæc expositio tibi non arrideat, poterit exponi de interitu Gog & Magog tempore Messiae ad urbem Hierusalem futuro, licet illius expressè nulla fiat mentio, sed magnæ tantum Stragis, Ignis, & Eclipsis Luminarium. Quòd si quæ liveris, quomodo in expositione nostra dicamus, Stragem Sancheribi vocari *Diem Domini magnum & terribilem*? scias, omnem diem, quo Deus singularem & extrordinariam liberationem vel pœnam immittit, vocari *Diem DOMINI magnum & terribilem*: ut, *Magnus dies DOMINI, & terribilis, quis sustinebit eum?* *Dies Domini magnus & terribilis quomodo?*  
Joël. 2. 11.

Sic itaque demonstratum est id, circa quod hætenus versati sumus, videlicet; Mundum hunc interiturum, vel statum ejus præsentem in se, vel quâcunque ejus re mutatum iri, aut mutationem aliquam constâtem subiturum, ex scriptis Prophetarum & Sapientum nostrorum probari non posse.

Quod attinet dictum illud; *Sex-millibus annorum durabit Mundus, & uno vastitas*; id non debet intelligi de omnimoda privatione Existentiæ: & dum dicit, *Uno vastitas*, docet, Tempus aliquod tûm remansurum. Præterea, dictum est particulare unius alicujus Viri, & respectu certæ alicujus sententiæ ac opinionis prolatum.

Id verò, quod in universum apud omnes Sapientes reperitur, & quod fundamentum est, ex quo universi ac singuli Doctores Mischne argumentantur, est, quod dicitur; *Nihil novi fit sub Sole*: & quòd nulla *Eccles. 1. 9.* ibi fiat ullo modo vel ullam ob causam innovatio, ita ut ille etiam, qui *Cælos novos & Terram novam* accipit, sicut cogitat, (h. e. *secundum sensum litteralem*) dicat, Cælos illos, qui dicuntur creari debere, jam creatos esse ac subsistere, sicut dicitur, *Stans coram me*; (non enim *Jes. 66. 12.* dicitur, *Strabunt*; sed, *Stant*): & hoc probat ex eo, quòd dicitur, *Nihil novi fit sub Sole*. Neque hoc repugnat iis, quæ nos exposuimus, sed fieri potest, ut ita intellexerit, Naturam illam, per quam res promissæ (*per Cælum novum & Terram novam*) existunt, jam extitisse inde à sex diebus Creationis, id quod est verissimum.

Quod dixi, *Nullam in Mundo rem à natura sua mutari mutatione constanti & permanente*; id dixi respectu Miraculorum. Nam licet Virga in Serpentem, Aqua in Sanguinem, Manus munda in Albam, conversæ sint, sine necessaria aliqua causa naturali; tamen ista omnia constanter ita non permanferunt, neque in naturam aliam immutata sunt. Verùm, prout Rabbini nostri dicunt, *Mundus retinet ac sequitur suam consuetudinem*. *Authoris sententia de Miraculis.*

Atque

*Rabbinorū sen-  
tentia de Mira-  
culis.*

Atque hæc est nostra de Miraculis sententia, quam credendam & amplectendam censemus, licet Sapientes nostri longè alia de illis prodiderint, quæ in *Bereſchith rabbah* & *Medraſch Koheleth* scripta invenies. Exiſtimant enim, Miracula etiam aliquo modo è Natura promanare. Nam dicunt, Quando DEUS Opt. Max. hanc Exiſtentiam (h. e. iſtam Rerum univerſitatem) creavit, Illum tùm unicuique Enti naturam ſuam ordinâſſe & determinâſſe, illiſque Naturis virtutem indidiſſe, Miracula illa, quæ ſuo tempore in illis contingere deberent, producendi: &, Signum Prophetæ nihil aliud eſſe, quàm quòd Deus Prophetis ſignificârit tempus, quo dicere hoc vel illud debeant, & quo hæc vel illa res miraculoſum aliquem effectum habitura fuerit, quem illius naturæ à principio implantavit.

Verùm hæc ſententia quoque, qualiscunque ſit, docet nos de excellentia & præſtantia Authoris illius; quâ ratione nempe difficillimum judicârit eſſe, ut vel Natura, poſt abſolutum opus Creationis, vel Voluntas DEI, poſtquàm omnia ab Ipſo ita conſtituta ſint, mutetur: quaſi dicere voluiſſet exempli gratiâ; DEUM naturæ Aquæ indidiſſe, ut ſit continua, & ſemper deorſum fluat, excepto tantùm illo Tempore, quo ſubmerſi fuerunt in illa Ægyptii, & illâ ſolùm Aquâ, quæ diviſa fuit.

Sic itaque & de hujus ſententiæ ſcopo ac intentione principali te erudiſſi, quòd videlicet hûc præcipuè tendat, ut fugiat Innovationem alicujus rei (*poſt opus Creationis*). Dicitur ibidem: *Dixit R. Jonathan; Certas conditiones pactus eſt DEUS cum Mari, ut ſunderetur coram Iſraëli- tis: hoc enim eſt, quod ſcriptum eſt* Et reverſum eſt Mare, reſpiciente mane ad fortitudinem ſuam. *Dixit R. Jeremias Filius R. Elieſeri; Non cum Mari ſolùm pactus eſt DEUS, ſed cum omnibus, quæ creavit intra ſex dies Creationis. Hoc enim eſt, quod ſcriptum eſt: Ego, manus meæ tetenderunt Cælos, & omni exercitui eorum præcepi; Præcepi Mari, ut ſunderetur; Igni, ne noceret Chanania, Miſchâël, Azaria: Leonibus, ne lederent Danjelem: Piſci, ut evomeret Jonam, &c.* Eadem enim eſt ratio reliquorum.

*Jef. 45. 12.*

Ita ergo totum hoc negotium, & quid nos de eo ſtatuamus, tibi eſt explicatum & revelatum; quòd nempe dimidiâ parte cum Ariſtotele conſentiamus, ſententiamque ejus amplectamur, ac credamus; Exiſtentiam ſc. hanc, ſive Mundum hunc eſſe perpetuum ac æternum; in ea, quam DEUS ei pro ſuo beneplacito dedit, natura; neque quicquam in eo mutari, niſi miraculoſè in rebus quibusdam particularibus, licet DEUS potentiam ac facultatem habeat illum totum,

corum, vel aliquas ejus partes immutandi aut privandi; sed tamen habere initium ac principium, quo nihil fuit, nisi Deus & Sapientia ejus, quâ decrevit, se existentiam rebus his creatis certo tempore daturum & ordinaturum, ne privari vel mutari possint, nisi particularia quædam, quæ ipsi placet, quæ ex parte scimus & ex parte ignoramus. Aristotelis verò sententia est: Sicut Mundus est æternus & incorruptibilis; ita quoque esse antiquum & non generatum, id quod ostendimus esse non posse, nisi per modum necessitatis: hanc autem esse absurdam & à natura Dei alienam.

Posteaquàm igitur hûc à nobis perductus est tractatus iste, adducemus nunc caput peculiare, in quo agemus de locis aliquot occurrentibus in *Opere Creationis*. Intentio enim nostra prima in hoc libro est, exponere, quæcunque de Opere Bereschith & Mercavah exponi possunt. Priusquàm verò id faciamus, duæ nobis sunt præmittendæ Propositiones.

Prima est; *Non omnia secundum litteram intelligenda & accipienda esse, quæ dicuntur in opere Bereschith seu Creationis, sicut vulgus hominum existimat.* Nam aliis non præcepissent Sapientes illa occultari, neque tantâ curâ in eis abscondendis & parabolis involvendis usi fuissent, neque etiam tam studiosè prohibuissent, ne de iis sermo fieret coram imperita Plebe. Sensus enim illorum literales vel gignunt pravas cogitationes, imaginationes, & opiniones de Natura Dei Opt. Max., vel certè fundamenta Legis evertunt, hæresinque aliquam introducunt. Ideoque non sunt in imaginatione vel cogitatione solum considerandæ, & sine artium aliarum liberalium cognitione; neque, sicut Concionatores & Commentatores arbitrantur, res comparata est, qui existimant, cognitionem explicationis vocabulorum magnam esse scientiam, summamque perfectionem. Si multis verbis & longo sermone explicentur. Verùm considerandæ & intelligendæ sunt secundum veritatem intellectûs, post adeptam in scientiis demonstrativis, & mysteriorum Prophetiarum cognitionem, perfectionem. Quicumque verò aliquam in illis scientiam habet, cavere debet, ne illa divulget, sicuti sæpius monuimus in Commentario nostro in Mischnam. Hinc claris verbis dicunt quoque Rabbini nostri; *A principio libri usque hûc gloria Domini est celare verbum:* dixerunt autem hoc post ea, quæ scripta sunt de operibus sexti diei; ex quo patet veritas illius, quod nos diximus. Quia verò is, qui perfectionem aliquam nactus est, tenetur & obligatur illam aliis quoque infundere & communicare, sicuti in subsequentibus de Prophetia



capitibus explicabimus; ideo fieri non potest, quin illi, qui aliquid ex secretis istis, sive proprio Marte & industriâ, sive ope præceptoris alicujus, apprehenderunt, non nunquam pauca quædam dicant. Verum non aperte & clarè hoc faciendum est, sed testè, & non nisi per signa & indicia, qualia sparsim, & aliis rebus permixta in verbis celebriorum ac præstantiorum Rabbiorum nostrorum inveniuntur. Ideoque & ego, uti observabis, in istis mysteriis sæpè unius alicujus verbi vel dicti solum mentionem facio, quod cardo quasi est totius rei; cætera verò illis relinquo, quibus relinquenda sunt.

*Propheta utitur sæpè vocabulo nonnulli propter ipsorum etymologiam.*

Jerem. 1. 11.

Ezech. 1. 4.

Ibid. 1. 7.

Zach. 6. 1.

Secunda Propositio est; Quòd Propheta sæpè adhibeat vocabula æquivoca, & metaphorica, quorum intentio non est id, quod in prima parabola seu metaphora docent & significant, sed propter etymologiam & derivationem aliquam: ut, Makkèl schaked Virgam vigilantem vel amygdalinam, quia Schokeo vigilo ego, &c. quemadmodum explicabimus, quando de Prophetia agemus. Juxta hanc etiam rationem dicitur in Opere Mercavah, Chaschmal, sicut alibi diximus. Sic, Regelegel, & Nechoscheth ksal, &c. Sic apud Zachariâ, Et montes erant montes nechoscheth, &c.

His itaq; Propositionibus explicatis, accedo ad caput illud, quod antea tibi promisi.

## CAP. XXX.

### *In quo varia explicat, quæ pertinent ad Opus Creationis.*

*Differentia inter Primum & Principium.*

**S**CITO ante omnia, quòd differentia magna sit inter Primum & Principium. Nam Principium dicitur de re, cujus est principium, vel cum qua incipit, licet tempore illam non præcedat, sicut dicitur Cor esse principium animantium, & Elementum principium ejus, cujus elementum est, (vel quod ex quatuor Elementis constat, ut Manuscriptum exemplar habet). Et in hoc sensu dicitur quoque nonnunquam aliquid esse Primum. Verum Primum dicitur propriè de eo tantum, quod tempore præcedit, licet illud Primum, vel Prius tempore, non sit causa posterioris vel subsequenti, sicut dicere solemus; Primus, qui hanc domum inhabitavit, fuit N., post ipsum N., nec tamen dicimus, quòd ille N. fuerit principium hujus N. De Primo, seu de eo, quod Primum est, docet in Lingua nostra vocabulum Thechillab: ut, Thechillath Primum verbum Domini in Hosea. De Principio autem docet vocabulum Reschub, quod derivatur à Resch Caput, quod scitu ratione principium est Animantium.

Hos. 1. 1.

Mun-

Mundus non creatus est in Principio Temporalis (*temporis*), sicuti declaravimus; Tempus enim est ex numero Creaturarum. Ideò dicitur, *Bereſhith* Creavit Deus; ubi Præpositio inseparabilis ꝓ *Beth*, est *Beth Vasis*, seu Instrumenti: & vera illius loci explicatio est hæc; In principio creavit Deus superiora & inferiora: Expolitio conveniens Novitati Mundi.

*Mundus non est  
creatus in prin-  
cipio Temporis.  
Gen. i. 1.*

Quod verò apud Sapientes nonnullos invenis, Tempus extitisse ante Creationem Mundi, id dubium valdè est. Hæc enim est sententia Aristotelis, (quam tibi jam exposui), qui sentit, non posse cogitari Temporis principium.

*Tempus rō fuit  
ante creationem  
Mundi.*

Verùm absurdum hoc est admodum. Ad id autem statuendum inducuntur sunt, quòd scriptum invenerunt, *Dies unus; Dies secundus;* & quòd hoc secundum litteralem sensum acceperunt, quòdque non intellexerint, quomodo potuerit mensurari dies primus & dies secundus sine Sphæra circumdante, & sine Sole. In hunc sensum scribunt alibi; *Dies primus;* Dixit R. Jehudah Bar Simon: *Hinc habemus, quòd ordo temporum antea fuerit. R. Abhu dicit: Hinc habemus, quòd Deus edificavit Mundos, & illos iterum destruxerit.* Sed hoc magis est absurdum, quàm prius. Observa autem, quidnam scrupulum ipsis moverit, Existentia videlicet temporis ante existentiam Solis. Sed jamjam explicabo id, quod ambobus dubitationem creavit; nisi forte voluerunt dicere, (de verbo ad verbum, *DEUS*, an non voluerunt dicere?) impossibile esse, ut non antea tempus fuerit: quæ est ipsissima sententia de Antiquitate Mundi, quam omnes Legem nostram amplectentes refugiunt! Verùm, meâ sententiâ, eadem est horum dictorum ratio, quæ R. Elieſeris, *Cæli undenam creati sunt?* Et, ut uno verbo dicam, in his non est ad cujuslibet verba respiciendum. Fundamentum enim Legis nostræ est, quòd Deus hunc Mundum creavit ex nihilo, & absque principio temporali, cum Tempus sit creatum, quia videlicet sequitur motum Cæli, & Cælum creatum est.

Quod autem hic te scire quoque refert, est & hoc, quòd particula *Eth* נָא, quæ adhibetur, cum dicitur, *Et haschamajim veet baarez*, (ut Sapientes nostri in pluribus locis explicarunt), idem valeat quod *Im* Cum: ut sensus sit; Deum creasse cum Cælis, quæcunque sunt in Cælis; & cum Terra, quæcunque in Terra sunt. Nō timentiam, quòd dicant, Cælum & Terram simul creata esse, quia dicitur; *Voco ego eos, & stant simul.* Hoc si ita sit, cum omnia simul creata erunt, & postea successivè ab invicem separata. Hinc assimilant rem istam Agri-  
*Cælum & Ter-  
ra simul creata.  
Jesa. 43. 13.*

aliqua progerminant post diem unum, alia post duos dies, alia post tres, licet tota sementis, vel satio, unâ horâ facta fuerit.

Atque secundum hanc sententiam solvitur dubium, quod movit R. Jehudam filium R. Simonis ad dicendum id, quod dixit, cui hic scrupulus incidit, Quomodo mensurari potuerit dies primus, secundus & tertius? Et expresse scribunt in *Bereſchith rabbah* Sapientes nostri de Luce. quæ primo die in Lege dicitur creata esse; *Ista sunt Luminaria, quæ creata fuerunt primo die, sed non suspendit ea usque ad diem quartum.*

*Terra æquivo-*  
*cè dicitur: gen-*  
*eraliter & ſpe-*  
*cialiter.*

Porro & hoc sciendum tibi, quòd *Erez* Terra sit vocabulum homonymum, quod usurpatur tum generaliter, tum specialiter. Generaliter dicitur de omnibus iis, quæ sunt sub sphaera Lunæ, h.e. de quatuor Elementis. Specialiter dicitur de uno tantum, & quidem ultimo illorum, quod vocatur *Terra*. Docet nos hoc Scriptura, dum dicit; *Et Terra erat informis & inanis, & Tenebre erant super facie abyssi, & Spiritus DEI incubabat in superficie Aquarum*; ubi ista omnia Terra vocabulo complectitur. Et paulò post: *Et vocavit DEUS aridam, Erez Terram*. Atque hoc quoque est secretum magnum. Quotiescunque enim dictum offendis, *Et vocavit DEUS sic, vel sic*, dicitur illud ad distinguendum rem unam ab aliis, cum quibus commune nomen habebat. Ideò hunc versum tibi exposui; In principio creavit Deus superiora & inferiora: & sic proinde per Terram, cujus primò sit mentio, (quando videlicet dicitur, Creavit Deus Cælum & Terram), intelligenda erunt Inferiora, h.e. quatuor Elementa, & per Terram, de qua dicitur, *Vocavit DEUS aridam, Terram*, Terra in specie sic dicta.

*Per Tenebras*  
*intelligitur Ignis*  
*elementaris.*

*Deut. 5. 22. 23.*

*Jobi 20. 26.*

*Ira vocatur,*  
*quia non lucet.*

*Ordo quatuor*  
*Elementorum à*  
*Mose recensetur.*

Insuper nec hoc te ignorare decet, quòd quatuor Elementorum, de quibus diximus, quòd comprehendantur sub vocabulo *TERRÆ*, (quod primò occurrit), primùm fiat mentio post Cælos; meminit enim *Terra, Spiritus, Aqua, & Tenebrarum*: ubi per *Tenebras* nihil aliud debes intelligere quàm *Ignem elementarem*; sicut ex eo colligere est, quod Scriptura ait: *Et verba ejus audivisti è medio Ignis*. Et mox: *Quum audivissetis vocem è medio Tenebrarum*. Item: *Omnes Tenebre abscondite sunt occultis illius, devorabit eum Ignis non sufflatus*. Vocatur autem ita *Ignis Elementaris*, eò quòd non sit lucens vel lucem præbens, sed lucidus seu pellucidus. Nam si luceret Ignis elementaris, totâ nocte videremus Aërem Igne ardentem vel fulgentem. Recenser autem illa secundum ordinem & situm ipsorum naturalem; primò enim est *Terra*; supra illam *Aqua*; cum *Aqua* cohæret *Aër*; & supra hunc est *Ignis*.

*Igni.* Nam dum appropriat Aërem supra faciem Aquarum, sine dubio Tenebræ, quæ sunt super faciem abyssi, erunt supra Aërem. Quod verò dixit, *Vetus vel Spiritus Dei*, (h.e. quod Aërem vocat Ventum vel Spiritum DOMINI), idem fecit, quia DEUS eum fecit mobilem, h.e. flantem. Motus namq; Venti perpetuò attribuitur DEO: ut, *Ventus profectus est à DOMINO.* Item: *Flavisti vento tuo.* Item: *Et convertit DOMINUS ventum occidentalem forrem valdè:* & sic sæpissimè. Et quia Tenebræ, quarum primò recordatur, (quæ sunt Elementum Ignis), non sunt illæ, quarum postea mentionem facit, (quæ sunt Tenebræ propriè dictæ); idem ad discrimen indicandum ait, *Et Tenebras* Genes. 1.5. *vocatit Noctem*, juxta id, quod antè exposuimus.

Num. 11. 31.  
Exod. 15. 10.  
Exod. 10. 19.

Sciendum tibi quoque, id, quod Moses ait, *Et distinxit inter Aquas*, Ibid. v. 7. non intelligendum esse de distinctione vel divisione loci, ita ut una Aqua sit supra, altera infra, & una sit eademque illarum natura; sed hæc verborum illorum est expositio, quod distinxerit inter illas distinctione naturali, h.e. in forma ipsa, constituendo partem quandam illius, quod in principio vocavit Aquam, rem unam, & tali formâ vestitam, (h.e. rem peculiarem & certâ formâ vestitam); alii parti formam aliam largiendo, & hæc est Aqua propriè dicta. Hinc dicitur, *Et congregationem Aquarum illarum vocavit Maria:* quibus verbis tibi manifestat, quod illa Aqua prima, de qua dixit, *In superficie Aquarum*, non sit illa Aqua, quæ est in Maribus; sed, quod pars illius sit certâ formâ distincta supra Aërem, & altera pars sit ista Aqua. Proinde quod ait, *Et fecit DEUS expansionem, divisitq; Aquas, quæ sub expansione, ab Aquis, quæ super expansionem*, simile est ei, quod dicit, *Et divisit DEUS inter Lucem & inter Tenebras*, quæ est divisio formalis. Quin-imò Expansum ipsius ex Aquis generatum est, secundum illud Rabbiorum nostrorum, *Congelata est gutta media.* Hinc dicit etiam; *Vocavitq; DEUS firmamentum Cælum*, ad explicandam homonymiam vocabuli, & indicandum, quod *Schamajim*, h.e. Cælum, cujus primò meminit, dicendo, *Cælum & Terram*, non sit illud, quod propriè vocatur Cælum postea. Et hoc confirmat per id, quod in sequentibus ait, *In superficie expansi Cæli*; ut nempe significaret, quod *Firmamentum* vel *Expansum* non sit Cælum. Et propter hanc Nominis æquivocationem vocatur etiam Cæli veri, Expansum, sicut & econtrâ Expansum verum vocatur Cælum: ut; *Et dedit illa DEUS in expanso Cæli*: ex quo dicto & hoc liquet, quod aliàs per demonstrationem quoque probari potest, quod Stellæ omnes, Sol item & Luna in Cælo infixæ sint, (quia non datur in Mundo Vacuum); non autem, ut Vulgus existimat, in

Quid per Aquas intelligatur in historia Creatio-  
nis.

Ibid. v. 10.

Ibid. v. 1.

Ibid. v. 7.

Ibid. v. 4.

Ibid. v. 8.

Ibid. v. 1.

Ibid. v. 8.

Ibid. v. 10.

Ibid. v. 17.

superficie vel expansione Cœli hæreant. Dicitur enim, *In firmamento Cœli*; non, *Super firmamentum Cœli*. Sic itaque patet, quod una communis primò fuerit materia, quam *Aquam* vocabat, sed postea in tres distinctas formas divisa sit, parsque illius una sint *Maria*, pars altera *Expansum*, pars tertia *supra Expansum illud*, & quod hæc omnia sint extra Terram. Vides proinde ita & alio sensu accipi (*Aquam*), idque propter admiranda mysteria. Quod verò illud, quod est *supra Expansum*, nomine tenus tantum *Aqua* vocetur, non verò idem, quasi esset *Aqua* ista specifica, id dixerunt quoque, Rabbini nostri, inquirentes; *Quatuor ingrediuntur in Paradisum*, &c. Dixit illi Rabbi Akibba; *Quando pervenit ad lapides marmorii puri, ne dicatur, Aqua, Aqua, quia scriptum est*; Loquens mendacium non stabilietur coram oculis meis. Anima dverte & observa, siquidem fueris ex Viris intelligentiæ, quâ ratione in hoc dicto explicâit & retexerit totum negotium! Nam si rectè intellexeris illud, intelliges quoque omnia ea, quæ demonstrata sunt in Libro de Meteoris, & quæ Sapientes vel Philosophi de singulis istis rebus scripserunt.

*Cur in operibus  
secundæ diei non  
dicatur, Quia  
bonum?*

Silenzio verò hic minimè prætereundum, quânam ob causam in operibus secundæ diei non sit dictum דִּבְרֵי הַיּוֹם *Quia bonum?* Nostri Allegorias, quas Sapientes nostri p.m. hic asserunt. Optima inter illas est, quâ dicunt; Idem hoc esse factum, quod opus Aquarum nondum perfectum fuerit. Sed ratio huius rei, meo iudicio, manifesta est admodum. Nam de omnibus Entibus innovatis, in ordinario, frequenti & constanti statu existentibus, dixit, *Quia bonum*. Hoc autem *Expansum*, & res illa, quæ supra illud est, (quæ *Aqua* appellatur), abdita est & occulta nimis, sicuti vides. Si enim sumatur secundum sensum litteralem & crasso sensu, tùm erit omnino Non-ens: nam nullum est corpus inter nos & Cœlos inferiores nisi Elementa; neque sunt *Aquæ* super Aërem: multò minùs cogitari potest, quod *Expansum*, & id, quod supra illud est, sint supra Cœlos. Proinde hoc pacto res longè esset difficilius & absurdior, quàm ut posset apprehendi. Si accipiatur secundum sensum occultum, & id, quod per illam significatur, tùm res nimis est occulta, ac necessariò referenda inter occulta illa, quæ sunt obsignata, ut à Vulgo intelligi nequeant. Quocirca cùm res ita sit comparata, quomodo potuit de illa (*Aqua*) dicere, *Quia bona?* Nam *Bonum esse*, dicitur de re, quæ manifestam utilitatem præbet, & cujus existencia ac conservatio nota est in hoc Mundo. At verò quodnam commodum apparet aut percipitur è re, quæ nobis est abscondita, & quæ in sensu suo litterali non existit,

*Bonum esse de  
quânam re di-  
citur.*

existit, ut de illa dici possit, quòd sit *bona*. Sed intermittere non possum, quin aliam adhuc tibi declarationem adferam; videlicet, quòd licet ista (*Aqua*) magnam hujus Universitatis partem constituat, tamen non sit tanquam finis, principaliter & per se intenta ad conservationem hujus Mundi, ut de ea dici debuerit, quòd *bona* esset, sed necessaria fuit, ut appareat & detegatur Terra.

Præter hæc & istud novisse te oportet, quod Sapientes nostri observârunt; quòd Deus Herbas & Arbores è Terra demùm produxerit, posteaquàm pluviam illam irrigavit, & quòd id, quod dicitur, *Et vapor ascendet è Terra, contineat narrationem rei prioris, ac præcedentis illud, Herba sciat Terra herbam.* Hinc transtulit Onkelos, *Et Nubes ascenderat è Terra.* Patet etiam ex Scriptura ipsa, quæ dicit, *Et omne virguleum antequàm esset in Terra.* Sic itaque clarum est & hoc. Cæterùm, nôliti Le&or, principales causas Generationis & Corruptionis post Virtutes cœlestes, esse Lucem & Tenebras, quatenus nempe calor & frigus ex illis sequitur. Per Motum Cœli miscentur Elementa, & per Lucem ac Tenebras mutantur Temperamenta illorum. In principio mixtionis illorum innovantur ex illis duo Vapores, (*Vapor & Exhalatio*), quæ sunt primæ causæ omnium Meteororum, Pluviarum etiam, & Metallorum. Postea fit ex illis compositio Plantarum; post has compositio Animalium; ultimò denique compositio Hominis. Præterea, Tenebræ sunt de natura Mundi hujus inferioris; Lux verò est illi accidentalis & externa, quæ exterius in illo innovatur. Nónne enim vides, quòd tamen si res aliqua luce privetur, nihilominus tamen remaneat? Atque hunc ordinem æqualiter observat Scriptura ubique in opere Creationis.

Scitu porro tibi necessarium in hoc negotio est illud quoque, quod Rabbini nostri inquirunt, *Omnia opera Creationis creata sunt בְּקִימָתוֹ in statura sua, creata sunt בְּדַעְתּוֹ in scientia sua, creata sunt בְּצִבְיֹונָם in decore suo: quo innuere volunt, quòd universa & singula, quæ Deus creavit, in perfectissimâ sua Quantitate, in perfectissimâ sua Forma, & in elegantissimis suis Accidentibus creata sint; hoc enim sibi volunt, quando ajunt, בְּצִבְיֹונָם Bezevjonam in decore suo creata sunt, ex illo, צִבְיָהוּ Zevi Decor vel Ornamentum est omnibus Terræ. Diligenter itaque & hoc retine, quia non exiguum quoque est fundamentum.*

Intelligendum etiam tibi probè, quòd recordatur creationis Hominis inter sex creationis dierum opera. Dicitur de eo; *Masculum & Feminam creavit eos.* Et creationem totam concludens, ait: *Et perfecti fuerunt Cælum & Terra, & omnis exercitus eorum.* Postea denuò ad crea-

*Lux & Tenebræ sunt causa Generationis & Corruptionis. Vide & i. in fin. c. 5.*

*Ezech. 20. 6.*

*De Creatione Hominis. Gen. 1. 27. Ibid. 2. 1.*

crea-

creationem Hominis reddit, & explicat, quomodo Eva ex Adamo creata fuerit. Meminit etiam Arboris vitæ, & Arboris scientiæ boni & mali, seductionis item Adami & Evæ per Serpentem. Et hæc omnia facta fuisse indicat, posteaquàm Homo à Deo in hortum Eden collocatus fuisset. Omnes autem Sapientes nostri unanimi consensu affirmant, cuncta die sexto fuisse, & nihil quicquam post sex Creationis dies immutatum esse. Verùm non debent illa tibi videri absurda, quæ diximus, quia huc usque non fuerat adhuc Natura stabilis & quieta. Præter hæc verò alia quoque afferunt, quæ tibi ex locis suis collecta proponam, & docebo te de illis, sicut illi nos docuerunt. Quandoquidem autem illa, quæ tibi ex verbis Sapientum nostrorum ita propositurus sum, sunt perfectissima, planissima, & ordinatissima, idèd non diù immorabor in expositione illorum, neque etiam sensum ipsorum explicabo, ne Arcanorum fiam Revelator vel Proditor: sed leviter tantùm illa attingam; ita tamen, ut tu & tui similes illa possint intelligere. Ex iis est, quod dicunt; *Adam & Eva creati fuerunt sicut unus, & tergus vel dorso conjuncti, postea verò à Deo divisi fuerunt, qui dimidiam illam partem accepit, & fuit Eva, & adducta fuit ad ipsum.* Dicunt etiam; *Unam ex costis ejus, idem esse quod, Unam ex partibus ejus, vel, Unam partem ejus:* quam explicationem confirmant ex eo, quòd in Targum vocabulum זלח Tzelah Costa, redditur per שטח Setar: ut, Tzelah Costa Tabernaculi, redditur in Targum per Setar Latus Tabernaculi. Ita hic dicunt, *Mitzalotav* idem esse quod *Misfitrohi*. Animadvertite, quomodo explicetur, quòd fuerint certo respectu duo, & certo respectu unum, sicut dicitur: *Os ex ossibus meis, & caro ex carne mea.* Quòd certo respectu fuerint duo, id confirmatur ex eo, quòd dicitur, Nomen unum amobus convenire; *Vocabitur Ischah Vira, quia ex Isch Viro desumpta est.* Quòd fuerint unum, confirmatur eo, quòd dicitur, *Et adhærebit uxori suæ, & erunt in carnem unam.* Quanta verò est ignorantia illius, qui non intelligit, hæc secundum sensum aliquem occultum intelligenda esse?

*Serpens instar equi vel cameli equitatus suus à Satana.*

*Sammaël vocatur Satan.*

At nec hoc prætereundum, quod in Medrasch adducunt Sapientes nostri; *Serpentem equitatum fuisse, quantitatem ejus instar cameli, & Sessorem ejus fuisse illum, qui decepit Evam, huncq; Sessorem fuisse Sammaëlem, quod nomen absolute usurpant de Satana. Invenies enim, quòd in multis locis dicant; Satanam voluisse impedire Abrahamum, ne ligaret Isaacum: sic, voluisse impedire Isaacum, ne obsequeretur voluntati patris sui. Alibi verò in hoc eodem negotio dicunt; Venit Sammaël ad Abrahamum patrem*



patrem nostrum, & dixit ei; An non, o Senex, perdidisti mentem tuam? an non insanies, &c. Sic itaq; apparet, quod Sammaël sit ipse Satan, & quod per illud nomen, certi & occulti aliquid significetur, sicut per nomen Nachasch, h.e. Serpens. Dicunt etiam; Cum venires (Serpens) ad decipiendam Evam, fuit Sammaël equitans super illum, & Deus irridebat Camelum & Sessorem ejus.

Attendendum tibi quoque est ad hoc, quod Serpens non venerit primò ad Adamum, & cum ipso loquutus fuerit; verum aggressus & adortus est Evam, & illà mediante, damno Adamus à Serpente affectus morteque multatus fuit. Odium autem perfectum manet inter Serpentem & Evam, inter semen illius & inter semen hujus; neque dubium est, quin semen illius (Eva) sit semen Adami. Sed mirandum magis est, quod Serpens cum Eva conjungatur, h.e. semen illius cum hujus semine, caput & calcaneus: quod illa (Eva) vincat ipsum (Serpentem) in capite; & ille (Serpens) vincat ipsam (Evam) in calcaneo. Ex dictis autem maximè admirādis, & secundum literam paradoxis ac absurdis, est & hoc; (sed si solidè hunc librum intellexeris, admiraberis, quanta Sapientia in illo lateat, & quàm eleganter cum natura hujus Universitatis consentiat): Ex quo Serpens venit ad Evam, humoreni vel sordes projecit in Evam: Israelitæ, qui steterunt in monte Sinai, sordes illæ absterguntur: Gentibus, qui non steterunt in monte Sinai, sordes illæ non absterguntur. Animum igitur intende & ad istud.

Cæterum & hoc notatu dignum, quod ajunt; Arboris vita iter est De Arboris viginti quingentorum annorum, & omnes Aqua creationis dividuntur sub illa: cujus dicti intentionem esse ajunt, loqui de Mensura densitatis corporis sive trunci, non de Extensione ramorum ejus. Dicunt enim; Non finis ramorum, sed Korato Trabis vel Trunci ipsius iter, est quingentorum annorum; (nam per Korato intelligitur Crassities ligni stantis in Terra). Atque hæc Metaphora vel Allegoria quoque ab ipsis ad perfectionem rei alicujus explicationem allata est.

Porro, sicco pede neque hoc prætereundum, quod ajunt; Arborem vitæ non revelavit Deus ulli homini, neque etiam unquam revelabit; id quod est verissimum. Natura enim hujus Universitatis hoc exigit.

Observatione tuâ dignum hoc loco & illud est, quod dicunt; Vajikkach Et accepit Deus ipsum Adamum, h.e. ascendere fecit eum, & Gen. 2.15. collocavit eum vajannichehu, h.e. & reliquit eum. Non dicitur (inquiunt) hoc de exaltatione locali, vel de collocatione aut relatione in loco, sed de exaltatione gradus, h.e. de nobilitate & præstantia Existentiæ ipsius inter Entia generabilia & corruptibilia, & de constanti ipsius in re una perseveratione.

Sed monendus quoque es de multiplici Sapientia, quæ latet in Impositione Nominum Filiorum Adami, Kajini & Abelis; de eo, quod Kajin fuerit is, qui interfecit Abelem in agro, quod ambo simul perierint, licet Kajin intersector diutius vitæ hujus luce usus fuerit, & quod existentia non firmata fuerit nisi Scherho, (h.e. quod Genes. 4. 25. *ut tantum superstes remanserit*), de quo dicitur; *Quia Schath posuit mihi DEUS semen aliud.*

*Vocabula non sunt naturalia.*

Necessarium etiam est, ut intelligas & consideres id, quod dicitur: *Et vocavit Adam Nomina*, &c. Docet enim hoc nos, quod Linguae seu Vocabula non sint naturalia, ut quidam arbitrantur, sed ex instituto & deliberatione.

Tandem etiam animadversione dignæ sunt quatuor voces, quæ occurrunt in comparatione seu relatione Cælorum ad DEUM Opt. Max., quæ sunt, *Bara, Asah, Kanah, El*: ut; *Bara Creavit DEUS Cælos & Terram.* Item: *In die aloch quo fecit Dominus DEUS Cælum & Terram.* Item: *Kone Possidens Cælum & Terram.* Item: *El DEUS fortis Mundi.* Item: *Elohe DEUS Cæli velohe & DEUS Terra.* Quod autem dicitur: *Quam, vel qua kon anta stabilivisti, firmasti.* Item: *Dextera mea tippecha paluavi Cælos.* Item: *Noteh Inclinans Cælos;* illa omnia comprehenduntur sub verbo *Asah* Faciendi, sicut dicitur; *Asam Fecit ea*: at verbum *Jatzar* Formare, Fingere, nulpiam occurrat, quia videtur tantum significare, *Facere formam & figuram, vel aliud aliquod accidens*; nam Forma & Figura (externa sc.) quoque sunt accidentia: unde dicitur, Jozer *Qui format lucem*, quia Lux est accidens. Et, Jozer *Qui format montes*, h.e. qui delineat eos. Item, Vajizer *Et formavit DOMINUS DEUS*, &c. De hac proinde Rerum universitate, quatenus Cælum & Terram comprehendit, usurpavit primò verbum *Bara*, quod significat rem aliquam ex privatione existere facere: deinde verbum *Asah*, propter formas specificas, quæ Entibus daræ sunt, h.e. propter naturas ipsorum: tertio verbum *Kanah*, propter dominium, quod DEUS in creaturas habet, sicut Dominus in servos suos. Hinc vocatur DEUS, *Dominus totius Terra*; Dominus enim sine possessione esse nequit. Atque hoc verbum non nihil videtur adstruere Antiquitatem materiæ alicujus, idè præter illud adhibentur quoq; reliqua duo verba, *Bara & Asah.* Sed, *Elohim Deus Cæli & Terra*, & *El DEUS fortis Mundi*, docent de notione perfectionis DEI, & perfectionis Cælorum, quod ipse sit *Elohim*, h.e. *Judex*, & illi, *Judicati*, *Qui judicantur*: non autem de dominio DEI in Cælos. Hoc enim innuitur verbo *Kanah*. Proinde significant hæc portiones DEI in existentia sua,

Genes. 1. 1.

Ibid. 2. 4.

Gen. 14. 19.

Genes. 21. 33.

Genes. 24. 3.

Psalm. 8. 4.

Jes. 48. 13.

Psalm. 104. 2.

Jes. 48. 5.

Jes. 45. 7.

Amos 4. 13.

Genes. 2. 7.

De Creatione

Mundi usurpā-

tur tria hæc ver-

ba:

1. *Bara.*

2. *Asah.*

3. *Kanah.*

sua, & portionem illorum (*Cælorum*), quòd videlicet Ipse sit Deus, non illi, nimirum Cæli.

Atque hæc, cum iis, quæ partim jam dicta sunt, partim adhuc dicuntur, pro ratione instituti nostri, & captu Lectoris, sufficiunt.

## CAP. XXXI.

*De caussa præcepti de observatione  
Sabbathi.*

**F**ORTÈ jam nota tibi est caussa, propter quam Deus Sabbathi legem observare, ac violationem ejus lapidatione puniri præcepit; quemadmodum & Prophetarum Princeps sancivit, ut qui illud transgressus fuerit, morte mulctetur. Atque illa Lex est tertia, quæ nobis Existentiæ DEI probat, & Dualitatem ab ipso remouet. Nam prohibitio illa, Ne colamus alium præter ipsum, utique non aliò tendit, quàm ad confirmandam Unitatem.

Nōli etiam ex verbis meis, quòd Leges vel sententiæ remanere & conservari non possint, nisi cum illis conjuncta sint opera & exercitia, quibus in Vulgo conseruentur, propagentur, & in æternum continuentur.

Hanc ob caussam præceptum nobis est in Lege, Diem hunc magnificare, ut fundamentum hoc Religionis de Novitate Mundi conservaretur & omnibus notum esset, cum homines omnes certo die quiescunt, cur hoc fiat, & interrogati de caussa, respondere possint; *Quia sex diebus fecit Deus, &c.* *Cur dies Sabbathi celebratur?*

Verùm duæ occurrunt causæ diversæ in hoc præcepto, propter duo videlicet causata, h.e. propter duos diversos effectus. Nam cum primò nobis Moses causam celebrationis hujus explicat in decem Præceptorum promulgatione, sic ait; *Quia sex diebus fecit Deus, &c.* *Exod. 10. 10.*  
In repetitione verò illorum in Deuteronomio ita ait; *Ut recorderis,* *Deut. 5. 15.*  
*quòd servus fuisti in Aegypto, &c. Idcirco præcepit tibi DOMINUS DEUS tuus, &c.*

Causatum, cujus in primo loco fit mentio, est Gloria & Magnificentia Diei illius, sicut dicitur; *Idcirco benedixit DOMINUS diei Sabbathi, & sanctificavit illum.* Hoc causatum sequitur causam illam, *Quia sex diebus* &c. Verùm quòd nobis (*Israëlitis*) præceptum de Sabbatho dedit, & observationem ejus præcepit, causatum alterum est, *Quòd servus fuimus in Aegypto*, quo tempore non secundum voluntatem nostram, neque quando nobis pla-

cebat, serviebamus, neque quiescere vel Sabbathum agere poteramus: (h.e. quo nec servire, nec quiescere secundum voluntatem nostram poteramus.) Ideoque speciatim quoque nobis præcepit in Lege Cessationem & Requiem, ad duas istas rationes conjungendas; Fidem nempe de Novitate Mundi, quæ in principio statim cogitationis & levi faciliq; consideratione nos erudit de Existentia DEI, deinde Memoriam beneficiorum DEI in nos collatorum, dum nobis requiem largitus est à molestia intolerabilium illorum Ægypti onerum, et si hoc Beneficium comprehenderet tum Sententiam illam veram speculativam, tum Ordinationem rei corporalis, vel ad corpus pertinentis.

## CAP. XXXII.

*In quo tres recensentur sententia de  
Prophetia.*

**S**ENTENTIARUM & opinionum, quas de Prophetia habent Homines, eadem est ratio, quæ opinionum ipsorum de Antiquitate & Novitate Mundi. Volo dicere; Quemadmodum illorum, qui Existentiam DEI credunt & affirmant, tres sunt de Antiquitate & Novitate Mundi sententiæ, sicuti ostendimus; sic tres quoque sunt sententiæ de Prophetia. Non enim curo hic sententiam Epicuri: nam cum non crediderit esse DEUM, multò minùs credidit esse Prophetiam. Eorum tantum sententias commemorare propositum mihi est, qui DEUM & Prophetiam esse pro confesso habent.

*Prima sententia  
de Prophetia,  
qua est Vulgi.*

*Prima sententia* est Vulgi & imperitæ multitudinis, (qui Prophetiam esse credunt), & quorundam ex Viris Legis nostræ, (qui illam quoque credunt), hæc videlicet; Quod DEUS Opt. Max. aliquem ex Homines, qui ipsi placuerit, eligat, eumque mittat, nullâ habitâ ratione, nulloque respectu, an sit sapiens & eruditus, an verò indotus & imperitus, senex, an juvenis! Tantum hoc requirunt, ut sit vir probus, bonus, honestus. Huc usq; enim nemo adhuc fuit, qui dicere voluerit, DEUM Majestatem suam Divinam habitare facere in Viro malo; sed tum demum, si in melius ipsum prius converterit.

*Secunda sententia  
Philosophorum.*

*Secunda sententia*, est sententia Philosophorum, qui dicunt; Prophetiam esse Perfectionem quandam in Natura Hominis. Hanc autem perfectionem, dicunt, neminem adipisci, nisi studio, industriâ & diligentia, quæ id, quod in potentia speciei inest, in actum educat; nisi

nisi impediatur vel ab impedimento aliquo interno, proveniente à temperamento Hominis, vel à caussa aliqua externa, pro more cuiuslibet perfectionis speciei alicui competentis. Nam perfectio illa non est in unoquoque Individuo illius speciei in summo suo gradu, sed in aliquibus tantum, & hoc quidem necessariò. Et si perfectio illa ita comparata sit, ut ad illius adeptionem necessariò requiratur Eductor, talem quoque sine dubio habebit. Secundum hanc itaq; sententiam non potest prophetare stultus & indoctus; neque conringere potest, ut Homo vesperi cubitum se conferat non-Propheeta, ac manè Propheta surgat, quemadmodum Homo, qui inopinatò aliquid invenit. Verum hoc pacto juxta illos se res habet: Quòd Homo necessariò prophetet, si fuerit Vir excellens, in intellectualibus & moribus suis perfectus, si facultatem suam imaginatricem ad perfectionem aliquam possibilem direxerit, ac denique se-ipsam eo modo, quem à nobis audies, præparaverit: idque hanc ob causam, quòd hæc perfectio nostræ insit Naturæ. Proinde juxta hanc opinionem fieri non potest, si quis idoneus sit ad Prophetiam, &, prout decet, se ad illam præparaverit, ut actu ipso non prophetet; quemadmodum fieri non potest, ut, qui bonæ est complexionis, & bonos ac salubres cibos comedit, ex illis cibis non bonum sanguinem generet, vel tale quid.

*Tertia sententia*, est sententia Legis nostræ. Fundamentum enim *Tertia sententia,*  
Legis nostræ planè cum sententia Philosophorum convenit, unicà *Legis sc.*  
tantum re exceptâ; hac videlicet, quòd credimus, fieri posse, ut quis sit idoneus ad Prophetiam, & se ad illam decenter præparet, & tamen non prophetet, propter voluntatem & beneplacitum Divinum. Meo itaque iudicio res hic se habet sicut in Miraculis, & illorum rationem sequitur. Ratio enim naturalis postulat, ut, qui à natura sua idoneus est ad Prophetiam, & cum ætate quoque diligenter informatur & eruditur, prophetare deberet: qui autem id non potest facere, similis est ei, qui nequit movere manum suam, sicut Ieroboam; aut qui non potest videre, sicut Castra Regis Syriæ in Historia Elisæi. Fundamentum namque hujus rei, & præcipuum, quod nos quoque requirimus, est Dispositio vel Dexteritas naturalis, & Perfectio tam in moribus & qualitatibus externis, quàm in Rationalibus & intellectualibus. Hoc quippe est, quòd Rabbini nostri innuere volunt, quando ajunt; *Non habitat Prophecia nisi super homine sapiente, potente, & divite*; quemadmodum in Commentariis nostris Talmudicis, & in magno nostro opere *Jad* exposuimus; ubi simul

indicavimus, quàm diligenter se Filii Prophetarum in dispositione illa exercuerint. Veruntamen quòd illi, qui se ita exercuerunt & præpararunt, sæpè impediti & prohibiti fuerint, ne prophetare possent, videre est in Baruch Filio Nerix, qui sequutus quidem fuit Prophetam Jeremiam, qui diligenter eum exercuit & instituit, adèd ut speraret quoq; se prophetaturum, sed tamen prohibitus fuit, sicut colligere est ex eo, quod ipse ait; *Laboravi in gemitu meo, & requiem non inveni*: & ex eo, quod ei dictum est per Jeremiam Prophetam; *Sic dixit DOMINUS, ita dices ad eum: Tu queris tibi grandia, ne quæras: quod vel ita exponi posset, Prophetiam pro captu Baruchi nimis fuisse magnam & arduam, (h.e. vel idèd dicere possemus, Baruchum non prophetare potuisse, quòd se antea non satis exercuerit in studiis & scientiis, vel quòd dispositionem naturalem temperamenti perfectam non habuerit): vel secundum illud; Etiam Prophetæ ejus non inveniunt Visionem à DOMINO, quia sc. fuerunt in captivitate, (h.e. vel dicere possemus, Baruchum propter causam externam, ut tristitiam, mœrorem, vel aliam aliquam, impeditum fuisse, ne prophetaret), sicut alibi explicabimus: verum plurimam Librorum sacrorum, quàm Sapientum nostrorum dicta extant, quæ hoc nobis fundamentum monstrant; quòd Deus ad prophetandum excitet eum, quem ipse vult, & quando vult; si modò perfectus fuerit & excellat. Fatuos enim, & hujus Terræ filios quod attinget, non magis, nostro judicio, prophetare possunt, quàm asinus aut rana. Hoc proinde fundamentum nostrum est, Quòd nemo sine studio & perfectione prophetare possit, & quòd possibilitas ab illis dependeat.*

Jerem. 1.5. Ne itaque te decipiat illud; *Prinquàm formarem te in utero, novi te; & antequàm exires de vulva, sanctificavi te.* Nam hoc in omni Prophetia, sicuti dicemus, requiritur, ut dispositionem habeat naturalem, inde à conceptione & nativitate sua.

Hebrai vocant  
Pueros etiam eos,  
qui provecta sunt  
ætate.

Gen. 41.22.  
Jof. 33.11.

Quod illud attinet; *Quia puer ego sum*, nōsti Hebræorum consuetudinem. Ita enim appellant Josephum justum Puerum, cum jam triginta esset annorum. Sic Josua, in historia de Vitulo, appellatur Puer, cum propè sexaginta annos natus esset, *Et minister ejus Josua filius Nun puer.* Nam Moses eo tempore octoginta & unius annorum erat, & ætas ejus tota centum & viginti annorum: Josua autem post mortem ejus vixit quadraginta annos, & ætas ipsius fuit centum & decem annorum. Unde liquet, Josuam cum temporis ad minimum fuisse quinquaginta septem annorum; & tamen vocat eum Puerum.

Non est etiam quòd te seducant, quæ in Promissionibus illis legun-

guntur: *Effundam Spiritum meum super omnem carnem; Filii vestri & Filiae vestrae prophetabunt.* Hoc enim ibidem explicat, & qualisnam prophetia futura sit, indicat, dum ait; *Senes vestri somnia somniant, Juvenes vestri Visiones videbunt.* Nam *Prophetae* vocantur tam illi, qui per divinationes & auguria aliquid indicant & prædicunt, quàm qui legitimo modo id faciunt. Idcirco appellantur *Prophetae Baali*, & *Prophetae haascherah* h. e. *lucorum*, quoque *Prophetae*. Hinc ait Deus; *Cum surrexerit in medio tui Propheta, aut somnians somnium.* Sanè in Statione montis Sinai, quamvis omnes Ignem magnum videbant, & voces tremendas ac horrendas miraculosè audiebant, tamen non pervenit ad gradum Prophetiæ, nisi qui dignus & idoneus fuerat. De gradibus autem distinctis (*Prophetia*) inquit Deus; *Ascende ad DOMINUM* -

*NUM Tu, & Aharon, Nadabb & Abihu;* ubi Moses in supremo gradu collocatur, sicut dicitur, *Et appropinquabit Moses solus ad DOMINUM*, &c.; post vel infra ipsum collocatur Aharon; infra Aharonem, Nadabb & Abihu; infra hos, septuaginta Senes; infra istos, reliqui Homines secundum perfectiones suas. Hoc est, quod Sapientes nostri quoque indigere voluerunt, dicendo; *Moses est paries per se, Aharon paries per se.* Sed quia mentio hic à nobis facta est Stationis in monte Sinai, exponemus in sequenti capite, quæ ex locis Scripturæ & verbis Sapientum nostrorum, de illius forma & ratione hauriri & explicari possunt.

### CAP. XXXIII.

#### *De Statione montis SINAI.*

**V**IDETUR mihi ex iis, quæ de hac Statione in monte Sinai reperitur, colligi posse, non omnia, quæ ad Mosen pervenerant, ad totum populum Israëlitis pervenisse; sed sermonem à Mose solo perceptum esse. Hinc concepta est enarratio decem Præceptorum in numero singulari abstracto. Moses autem piæ memoriæ descendit ad radices montis, & indicavit Populo, quod audivit. Sic enim dicitur in Lege; *Ego stabam inter DOMINUM, & inter vos.* Item: *Moses loquebatur, & DOMINUS respondebat ei in voce.* Ita scribunt disertè in *Mechilta*, quòd singula verba, prout audivit, ipsis retulerit. Quod verò etiam scriptum est in Lege, *Ut audiat Populus, dum loquar tecum, &c.* id docet nos, quòd sermo habitus fuerit solum ad Mosen, & quòd illi (*Israelita*) vocem quidem illam robustam audiverint, sed non distinctionem verborum. De auditu enim Vocis illius

Joël. 1. 28.  
Etiam falsi Prophetæ vocantur Prophetæ.

Deut. 13. 1.

Exod. 24. 1.

Ibid. v. 2.

Moses solus audivit sermonem Dei in monte Sinai.

Cur decem Præcepta in numero singulari concepta sint?

Deut. 5. 5.

Exod. 19. 19.

Exod. 19. 9.

Populus vocem vel sonum tantum audivit.

lius



Deut. 5. 23.  
Ibid. 4. 12.

lius dicitur; *Quando audivissetis vocem.* Item: *Sonum verborum vos audiebatis.* Non dicitur; *Verba vos audistis.* Atque ita quicquid de auditu Verborum quoque dicitur, de Vocis sive Soni auditu est intelligendum. Moyses verò verba distinctè audivit, & illa ipsis enarravit, prout tùm ex Legis, tùm ex Sapientum nostrorum verbis liquet.

Reperimus tamen apud illos multis in locis in Medraschoth & Exod. 20. 2. 3. Talmude, quòd dicant: *Verba hæc, Ego sum DOMINUS Deus tuus: Item; Non habebis Deos alienos, &c. audiverunt ex ore DEI omnipo-*

*Præceptum primum & secundum eodem modo percepta fuerunt à Populo sicut à Moysè, &c.* quo dicto indicare voluerunt, quòd ista verba (*h.e. Præceptum primum & secundum*) eodem modo ad Israëlitas pervenerint, & ab ipsis percepta fuerint, quo percepta fuerunt à Moysè Doctore nostriropiæ memoriæ; & quòd Moyses ea non detulerit ad ipsos, idque hanc ob causam, quia duo ista Religionis capita, Existencia videlicet DEI, & Unitas ejusdem, intellectu humano apprehendi queunt; & quia, quicquid per demonstrationem scitur, illius in Prophetis & quovis alio, qui id novit, eadem est ratio, neque ulla hie est prærogativa; quia denique duo ista dicta fundamenta & capita non ex parte Prophetiæ solum sciuntur & cognoscuntur, sicut dicitur in

Deut. 4. 35.

Lege, *Tibi ostensum est, ut scires, quòd DOMINUS est DEUS, & non est ultra præter eum:* reliqua verò Præcepta non sint intelligibilia, sed sint ejusmodi, quæ per singularem revelationem & cabbalam addiscere oportet. Quomocunque se hoc habeat, ex eo, quod colligi potest ex iis, quæ tùm in Scriptura, tùm in verbis Sapientum nostrorum inveniuntur de hoc negotio, est & hoc, quòd totus populus Israëliticus in illa Statione non nisi unam vocem unâ vice audiverint, hoc videlicet dictum, quod Moyses & totus Israël apprehendit, *Ego sum, &c.* Et, *Non habebis Deos alios:* & quòd Moyses illud postea ipsos, cum loquebatur, litteris distinctis & audibilibus audire fecerit. Scribunt hoc expressè Rabbini nostri, & confirmant ex eo, quod dicitur; *Unâ*

Psal. 62. 12.

(*sc. vice*) *loquutus est DEUS duo, hoc audivimus.* Sic apertè ajunt in Medrasch; *Vides, quòd non audiverint aliud dictum (præceptum) à DEO*

Deut. 5. 22.

*Op. Max.* Ita scriptum est in Lege; *Verba hæc loquutus est DOMINUS voce magnâ, & non addidit, &c.* Primum, quod post hanc auditionem Vocis commemoratur, est Timor & Pavor ille magnus, quo propter negotium istud consternati fuerunt; illa item ipsorum verba, quæ adducit: ut, *Et dixisti, En ostendit nobis DOMINUS DEUS noster, &c. Nunc igitur quare moriemur?* &c. *Accede tu, &c.* Venit itaque secundò præstantissimus ille inter omnes natos (*ad DEUM sc.*), & ordine reliqua quoque verba (*h.e. præcepta*) accepit, ac ad pedem montis de-

Ibid. 7. 24. 25. 27.

scen-

scendit, illaque populo recitavit in Visione illa magna, ubi viderunt Ignem, & audiverunt Voces, quæ fuerunt voces & fulgura cum tonitruis, & vox magnæ buccinæ. Quotiescunque enim dicitur, quodd audiverint *Voces* in numero plurali, ut, *Omni populus videbat voces, &c.* Exod. 10. 18. de Voce buccinæ, tonitruui, & similibus est intelligendum. Nam Vocem DOMINI creatam, quæ sermo ipsius perceptus fuit, non nisi unicâ vice audiverunt, sicut Lex ait, & Sapientes nostri in loco autè citato docent. Vox autem illa, fuit ea, ad cuius auditum exivit anima ipsorum, (h. e. *desolationem animi passi sunt*), & quæ duo priora præcepta apprehenderunt. Hic tamen scias, non omnes æqualiter & in eodem gradu vocem illam apprehendisse cum Mose Doctore nostro p. m. Atque de hoc secreto ostendam tibi hic, quodd per Traditionem in Gente nostra antiquitus jam traditum & Sapientibus notum fuerit. Onkelos enim ubique, ubi legitur, *Et loquutus est DOMINUS ad Moysen, dicendo*; transtulit, *Et loquutus est DOMINUS cum Moysa, dicendo*; Item, quando dicitur, *Et loquutus est DEUS omnia ista verba*; eodem modo, *Et loquutus est DEUS omnia verba ista*. Verum Israëlitarum ad Moysen verba, *Et non loquatur nobiscum DEUS*, ita transfert, *Et non ser-* Exod. 10. 19. *mo fiat nobiscum*, vel, *ad nos à DOMINO*. Ex quo vides, illum eodem modo distinxisse, sicut & nos. Nôsti autem, Onkelum res istas arduas & sublimes, quas explicuit, accepisse à R. Eleasare & R. Jehosua, qui fuerunt sapientissimi inter Israëlitas. *Onkelos accepit  
suas expositiones  
à R. Eleasare &  
R. Jehosua.*

Tu ergo ista probè observa & retine, quia ultra hanc mensuram nemo potest intrare in gravissimum hoc negotium Stationis in monte Sinai. Est enim ex arcanis Legis, ejusque veritas & modus nobis sunt occulta. Nam simile quid neque unquam fuit, neque futurum est.

# CAP. XXXIV.

*Quodd in dicto Moysi, Ecce, ego mitto Angelum meum, &c. per ANGELUM intelligatur PROPHETA.*

QUOD in Lege scriptum est; *Ecce, ego mitto Angelum meum* Exod. 13. 20. *ante te, &c.* illius sensus elegantissimè nobis declaratur in Repetitione Legis (h. e. in Deuteronomio), ubi DEUS in narratione Stationis illius in monte Sinai ita ad Moysen ait; *Prophetam suscitabo illum* Deut. 18. 18. *de medio fratrum suorum, sicut tu, &c.* Cujus rei probatio inde petita est,

quòd de illo Angelo dicatur, *Cave à facie ejus, & obtempera voci ejus, &c.* Istud enim præceptum sine dubio spectat ad promiscuam hominum multitudinem & communem plebem. His autem non apparent Angeli, neque vel mandata, vel admonitiones ipsis dant, ut moneri necesse habeant, ne contra eos rebellent. Quocirca sensus illius loci est; Se Prophetam ipsis excitaturum, cui Angelus sit appariturus, loquuturus & mandata daturus: ac proinde hortatur nos, ne Angelo illi rebelles fiamus, cujus verba & jussa Propheta ille ad nos sit per la-  
 Deut. 18. 15. turus; sicut in Deuteronomio explicatur, quando dicitur, *Ilum au-*  
 Ibid. v. 19. *dictis.* Item, *Et erit, qui non auscultabit verbum meum, quæ loquetur in Nomine*  
 Exod. 23. 21. *meo, &c.* Item, (quod clarissimum est). *Quia Nomen meum in medio ejus.*

Hæc omnia huc tendunt, ac perinde se habent, ac si dixisset; Scia-  
 tis, quòd eximia ista Visio, quam vidistis in monte Sinai, non perpe-  
 tuò sit apud vos duratura, & quòd illius similis nunquam in æternum futura sit; quòd etiam non in sempiternum Ignis aut Nubes  
 supra Tabernaculum sint futura, sicuti nunc sunt: verùm Angelus  
 ille, quem ad Prophetam vestrum missurus sum, is sub potestatem  
 vestram Urbes ac Civitates rediget, pacem & quietem in Terra vo-  
 bis efficiet, quæ denique vobis vel facienda, vel intermittenda erunt,  
 ostendet. Atq; ita hoc dicto fundamentum illud, quod tam frequen-  
 ter urgere soleo, confirmatur; Quòd omnibus Prophetis, excepto  
 Mose, Prophetia per ministerium Angeli contingat.

## CAP. XXXV.

*Quòd Prophetia & Miracula Mosis differant  
 à Prophetia & Miraculis reliquorum  
 Prophetarum.*

QUATUOR illas differentias, quibus Prophetia Mosis dif-  
 fert à Prophetia reliquorum Prophetarum, toti Mundo jam  
 exposui, revelavi, & demonstravi, cum in *Commentario meo in Mischna*,  
 cum in *Deuteronomio nostro*, sive *Syntagmate Doctrina Talmudica*,  
 (in libro Jad), unde non necesse est, ut illa hic reperantur, præsertim  
 etiam cum non sint de Argumento hujus Libri. Sciendum enim  
 tibi, quòd ea, quæ de Prophetia tracto in hoc Libro, spectent solùm  
 ad explicandam rationem & formam Prophetiæ reliquorum Pro-  
 phetarum, qui vel ante, vel post Mosen fuerunt; de Prophetia verò  
 Mosis ne verbum quidem vel directè, vel obliquè sum dicturus in  
 istis.

istis capitibus. Nam, meo iudicio, vox PROPHETÆ analogicè vel ambiguè dicitur de Mose & de aliis. Et sic eadem ratio est Miraculorum ipsius & Miraculorum aliorum Prophetarum; Miracula enim ipsius non sunt de genere Miraculorum reliquorum Prophetarum. Quodd Prophetia ejus sit diversa, & distincta à Prophetia omnium, qui antecesserunt ipsum, id apparet ex eo, quod dicitur; *Et apparui Abrahamo, &c. Sed Nomen meum non notum feci eis.* Nam hinc apparet, Apprehensionem ipsius non fuisse eandem quæ fuit Patriarchatum, sed excellentiorem, ac proinde multò magis præstantiorem quoque Apprehensione aliorum, qui præcesserunt. Quodd Prophetia ipsius fuerit nobilior quàm Prophetia illorum, qui sequuti sunt ipsum, id ex eo colligitur, quod dicitur, *Et non surget amplius Propheta in Israël sicut Moses, quem cogniturus sit DOMINUS de facie ad faciem.* Hinc enim manifestè colligitur, quodd Apprehensio ejus fuerit distincta ab Apprehensione omnium eorum, qui sequuti sunt ipsum in Israël, qui sunt Regnum sacerdotale, & Gens sancta, inter quos est DOMINUS: & per consequens etiam multò excellentior apprehensione Prophetarum sive Vatum Gentilium. Quodd verò etiam magna differentia sit inter Miracula ipsius & Miracula aliorum Prophetarum, inde pater, quodd Miracula reliquorum Prophetarum, quæ vel ipsi fecerunt, vel ipsis facta fuerunt, tantùm singularibus quibusdam Hominibus nota, ac coram paucis perpetrata fuerint, ut Signa Eliæ & Elisæi. An non enim vides, quodd Rex Israël illa admiratus fuerit, & à Gehasi petierit, ut illa sibi indicaret, sicut ait; *Narra mihi obsecro omnia magnalia, quæ fecit Elisa:* cui respondit Gehasi; *Domine mi Rex, hac est mulier, & hic est filius ejus, quem vivere fecit Elisa.* Eadem est ratio Miraculorum Prophetarum reliquorum, Mose excepto. Propterea indicat quoque Lex de ipso, quodd in sæculum non surrecturus sit Propheta, qui tam liberè in oculis amicorum & inimicorum, assentientium & dissentientium, Miracula sit patraturus, sicut ipse fecit, prout dicitur; *Et non surget amplius Propheta in Israël sicut Moses, in omnibus signis & portentiis, ad quæ facienda in terra Aegypti, Pharaoni, & servis, & universa Terra ejus, miserat eum DOMINUS. Et in omni manu forti, & in omni terrore magno quæ omnia fecit Moses in oculis totius Israël.* Quibus verbis duo comprehenduntur; primum, quodd nullus Propheta sit surrecturus, qui apprehensurus sit eo modo & eâ mensurâ, quâ Moses, & qui faciat secundum opera ejus: deinde, quodd Signa sive Miracula ipsius facta fuerint Pharaoni & omnibus servis ipsius, & universa Terra ejus, qui erant ab ipso dissidentes, &

*Prophetia Mosi est distincta à Prophetia aliorum Prophetarum antea ipsorum.*

Exod. 6. 3.

*Est etiam nobilior, quàm Prophetia Prophetarum, qui sequuti sunt ipsum.*

Deut. 34. 10.

Exod. 19. 6.

*Differentia miraculorum Mosi & reliquorum Prophetarum.*

2. Reg. 3. 4.

Deut. 34. 10. 11. 12.

adversarii ejus, & in oculis totius Israël, qui fuerunt amici & fautores ejus, sicut dicitur; *In oculis totius Israël*. Hoc autem de nullo alio ante ipsum, neq; etiam post eum reperitur, aut reperietur, quemadmodum sufficienter hoc anteà jam à nobis demonstratum est. Neque te debet hic seducere illud, quod in Historia Josuæ, Solem ad horas illas, vel  
 Jos. 10. 12. ad horas aliquot in cursu suo sistere vis, legitur; *Et dixit in oculis Israël:* non enim dicitur, *In oculis totius Israël*, sicuti de Mose. Sic coram paucis contigit, quod Elias fecit in monte Carmelis. Quodd dixi, ad  
 Ibid. v. 13. horas illas, (paullò antè in facto Josuæ), idèd feci, quia per *Kejom thanim* Sicut diem integrum, mihi videtur intelligi Dies maximus & longissimus, (*Thanim* enim idem est quod *Schalem* Perfectus), & idem esse ac si dixisset, quodd dies ille apud ipsos in Gibeone fuerit sicut dies magnus & longus in ætate.

Posteaquàm ergo nunc didicisti distinguere in intellectu tuo Prophetiam & Miracula Mosis, (quia juxta excellentiam Apprehensionis ejus comparata quoque est excellentia Operum illorum), & credis, quodd istum gradum secundum veritatem nequeamus apprehendere: audies nunc, quæ in sequentibus capitibus dicturus sum de Prophetia & gradibus Prophetarum omnibus post istum gradum (*Mosis*). Et hoc est, quod in præsentì capite volebamus.

## CAP. XXXVI.

## De Natura PROPHETIAE.

Quid sit Prophetia.

VERITAS & quidditas Prophetiæ nihil aliud est, quàm Influentia, à DEO Opt. Max., mediante Intellectu agente, super facultatem rationalem primò, deinde super facultatem imaginatricem influens.

Est summa hominis perfectio.

Atque hic est supremus gradus Hominis, & summa perfectio, quæ speciei illius potest competere; extrema item perfectio facultatis imaginatricis.

Non potest in singulis Individuis reperiri.

Ea autem ut in singulis Individuis reperiat, est impossibile; neque etiam ad eam per scientiarum Theoreticarum perfectionem, aut qualitatum sive morum bonitatem & præstantiam, licet illa in

Requiritur ad eam facultatis Imaginatricis perfectio.

summo gradu alicui insint, perveniri potest, nisi simul conjuncta sit summa facultatis Imaginatricis, inde ab ipsa hora nativitatis, perfectio. Istarum verò, ut nòsti, facultatum corporalium, inter quas Imaginativa quoque numeratur, perfectio non sequitur nisi ex optimo temperamento, optimà proportionem & mensurà, optimo denique humore membri, quod facultatis illius subjectum est, (h. e. Cerebri), & si

defe-

defectus aliquis hic reperitur, per regimen & diætam suppleri nequit. Nam si membri alicujus temperamentum malum sit in vel ab ipsa nativitate, cum summum, quod regimine effici potest, hoc est, ut ad sanitatem & integritatem aliqualem, non verò ad excellentissimam dispositionem reducat. Quòd si verò morbus fuerit in proportionem, vel in locationem, vel in substantiam, h. e. in materia, ex qua generatum est, cum nullum superest consilium & remedium. Sed ipsemet jam pridem nostri hæc omnia, neque quicquam prodest, ut illis diu immoremur.

Nostri quoque Operationes hujus facultatis Imaginatricis, Memoriam videlicet vel Recordationem rerum sensibus perceptarum, earum Compositionem & firmam Impressionem; quòd item maximam & nobilissimam suam operationem conficiat, quando sensus quiescunt & à suis functionibus sunt otiosi. Tum enim in illam influunt quædam Influentia pro ratione dispositionis subiecti. Et illa (*Influentia*) Somniū & Propheta non differtur. Somniū est unum de sexaginta (generibus sc., vel partibus) in Prophetia. Inter duo verò specie differentia nulla est proportio; nam non convenit, ut dicatur, Perfectio Hominis est talis vel talis, e. g. dupla, ad perfectionem Equi. Idem hoc inculcârunt in *Bereſchith rabbah*, quando dicunt, *Deciduum Prophetiæ est Somnium*; quæ est appositissima similitudo. Nam quemadmodum *Deciduum*, vel *Deciduum fructus*, fructus est per se & individuum ejus, nisi quòd ante perfectionem & maturitatem suam deciderit; ita quoque facultas Imaginatrix eadem est tempore Somni, quæ tempore Prophetiæ, nisi quòd imperfecta adhuc, & complementum suum non adepta sit. Verum quid diu relictis Legis nostræ testimoniis, ex Rabbiorum sententiis, ista tibi declaro? Quando Deus ait; *Si fuerit Propheta inter vos, ego Dominus bammareh in Visione me notum facio ipsi*, Bachalom in Somno loquor cum ipso, perspicue nobis naturam & quidditatem Prophetiæ indicat, docendo, quòd sit Perfectio, quæ venit vel per Chalom Somnium, vel per Mareh Visionem. Mareh (*Visio*) נִרְאָה Mareh Nomen est verbale, deductum à verbo Raah (*Vidit*), & significat, quòd ad facultatem Imaginatricem tanta perveniat Actionis perfectio, ut Homini res ita appareat ac videatur, ac si exterius sibi exhiberetur, eamque sensibus externis perciperet. In istis autem duabus partibus, Somno inquam & Visionem, continentur omnes Pro-

Imaginatio fortior est, cum animus quiescat.

Somniū & Propheta non differtur specie.

Somniū est veluti fructus deciduus & immaturus respectu Prophetiæ.

נִרְאָה Mareh Visio quid sit?

phetiæ gradus, sicuti explicabitur. Et notum est, in iis rebus, quas Homo, dum vigilat & sensibus suis utitur, tractat, versat, aut desiderat, laborare facultatem hanc quando Homo dormit, cum Intellectus effundit super ipsum (*Influentiam*) secundum dispositionem suam. Exemplis hæc declarare, vel prolixis verbis amplificare, superfluum est; quia res est lippis & conforibus nota, & similis iis rebus, quæ sensibus apprehenduntur, quas nullus sanâ mente prædictus in dubium vocare potest.

*Quomodo comparatus esse debeat, qui prophettare vult.*

His ita præmissis, dico; Si fuerit Homo, cujus cerebri substantia sit in decenti perfectione respectu materiæ, temperamenti, proportionis & locationis, & non prohibeant vel impediane eum alia ab alterius alicujus membri temperamento: si postea diligenter studeat & litteris incumbat, ut, quod potentiâ ei inest, in actum possit exire, & habeat intellectum humanum perfectum & consummatum, mores honestos & puros, avidusque sit sciendi secreta & causas Naturæ: si cogitationes ejus omnes semper tendant ad res laudabiles & honestas, si curæ ejus versentur circa Deum cognitionem & operum ejus considerationem, eorumque, quæ de illis credere oportet: si animus & cor ejus valedixerint omnibus brutalibus voluptatibus, cibi, potus, Veneris, & ante omnia sensui Tactûs, (de quo optime Aristoteles in Ethicis scribit, *quod nobis sit turpitudini & opprobrio*: nam reverâ res turpis est & dedecus; cum nobis competat tantum quâ Animalia sumus, sicut reliquæ bestię, & quia nihil humani habet, quod proprium sit Hominis: reliquæ enim voluptates sensuales, ut Odor, Auditus, Visus, licet & illæ sint corporales, accidunt tamen interdum, ut illæ Hominem oblectent, quatenus Homo est, sicut ostendit Aristoteles. Verum digressi sumus ab argumento & proposito nostro ad alia, quæ tamen monere necessarium fuit propter multos Viros sapientes & eruditos, quorum cogitationes sæpè circa voluptates & delectationes istius sensûs nimium quoque sunt occupatæ, & nihilominus mirantur, quæ fiat, quod non prophetent, si prophetia sit à dispositione naturali): si animus & cogitationes ejus sint liberæ ab omnibus vanis desideriis & affectibus, ut ambitione, libidine dominandi, Victoriæ, popularis auræ, gloriæ, honoris & potentiæ amore: si denique Homines omnes secundum suas differentias inzeatur, secundum quas sunt, vel ut jumenta (h. e. *animalia mansueta*), vel ut feræ bestię, quarum cogitatio si animum Hominis perfecti subit, non aliâ ratione id fit, quam quomodo vel illas possit effugere, ne damnum ab illis patiatur, vel utilitatem ali-

*Sensus Tactûs turpissimus est.*

*lib. 3. c. 10.*

quam



quam ab illis capere, à quibus utilitas sperari potest, siquidem ad suos usus illis opus habeat: si, inquam, Vir quidam ira comparatus fuerit, nullum dubium est, si facultas ejus Imaginatrix (quæ in summo gradu perfecta est, & Influentiam ab Intellectu secundum perfectionem suam speculativam accipit) laboraverit & in operatione fuerit, illum non nisi res Divinas & admirandas apprehensurum, nihil præter Deum & ejus Angelos visurum, nullius denique rei scientiam habiturum & curaturum, nisi earum, quæ veræ sunt, & quæ ad communem hominum spectant utilitatem.

Has autem tres perfectiones, quas hic complexi sumus, quod attinet; Perfectionem videlicet facultatis Rationalis in studendo: Perfectionem facultatis Imaginatricis in nativitate: & Perfectionem Morum seu Qualitatum, in puritate cogitationum ab omnibus oblectationibus corporalibus, & immunitate affectuum ab omni superbia & stulta ac pestilenti Gloriæ cupiditate; has, inquam, quod attinet, notum est, magnam eorum inter perfectos esse differentiam & præcellentiam. Et secundum illam differentiam distincti quoque sunt Prophetarum gradus.

Nôsti etiam, unamquamque Facultatem corporalem certo tempore defatigari, debilitari & corrumpi; & alio tempore florere ac vigere. Jam verò facultas ista Imaginativa sine dubio est corporalis. Ideoque invenies, illam in aliquibus Prophetis tempore luctûs, iræ, & similium accidentium, cessavisse. Hinc inquiunt, ut nôsti, Rabbinus nostri; *Prophetia non habitat neq. inter tristitiam, neq. inter pigritiam.* Ira Patriarchæ Jacobo toto luctûs sui tēpore nulla Prophetia oblata fuit; quia facultas ejus Imaginativa tū occupata fuerat circa amissionem Josephi. Sic Mosi Doctori nostro p.m. nulla obtingit Prophetia sicut prius, post murmurationem exploratorum, donec mortua fuit tota illa generatio deserti Virorum bellicosorum; propterea quòd lassus fuerit portandi & tolerandi illos ob crebras ipsorum murmuraciones, etiam si in ejus Prophetia nullum locum habuerit facultas Imaginatrix, sed Influentia tantum Intellectûs absque illius medio & subsidio; quemadmodum sæpius jam monuimus, illum non prophetasse sicut reliqui Prophetæ, id quod alibi fusiùs explicabitur; non enim pertinet ad scopum præsentis capituli. Sic etiam invenies, fuisse Prophetas nonnullos, qui ad tempus aliquod prophetarunt, à quibus postea propter superveniens accidens quoddam Prophetia recessit & interiit. Atque hæc essentialis & proxima causa est, cur Prophetia cesset tempore Persequutionis & Exilii; *Pigritia* inquam

*Facultas imaginatrix aliquando debilitatur, & cessat.*

*Tempore tristitia & luctûs cessat Prophetia*

*Cur tēpore persequutionū & exilii cesset Prophetia?*

& *Tristitia*, vel *Dolor*, qui invadit Hominem propter varias res ; imprimis verò, cum servus & mancipium esse cogitur Gentium prophanarum, impiarum, adulterarum, inter quas sententiæ veræ & orthodoxæ sunt sepultæ, & omnes brutales ac bestiales cupiditates regnant & dominantur, atque ira sui juris esse nequit. Hoc malum comminatus est nobis DEUS apud Prophetam, quando dixit, *Discurrant ad querendum Verbum DOMINI, sed non invenient.* Item, *Rex ejus & Principes ejus sunt inter Gentes ; non est Lex, & Propheta ejus non inveniunt Visionem à DOMINO.* Atque hæc vera & genuina causa est, propter quam etiam tempore Messia (\*urinam citò reveletur!) Prophetia iterum est ad nos reversura, sicut DEUS promisit.

Amos 8.11.

Thren. 1.9.

\* Loquitur more Judaico de Adventu Messia.

## CAP. XXXVII.

*De Influentia, quæ à DEO Opt. Max. in intellectum Hominis influit, & de diversis ejus gradibus.*

*De Influentia Divina.*

NECESSARIUM est, ut instruaris quoq; de natura Influentiæ illius Divinæ, quæ ad nos pertingit, quâ intelligimus, & quâ intellectus Hominis unius, intellectum alterius vincit & superat.

*Variis gradibus effunditur.*

Scito ergo, fieri posse, ut cuidam modicum admodum contingat, & tantum solum, quantum ei sufficit ad se-ipsam perfectum reddendum : fieri etiam posse, ut tanta mensura ad aliquem deveniat, quâ non solum ipse perfectus fiat, sed & alios perfectos reddere queat, sicuti in omnibus Entibus rem comparatam esse videmus ; quod videlicet eorum quædam talem perfectionem accipiant, quâ alios possunt quoque regere & gubernare ; alia verò non nisi talem, quâ sibi-ipsis regendis tantum sufficiunt.

*Unde Theorici oriuntur.*

Deinde scias ; si Influentia ista Intellectualis influat in facultatem Rationalem solum, nihilq; vel propter materiæ influentis paucitatem, vel propter facultatis Imaginatricis in nativitate imperfectionem, in facultatem Imaginatricem destillet, inde oriri *sectam*

*Unde Propheta.*

*Sapientum speculatorum seu Theoricorum.* Quando verò Influentia illa in utramque facultatem, Rationalem nempe & Imaginativam, easq; ab illarum creatione in summo gradu perfectas influit, exinde fit *secta Prophetarum.* Quando denique Influentia illa influit solum in facultatem Imaginatricem ; & in facultate Rationali, vel ex ipsa creatione, vel ex defectu institutionis & exercitationis, imperfectio aliqua

*Unde Polisci, JCII, Divinatores, Somniores, Incantatores, Praestigii magi.*

aliqua existit, exurgit inde *secta Politicorum, Jurisperitorum, Legislatorum, Divinatorum, Incantatorum, Somniatorum*, (de verbo, *Somnia vera habentium*), & *Præstigiatorum*, (de verbo, qui *res mirandas faciunt mirâ solertiâ & occultis artibus*), qui omnes licet Sapientes non sint, tamen ad tertium hoc genus referuntur.

Hic verò monendus es, ex tertio genere esse quosdam, quibus Phantasiæ, Somnia & Ecstases (de verbo, *Abreptiones mentû, sc. tempore vigilationû*), quales in Prophetiæ Visione ferè esse solent, ita mirabiles obveniunt, ut planè sibi persuadeant, se Prophetas esse, summo perè mirentur, quòd tales phantasias & imaginationes haberint, ac denique existiment, omnes scientias & facultates sibi absq; studio & labore inlusas esse! Et hinc in magnas confusiones incidunt in multis rebus theoricis non parvi momenti, eaque, quæ vera sunt, cum apparentibus & imaginariis, adeoque, quod dici solet, Cælum & Terram commiscunt. Omnia autem ista proveniunt ex nimia facultatis Imaginatricis fortitudine, & facultatis Rationalis imbecillitate, propter quam nihil in ipsa in actum exire potest. Præterea sciendum, in unaquaque trium dictarum sectarum magnam conspici differentiam, & unius præ altera præminentiam.

Insuper autem duæ priores in duas partes dividuntur, sicuti ostendimus. Influentia etenim, quæ ad illas pervenit, est vel in eo gradu & mensurâ, ut ad sui tantum subjecti perfectionem sufficiat; vel in eo, ut ultra id, quod ad sui subjecti perfectionem requiritur, habeat quoque abundanter ad perficiendos alios. De priori genere siue sectâ sunt *Sapientes*, quibus super Virtutem rationalem vel tantum influat, ut ipsos reddat curiosos ad quidvis cognoscendum, intelligendum, & sciendum; sed non moveantur ad docendum alios, vel ad libros conscribendos; vel tantum, ut illa mensura necessitiò illos permoveat ad alios quoque docendum, & libros conscribendos.

Simili ratione res habet in secunda secta. Nam potest illis vel talis Prophetia obtingere, quæ Prophetam solum perfectum reddat; vel talis, ut eâ moveatur ad Homines alios quoque vocandos, docendos, & perfectione suâ illuminandos. Ex quibus patet, si absque Influentia ista abundanti esset, nos nullas Artes vel Scientias in libris descriptas habituros, nec laboraturos fuisse Prophetas, Homines persuadere, ut veritatem addiscerent. Nam non componit Vir sapiens libros pro se, ut se-ipsam doceat id, quod antea jam intelligit. Sed natura Intellectûs hæc est, ut perpetuò effundat aliquid in alium, quod à recipiente porro derivetur in alium, donec tandem

perveniat ad aliquem, qui non potest Influentiam illam ulterius promovere, sed quā ipse tantum perficitur; sicut in aliquot libri hujus capitulis ostendimus. Natura autem hujus rei, sive mensuræ superabundantis Influentiæ hujus, quæ cogit quasi Hominem, etiam si cum periculo vitæ id faciendum sit, ut alios instruat & informet, sive recipiatur ab ipso, sive non recipiatur; sicut invenire est Prophetas, qui Homines reprehenderunt, donec interfecti ab ipsis fuerunt: ista inquam Influentia Divina mover, incitat, impellit eos, neque ullam quietem ipsis concedit, licet in extrema pericula conjiciantur. Hinc invenimus, quod Jeremias, cum contemptu & ignominia afficeretur à rebellibus & apostatis sui temporis, licet Prophetias suas obsignare & claudere, neque ulterius ad veritatem illos vocare voluerit, illud tamen facere non potuerit, sicut ipse ait:

Jerem. 10. 8. *Fuit Verbum DOMINI mihi in opprobrium & subannationem totā die, & dixi; Non recordabor illius, neque loquar ultra in Nomine ejus, & fuit in corde meo tanquam Ignis ardens & clausus in ossibus meis, & fatigatus fui ferendo, nec potui.* Sic ait Propheta alius: DOMINUS DEUS loquutus est,

qui non prophetabit?

## C A P. XXXIIIX.

### *De dono Fortitudinis sive Magnanimitatis, & Divinationis facultate in Pro- phetis, &c.*

*De fortitudine  
& magnanimitate.*

**N**ULLUS Homo est, qui non Fortitudine & Robore aliquo polleat. Nisi enim hoc esset, nunquam moveretur in cogitatione sua, ad id, quod nocere ei posset, repellendum. Atque ista Facultas inter Facultates animales, meo judicio, eodem modo se habet, sicut Facultas expultrix inter Facultates naturales. Differt autem hæc Fortitudo secundum magis & minus, sicut reliquæ Facultates. Invenies enim quosdam, qui Leonem fortitudine superant; & econtrā alios, qui præ mure fugam arripiunt: invenies, qui toti alicui exercitui se opponere ac resistere audent; & econtrā alios, qui à clamore mulieris reformidabunt & expavescent. Ejusmodi Fortitudo acquiritur, si præter dispositionem naturalem temperamenti in creatione, exercitio & usu inde à pueritia illam augeat, atque ita quod potentia ei inest, in actum educat; si verò exercitatio ista negligatur & omittatur, diminuitur & illa. Videre li-

*Quomodo  
quiritur.*

cer hanc differentiam in pueris, quorum unus alterum fortitudine longè antecellit.

Pari ratione reperitur in omnibus Hominibus *Divinandi Con-* *De facultate di-*  
*divinandi & con-*  
*jectandi.*  
*jectandi*, facultas, quæ & ipsa secundum magis & minus in eis variat, imprimis in iis rebus, quæ Homini magnoperè curæ sunt, & quas crebrò in cogitationibus suis volvit & revolvit: ita ut apud te-ipsam sæpe deprehendas, cum cogitas, hunc vel illum ita vel ita dicturum aut facturum, quoddam sic eveniar. Sic invenies quosdam, in quibus Imaginatio & Divinatio ita fortis & recta est, ut omnia, prout futura cogitarunt, eveniant, vel saltè magna pars. Causæ hujus rei, *Causa illius fa-*  
*cultatis.*  
 pro diversitate circumstantiarum, antecedentium sc., consequentium, & præsentium, sunt variæ. Has circumstantias sive principia Intellectus virtute facultatis Divinatricis pertransit, & ex iis sæpè brevissimo temporis spatio aliquid concludit & colligit, ut sine ullo tempore illud præstitisse videatur. Atque hac facultate quidam prædicunt futura, eaque gravissima.

Duas istas facultates, *Fortitudinis* sc. sive *Magnanimitatis* & *Divina-* *In Prophetis suis*  
*fortissima ha-*  
*facultas.*  
*tionis*, in Prophetis fortissimas & vehementissimas esse necesse est. Quando autem ipsis accedit Influentia Intellectus, supra modum roborantur; ita ut, quemadmodum nôsti, eò res pervenerit, ut quidam (*Virtute sc. Magnanimitatis & Fortitudinis*) nudo suo baculo potèti Regi prævaluerit, & totam Gentem inrepedè ex servitute ejus eripuerit; posteaquàm nempe dictum ei fuit, *Tecum ero*. Attamen diversi gradus hic reperiuntur, & discrepant secundum magis & minus: nullus ramen eà (*Fortitudine sc. & Magnanimitate*) prius carere potest. Sic dictum fuit Jeremiæ: *Ne timeas à facie illorum*, &c. *Ecce dedi te bo-* *Exod. 3. 12.*  
*diè in Urbem munitam*, &c. Sic dictum est ad Ezechielem: *Ne timeas* *Jer. 1. 17. 18.*  
*ab eis, & a verbis ipsorum*. Et ita reperies, quoddam in omnibus Prophetis ingens fuerit animi fortitudo & magnitudo. Per excellentiam aurem & præstantiam facultatis Divinandi subitò atque momento futura prædixerunt, in qua ramen & ipsa facultate magna diversitas reperitur. *Ezech. 1. 6.*

Præterea scito, quoddam veri Prophetæ tales sæpè habeant apprehensiones specularivas, quarum causas nemo potest ingenio & speculatione nudà assequi. Ita prædicunt futura quædam interdum, quæ Homo conjecturâ & divinatione solâ indicare nullo modo posset; quia illa Influentia, quæ in facultatem Imaginatricem influit, & eam ita perficit, ut per operationem ejus, quæ futura sunt, possit annuntiare, & ita apprehendere, ac si sensibus illa perciperet, illorumq;

medio ad facultatem Imaginatricem pervenissent; illa inquam Influentia perficit etiam facultatem Rationalem, ut per operationem ejus res quasdam veram existentiam habentes ita sciat & apprehendat, ac si illas per principia speculativa apprehenderet. Arque hæc est ipsissima veritas, quam credere debet, quicumque veritatis est amator & sectator; omnia enim ista de se invicem docent & testantur. Necessarium autem est, ut hoc magis sit in facultate Rationali & copiosius, (h.e. ut *Influentia illa sit excellentior in facultate Rationali, quam in Imaginatrice*): quia Influentia Intellectus agentis primò illam illuminat & in actum educit; & de facultate Rationali demùm pervenit ad facultatem Imaginatricem. Quomodo enim ab ipsa perfectione facultatis Imaginatricis provenire posset ista mensura, cum sit ejusmodi apprehensio, quæ nequaquam à sensibus ad illam pervenit? Neque etiam provenire potest tale quid à facultate Rationali, cum non sit scientia, quæ per certa principia, conclusiones, & rationes scitur & apprehenditur. Et hæc verissima est Prophetiæ ratio, & sententiarum illarum, quibus studium Propheticum appropriatur. *Vide suprà.* Conditionaliter autem & de *Prophetia veris* tantùm loquutus sum, ut nempe excipiam eos, qui de tertia secta sunt, qui nullæ Rationalia, neque Sapientiam habent, sed nudas tantùm Imaginationes & cogitationes. Nam ea, quæ tales Homines apprehendunt, nihil aliud sunt, quàm sententiæ, quas antea jam habuerunt, quarum signa & vestigia in Imaginatione ipsorum impressa remanserunt, cum reliquis, quæ sunt in facultate illorum Imaginatrice: & quum celsârunt Imaginationes multæ, manserunt vestigia sententiarum illarum, quæ ipsis postea res planè novæ & adventitiæ esse videntur: ut verbi gratiâ, Si cum Homine aliquo essent mille Individua animalium in domo, & omnia exirent, quæ in domo fuerunt, unico tantùm ex illis excepto, cum quo Homo ille remanens, existimaret, quoddam nunc demùm in ædes intraverit, cum tamen res nequaquam ita esset, sed ex illis foret, quæ nunquam exiverunt. Atque hic locus est ex iis, qui seducunt & in exitium trahunt multos: quor enim quæso hoc modo perierunt, qui se Sapientes putabant? Sic reperitur multi, qui confirmant sententias suas per somnia, quæ somniant, & existimant, se illam rem, quæ in somnio ipsis apparet, nunquam scivisse vel audivisse vigilantes. Propterea non debet Homo attendere ad eum, cujus facultas Rationalis non est perfecta, & qui non pervenit ad finem perfectionis speculativæ. Nam qui hanc perfectionem assequutus est, is quoque aliarum rerum scientiam mediante Influen-

Influentiâ Intellectûs Divini potest assequi, & in rei veritate Propheta est; sicut hoc à Mose declaratur, cùm inquit: *Et Propheta Cor sapientia: vult enim dicere, quòd Propheta in veritate sit Cor sapientia: Atq; hoc quoq; est ex illis, quod scire te oportet.* Psal. 90. 12.

## CAP. XXXIX.

*De præstantia, perfectione, facilitate, & perpetuitate Legis Moſis.*

**P**OSTEA QUAM quidditatem & veritatem Prophetiæ hætenus exposuimus, & declaravimus, quòd Prophetia Moſis Doctoris nostri ab omnium aliorum Prophetiis differat; dicemus nunc, quòd propter solam illam Apprehensionem ad Legem vocati simus: quia nempe vocationi illi, quâ Moſes nos vocavit, similis neque antecessit inde ab Adamo primo ad ipsum usque, neque etiam post ipsum apud ullum Prophetam sequuta est. Sic, fundamentum Legis nostræ est, quòd in æternum non sit finem habitura vel abolenda: ac propterea etiam ex sententiâ nostrâ, alia Lex nec unquam fuit, nec erit, præter unicam hanc Legem Moſis Doctoris nostri p.m. Probatur hoc inde, quia neque in Prophetis, neq; in Cabbala invenimus, quòd Propheta aliquis aut Patriarcha ante Moſen, quales fuerunt, Schem, Eber, Noach, Mathusalem, & Enoch, ad cæterum & congregationem aliquam hominum dixerit; *DEUS misit me ad vos, & præcepit mihi, ut vobis sic vel sic dicam; vel, monet vos, ne ita faciatis; aut, præcipit vobis, ut sic faciatis:* de hac inquam re neque in Lege, neque in Cabbala ullum testimonium reperimus; sed obrigit ipsis Prophetia eo modo, quem exposuimus. Cui autem copiose elargita fuit Influentia illa, veluti Abrahamo p.m., is congregavit Homines, & per modum doctrinæ, instructionis & informationis ad veritatem vocavit, quam apprehenderat. Ita docere solebat Abraham, & per demonstrationes speculativas ostendere, quòd Mundus habeat DEUM unum solùm, quòd Is creaverit omnia alia, quæ extra vel præter ipsum sunt, & quòd non sit serviendum figuris istiusmodi externis aut ulli creaturæ; & ad ista sermonibus blandis, suavisibus & jucundis, beneficiis denique Homines allexit & attraxit. Nunquam verò dixit; *DEUS misit me ad vos, præcepit mihi, aut, hortatus est me.* Sic cùm mandatum à DEO accepisset, ut ipse, & filii, & servi ejus circumciderentur, circumcidit eos; nequaquam verò Homines ad hoc voca-

*Lex Moſis æterna.*

*Ignoravit cæcus Judæus, Legem Moſis per Christum esse abolendam.*

*Ratio docendi Prophetarum ante Moſem.*

*Quomodo & quid docuerit Abraham.*



tione Prophetica vocavit. Nonne enim vides, quid Lex de eo dicitur? *Genes. 18. 19. cat; Quia novum: praterea precipiet filiu suu, &c.* Unde vides, quod per præcepta solitus fuerit omnia sua peragere. Hoc pacto vocarunt Homines Isaac, Jacob, Levi, Kehat, Amram. Sic dicunt Sapientes nostri de Prophetis, qui antecesserunt ipsum; *Domus iudicii Eberi, domus iudicii Merhusalemi, Schola Merhusalemi, omnes fuerunt Propheta. & docebant Homines instar Concionatorum, Doctorum, Praeceptorum; non verò, quodd dixerint, Et dixit DOMINUS ad me, Loquere ad N.* Sic comparatum fuit ante Moſen.

Moſen verò quod attinet, nōſti, quid ad ipsum dictum sit, quid dixerit ipse, & quid totus Populus de ipſo dixerit; *Hodie vidimus, quodd DEUS loquatur cum Homine, & vivat.*

*Quomodo Propheta post Moſen docuerint.*

Quod attinet Prophetas illos, qui fuerunt post Moſen, nōſti, quæ concionum ipſorum ratio fuerit, quodd videlicet corripuerint vel admonuerint Homines, eosque ad custodiendam Legem Moſis vocaverint, mala quævis comminando eam derelinquentibus, & bona omnia pollicendo juxta eam incedentibus.

Et sic credimus futurum esse in perpetuum, quemadmodum dicitur; *Non in Cælis est, ut dicas, &c.* Item; *Nobis & filiu nostru in seculum.* Neque aliter esse potest. Nam si res aliqua omnibus modis & gradibus in specie sua sit perfecta, impossibile est, ut in illa specie inveniatur alia, nisi à perfectione illa vel in excessu, vel in defectu peccās,

*Perſum Legu Moſu.*

*Deut. 4. 8.*

*Nullus est in Legibus Moſaice accessus.*

*Nullus etiam defectus.*

superfluum, vel aliquid deficiens. Atque ita res habet in Lege ista, sicut Aequalitas ejus (h.e. *justa & exacta ejus temperatio*) nobis indicatur, cum dicitur; *Statuta & judicia justa zaddikim*; nōſti enim, Zaddik *Justus* vel *Justum* sæpè idem valere quod *Aequale, Proportionale*. Quod verò hoc ita sit, inde apparet, quia tales continent cultus, in quibus nulla est defatigatio, nullusque excessus, sicut in cultu eorum, qui in montibus & locis desertis degunt, qui à carne, vino, & aliis rebus ad fragile corpus nostrum sustentandum necessariis abstinent, qui cultus Divini causâ hinc inde vagantur, & molestas peregrinationes suscipiunt, vel denique simile quippiam facere coguntur. Nullus etiam est in illis defectus, qui incitare posset Homines ad contemptum, vel ad sese in vitiis & flagitiis immergendum, ut quibusvis sceleribus fenestram quasi aperiat, atque ita hominem in moribus, virtutibus & speculationibus suis imperfectum relinquat, sicut Leges aliarum Gentium prophanarum. Verum, quando hoc in

In Libro de causis & rationibus præceptorum agemus, satis superq;  
æqualitas sive iustatemperatio & sapientia ejus elucebit. Hanc ob  
causam dicitur de ea, *Lex DOMINI est perfecta, convertens animam.* Psal. 19. 8.

Si quis existimet, illam esse laboriosam, molestam, & tædiosam, is in  
magno errore versatur, & rem non benè intelligit. Facilitatem au-  
tem & levitatem ejus apud perfectos postea sufficienter & verissimè  
sum demonstraturus. Propter hanc dicitur de ea, *Quid est, quod DO-* Deut. 10. 12.  
*MINUS DEUS tuus petit à te?* &c. Item, *An loquutus sum Israël?* Sed

hæc non nisi præstantiorum respectu dicta sunt, quibus meliori de  
limo finxit præcordia Titan. Quod enim profanos, iniquos, & vio-  
lentos Terræ filios attinet; illi nihil pejus, nihil pestilentius, nihil  
durius esse judicant, quàm judicem aliquem habere, qui vim & vio-  
lenciam eorum inhibeat & coërceat. Ita luxuriosis & voluptatibus  
deditis res videtur intolerabilis, si prohibeantur secūdum estranem  
cordis sui libertatem scortationi indulgere, & si pœnæ de scortatori-  
bus sumantur. Ita cuius defectu aliquo laboranti, onus Aetnæ gra-  
vius esse videtur prohibitio vitii illius, ad quod, pro morum suorum  
pravitate inclinar & propendet. Quocirca de Levitate vel Gravita-  
te Legis non est judicandum secundum cujusvis hominis mali, te-  
merarii, vitiosi; pessimis dediti affectus & concupiscentiam; verum  
secundum intellectum perfectissimi alicujus inter Homines, cujus  
similes, secundum Legem, omnes reliqui esse deberent. Deniq; hæc  
Lex sola est, quæ *DIVINA* vocatur; reliquæ verò Leges & Statuta  
provincialia, ut sunt Leges Græcorum, Consuetudines Zabæo-  
rum &c. mera sunt opera & inventa Hominum politicorum, non  
autem Prophetarum, sicut aliquotie j-m ostendi.

*Homines profa-  
ni, qui vitium de-  
dit sunt, odia  
habent Leges.*

# CAP. XL.

*Hominem esse animal politicum & civile, sed ta-  
men magnam inter Individua reperiri differen-  
tiam; ideoq; Legibus opus habere, quibus regan-  
tur & in terminis retineantur. Agitur etiam  
de differentia Legum humanarum  
& Legis divinæ.*

SUFFICIENTISSIMè demonstratum est hætenus, Ho- *Homo est ani-  
mal politicu &  
socialu.*  
minem naturâ esse animal politicum & civile, & naturâ socia-  
tem

tem amare & quærere: non sicut reliqua animantia, quæ tali societate non egent.

*Varietas inter Homines in moribus, &c.* Propter magnam autem varietatem compositionis istius speciei (quia, ut nōsti, ultimum est compositum) maxima quoque inter Individua ejus est differentia, ita ut nequeant vel duo inveniri Homines, qui eisdem moribus sint præditi; sicuti nec duo formæ externæ convenientes & æquales reperiri possunt.

*Causa illius varietatis.* Causa hujus diversitatis, est Temperamenti, Materiæ, & Accidentium, quæ Formam sequuntur, diversitas. Nam unaquæque Forma naturalis habet propria quædam Accidentia, quæ illam consequuntur, præter Accidentia illa, quæ Materiam comitantur. Talis autem & tanta in Individuis differentia in nullâ aliâ Animantium specie reperitur, sed uniuscujusque speciei Individua ferè conveniunt, Homine tantum excepto. In hujus enim speciei duo Individua tam discrepantia sæpè inveniuntur, ac si penitus è duabus essent speciebus. Ita invenies quendam tantâ crudelitate præditum, ut minimum quoque filiolorum suorum præ excandescentiâ mactaro non reformider; alium econtrà tantâ clementiâ affectum, ut propter vermiculi vel pulicis interfectionem cor ipsius lique scat & commiseratione afficiatur. Idem hoc videre licet in multis Accidentibus.

*Opus habens Rectore & Gubernatore.* Quia ergo Naturæ ejus hoc est insitum, ut inter ipsius Individua tanta sit varietas: & quia Natura ejus necessitate coactâ Societatem & Conjunctionem postulat; idcirco hæc Conjunctio & Societas sine Rectore & Gubernatore perfecta esse nequit, qui actiones ipsorum ad regulam æquet, defectus suppleat, excessus corrigit, omniaq; opera ad certam normam, certumq; modum exigat, ita ut varietas & differentia illa naturalis per harmoniam & convenientiam præscriptam sive impositam occulteretur, societasque fiat ordinata. Ideò dico, quòd, licet Lex non sit naturalis, ingrediatur tamen

*Usum Legis.*

rationem rei naturalis, & à Sapientia Dei ordinata sit ad illius speciei conservationem, cujus existentiâ Deus delectatur, & cujus naturæ indidit, ut Individua ejus Facultatem gubernatricem haberent. Eorum autem quidam sunt, qui ipsimet per illam facultatem prophetant, ut Propheta aut Legislator, (h. e. qui *Leges tantum & præcepta dant & præscribunt*); alii, qui facultatem habent cogendi Homines, ad facienda, exequenda, & in actum deducenda ea, quæ Propheta ille præcepit: ut Rex, qui accipit Legem illam. Sunt etiam, qui gloriantur de Prophetia, qui accipiunt Legem alicujus Prophetæ vel totam, vel ex parte tantum, ut partem unam accipiant, alteram

verò

verò relinquant, idque vel idèd, quia illa pars eis magis est facilis, aut quia in hanc opinionem trahere possunt Homines, ac si per Prophetiam illis obtigissent; neque in eis aliorum vestigia premerent, idque ex mera ambitione & arrogantia. Sunt enim quidam, quibus Perfectio aliqua tantoperè placet & arridet, quique adèd eam expectant & affectant, ut omnibus persuadere libenter vellent, se illà perfectione esse præditos; licet probè sciant, se in rei veritate eam minime habere. Ita vides multos arroganter gloriari de aliorum Poëmatibus sive Carminibus, & videri velle, ac si ipsimet illa composuissent. Idem contingit sæpè in libris & laboribus Virorum doctorum, & artibus ac scientiis multis, quando incidunt in manus æmuli alicujus & ignavi Thrafonis, ut ea, quæ alius invenit, à se inventa jactitet, atque ita alienis plumis se ornet. Eodem pacto evenire solet in ista perfectione Prophetiæ. Invenimus enim quosdam, qui gloriantur de Prophetia, & talia dicunt, de quibus nulla unquam fuit Prophetia, qualis fuit Zedekias filius Kenaana. Invenimus alios, qui de Prophetia gloriantur, & talia dicunt, quæ sine omni dubio Deus loquutus est, h.e. quæ per Prophetiam quidem venerunt, sed ad alios, (qualis fuit Chananias ben Azur), & postea dicunt, quòd ipsimet sint Prophetæ.

*Ambitiosi & arrogantes gloriantur jape de eis, quæ non habent, vel quæ sunt aliorum.*

*Multi gloriantur de Prophetia, qui tamen eam non habent.*

Sed hæc nota sunt ac manifesta; nihilominus tamen clariùs adhuc ea tibi explicabo, ut planè non ampliùs dubitare queas, & differentiam habeas, quâ discernere possis inter Ordinationes Legum conditarum ab Hominebus, inter Ordinationes Legis Divinæ, & inter Ordinationes eorum, qui aliqua à Prophetis aliis accipiunt, & postea gloriantur, ac si ipsimet ea dixissent. Quod ergo attinet Leges illas, quas publicarunt conditores & latores ipsarum ex propria cogitatione & arbitrio suo, de illis non necesse est magnam adferre probationem: *Quando enim consensientem habemus Reum, non habemus opus Testibus.* Proinde de illis solum te informabo, quæ Prophetica esse dicuntur. Earum autem quædam reverà sunt Prophetica, h.e. Divina, quædam Legales, quædam tales, de quibus Legislator ait quòd à se proficiscantur, cum tamen illas desumpserit ab alio. Quando incidis in Legem aliquam, in qua ipsius Legis & Authoris actiones ejus definientis tota intentio est, Eutaxia & commodum Reipublicæ, ut omnis iniquitas & injustitia ex ea tollatur; nullusque respectus ad res specularivas, nulla cura de perficienda facultate Rationali, nulla denique dogmatum Fidei vel Religionis consideratio, an sana sint ac valida, an verò ægra & infirma? sed cujus intentio

*De Legibus humanarum Legislatorum.*

*De Legibus Prophetarum, quæ sunt simplices.*

*Legales, vel Civiles.*

rota versatur in rebus & negotiis mortalium disponendis, eorumq; prosperitate & salute procurandâ ac promovendâ, ex mente & consilio Authoris illius; cùm inquam Legem aliquam ita compararam esse deprehendis, illam scias esse *Legalem* vel *Civilem*, & Authorem ejus ex secta tertia, eorum videlicet, in quibus facultas Imaginativa solum dominatur. Quando verò vides Legem, cujus jura & ordinationes omnes sunt speculativæ, quæ agit rùm de rebus corporalibus, rùm de iis, quæ ad Fidem spectant, & cui propositum est ante omnia sententiis veris de DEO & de Angelis Homines imbue-

*Divina.*

re, deinde sapientes, intelligentes & prudentes eosdem reddere, ut totius hujus Universitatis naturam & rationem veram teneant, illam ordinationem scias esse à DEO, Legemque illam *DIVINAM*. Relat ergo nunc, ut scias, quomodo probare debeas, an is, qui in publicum dat Legem aliquam sub suo nomine, reverâ sit perfectus ille, cui ea in Prophetia revelata est, an verò inanis tantùm sit ostentatio & gloriatio, illamque furto ab alio surripuerit. Modi hominem talem probandi sunt, Perfectionis ejus diligens exploratio, Actionum ejus observatio, & Morum ejus accurata inspectio. Certissima autem demonstratio hæc est, si dereliquerit & contemnat voluptates corporales, (hic enim Sapientum & Prophetarum primus gradus, primaque nota est), inprimis verò sensum illum, qui juxta Aristotelem pronunciatum nobis est opprobrio & dedecori, & si abominetur omnem libidinem & scortationem. Idèd hoc signo DEUS ferè omnes eos prodidit & in lucem produxit, qui falsò de Prophetia gloriati sunt; ut nempe veritas eam amantibus patefiat, & ab omni errore præserventur. An ignoras enim, quâ ratione *Zedekias Filius Maasija*, & *Achab Filius Kolijs* de Prophetia gloriati fuerint, multos Homines ad se pertraxerint, verbaq; Prophetiæ ab aliis instinctûs Divini afflatu prolata sub suo titulo venditârint, & tamè in voluptatibus suis Venereis perrexerint, ita ut sociorum & discipulorum suorum quoque uxores stupraverint, donec à DEO, ut & alii ipsis similes, resecti, & à Rege Babyloniæ, meritissimâ pœnâ, igne

*Supposititia.*

*Pseudo-Prophetæ quomodo probari possint.*

*A Deo quomodo manifestentur.*

*Jerem. 29. 22.*

combusti fuerint; sicut Jeremias ostendit, cùm ait: *Et assumetur ab eis maledictio ab omni transmigratione Jebudab, quæ est in Babel, dicendo; Ponat te DOMINUS sicut Zedekiam & sicut Achab, quos combussit Rex*

*Ibid. v. 23.*

*Babel igni, &c. Item: Et adulterium commiserunt cum uxoribus sociorum suorum, & loquuti sunt verbum in Nomine meo mendaciter, &c.*

## CAP. XLI.

*Quid sit Visio Prophetica. Quot modis in Prophetis dicatur, Verbum Domini ad ipsos factum esse.*

**N**ON existimo necesse esse, ut tibi explicem, quid sit *Somnium*; verum operæ pretium est, ut scias, quid sit *Mareh Visio*, de qua dicitur, *Bemareh In Visione me notum faciam illi*, quæ vocatur *Mareh* Num. 12. 6. *hannebhuah Visio Prophetica*: Item, *Manus Dei*: Item, *Machaseh*. Est *Visio Prophetica* autem *Terror* quidam *Panicus*, qui occupat Prophetam inter *vigilandum*, sicuti ex *Danjele* patet, quando ait; *Et vidi Visionem magnam* Dan. 10. 8. *hanc, neque remansit in me ulla fortitudo, & vis mea mutata in me est in corruptionem, nec retinui fortitudinem ullam*. Item, *Et fui lethargo oppressus super faciem meam, & facies mea ad terram*. Sermo enim Angeli, quo ipsum allocutus est, & illius erectio, facta utique fuerunt in *Visione Prophetiæ*. In tali autem negotio sensus omnes à suis functionibus quiescunt, & venit *Influentia* illa super facultatem *Rationalem*, ac ab ista diffunditur in facultatem *Imaginatricem*, hocq; pacto opus suum perficit & absolvit. Quandoque autem incipit *Prophetia* in *Visione Prophetica*, & postea multiplicatur *terror* & passio illa vehemens, quæ sequitur perfectionem operationum facultatis *Imaginatricis*, & tunc demum venit *Prophetia*, sicuti contigit *Abrahamo*. In principio enim *Prophetiæ* illius dicitur; *Et fuit Verbum Domini ad Abrahamum in Visione*. Et in fine ejusdem; *Et sopor irruit in Abrahamum, &c.* Item; *Et dixit ad Abrahamum, &c.* Gen. 15. 1. Ibid. v. 12. Ibid. v. 13.

Prætereà scito, quod omnium eorum *Prophetarum*, qui *Prophetiam* sibi factam esse dicunt, quidam eam *Angelo* alicui, quidam vero *Deo* Opt. Max. adscribant & attribuant, licet per Angeli ministerium quoque ipsis obtigerit, de quo *Sapientes* nostri nos erudierunt, quando ajunt; *Et dixit Dominus ad eam*; scilicet *אֵל יְיָ הַמַּלְאָךְ* Gen. 25. 13. *h. e. per manus Angeli.*

Insuper, de quocunque scriptum occurrit, quod *Angelus* cum eo loquutus, aut quod aliquid ipsi à *Deo* revelatum sit, id nullo alio modo, quàm in *Somnio*, aut *Visione Prophetica* factum esse, noveris.

Habemus etiam apud *Sapientes* nostros *Discursum* de *Sermone*, qui ad *Prophetas* pervenit, secundum id, quod *Prophetæ* ipsi scripserunt, (h. e. de modis, quibus, sermonem *Divinum* ad se esse factum, Pro-

*Quatuor modis dicitur Prophetæ, Sermonem Dei ad se esse factum.*

1. *pheta dicunt.* Quatuor modis fieri illud ajunt. *Primum* modus est, cum Propheta revelet, quod sermo ille factus fuerit ab Angelo in Somnio, aut in Visione. *Secundò*, cum mentionem tantum facit verborum Angeli; sed non explicat, quod facta sint in Somnio, vel in Visione, eò quod fundamento huic, quod notum est, innitatur; Nullam Prophetiam fieri, nisi uno aliquo duorum istorum modorum, quorum Deus meminit, quando ait; *In Visione me notum faciam ei, in Somnio loquar ei.* *Tertiò*, cum nullam prorsus Angeli mentionem facit, sed Deo Opt. Max. sermonem adscribit, ac si ipse eum protulisset, hac ramen cum adjectione, quod factus sit in Visione, aut in Somnio. *Quarò*, cum Propheta absolute & simpliciter ait, quod Deus secum loquutus sit, vel ei dixerit; *Fach hoc?* aut, *Dic hoc?* nullam vel Angeli, vel Somni, vel Visionis mentionem factam, idque propter hoc quoque notum fundamentum & principium; quod nulla Prophetia fiat, nisi in Somnio aut Visione, & per manum Angeli.
- Genes. 31. 11. Ad *primum modum* pertinet, quod dicitur; *Et dixit ad me Angelus Domini in Somnio, Jacob.* Item: *Et dixit Angelus ad Bileamum.* (Nota, quod hic in textu Hebræo sit vox *Elohim*, quam de Angelo author hic intelligit.)
- Genes. 35. 1. *Secundis modi* sunt ista; *Et dixit Deus ad Jacobum, surge, ascende Berthelem.* Item; *Et dixit ei Deus, Nomen tuum est Jacob.* Item; *Et clamavit Angelus Domini ad Abrahamum secundò à Cælu.* Item; *Et dixit Deus ad Noachum.*
- Ibid. v. 10. *Ex tertio modo* est id, quod dicitur; *Fuit Verbum Domini ad Abrahamum in Visione.*
- Ibid. 22. 15. *Ex quarto denique modo* sunt; *Et dixit Dominus ad Abrahamum.* Item; *Et dixit Dominus ad Jacobum, revertere.* Item; *Et dixit Dominus ad Josuam.* Item; *Et dixit Deus ad Gedeonem.* Sic; *Et dixit Dominus ad me: Et fuit Verbum Domini ad me. Verbum Domini fuit, &c.* *Et ecce Verbum Domini ad ipsum fuit. Fuit Verbum Domini. Principium Verbi Domini ad Hoseam. Fuit super me Manus Domini: & hujus generis alia.*
- Ibid. 7. 1. Quicquid ergo ex quatuor istis modis occurrit, id *Prophetia* est; & quicunque talia dicit, *Propheta*. Quando verò dicitur, *Et venit Deus ad N. in Somnio noctis;* id *Prophetia* minimè nuncupari potest, neque vir talis, *Propheta*. Sensus etenim est, quod admonitio, *adveniens* quædam, Viro ejusmodi à Deo facta fuerit; deinde, quod in Somnio illa contigerit. Nam, quemadmodum Deus causatur, ut Homo moveatur ad alium vel defendendum & liberandum, vel perdendum & occiden-



cidendum: sic quoque causa est Deus ortus illarum rerum, quas in Somniis nocturnis exoriri vult. Notum enim est, neque ullum dubium, quin Laban Syrus perfectissimè impius fuerit & idololatra: & Abimelech, licet Vir bonus in Populo suo fuerit, tamen de ipso, de Terra & Regno ejus dicit Abraham; *Non est Timor DEI* in Genes. 20. 11. *loco isto*: nihilominus de utroque, Labane inquam, & Abimelecho, legimus; *Et venit DEUS ad Abimelech in Somnio nocturno: Et venit DEUS ad Labanem Syrum in Somnio nocturno.* Quocirca observa istam differentiam inter hæc duo; *Et venit DOMINUS*: Item; *Et dixit DOMINUS*: & inter, *In Somnio nocturno*: &, *In Visionibus nocturnis*. De Jacobo dicitur: *Et dixit DEUS ad Israel in Visionibus nocturnis*: de Labane autem & Abimelecho; *Et venit DEUS*, &c. Hac de causa exposuit Onkelos ista; Gen. 20. 3. *Et venit Verbum à DOMINO*: non autem dixit de duobus istis; *Et revelavit se DOMINUS*.

Tandem verò hoc loco & istud scias, quòd sæpè dicatur, *Et dixit DOMINUS ad N.*, cum tamen hoc non fuerit ad illum N., neque ulla ei Visio contigerit; sed verbum illud ei dictum fuerit à Propheta: sicut scriptum est de Rebecca; *Et ivit ad interrogandum DOMINUM*: Gen. 25. 22. ubi aperrè glossantur (*Rabbini sc. nostri*) in Scholam sive Gymnasium Schemi & Heberi, & ipse (Schem sc. vel Eber) respondit ei. Nihilominus tamen dicitur; *Et dixit ei (Rebecca) DOMINUS*. Licet autem alibi dicant, *Et dixit ei DOMINUS*; nempe per manus Angeli: tamen sine dubio per Angelum ibi intelligitur Heber, (Propheta enim non raro vocatur Angelus, ut alibi explicavimus), vel Angelus ille, qui ad Heberum venit in ista Prophetia: vel dictum id erit ad significandum, quòd omnis sermo, qui Deo præcisè & absolute attribuitur in reliquis Prophetis, excepto Mose, per Angelum factus esse intelligi debeat, sicut explicuimus.

## CAP. XLII.

*Quando alicui Angelus reverà apparuisse vel loquutus esse dicitur, intelligi id debere de Visione Prophetiæ.*

EXPOSUIMUS in capite præcedenti, quòd, ubicunque Visionis Angeli, vel Sermonis ejus mentio fit, id intelligendum sit in Visione Prophetiæ vel Somnio factum esse: nec quicquam referre, sive id expressè dicatur, sive non; quod animadvertere & observare te volo.

Nihil etiam refert, siue à principio scribar, quòd viderit Angelum, siue ex sermone ejus videatur & colligatur, quòd primò illum pro Homine habuerit, sed in fine, quòd Angelus sit, ipsi innouerit. Nam posteaquàm ex fine intelligis, Angelum fuisse id quòd vidit, & quòd sermonem habuit, constat tibi simul, quòd ab initio negotii fuerit Visio Prophetiæ aut Somnium Propheticum. In Visione etenim Prophetiæ, vel in Somnio Prophetico videtur nonnunquam Propheeta, ac si Deus ipse secum loqueretur; nonnunquam, ac si Angelus loqueretur: nonnunquam accidit, ut audiat loquentem, sed non videat eum: nonnunquam etiam videtur ei, ac si Vir aliquis ipsum alloqueretur, postea autem experitur, quòd Angelus fuerit; & in hac Prophetiæ specie commemoratur, primò, quòd viderit Virum hoc vel illud agentem aut dicentem; deinde, quòd cognoverit, illum Virum esse Angelum.

Genes. 18. 1.

Ad hoc fundamentum respexit & inclinavit quidam ex præstantissimis & maximis nostris Sapientibus, videlicet *Magnus R. Chija*, in explicatione verborum illorum Legis; *Et apparuit ipsi DOMINUS in quercubus Mamre, &c.* Posteaquàm enim præmisit (*Moses*) summariter, quòd Deus ipsi (*Abrahamo*) apparuerit, incipit quoque apparitionis illius formam exponere, quòd nempe primò tres Viros viderit, & deinde ad illos cucurrerit, eosque salutaret & alloquutus fuerit. Ubi author illius expositionis (*R. Chijah*) dicit, quòd verba ista Abrahami; *DOMINE, si nunc inveni gratiam in oculis tuis, ne quasi transeas à servo tuo*: quòd inquam ista verba ad unum, & quidè præcipuum inter illos, dixerit & direxerit; quòd tibi, tanquam secretum magnum, considerandum relinquo. Idem dicit (*R. Chijah*) de eo,

Gen 32. 24.

*Lucta Jacobi accidit in Visione Prophetiæ.*

quòd in historia Jacobi legimus; *Et luctatus est Vir cum ipso*, quòd sc. in Visione Prophetiæ factum fuerit, quia postea explicatur, quòd Angelus fuerit; planè ut in historia Abrahami, ubi primò in genere dicitur, *Et apparuit ipsi, &c.* deinde specialiter explicatur, quomodo hoc factum fuerit. Ita enim de Jacobo quoque dicitur, *Et occurrerunt ipsi Angeli DEI*; deinde explicatur, quomodo acciderit, ut ei occurrerint, quòd nempe nuncios miserit ad fratrem suum Esavum, & sic & sic fecerit; & tandem, quòd relictus fuerit Jacob solus, &c. Istud autem de Angelis Deus, de quibus primò dicitur, *Et occurrerunt ipsi Angeli DEI*, ista item lucta, atque adeò totum negotium, in Visione

*Historia Bileami & asina contigit in Visione Prophetiæ.*

Numer. 22.

Prophetiæ contigerunt. Ita dico, in negotio Bileami totum illud, quòd in via ei contigisse dicitur, & quomodo asina loquuta fuerit, in Visione Prophetiæ factum esse; quia in fine historiæ explicatur, quòd

quodd Angelus DEI loquutus fuerit. Sic dico de eo, quod legitur in Visione Josuæ, *Levavit oculos suos, ac vidit, & ecce, Vir stabat contra eum*, quodd in Visione Prophetiæ contigerit, quia in fine negotii dicitur, quodd fuerit *Princeps exercitus DOMINI*. Quod verò dicitur. *Et ascendit Angelus DOMINI de Gilgal*: Item, *Et fuit, cum loqueretur Angelus DOMINI verba hac ad omnes filios Israël*: de eo Sapientes nostri dixerunt, quodd Angelus DOMINI, cujus ibi mentio fit, sit Phineas. Ajunt enim; *Hic est Phineas, nam eo tempore, quo Majestas Divina habitavit super eo similis fuit Angelo DOMINI*. Explicavimus autem jam in præcedentibus, quodd ANGELOUS Nomen sit æquivocum; & quodd Prophetæ quoque Angelus vocetur: ut; *Et misit Angelum, & eduxit nos ex Aegypto*. Item; *Dixit ergo Haggai Angelus DOMINI in Legatione DOMINI*. Item; *At illi subsannabant Angelos DEI*. Prætereà etiam, quod Dangel scribit; *Et vir ille Gabriel, quem videram in Visione in principio, volantem volatu, tetigit me tempore sacrificii vespertini*: illud totum dico in Visione Prophetiæ factum fuisse. Non enim debemus existimare, cum de Visione vel Auditione verborum Angeli legimus, quodd id aliter, quàm de Visione Prophetiæ, vel de Somnio Prophetico sit intelligendum, sicuti hoc fundamentum nobis positum est in illo dicto; *In Visione norum me faciam ei, in Somnio loquar cum ipso*. Ex his ergo, quæ hæcenus dicta sunt, judicandum de reliquis, quæ non sum adducturus. Intelliges autem ex iis, quæ antehac de Præparationis necessitate ad Prophetiam, & de Homonymia vocabuli ANGELOUS, in medium protulimus, quodd nec Hagar Ægyptia, Prophetissa, neque Manoa & Uxor ejus, Prophetæ fuerint; sed quodd sermo ille, quem audiverunt & perceperunt, fuerit instar *Filiæ vocis*, (cujus frequentem mentionem faciunt Sapientes nostri), quæ est talis res, quæ conringere potest ei quoque, qui non est præparatus ad Prophetiam: verum homonymia vocabuli ANGELOUS hic Hominibus imponit, cujus explicatio principiū est, quod plurima in Lege dubia refellit & resolvit. Observa autem convenientiam verborum illorum de Hagare, *Et invenit eam Angelus DOMINI ad fontem aquarum*, cum iis, quæ de Josepho legimus, *Et invenit eum Vir, & ecce, oberrabat in agro*; quæ omnia Medraschoth concorditer de Angelo explicant.

*De rationibus & modis Parabolarum  
Propheticarum.*

*Per Parabolas  
prophetas quan-  
doq; Propheta.*

**I**N Opere nostro *Jad* ostendimus, Prophetas quandoque per Parabolas prophetare solere. Vident enim sæpè aliquid per Parabolam, & deinde in eadem Visione Prophetica illius Parabolæ sensus eis explicatur. Nam quemadmodum cùm quis somniat, in somniis quibusdam somnianti videtur quasi vigilaret, somnium illud alteri enarraret, ejusque sensum & significationem ei exponere, & tamen totum hoc merum somnium est, quod vocatur *Somnium in ipso somnio expositum*; quorundam verò somniorum sensus & signi-

*Parabola qua-  
dam in ipsa Vi-  
sione explicatur.*

ficatio non percipitur, nisi posteaquàm quis expergefactus est: ita sunt quoque *primò* nonnullæ Parabolæ Propheticæ, quarum sensus in ipsa Visione explicatur, sicut ex Zachariæ exemplo

Zach. 4. 1.

liquet, qui posteaquàm Parabolas, quas vidit, recitasset, ait; *Reversus est autem Angelus, qui loquebatur mecum, & excitavit me tanquam Virum, qui excitatur a somno suo, dixitq; ad me, Quid vides? &c.* ac postea Visionem ipsi exposuit. Idem etiam videtur ex Danjels exemplo.

Dan. 7. 1.

Dicitur de eo, *Danjel somnium vidit, & Visiones capituli ejus super cubili ejus*: deinde Parabolas omnes exponit, gemitus item & suspiria sua, propter illarum interpretationis & expositionis ignorantiam; quâ de causâ se ad Angelum contulit, ac veritatem rei ex ipso quælit, qui etiam in eadem Visione Prophetica expositionem ipsi indicavit. Hoc sibi vult Propheta, cùm ait, *Accessi ad unum de adstantibus, & veritatem quæfivi ab eo super toto hoc, & dixit mihi, interpretationemq; somniorum indicavit mihi.* Totum autem illud negotium vocavit *Visionem*, quando inquit; *Somnium vidit*: quia Angelus ei somnium in somnio Prophetico exposuit. Hoc idem est, quod postea

Ibid. v. 16.

quoque dicit: *Visio apparuit mihi ipsi Danjeli post eam, quæ apparuerat mihi in principio*; id quod ex hoc manifestum est, quia vocabulum

Dan. 8. 1.

*Chasof* Visio, quâ Danjel utitur, derivatur à verbo *Chasab*, & *Mareh* à verbo *Raab*. Duo autem hæc verba unum idemque significant, nullaque est differentia, siue dicas *Bemareh*, siue *Bemabaseh* aut *Bechasof*.

*חֹסֶן & חֲזֹן  
sunt synony-  
ma.*

Prætereà, non datur modus aliquis tertius præter illos, quos Lex in decantato illo loco recenset: *In Visione me notum faciam ei; In Somnio loquar cum eo*: sed sunt illorum distincti gradus, sicut declarabitur.

Num. 12. 6.

Deinde, sunt quædam Parabolæ Propheticæ, quarum sensus non

aperi-

aperitur Prophetæ in Visione Prophetica; sed post expergefactionem demum cognoscit, quis ipsorum sensus fuerit: sicut videre est in *Virginitate Zachariæ*, quas accepit in Visione Prophetiæ.

*Parabole quædam non aperiuntur in Visione; sed postquam Prophetia expergefactus est.*  
Zach. 11. 7.

Porro, quemadmodum Prophetæ vident quandoque res, quarum sensus est Parabolicus, ut sunt, *Lucerna Zachariæ*, *Equi*, *Montes* & *Vogefactus est*, *lumen Ezechielis*, *Muri* & *Perpendicularum Amosi*, *Bestia Danielis*, *Olla bulliens Jeremiæ*, & *similes*, quarum mens & scopus est, statum & conditionem rei alicujus depingere & repræsentare; ita quoque vident nonnunquam res, quibus significatur id, quod nomen rei illius visæ, Etymologiæ suæ ratione, vel per homonymiam denotat, ac si facultatis Imaginatricis operatio esset ostendere rem homonymum nomen habentem, cujus una significatio rem aliam docet & significat.

*Parabola quædam sunt, in quibus respicitur ad nominis rei visæ significationem.*

Hoc enim quoque est de speciebus Similitudinum & Parabolarum. Tale est illud in Jeremia, *Makel schaked* Baculus amygdalinus. Non enim respicitur ibi ad amygdalas, sed ad homonymiam vocabuli *Schaked*, sicut dicit, *Quia schoked (vigilo) ego*; quod neque de Amygdalatum, neque de Baculi est significatione. Sic, quando Amos di-

Amos 8. 1.

citur vidisse *Kelubb kajirz*, h. e. Canistrum æstivorum fructuum; respicitur ad perfectam & completam mensuram temporis, sicut dicitur *Bakerz* Venit finis. Hic verò istud inprimis admiratione dignum est, quod nonnunquam sit admonitio vel allusio in voce a qua cuiusque litteræ sunt quoque litteræ alterius alicujus vocabuli, per ita sit positionem ordinis ipsorum, (h. e. quod aliquando in voce aliqua restituitur ad vocem aliam, quam per transpositionem illius vocis litteræ constitunt), etiam si nullo sit inter illas originis & etymologiæ affinitas, vel rerum significatarum convenientia. Hujus rei exemplum invenies in

*Parabolarum quædam sunt, in quibus respicitur ad nominis rei visæ significationem.*

Parabolis Zachariæ, quando accepisse dicitur *Baculos ad pascendum* Zach. 11. 7.

*gregem*, in Visione Prophetiæ, quorum unum vocavit *Noam*, alterum *Chobelim*. Scopus enim huius Parabolæ est, docere; Gentem illam ab initio fuisse *Benoam* in amœnitate DOMINI; DEUM illam duxisse, rexisse, gubernasse; ipsam in cultu DEI lataram esse; DEUM in ea complacuisse, eamque dilexisse, sicut ait; DOMINUM Deut. 16. 17. 18.

† *exaltasti hodie*, &c. DOMINUS quoque, \* *exaltavit te hodie*, quod sit etiam vel spondere populi peculiarem. Ductores autem & Rectores ejus illo tempore erant Moyses, & Prophetæ, qui eum sequuti sunt. Postea vero statu & conditione ejus se immutante, ita ut amorem DEI rejecerit, DEUM quoque rejecisse illam, ideoque nomen Rectorum & Gubernatorum ejus ponit *Chobelim* Corruptentes, quales fuerunt Jeroboam & Manasses. Nomen hoc *Chobelim* derivatur à radice *Chabal*, quæ

\* *spondere fecisti.*  
† *spondere fecisti.*

Cantic. 2. 15. significat *Corrumperere, Perdere*: ut in illo; *Mechabbelim* *Corrumpentes vineas*. Sed præter hoc vult quoque docere voce hac *Chobelim*, quod Legem ipsi fastidiverint, & quod DEUS vicissim illos fastidierit & aspernatus fuerit. Hic autem sensus non dependet à *Chobelim* sive à *Chabal*, sed à *Bachal*, per transpositionem trium harum litterarum, *Beth, Cheth, & Lamed*. Hinc enim dicit in parabola; *Affligiturq; anima mea propter eos, etiam anima ipsorum bachalah fastidivit me*. Nam ex *Chabal* per transpositionem litterarum fit *Bachal*. Atque hoc pacto non rarò res magni momenti & secretæ proponuntur; ut, cum in Ezech. cap. 1. Visione Ezech. elis dicitur, *Nechoscheth kalal Aes tersum, Veregel egel* Et pes vituli, *Vechaschmal* Et pruna ignita. Et sic passim alibi ad multa talia facilis tibi nunc patebit aditus, si diligenter indagaveris ea, post meam hancce admonitionem.

## CAP. XLIV.

*De variis modis, quibus Propheta percipiunt Prophetias. De Vocis item vel Sermonis, quem audiunt, qualitate.*

PROPHETIAM fieri vel per Somnium, vel per Visionem, ad nauseam usque jam inculcavi, unde in posterum nolo id repetere.

Nunc dico; cum Propheta prophetat, fieri posse, ut videat Parabolam, sicut aliquoties declaravimus; Vel, ut videat DEUM Opt. Max., in Visione Prophetiæ loquentem secum, sicut Jesajas dicit; *Et audiavi vocem dicentem, quem mittam, & quis ibit nobis?* Vel, ut audiat Angelum secum loquentem, eumque videat, & hoc creberrimè; ut, *Et dixit ad me, An non nòsti, quid hac sint?* Item; *Dixit ad me Angelus, qui loquebatur mecum*. Item; *Et audiavi unum Sanctum loquentem, &c.* Vel, ut videat Hominem aliquem loquentem secum, sicut Ezechiel ait; *Et ecce Vir, cujus aspectus erat tanquam aspectus eris, &c. Et alloquutus est me Vir ille, &c.* posteaquàm sermonem illum ita inchoavit; *Fuit super me manus DOMINI*. Vel, ut Propheta nihil quicquam videat, sed verba tantum audiat in Visione Prophetiæ. Sic ait Dangel: *Audiavi etiam vocem hominis inter Ulaj*. Item Eliphas; *Silentium & vocem audiavi*. Sic ait Ezechiel; *Et audiavi vocem loquentem ad me*: illud enim, quod apprehendit in Visione Prophetiæ, non fuit id, quod loquebatur cum ipso; sed separat rem illam admirandam & extraordinariam.

riam, quam se apprehendisse asserit, & incipit à ratione & forma Prophetiæ, dum dicit; *Et audivi vocem loquentem ad me.*

Præmissa ergo hac distinctione, quam Scripturæ Sacræ testimonia nobis suppeditant, dico ulterius; Quòd nonnunquam fiat, ut verbum illud, quod Propheta audit in Visione Prophetiæ, ei videatur fieri voce gravissimâ & robustissimâ; sicut quidam somniant, se audire ronitrua, vel terræ morum, aut fragorem magnum, (non raro enim accidit hoc in somniis); nonnunquam verò, ut verbum illud audiat voce ordinariâ & familiari, ac si prope ipsum esset. Manifestum evadit tibi hoc ex historia Samuelis Prophætæ. Nam cùm DEUS tribus continuè vicibus ipsum vocaret, existimavit, Eli sacerdotem se appellare. Causam deinde hujus rei Scriptura reddit hanc, quòd ignorârit adhuc tùm temporis, DEUM hoc modo cum Prophetis loqui solere, & quòd hoc mysterium ipsi nondum fuerit revelatum. Hoc enim est, quod dicitur; *Samuel necdum cognoscebat DOMINUM, & nondum revelatus fuerat ei sermo DOMINI*: nam porinde est, ac si diceret, illum nescivisse, neque cognovisse adhuc, quòd DEUS ita loqui solet. Vel sensus (horum verborum sc., *Samuel autem nondum cognoscebat DOMINUM*,) est; Samuelem ante illud tempus nullam habuisse Prophetiam: nam de eo, qui prophærat, dicitur; *In Visione meâ faciam ei, in Somnio loquar cum eo.* Verùm ita expositio hûc redibit, & hæc erit; *Et Samuel non prophetavit ante illud tempus, & per consequens ignorabat, quòd talis esset forma Prophetiæ.*

*Audit Propheta verba quandoque gravissimâ & terribili, quandoque familiari voce.*

*1. Sam. 3. 7.*

## C A P. XLV.

### *De undecim distinctis Prophetiæ Gradibus.*

POSTERÀ QUAM igitur hætenus Veritatem Prophetiæ juxta id, quòd tam ex ratione & speculatione, quàm ex Lege nostra de ea colligere possumus, declaravi, necessarium nunc est, ut *Gradus Prophetiæ* juxta duo illa fundamenta tibi recenscam.

*De Gradibus Prophetiæ.*

Non omnis autem, qui est in aliquo Graduum illorum Prophetiæcorum, quos sic appello, idèò quoque *Propheta* est. Verùm primus & secundus sunt *Gradus ad Prophetiam*, unde ii, qui ad duos illos gradus pervenerunt, non numerantur inter Prophetas illos, de quibus egimus hætenus, licèt aliquando generaliter & latè *Propheta* nuncupentur; eò quòd propinqui admodum sint Prophetis.

Prætèrà, non debet te seducere in istis Gradibus, quòd in libris



Prophetarum invenis, Prophetæ alicui interdum obtigisse Prophetiam ex uno modo istorum graduum; & deinde, quod eidem Prophetæ obtigerit Prophetia ex modo alio, & alio in gradu. Nam quod illos gradus attinet, fieri potest, ut una Prophetia Prophetæ offeratur in gradu hoc, & alio tempore Prophetia alia in gradu inferiori, quam erat prior. Quemadmodum enim Prophetæ non prophetat continuè toto vitæ suæ tempore; sed aliquando Prophetiæ donum habet, aliquando verò Prophetia ab eo aufertur: sic prophetat aliquando in gradu supremo & excellentissimo, postea in gradu inferiore; quin-imò fieri potest, ut semel tantum per totam vitam perveniat ad summum illum gradum, & postea ipsi denegetur: vel fieri potest, ut in gradu inferiore permaneat, donec Prophetia ejus cessat.

*Prophetia ante mortem Prophetarum ab ipsis aufertur.*

2. Chron. 36.

22.

2. Sam. 23:1.

Necessariò enim aufertur Prophetia ab omnibus reliquis Prophetis (excepto Mose) ante mortem ipsorum; idque vel brevè, vel diù, tienti patet exemplo Jeremiæ, de quo dicitur; *Ad finitendum: vel, Quo finiebatur Verbum DOMINI in ore Jeremiæ*; & Davidis, de quo legitur; *Et ista sunt verba Davidis postrema*. Idem enim judicium est de omnibus.

His itaque sic præmissis, incipiam nunc tibi gradus istos recensere & enumerare.

*Primus gradus Prophetia.*

Primus gradus Prophetiæ est, cum quis auxilio Divino ita instructus est & præditus, ut eo moveatur & animetur, ad magnum & heroicum aliquod facinus perpetrandum, (ut, verbigratiâ, ad Ecclesiam totam vel insignem aliquem Hominem à vi & tyrannide improborum liberandum; vel ad multis hominibus beneficiendum), illumque motum in se sentit & animadvertit. Hoc donum vocatur *Spiritus*

*Spiritus Domini quid?*

1. Sam. 10.6.

Judic. 6.34.

Jes. 11.2.

*Est Gradus Prophetia Judicum Israël.*

Judic. 2.18.

*DOMINI*: & de Homine virtute illâ prædico dicitur, quod in illum irruerit *Spiritus DOMINI*; vel, *Induxit eum Spiritus DOMINI*; aut, *Quiescat super ipsum Spiritus DOMINI*; aut, *Fuit cum ipso DOMINUS*; & similia alia. Et hic est Gradus Judicum Israël omnium, de quibus in genere dicitur; *Quum autem suscitasset DOMINUS eis Judices, erat DOMINUS cum Judice, & servabat eos*. Est hic gradus etiam præstantissimorum *Consiliatorum Israël* omnium, sicut id speciatim in Regibus & Judicibus quibusdam declaratur: ut. *Et fuit super Jephthachum Spiritus DOMINI*. Sic de Samson: *Et irruit in eum Spiritus DOMINI*. De Saule: *Et irruit Spiritus DEI in Saulem, cum audiret verba*. Ita de Amasa, cum incitasset eum Spiritus Sanctus ad superpetras Davidi ferendas; *Et Spiritus induit Amasam, &c.* Hac virtute quoque præditus fuit Moses inde ab eo tempore, quo virilem ætatem assequutus est.

Idcirco

Ideoque illius vi impulsus fuit, ut Ægyptium interficeret, & duorum illorum litigantium alterum, injustam causam habentem, reprimeret. Hæc virtus adeo fortis & robusta fuit in ipso, ut eo quoque tempore, cum timeret, & fugâ sibi consuleret, atque ut peregrinus & exul in terra Midjam habitaret, tamen iniquitatem aliquam committi videns, ab ea vindicanda & amovenda temperare sibi non potuerit, eamque ferre nequiverit, sicut dicitur; *Tum surrexit Moses, & servavit eam.* Hæc virtus exsevit se in Davide, posteaquam oleo unctionis unctus fuit, sicut Scriptura de ipso ait; *Et Spiritus Domini intravit in Davidem à die illa & deinceps.* Propterea prævalebat urso & leoni, & tandem etiam Philisthæo. Veruntamen horum nullum induxit virtus ista ad aliquid Loquendum vel Dicendum; sed excitat tantum eos, qui illâ præditi sunt, ad insigne & nobile aliquod factum, & quidem non quodvis, verum in specie ad oppressos, sive unum aliquem particulariter, sive totum aliquem cœrum & Ecclesiam, juvandos, vel faciendum aliquid, quod ad illorum liberationem conducit & prodest. Quemadmodum verò non omnis, qui somnium verum videt, Propheta est; ita non de omni, qui peculiari auxilio instructus est ad quamlibet promiscuè rem, ut acquisitionem divitiarum, aut ad aliud quid sibi solum proprium & conducens, (h.e. ad aliud aliquod privatum commodum), dicitur, quod habeat Spiritum Domini; aut, quod Spiritus Domini sit cum ipso; &, quod fecerit id, quod fecit, per Spiritum Sanctum: sed dicitur hoc tantum de eo, qui magnum aliquod Bonum fecit, aut tale quid, unde id provénit, ut fuit Prosperitas Josephi in domo Ægyptii, quæ fuit prima causa rerum magnarum, quæ postea evenerunt, sicut notum est.

Secundus gradus est, cum Homo in se sentit rem vel facultatem quampiam exoriri & super se quiescere, quæ eum impellit ad loquendum; ita ut loquatur vel de scientiis & artibus, vel Psalmos & Hymnos, vel utilia ac salutaria rectè vivendi præcepta, vel res politicas & civiles, vel denique Divinas; & quidem inter vigilandum, & in vigore sensuum ordinario. Et hic est, de quo dicitur, quod loquatur per Spiritum Sanctum. Hac specie Spiritus Sancti instinctus, Psalmos suos scripsit David; Proverbia, Ecclesiasten & Canticum Canticorum, Salomon. Hoc afflatu scripti sunt Danielis, Jobi, & Chronicorum Libri, & reliqua Hagiographa, unde etiam *Kethubhim* h.e. Hagiographa appellantur, quia *Kethubhim* h.e. scripta sunt per Spiritum Sanctum. De libello Esther palàm dicunt Sapientes nostri; Libellus Esther per Spiritum Sanctum dictatus est. De ejusmodi Spiritu

Mosis virtus heroica unda.

Exod. 2. 17.  
David 1.  
1. Sam. 16. 13.  
1. Sam. 17. 34.

Secundus gradus Prophetia.

Hagiographa  
קְתוּבִים Kethubhim.

Libellus Esther  
per Spiritum S.  
scriptum.

2. Sam. 23. 2. Sancto dixit David; Spiritus DOMINI loquutus est per me, & sermo ejus per linguam meam: vult enim dicere, Spiritum Sanctum impulisse eum ad verba illa loquenda. Ex hoc censu fuerunt Septuaginta Seniores, de quibus dicitur; Fuit autem requiescente in eis Spiritu, prophetarunt, & non addiderunt. Tales fuerunt Eldad & Medad. Tales fuerunt Sacerdotes illi omnes, qui interrogabantur per Urini & Tbumnim, sicut Sapientes nostri dicunt; Majestas Divina habitat super eum, & loquitur per Spiritum Sanctum. Talis fuit Jecheziel filius Zacharia, de quo in libro Chronicorum legimus; Fuit super eum Spiritus DOMINI in medio carnis, & ait: Attendite omnis Jehudah, & habitatores Jerusalem, sic dixit DOMINUS vobis, &c. Talis fuit Zacharias filius Jehojada sacerdotis, de quo ita scriptum legimus; Spiritus autem DEI induit Zachariam filium Jehojada sacerdotis, & stetit desuper Populum, ac dixit eis, Sic dixit DEUS, &c. Talis fuit Asarias filius Iddo, sicut dicitur; Super Asariam autem filium Obed fuit Spiritus DEI, qui egressus ante Asa, dixit ei, &c. Et tales fuerunt omnes ii, de quibus simile quid legitur. Scito etiam, Bileamum eo tempore, quo pius & bonus fuit, ex hoc genere fuisse. Hinc enim dicitur de eo; Posuit autem DOMINUS Verbum in ore Bileami: nam perinde est ac si diceret, Illum per Spiritum DEI loquuturum. In hunc sensum ipsemet de se dicit; Dixit audiens eloquia DEI. Sed hoc inprimis notatu dignum hic est, quod David, Salomon, & Danjel ad istud genus referantur, non verò ad Jesajæ, Jeremiæ, Nathanis, Achijæ Schilonitæ, & aliorum similiū. Nam quæcunque David, Salomon & Danjel dixerunt, à Spiritu Sancto acti dixerunt & loquuti sunt. Quod verò ait David; Dixit DEUS Israël mihi, loquutus est Fortis Israël: ejus sensus est, quod DEUS ipsi per Nathanem, vel alium aliquem, bonum quippiam promiserit; sicut ibi; Et dixit DOMINUS ad eam. Item; Dixit itaque DOMINUS ad Salomonem: propterea quod fuit hoc apud te, nec custodivisti pactum meum, &c. Hic enim comminatur ei malum per Achijam Schilonitam, vel alium quempiam. Sic, quod dicitur de Salomone, In Gibeon visus est DOMINUS ipsi Salomoni, in somnio noctū, & dixit DEUS, &c. id non fuit mera & pura Prophetia, sicut illud, ubi dicitur; Fuit Verbum DOMINI ad Abrahamum in Visione, dicendo: aut sicut ibi; Et dixit DEUS ad Israël in Visionibus noctū: aut sicut Prophetia Jesajæ & Jeremiæ. Nam etsi cuilibet istorum quoque oblata fuerit Prophetia in Somnio Prophetiæ, tamen simul indicatum fuit illis, quod sit Prophetia, & quod Prophetia illis obvenerit. Sed in hoc negotio Salomonis, & quidem in fine ejus, dicitur; Quumq̃ evigilasset, & en Somnium! Sic in apparitione

Bileam qualis  
Propheta fuerit.

Cum David, Salomon & Danjel non inter Prophetas reliquos, sed inter Hagio-graphos numerantur?

nione secunda; Apparuit DOMINUS ipsi Salomoni secundò, sicut apparuit *Ibid. 2. 9.*  
 ei in Gibeon: de qua manifestè liquet, quòd non nisi Somnium fuerit.  
 Hic autem gradus inferior est eo, de quo dicitur; *In somnio loquar cum* *Num. 12. 6.*  
*ipso.* Nam qui prophetant in Somnio, non vocant illud ampliùs Som-  
 nium, postquàm Prophetia pervenit ad eos in Somnio; sed sim-  
 pliciter dicunt, quòd Prophetia fuerit. Ita postquàm Patriarcha Ja-  
 cob expergefactus fuit ex Somnio Prophetiæ, non dixit, quòd fue-  
 rit Somnium, sed rotundè ait; *Certè DOMINUS est in loco isto, &c.* *Gen. 28. 16.*  
 Item; *DEUS omnipotens apparuit mihi in Luz, in terra Canaan, & defi-* *Ibid. 48. 3.*  
 nitivè pronuntiat, quòd fuerit Prophetia. Sed de Salomone dicitur,  
*Cumq; evigilasset, & ecce Somnium!* Sic invenies, quòd Danjel, licèt *1. Reg. 3. 15.*  
 in Somniis suis viderit Angelum, ejusque Verbum audiverit, So-  
 mnia tamen illa appellet, etiam postquàm per ea cognovit, quæ co-  
 gnovit: ut, *Tùm Danjeli in Visione noctis secretum revelatum est.* Item, *Dan. 2. 19.*  
*Tùm scripsit Somnium.* Item, *Videbam in Visione mea in nocte, &c.* Item, *Ibid. 7. 1.*  
*Et Visiones capitù mei tenuerunt me.* Item, *Et obstupuit super Visione, & non* *Ibid. v. 2.*  
*erat qui intelligeret.* Nullum autem iterum est dubium, quin iste gra-  
 dus sit inferior eo, de quo dicitur; *In Somnio loquar cum eo.* Hinc una-  
 nimi consensu retulit Gens nostra Librum Danjeli inter libros Ha-  
 giographos, non verò inter Prophetas. Ideò monui te, quòd licèt *Danjelis Liber*  
 in ista Prophetiæ specie, quæ còtingit Danjeli & Salomoni, Angelum *cur velatur sit*  
 viderint, tamen non invenerint & deprehenderint in sese, quòd Pro- *inter Hagiogra-*  
 phetia pura sit, sed Somnium tantùm, veritatem rerum aliquarum *phos?*  
 ipsis notam faciens. Proinde etiam pertinet ad eos, qui loquuntur  
 per Spiritum Sanctum, ad secundam videlicet Prophetiæ speciem.  
 Hinc in ordinandis Scripturis Sanctis nullam differentiam fecerunt  
 inter Proverbia, Ecclesiasten, Danjelem, Psalmos, Ruth, & Esthe-  
 rem, quia omnes isti libri per Spiritum Sanctum scripti sunt; gene-  
 raliter tamen etiam Prophetæ vocantur.

Tertius gradus, qui est primus Prophetiæ veræ, est eorum, qui di-  
 cunt; *Et fuit Verbum DOMINI ad me,* vel simile quid, quod hùc ten-  
 dit. Consistit autem in hoc, cùm Propheta videt parabolam in So-  
 mnio, & cum omnibus illis conditionibus, quas præmisimus, quæ  
 in vera Prophetia requiruntur: & cùm in illo ipso Somnio Prophe-  
 tico sensus parabolæ illius ei declaratur, quid nempe per illam si-  
 gnificetur. Tales sunt Parabolæ Zachariæ.

Quartus gradus est, cùm Propheta verbū aliquod clarè & distinctè *Quartum gra-*  
 audit in Somnio Prophetiæ, sed non videt Loquētē illud; quemad- *duo.*  
 modū accidit Samueli in principio Prophetiæ ejus, sicut exposuimus.

Quintus

*Quintus gradus.* Quintus gradus est, quando Vir aliquis in Somnio loquitur cum Propheta, sicut in quibusdam Prophetiis Ezechielis dicitur; *Et loquutus est ad me Vir, Fili hominis.*  
Ezech. 40. 4.

*Sextus gradus.* Sextus gradus est, quando Angelus cum ipso loquitur in Somnio; quod frequentissimum est: ut, cum dicitur; *Et dixit ad me Angelus DEI in Somnio.*  
Gen. 31. 1.

*Septimus gradus.* Septimus gradus est, cum Propheta existimat, DEUM secum loqui in Somnio Prophetiæ: ut Jesajas, inquires; *Vidi DOMINUM.* Item, *Et vidi DOMINUM, & dixit, Quem mittam? & quis ibit nobis?* Item, Michajahu, filius Jimla, *Vidi DOMINUM.*  
Jesa. 6. 1.  
Ibid. v. 8.  
1. Reg. 12. 19.

*Octavus gradus.* Octavus gradus est, cum offertur ipsi Visio in Visione Prophetica, & cum Parabolæ vider; sicut Abrahamo factum est in Visione segmētorum. Parabolæ enim illæ contigerunt interdum in Visione, sicut notum est.  
Gen. 15.

*Nonus gradus.* Nonus gradus est, quando audit verba in Visione; sicut de Abrahamo legimus: *Et ecce Verbum DOMINI erat ad ipsum; Non hereditabit te iste.*  
Ibid. v. 4.

*Decimus gradus.* Decimus gradus est, quando videt Virum secum loquentem in Visione Prophetiæ: sicut iterum Abraham in quercubus Mamre; & sicut Josua in Jericho.  
Gen. 18.  
Jos. 5. 13.

*Undecimus gradus.* Undecimus gradus, quando videt Angelum loquentem secum in Visione; ut Abraham in ligatione Isaaci. Atque hic gradus, meo iudicio, supremus est inter gradus Prophetarum, de quibus nos docent Scripturæ Sacræ, post ea, quæ dicta sunt de perfectione Rationalitatis Viri, sicut requirit speculatio, & post conditiones illas, quæ fuerunt in Mose Doctore nostro p.m. Sed an fieri possit, ut Propheta aliquis alius præter Mosen in Visione Prophetiæ videat, ac si Deus ei loqueretur? id absurdum est, meo iudicio; neque eò pertingere mihi videtur facultas Imaginatrix. In reliquis etiam Prophetis (*excepto Mose*) nullibi id reperimus. Ideò clarè & perspicuè hac de re ait Lex;  
Gen. 22.

Num. 12. 6. *In Visione me notum faciam ei, in Somnio loquar cum eo:* ubi Somnio attribuit Loquutionem vel Sermonem; Visioni verò conjunctionem Intellectus & Influentiam ejus, dum ait; *In Visione et vada notum me faciam, vel, notus fiam ei;* (est enim *Ervadda* Futurum Hithpahel à verbo *Jada* Scivir, Cognovit:) nequaquam autem dicit, quòd in Visione aliquid auditurus sit à Deo. Propterea, quando inveni, quòd Scripturæ dicant de Verbo aliquo, quòd Propheta illud à Deo audiverit, & quòd in Visione factum fuerit, dixi apud me: Vel dicendum est, quòd Verbum illud, quod audivit, in Somnio factum fuerit,  
&c

& nequaquam congruat, ut tale quid accidat in Visione, ita sc., ut Creator alicui ostendat, ac si ipse cum eo loqueretur; id quod convenit cum eo, quod ex sensu litterali Scripturæ discimus. Vel dici potest, quòd omnis Visio, in qua mentio fit Sermonis alicujus audiri, ab initio sit Visio, sed postea tam profunda fiat, ut in Somnium convertatur; quemadmodum explicuimus in dicto illo, *Et sopor irrui in Abrahamum*: ad quod Sapientes nostri dicunt; *Hic est sopor Prophetiæ*. Proinde omnis sermo, qui auditur, quocunque etiam modo id fiat, in Somnio auditur, sicut ait Scriptura; *In Somnio loquar cum eo*. In Visione verò Prophetiæ nihil apprehenditur, nisi Similitudines & Apprehensiones Intellectuales, propter quas pertingunt (*Homines*) ad scientias & disciplinas, quantum quidem per speculationem fieri potest, sicut exposuimus. Et hoc est, quod Scriptura sibi vult, dum ait, *In Visione me notum faciam*; vel, *notus fiam ei*. Gen. 15. 12.

Juxta hanc ergo ultimam expositionem octo tantum erunt Prophetiæ gradus, (*nam si falsum sit, in Visione audiri sermonem, concident tres ultimi gradus*), & eorum supremus ac perfectissimus erit, cum quis prophetet generaliter in Visione, etiam si Vir tantum cum eo loquatur, (*h.e. cum generaliter in Visione Prophetia alicui offertur*).

Verum objicies mihi fortè hoc loco, & dices: Inter gradus Prophetiæ numerasti & hunc, quòd Propheta quandoq; audiat Deum secum loquentem, ut Jesajas & Michæas. Istud verò quomodo quadrar, cum fundamentum nostrum sit, omnes Prophetas audire sermonem mediante Angelo, præter unicum Moysen, de quo dicitur; *Ore ad os loquar cum eo*? Num. 12. 8.

Respondeo; omninò ita se rem habere, & quòd medium illud fuerit facultas Imaginatrix, quâ audiverunt, quòd Deus loquatur cum ipsis in Somnio Prophetiæ. Moyses verò audivit ex Propitiatorio inter duos Cherubinos, sine ministerio facultatis Imaginatricis.

Verum in Commentariis nostris Talmudicis jam expoluimus differentias Prophetiæ illius, & sensum dicti istius, *Ore ad os loquar cum eo, sicut loquitur Vir cum socio suo, &c.*

Tu, si placet, inde pete. Non enim opus est, ut, quæ semel dicta sunt, repetantur.

## CAP. XLVI.

*Quòd Opera ea, quæ Propheta dicunt se fecisse,  
non fuerint facta reverà & externè, sed  
tantùm in Visione Prophetiæ.*

**E**X unico Individuo & singulari sumitur probatio ad omnia illius speciei Individua, & cognoscitur, quòd eadem sit ratio reliquorum. Et intentio mea in hoc capite est, quòd ex ratione & formâ unius narrationis Propheticæ, demonstratio sit petenda de reliquis similibus narrationibus omnibus.

*Actiones & opera Prophetarum omnia, quæ recensent, facta sunt in Visione Prophetiæ.*

Scias ergo, quemadmodum in Somnio accidit, ut Homini videatur, ac si in hanc vel illâ Regionem profectus esset, uxorem in ea duxisset, ac ad tempus aliquod ibi habitâset, filium, quem N. appellârit, & qui ralis aut ralis fuerit, ex ea suscepisset; ita se quoque rem habere in illis parabolis Prophetarum, quas vident aut faciunt in Visione Prophetiæ. Quicquid enim docent Parabolæ illæ de actione aliquâ & rebus, quas Propheta facit, de mensura & spatio temporis inter unam & alteram actionem, de professione ex uno loco in alium; illud omne non est nisi in Visione Prophetica, nequaquam verò sunt Actiones veræ & in sensu incurrentes, licet quædam partes præcisè & absolurè commemorentur in Libris Prophetarum. Quia enim notum est, totum factum esse in Visione Prophetiæ, non opus fuit in commemoratione cujuslibet partis Parabolæ repetere, quòd sit in Visione Prophetiæ, sicut Propheta ait; *Et dixit Dominus ad me*: neque etiam necesse fuit explicare, quòd fuerit in Somnio. Vulgus autem Hominum existimat, quòd actiones, professiones, quæstiones & responiones istæ omnes in Apprehensione sensuum factæ fuerint, non verò in Visione Prophetiæ. Itaque proposui mihi rem hanc explicare, & talia adducere, de quibus nemo Hominum dubitare potest, illisque exempla quædam adjicere, ex quibus judicare queas de aliis, quæ non sum adducturus.

Ex illis, quæ manifesta & extra omnem dubitationis aleam posita sunt, sunt verba Ezechielis; *Ego sedebam in domo mea, & seniores Jehudah sedebant coram me, &c. Et elevavit me Spiritus inter Cælum & Terram, & adduxit me Hierosolymam in Visionibus DE I.* Ira quòd dicit, *Et egressus sum in campum*, in Visione Prophetiæ accidit; sicut de Abrahamo dicitur, *Et eduxit eum foras, & dixit*; fuit autem hoc in Visione.

Sic

Ezech. 8.1.

Ezech. 3.13.

Gen. 15.5.

v.1.



Sic quod ait Ezechiel, *Et collocavit me in medio campi*; utique factum Ezech. 37. 1.  
est in Visionibus DE I. Præterea commemorat Propheta in Visione  
illâ, quâ Hierosolymam translatus fuit, quippiam, his verbis; *Et ec-* Ezech. 8. 7. 8. 9.  
*ce foramen unum erat in pariete. Et dixit ad me, Fili hominis, fode nunc in*  
*pariete: & fodi in pariete, & ecce ostium unum, &c.* quod sine dubio in  
Visione quoque factum est. Quæ admodum autem vidit in Visioni-  
bus, quod iussus fuerit fodere in pariete, ut intrare & videre posset,  
quid intus faciant, quod foderit, (sicut dicitur, *in Visionibus DE I.*) ibid. v. 3.  
per foramen ingressus fuerit, & viderit id, quod vidit; (omnia enim  
hec in Visione Prophetiæ facta sunt): ita quoque id, quod dictum  
est ad eum; *Et tu sume tibi laterem, &c. Et tu dormi super latus tuum sini-* Ezech. 4. v. 1.  
*strum, &c. Et tu cape tibi triticum & hordeum:* quod item alibi ei dictum v. 4.  
legitur, *Novaculam hanc consoriam cape tibi, & transire fac super caput* v. 9.  
*tuum, & super barbam tuam;* ita, inquam, ista omnia in Visione Pro- Ezech. 5. 1.  
phetiæ facta sunt; ac vidit, vel visum fuit ipsi, se ista opera facere, quæ  
ipsi præcipiebantur. Absit enim, ut DEUS Prophetas suos stultis  
vel ebriis similes reddat, eosque stultorum aut furiosorum actiones  
facere inbeat; præterquam quod præceptum illud ultimum Legi  
repugnâssent! Fuit autem Ezechiel Sacerdos magnus, & propterea  
ad duo illa præcepta negativa, de non radendo angulo capitis & an-  
gulo barbæ, obligatus. Proinde non nisi in Visione Prophetiæ fa-  
ctum fuit. Idem iudicium est de eo, quod dicitur; *Quemadmodum* Jes. 10. 3.  
*ambulavit servus meus Jesajas nudus & discalceatus:* utique enim in Vi-  
sionibus DE I. & hoc factum est. Qui verò minùs firmo iudicio sunt  
præditi, illi hæc omnia ita intelligunt, ac si Propheta narraret, quid  
sibi injunctum fuerit, & quid reverà fecerit. Ita narrat Propheta, se  
iussu fuisse fodere in pariete, & dicit se fodisse, *Et fodi,* inquit, *in pa-*  
*riete;* cum tamen esset in Babylonia! Sed declaravit, quod istud ac-  
ciderit *in Visionibus DE I.* Et sicut quod de Abrahamo legitur, *Fuit* Gen. 15. 1.  
*Verbum DOMINI ad Abrahamum in Visione,* dicendo: & in illa Visione  
dicitur, *Et eduxit illum foras, & dixit; Suscipe nunc Cælum, & numera*  
*Stellas:* sicut, inquam, clarum & evidens est, quod in Visione Pro-  
phetiæ factum fuerit, quod viderit, ac si educeretur è loco, in quo  
fuit, ut videre posset Cælum, & quod postea dictum fuerit ei, *Numera*  
*Stellas:* ita dico de eo, quod Jeremiæ injunctum & in mandatis  
datum fuit, *Ut abscondat cingulum in Euphrate, & quod cum absconderit,* Jerem. 13. 4. 5. 6.  
*deinde elapso longo tempore iterum quasitum illud veris. & corruptum ac pu-*  
*trifatum invenerit:* ita, inquam, ajo, hæc omnia in Visione Prophetiæ  
facta fuisse, neq; Jeremiam è Terra Israël in Babyloniâ exivisse,

- Hof. 1. 2. aut Euphratem vidisse. Ita quod dictū fuit Hoseæ, *Vade, accipe tibi uxorem fornicationum, & filios fornicationū*; totum item illud, quod de generatione sive partu Liberorum & illorū appellationibus ibi dicitur, factum est in Visione Prophetiæ. Nam posteaquā de istis explicatur, quod sint Parabolæ, nullus remanet dubitandi vel dicendi locus, quod existentiam veram habeant, sed sicut dicitur; *Eritq; vobis Visio omnium verborum Prophetarum, sicut verba Epistola obsignata, &c.*
- Jes. 29. 11. Ita videtur mihi, quod factum Gedeonis cum Vellere in Visione contigerit, sed non in vera & mera Visione Prophetiæ; Gedeon enim non pervenit ad gradum Prophetarum, multò minùs ad gradum Miraculorum: & summa ejus perfectio fuit, quod apprehendit sicuti Judices Israël. Unde Sapientes nostri eum constituerunt *inter Homines leviores, vel viliore*, sicut exposuimus. Totum proinde contigit in Somnio, quale fuit Somnium Labanis & Abimelechi.
- Zach. 11. 12. 13. Ita, quod ait Zacharias, *Pascam oves illas occisionis, &c.* usque ad finem illius narrationis, ubi postulasse dicitur mercedem, illam accepisse, & in domum DOMINI ad thesaurarios projecisse; omnia inquam, ista vidit in Visione Prophetiæ. Nam & mandatum, quod accepit, & factum, quod fecisse dicitur, in Visione Prophetiæ, vel in Somnio Prophetiæ acciderunt. Atque hæc res extra omnem est controversiam, quam nemo ignorat, nisi fortè, qui nescit discernere inter possibilia & impossibilia, sed illa confundit. Ex iis autem, quæ adduxi, judicare potes de illis, quæ sicco pede præterivi. Omnia enim sunt ejusdem speciei & formæ, omnia sunt *Visio tantum Prophetica*. Quæcunq; autem in ejusmodi Visione dicuntur; ut, Quempiam aliquid fecisse, audivisse, exivisse, introivisse, dixisse, compellatum esse, steterisse, sedisse, adscendisse, descendisse, ivisse, interrogasse, interrogatum esse; illa omnia sunt intelligenda *in Visione Prophetica*. Et licet prolixè nonnunquam res illæ recitentur, & circumstantiæ temporis, loci, personarum, indicentur; tamen postquā intelligis, quod opus illud sit Parabola, certò persuasus esto, quod acciderit in Visione Prophetiæ.

## CAP. XLVII.

*De Hyperbolis & Metaphoris, quæ in Prophetis occurrunt.*

**H**ACTENUS sufficienter tibi demonstratum & declaratum est, magnam Prophetiarum Prophetarum partem factam esse  
in

in Parabolis: nunc itaque paucis quoque tibi exponendæ sunt *Metaphoræ, Hyperbolæ, & Excessus*.

Sunt enim quædam in Scriptis Prophetarum, quæ, si juxta sensum litteralem accipiantur, & non intelligatur, quod *Hyperbole* aliqua in eis sit, aut si sumantur, ut verba sonant secundum primam suam significationem, & non observetur, quod sint *Metaphorica*, res gignent absurdissimas. Hinc est, quod vulgo dicunt Sapientes nostri, *Loquitur Lex nonnunquam hyperbolicè*. Dicti autem illius probationem petiverunt ex eo, quod dicitur, *Civitates magna & munita in Cælum*: id quod verissimum est. Ex numero autem loquutionum hyperbolicarum sunt quoque ista: *Ave: Cæli deferent vocem. Cujus altitudo erat sicut altitudo cedrorum*. Atque istiusmodi res, quæ hyperbolicè & superlativè, nequaquam verò definitivè & propriè dictæ sunt, quàm plurimæ reperiuntur apud Prophetas. Ad illas verò nequaquam referendum & trahendum, quod in Lege de Ogo scribitur; *Arso eres barsel*, h.e. *Sponda vel Lectus ejus lectus ferreus*, &c. *Eres* enim idem est quod *Mitrah Lectus*; ut in illo, *Etiā arsenu Sponda nostra*, vel *Lectus noster virens*. Nullius quippe Hominis lectus æqualis est staturæ ejus. Nam Lectus non est sicut vestimentum, sed Lectus semper major est Vito, qui in eo dormit: & secundum communem quidem consuetudinem solet Lectus tercia parte longior esse Viro, qui in eo dormit. Unde, si longitudo spondæ ejus fuit novem cubitorum, fuerit longitudo Viri, qui dormivit in ea, secundum communem lectorum proportionem sex cubitorum plus-minus. Præterea, quod ibi dicitur, *Ad cubitum Viri*, ejus sensus est, *Ad cubitum alterius communis stature Viri*, non verò ad cubitum Ogi. Nam omnes reliqui Homines eandem ferè habent membrorum proportionem. Dicitur itaque, quod statura Ogi duplo major fuerit, aut paulò minus staturâ reliquorum Hominum; id quod quidem rarissimum & monstrum veluti Hominis, nequaquam verò prorsus impossibile est.

Quod verò Lex scribit de mensura dierum, & de ætate primorum Mundi Hominum; de eo dico, quod tantam ætatem non sint assequuti, nisi illi, quorum expressè sit mentio: reliquos autem Homines vixisse dies naturales, consuetos, & ordinarios. Raritas proinde & Novitas fuit tantum in singularibus illis Individuis; idque vel propter accuratam alimenti vivendique rationem & diætā, vel per modum aliquem miraculosum. Aliiter de ea re dici non potest.

De Metaphoris  
Prophetarum.

Jes. 55. 12.

Jes. 14. 3.

Deut. 32. 14.

Deut. 28. 12.

Psal. 78. 23.

Ezech. 1. 1.

Exod. 32. 32.

33.  
Psal. 69. 19.

Psal. 119. 144.

Jes. 45. 19.

Porro autem diligenter quoque; considerandæ sunt *Metaphoræ*, quæ occurrunt. Illarum quædam sunt tales manifestæ & palam, quæ neminem dubitare patiuntur; ut, cum dicitur; *Montes & colles cantabunt coram vobis laudem, & omnes arbores agri plaudent manu.* Est enim hic manifesta Metaphora. Ita quod dicitur; *Etiā abietes latata sunt de te, &c.* Jonathan Filius Uzielis transiit; *Etiā Principes ejus laetantur de te, divites opum gaudent:* & posuit illud ex sensu Parabolæ, sicut, *Butyrum bovum & lac ovium.* Atque istiusmodi Metaphoræ infinitæ propemodum occurrunt in libris Prophetarum, & earum quædam ita sunt comparatæ, ut vulgus & idiotæ quoque eas animadvertere possint; quædam verò ita, ut existiment, nullam ibi subesse Metaphoram. Nam de dicto illo, *Aperiet Dominus tibi thesaurum suum optimum Cælum,* nemo dubitat, quin sit metaphoricum, & *Deus* nullum thesaurum habeat, in quo pluviam reservet. Ita quoque cum dicitur, *Et januas Cæli aperuerat, & pluerat super eos Manna ad comedendum,* nemo crederet, quod in Cælo portæ sint vel januæ, sed per similitudinem dictum hoc est, & est quoque Metaphoræ species. Sic necesse est, ut intelligatur, quod alibi dicitur, *Aperi fuerunt Cæli.* Item illa, *Aus si non, dele me de libro tuo, quem scripsisti.* Delebo illum de libro meo. *Deleantur de libro viventium.* Et hæc enim omnia metaphorice dicta sunt. Nam *Deus* nullum habet librum, in quem scribit, vel è quo delet aliquem, sicuti vulgus existimat, quia non exercitati sunt in Metaphoris; sed omnia sunt ejusdem generis & farinæ. Tu propria & privata industriâ collige reliqua, quæ non produxi, eaque istis adjice, quæ in hoc capite exposui, & distingue diligenter singula, ut cognoscas, quidnam per Parabolam, quid per Metaphoram, quid per Hyperbolem, & quid denique juxta litteram & simplicem sensum dictum sit. Id si feceris, faciles etunt tibi Prophetiæ omnes; revelabuntur tibi secundum ordinem intelligibilia vera credenda multa, quæ *Deo* Opt. Maximo placent & grata sunt, cui nil placet præter Veritatem, & cui nihil est exofum præter Fallaciam & Mendacium; tutus eris, ne confundantur cogitationes tuæ, ut credas dogmata falsa & à veritate aliena, eaq; tanquam Legem Divinam, vel Legi conformia habeas: Leges enim omnes, si rectè intelligantur, puram continent veritatem, sicut dicitur; *Justitia sunt testimonia tua in sæculum.* Item; *Ego Dominus loquens justitiam.* Tandè per hanc notionem & discretionem liber eris ab omnibus imaginationibus falsis earum rerum, quas *Deus* nunquam creavit, & ab omnibus turpibus & pravis sententiis, quæ vel in hæresin hominem peccant,

hunc, vel imperfectionē aliquam de DEI natura, ut Corporeitatem, Attributa, & Pafsionem, fidei ejus inculpant, vel denique finiftram opinionem & fufpicionem de verbis Prophetarum, ac fi falſa eſſent, generant, in quæ omnia delabuntur illi, qui ea, quæ hæcenus à nobis dicta & Arcana Legis ſunt, ignorant. Licet autem non niſi generaliter de illis loquuti ſimus, facile tamen eſt particularia quoque cognoscere, poſt illa, quæ à nobis dicta ſunt.

## CAP. XLIIII.

*De Actionibus quibusdam Naturalibus, Accidentariis, & Voluntariis, quas DEUS juſſiſſe dicitur.*

**N**ULLUM dubium eſt, quin cum omni re innovata & creata ita comparatum ſit, ut illa habeat cauſſam aliquam propinquam, quæ eam innovavit, & hæc cauſſa iterum aliam, ſicque conſequenter, uſque ad primam omnium rerum cauſſam, Voluntatem nempe, & Beneplacitum DEI. Hanc ob cauſſam ſolent non raro Prophetæ in ſuis ſcriptis cauſſas illas ſecundas & intermediarias omittere, & opus aliquod immediatè DEO adſcribere, ac dicere, quòd DEUS illud fecerit; id quod notiſſimum, & tùm à nobis alibi, tùm ab alijs Veritatis indagatoribus (prout communis eſt Legis noſtræ Doctorem ſententia) pertractatum eſt.

His ergo ſic prælibatis, attende diligenter ad ea, quæ in hoc capite dicturus ſum; quin-imò ſingularem & majorem diligentiam adhibe, quàm in reliquis capitulis omnibus. Hoc verò eſt, quod tibi ſum expoſiturus. Quicquid innovatur ab omnibus indifferenter cauſis propinquis ſive ſecundis, ex quibus aliquid innovatur, ſive ſint Subſtantiales Naturales, vel Voluntariæ, vel Accidentales, (Voluntarias eas dico, quando vel Voluntas Hominis alicujus rei cauſſa eſt, vel etiam Voluntas aliorum Animantium), illud omne attribuitur DEO in Libris Prophetarum, & liberè dicunt de illis Operibus, quòd DEUS illa vel præceperit, vel dixerit, utunturque de illis, verbis *Amar* Dicendi, *Dibber* Loquendi, *Zivvah* Præcipiendi, *Kara* Vocandi, *Schalach* Mittendi.

*Ea, quæ innovantur à cauſis ſecundis, attribuantur Deo, tanquam cauſæ primæ.*

Atque hoc eſt, de quo te in hoc capite erudire volui; quòd nempe DEUS ſecundùm ea, quæ modò à nobis ſtatuta ſunt, excitet tam Animalium irrationalium Voluntatem, quàm liberum Arbitrium  
Anima-

Animalis rationalis : & quòd Ipse sit, qui trahit vel regit tam res naturales secundum consuetudinem ipsarum, quàm accidentia, quæ sunt veluti additamenta rerum naturalium, & maximà ex parte Naturæ, Voluntati, & libero Arbitrio communia. De his enim omnibus, quæ ex istis causis sequuntur, dicitur, vel quòd Deus illa sic facere iusserit, vel quòd dixerit, ut ita sint. Illorum autem singulorum exempla nunc tibi adducam, ut ex illis iudicium quoque ferre possis de iis, quæ non sum adducturus.

*Res naturales.* De eo, quod sequitur ordinariè ex rebus Naturalibus, ut de liquefactione Nivis à calore Aëris, & de strepitu Aquarum Maris à procella Ventis, dictum est; *Mittit Verbum suum, & liquefacit ea, &c.* Item; *Et stare facit Spiritum turbini, & exaltat fluctus ejus.* De descensu pluvix; *Nubibus quoque mandabo, ne pluant super eam pluviam.*

*Res arbitraria.* De eo, cujus causa est *Voluntas & liberum Arbitrium Homini*: ut, cum unus Populus alteri bellum infert, vel alter alterum injuriâ & damno afficit, etiam usque ad calumniæ illationem. Ita dicitur de Tyrannide Nebucadnezaris & Exercitus ipsius; *Ego precepi prapartia à me, etiam vocavi fortes meos in ira mea.* Item; *Ad Gentem impiam misit eum.* In negotio Simeii filii Gerah dicitur; *Nam Dominus dixit ei, Maledic Davidi.* Quando Joseph liberatus fuit è carcere, dicitur; *Misit Rex, & solvit eum.* De Persarum & Medorum dominio in Chaldaeos; *Et misit in Babel ventilatores, & ventilabunt eam.* De Elia, cum dicitur; *Deus ei cibum & alimentum suum procuraret; Ecce, precepi mulieri viduæ, ut pascat te.* De Josepho iterum; *Nunc itaque, non vos misisti me huc, sed Deus!*

De eo, cujus causa est *Voluntas reliquorum Animalium irrationalium*, & ad quod propter necessitates vitæ suæ incitantur, dicitur; *Et dixit Dominus pisci illi, & evomuit Jonam in aridam*: ed quòd Dominus excitavit voluntatem illam in pisce, non verò, quòd Dominus ex illo pisce Prophetam, & Prophetiam aliquam super eo requiescere fecerit. Sic dicitur de Locusta, quæ venit tempore Joëlis filii Petuëlis; *Quia fortia & facientia Verbum ejus.* Ita de colluvie Animalium irruentium in Edom tempore vastationis ejus in diebus Sancheribi; *Et ipse projecit eis sortem, manusque ejus divisit illum in linea.* Licet enim hic nullum adhibeatur verbum Dicendi, vel Mittendi, vel Præcipiendi, tamen per bonam consequentiam subintelligitur & includitur. Et ex eâ ratione de aliis similibus in hac materiâ phrasibus judicandum.

*Res accidentales.* De rebus Accidentalibus, & quidem de Accidente mero, habemus exem-

exemplum in Rebecca ; *Sit uxor filio heri tui, quemadmodum dixit* Gen.24.51.  
*DOMINUS.* In historia Davidis & Jonathanis ; *Quia misit te* 1.Sam.20.22.  
*DOMINUS.* In historia Iosephi ; *Et misit me* *DOMINUS* an-Gen.45.5.  
*te vos.*

Sic itaque declaratum tibi quoque est, quomodo de Causis quibusvis secundis, siue illæ sint Substantiales, siue Accidentales, siue Voluntariæ, quomodo inquam de illis omnibus indifferenter dicantur quinque hæc verba, *Zivvah, Amar, Dibber, Schalach, Kara.* Quocirca diligenter id retine, & singulis locis pro ratione sensûs eo utere. Sic enim absurda & inconuenientia multa à te recedent, manifestabiturque tibi vera & genuina locorum illorum explicatio, qui à veritate alieni esse videntur.

Atque hæc sunt etiam ea, quæ de Prophetia, illius Parabolis, variis dicendi modis, reliquisque ad hanc materiam pertinentibus dicere debui, potui, volui. Nunc, iuvante Deo, progrediemur ad alia.

FINIS PARTIS SECUNDÆ.







RABBI MOSIS MAJEMO-  
NIDIS

# MORE NEVOCHIM

PARS TERTIA.

PRAEFATIO.



ULTOTIES jam exposuimus, principalem nostrum in hoc Tractatu scopum esse, quantum fieri potest & licet, Opus Creationis (*Theologiam Naturalem*) & Opus Mercavah, h. e. Currium, (*Ezechielus sc., i. e. Theologiam Mysticam & Spiritualem*) explicare, prout in eum finem ad Librum hunc conscribendum me accinxi.

Monui etiam, quodd Res istae sint ex *Arcana Legis*. Nosti autem, quodd graviter culpant Rabbini nostri eum, qui illa revelaret; & quodd econtra illius, qui Secreta Legis, etiam ea, quae Viris doctis & sapientibus nota & manifesta sunt, occultat, amplissimam mercedem esse dixerint. Sic enim legitur in *Pesachim* ad illud Prophetæ Jesajæ, *Quia habitantibus coram Domino non erit negotiatio ejus, ut comedant ad saturitatem*, Velimchasse attik. Dixerunt (Rabbini); Velimchasse Et operienti verba, quae revelavit Attik Antiquus dierum. *Quae nam autem sunt illa? Arcana Legis*. Quid his verbis sibi voluerint, facile intelliges, siquidem intelligentiâ cor tuum sit praedictum.

Praeterea ostendimus, quàm profundum sit Opus Mercavah, & quàm longè Vulgi caprum superet.

Insuper declaravimus & hoc, quodd & ea, quae per singularem Dei gratiam quis addidit & intelligit, alios docere prohibitum sit, nisi de facie ad faciem, & quidem illi tantum, qui a libi à nobis recitatas qualitates habet, & nil aliud, quàm summa & generalia capita. Atque hæc est causa, propter quam illius scientia & cognitio

peni-

Jes. 23. 18.

Dan. 7. 13.

penitus è Gente nostra interciderit, ita ut neque modicum, neque multum ampliùs de ea reperiat. Ita autem fieri tùm conveniebat, quia nunquam deerant, quia ea ex ore docentium exciperent. Nullus etiam unquam de ea conscriptus & compositus fuit Liber.

Quæ omnia cùm ita sint, quâ ratione audeo ego ea te docere, quæ mihi nota sunt & perspecta. Veruntamen desistere & cessare à consignandis & conscribendis iis, quæ ego cognita habeo, & illa unâ mecum perire pati (quod necessariò sequeretur) nefas duxi magnum, & fraudi tibi aliisque de his rebus hæsitantibus fore existimavi; perinde ac si veritatem coram eo, qui eâ dignus, suppressere, aut hæreditatem justo & legitimo hæredi invidere vellem, quæ duo sunt vicia pessima & turpissima. Clarè autem & apertè illa explicare, jam diximus Lege esse vetitum, præterquàm quòd Intellectus nobis idem dicat, & quòd ego ipse non certam scientiam, sed opinionem tantùm illarum rerum, quas intelligo, habeam. Neque enim per singularem aliquam Prophetiam Divinam ea accepi, ut certò affirmare auderem, quòd ita & non aliter sese habeant; neque etiam à certo aliquo Doctore p̃a, quæ credo, tradita mihi sunt, sed suggererunt mihi illa tùm Librorum Prophetarum & Sapientum nostrorum scripta, tùm Principia illa Speculariva, quæ habebant. Fieri verò potest, ut quoque aliter sint aliamque intentionem habeant.

Singulari autem judicio, & auxilii Divini subsidio usus sum ad hoc, quod nunc tibi enarrabo. Ita enim expositurus tibi sum ea, quæ Propheta Ezechiel p. m. in Visione sua scribit, ut, qui expositionem meam audiet, existimaturus sit, me nihil aliud dicere, præter id, quod Scriptura tradit, aut verba quasi ex una Lingua in aliam transferre, aut denique *κατ' ἐπίφωρον* sensum rerum manifestarum manifestare. Quòd si verò ea considerârit is, in cuius gratiam Liber hic est compositus, & perfectâ cutâ ac diligentia singula ejus capita perlegerit, tam ei nota & manifesta erunt omnia, quàm sunt mihi, ita ut ne gry quidem ei sit occultum remansurum. Atque hoc est summæ artis, congregare posse ea, ex quibus Homines omnes possunt utilitatem capere, & prout decet, ea tegere & occultare, quæ occultanda sunt.

His itaque sic præmissis, appono cor tuum ad capita sequentia de nobili & præclara ista materia, quæ est veluti clavus, à quo omnia dependent, & columna, cui reliqua omnia inni-  
runtur.

## CAP. I.

*Quomodo intelligendum sit, quod dicitur de  
Similitudine sive Faciebus Anima-  
lium, apud Ezechielem.*

*De faciebus A-  
nimalium, apud  
Ezechielem.*

NEMO nescit, Homines quosdam reperiri, quorum facies referunt formam aliorum Animantium. Unus quippe est, qui faciem habet similem faciei Leonis; alius, cujus facies similis est faciei Bovis; & sic consequenter. Ab illis igitur Animantibus, ad quorum formam & physiognomiam inclinant, frequenter denominantur Homines. Ita quod dicitur apud Ezechielem, *Facies Bovis, Facies Leonis, Facies Aquila*, intelligendum est de faciebus Hominum; quæ conveniunt cum Forma istorum Animalium. Probationes hujus rei habes duas. Una est, quòd primò de Animantibus in genere dicitur, *Et hic aspectus eorum, similitudo Hominis erat eis*: & quòd postea in specie uniuscujusque Animantis forma describebatur & denominetur; quòd nempe habuerint *faciem Hominis, faciem Bovis, faciem Leonis, & faciem Aquila*. Altera ratio sumpta est ex eo, quod in *secunda Mercavah*, quam adduxit, ad ea, quæ in *prima Mercavah* omisit, explicanda, dicitur. Sic namque ait Propheta in *Mercavah* illa; *Et quatuor facies erant unicuique: facies una, erat facies Cherubini; facies secunda, facies Hominis; & tertia, facies Leonis; & quarta, facies Aquila*. Hic enim declarat, *faciem Cherubini* esse, quam antea *Faciem Bovis* dixerat. *Cherubb* autem est tenellus puerulus. Eadem est ratio reliquarum duarum Facierum. Quòd verò priùs dixit, *Faciem Schor*, non sine ratione ab ipso factum, sed respectu certæ alius, cujus etymologiæ & derivationis, sicuti alibi innumus. Neque dici potest, fuisse aliarum figurarum apprehensionem (in *Mercavah secunda*); in fine enim secundæ istius Narrationis ait: *Hoc est illud Animal, quod vidi in fluvio Chebar*. Sic ergo demonstratum est id, quod demonstrare volebamus.

CAP. II.

*In quo explicantur verba Mercava de Animalibus, Rotis, illorumque colligatione & motibus, & de iis, quæ erant supra Animalia.*

**M**EMORAT Ezechiel, se vidisse *quatuor Animalia*, & unum-<sup>Do figura seu</sup> quodque illorum *quatuor facies, quatuor alas, & duas manus* <sup>forma Animalium.</sup> habuisse. Omnium autem quatuor Animalium figuram comprehendit sub *figura Homini*; sicut ait, *Similitudo Homini erat illi*. Sic de Ezech. i. 5. *Manibus* inquit, quodd fuerint *Manus Homini*. Notum verò est, quodd Manus ejusmodi formam habeant, ut illis opera artificialia conficiantur. Deinde meminit *Pedum*, quodd Pedes illorum fuerint *recti*, h.e. quodd nullos habuerint articulos vel juncturas. Hic enim est sensus literalis ejus, quodd dicitur, *Pes rectus*. Sed illis verbis, *Et pedes eorum pes rectus*, etiam hoc voluit docere, quodd nunquam sedeant & quiescant superiora, (h.e. *corpora Cælestia*). y. 8.

Posteà recitat, quodd *Planta pedum* ipsorum, quæ sunt instrumenta itionis, non fuerint sicut plantæ pedum Homini, (sicut Manus fuerunt similes manibus Homini); sed rotundæ, sicut *Planta pedis vuli*. y. 7.

Post-hæc, quodd inter Animalia nulla fuerit distantia vel locus vacuus; sed unum alteri, h.e. inter se invicem arctissimè juncta fuisset, dum ait; *Juncta erant unum ad alterum*. y. 9.

Insuper dicit; Licet ita inter se invicem conjuncta fuerint, facies tamen & alas illorum desuper disjunctas fuisse, dicendo; *Facies autem & ala ipsorum erant disjuncta desuper*: ubi benè observa, quodd ait, *Desuper*; corpora enim erant conjuncta, sed facies & alæ illorum erant disjunctæ, sed *desuper*. y. 11.

Prætereà, quodd fuerint pura, sicut *Aspectus aris versi & politi*. y. 7.

Denique indicat, quodd fuerint splendentia, dum inquit; *Aspectus eorum veluti prunarum Ignis ardentium*. y. 13.

Atque hæc sunt ea, quæ in genere de illorum Animalium formis, *Faciebus* sc., *Alis*, *Manibus*, & *Pedibus*, commemorantur.

His peractis, progreditur ad describendum *Motus illorum*, & dicit de illis ea, quæ jam-jam audies.

De Motu Animalium.

Primò ait; In motu illorum Animalium nullam fuisse vel Curvitatē, vel Obliquitatē, vel Tortuositatē, sed Motū fuisse unum. Ezech. l. v. 12. Hoc enim sibi vult, dum inquit; *Non convertebantur, dum ambulabant.*

Ibid.

\*Deinde; quòd unumquodque in adversum faciei suæ iverit: *Unumquodq; ex adverso vel in adversum faciei suæ ibant*, (h.e., ut Jun. & Tremell. vertunt, *in tractum faciei suæ objectum*). Expresè enim ait, quòd unumquodque Animal iverit in adversum faciei suæ. Verùm miror, in cuius nam faciei, cū unumquodque plures facies habuerit? Quicquid sit, significat, quòd omnia quatuor non iverint in latus unum. Si enim hoc esset, non attribuisset unicuique Motum peculiarem & proprium: neque dixisset, *Quique in adversum faciei suæ ibant.*

v. 14.

Tertiò; quòd forma Motūs illorum fuerit *Cursus*, & quòd in circulum redierint, & revoluta fuerint, (h.e. quòd *moti fuissent motu velocissimo & celerrimo, eòq; circulari*): Et *Animalia* rāzo vāschobh currere & reverti. Rāzo enim est Infinitivus à radice Rāz. Currere; & Schobh est Infinitivus à radice Schubh Redire, Reverti. Non dicit, *Haloch uba ibant & veniebant*; sed, quòd Motus illorum fuerit *Cursus* & *Revolutio in circulum*: & hoc similitudine eleganti illustrat, dum ait;

Ibid.

*Secundum aspectum habbasak h.e. fulguris.* Basakenim hoc loco idem est quod Barak Fulgur. Voluit proinde dicere; Motus illorum erat instar fulguris, cuius motum videmus esse motuum omnium velocissimum, ita ut videatur, ac si velocissimè ex loco uno curreret, & eādē celeritate ac velocitate aliquoties se converteret, & in locum priorem, è quo movebatur, rediret. Jonathan F. Uzielis verba ista [*Currebant & redibant*] sic interpretatus est; *Circubant & circumdebant Mundum, & revertebantur simul, erantq; veloces, ut aspectus fulguris.*

v. 15.

Quartò; quòd Motus Animalium ad latus illud, in quod singula motu suo cursorio & revolutorio (*ut ita dicam*) moventur, non sit spontaneus sive internus, sed exterius à re aliquā externā, Directione sc. Divinā proveniens, & quòd Animal unumquodque in latus illud, in quod Directio Divina illud vult moveri, moveatur motu illo velocissimo & celerrimo, quem designat per *Currere* & *Redire*.

part. I. cap. 40.

Hoc enim est, quod ait de Animalibus; *Quicumque erit Ruach Spiritus ut cant, ibunt. Non divertent, quando ambulabunt.* Ruach enim hoc loco non significat Spiritum flantem sive Ventum, sed Intentionem & Voluntatem, Divinam sc., sicuti exposuimus in homonymia vocis Ruach. Sensus proin est, quòd in latus illud, sive in plagam illam, in quam Intentio Divina vult, moveantur Animalia. Hoc pacto in-

ter-

interpretatus est etiam Jonathan; *In locum, in quem beneplacitum (vel voluntas) erit, ut eant, ibunt, non diverſent eundo.* Quia verò ex ſenſu litterali iſtorum verborum, *Quòcumque erit Spiritus, vel volueris Spiritus ut eant, ibunt;* videtur, quòd quandoque voliturus ſit D E U S, ut Animal eat in latus unum, & quòd in illud latus ſit iturum: quandoque verò in latus aliud oppoſitum, & quòd eò quoque iturum ſit; idcirco explicat dubium iſtud, & inquit, Nequaquam ita ſerem habere, ſed quòd illud Futurum *Jibjeh* Erit, quod in Textu habetur, poſitum ſit pro Præterito *Hajab* Fuit; id quod crebrò in Lingua Hebræa occurrit; &, quòd jam determinatus & definitus ſit locus, in quem Deus vult, ut unumquodque Animal ambulet; ac denique quòd Voluntas illa ſit firma & immutabilis. Sicenim in declaratione hujus negotii ait in verſu alio, *Quòcumque erit Spiritus ut eant, ibunt;* *illuc* (vult) *Spiritus ut eant.* Obſerva admirabilem hanc declarationem & expoſitionem!

Ezech. i. v. 20.

Atque hæc ſunt quoque ea, quæ reſert de ratione Motûs Animalium, poſt explicatam ipſorum formam & figuram.

Deinceps aggreditur aliam Narrationem, & dicit, ſe viſiſſe Corpus quoddam ſub Animalibus, non ſolùm cum illis, verùm etiam cum Terra conjunctum, & quatuor quoque Corpora quatuorq; Facies habuiſſe. Figuram autem & formam certam vel Hominiſ, vel alterius alicujus Animantis, nullam ei aſſignat; ſed inquit, quòd fuerint corpora magna, tremenda & terribilia, (Formam verò nullam, ut dixi, ipſis attribuit); & quòd *eorum corpus eorum, plenum erat oculis.* Hæc autem (Corpora) ſunt ea, quæ nominat *Ophannim*, h.e. *Rotas*, dum ait; *Et quùm viſiſſem Animalia, & ecce Rota una in Terra, juxta Animalia, cum quatuor faciebus ſuis.* De his verò explicat, quòd fuerint corpus unum, & ejus pars una juxta Animalia, altera verò in Terra, & quòd Rota illa quatuor facies habuerit; *Aſpectus*, inquit, *Rotarum & opus earum tanquam aſpectus ipſius lapidis Tharſis, & ſimilitudo una erat quatuor illis:* ubi, dum pro eo, quod antè dixit, *Rota una*, nunc dicit, *Quatuor*; manifeſtè ſignificat, quòd quatuor Facies Rota nihil aliud ſint, quàm quatuor Rota.

v. 18.

v. 15.

v. 16.

Deinde memorat, quòd una ſit quatuor Rotarum forma, dicendo: *Et ſimilitudo una erat quatuor illis.*

Ibid.

Poſtea ſignificat de iſtis Rotis, quòd ſint inter ſe compoſitæ, dum ait: *Et aſpectus eorum, & opera eorum, ac ſi Rota una eſſes in medio Rota alterius.* id quod de Animalibus non fuit dictum. Voce enim *Beroch* In medio, non eſt uſus in Animalium deſcriptione, ſed ſimpliciter dixit,

Ibid.

dixit,

Ezech.1.v.9. dixit, quòd inter se connexa fuerint & conjuncta, sicut ait; *Junctæ erant unum ad alterum.* De Rotis autem dicit, quòd ita inter se conjunctæ sint, *ac si Rota esset in medio Rotæ.*

Quod verò de toto corpore Rotarum, cujus meminit, ait, quòd fuerit Male enajim Plenum oculis, id diversimodè exponi potest; vel, quòd reverà plenum oculis fuerit, vel, quòd multos colores habuerit, sicuti En h.e. Oculis, sumitur ibi, *Veeno keen* Et oculus ejus sicut oculus Bdelii, h.e. Et color ejus sicut color Bdelii: vel, quòd plenum fuerit Imaginibus & Similitudinibus, ut nempe Enajim ibi significet Imagines: quemadmodum Antiquos loquutos esse invenimus, quando dixerunt; Keen Secundum oculum, quem furatus est: Keen Sicut oculus, quem rapuit; voluerunt enim dicere, Kidmuth Secundum similitudinem ejus, quod furatus est: Kidmuth Secundum similitudinem ejus, quod rapuit: vel denique significabuntur Res & Forma

Num.11.7. *varie*, ex sensu illius loci, ubi David ait; *Fortè videbit DOMINUS beeni oculum meum:* vult enim dicere, Injani Negotium, Causam meam. Atque hæc sunt ea, quæ recenset de forma & fabrica Rotarum.

De Motu Rotarum.

De Motu Rotarum ait, quòd neque obliquus, neque perversus sit, sed quòd motus illarum sint recti, & sine variationibus. Hoc sibi Ezech.1.v.17. vult, dum ait; *Dum in quatuor partes suas eunt ipsa, ibunt, non divertent eundo.*

Deinde, quòd istæ quatuor Rotæ non à se-ipsis moveantur, sicut Animalia, neque ullum in se-ipsis motum habeant, sed tùm solùm, cùm alius illas movet; id quod sæpissimè repetit & inculcat. Motorem autem Rotarum facit Animalia, ita ut negotium Rotæ cum Animali e.g. se-se habeat, ac si quis Corpus silens mortuum (h.e. Corpus inanimatum, Mineralia, aut Metalla) manui aut pedi Animalis viventis alligaret; quòcunque vel quotiescunque enim movebitur illud Animal, movebitur simul lignum vel lapis ille membro ipsius alligatus. Hinc ait; *Quùm irent Animantia, ibant Rota juxta illa; & cùm elevabant se Animalia à Terra, elevabant se Rota.* Item; *Et Rota elevabantur è regione eorum.* Hujus rei causam addit, dum ait; *Spiritus enim Animalis erat in Rotis:* id quod paullo pòst ad majorem rei declarationem & confirmationem repetit; *Quùm ambularent ipsa, ibant; & cùm stabant ipsa, stabant; & cùm elevabant se à Terra, elevabant se Rota è regione ipsorum, quia Spiritus Animalis erat in Rotis.* Ratio ergo motus illarum talis fuerit; Quòcunque in latus Intentio Divina vult ut moveantur Animalia, in latus illud moveri Animalia à se-ipsis, & cum



cum motu Animalium moveri quoque Rotas in latus illud, quod sequitur colligationem ipsarum (cum *Animalibus* sc.); nequaquam verò, quòd Rotæ moveantur à sese in latus Animalium. Hunc ordinem ordinavit, dum ait; *Quòcunque erat Spiritus ut irent, ibant; & illuc Spiritus Rotarum erat ut irent, & Rotæ elevabant se à regione eorum: Spiritus enim Animalium erat in Rotis.* Interpretationē Jonathanis F. Uzzielis suprà tibi indicavi, *Quòcunque erat beneplacitum, ut irent, &c.*

Absolutà sic Narratione de Animalibus, eorumque formâ & motu; descriptis item Rotis, quæ erant sub Animalibus, cum eis colligatæ, & quæ cum motu illorum moventur, incipit tractare de Apprehensione tertiâ, quam apprehendit: & ita transit ad Narrationem aliam, ejus nempe, quod erat *suprà Animalia*, & dicit; quòd *suprà quatuor Animalia* sit *Expansum*, & *suprà expansum similitudo Solis*, & *suprà Solium similitudo tanquam aspectus Hominis.*

v. 22.

v. 26.

Atque hæc est summa eorum, quæ commemorat de Apprehensione, quam primò vidit in fluvio Chebar.

## CAP. III.

*De iis, quæ Ezechiel in Mercava secunda clariùs exposuit vel adjecit.*

**P**OSTEA QUAM commemoravit Ezechiel ea, quæ de forma Mercavæ in principio libri sui enarravit, repetita fuit ei eadem illa Apprehensio vice secundâ, cum ferretur in Visione Prophetica Hierosolymam, in cujus descriptione quædam nobis exponit, quæ non exposuerat ab initio.

Ex illis est, quòd pro voce *Chajoth* [h.e. Animalia] usus est voce *Cherubim*: significans nobis, *Animalia* illa, quorum primò mentionem fecerat, esse quoque *Angelos*, h.e. *Cherubinos*. Sic enim ait: *Et cum ambularent Cherubin, ambulabant rotæ juxta eos; quum verò elevarent Cherubin alas suas, ut attollerent sese à Terra, non divertebant rotæ etiam ab illis:* quibus verbis simul confirmat cohærentiam & connexionem duorum illorum motuum, quorum mentionem fecimus. Deinde; *Hoc est Animal, quod videram sub Deo Israël in flumine Chebar, & cognovi tandem, quòd Cherubini essent.* Repetit etiam easdem formas & eosdem motus, atque ita ostendit, quòd Animalia sint Cherubini, & Cherubini, Animalia.

Ezech. 10. 16.

v. 10.

Deinde, explicat quoque in hac secunda narratione rem aliam, quòd nempe *Ophannim*, h.e. Rotæ, sint *Galgallim*, h.e. Orbes, Globi,

Ezech. 10. v. 13. Sphæræ, dum ait; *Rotæ ipsis acclamatum est haggalgal, Orbis, Sphæra, in auribus meis.*

v. 11. Tertiò, exponit aliud quid de Rotis, inquiens; *Ad locum, ad quem convertebas: se caput vel primus Cherub, post illum ibant, nec diverteant, cum ambularent.* His enim verbis vult ostendere, Motum Rotarum violentum & coactum trahi utrique in locum illum, ad quem convertit se caput vel primus Cherub, de quo docet, quòd trahatur eò, quòcunque Spiritus est ut eat.

v. 12. Quartò, addit de Rotis & hoc; quòd *Rota plena erat oculis, per circuitum quatuor illarum Rotarum*: cujus in principio nullam fecerat mentionem.

Ibid. Quintò, dicit de Rotis in Apprehensione hac posteriore; *Et caro earum, & terga earum, & ala earum.* In prima verò de Rotis narratione nullam nec *Carnis*, nec *Tergorum*, nec *Alarum* mentionem fecit, sed solum dixit, quòd sint *Corpora*; in posteriore autem ait, quòd habeant *carnem, manus & alas*, sed tamen nullam certam formam illarum nominat.

v. 9. Sextò, explicat in secunda hac Apprehensione, quòd unaquæq; Rota Cherubino peculiari attribuatur, dicendo; *Rota una erat juxta Cherub unum, & Rota altera juxta Cherub alterum.*

Tandem exponit quoque hic, quòd quatuor Animalia sint Animal unum, propter arctissimam illorum inter se unionem & coherrentiam, dum ait; *Hoc est Animal, quod videram sub Deo Israël in flumine*

v. 10. Ezech. 1. v. 15. *ne Chebar*: sicuti Rotas quoque vocat *Rotam unam in Terra*, (licet, ut dictum, quatuor Rotæ fuerint): iterum propter illarum inter se coherrentiam, & quòd omnes quatuor unam similitudinem habeant.

Atque hæc sunt ea, quæ adjecit ultra priora de figura Animalium & Rotarum in Apprehensione ista secunda.

#### C A P. IV.

*De expositione Jonathanis F. Uzielis, qui per Ophannim Rotas, intelligit Coelos.*

**M**ONENDUS hic mihi quoque es de re quapiam, ad quam inclinavit Jonathan filius Uzielis.

Ezech. 10. 13. Videns ille aperta illa verba Prophetæ, *Rotæ ipsis acclamatum haggalgal in auribus meis*, statim definitivè pronunciavit, *Rotæ ipsos esse Coelos*.

*Calor*, ac proinde perpetuò transtulit vò *Ophan* Rota, per *Galgalla* Sphæra, & *Ophannim* Rotæ, per *Galgalla* Sphæra. Hanc verò expositionem sine dubio confirmavit apud eum, quòd *Ezechiel* de Rotis ait, illas esse *sicuri aspectum Tharsis*. Hic enim color, sicuti notum est, Cælo attribuitur. Cùm autem scriptum reperit, *Et vidi Animalia*, & ecce Rota una in Terra. quod sine dubio docet, Rotas esse in Terra, id durum valdè ipsi visum fuit juxta sententiam illam. Nihilominus tamen expositionem suam sequutus est, juxta quam Terra sumitur pro *Expansione Calorum*, quæ est veluti Terra, respectu ejus, quod est supra *Expansionem* illam: sic enim verba hæc; *Et rota una in Terra*, interpretatur, *Sphæra una posita erat sub altitudine Cæli*. Observa itaque expositionem ejus. Quod verò ipsum ad hanc sententiam permovit, meo judicio, est, quia existimavit, *Galgali* esse primum & proprium nomen Cæli.

Mihi autem videtur, rem longè aliter se habere, & *Galgali* idem significare quod *Gilgel*, h.e. Volvere, Devolvere: ut, *Vegilalticha* Et devolvam te de petris. Item, *Vajagel* Et devolvit lapidem. Et hac de causa dictum est, *Ukegalgal* Et sicut globus coram turbine; eò quòd volvi & revolvi soleat. Hac de causa quoque *Cranium Homini* appellatur *Gylgoeth*, quia rotundum est. Et quia omnis Globus facile velvitur, idèò omnis Res globosa vocatur *Galgali*. Atque ita Cæli quoque vocantur *Galgallim* à Rabbiniis nostris, propter rotunditatem ipsorum, h.e. eò quòd globosi sint, cùm ajunt: *Est Galgal Sphæra, Globus, qui circumit Mundum*. Ita appellant quoque *Cochleas ligneas* tam magnas quàm parvas, *Galgali*. Quocirca si res ita se habeat, tùm verba illa, *Rotis ipsis acclamatum est Galgal in auribus meis*, docebunt nos de forma illarum. Nam nullius certæ formæ vel figuræ mentionem fecit, neq; etiam dixit, quòd sint Cæli. Quod autem dicit, *Sicut aspectus Tharsis*, id nobis etiam explicat in secunda Narratione, dum ait: *Et aspectus Rotarum sicut oculus lapidum Tharsis*; ubi *Jonathan* interpretatur, *Sicut oculus lapidum pretiosi*: quâ ratione nôsti *Onkelum* exponere verba ista, *Sicut opus lapidum sapphirini*, per hæc, *Sicut opus lapidum pretiosi*. Unde unum & idem erit, live dicas, *Sicut oculus lapidum Tharsis*, live, *Sicut opus lapidum Sapphiri*: quod animadvertite. Noli autem aspernari, quòd mentionem feci hic expositionis *Jonathanis F. Uzielis*, & quòd ego aliter exponam. Multos enim invenies ex Sapienribus & Commentatoribus, qui tùm in Vocum, tùm in Rerum multarum Prophetarum interpretatione ab ipso dissentiant, ut nemini mirum videri debeat, si idem accidat in profundis istis *Mysteriis*. Præ-

terea, nullam ego sententiam alteri præfero & præpono: tu expositionem ejus, quia eam adduxi, totam intellige, & simul quoque expositionem meam. **D E U S** autem novit, quæ nam ex ambabus magis sit vera & congrua.

## CAP. V.

*Quòd in opere Mercava Ezechiel tres distinctas Apprehensiones apprehenderit, & qualisnam inter illas sit diversitas.*

Ezech. i. i.

*Triples fuit Apprehensio Ezechiel.*

cap. i. v. 4.

v. 15.

v. 27.

**E**X iis, de quibus in hac materia monendus es, est quoque hoc, quòd dixerit, *Visiones D E I*, in numero plurali; non autem, *Visio*, in numero singulari: quia nempe plures & speciebus differentes fuerunt Apprehensiones, tres videlicet, *Apprehensio Rotarum*, *Apprehensio Animalium*, & *Apprehensio Hominis*, qui erat supra Animalia, de quarum unaquaque ait; *Et vidi*. Nam de Apprehensione Animalium ait; *Et vidi, & ecce Ventus turbini*, &c. De Apprehensione Rotarum; *Et vidi Animalia, & ecce Rota una in Terra*, &c. De eâ re, quæ gradu & ordine fuit supra Animalia, ait; *Et vidi tanquam aspectum Chaschmal*, &c. A' *visione lumborum ejus*, &c. Neque sæpius quàm tribus istis vicibus vocem hanc, *Et vidi*, adhibuit in enarratione *Mercava*. Cujus rei rationem Sapientes Mischnæ indicârunt & suppeditârunt. Dicunt enim; Licitum esse docere duas Apprehensiones priores, Apprehensionem sc. Rotarum & Animalium; tertiam autem Apprehensionem, quæ est *Chaschmal*, & ejus, quod cohæret cum eo, non licitum esse docere, nisi secundum summa tantum & generalia ejus capita. Verùm *Rabbenu Jehudah bakkadosch* existimat, omnes tres Apprehensiones vocari *Opus Mercavah*, ac de nullâ licitum esse docere, nisi summa & principalia capita. Verba ipsorum hac de re sunt ista; *Quòusq; se extendit Opus Mercavah? Rabbi dicit; Usq; ad Et vidi postremum. Rabbi Isaac dicit; Usq; ad Chaschmal. A' Vaereh Et vidi, usque ad Chaschmal absolutè licitum est omnia tradere: sed hinc & ulterius non licet tradere, nisi summa & principalia capita. Alii dicunt, A' Vaere usq; ad Chaschmal tradimus tantum principalia capita. Hinc & ulterius si fueris sapiens & intelligēs ex mente sua; sin minùs, nequaquam. En tibi ex ipsorum Rabbiorum verbis demonstrationem, quòd diversæ vel distinctæ sint Apprehensiones: quòd de illis testimonii perhibeant tria illa *Vaere Et vidi*; quòd habeât gradus; quòd deniq; Apprehensio ultima (de qua dicitur, *Sicut oculus vel color Chaschmal*, h. e.*

h.e. formę Hominis divisę, de quo dictum est, *Ab aspectu lumborum ejus & infra; & ab aspectu lumborum ejus & supra*, sit extrema & suprema illarū Apprehensionum. De hac autē controversia est inter Sapientes; An permissum sit leviter & per nurum aut indicia quasi eam docere, h.e. tradere summa & generalia capita, an verò ne hoc quidem concessum sit, nisi eum, qui prudens est & intelligens ex mente sua? Ita controversit ut quoque inter eos de prioribus duabus Apprehensionibus, Rotarum videlicet, & Animalium, ut vides; An apertè & clarè liceat illatum sensum docere, an verò non nisi per indicia & ænigmata summa & generalia capita tradere sit permissum? Porro *De ordine trium Apprehensionū.* autem admonendus quoque es de ordine & dispositione trium istarum Apprehensionum; quòd nempe primo loco ponat Apprehensionem Animalium, quia dignitatis & causalitatis ratione sunt prima, sicut ait; *Spiritus Animalis erat in Rotis*: & alias ob causas. Secundo loco Apprehensionem Rotarum; & post eam Apprehensionem tertiam, quæ est gradus ratione superior Animalibus, sicut exposuimus; quia duæ Apprehensiones priores præcedunt ordine doctrinę Apprehensionem tertiam, & de ea docent. *Ezech. 1. 20.*

## CAP. VI.

*Visionem Ezechielis eandem fuisse cum  
Visione Jesaje.*

SCITO, Lector, præclaram istam Revelationem, quam Ezechiel *Apprehensio Ezechielis & Jesaje eandem.* docere nos incepit, per enarrationem *Mercave*, ad quam docendam instinctu singulari Prophetico impulsus fuit, rem esse eandem cum ea, quam in genere nos docuit Propheta Jesajas; non enim necesse habebat ipse, ut speciatim eam deduceret ac explicaret. Hoc est quod dicit; *Et vidi DOMINUM sedentem super Solum excelsum & elevatum, & simbræ ejus replebant Templum. Seraphim stabant super illud, &c.* *Jesa. 6. 1. 2.*

Idem hoc docuerunt & monuerunt nos Sapientes nostri, qui ajunt, quòd Apprehensio, quam apprehendit Ezechiel, sit illa ipsa Apprehensio, quam apprehendit Jesajas: & illustrarunt hoc Similitudine, *Similitudine illustrat differentiam inter Visionem Jesaje & Ezechielis.* desumptā à duobus Viris, Regem equitantem videntibus, quorum unus est ex Urbe, alter ex Pago. Qui ex Urbe est, quia novit, urbanos scire modum equitandi Regis, non narrabit, quomodo equitaverit, sed dicit solum, Vidi Regem. Alter verò, quia rem vult narrare paganis suis, qui modum equitandi Regium ignorant, speciatim & secundum circumstantias ipsis apparatus totum equitatus expo-

nit; qualis fuerit, quomodo equitaverit, quæ fuerit forma comitatus  
tani peditum quàm equitum, omniumque servorum ejus, qui faciunt  
verbum & præcepta ipsius: in qua ipsorum *rubricæ* continentur uti-  
litates multæ. Hoc autem sibi volunt, quando in *Chagigah* scribunt;  
*Quicquid vidit Ezechiel, vidit quoque, Jesajas: Jesajas similis est Homini ur-  
bano, qui vidit Regem; Ezechiel Homini pagano, qui vidit Regem.*

Per ista verba commodè jam exponi & ostendi potest id, quod  
inicio hujus capituli dixi; quòd nempe illi, qui Jesajæ sæculo vixe-  
runt, non opus habuerint, ut specialia illa eis explicentur, sed suffe-  
cerit ipsis, quòd dixit, *Et vidi DOMINUM*, &c. Viri autem captivita-  
tis opus habuerunt specialibus illis. Fieri tamen quoque potest, ut,  
qui illud dixit, (quod ex Talmud citatum modò est), arbitratus fuerit, Je-  
sajam magis fuisse perfectum, quàm Ezechielem; &, Apprehensio-  
nem illam, quæ Ezechielem terruit, terribilis quæ in oculis ejus fuit, Je-  
sajæ notam & familiarem fuisse, ita ut non necesse habuerit, ran-  
quam rem novam illam narrare; eò quòd nota inter perfectos fuerit.

## CAP. VII.

*Explicantur varia in Opere Mercavah.*

**E**X iis, quæ necessaria & digna indagatione sunt in Opere *Mer-  
cavah*, supersunt adhuc alia: ut,

*Primò*; Cur Mercavam connexerit per Annum, Mensem, Diem &  
Locum? Hujus enim rei ratio investiganda, neque sine ratione id  
factum esse existimandum est.

*Secundò* considerandum quoque id, (quod est quasi *maphteach* h.e.  
clavis ad reliqua omnia) quod ait; *Niphtechu Aperi sunt Cæli*, &c. Fre-  
quens enim est apud Prophetas *Aperiendi*, & *Apertionis portarum* Me-  
taphora: ut, *Aperite portas, ut ingrediar*, &c. Et *januas Cæli aperuerat*.  
*Elevate vos porte sæculi. Aperite mihi portas justitiae, ut ingrediar per illas, ce-  
lebrabo Fab: & similia alia multa.*

*Tertiò* attendendum: quòd, licet tota hæc Narratio sine dubio con-  
tingerit in Visione Prophetiæ, sicut dicit; *Et fuit super eum ibi manus  
DOMINI*; magnâ tamen sermonis varietatione, secundùm partium  
Narrationis diversitatem, utatur. Cùm enim mentionem facit Ani-  
malium, ait, *Similitudo quatuor Animalium*; non autem simpliciter,  
*Quatuor Animalia*. Sic, *Et similitudo super capita uniuscujusque Animalis  
erat Firmamenti*. Sic, *Tanquam aspectus lapidis Sapphiri similitudo Throni*.  
De his omnibus dicit *Demuth* Similitudo. Verùm de Rotis non in-  
quit,

Ezech. 1. 1.

Jesa. 26. 2.

Psal. 78. 23.

Psal. 24. 7.

Psal. 118. 19.

Ezech. 1. 3.

v. 5.

v. 22.

v. 26.

quit, *Similitudo Roræ*, vel, *Similitudo Rorarum*; sed præcisè & absolute de eis loquitur tanquam de re existente, sicut in se sunt. Neque te seducere debet id, quod dicitur; *Similitudo una erat quatuor illi*: hoc Ezech. 1. 16. enim non est istius generis, neque ejus sensus, de quo loquuri sumus. Confirmat & declarat rem istam Propheta in Apprehensione posteriore, dum absolute meminit Firmamenti, & speciatim illud depingens & describens, ita ait; *Et vidi, & ecce, in illo Expanso, quod erat supra caput Cherubinarum, sicut lapis Sapphir, veluti Visio similitudinis Solii apparebat supra eos*. Dicit enim hic, *Expansum* vel *Firmamentum* absolute, non verò *Similitudo Firmamenti*, sicuti factum est, quando conjunxit illud (*Firmamentum*) cum capitibus similitudinis Animalium. Sed Ezech. 1. 22. de *Solio*, inquit, *Similitudo solis apparebat supra ea*; ad docendum, quòd Apprehensio Firmamenti antecesserit, & postea demùm similitudo Solii supra illud ei apparuerit. Id quod te observare & animadvertere jubeo. v. 26.

Quartò observatione dignum est, quòd in Apprehensione primâ Propheta narrat, Animalia simul habuisse Alas & Manus Homines in Apprehensione verò secundâ (in qua declarat, quòd Animalia sint Cherubini) apprehendit primò tantùm Alas illorum, & deindè demùm innovatæ vel ortæ fuerunt ipsis Manus Hominis in Apprehensione ejus, sicut ait; *Et apparuit Cherubini tabernaculi structura manûs Hominis sub alis eorum*. In quibus verbis animadverte, quòd *Tabernaculi Structura*, idem sit quòd *Demuth Similitudo*; & quòd illas (*Manus Homini*) collocet sub alis eorum. Considera etiam, quomodo in sermone de Rotis dicat, *Leymmaram* è regione ipsorum; licet formam earum non definiat. Dicit etiam: *Velut aspectus arcûs, qui sit in nube in die pluvie; sic aspectus splendoris circum-circa*. Hac erat *Visio similitudinis Gloriæ DOMINI*, &c. Materia & veritas arcûs hic descripti nota est. Est autem hoc mirabile valdè in similitudine & comparatione, & sine dubio factum in virtute Prophetica.

Quintò notandû est, quòd partitus est similitudinè Hominis, qui erat super Solium; quòd videlicet superior ejus pars fuerit sicut color *Chaschmal*, inferior autem sicut *Visio Ignis*. Vocem hanc *Chaschmal* חשכמל Chaschmal quidam exponunt, quòd composita sit ex duabus vocibus, *Chasch* & *Mal*, quæ significant *Festinationem* vel *Accelerationem*, (de qua docet *Chasch*, quod significat *Festinare*) & *Abscissionem* vel *Circumcisionem*, *Amputationem*, (de qua docet *Mal*, quod significat *Præcidere*, *Circumcidere*), idq; ad denotandam conjunctionem duarum diversarum rerum, sub notatione duorum laterum, superioris & inferioris. Sed monuerunt nos

v. 20.

v. 28.

mal quid?



nos quoque de alia etymologia, & dixerunt, derivatum esse ex *Le-  
cutione* & ex *Silentio*, sicut ajunt; *Quandoq;* Chaschoth *filent, quandoq;*  
memalleloth *loquuntur*; ita ut *Chasch* (in *Chaschmal*) significet *Silen-  
cium*, (juxta illud, *Hecheshcheri Tacui à saculo*), ad docendum de dua-  
bus rebus in sermone sine voce. Neq; ullum dubium est, illos, dum  
dicunt, *Quandoq;* *tacent, quandoq;* *loquuntur*, hoc intelligere de re crea-  
tâ. Vide enim, quomodo nobis explicârint, quòd illa Similitudo di-  
visa Hominis, qui erat super Solium, non sit Parabola de *D E O Opt.  
Max.*, qui omnis compositionis est expertus, sed de re aliquâ creatâ,  
sicut Propheta inquit; *Hæc est Visio similitudinis Gloriæ DOMINI. Glo-  
ria enim DOMINI*, non est *DOMINUS ipse*, sicuti aliquoties jam do-  
cuimus. Atqui ea omnia, quæ per Parabolas proposuit, nihil sunt  
aliud præterquàm Gloria Domini; *Mercavah* nempe, h. e. est *Curru*,  
non verò *Harochebb*, Qui curru vehitur, vel ei insidens. Nam *D E U M  
Opt. Max.* nulli rei afsimilant.

Jesa. 42. 14.  
Ezech. 1. 28.

Sic itaq; dedi tibi in hoc quoque capite generalia quædam capi-  
ta, quæ si perficias, non contemnendus inde ad te redibit fructus in  
hac materia; & si consideres attentè universâ, quæ huc usque in o-  
mnibus hujus libri capitibus diximus, cum totum hoc negotium, vel  
saltè majorem ejus partem intelliges, paucis quibusdam exceptis  
particulis, & verborum duplicationibus, quorum ratio nobis est i-  
gnota, quæ tamen fortassis, si quis nervos ingenii sui probè inten-  
derit, & ipsa revelari possunt, ita ut nihil omnino maneat abscondi-  
tum & occultum.

Sed nunc post hoc caput noli ulterius à me expectare aut sperare  
vel unicum, seu directè & apertè, seu indirectè, de hoc argumento  
verbulum. Omnia enim jam dicta sunt, quæ dici potuerunt; etiam  
cum magna animi angustia. Nunc itaq; ad alia progredior, quæ in  
hoc libro explicare decrevi.

## C A P. IIX.

*Omnem corruptionem provenire à Materia, &  
ab eadem quoq; proficisci diversitatem, quæ  
reperitur inter Homines.*

*Alia.*

*Corruptio acci-  
dit ex parte Ma-  
teria.*

**O**MNIEUS Corporibus generabilibus & corruptibilibus ac-  
cidit corruptio non aliunde quàm à Materia; ratione enim  
Formæ

Formæ & in nozione Substantiæ ipsius Formæ nulla profus illa apprehendit corruptio, sed constanter extra omnem mutationis aleam sunt posita. Nónne enim vides, quòd omnes Formæ specificæ sint perpetuæ & constantes? Corruptio autem accidit Formæ per accidens, h.e. propter conjunctionem ejus cum Materia, cujus hæc est natura, ut semper Privationi subiecta sit, ac propterea nullam Formam retineat, sed perpetuò unam exuat & alteram induat. Admirabilis est hac de re sapientissimi Regis Salomonis sermo, dum *Materiam* assimilat *Mulieri adultera*. Nam nulla Materia Formæ omnis expers reperitur. Propterea similis est Mulieri conjugatæ (*adultera*), quæ nunquam sine Viro est, neque unquam planè sola existit; sed, licet Virum habeat, ramen alium indefinenter quærit, quem blanditiis suis seducar & omnibus modis ad se trahat, donec ab illa obtineat id, quod ab ipsa impetravit Maritus ejus. Eadem enim est ratio Materiæ: nam quævis Forma, quæ illi inest, disponit eam ad recipiendam aliam, & ipsa non intermittit, quin ad exuendam Formam sibi unitam, aliamque assumendam moveatur. Et eadem ratione procedit, posteaquàm Forma alia adventavit.

*Salomon comparat Materiam cum Muliere adultera.*

Hinc ergo patet, omnem corruptionem, interitum, aut imperfectionem non nisi propter Materiam contingere; id quod in Homine, exempli causâ, videre licet. Fœditas enim formæ ejus, membrorum à naturali consuetudine ac dispositione exorbitatio, facultatumque debilitas, defectus aut confusio, (sive ista omnia ei insint à momento nativitaris, sive postea demùm orta sint), non aliunde, quàm ex corrupta Materia consequuntur. Sic reliqua Animantia omnia moriuntur & morbis affliguntur, non propter Formam, sed solùm propter Materiam. Sic peccata & vicia Hominum quoque non ex Forma, sed ex Materia oriuntur; virtutes autem tantùm ex Forma. E. G. Quòd Homo apprehendit Creatorem suum, quòd intelligibilia intelligit, quòd affectus suos regit, quòd novit, quid sibi sit eligendum, quid rejiciendum; istud omne habet beneficio Formæ; quòd verò edit, bibit, Venerem exercet, irascitur, aliisque affectibus & vitiis deditus est & indulget, id Materiæ illius imputandum.

*Vicia oriuntur ex materia; virtutes ex forma.*

Quandoquidem igitur palàm est, ita se rem habere, ut per decretum Sapientiæ Divinæ Materia nulla sine Forma reperiri possit, neque etiam vice versâ, Forma (ex istis Formis) sine Materia; & per consequens, quòd unita quoque inter se sint nobilissima ista Forma humana (quam in imagine & similitudine D B I consistere docui-

mus) & Materia ista crassa ac pulvereæ, quæ omnis imperfectionis & corruptionis causa est; idè data est ei, Formæ nimirum humanæ, potestas & imperium in Materiam, ita ut illam cogere, affectus ejus cohibere, &c, quantum fieri potest, ad rectitudinem æquabilitatemque convertere queat.

*Gradus vel  
Differentia in-  
ter Homines.*

Atque hinc distinguuntur *Gradus Hominum*. Sunt enim quidam Homines, quorum omne studium perpetuò tendit ad eligendum id, quod honestum laudeque dignum est, & quærendam, pro nobilitate Formæ suæ, perennem sui conservationem, quique nihil aliud cogitant, quàm quomodo intelligibilia omnia apprehendere, veram ac solidam omnium rerum cognitionem consequi, Intellectuique Divino (qui in illos influit, & Formam illis largitur) tenacissimè conjungi queant; ac quotiescunque accidit, ut à necessitatibus & concupiscentiis Materiæ ad turpitudinem & sceditates ejus incitentur, graviter dolent, quòd eò præcipitati, erubescunt, quòd ita læsi ac vulnerati sint, & denique omnibus viribus contendunt, ut vitium illud diminuant, &c, quantum fieri potest, ab eo sibi caveant. Quem admodum si Rex contra subditorum suorum quempiam iratus esset, ac contumeliæ & ignominia causa mandaret ei, ut simum ex uno loco in alium everteret; subditus ille omnem operam daturus esset, ut, quantum fieri possit, illo tempore se absconderet, & fortè nò nisi parum in locum aliquem propinquum veritus esset, ne manus ac vestimenta sua conspurcarent, & ab aliis conspiceretur: ita sancte ageret Homo honestus & liberalis; Servus autem voluptatem capit ex isto negotio, ac monstrat, nullum onus ipsi nimis grave magnumque esse, quin imò totum corpus in sterco immergit, faciem ac manus suas inquinat, hancque actionem palam & sine rubore, hilari vultu animoque perficit. Eadem ratio est Naturæ Hominum. Nam sunt quoque nonnulli, ut diximus, in quibus omnia, quæ proveniunt à parte Materiæ, necessariò sunt turpia, inhonesta, & imperfecta, in primis verò sensus Tactus, (qui opprobrio nobis est, sicuti dixit Aristoteles), propter quem desideramus edere, bibere, Venerem exercere. Nam Vir prudens & intelligens istis, quantum potest, debet detrahere, sibi ab illis cavere, postquam ea commisit, dolore affici, nullum de illis sermonem instituere, aut, si habeat, non diù illi inhærere, neque tandem collegia quasi illis instituere, & ex professo illa tractare; sed istis cupiditatibus omnibus debet dominari, illas pro virili rescindere, neque, nisi cum aliter facere nequit, opus aliquod illarum conficere, huncque unicum finem,

finem, qui omnium Hominum, quâ Homines sunt, finis est, sibi propositum habere, *Apprehensionem Intelligibilium* [inter quæ nihil nobilius est ac præstantius *Apprehensione* D E I, Angelorum, & reliquorum ejus (D E I) operum], quantum quidem potest assequi. Tales enim Homines sunt cum D E O jugiter, & sunt illi, de quibus dictum est; *Dii estis, & filii Excelsi omnes vos*: hocque est quod requiritur ab Homine, & hic est Finis ejus. Verùm alii, qui separati sunt à D E O, ut est *Vulgus Hominum*, contrarium planè agunt, omnem de Intelligibilibus cogitationem & considerationem remouent, sensum illum, quem turpitudinem nostram magnam esse modò diximus, sensum inquam tactûs, pro fine & scopo sibi proponunt, neque de alia re, quàm de Venere & Baccho cogitant; quemadmodum dicitur de impiis, quòd in deliciis Cereris, Bacchi, & Veneris sint submersi. Et isti quoque, inquit Propheta, propter vinum erraverunt, & propter Schechar erraverunt. Et paullo pòst; *Omnes mensa repleta sunt vomitu & forde, ita ut non sit locus absq; sorde*. Sic inquit: *Mulieres dominatae sunt ei*. Quod contrarium planè est ordini illi, quem D E U S in principio Creationis instituit, dicens; *Et ad Virum tuum appetitus tuus, & ipse dominabitur tibi*. Vehementiam autem concupiscentiæ illorum refert Jeremias, dum inquit; *Quique ad Uxorem proximi sui binniunt, &c.* Item, *Universi sunt adulteri, cæcus prævaricatorum*. Hanc ob causam replevit Salomon Proverbia sua dehortationibus à Scottatione & Comotationibus, quòd istis duobus còmuniter immergantur Osores D E I, qui longinqui sunt ab illo, de quibus dicitur; *Quia non sunt Domini*. Item; *Ejice à facie mea, & egrediantur*.

Psal. 81. 6.

Jesa. 28. v. 8.  
v. 9.

Jesa. 3. 12.

Gen. 3. 16.

Jerem. 5. 8.

Ibid. 9. 2.

Jerem. 17. 1.

Prov. 31. 10.

Quod autem inquit Salomon; *Mulierem strenuam quis inveniet?* perspicua & clara est Parabola; quòd videlicet, cùm Homini contingit Materia bona & conveniens, quæ ei non prævalet, nec dispositionem ejus corrumpit ac destruit, pro singulari dono D E I sit agnoscendum & habendum. Summa rei est: Materia bona & conveniens facillè regi potest, sicut diximus; quòd si verò mala sit & inconveniens, non est impossibile assiduo studio & exercitatione eam domare & subjugare. In hunc usum inserviunt correctiones ac reprehensiones Salomonis & aliorum. Præcepta item & prohibitiones Legis non aliò tendunt, quàm ad concupiscentias materiæ omnes in ordinem redigendas. Et sanè, si quis in veritate Homo esse cupit, non verò Bestia sub forma & specie humana, omnem lapidem movere debet, ut necessitates materiæ circa cibum, potum, coitum, iram, aliosque affectus, qui ex concupiscentia & ira se-

Materia bona  
est donum Dei.

quantur, diminuat, pudorem ex illis contrahat, eisque gradus & terminum certum in anima sua figat. In iis autem, quibus carere nequit, ut est cibus & potus, sufficiat ipsi, quantum conducit & ad ejus sustentationem, non verò ad voluptatem, est necessarium, raros de illis sermones habeat, non sæpè ejusmodi conventus frequentet.

*Convivia non præcepta in Lege, vivunt Sancti.*

Nôsti enim, Rabbinos nostros abominari convivia non præcepta in Lege, & qui sanctiores esse volunt, illa vitare. Sic Phineas Filius Jair cum nullo unquam homine comedit ! Rabbenu Hakadosch illum rogabat aliquando, ut secum pranderet, sed nolebat.

*Ebriositas quantum vitium.*

Vini seu potûs eadem ratio, idemque finis est qui cibi. Congregare verò se expresse ad inebriandum, magis turpe & inhonestum apud te esse debet, quàm si in domo quadam convenienter Homines nudi interdiu opera Naturæ &c. facientes. Ratio hujus rei est, quia Alvi excretio res est coacta, quam Homo intermittere non potest; Inebriatio autem opus est Hominis mali in libera ejus voluntate positum.

*Libido quantum peccatum.*

Libidinis peccatum quod attinet, turpitudine ejus sensibus quoque nota est, non tantum Intellectui, & corrumpit simul Corpus & Animum. Ideoque necesse est, ut is, qui Homo vult esse, procul ab animo suo illam removeat, nec de ea loquatur.

Verum de coitu ipso non opus est, ut plura adjiciam ad illa, quæ de ea dixi in Commentario super *Avotb*, ex Lege nostra ab ejusmodi iniquatione purâ. Veritum enim est, ullam ejus mentionem facere, vel de ea loqui, quâcunque id de causa vel occasione fiat. Nôsti, quòd dicant, Prophetam Elisæum piæ memoriæ *Sanctum* vocari idèd, quòd nunquam de actu hoc cogitârît, neque ullam seminis effluxionem expertus fuerit. Nôsti etiam, quòd de Jacobo dicant, semen ipsi nunquam effluxisse, antequàm gigneret Rubenem. Hæc omnia ad honestos mores & laudabiles virtutes excitandas, tradita sunt in Gente nostra. Nôsti insuper tritum & pervulgatum illud,

*Cur Elisæus sanctus vocatur ?*

*Cogitationes de peccato graves sunt peccato ipso : & cur ?*

*Vide Matth. 5.*

*Cogitationes transgressionis graves sunt transgressionem ipsam :* cujus dicti admirandam habeo expolitionem; quòd videlicet Homo, cum peccat, peccet tantum ex parte Accidentium Materiam consequentiû, (sicut declaravi, quòd Homo nō peccet nisi per sensualitatem suam): cogitatio autem proprietas est à forma ipsius dependens. Ideoque cum Homo de peccato cogitat, peccat contra præstantissimam patrem duarum illarum, è quibus constat. Non tam graviter peccat is, qui servum sibi reddit Hominem stultum & imperitum, atque is, qui mancipium sibi facit Hominem liberalem & ingenuum: quia

Forma

Forma humana, ejusq; proprietates & potentiae sunt adhibendae ad res ei convenientes & dignas; ad res nempe non viles & sordidas, sed sublimes & excelsas.

Præterea non te fugit, quàm severè apud nos prohibita sit omnis *Obscœnitas in sermone quantum vilius.* Obscœnitas oris & sermonis; neque id sine causa. Nam sermonis facultas est de proprietatibus Hominis, & excellentissimum Dei donum, ei concessum, ad ipsum à reliquis Animantibus distinguendum. Hinc dicitur; *Quis posuit os Homini?* Et apud Prophetam; *Deus dedit mihi linguam eruditam.* Non decet autem donis illis, quæ Deus nobis concessit ad perfectionem tum Discendi, tum Docendi, abuti ad summas imperfectiones & perfectissimas turpitudines, ut proferamus ore nostro talia, qualia Homines stolidi, profani & lascivi in cantilenis & familiaribus suis colloquiis effutire solent; talia nimirum, quæ illorum quidem personæ satis conveniunt, nequaquam verò iis, de quibus dictum est; *Vos eritis mihi Regnum sacerdotale, Gens electa,* &c. Quicumque verò cogitatione vel sermone suo abutitur ad titillationem sensûs illius, quem sæpè jam probro nobis esse diximus; videlicet, vel cogitationes de comestationibus, comporationibus & voluptatibus, ultra τὸ ἄνεκον fovendo, aut cantilenas de illis cantillando, is jam injustè usurpavit Bonitatem, quam Creator ipsi largitus est, & eâ contra Benefactorem suum, ac ad Mandatorum ejus transgressionem est abusus, & est ex illis, de quibus apud Prophetam legimus: *Argentum, quod multiplicaveram ei, & aurum fecerunt Bahali.* Atque istarum rerum rationem inter alia exinde quoque possum petere, quòd *Lingua nostra vocetur Sancta.* Non enim arbitrari debes, aliquam hîc subesse hyperbolen vel fallaciam; verum ipsissima est veritas. Nam in Lingua ista Sancta nullum extat proprium nec virilis, nec muliebris membri generationis vocabulum, prout nec actus generandi, neque seminis vel ejaculationis illius. Horum inquam nullum reperitur proprium ac primum in Lingua nostra vocabulum, sed exprimuntur vocabulis tropicis ac metaphoricis; idque hanc ob causam, quòd talia non nominare, ac proinde nec nominibus propriis insignire, sed reticere potius expediat ac conveniat. Propterea quando necessitas efflagitat, ut mentio illorum fiat, cognominibus aliunde defurptis rectè exprimuntur; quemadmodum ipsæmet actiones, cum exercentur, quantum fieri potest, occultari solent. Instrumentum enim Viri appellant *Gid Nervum*, propter convenientiam, quam cum Nervo habet. Sic legimus; *Ut gid nervus ferreus cervix tua.* Vocant illud etiâ *Schiphchah*, *Jes. 48. 4.*

ab operatione ejus, q. d. *Effusorium*. Membrum muliebre vocant *Kibbarab*, à *Kibbah*, quod significat Ventriculum, Ingluviem: *Rechem* verò vocant membrum illud interiorum viscerum, in quo generatur embryo: Ejaculationem seminis *Jeziab* à verbo *Jaza* Exire, Egredi: *Missionem* vocant Aquam pedum: sed *Semen genitale, concubitus Seminis*, & ipsum *Opus*, quod generationem producit, nullum habent nomen proprium, verùm circumscribunt ea, & quidem non per alia, quàm per *Fischkabb, Fibhal* (פִּיכָבֶה), *Fikkach*, vel *Jegalle ervah* (h. e. per verba פִּיכָבֶה *Cubare, Concumbere*, פִּיכָבֶה *In uxorem ducere*, חָפַץ *Accipere*, חָפַץ *Retexit nuditatem*). Quòd autem reperis *Fischgalennab* pro actu hoc usurpatum, non debet te seducere, sed rectè intelligendum est. Nequaquam enim ita se res habet. Nam שֶׁגַל *Shegal* significat puellam nubilem: ut, *Adstat שֶׁגַל ad dexteram tuam in auro Ophir*; proinde *Fischgalennab* nihil aliud significat, quàm *Ducet, Accipiet puellam*. Verùm delapsi sumus à scopo & argumento hujus capituli ad Moralia & Legalia, quæ licet non omnia ad scopum pertinent, ad ea dicenda ramen ex ordine & serie materiæ nostræ perducti sumus.

שֶׁגַל Puella nubile.

Psal. 45. 10.

Verbum שֶׁגַל quid significet.

## CAP. IX.

*Quòd Materia sit instar Parietis vel Veli, Apprehensionem Creatoris impediens.*

Materia impedit apprehensionem abstractorum.

**M**ATERIA, est veluti maceria magna & velum impediens veram apprehensionem Intelligentiæ abstractæ; licet etiam esset ita pura & excellens sicut materia Sphæararum, (quantò proinde magis Materia ista nostra obscura & turbida?)

Hinc, quotiescunque satagit mens nostra apprehendere Nomen illud gloriosum, vel aliam aliquam sententiam, deprehenditur murus & velum quasi quoddam, inter ipsam & illa distinctione faciens.

Et hoc innuitur passim in omnibus Prophetarum libris, quòd Velum aliquod sit distinguens inter nos & DEUM: ut, cum dicitur, *Abconditum nobis esse in Nube; In obscuritate; In densa caligine*; aut, *In densa Nube; vel simile quid*: eò quòd Materiæ respectu imperfecti nimis sumus ad Illum apprehendendum. Hoc sensu dicitur; *Nubes & caligo in circuitu ejus*: docemur etenim, nostrammet propriam caliginem nos impedire; nequaquam autem, quòd Deus sit corpus, nube, nebulâ, vel caligine cinctum, quæ nos impedian, quò minùs vide-

Psal. 97. 2.

vide-



videri possit; quemadmodum ex sensu litterali verborum ipsius Parabolæ apparet. Atque hæc ipsa Parabola repetita est alibi quoque, ubi dicitur; *Ponet tenebras latibulum suum.*

*Psal. 18. 12.*

Sic, quando Deus dicitur *revelari in densa nube, tenebris, aut caligine*, ad hoc ipsum docendum dicitur. Nam quicquid apprehenditur in Visione Prophetiæ, id Parabola est ad rem aliquam significandam. Licet autem excellens illa Visio maxima sit omnium Visionum Propheticarum, & omnem rationem superet; non tamen sine ratione fuit, quod Deus se in nube revelârit, verum ad nos commonefaciendos, quod Apprehensio veritatis ejus nobis sit impossibilis, propter turbulentam & tenebricosam illam, quæ nos, nequaquam verò Deum, circumdat, materiam. Deus enim non est corpus. Præterea, notum & in confesso est in Gente nostra, quod Dies illa, quæ steterunt in monte Sinai, fuerit nebulosa & nonnihil pluviosa; sicut dicitur: *DOMINE, cum egressus es de Seir, dum recessisti ex agro Edom, Judic. 5. 4. Terra concussa est, etiam Cæli stillaverunt, etiam Nubes stillaverunt Aquas.*

*Exod. 19. & 33. & 34.*

In hunc etiam deniq; sensum accipiendum est, quod dicitur, *Mons Deus. 4. 11. autem ille ardebat igni, usque ad medium Cæli, Tenebra, Nubes & caligo*: non quod circa Deum aliquæ sint tenebræ. Nullæ enim sunt penes ipsum tenebræ, sed lux magna, fortis & perpetua, quæ per influentiam, ab ipsa promanantem, omnes tenebras illuminat; sicut in Parabolis Prophetiæ dictum est: *Terra ipsa splendet propter gloriam ejus. Jerem. 43. 4.*

## CAP. X.

*Privationes non nisi per accidens Efficientem causam habere. Mala quatenus Deus facere dicatur.*

**L**OQUENTES isti, sicut alibi te docui, nullam agnoscunt Privationem, nisi Privationem puram-putam. Privationes habituum non reputant pro Privationibus, sed existimant, Privationem & Habitum ad invicem se habere sicut duo contraria. E. G. Cæcitas & Visus, Vita & Mors, ex ipsorum sententia, ad invicem sese habent sicut Calor & Frigus.

*Loquentes non agnoscunt Privationes Habituum.*

Hinc pronunciant & concludunt, Privationem non egere Efficientem, sed Effectum, sive Opus: id quod ex parte, vel respectivè verum est. Verum, licet dicant, Privationem non opus habere Efficientem; tamen dicunt, quod Deus reddat cæcos, mutos, & rem mobilem vel

vel motam quiescere faciat: propterea quòd istæ Privationes ipsæ sunt res reverà existentes.

Quocirca necesse est, ut nostram tibi exponam, ex principiis & fundamentis Philosophiæ, sententiam.

*Impedimentum  
auferens voca-  
tur Motor.*

Nôsti, illum, qui impedimentum aufert, aliquo modo esse Moto-rem: ut, si quis removeat columnam sub trabe aliqua, & trabs propter gravitatem suam naturalem corruat, dicimus, quòd is, qui columnam abstulit, trabis motum seu lapsum sit causatus; sicuti hoc in *Libris Auscultationis* ab Aristotele quoque est traditum. Hoc respectu dicimus etiam de eo, qui aufert habitum aliquem, quòd privationem fecerit, licet privatio illa non sit res existens. Nam quemadmodum de eo, qui noctu candelam extinguit, dicimus, quòd tenebras innovarit; ita dicimus de eo, qui visum corrumpit, quòd cæcitatem fecerit: licet Tenebræ & Cæcitas sint Privationes, nulloque Efficiente opus habeant.

Secundum hanc expositionem declarationem & lucem accipit dictum illud Jesajæ: *Qui format lucem, & creat tenebras; qui facit pacem, & creat malum*; quia Tenebra & Malum sunt Privationes. Observa enim, quòd non dicat, *Qui facit tenebras*, aut *Qui facit malum*, propterea quòd non sunt res existentes, ut *Faciendi* verbum, vel *Actio* de iis dici possit; verum de utroque dicit, *Bore* Creans, quod verbum in Lingua Hebraica etiam ad Privationem refertur, sicut dicitur; *In principio creavit Deus*, &c.

Talis itaq; est ratio Privationis ad operationem Efficientis, sicuti prædiximus. Atque secundum eum modum intellige id, quod dicitur; *Exod. 4. 11. Quis posuit os in Homine? vel qui ponit surdum, vel mutum, vel videntem, vel cæcum? an non ego DOMINUS?* &c. Licet aliter quoque exponi possit; ita videlicet, ut dicat: *Quis est, qui creat Hominem loquentem, aut qui creat eum loquentem privatum?* ac sensus sit, qui existere fecit materiam, quæ illum habitum (vel quicumque demum sit) non recipit. Nam qui existere facit materiam habitum aliquem recipere non valentem, de eo dicitur, quòd Privationem illam fecerit; quemadmodum de eo, qui aliquem à morte liberare potuisset, nec liberavit, dicitur, quòd illum occiderit.

*Privatio per accidens dependet ab operatione Efficientis.*

Sic itaq; manifestum tibi est, quòd Actio vel Operatio Efficientis nullâ ratione dependeat à Privatione, verum per accidens Privationem fecisse dicatur; sed quòd res illa, quam per se Efficiens efficit, de necessitate sit res existens, qualiscunque demum Efficiens fuerit, ac proinde ipsius actio dependeat à re existente.

Hac

Hac Propositione sic præmissâ, dicendum quoque tibi est de Ma- *De Malis.*  
 lis; quòd sc. (prout per demonstrationem jam est ostensum) sint Ma-  
 la non nisi respectivè & comparativè ad rem aliam: & quòd omne  
 Malum in Ente aliquo existente existens, sit vel privatio illius rei  
 ipsius, vel privatio boni alicujus è bonis illius. Hinc dicunt abso-  
 lutè & præcisè, *Mala omnia esse Privationes.* E. G. In Homine Mors est *Mala sunt pri-  
 vationes.*  
 malum, & est Privatio illius. Sic, Mòrbus, Paupertas, Inscitia, sunt  
 mala, & sunt Privationes habituum.

Ac, si hanc Propositionem universalem probè consideraveris, &  
 secùdum particularia vel singularia ejus omnia examinaveris, inve-  
 nies ne unicù quidem excipi, nisi forrè apud eum, qui nequit distin-  
 guere inter Privationem & Habitum, aut inter duo contraria, vel qui  
 Naturas omnium rerum ignorat: ut E. G. qui ignorat, quòd Sanitas  
 consistat in æquabili Temperamento; quòd sit in Prædicamento  
 Relationis; quòd Privatio Proportionis illius in genere sit Morbus;  
 quòd denique Mors sit Privatio Formæ in omnibus Animalibus,  
 quemadmodum Corruptio & Interitus aliorum Entium est Privatio  
 Formæ illorum.

Post has itaque conclusionès liquet in rei veritate, quòd de Deo *De Deo non po-  
 test dici, quòd  
 faciat Mala.*  
 Opt. Max. non possit absolutè dici, quòd Malum per se faciat, quòd In-  
 tentio ejus prima & principalis sit, *facere Malum.* Hoc inquam nul-  
 lo modo dici potest: nam actiones ejus omnes sunt optimæ, quia  
 Ipse nihil facit præter Existentiã; Existentiã autem omnis bonæ  
 est. Mala verò sunt Privationes, à quibus Actio non dependet, nisi  
 eo modo, quo exposuimus, dum nempe facit, ut Materia hanc natu-  
 ram, quæ in ipsa est, habeat, ut perpetuò ipsi Privatio sit conjuncta,  
 sicuti jam notum est; atq; proptereà causa sit omnis corruptionis  
 omnisque mali. Idèò illa, quibus Deus istam materiam non largi-  
 tus est, non corrumpuntur, neque malis afficiuntur.

His ergo ita sese habentibus, Actiones Dei omnes bonæ sunt, *Actiones Dei o-  
 mnes bonæ.*  
 quia nil sunt nisi Existentiã. Hinc dicitur in Libro illo, qui illumi-  
 nat Tenebras hujus Mundi; *Et vidit Deus omnia, quæ fecerat, & erant* *Gen. I. 31.*  
*valdè bona:* ita ut etiam Existentiã materiæ istius inferioris, quate-  
 nus sibi unitam habet privationem, mortem & mala quævis caus-  
 santem, bona sit ad conservationem Generationis, & Existentiæ si-  
 ve Entium propagationem, dum uno abeunte vel intereunte aliud  
 exsurgit. Ideoque Rabbi Meir verba ista, *Et ecce, erant bona valdè,*  
 ita exposuit, ut dixerit; *Mortem etiam esse bonam,* eo nempe sensu,  
 quem indigitavimus.

Quare diligenter ista retine & ruminare, quæ tibi in hoc capite proposui. Sic enim clara fiunt tibi, quæcunq; Prophetæ & Sapientes nostri dixerunt, quod omnia bona per se ab operatione DEI proveniant. Ita enim legimus in Bereschith magno; *Nulla res mala descendit à desuper (h.e. ex Cælo).*

## CAP. XI.

*Dissensiones, Contentiones, & reliqua Mala  
inter Homines, oriri ex Privatione.*

*Dissensiones & contentiones inter Homines oriuntur ex Privatione.*

*Ignorantia multorum malorum causa.*

**M**ALA ista, quæ inter Homines inter se invicem incidunt, ex diversis nempe illorum studiis, voluntatibus, affectibus, sententiis & opinionibus; illa inquam mala omnia quoque Privationem consequuntur. Proveniunt enim cuncta ex Ignorantia, h.e. ex Privatione Sapientia. Quemadmodum cæcus, quia visu orbatus est, subinde impingit, & non solum se ipsum, sed alios quoque lædit, eod quod neminem habeat, qui ei viam monstrat; sic è qualibet secta inter Homines, illi, qui ei addicti sunt, suâ ignorantia non solum sibi, sed & aliis, mala multa inferunt. Quod si enim adesset Sapientia, quæ ad formam humanam sese habet sicut facultas videndi ad oculum, cessarent omnia illa detrimenta. Nam cum cognoscitur veritas, perit odium, invidia, & contentio, quibus se invicem proscindunt. Ita promittit hoc DEUS apud Prophetam, ubi primò dicit; *Et habitabit lupus cum agno, &c.* Item; *Et oblectabit se insans, &c.* postea causam subjungit, inquit, quod causa sublationis odiorum, litium, & contentionum futura sit *Cognitio DEI Creatorum*, quæ instructi illo tempore esse debeant, dum inquit: *Non nocebunt, neque perdent in universo monte Sanctitatis meæ, quia repleta est Terra cognitione DOMINI, sicut Aqua Mare operientes.*

*Jes. II. 6. 7. 8.*

## CAP. XII.

*Non esse in Mundo plura Mala quàm Bona. Tria Malorum esse genera.*

*Crediderunt multi, plura esse Mala, quàm Bona in Mundo.*

**S**ÆPISIME solent in cordibus Hominum imperitorum istiusmodi cogitationes exsurgere, ac si longè plura essent in Mundo

Mundo Mala quàm Bona: Ita ut in multis poematis & cantilenis Gentilium hæc & similia reperiantur; *Miraculi instar esse, quando in Tempore boni aliquid invenitur: Mala autem esse multa & perpetua.*

Atque hic error non solum in Vulgo obtinuit, verum etiam apud eos, qui Sapientes haberi volunt, & apud ipsum *Atrasi* in libro illo celebri, quem *Sepher Elobuth* h.e. *Theosophiam* nominavit, in quo multa ex deliriis & stoliditatibus suis congecit, è quibus & istud est, quòd plura existant Mala quàm Bona; eò quòd, si comparationem instituas inter recreationes & voluptates Hominis, quas tempore tranquillitatis percipit, cum doloribus, cruciatibus, perturbationibus, defectibus, curis, sollicitudinibus & afflictionibus, deprehendatur, vitam Hominis, illorum bonorù respectu, esse Vindictam magnam, & Malum magnum. Atque hujus sententiæ confirmationem incipit recensione Malorum istorum omnium sigillarim demonstrare, hocq; pacto contradicere iis, quæ Viri veritatis amantes senserunt de magna Dei Benignitate & Beneficiâ erga Creaturas suas, quòd ipse non solum perfectè bonus sit in se, sed etiam nil nisi bonum ab ipso proveniat.

Causa erroris fatui istius Hominis, & omnium ipsius sociorum, *Causa erroris illius.* est, quòd Existentiam Hominis, non nisi in Individuo aliquo considerant, & existimat unusquisq; stultorum illorum, etiam Rerum Naturam sui causâ existere, & nihil præter ipsum esse, ac, cum aliquid contra illius voluntatem accidit, totum Mundum malum esse concludit.

Quòd si autem Homo totam Rerum Universalitatem consideraret, ac perpenderet, quàm exigua illius pars sit, manifesta ipsi fieret veritas, ac videret, quòd istud deliramentum de pluralitate Malorum in Mundo, quo amentiam suam isti Homines produunt, non possit applicare ad Angelos, Orbes cœlestes, Planetas, Stellas, Elementa, & quædam, quæ ex illis sunt composita, ut sunt Mineralia, Plantæ, neque etiam ad quasdam species Animantium. Verum non longius progreditur ratiocinatio ipsorum, quàm ad quædam Individua inter Homines. Mirantur, si aliquis noxiis cibis vescatur, ita ut leprosus fiat, quomodo tantum malum in ipso oriatur & existat! Ita mirantur, eum, qui immodicâ Venere uritur, oculorum aciem amittere! & durum admodum ipsis viderur, si cœcitate ejusmodi Homo percuriatur! ac similia.

Vera hujus rei consideratio est hæc; quòd universi Homines, qui *Homo est exigua admodum Mundi pars.* existunt, & præter ipsos reliquæ Animalium species, nullam ha-

Pfal. 14. 4.  
Jobi 25. 6.  
Jobi 4. 19.  
Jesa. 40. 15.

beant proportionem ad totam hanc Mundi Universitatem, sicut Scriptura inquit; *Homo vaucitati similis est.* Item; *Quando magis Homo vermis, & filius Hominiis vermiculus?* Item; *Etiā qui inhabitant domos luteas.* Item; *En Gentes sicut stilla sicula!* Sic omnia ea, quæ in hunc sensum dicta exant in libris Prophetarum, permagnam habent utilitatem, ut exinde Homo discat se- ipsum cognoscere, & se non decipiar, existimando, totum Mundum propter ipsum solum esse conditum: sed sciat, Mundum, ex nostra sententia, esse propter Voluntatem Creatoris, Hominemque exigua illius partem constituere respectu Existentiæ superioris, Sphærarum sc. & Stellarum; respectu autem Angelorum nullam planè esse inter illos & ipsum proportionem. Attamen omnium Creaturarum in Mundo nostro hoc inferiori præstantissima est Homo, h. e. earum, quæ ex Elementis sunt compositæ.

Præterea, Existencia ejus est maximum donum ac beneficiū DEI, respectu illius proprietatis & perfectionis, quam ei dedit: Mala autem, quæ singularibus ejus Individuis eveniunt, maximā ex parte sunt ab ipsismet illis Individuis imperfectis. Et nos de imperfectione nostra conqueremur, ægrèque feremus ea mala, quæ nosmet ipsi per liberam nostram voluntatem nobis inferimus, & ea DEO imputabimus? Absit hoc, ut ab ipso sint! A nobis ipsis proveniunt, sicut dicitur; \* *Corrumpit ne eum* (DEUS sc.)? *Nō. Filiorum ejus est vitium ipsorum, &c.* (h. e. Mala, quæ eveniunt Homini, non procedūt ex parte DEI, sed à filiis ejus, qui vitiosi sunt & imperfecti, ut *Schem* Hebræa trans- *tobh* explicat). In hunc sensum inquit Salomon; *Stultitia Hominiis pervertit viam ejus.*

Deut. 32. 5.  
\* Ita videntur  
mibi ex mente  
Authoris verba  
Hebræa trans-  
tobh explicat.  
ferenda esse.

Prov. 19. 3.  
Tres sunt Malo-  
rum species.

Prima species  
Malorum, quæ  
provenit ex Ge-  
neratione &  
Corruptione.

Ut clarius fiat res, sciendum, omnia Mala, quæ Homini eveniunt, ad aliquam trium harum specierum referri posse.

Prima species Malorum est illorum, quæ accidunt Homini ex parte Naturæ Generationis & Corruptionis, h. e. quatenus constat ex Materia. Nam hanc ob causam accidit, ut quidam Homines vel ab ipsa nativitate multis & magnis vitiis, vel mutilationibus membrorum sint obnoxii; vel postea demum à variis mutationibus, quæ fiunt in Elementis, ab Aëre infecto, à rudibus ac duris tempestatibus, (quæ in Lingua nostra vocamus *צוננים*), à ruinis vel inundationibus locorum (vel ab *hiatibus Terra*, quales in Terræ-motibus solent accidere) obnoxii reddantur.

Jam explicuimus alibi, Sapientiam Divinam requirere, ut nulla fiat Generatio, nisi per Corruptionem: & si absque illa corruptione indi-

individuali eſſet, non continuari poſſe Generationem ſpecificam. Propterea hinc etiam patet Benignitas, Gratia & Beneficentia munifica DEI Opt. Max. erga Hominem. Qui vult habere carnem & oſſa, & non recipere actionem, neque ſubjici iis, quæ Materiam ſolent apprehendere; iſ utique, ſe non animadvertente, conatur conjungere & congregare duo contraria; dum vult, ut id, quod recipit actionem, (h. e. *Materia*) non recipiat actionem, (h. e. vult, ut *Materia* in creatione accipiat Formam, humanam ſc., & ut poſtea nullam amplius ſuſcipiat). Quod ſi non reciperet actionem (*Materia prima*), non eſſet generabilis, & eſſent ea, quæ ab ipſa exiſtunt, pura-puta Individua, non verò Individua ſpeciei, (h. e. *tot eſſent Individua, quot ſpecies; non verò multa unius ſpeciei Individua: unumquodq; ſingulare enim ex illa generatum Formam ſuam retinebit, neq; aliam recipiet, &c.*) Veriſſimum eſt, quod Galenus ſcripſit in libro tertio de Uſu partium: Noli, inquit, vaniſſe lactare animum tuum, ac ſi ex ſanguine menſtruo & concubitu ſeminis generari poſſet Animal immortale, doloris expers, perpetuò ſe movens, vel Solis inſtar ſplendens. Quo dicto Galeni admonemur ex parte, Axiomatis ſive Concluſionis cujuſdam univerſalis, cujuſ hæc eſt ſumma; *Quicquid ex Materia aliqua (quacumq; illa demùm ſit) generari poſteſt, id in ſumma perfectione generari, quæ quidem fieri poſteſt, ex Materia illa ſpecifica: ſed Individua ſpeciei ſubjecta eſſe imperfectioni, ſecundum imperfectionem Materie ipſius Individui.* Ita ſummum ac perfectiſſimum, quod ex ſanguine & ſemine generari poſteſt, eſt ſpecies Hominis, quem admodum ex Natura ejus cognoſci poſteſt: eſt enim Animal rationale, mortale; ſed fieri nequit, quin iſta ſpecies Malis quibusdam nonnunquam vexetur. Interim tamen invenies, quòd hujus ſpeciei Mala, quæ

*Mala hæc pauca ſunt & rara.*

Hominibus evenire ſolent, pauciſſima ſint, & non niſi rariſſima. Quàm-plurimas enim numerabis Civitates aut Provincias, quæ à mille annis nunquam vel à Terræ-motibus abſorptæ, vel incendiis conflagratæ ſunt. Ita mille naſcuntur Homines ſani, neque niſi per miraculum & extraordinariè, qui vitio aut defectu aliquo laborent. Quòd ſi Adverſarius aliquis hic cavillari velit, ac negare, extraordinariè & rarè iſta accidere; negare tamen non poterit, pauciſſima eſſe iſtiusmodi exempla reſpectu aliorum, neque vel centeſimam vel milleſimam partem eorum, qui ſano ac benè conſtituto corpore naſcuntur.

*Secunda ſpecies Malorum eſt eorum, quæ Homines ipſi ſibi invicem, vim ac violentiam erga ſe invicem exercendo, inferunt.*

*Secunda ſpecies Malorum, quæ Homines ſibi invicem inferunt.*

Hæc Mala frequentiora & crebriora ſunt quàm Mala primi ge-



*Hæc species frequentior.*

neris, cuius rei causæ sunt multæ & notæ, ac illæ etiam à nobis, sed tamen non possumus illa evitare. Atque hoc pacto, quamcunque velis, sumas Provinciâ, nullam tamen invenies, in qua Malum hoc universale sit, & in omnes ejus incolas diffusum, sed inter paucos tantum; ut, cum unus alterius vitæ vel opibus insidiatur. Involvuntur equidem multi istiusmodi Malis per bella & similes calamitates; sed quid hi sunt ad ingentem illam totius Orbis multitudine?

*Tertia Maior species, quæ Homo sibi ipso infert.*

*Tertia species Malorum est eorum, quæ Homo suis actionibus ipsemet sibi infert.*

*Hæc sunt frequentissima.*

Et hoc sæpissimè accidit, suntq; ista Mala longè plura quàm Mala secundæ speciei. De hujusmodi Malis conqueruntur omnes Homines, quia non nisi paucissimi fortè reperiuntur, qui non peccent contra se-ipsos. Ideoque meritò reprehenditur & culpatur is, cui inopinatus casus vel infortunium aliquod accidit, dicitque potest ei, quod Propheta ait; *De manibus vestris fuit hoc vobis.* Hanc ob causam dicitur quoque; *Corrumpit animam suam, qui fecerit illud.* Et de hoc Malorum genere inquit Salomon: *Stulticia Hominis pervertit viam ejus.* Et alibi de hoc eodem genere Malorum, quæ Homo sibi ipse infert, apertè ita loquitur; *Tantummodò vide, hoc inveni, quoddè Deus fecit Hominem rectum: ipsi autem querunt chesebbonoth cogitationes, ratiocinationes multas.* Chesebbonoth enim sunt illa, quæ præcipitant Hominem in istiusmodi Mala. De his Malis inquit Job; *Ereunt non egreditur de pulvere iniquitas, nec de Terra oritur molestia, labor: & statim explicat, quoddè Homo ipse illa efficiat & procreet, dicendo; Nam Homo ad laborem natus est, &c.*

*Unde hæc species Malorum oriatur.*

Hæc species Malorum consequitur ex omnibus pravis & vitiosis qualitatibus, h. e. vel ex nimio cibi, potûs & coitûs appetitu; vel ex nimio, superfluo aut inordinato etiam illorum usu; vel ex corrupta nutrimentorum qualitate. Hæc enim causæ sunt omnium tam corporû quàm animi morborum & ægritudinum. Ac de corporalibus quidem res est nota & manifesta. Animi morbi ex malicia hujus ordinis duplici modo proveniunt. Uno modo per mutationem, quæ necessariò apprehendit animam propter mutationem corporis, quatenus est potentia corporalis, sicut vulgò dicitur; quoddè Mores animi sequantur temperamentum corporis. Altero modo, dum Anima rebus non-necessariis assuescit, & naturale quasi illi redditur desiderium illarum rerum, quæ neque ad conservationem Individui, neque ad conservationem speciei sunt necessariae. Et hic appetitus, hoc desiderium res est,

*Animi morbi quorundò ex vitiosis & pravis qualitatibus oriuntur.*

est, quæ nullum finem nullumque modum novit; verum res omnes necessariae certum numerum finemque habent, sed superflua nequam. Si enim vasa tua omnia sint argentea, nunquid statim cogitas, an non pulchriora essent ex auro? Alii conficiunt illa ex Saphiris, alii ex Smaragdīs, alii ex Rubinis, vel ex aliis, quæ excogitare possunt. Hic jam non deerunt stulti & vesani Homines, qui se cruciabunt & affligent, qui ingemiscunt, quod illorum facultates non permittant similes superfluitates, sicut alii, sibi comparare. Multi harum rerum non-necessariorum acquirendarum gratiā in extrema pericula in Mari, vel Regum Principumve aulis se conjiciunt, & cum infortunium aliquod in itinere suo experiuntur, contra DEUM, ejusque decreta & judicia fremunt & murmurant, de Temporis injuria quiritantur, inique denique secum agi putant, quod non ad magnas divitias possint pervenire, unde vel vina multa ad ebrietatem sibi comparate, vel concubinas multas alere, easque omnis generis ornamentis ex serico, auro, argento, gemmisque pretiosis, ad libidinem suam ultra vires accendendam & excitandam, voluptatis causā, exornare possint; quasi hoc saltem sine in hoc Mundi Theatro collocati essent, ut vanis istis voluptatibus se oblectent! Immo huc usque processit error Hominum imperitorum, ut DEUM ipsum authorem hujus Universitatis accusarent, quod ralem eam fecerit, ut istiusmodi magna Mala (ex ipsorum nempe opinione) produceret, quod non Homines in vitiis quibusvis submersos, ad complenda infinita malæ Animæ desideria adjuvet, sicuti exposuimus. Verum melioris notæ & sapientiores Homines agnoverunt & intellexerunt summam hujus Universitatis Sapientiam. Hinc ait David; *Omnes viæ DOMINI sunt Sanctitas & Veritas custodientibus sœdus ejus &* Psal. 25. 10. *testimonia ejus*: quibus verbis docet, quod illis, qui Naturam hujus Universitatis & præcepta Legis observant, finemque illorum intelligunt, Sanctitas & Veritas DEI in cunctis pateat. Idcirco etiam finem illum, ad quem conditi sunt, ubique & in omnibus sibi proponunt, Apprehensionem nempe Creatoris; corporis autem necessaria quærunt secundum necessitatem, ut, panem ad comedendum, vestimenta ad induendum, nullā habitā ratione ullius superfluitatis. Acque hoc exigui est negotii, facillimoque labore impetratur, si quis contentus sit rebus necessariis. Quod si difficultas aliqua hic appareret, non est ea ulla, nisi propter res superfluas. Nam dum quærimus res non-necessarias, difficilis quoque redditur rerum necessariorum acquisitio; quod plura enim superflua & non-necessaria Homo appetit

*Desiderium rerum non-necessariorum est sine modo.*

petit & concupiscit, tantò res est magis ardua & difficilis: quia, dum atteruntur & consumuntur vires in rebus non-necessariis, deficiunt postea in necessariis. Consideremus ista in hac Universalitate ipsa.

*Qua necessaria sunt, majore in copia existunt, quam non-necessaria.*

Quò magis quid viventibus est necessarium, tantò majore in copiâ existit, & tantò minori pretio vel negotio acquiritur; quò autem quid est minùs necessarium, tantò est quoq; rarius & carius. E. G. Necessaria sunt Homini, Aër, Aqua, Alimentum, ante omnia autè Aër; nam si Homo vel horulâ unâ illo careat, Mortis est certissimum mancipium: sine Aquâ potest diem unum & plures subsistere, ideò Aër quoque & majore copiâ existit & faciliùs acquiritur. Et quia major est necessitas Aquæ quàm Ciborum, (nam si Homo bibat, licet nihil comedat, potest quatuor vel quinque dies sine ullo cibo vivere), ideoque ubivis locorum & majori in copiâ & viliori pretio Aquam quàm cibum invenies. Sic porro se res habet cum varietate ciborum. Qui cibi sunt magis necessarij, ii abundantius & faciliùs etiam in quovis loco reperiuntur, quàm qui non sunt necessarii. Quod verò attinet Muscum, Ambram, Rubinum, aliosque lapides pretiosos, non existimo quemquam sanæ mentis judicaturum, illa Homini extra Medicinæ usum magnoperè esse necessaria, sed illorum & aliarum similium rerum loco herbis & pulveribus quibusdam odoriferis uti possumus. Atque ita apparet Benignitas DEI erga Creaturas suas, inprimis erga tam debile & infirmum Animal.

*Æqualitas proportionis in Creaturis.*

Æqualitas autem & æqua, quâ observat inter illas, proportio hinc est manifesta & illustris, quòd in Generatione & Corruptione naturali nullum sit Individuum ex omnibus speciebus Animalium, quòd vel peculiari aliquâ facultate, vel pluribus membris, aliud ejusdem speciei superet; sed facultates Naturales, Animales & Vitales omnes, membraque omnia, quæ in uno Individuo conspiciuntur, eadem ratione in aliis quoque reperiuntur. Quòd si in aliquo quædam occurrat imperfectio & defectus aliquis, illud per accidens tantum sit, & est novum quippiam, cujusmodi res nō sunt naturales, sed rarò contingentes, sicuti suprâ ostendimus. Nulla est differentia inter illa, quæ secundum consuetum Naturæ cursum producuntur, nisi quam caussatur diversa præparatio aut dispositio Materialium, quæ necessariò est in natura Materiæ illius speciei, non verò ex certa intentione. Quòd verò E. G. apud unum reperiuntur multa vascula balsami pretiosi, vestimenta deaurata, &c. alius verò illis caret, in hac differentia nulla est iniquitas vel violentia. Qui enim ad talem

talem abundantiam pervenit, nullam prerogativam ad substantiam suam acquisivit, sed vanitatem fallacem & ridiculam est adeptus; & qui opibus istiusmodi caret, is nequaquam re aliquâ necessariâ destitutus est. Scripturâ inquit; *Non superfluit ei, qui plus, neq. defuit ei, qui minus collegit: singuli, quantum comedere poterant, collegerunt.* Hoc est commune & ordinarium omnibus ferè temporibus & omnibus in locis; neque respiciendum est ad exempla extraordinaria, sicuti exposuimus.

Et secundum duas istas considerationes nota sit tibi tum Benignitas Dei Opt. Max. erga Creaturas suas, quod necessaria illis ordinariè exhibeat; tum Æquitas ejus, quam inter Individua unius-cujusque speciei in ipsorum Creatione observat.

Ex hac consideratione dicit Princeps Prophetarum; *Omnes via ejus sunt judicium.* Et David; *Omnes via DOMINI Misericordia & Veritas,* &c. Et clarissimè alibi; *Bonus est DOMINUS erga omnes, & misericordia ejus super omnia ejus opera.* Nam maximum Beneficium est, quod nobis dedit Existentiâ; Misericordiæ verò ejus opus, quod facultatem reſtricem in Animalibus creaverit, sicuti alibi declaravimus.

## CAP. XIII.

*De Fine hujus Rerum Universitatis.*

**V**EHEMENTER perplexi sunt Viri quidam perfecti in indagatone Finis totius hujus Universi; quocirca explicabò tibi nunc, quâ ratione quæstio ista ex omni parte tollatur.

Dico ergo: Omnis agens, qui cum intentione agit, necessariò propositum sibi habet in illa re, quam efficit, finem aliquem, propter quem illam facit. Atque hoc ita manifestum est, ut nullâ demonstratione indigeat, secundum speculationem Philosophicam.

Non minùs evidens est, Rem illam, quæ cum intentione facta est, postea quàm non exſcit, innovatam & productam esse.

Clarissimum insuper & extra omnem contradictionis aleam est & hoc; Id quod necessaria est existentiæ, quod non-Ens nunquam nec fuit, neque erit, nullo opus habere Efficiente, (sicuti alibi à nobis jam est declaratum); ideoq; quia factum non est, cessat quæstio de Fine ipsius. Hinc non quæri potest, Quis sit finis Existentiæ Creatoris? quum non sit res creata.

Quocirca juxta has hypotheses liquet, Finem quæri in omnibus

*Finis quæritur  
tantum in rebus  
innovatis.*

rebus innovatis, quæ factæ sunt cum intentione principii Intellectus; h.e. necessario quæri Causam finalem illorum, quæ habent principium intellectuale: illius autem, quod non est innovatum, finem non inquiri, sicuti commemoravimus.

Hoc fundamento ita posito, scito, nullam neq; secundum nostram de Novitate Mundi, neque secundum Aristotelis de Antiquitate ejusdem, sententiam, viam esse investigandi Finem totius hujus Universi.

*Secundum Aristotelis sententiam de Antiquitate Mundi, non potest quæri de fine hujus Universi.*

Nam secundum sententiam illius de Antiquitate Mundi, non potest quæri Finis partium illius. Secundum ipsum enim nequit dici; Quisnam est finis existentiae Cælorum? & Quare hac mensurâ, hocve numero sunt conditi? neque, Quare materia est talis? neque, Quis est finis hujus Speciei Animalium, aut Plantarum? Omnia namque secundum ejus opinionem sunt per æternam necessitatem, quæ semper fuit & semper erit. Ac licet scientia Naturalis investiget Finem cujusvis rei Naturalis; non agit tamé de Fine illo ultimo, de quo nos in præsentis capite loquimur. Nam certum & manifestum est, in scientia Naturali nullum Ens naturale sine fine aliquo esse posse; licet causa hæc finalis (quæ nobilissima est omnium quatuor causarum) occulta sit in plerisque speciebus. Hinc inquit passim Aristoteles; *Naturam nihil agere frustra*, h. e. nullam Actionem naturalem sine fine esse posse. Ita ostendit idem Aristoteles, Plantas creatas esse propter Animalia. Ita docet de aliis quibusdam Entibus, quomodo unum alterius causâ sit creatum, in primis verò de membris sive partibus Animalium. Hujus rerum Naturalium finis Existètia permovit Philosophos, ut coacti fuerint aliud, præter Naturam, principium credere & agnoscere; illud nempe, quod Aristoteles vocat *Principium Intellectuale* aut *Divinum*, quod unum (Ens) propter aliud, vel alterius causâ facit. Ac scias, ex maximis argumentis de Novitate Mundi, ei, qui confiteretur veritatem, esse istud, quod habet demonstrationem in Entibus naturalibus, quòd unumquodque illorum habeat finem alium, & quòd unum sit propter alterum; argumentum scilicet petiit ab intentione Intendentis. Non enim possumus nobis imaginari intentionem, nisi cum innovatione Innovantis. Verùm revertor ad argumentum capitis præsentis, de Fine videlicet, & dico; Ostendit Aristoteles, quòd in rebus Naturalibus Efficiens, Forma & Finis unum sint. Unum, dico, specie: Forma enim Rubenis e. g. est Efficiens Formæ Hanochi filii ejus; & res, quam effecit, est communicatio Formæ suæ speciei, Ma-

teriæ

teriæ ipsius Hanochi, (h.e. quod speciei suæ formam, materiam Hanochi communicat): Finis autem Hanochi est, ut sit in ipso Forma humana. Ita ex ipsius opinione in omnibus Individuis illarum Specierum, quæ generatione opus habent, tres istæ causæ unius ejusdemq; sunt speciei. Et istud omne est *Finis* illorum *primus*.

*Finem* verò *ultimum* (*specierum Naturalium* sc.) quod attinet, omnes Physici aliquem necessariò illarum finem esse statuunt, sed cognitionem ejus admodum esse difficilem, multò autem difficillimum *Finem ultimum totius hujus Universi*. Mihi videtur ex verbis Aristotelis, *Finem ultimum* istarum Specierum, (*Naturalium* sc. vel *Elementarium*), juxta ipsius sententiam, esse continuationem vel sempiternitatem Generationis & Corruptionis, sine quibus esse nequeunt, ut propagetur indefinenter generatio in ista materia, cujus Individua subsistere nequeunt, & ut generetur ex illa perfectissimum, quod exinde generari potest, (Intentio namque ultima est, ut perveniatur ad perfectionem). Manifestum autem est, perfectissimum, quod ex illa generari potest, esse Hominem, qui est compositum omnium ultimum & perfectissimum, ita ut hoc respectu verum sit, quod dicitur: Omnia, quæ sunt sub sphaera Lunæ, esse propter ipsum; quia scilicet motus mutationis propter generationem fit, ut ad perfectissimum, quod esse potest, perveniatur. Proinde non potest quæri ex Aristotele, quis sit finis existentiae Hominis, secundum sententiam ejus de Antiquitate Mundi? Finis enim primus cujuslibet Individui innovati, ipsius opinione, est perfectio Formæ illius Specificæ. Ideò, si in Individuo aliquo perfectæ sint operationes omnes ad formam illam requisitæ, cum ultimam suam perfectionem est consequutum. Finis autem ultimus est sempiternitas vel sempiterna conservatio istius Formæ per continuationem generationis & corruptionis; ita ut nunquam desinat generatio, per quam producit perfectissimum, quod esse potest.

Atque ita ostensum est, quòd juxta sententiam de Antiquitate Mundi cesser quæstio de Fine ultimo totius hujus Universi.

Verum secundum nostram de Novitate Mundi sententiam, sunt qui existimant, necessariò sequi quæstionem hanc de fine totius hujus Universi. Et sic arbitrantur, quòd finis totius Mundi sit species humana, (ut ea colat Creatorem), & omnia illius causæ facta sint, ita ut etiam Orbis cœlestes non moveantur, nisi propter ipsius utilitates & necessitates. Huic sententiæ patrocinantur quædam loca Prophetarum secundum sensum litteralem accepta: ut, *Ad inhabitandum* *An secundum sententiam de Novitate Mundi sequatur quæstio de fine Universi.*

Jes. 45. 18.

Joem. 33. 25. *dum formavit eam.* Item, *Si non erit pactum meum cum die & nocte.* Item, Jcl. 40. 22. *Et expandit eos tanquam tabernaculum ad habitandum.* Nam si Orbis coelestes sunt propter Hominem, quanto magis reliquæ Animantium & Plantarum species?

*Hominem non esse finem totius hujus Universi.*

Quodd si autem accuratè hæc sententia examinetur, (prout Sapientes decet facere), apparebit, quales sub ea lateant errores.

Quærendum est ex tali Viro, qui credit, quodd hujus finis, *Hominis* videlicet, causâ omnia reliqua existant; An Creator potuisset illum facere sine eis, an verò non nisi post illa existere potuerit? Si dicat, immò *DEUM* potuisse creare eum sine Cælo & reliquis, quærendum est, Quémnam ergo usum ista omnia habeant, cùm non sint finis, sed propter rem aliquam, quæ sine illis esse potuisset? Ac licet omnia dicantur esse propter Hominem, Homo autem, ut colat Creatorem suum, sicut dictum, hæc tamen manet quæstio, Quis sit cultûs illius finis? cùm *DEI* perfectioni nihil accedat, quamvis eum omnes Creaturæ colerent, perfectissimèque apprehenderent, neque decedat, licet nihil præter ipsum existeret? Si respondetur, Hoc non fieri propter perfectionem ipsius, sed propter perfectionem nostram, quia hoc est summum nostrum Bonum, summaque nostra perfectio; consimiliter quæri potest, In quem finem in nobis existat ista perfectio? & necessariò tandem hic erit finis dandus, *Ita voluit DEUS*; vel, *Ita decrevit Sapientia illius*: id quod est verum. Hûc respexerunt Sapientes Israël in suis Precationibus, quando ajunt; *Tu separasti Hominem ab initio, & recognovisti eum, ut staret coram Te*; Nam quis dicit Tibi, quid facis? ac, si justus sit, quid dabis Tibi? His enim verbis innuunt, nullum alium esse finem, quàm Voluntatem *DEI* Opt. Max. Proinde cùm res ita se habeat, & Novitatem Mundi credamus, necessariò nobis dicendum est, quodd potuerit *DEUS* hunc Mundum (h. e. causas & causata ejus) aliter facere; ac sequitur illi, qui credit finem omnium Creaturarum esse Hominem, absurdum maximum, quodd sc. omnia reliqua Entia præter Hominem, sine certo aliquo fine creata sint, cùm finis illorum, Homo nempe, sine illis omnibus esse posset.

*Singula Entia propter se creata sunt, non propter aliud quid.*

Quocirca vera & orthodoxa sententia, quæ cum principiis Legalibus & Theoreticis meo judicio convenit, est; Non credendum nobis esse, quodd Entia omnia sint propter Hominem, sed quodd singula sint sui ipsius, non alterius alicujus, causâ. Et sic tollitur quoque quæstio illa de fine specierum omnium & singulorum Entium, etiam secundum sententiam nostram de Novitate Mundi. Nam dicimus, quodd



quòd eundem Mundi partes per Voluntatem suam condiderit, & quòd quarundam intentio sit propter se-ipsas, quarundam propter aliquid aliud. Illud enim *Aliud* quoque nihil aliud denotat, quàm substantiam illius: sicut voluit, ut species Hominis sit *Ens*; sic voluisse, ut Cœli, Stellæ & Angeli essent *Entia*: in unoquoque autem Ente rationem fuisse habitam substantiæ ipsius Entis; cùm quid sine alia aliqua re præcedente existeret non potuit; tùm Ipsum rem illam prius creâsse, sicut Sensus vel Sensibilitas antecedit Intellectum. Atque hanc sententiã traditam reperimus in libris Prophetis; *Omnia* Prov. 16. 4. *fecit DOMINUS lemaanehu*, quod exponi potest, *Propter ipsum*, & referri ad ipsum opus. Sin autem exponatur, *Propter se*, & referatur ad Efficientem, exponendum est, *Propter substantiam ejus* (*DEI*), h. e. propter Voluntatem ejus, quæ nihil aliud quàm Substantia vel Essentia ejus est, sicut alibi in hoc libro declaratum. Ostendimus autem quoque, quòd Gloria *DEI* etiam vocetur *Essentia ejus*; ut in illo, *Ostende mihi quæso Gloriam tuam*. Et sic, quod hic dicitur, *Omnia fecit* Exod. 33. 18. *DEUS* propter se-ipsam, idem foret cum eo; *Omnem, qui vocatur Nomen meo*, ad *Gloriam meam creavi eum*, *formavi eum, feci eum*: vel, *Omne, quod vocatur in Nomen meo*, id &c. quibus verbis hoc vult dicere; Quicquid attribuitur Actioni vel Operationi meæ, id propter nihil aliud, quàm propter Voluntatem meam feci. Quod verò ait, *Formavi* vel *Finxi illud*, *Feci illud*, est illud ipsum, quod antea exposui tibi, esse quædam Entia, quæ non nisi post alius alicujus rei existentiam existeret possunt. Dicit ergo; *Ego formavi* rem illam priorem, quam necessarîo præcedere oportuit, ut v. g. Materiam omnibus materiis; postea *feci* in re illa præcedente, vel post eam, id, quod facere volebam, Nihil enim ibi est præter Voluntatem ejus. Si inspexeris Librum, qui omnes in rectam viam dirigit, unde etiam *Thora*, h. e. Doctrinalis appellatur, manifestum evadet tibi id, circa quod hic versamur, inde ab initio operis Creationis usque ad finem ejus. De nulla etenim re exponit, quòd propter aliud aliquid facta sit; sed de unaquaque simpliciter pronuntiat, quòd *DEUS* eam existeret fecerit, & quòd existentia ejus intentioni *DEI* responderit. Hoc namque est, quod dicitur; *Et vidit DEUS, quòd bonum esset*. Nôsti enim id, quod Genes. 1. Sapientes nostri dicunt; *Loquitur Lex secundum Linguam filiorum Humanam*. Nos autem Bonum illud vocare solemus, quod cum Bonum quid vocamus. intentione nostra congruit, ei que correspondet. Ita de omnibus in universum dicitur; *Et vidit DEUS, quicquid fecit, & ecce bonum* Genes. 1. 31. *erat valde*. Q. D. Quicquid innovatum fuit, id Intentioni *DEI*.

congruenter innovatum fuit, neque ullo modo illam frustrabit vel abolebit; hoc enim sibi vult particula *Valdè*. Fieri namque potest, ut aliquid Bonum sit, & egregiè cum Intentione nostra ad tempus conveniat, sed postea fallat, & Intentionem nostram frustrer. Ipse autem indicat, quæcunque facta fuerunt, exactè Intentioni ejus respondisse, neque unquam ab illa recessura aut declinata.

Ibid. v. 17. 18. Nec est quoddam hic seducat id, quod de *Stellis* dicitur; *Ut lucerent super Terram, & dominarentur diei & nocti*: existimando, sensum esse, Luminaria ista creata esse, ut hoc faciant. Tantum enim indicatur Natura illorum, quod scilicet illa voluerit creare; *Lucentis* nempe & Dominantia, sicut de Homine dicit: *Et dominamini in pisces maris*. Horum etenim quoque verborum non est hic sensus, quod in hunc finem eum creaverit, sed similiter indicatur Natura ejus, quam ipsi Deus Opt. Max. est largitus.

*An Plantæ propter  
Hominem & reliqua Ani-  
mantia creata  
sint?*

Quod de *Plantis* dicitur, DEUM illas dedisse & commisisse Homi-  
nibus, reliquisque Animantibus; illud explicatum est ab Aristotele  
& aliis. Videretur autem sic, Plantas omnino propter Animalia exi-  
stere; quandoquidem sine alimenro esse nequeunt: quod de *Stellis*  
nequaquam dici potest; non enim sunt illæ propter nos, ita ut ali-  
quid ad nos de Bonitate illarum redundet. Nam id, quod dicitur,  
*Ut lucerent & dominarentur*, loquitur tantum (sicuti declaravimus) de  
utilitate, quæ ab illis influit in inferiora, quemadmodum Naturam  
influentiæ Boni ex una re in aliam alibi tibi exposui. Bonum illud,  
quod ex uno in aliud influit, perpetuò videtur in eo, in quod influit,  
ac si finis esset illius, qui Bonitatem suam hac ratione quasi effundit.  
Ita existimat nonnunquam Civis vel Subditus aliquis, finem Regis  
esse, ut custodiat domum ejus noctu à latronibus, id quod ex parte  
verum est; quia enim domus ejus custoditur, hocque commodum  
propter Regem ad illum redit, ideò videtur, ac si hic esset finis Re-  
gis, custodire domum Viri istius. Et hoc pacto explicanda nobis  
sunt omnia loca, quæ secundum litteram videntur docere, Rem no-  
biliorem factam esse propter ignobiliorem, ac dicendum, hunc esse  
sensum, quod res illa ex natura ejus sequatur; firmiterque credendum,  
totam hanc rerum Universalitatem à Deo intentam esse propter Vo-  
luntatem ejus, neque alia causa, aliave finis quærendus: quemad-  
modum enim non debet quæri causa finalis ejus Existentiæ, ita nec  
Voluntatis ejus finis est investigandus, propter quem cuncta ab Ipso  
sint, & quidem hoc pacto, innovata.

Sed

Sed existimabis fortè, Orbes cœlestes & Angelos propter nos <sup>An Orbes cœlestes & Angeli propter Homines sint creati? Jels. 40. 15.</sup> creatos esse.

Verùm graphicè depictus est nobis gradus & conditio nostra, ubi dicitur; *Et Gentes sicut stilla firula!* Examina & explora substantiam tuam & substantiam Sphærarum, Stellarum, & Intelligentiarum abstractarum, ac videbis ipsissimam esse veritatem. Cognosces, Hominem quidem esse perfectiorem & nobiliorem inter ea, quæ ex terrestri hac materia sunt composita; verùm si existentiam ejus contuleris cum existentia Sphærarum & Intelligentiarum separatarum, multò illis esse viliorem & ignobiliorem. Hinc dicitur; *Ecce, in servis suis non credit, (vel, non posuit stabilitatem) nec in Angelis suis posuit* <sup>Job. 4. 18. 19.</sup> *Toholah, (quam vocem diversimodè reddunt Interpretes: quidam Lucem, Splendorem; alii Laudem; alii Stultitiam); quandò magis in iis, qui inhabitant domos luteas, quorù est in Terra fundamentum, &c. Novisse enim debes, per Servos ejus hic nequaquam intelligi Homines; cujus rei probatio est, quod postea ait, Quandò minus in iis, qui inhabitant domos luteas? sed intelliguntur hic per Servos, de quibus loquitur, Angeli. Angeli autem, quorum mentionem facit, dum ait, Et in Angelis ejus, sine dubio sunt Orbes cœlestes. Eliphas ipse ita exponit, dum in secunda sua Responsione verba hæc Jobi, sed aliis non nihil verbis, repetit, inquit: Ecce, in Sanctis suis non posuit stabilitatem, & Cœli non sunt mundi in oculis ejus; quandò magis abominabilis & contempnibilis Vir bibens sicut aquam iniquitatem?* <sup>Job. 15. 15.</sup> Hinc enim liquet, Sanctos ejus esse Servos, de quibus Job loquutus fuerat, illosque nequaquam esse ex specie humana; & Angelos, de quibus loquebatur, esse Cœlos: Vocis autem Toholah sensum esse, *Non sunt mundi in oculis ejus*, quia nempe sunt materiati. Licet enim materia illa sit purissima omnium materialium & clarissima; tamen collata ad Intelligentias separatas, est obscura, turbida, crassa, impura. Quod verò ait de Angelis, *Ecce, in servis suis non posuit stabilitatem*, illius hic est sensus, *Non confirmavit ipsis existentiam*: quia enim secundum nostram sententiam sunt facti, & secundum sententiam eorum, qui credunt Æternitatem Mundi, sunt caussati vel effecti, idè existentia ipsorum non est firma respectu Dei Opr. Max., qui prorsus necessaria est existentia. Quod denique ait (Eliphas), *Quandò magis abominabilis & contempnibilis Vir bibens sicut aquam iniquitatem*, illud est idem cum eo, quod Job dixit, *Quandò magis in iis, qui inhabitant domos luteas?* Q. D. Eriam abominabilis & contempnibilis vel fœtidus est Homo, in quo iniquitas & perversitas est commixta & diffusa per omnes ejus partes, h. e. in quo est

est diffusio privationis. *חַיִּיל* Avlah Iniquitas est idē quod *חַיִּיל* Ivvuuh  
 Jefa. 26. 10. Perversitas : ut, In Terra rectorum *חַיִּיל* jeavvel iniquē, perversē agēs. *Isch*  
 Vir, idem est quod Adam Homo; sapissimē enim nota species Homi-  
 Exod. 21. 12. nis vocatur *Isch* Vir : ut, Qui percutit Virum & mortuus.

Sic itaque credendum est, Hominem, cū noverit substantiam suam, neque in ea erraverit, singulorumq; Entium rationem & naturam intellexerit, quieturum, neque in cogitationibus suis confusum iri, finem quærendo illius rei, quæ nullum alium finem habet nisi Existenziam suam, quæ merè dependet à Voluntate, aut, si mavis, à Sapientia Divina.

## CAP. XIV.

*Orbes cælestes non esse propter Hominem  
 creatos.*

\* vel, compara-  
 ta ad medietate  
 diametri  
 Terræ.

Miliaria Legu-  
 quantia.

Jobi 22. 12.

EX iis, in quibus Homo ad veram sui cognitionem erudiri & informari debet, sunt & ea, quæ de mensura Orbium cælestiū & Planetarum, eorumque tū à nobis, tū à se invicem distantis, explicata sunt, quemadmodum demonstratæ sunt mensuræ distantiarum omniū,\* respectu medii diametri Terræ, (cognita enim cū sit mensura Terram ambiens, cognoscitur quoq; inde medietas diametri ejus, noteq; fiunt distantie vel longitudines omnes): ut; Ostensum est per demonstrationem, quod longitudo inter centrum Terræ, & inter supremam altitudinem orbis Saturni, sit octo millium & septingentorum propè annorum iter, cuilibet anno 365 diebus assignatis, quolibetque die 40 confectis miliaribus, secundum miliaria Legis, quorum unumquodq; mille constat cubitis artificialibus. Hic quæso nunc perpende magnam & terribilem istam longitudinem, de qua Job ait; *Nonne DEUS in sublimitate Cæli? & vide caput Stellarum, quod excelsa sunt.* Q. D. An non ex altitudine Cæli addiscis, quàm exiguam habeamus Dei Opt. Max. apprehensionem? Nam cū secundum incredibilem ferè hanc longitudinem distemus ab isto corpore, & illud ratione loci tantoperè à nobis sit disitum, substantiaq; & magna pars operationum ejus à nobis abscondita; quanto magis Apprehensio Factoris & Creatoris ejus, qui est Incorporatus (est abscondita)? Arque hic, quod ad rem facit, sciendum, Longitudinem istam magnam, quæ per demonstrationem probata est, secundum minimam quantitatē computatam esse. Impossibile enim est, ut inter centrum Terræ & polum sphaeræ Stellarum fixa-

fixarum minor quàm ista sit mensura : fieri autem potest , ut multis modis sit major ; quia densitas Corporum Sphæricorum , ( nisi secundum ejusmodi parvitatem , quæ nequit esse minor , sicuti patet ex epistola Longitudinum ) , ut & Corporum illorum , quæ sunt inter Sphæram unam & alteram , sicuti ratio postulat , non potest accurate cognosci , prout *Thebith* meminit ; quia nullæ in illis sunt Stellæ , unde id addisci posset . Sphæræ Stellarum fixarum densitas est ad minimum itineris quatuor annorum . Cognoscitur hoc ex mensura longitudinis Stellarum ejus ; corpus enim uniuscujusque Stellæ illius æquat mensuram Globi terreni nonaginta vicibus , & possibile est , ut densitas corporis ejus adhuc sit major . Sphæræ nonæ , quæ reliquas omnes motu diurno circumagit , nulla planè scitur mensura ; quia enim nulla in illa est Stella , idèò nullum est quoque medium sciendi ejus magnitudinem .

Considera itaque Entia ista corporalia , quanta sit illorum mensura , quantus item numerus ? Si Terra tota nullam habeat mensuram ad orbem Stellarum , quam'nam quæso ad Creaturas istas omnes Homo proportionem habebit ; & quomodo cogitari potest , quòd ista sint propter eum , illiusque instrumenta ? Quòd si autem talis sit ratio vel proportio Corporum , quid fiet , si consideraveris existentiam Intelligentiarum separatarum ?

Verùm , secundum sententiam Philosophorum in hoc negotio , quætere possumus & dicere : Nullum est dubium , si dicamus , quòd finis istorum Corporum Sphæricorum sit Gubernatio unius alicujus , vel plurium Individuorum in specie Humana , quin id falsum sit secundum speculationem Philosophicā ; verùm , si statuamus , quòd finis illorum sit Gubernatio totius speciei Humanæ , nulla erit absurditas , dicere , finem istorum potentium Corporum singularium esse Existentiam Individuorum , quæ secundum sententiam illorum sunt infinita . Nullo exemplo melius res illustrari & declarari potest , quàm ab Artifice conficienda acum exiguam non nisi grani unius pondus habentem . Quòd si propter unam tantum acum illa faciet , erit id nostro judicio corruptio , destructio consuetudinis , sed non absolute erit destructio consuetudinis . Nam si instrumenta ista pretiosa fecerit ad faciendam acum unā post aliam , & sic multa millia acuum , erit omnino confectio hæc Instrumentorum summa scientia & sapientia . Eodem modo finis Sphærarum potest esse conservatio & continuatio Generationis & Corruptionis : finis autem Generatio-

nis & Corruptionis Existentia speciei Humanæ, sicuti jam dictum est, & dicta ac loca quædam Scripturæ exstant, quæ sententiæ huic favent & patrocinantur.

Verùm Philosophus hanc Objectionem ita solvit, ut dicat; Si nulla alia esset differentia inter Corpora spherica, & inter Individua specierum, quæ generantur & corrumpuntur, quàm in Magnitudine & Parvitate, posset istud dici; sed cum differentia inter illa sit in ipsa substantia, absurdissimum est dicere, Nobilius esse instrumentum illius, quod est vilius & ignobilius.

*Nobilius non potest esse instrumentum ignobilioris.*

Summarei est, quod hæc Obsectio juvat sententiam nostram de Novitate Mundi. Et hæc maximè in isto capite intentio mea fuit; quemadmodum & id, quod semper audiavi ab Astronomiæ peritis, illos pro Hyperbolis habere ea, quæ Sapientes nostri de Longitudinibus scripserunt. Dicunt enim, densitatem uniuscujusque Sphæræ esse itineris 500 annorum, & inter singulas Sphæras esse spatium quingentorum annorum. Cum autem Sphærarum sint septem, erit distantia longitudinis Sphæræ septimæ (h.e. gibbositatis ejus) à centro Terræ septem mille annorum. Hæc verò audiens, arbitratur esse Ironiam vel Hyperbolem in verbis illorum, neque tantæ quantitatis distantiam esse posse. Ex iis, quæ de Longitudinibus per demonstrationem ostendi possunt, est, quod Longitudo inter centrum Terræ & inter\* fundum Saturni, quæ est Sphæra septima, sit iter 7024 annorum propè. Quod verò attinet Longitudinem, cujus antea meminimus, octo mille nempe & septingentorum annorum, intelligitur ea usque ad concavitatem profunditatis vel imæ partis Sphæræ octavæ, (h.e. ad Expansionem infimam illius). Atque sic, cum dicunt, inter Sphæram unam & alteram tanta est distantia; intelligendum est id de densitate Corporis, quod est inter Sphæras, non quod ibi detur Vacuum.

\* M.S. כקצקק  
quod significat  
fundū. Imum:  
Improfū habet  
קקו.

Verùm noli à me requirere, Ut congruant & cum rei veritate conveniant omnia, quæ de rebus Astronomicis scripserunt? quia Disciplinæ Mathematicæ temporibus illis fuerunt imperfectæ, neque de illis scripserunt per Traditionem à Prophetis, sed prout tùm temporis in istis rebus versati erant, vel à Sapientibus temporum illorum audiverunt. Ideò tamen non dico, quod illa, quæ apud eos cum veritate consentientia deprehendo, non sint vera, aut quod per accidens eis exciderint. Hominis enim ingenui & veritatis amatis est, omnia dicta in meliorem partem interpretari, quæ cum existentia per demonstrationem probatâ convenire exponi possunt.

## CAP. XV.

*De Natura Impossibilium.*

**I**MPOSSIBILE Naturam habet firmam & constantem, eam-  
que non ex operatione vel actione Efficientis, & immutabilem; unde DEO non adscribitur potentia & facultas illa faciendi.

*Impossibilia  
nō attribun-  
tur Deo.*

Contra hoc nemo unquam fuit Theoreticorum; neque etiam id cuiquam ignotum esse potest, nisi illi, qui non intelligit intelligi-  
bilia.

Controversia autem, quæ existit inter Magistros speculationis, respicit speciem quandam rerum, de quibus nonnulli dicunt, quòd sint ex numero *Impossibilium*, quorum facultatem DEUS non habet; alii verò, quòd sint ex numero *Possibilium*, quæ DEUS pro suo Beneplacito & Voluntate facere queat: ut, v. G. An possint duo Contra-  
*ria* conjungi uno eodemq; tempore & in eodem subiecto? An converti possit Substantia in Accidens; & vicissim Accidens in Substantiam? An Substantia corporalis possit esse sine Accidentibus? Hæc omnia secundum omnes Magistros speculationis sine contradictione sunt ex numero *Impossibilium*, non minùs quàm ista; Quòd DEUS possit facere aliquem sui similem: Quòd possit Substantiam suam convertere in Privationem: Quòd possit se-ipsam facere corporeum, vel mutare; ista enim omnia à DEO fieri nequeunt. Verùm, *Utrum* facere possit, ut existat Accidens solum extra Substantiam? id ab aliquibus, ut à secta *Muatzali*, habetur *Possibile*, ab aliis verò *Impossibile*; quamvis non sola speculario illos, qui affirmant existentiam Accidentis extra Subiectum, ad hoc statuendum induxerit: sed observatio & reverentia quarundam rerum *Legalium* extorset ipsis hoc effugium. Sic *Possibile* nostrâ sententiâ est, ut fiat res corporalis non ex Materia: at *Impossibile* hoc est juxta sententiam Philosophorum. Ita dicunt Philosophi; Dari Quadratum, cujus diameter sit aequalis lateri; vel, Dari Angulum solidum, quem ambiant vel constituent quatuor Anguli simplices, recti, & similia, esse *Impossibilia*: quidam verò Disciplinarum Mathematicarum expertes, qui tantummodò voces, non verò rationes istarum rerum intelligunt, existimant, hæc esse *Possibilia*.

Miror autem, Num ista porta ita aperta sit, & cuivis liceat de re quacunque, quam ipse sibi imaginatur, dicere, quòd sit *Possibile*, alio dicente, quòd secundum rei naturam sit *Impossibile*? vel, An sit aliquid, quod istam portam claudat & custodiat, ita ut Homo defi-



nire & decidere possit, quòd istud sit *Impossibile* in sua natura? &c, An probatio hujus rei sit in facultate Imaginatrice, an verò in Intellectu? Quà item re discernere possimus inter Imaginabile & inter Intelligibile? (Quandoque enim accidit, ut quis alii vel etiam sibi ipsemet contradicat in re quapiam, quæ secundum ipsum est *Possibile* in natura sua, Adversario statuyente, quòd hæc Possibilitas sit ex operatione Imaginationis, non verò in notione Intellectus). An illa res sit aliquid extra illa duo simul? An denique Intellectu ipso distinguatur inter Intelligibile & Imaginabile? Hæc omnia probè sunt inquirenda & investiganda: sed non est id nostri propositi in hoc capite.

Ostensum est, juxta quamlibet ex istis sententiam, esse res quasdam *Impossibiles*, quarum existentia est falsa, & quæ à potentia Dei Opt. Max. (citra tamen Naturæ ejus imperfectionem, vel Potentiæ imminutionem) excipiuntur; & per consequens in natura sua constantes, nec ab operatione Efficientis provenientes & dependentes. Ostensum etiam est, quòd controversia & dissensio omnis sit tantùm de rebus quibusdam, de quibus disceptatur, ex quonam sint genere, *Possibile* ne an *Impossibile*?

## CAP. XVI.

*Expenditur sententia Philosophorum de scientia DEI circa res speciales & particulares.*

*Errores Philosophorum de scientia Dei rerum particularium.*

**A**BSURDA & Paradoxa maxima dixerunt Philosophi de scientia DEI Opt. Max., respectu rerum extra ipsum existentium, & in labyrinthum se præcipitârunt, unde neque ipsi, neque ipsorum asseclæ sese extricare possunt. Scrupulos & scopulos quod attinet, quæ ipsos ad Paradoxa illa impulerunt, postea tibi recensabo, sicuti & sententiam Legis nostræ; quo modo illa opinionibus eorum perniciosus & absurdus contradicat in negotio hoc de scientia DEI Opt. Max.

*Errorum illerũ causa.*

Præcipuum, quod errori ipsorum ansam præbuit, est, quòd in principio cogitationis videtur, ac si nullus esset ordo, nullaque negotiorum humanorum gubernatio, eò quòd multi sancti piique Homines vitam ducant miseram & acerbam, & econtrà multi mali impiique vitâ fruantur dulci & jucundâ.

Hæc

Hęc diversitas & inæqualitas ad sequens dilemma conficiendum causam ipsis præbuit.

*Dicunt*; Necesse est ut alterutrum horum duorum sit: Vel ignorat *Quomodo præ-*  
 D E U S & non apprehendit ista singularia & particularia; vel ap- *bent, Deum non*  
 prehendit & novit illa. Disjunctio hæc est necessaria. *novissima omnia*  
*particularia.*

*Deinde dicunt*: Si illa apprehendit & novit, tunc sequitur alterutrum istorum membrorum; Illum vel disponere & regere illa dispositione bonâ, perfectâ & integrâ; vel in disponendis illis succumbere & defatigari, ut non possit; vel denique illum scire & posse illa rectè ordinare & gubernare, sed studio illa deferere & derelinquere, aut quodd nimis sint abjecta, vilia & contempta in ipsius oculis, aut ex æmulatione & invidiâ, sicuti nonnunquam Homo aliquis reperitur, qui posset alteri gratificari, & qui novit illum suâ beneficentiâ opus habere, sed propter malitiam Naturæ suæ & invidiam, quâ illum prosequitur, non vult ei benefacere.

Præterea, ista quoque disjunctiva necessaria est & vera, quod is, qui novit aliquid, vel curam gerat illius, quod novit, illudque regat; vel illud deferat & derelinquat: sicuti Homo in domo sua obliviscitur gubernationis & curæ felium, catulorum, vel aliarum viliorum rerum: in illo autem, cujus curam gerit, nonnunquam succumbit & deficit, etiam si voluntatem & propositum habeat curam illius gerendi.

His itaque disjunctivis factis concludunt tandem, & dicunt: Duo ista harum Propositionum de eo, qui rem aliquam novit, membra in Natura D E I esse impossibilia, quod sc. non possit, aut quod possit quidem, sed non curet; eò quod sunt vitiosa, vel imperfectionem & defectum arguunt. Absit enim, ut ista duo D E O adscribere & attribuire velimus!

Propterea ex tota hac disjunctioe nihil aliud remanet, quàm quodd nihil sciat istarum rerum, aut quodd illa dispositione bonâ & rectâ ordinet ac disponat.

Jam verò videmus, illa nullo ordine regi, neque prout æquum est & conveniens, sequi & procedere.

Proinde argumento hoc est, illum nullo modo nullâque ratione ea scire.

Et hoc primum est, quod eos ad Paradoxa illa impulit. Invenies autem universa, quæ tibi de ratiocinationibus illorum declaravi, & quodd hic sit locus erroris ipsorum, apud *Alexandrum Aphrodisæum* in libro, quem de *Regimine* vel *Gubernatione* inscripsit.

Hic verò vide & admirare, quâ ratione in gravius malum, quàm quod fugere voluerunt, delapsi sint, atque Charybdim vitare volentes, in Scyllam inciderint: quomodo item ipsimet ignorantes evaserint illius, de quo contra nos semper testantur & docent.

*Gravius illud malum*, in quod inciderunt, est hoc, quòd nolentes **D E O** attribuere *Derectionem* vel *Oblivionem* rerum humanarum, *Inscitia* & *Ignorantia* ipsum coarguunt, quòd ea omnia, quæ in Mundo hoc inferiore geruntur, Ipsi sint abscondita & occulta.

*Ignorantia verò illius, de quo semper contra nos testantur & docent*, est, quòd probent Existentiam in rebus, quæ spectant Individua & singularia inter Homines, quorum mala vel ab ipsis, vel à necessitate *Materiæ* proveniunt, sicuti semper & ubique docent: quâ de re quid sit sentiendum, alibi satis superq; dixi.

Posteaquàm ergo fundamentum hoc, quod destruit omne fundamentum bonum, & quod omnis bonæ & salutaris sententiæ splendorem & decorem obfuscat, posuerunt, inceperunt remove absurditatem ejus, asserendo, Scientiam harum rerum **D E O** multis modis esse impossibilem.

*Argumenta Philosophorum contra scientiâ Dei singularium.*

*Primò* enim dicunt; Singularia vel Particularia apprehenduntur Sensibus, non Intellectu. **D E U S** autem non apprehendit per sensus.

*Deinde*; Particularia sunt infinita. Scientia autem est quippiam definitivum, rem comprehendens & complectens. Quod verò infinitum est, id scientia non potest comprehendere aut complecti.

*Tertiò*; Cognitio rerum novarum & particularium sine dubio infert quandam mutationem; quia est Innovatio scientiæ unius post scientiam aliam.

*Quartò*; Secundùm argumentationem nostram, qui sumus **Cœtus** observantium *Lêgem*, & statuimus, quòd **D E U S** omnia nôrit antequàm fiant proferunt contra nos duo absurda. *Unum* est, quòd sic suspendamus scientiam à pura-puta Privatione, h. e. à non-Ente. *Alterum*, quòd scientia rei in potentia sit res una, & scientia rei in actu res alia.

Insuper in tam absurdas & impertinentes cogitationes deveniunt, ut quidam eorum dixerint, **D E U S** nôsse tantùm species, non Individua; alii verò, quòd nihil nôrit præter substantiam suam; ne videlicet in eo sit multitudo scientiarum, juxta opinionem eorum.

Fuerunt tamen ex Philosophis quoq;, & quidem magni Viri ante **Aristo-**

Aristotelem, qui idem quod nos crediderunt, quòd sc. D e u s sciat omnia, nec quicquam coram eo sit absconditum, quorum mentionem etiam facit *Alexander* in citato libro. Verùm non adstipulatur sententiæ eorum, & inquit, præcipuum, quod sententiam illorum destruit, esse id, quod ad oculum videmus, bonis mala, & malis bona multa contingere.

Summa: Oñsum tibi hætenus est, quòd isti omnes, si res Hominum dispositas & ordinatas invenissent eo ordine, quem *Vulgus* sibi imaginatur, nunquam in istas opiniones concessissent; & quòd principalis causa impellens ad istam speculationem sit probatio & examen conditionis bonorum & malorum, quæ ipsorum opinione est confusa & inordinata, sicut fatui nostri communiter dicunt; *Non est per omnia equalis Via DOMINI.*

Quandoquidem autem exposui, Scientiam & Providentiam D e i individuo nexu inter se conjuncta esse, incipiam nunc tibi varias de Providentiâ opiniones recensere, ac dubia, quæ circa D e i Scientiam rerum particularium moventur, enodare.

## CAP. XVII.

*De PROVIDENTIA DEI, & quinque circaeam opinionibus.*

**Q**UINQUE sunt de PROVIDENTIA DEI sententiæ, & quæ omnes antiquæ, h. e. inde à temporibus Prophetarum, & revelationis Legis nostræ, quæ istas tenebras omnes discutit & illustrat, cognitæ & audiræ.

*Quinq. sententiæ de Providentia.*

*Prima sententia* est eorum, qui existimant; Nullam planè esse in hoc Mundo Providentiam, sed per accidens & fortuitò omnia contingere & evenire, neminemq; esse, qui illa regat, curet & gubernet.

*Prima sententia de Providentia, Epicuri.*

Atque hæc est *Epicuri* sententia, qui Atomorum quoque est patronus & assertor, fortuitò & illa commisceri, atque ex illorum commixtione per accidens quævis generari, asserens. Nec defuerunt ex Israëlitis hæretici quidam, qui istam sententiam arripuerunt: tales nempe, de quibus dicitur; *Negaverunt DOMINUM, & dixerunt, Non est ipse.*

*Jerem. 5. 12.*

Hujus autem sententiæ falsitatem demonstravit jam ipse Aristoteles, ostendens, non esse possibile, ut res omnes sint aut fiant per accidens, sed esse aliquem, qui illas ordinet, regat & gubernet; & nos ipsi quoq; nonnulla hac de re in præcedentibus attingimus.

*Secundum.*

Secūda *sensentia* de Providentia, quæ est Aristotelis.

*Secunda sententia* est eorum, qui credunt, quarundam rerum esse Providentiam, ita ut ab aliquo regantur & dirigantur; quædam verò derelicta & Fortunæ esse exposita.

Atque hæc est *Aristotelis* sententia de Providentia, quam paullo ulterius tibi declarabo.

Existimat Aristoteles, *DEUM Opt. Max.* curam gerere Orbium cœlestium, & eorum, quæ illis continentur, & hac de causa Individua eorum perpetuò manere in eo statu, in quo sunt. Et *Alexander* scripsit, sententiam Aristotelis esse, Providentiam *DEI* finiri & desinere in Sphæra Lunæ. Atque hæc sententia ramus est ex radice Æternitatis Mundi repullulans. Providentiam enim ipse arbitratur esse secundum naturam Rerum existentium. Proinde secundum ipsum Providentia in Orbibus cœlestibus, & iis, quæ in illis continentur, est conservatio illorum perpetua ab omni mutatione. Et quemadmodum ex illorum existentia sequitur existentia aliarum rerum, quarum singularia non perpetuò retinent suam existentiam, sed species tantum; ita ista quoque specierum conservatio fluit à Providentia, licet Individuorum illorum conservatio non sit possibilis. Neque tamen omnino & absolute derelicta esse censet Individua specierum, sed ait; Quicquid ex materia ita percolatum & distillatum est, ut acceperit *formam Vegetabilem*, ei inditas esse virtutes, quæ illud certo & definito tempore conservent, & ad illud attrahant quæ ei sunt utilia, ac è contrario depellant quæ inutilia & perniciofa. Quicquid verò hoc priori magis percolatum & defæcatum est, ita ut acceperit *Formam sentientem*, ei datas esse virtutes alias ad ejus conservationem, Potentiam nempe quandam sese movendi ac persequendi illud, quod sibi conveniens, & è contrario fugiendi quod sibi inconveniens, idque prout Individui cujusque speciei necessitas requirit. Quicquid denique ita percolatum est, ut acceperit *formam Intellectualem*, ei aliam quoque datam esse facultatem, quâ se regat, quâ cogitare & intelligere possit id, quod tùm ejus, tùm speciei ipsius substantia conservari potest, idque secundum Individui cujusque perfectionem. Reliquos motus quod attinet, qui in Individuis speciei accidunt, illi per accidens contingunt, neque secundum Aristotelem sunt ex certa Gubernatoris alicujus gubernatione, vel Directoris directione. E. G. Si spiret ventus turbinis vel sine turbine, ac arboris unius folia dejiciat, ramos alterius cōstringat, lapidem ex acervo quodam lapidū auferat, super herbas pulverem noxium spargat, tempestatem in Mari, quâ Naves in eo velificantes unâ cum Homi-

nibus

nibus, vel omnibus, vel quibusdam, submergantur, exciter; hic nulla est differentia Aristoteli inter folium & lapidem, qui decedit, & inter Homines illos pios & eximios, qui in navi submerguntur. Sic nihil interesse arbitratur inter id, cum bos sterlus ejicit super agmen formicarum, ut inde moriantur; & cum domus alicujus fundamenta ruunt, ac Homines in illa orantes opprimuntur & moriuntur. Ita non discernit inter murem captum à fele, muscam captam ab aranea, & inter Prophetam à Leone esuriente raptum & discerptum.

In summa: huc redit fundamentum & summa opinionis ejus; Quicquid videt in Corporibus cœlestibus esse ordinarium, consuetum, frequens, immutabile, & incorruptibile: quicquid item videt in rebus Naturalibus ordinariè fieri, neque nisi rarò & extraordinariè mutari aut cessare, in illis omnibus Providentiam Divinam agnoscit. Quicquid autem videt, non semper, neque ordinariè fieri in Individuis specierum, tum vegetabilium, tum animalium, eorumque iterum vel rationalium, vel irrationalium, de eo dicit, quod per accidens fiat, & sine Providentia Divina; quin, imò opinatur, Providentiam in istiusmodi rebus esse impossibilem. Istud autem sequitur ex sententia ejus de Æternitate Mundi, & quod illud, quod in eo existit, aliteresse nequeat. Qui verò de nostris hanc sententiam crediderunt, sunt ex illis, qui dicunt; *Dereliquit DOMINUS Terram.*

Ezech. 9. 9.

Tertia sententia est contraria sententiæ secundæ, eorum nempe, qui credunt, Nullam in hoc Mundo rem (nec universalem, nec particularem) esse per accidens, sed omnia esse ex certa Voluntate, Intentione & Gubernatione. Palàm autem est, quod is, qui rem aliquam regit & gubernat, eam quoque sciat.

Tertia sententia  
de Providentia,  
qua est iussus  
Assarie inter  
Ismaelitas.

Hæc sententia est *seste Assarie* inter Ismaëlitas, & sequuntur eam inconvenientia & absurda multa, quæ illi sustinent & recipiunt.

Concedunt enim & consentunt Aristoteli id, quod ait, perinde esse, siue folium ex arbore decidat, siue Homo aliquis moriatur. Dicunt, rem ita se habere, verum non fortuito spirare ventum, sed DEUM illum excitare, neque ventum dejicere folia, sed unumquodque folium ex speciali decreto DEI decidere, & illum esse, qui hoc tempore, in hoc loco illud dejiciat; non esse possibile, ut tardius vel citius decidat, neque etiam ut in alium locum cadat. Omnia enim hæc pridem à DEO esse decreta.

Secundum hanc sententiam sequitur etiam, quod omnes motus & quietes Animantium sint à DEO decretae, nec penes Hominem sit, quicquam vel faciendi, vel intermittendi.

Tollitur etiam secundum eam Natura Possibilem: & econtrà sequitur, quòd omnia sint vel Necessaria, vel Impossibilia, id quòd recipiunt. Dicunt enim; Illa, quæ nos vocare solemus Possibilia, ut *esse Stare Rubenii, Venire Simeonis*, esse Possibilia respectu nostri, sed respectu Dei: nullam prorsus in illis esse Possibilitatem, verum esse vel Necessaria, vel Impossibilia.

Insuper sequitur ex hac sententia, Nihil quicquam prodesse Leges; quandoquidem Homo, cui datæ sunt omnes Leges, nullam sic habet facultatem quicquam vel faciendi eorum, quæ præcipiuntur, vel intermittendi eorum, quæ prohibentur. Dicunt: Deo ita placuisse, ad nos Mittere, nobis Mandare, Promittere, Minari, Terrorem incutere, licet nullarum harum penes nos sit potestas aut facultas; conveniens esse, ut nobis imponantur impossibilia; fieri posse, ut faciamus ea, quæ præcepta sunt, & puniamur; ut peccemus, & nobis bonum retribuatur.

Tandem sequitur ex hac sententia, Nullum esse Actionum Divinarum finem.

Omnium istorum absurdorum gravitatem perferunt & recipiunt, ut hanc suam sententiam tueantur & liberent, & quidem eò ulque: ut, cum videmus Hominem aliquem cæcum vel leprosum nasci, de quo non possumus dicere, quòd peccatum aliquod, quo hoc meritus sit, antea commiserit, dicant, Deum ita voluisse: & cum videmus Virum pium & sanctum miserè obire & interfici, dicant, Deum ita voluisse: neque tamen aliquam hic esse iniquitatem vel injustitiam. Potest enim Deus, secundum illos, castigare vel punire eum, qui non peccavit, & præmiis afficere eum, qui peccavit. Sed verba illorum hac in re nota sunt:

*Quarta sententia . qua est se-  
&æ Muatzali,  
vel Mahataze-  
le.*

*Quarta sententia* est eorum, qui statuunt, Hominem potestatem vel facultatem aliquam habere, ideòque rectè & secundum ordinem sequuntur juxta sententiam hanc, Præcepta, Prohibitiones, Beneficia & Pænæ, quæ occurrunt in Lege. Asserunt etiam, Opera Dei omnia sequi Ipsius sapientiam, nullam in ipso existere iniquitatem, nullumque ab ipso puniri, qui benè agit. Et in hac sententia est *secta Muatzali*, licet potestatem Homini absolutam non tribuant. Credunt etiam, quòd Deus sciat singulorum foliorum decisionem vel casum, iter fornicarum, & quòd Providentia ejus se extendat ad omnia Entia.

Verum ex hac quoque sententiâ Absurda & Contradictoria multa sequuntur.

*Absur-*



*Absurdum*, quod inde sequitur, est hoc. Dicunt, quòd quidam Homines nascantur imperfecti, defectuosi, etsi non peccarint, id Sapientiae esse illius opus, & melius esse Homini, ut ita sit, quàm si esset sanus: sed nos istam Bonitatem non intelligimus. Dicunt etiam, hoc non poenae, sed beneficii potius loco habendum esse. Ita respondent, cum interficitur Vir pius & sanctus, quòd illud fiat ad tantò maiorem ejus retributionem in saeculo venturo. Et hic èd usque deveniunt, ut, cum quærimus ex illis, quare recta sint judicia DEI in Homine, non autem in aliis? & propter quòdnam peccatum mactetur Animal irrationale? istud absurdum admittant. Dicunt enim, hoc in ipsius bonum cedere, ut Deus ipsi retribuat in saeculo venturo. Quin-imò de cæde pulicis & pediculi sic sequitur, quòd fiat propter retributionem à DEO. Ita de mure innocente, à sefe vel accipitre rapto & discepto, dicunt, Sapientiam DEI hoc super isto mure decrevisse, & propterea quoque in saeculo venturo retributionem ipsi daturum.

Meo autem judicio nullus trium istarum sectarum patronus de Providentia debet vituperari aut reprehendi, quia unusquisq; èd inductus fuit magnà necessitate. Id, quod dixit *Aristoteles*, sequitur apparentem rerum naturam.

*Secta Affaria* noluerunt DEO alicujus rei Ignorantiam attribuire, & incongruum ipsis visum est, unius rei particularis scientiam DEO assignare, alterius verò non. Hinc autem sequuta sunt multa Absurda, quæ tamen receperunt.

*Secta Muatrali* noluerunt DEO attribuire ullam Injustitiam & Iniquitatem, & inconveniens esse judicant, falsitatis arguere Intellectum creatum cum Homine, ita ut dicant, In afflictione ejus, qui non peccavit, nullam esse iniquitatem. Juxta ipsos etiam non est rectum dicere, Missionem Prophetarum omnium, & Dationem Legis sine ratione intelligibili esse factam. Sed & isti sua absurda ferre & recipere sunt coacti.

Neque solùm Absurda, sed & *Contradictoria* sequuntur hinc, h.e. talia, quorum unum alterum destruit; quia credunt, DEUM Opt. Max. omnes res scire, & Hominem habere liberam potestatem. Hoc autem, ut vel levi consideratione patet, infert contradictionem.

*Quinta sententia* est sententia nostra, h.e. Legis nostræ, de qua tibi, quæ in Libris Prophetarum extant, indicabo; & quidem *primò*, *Quinta sententia, quæ est Legis.*  
Quid communiter Sapientes nostri credant? *deinde*, Quid cre-

dant quidam Recentiores ex Gente nostrâ ? *tertio*, Quid ego ipse hic credam?

NB. *Quod Author hoc loco ex communi genio sua errore Librum arbitrium statuit, de quo quid sensicdum sit, notunt melius illi, qui sicut solatius in Mose, sicut in praprie in Evangelica doctrina puriore sunt educati.*

NB. *Ex erroribus Authoru, in quibus sâquam homo Judaeus versabatur, est & Pharisaica meritorum nostrorum coram Deo per suasio, de qua hic & in seqq. nonnulla habet, qua, ut & similia, pium Lectorem offendere non debent.*  
Deut. 32. 4.

Dico ergo: Fundamentum Legis Mosis Doctores nostri, omniumque eorum, qui illi adhærent, est, quod Homo habeat absolutissimam Potestatem, h.e. quod Homo per Naturam, Arbitrium & Voluntatem suam faciat, quicquid Homo facere potest, sine ulla re aliâ in ipso creatâ & innovatâ. Omnia pariter Animalia irrationalia moventur Voluntate suâ. Et sic voluit Deus Opt. Max., h.e. Voluntas ejus æterna fuit, ut omne Animal moveatur per Voluntatem suam, & ut Homo habeat potestatem ejus, quod vult vel eligit, in iis, quæ cadunt sub ipsius potentiam. Huic fundamento unquam ab aliquo in Gente nostra contradicium fuisse, non est auditum.

Ex fundamentis Legis Mosis Doctores nostri p.m. est & hoc; quod Deus nullo pacto ulla conveniat aut adscribi debeat Iniquitas & Injustitia: & quod omnia, sive Mala, quæ eveniunt Homini, sive Bona, quæ Homini aut toti alicui Ecclesiæ contingunt, procedant secundum justum & æquum Dei judicium, quod est sine ulla iniquitate & injustitia; ita ut, si vel spinâ Homo manum suam lædat, quam statim iterum extrahat, pœnæ loco id ipsi inflatum esse censendum sit; & econtrâ, si vel minimum bonum ipsi contingat, præmii & retributionis loco sit habendum. Omnia hæc sunt ex justo illius judicio, de quo dicitur; *Omnes viæ ejus sunt judicium*: sed nos modos & rationes judicii illius ignoramus.

Sic itaque liquet tibi ex istis sententiis, quod secundum Aristoteli diverfitates istæ inter Homines sint ex accidenti; secundum *sectam Affariam* ex sola Dei Voluntate; secundum *sectam Muatzali* ex ejus Sapientia; secundum nos autem juxta meritum operum Hominis. Proinde, juxta *sectam Affariam*, potest Deus aliquem, qui justus fuit, punire in hoc sæculo, & æterno quoque igni adjudicare in sæculo venturo. Dicunt enim; Ita fert Voluntas ejus. *Sectæ* verò *Muatzali* nequaquam hoc æquum esse videtur; sed quod ei, qui doloribus hic afficitur, etiam usque ad fornicam, præmium & recompensatio sit expectanda: id quod Sapientiæ Divinæ opus esse dicunt, ut videlicet aliquis propter ampliorem remunerationem puniatur. Nos autem credimus, quod omnes istæ res humanæ administrentur secundum justitiâ Dei; & quod procul à Deo sit omnis iniquitas, quod neminem puniat nisi reum & pœnas benè commeritum. Atque sic scriptum est in ipsa *Legem* nostra, quod omnia sequantur *Judicium Dei*. In hanc etiam sententiam eunt omnia, quæ communiter apud

Do-

Doctores nostros leguntur. Sic dicunt aperte; *Non est mora sine peccato, neque castigationes sine iniquitate.* Item; *Ea mensurâ, quâ Homo metitur, metientur ei.* Verba hæc sunt Mischnæ. Ita docent ubiq; quodd Judicium sit necessarium in Natura DEI Opt. Max., quodd remuneret embryonem in utero matris propter omnia bona & honesta, quæ facturum est, licet nulla ei à Propheta præcepta data sint, & econtrâ puniat propter omnia, quæ Vir facturum est, mala, licet nullas per Prophetam aliquem prohibitiones acceperit; eò quodd Intellectus doceat, ab omni Iniquitate & Violentiâ esse abstinendum. Hinc dicunt; *Non rescindit vel retinet DEUS mercedem ullius Creatura.* Item; *Qui dicit, Deus Opt. Max. est liberalis, ejus viscera quoq; erunt abundantia, (h.e. ejus vita & anni prolongabuntur & liberales quasi erunt).* Sed longanimitate quandoque DEUS utitur; & tamen exigit tandem quod suum est. Item; *Non est is, qui jubetur & facit, sicut is, qui non jubetur & facit.* Docuerunt etiam, quodd ei, qui injussus facit, detur pramium. Et hûc tendunt omnia ipsorum dicta. Unum tamen occurrit in verbis Sapientum nostrorum, quod non invenitur in Lege; id nempe, quodd quidam eorum dicunt, *יטורין של אהבה* h.e. *Castigationes amoris.* Juxta hanc enim sententiam possunt tribulationes alicui evenire sine præcedente peccato, sed ut multiplicetur ejus Remuneratio. Atque hæc ipsissima est sententia *sectæ Muatzali*, de qua, aut pro qua ne verbum quidem in Lege reperitur. Non enim te seducere debent ea, quæ de tentatione DEI leguntur: ut, cum dicitur; *Et tentavit DEUS Abrahamum.* Item; *Et afflixit te, ac esurive fecit te, &c.* Nam in sequentibus, quid de his sentiendum sit, audies. Neque ulterius progreditur Lex nostra, quàm ad conditionem & statum Humanum.

Genes. 22. 1.  
Deut. 8. 3.

De retributione illa Animalium irrationalium nihil unquam antea auditum fuit in Gente nostra. Talmudici etiam Doctores nullam hujus rei mentionem fecerunt; sed tantum Recentiores quidam ex *Gaonai*, audientes hæc à *secta Muatzali*, ea amplexi sunt & crediderunt.

Quid verò ego in gravi hoc de *Providentia Divina* articulo sentiam, est id, quod nunctibi exponam. Non innitor autem in ista mea fide demonstrationibus, sed iis, quæ apud me extra controversiam sunt ex intentione Legis Divinæ & Prophetarum. Et hæc sententia longè pauciora habet Absurda quàm præcedentes; longè etiam magis ad Rationem Intellectualem accedit.

Sententia Authoris de Providentia.

Credo itaque, Providentiam Divinam in Mundo hoc Inferiori

seu Sublunari esse tantum in Individuis speciei humanæ, & hanc speciem solam esse, cujus Individuorum negoria, omniaq; sive bona, sive mala, quæ eis accidunt, secundum judicium & justitiam administrantur, sicut dicitur: *Omnes via ejus Judicium*. Reliqua verò Animalia, Plantas, & alia quod attinet, de illis amplector sententiam Aristotelis; minimèque credo, folium illud, quod ex arbore decidit, singulari DEI providentiâ cadere: vel singulari DEI decreto muscam capi ab aranea: vel à spuro, quod Ruben exspuit, muscâ, super quam in hoc vel illo loco cadit, ex decreto DEI interfici: vel piscem speciali voluntate DEI vermiculum natantem in superficie aquarum capere & deglutire: sed ista omnia, meo calculo, sunt per accidens, sicut opinatus est Aristoteles. Providentia autem Divina, ut ego quidem sentio, & prout mihi videtur, sequitur Influentiam Divinam, & speciei illi, cui Influentia illa intellectualis adhæret; ita ut Intellectu prædita fiat, & ei reveletur, quicquid Intellectum habenti revelatum est; speciei inquam illi conjuncta est Providentia Divina, omnesque illius actiones secundum præmium vel pœnam mensurantur. Verum quod attinet hoc, An submersio Navis, & eorû, quæ in illa sunt, vel Ruina tecti super eos, qui in domo fuerunt, merè fiat per accidens? hic juxta sententiam nostram sciendum, Ingressum Virorum illorum in navem, & Commorationem horum in domo non contigisse per accidens, sed ex voluntate DEI, & secundum justitiam judiciorum ejus, ad quorum rationem & intelligentiam mens nostra penetrare nequit.

Ad sic sentiendum & credendum permovit me, quod nullibi apud quemquam Prophetam repererim, DEUM aliorum singularium vel Individuorum ex Animalibus curam gerere, quàm Hominum. Quin-imò mirantur Prophetæ, DEUM providentiâ suâ dignari Homines, eò quod minor & vilior sit Homo, quàm ut Creator curam illius habere debeat; quanto proinde minùs digna judicantur cætera Animalia? Hinc dicitur: *Quid est Homo, & agnoscis eum?* Item; *Quid est Homo, quodd recordari ejus?* &c. Testimonia autem expressa sunt, in quibus habetur, quod DEUS curam gerat omnium Hominum, omniumque ipsorum operum: ut, *Qui formavit simul cor eorum, considerans omnia opera eorum*. Item; *Oculi sui aperti sunt super omnes vias filiorum Hominum, ut des unicuique secundum vias suas, & secundum fructum operum suorum*. Item; *Oculi ejus super vias Viri, & omnes gressus ejus vider*. Ita testatur clarè Lex nostra de Providentia DEI erga Homines, & Visitatione operum ipsorum; *In die autem visitationis meæ*

Psal. 44. 3.

Psal. 8. 5.

Psal. 33. 15.

Jer. 32. 19.

Jobi 34. 21.

Exod. 32. 34.

*mea visitabo in eis peccatum ipsorum.* Sic; *Et visitabo super vos.* Item; *Qui peccaverit mihi, delebo eum de libro meo.* Item; *Perdant animam illam de medio Populi sui.* Item; *Et dabo faciem meam contra Virum illum:* & sic sapientissimè. Historiæ Abrahami, Isaac & Jacobi sufficientissimè & luculentissimè probant, esse singularem Providentiam super Homines. Verùm cætera Animalia quod attinet, eorum sine dubio talis est ratio, sicut scripsit Aristoteles. Hinc mactatio eorum non solum est permissa, sed & præcepta; hinc item licitum est ad usus nostros pro lubitu illis uti. Quod autem illorum Animalium nulla, nisi speciei ratione, sit providentia, ut scripsit Aristoteles, probari potest ex Propheta Habacuc, qui Nebucadnezaris tyrannidem & crudelitatem videns, scripsit; *DOMINE DEUS, videtur ac si derelicti, oblivioni traditi, & expositi essent Homines sicut pisces maris, & sicut reptile, cui non est dominator: illis verbis docens, species illas derelictas esse.* Sic enim ait; *Faciunt Homines similes piscibus Maris; sicut mures reptili, cui non est dominator, omnes homo suo extrahet, &c.* Postea autem docet, nequaquam ira esse, ut sint derelicti Homines, sc. oblivione sepulti, & sine omni Providentia, sed justam hanc esse illorum poenam, optimèque commeritos illos esse ea omnia, quæ manent super ipsos, sicut ait; *DOMINE, ad judicium posuisti eum, & sortem atque increpares, fundasti eum.* Neque est quod existimes, contrariari huic sententiæ id, quod alibi legimus; *Qui dat jumento escam suam, &c.* Item; *Leunculi rugiunt ad prædæ, & ad querendum à DEO escam suam.* Item; *Aperit manus tuam, & saturas omne vivens ad voluntatem.* Item id, quod Sapientes nostri scribunt; *Sedet & alit vel suscitatur (omnia sc.) à cornu monocerotis, usque ad ova pediculorum:* & similia alia, quæ reperiuntur. Ista enim omnia nihil quicquam sententiæ meæ obstant, quia loquuntur de Providentia specierum, non Individuorum, & actiones vel opera ejus quasi enarrant, dum unicuique speciei necessarium sibi alimentum & materiam ordinat. Et hoc notum est ac manifestum. Hinc ipse Aristoteles hanc Providentiæ speciem necessariam esse agnoscit; & Alexander nomine Aristotelis ejus quoque meminit: quod videlicet necessaria sit præparatio alimenti pro cujusque speciei Individuis. Absque hoc enim si esset, species sine dubio interirent, ut levi consideratione liquet. Quod verò de Animalium irrationalium molestiis & violentia, quâ afficiuntur, ex Lege afferunt, ut quod dicitur; *Quare percussisti asinam tuam rebus jam vicibus?* illud inservit ad perfectionem nostram, ne videlicet discamus crudelitatem, & frustra ac inutiliter Animalia lædamus, sed potius

Lev. 26.16.

Exod. 32.33.

Lev. 23.30.

Ezech. 14.7.

Hab. 1.14.

Ibid. v.12.

Psal. 147.9.

Psal. 104.21.

Psal. 145.16.

Num. 22.32.

porius clementiâ & misericordiâ erga quævis utamur, nisi necessitas requirat, ut Scriptura ait; *Cùm animatus desiderat vesci carnibus, juxta omne desiderium animatus comedes carnes.* Nequaquam autem vel ex crudelitate, vel voluptatis causâ sunt mactanda & jugulanda.

Porrò, secundum hanc meam sententiam non potest ex me quæri, Cur DEUS providentiâ suâ curam gerat Hominum, non etiam reliquorum Animalium? Nam quærendum est quoque tali, cur DEUS Intellectum dederit Homini, non verò etiam aliis Animalibus? Ad posteriorem etenim hanc quæstionem responsio hæc est; Quia ita voluit DEUS: aut, Quia ita decrevit Sapientia ejus: aut, Quia ita exigit Natura, juxta tres priores sententias. Eadem responsio danda est ad quæstionem primam.

Tu itaque operam da, ut sententiam meam probè intelligas, & in usum tuum convertas. Non credo, quòd DEUM aliquid lateat: non etiam attribuo DEO aliquam impotentiam; sed credo, Providentiam sequi Intellectum, eiq; unitam esse, (quia Providentia utique fit ab Intelligente; immò qui est Intellectus perfectissimus perfectione tali, post quam nulla datur alia). Propterea cuicumque inhæret aliquid de Influentia illa, illud in tantum apprehendit Providentia, quantum Intellectus.

Hæc sententia, meo judicio, convenit & cum Intelligibili, & cum Lege. Reliquæ sententiæ præcedentes peccant vel in Excessu, vel in Defectu. *Excessus* inducit meram confusionem & amentiam, tùm ad negandum intelligibile, tùm ad vim inferendam sensibili. *Defectus* nos pessimas de DEO opiniones credere cogit, omnem inter Homines ordinem evertit, & studium virtutis extinguit: sententia inquam ejus, qui æqualem facit Providentiam erga Homines, & reliquas Animalium species.

## CAP. XIIX.

*Non esse erga omnes Homines æqualem DEI Providentiam, sed secundum ipsorum sapientiam & pietatem.*

POSTEA QUAM in præcedentibus ostendi, Providentiam Divinam appropriatam esse soli speciei Humanæ, ex omnibus Animalium speciebus, dico nunc, quòd notum sit, nullam speciem extra Intellectum existere, sed speciem, & reliqua Universalia esse  
ò nu-

è numero rerum Intellectualium (prout nōsti); & quicquid extra Intellectum existit, esse singulare, vel unum, vel plura.

Hoc cognitio, norum quoque erit, quòd Influentia Divina, quæ unita est speciei Humanæ, h.e. Intellectus humanus, sit id, quod invenimus ex Intellectibus individualibus vel singularibus, & id, quod effusum est super Rubenem, Simeonem, Levi, Jehudam, &c.

Cùm itaque sic se res habeat, sequitur juxta ea, quæ commemoravimus in præcedenti capite, quòd, quòd majorem partem Influentiæ illius adeptum est Individuum, secundum materiæ suæ dispositionem, & secundum exercitationem, tantò major quoque necessariò sit erga illud Providentia, cùm Providentia sequatur Intellectum, sicut dixi. Proinde non erit Providentia Divina erga omnes Homines æquælis, sed erit differentia & præeminentia aliqua, sicut in perfectione illorum humanà inter unum & alium est differentia. Secundum hanc ergo considerationem sequitur necessariò, fortissimam esse Providentiam in Prophetis secundum gradum Prophetiæ ipsorum: in Sanctis itidem & Pius se habere Providentiam secundum sanctitatem & rectitudinem eorum; cùm mensura illa Influentiæ Intellectualis Divini sit, quæ verbum ponit in os Prophetarum, & rectificat opera piorum, sapientiamque Sanctorum in eo, quod sciunt, perficit. Stultos verò & Impios quod attinet, quemadmodum non nisi parè Influentiam illam acceperunt, ita quoque exigua habetur eorum ratio, & censentur in numero reliquorum Animalium: ut, *Simile est jumentis, quæ intereunt, vel excinduntur.* Ideoque etiam non solum permixta & leviter æstimata est eorum interemptio, sed & ob certas causas ac utilitates præcepta.

Atque hæc est ex fundamentis Legis, & super eam est exstructum ædificium ejus. Volo dicere, super hoc, quòd Providentia in unoquoque Individuo ex Hominibus sit pro illius qualitate & conditione. Observa, quomodo Scriptura loquatur de Providentiâ speciali Patrum, & negotiorum, rerumque ipsorum, usque ad illorum pecora & supellestem; quomodo item Deus Providentiam suam eis promiserit. Abrahamo dictum est; *Ego sum clypeus tuus.* Isacco; *Ero tecum, & benedicam tibi.* Jacobo; *Ecce ego tecum ero, & custodiam te.* Prophetatum Principi; *Quia tecum ero, & hoc tibi signum.* Jehosue; *Quemadmodum fui cum Mose, sic ero tecum.* Hæc omnia palàm docent, Providentiam erga ipsos fuisse secundum perfectionem illorum. De Providentiâ Sanctorum, & Desertione Impiorum dicitur; *Pedes piorum suorum servabis, & impii in tenebris conticescent, quia non in*

*Non esse æqualem erga omnes homines Providentiam.*

*Psalm. 49. 13. 21.*

*De Providentiâ Dei erga Patriarchas & alios pios.*

*Genes. 15. 1.*

*Ibid. 26. 3.*

*Ibid. 28. 15.*

*Exod. 3. 12.*

*Jos. 1. 5.*

*1. Sam. 2. 9.*



*fortitudine roborabitur Vir.* Quibus verbis docetur, quòd quidam Homines à pœnis & aliis accidentibus conserventur, alii verò in illa incident; id non adscribendum esse ipsorum viribus corporalibus, & dispositionibus; hoc enim est, quod dicitur: *Quia non in fortitudine roborabitur Vir*; sed fieri pro ratione perfectionis & imperfectionis, h.e. secundum ipsorum vel ad DEUM appropinquationem, vel ab eodem elongationem: & hac de causa eos, qui ipsi propinqui sunt, tutissimè conservari; *Et pedes piorum suorum servabit*: illos verò, qui ab eo sunt remoti, quibusvis accidentibus objectos esse, nec quemquam eos inde conservare posse; sicut Homo, qui ambulat in tenebris, sine omni dubio impingit. De Providentia super Pios dicitur quoque; *Custodiens omnia ossa ejus, &c.* Item; *Oculi DOMINI super justos, &c.* Item; *Invocabit me, & audiam eum.* Sed plura sunt Scripturæ loca de Providentia DEI erga Homines secundum Perfectionem & Pietatem illorum, quàm ut enumerari possint omnia. Ipsi Philosophi hujus rei mentionem aliquam fecerunt. Hinc est, quod Abunafar in Præfatione Commentariorum suorum super librum Aristotelis ad Nicomachum ita scribat; *Qui potentiam habent movendi animam suam de virtute in virtutem, illi sunt, de quibus Plato ait, quòd fortior sit erga illos Providentia DEI.*

Animadverte itaque, quàm ratione hæc Notionis vel Considerationis species nos deduxerit ad Veritatis, quam Prophetæ omnes nobis exposuerunt, de Providentia DEI singulari & speciali erga quamvis pro ratione & gradu perfectionis ipsius, cognitionem: quàm item ratione hoc rationabiliter sequatur, si Providentia sequatur Intellectum, sicuti diximus. Neque convenit, ut dicamus, Providentiam esse specierum, non Individuorum, ut Philosophorum quidam statuerunt; cum enim nihil existat extra Intellectum præter Individua, & istis Individuis adhæreat Intellectus Divinus, sequitur, Providentiam quoque esse in Individuis.

Sic itaque cura, ut probè, ac prout decet, hoc caput consideres: ita namque videbis perfectos esse omnes Legis Divinæ Articulos, & cum sententiis speculativis Philosophorum convenire; ita etiam absurditates omnes à te recedent, & vera Providentiæ forma tibi innotescet.

Posteaquàm autem tibi Sententiæ Magistrorum speculationis de Providentia & Gubernatione DEI exposui; brevibus quoq; nunc Nostrorum, & meam de Scientia DEI verba & sententiam explicabo.

## CAP. XIX.

*Antiquissimum esse hunc errorem, DEUM non omnia scire, eò quòd, iudicio vulgi Hominum, nullus legitimus sit rerum humanarum ordo, sed bonis sæpè sit malè, malis benè.*

**I**NTELLIGIBILE primum sine dubio est, quòd in DEO omnes perfectiones inveniantur, & omnes econtrà imperfectiões ab ipso removeantur. Parum etiam aberit, quin Intelligibile primum sit, Ignorantiam in quacunque re esse Imperfectionem, & DEUM nullam rem ignorare. Quod autem quosdam Magistros speculationis, ut commemoravi, permovit, ut superbè & protervè auderent dicere, DEUM NÔsse hoc, & Ignorare illud; est, quòd sibi imaginati sunt, nullum esse Rerum Humanarum ordinem, utpote quæ non solùm magnâ ex parte sint naturales, sed etiam liberum Hominis Arbitrium & Intellèctum sequantur.

Prophetæ ipsi docuerunt, quòd stolidi & insipientes hinc concludant, DEUM actiones nostras nescire, eò quòd videant, Impium hic in prosperitate, pace & tranquillitate vivere; &, quòd hoc Viro pio & sancto has cogitationes suggerat, ac si Intentiones ejus bonæ, & quicquid propterea molestiarum & ærumnarum suffert, planè essent inutiles. Propheta Asaph p.m. commemorat, suas cogitationes tamdiù in hoc discurrisse & vagatas esse, donec sibi innoverit, Non ad principium, sed ad finem istarum rerum respiciendum esse. Hæc verò sunt ejus de harum rerum ordine verba; *Et dicunt, inquit, quomodo novit DEUS? & an est scientia in Excelsò? Ecce, isti impii, & peccati seculi multiplicant divitias. Verè in vanum mundavi cor meum, & lavi in munditia manus meas, &c. Finis est, Itaque cogitabam, ut scirem hoc, sed labor fuit in oculis meis, donec ingrederer in Sanctuarium DEI, & intelligerem novissimum eorum. Proscèd in locū lubricis posuisti eos, corruiere facies eos in desolationes. Quomodo fuerunt in desolationem, quàm citò defecerunt, consumpti sunt à terroribus. Eadem ista commemorat Propheta Malachias, dum ita scribit; Invaluerunt contra me verba vestra, dicit Dominus, &c. Dixisti, Vanum est colere DEUM, & quid emolumenti, quòd custodierimus custodiam ejus, & quòd ambulaverimus humiliter propter Do-*

*Ex prosperitate impiorū negant quidam, Deum res humanas scire.*

Psal. 73. 11.

Mal. 3. 13.

Mal. 94. 6.

*NUM exercituum? Nunc ergo beatos dicimus superbos, etiam edifican-  
tibus facientes iniquitatem, prætereā tentant DEUM, & liberantur. Tunc con-  
trā loquuti sunt timentes DOMINUM, &c. Et convertimini, & discerni-  
tū inter justum & impium, inter servientem DEO, & eum, qui non servit ei.  
David quoque declaravit, quòd suo tempore sententia hæc nota  
fuerit, & Homines ad peccandum & se invicem opprimendos in-  
duxerit; eamque validis argumentis incepit oppugnare & refutare,  
ostendendo, quòd DEUS ista omnia probè nōrit: Vidnam, inquit,  
& peregrinum interficiunt, & pupillos occidunt. Et dixerunt, Non videt  
Jah, neg, intelligit DEUS Jacob. Intelligue stupidi in Populo, & satui  
quando intelligeru? An qui plantavit aurem, non audiet? an qui finxit  
oculum, non videbit? an qui corripit Gentes, non arguet? qui docet Homi-  
nem scientiam, &c. Horum argumentorum rationem tibi enucleabo,  
postquā nonnihil dixerō de perverso intellectu & expositione  
quorundam, qui verba Prophetarum circa hanc materiam destruere  
conantur.*

Dixerunt mihi duo Viri intelligentes ex Gente nostra, Medici,  
qui mirabantur verba hæc Davidis! Dixerunt: Si ita argumentari  
liceret, sequeretur etiam secundum illius rationem; Qui creavit os,  
comeder: qui finxit pulmonem, vociferabitur: & similiter de reli-  
quis membris.

Sed attende, Lector candide, quā longè absint à recto & vero  
hujus argumenti sensu, eumque à me accipe.

Palām est, quòd artifex, qui instrumentum aliquod fabricat, nul-  
lo modo illud posset facere, nisi illius usum sciret. v.g. Nisi faber  
sciret & intelligeret rationem suendi, nequaquam hujus formæ  
acum, sine qua futura perfici nequit, conficeret. Et sic de reliquis in-  
strumentis. Quandoquidem ergo quidam ex Philosophis existi-  
mārent, DEUM non apprehendere ista particularia, eò quòd sint ob-  
jecta sensuum; DEUS autem per sensus non apprehendat, sed ap-  
prehensione tantū intellectuāli: idcirco argumentatus est contra  
eos ab Existencia sensuum, hoc pacto; Si Apprehensio visus  
abscondita esset à DEO Opr. Max., & eam nesciret, quomodo po-  
tuisset facere instrumentum istud aptum ad apprehensionem visus?  
An probabile est, casu & per accidens creatum esse in eo (oculo sc.,  
tanquam visus instrumento) humorem unum limpidissimum, sub eo  
humorem alium, & sub hoc tunicam quandam? &, An fortuitò fa-  
ctum est, quòd sit in eo perforatum foramen, & è regione foraminis  
illius tunica clarissima & dura? In summa, Num Sapiens aliquis  
cogi-

cogitare potest, omnes humores, tunicas, & nervos opticos, in quibus singulis exactissimam conspicimus dispositionem, quæque omnia hujus actionis causâ facta sunt, per accidens ita esse? Nequaquam. Sed sunt ex certâ intentione Naturæ, sicut Medici & Philosophi docent. Natura autem non est prædita Intellectu, nec *humanus*, ut iterum in confesso est apud Philosophos. Sed hoc regimen, hæc gubernatio, quæ est instar ingeniosi alicujus artificii, provenit ex sententia Philosophorum à *Principio quodam Intellectuali*, & secundum nostram sententiam ab *Operatione Intellectu præditi*, qui facultates indidit iis, in quibus facultas Naturalis reperitur. Quod si verò Intellectus ille hanc rem non apprehendit, nec intelligit, quomodo vel facere, vel derivari ab ipso potuit, juxta sententiam illam, Natura, quæ intendat vel respiciat ad talem rem, cujus cognitionem nullam habet? Verè itaque David eos appellavit *Brutos & Scultos*.

Deinde incipit ostendere (David sc.), quòd hoc sit imperfectio in Apprehensione nostra, & quòd DEUS (qui nobis istum Intellectum dedit, quo apprehendimus, & propter cujus imperfectiorem, cum DEUM verè cognoscere nequeamus, istiusmodi graves dubitationes in nobis oriuntur), quòd inquam DEUS sciat in nobis istam Imperfectionem, nullaque sit habenda ratio irruptionis, vel destructionis ejus, ad quam nos redigit imperfecta ista cogitatio: *Qui docet, inquit, Hominem scientiam. DOMINUS cognoscit cogitationes Hominum, quòd sint vanitas.*

Scopus meus totus in hoc capite fuit, quòd ista speculatio sit antiquissima, quòd videlicet stulti ajunt, DEUM non apprehendere omnia, eò quòd quædam res mortalium, quæ naturâ suâ sunt possibiles, non sint ordinatæ, sicut dicitur; *Et dixerunt filii Israël in ea, quæ 1.Reg.17.9. non erant velle coram DOMINO DEO suo.* In Medrasch dicunt; *Columna ista non videt, neq, audit, neq, loquitur*: quo dicto innuunt, sibi videri, DEUM ista non apprehendere, neque vel Præceptum, vel Prohibitionem ab ipso ad Prophetas pervenire. Causa & probatio totius hujus rei secundum ipsos est, quòd Res humanæ non procedant ita, ut cuilibet illorum videretur. Cum enim existimant, talem eventum rem quandam debere habere, & postea vident, illam aliter, quàm volebant, cadere, statim dicunt; Non videt nos DEUS. De stolidis ejusmodi Hominibus dicit Tzephanias; *Qui dicunt in corde Tzeph.1.12. suo, Non benefacit DOMINUS, neque malefacit.*

Quod verò de Scientia DEI dicendum est, id exponam tibi,

posteaquàm priùs indicavero ea, in quibus omnes consentiunt, & quibus nemo sanæ mentis contradicit.

## CAP. XX.

*De Omniscientia DEI: quòd sit una & immutabilis; quòd item sciat possibilia, & tamen possibilitati ipsorum nihil adimatur.*

**I**N confesso est apud omnes, non convenire Naturæ DEI Opt. Max. innovationem scientiæ alicujus, ita ut nunc sciat, quod antea ignoravit; neque etiam ut habeat scientias multas, juxta illos quoque, qui Attributa credunt.

*Scientia Dei est una & immutabilis.*

Hoc itaque demonstrato, dicimus nos Legem Divinam tenentes, Ipsum unâ scientiâ scire res multas; neque secundum multitudinem scibilium vel scitorum multiplicari in DEO scientias, sicut in nobis. Sic dicimus, Ipsum omnes res, quæ innovantur, scire antequàm fiant, neque unquam eas nescire, ac per consequens, nullam in Ipso scientiam innovari. Nam notum Ipsi est, quòd N. nunc non existat, existurus autem sit tempore N., tempore tanto permanens, & deinde iterum non-Ens futurus. Cùm igitur postea Vir ille ita existit, sicut in scientia ejus antè præcessit, sequitur, nullam ei scientiam accessisse, nec quicquam innovatum esse, quod ipsi ignotum fuerit; sed innovatum esse illud ipsum, quod ei notum fuerat sicut

*Scientiam dependere à Privatione, vel non-Ente.*

est, antequàm innovaretur. Et secundum hanc fidem sequitur, Scientiam dependere à Privatione, & versari circa id, quod est infinitum. Id quod nos credimus, ac dicimus, quòd Privatio, quæ Existentiâ, quam ipse efficere potuit, in scientia ejus præcessit, nequaquam impediât dependentiam scientiæ ab ea, (h.e. quòd non impossibile sit, ut dependeat Scientia à Privatione, vel non-Ente, quod postea in actum deducitur, & cui ipsa existentiam potest largiri). Quod autem prorsus non existit, nec existet, non-Ens absolutum est in scientia ejus, à quo illa non dependere potest: quemadmodum scientia nostra non dependet ab eo, quod apud nos non existit.

*An scientia versetur circa Infinitum?*

Quod verò alterum attinet, quòd videlicet versetur circa id, quod non est finitum, vel circa Infinitum, in eo nonnihil est dubii. Quidam ex Magistris speculationis hûc inclinârunt, ut dixerint, Scientiam dependere à speciebus, & aliquo modo diffundi super Indivi-

dividua specierum. Et hæc est sententia tenentium Legem nostram, sicut necessitas speculationis ab illis exigit. Philosophi verò absolute dixerunt, quòd Scientia ejus à nulla Privatione dependeat, neque Infinita apprehendat; & quia nulla scientia in Ipso innovatur, falsum esse, quòd quædam innovata sciat; ac per consequens, Illum non scire, nisi ea, quæ naturam habent firmam & immutabilem.

Quidam autem aliam dubitationem moverunt: Dicunt enim; Si Deus etiam firmas tantum & immutabiles istas res sciret, essent in Ipso scientiæ multæ; eò quòd multiplicatis scitis vel scibilibus, multiplicentur quoque scientiæ. Quælibet enim res scita habet propriam scientiam. Proinde nihil scire potest, nisi se-ipsam. Ego autem dico, quòd unica causa, in qua isti omnes impegunt, sit, quòd eandem esse rationem statuunt Scientiæ nostræ & Scientiæ DEI Opt. Max., & quòd universi respiciant ad ea, quæ in Scientia nostra sunt impossibilia; existimantes, illa propria esse scientiæ Ipsius, vel dubiam ac incertam fore ejus rationem.

Necesse verò est, ut plus discipremus cum Philosophis in hac quæstione, quàm cum quovis alio. Illi enim demonstrationibus ostenderunt, quòd in DEI substantiâ nulla sit multitudo, nullaque extra Substantiam ejus attributa; sed quòd Substantia ipsius, sit ejus Scientia; & Scientia ejus, ipsius Substantia. Illi etiam sunt, qui demonstrarunt, Intellectus & mentes nostras nimis esse curtas ad veritatem Substantiæ ejus rectè cognoscendam, sicuti declaravimus. Quâ itaque ratione cogitare possunt, quòd Scientiam ejus apprehendant? cum illa Scientia nihil aliud sit, quàm ipsius Substantia; & ista Impotentia, quâ Intellectus noster nequit apprehendere ejus Substantiam, illa ipsa sit Impotentia, quâ non valemus apprehendere ejus Scientiam sicut est; neq; etiam illa Scientia sit ejusdem speciei cum Scientia nostra, ut inde rationem ejus cognoscere possimus, sed toto genere diversa. Et quemadmodum Substantiam habet, quæ necessariæ est existentiae, à qua omne Ens sequitur & proficiscitur secundum sententiam illorum, vel, ut nos sentimus, quæ Causa est efficiens rerum aliarum ex Privatione: sic dicimus, quòd Substantia illa apprehendat omnia alia, nihilque illi ullo modo sit absconditum eorum, quibus existentiam dedit. Et nulla est communicatio inter Scientiam nostrâ & Scientiam ipsius, sicut nulla est communicatio inter Substantiam nostram, & Substantiam ipsius. Errori autem causam præbuit homonymia vocabuli SCIENTIA. Nam communicatio est in nomine solum, sed differentia in re-ipsa  
&

& veritate. Hinc in multa absurda delabimur, si arbitramur, ea, quæ conveniunt Scientiæ nostræ, convenire quæque Scientiæ ipsius.

*Deus novit quæque possibilia.*

Atque ex iis, quæ Lex nostra me docuit, est quoque istud, quod DEUS sciat existentiam Possibilium; cum Futurum non educat vel eximat Possibile illud ex natura Possibilis, sed cum eo natura Possibilis subsistat, & scientia ejus, quod innovatur ex Possibilibus, non cogat illud, ut sit alterutro modo ex duobus modis Possibilium, (h. e. Bonum vel Malum). Et hoc etiam sine dubio est ex fundamentis Legis Moïsi Doctoris nostri. Hinc enim dicit; *Facies sepimentum testamento tuo, ne ponas sanguinem in domo tua, si cecideris cadens ex eo.* Item; *Ne moriatur in bello, & alius ducat eam, & c.* Sic datio Legum, Præceptorum, & Prohibitionum omnium redit ad hoc principium quod Scientia DEI rei futura Possibile illud ex natura sua non eximat. Istud autem secundum breviterem Apprehensionis nostræ nobis valde dubium

Deut. 22. 8.

Deut. 20. 5. 6. 7.

*Quomodo scientia Dei differat à scientia nostra.*

videtur. Proinde animadvertite, in quoniam rebus Scientia ejus differat à Scientia nostra, secundum eos, qui Legi nostræ sunt additi.

Primum hoc est, quod una Ipsius Scientia conveniat & sufficiat rebus sciendis multis, etiam specie differentibus.

Secundum, quod dependeat quoque à non-Ente.

Tertium, quod versetur circa Infinita.

Quartum, quod Scientia ejus non mutetur per apprehensionem rerum innovatarum, licet videatur, quod Scientia rei, quando est in fieri, non sit eadem cum scientia illius rei, quando est in esse, sed hic sit aliquid amplius, dum id, quod fuit in potentia, exivit in actum.

Quintum, quod Scientia DEI non eligat aliquod ex duobus possibilibus, licet probe & exactè nōrit, quodnam illorum sit futurum & eventurum.

Rebus itaque sic se habentibus, miror, quānam in re convenient Scientia DEI & Scientia nostra, secundum sententiam illorum, qui credunt, Scientiam esse attributum aliquod adventitium illius Substantiæ? Sanè nulla est convenientia nisi in nomine solum. Verum secundum nostram sententiam, qui credimus, Scientiam non esse aliquid adjunctum ejus Substantiæ, sequitur substantialis inter Scientiam nostram & Scientiam ipsius differentia, sicut Substantiæ differentia est inter substantiam Cæli & substantiam Terræ. Atque istud ipsum docent Prophetæ: ut, *Quia non sunt cogitationes meae cogitationes vestrae, neque via mea, via vestra.* Nam quāto altiores sunt Cæli, quāto altiores sunt via mea, quāto altiores sunt via vestra, & cogitationes meae, quāto altiores sunt via vestra!

Jesa. 55. 8.



Summa sententiæ meæ breviter hûc redit. Quemadmodum non apprehendimus veritatem Substantiæ ejus, & tamen scimus, quòd Existentiæ ejus sit perfectior omnibus Entibus, & nulla ei competat imperfectio, mutatio vel passio; sic, licet nesciamus veritatem Scientiæ ejus, quia illa nihil aliud est, quàm ejus Substantia, scimus tamen hoc, quòd non unâ vice aliquid sciat, & aliâ ignoret: h.e. quòd Scientia nulla in Ipso de novo exoriat, quòd non mutetur; quòd non finiatur; quòd nulla Entia ipsi sint occulta; quòd deniq; Scientia ejus non collat naturam illorum, sed Possibile remaneat in natura Possibilitatis. Si quæ in istis videatur esse contrarietas vel absurditas, illa tantum provenit ex notione & probatione vel consideratione Scientiæ nostræ, quæ nil nisi nomen cum Scientia illius commune habet. Sic enim *Intentio* quoq; *providens* dicitur tùm de eo, quòd nos intendimus, tùm de eo, quòd ipse (Deus) intendit. Sic item *Providentiæ* æquivocè dicitur tùm de eo, cujus nos curam gerimus, tùm de eo, cujus curam gerit Deus. Proinde liquet hinc, quòd in rei veritate *Providentiæ*, *Scientiæ* & *Intentiæ*, quæ nobis attribuuntur, non sint eadem cum illis, quæ attribuuntur Deo. Quòd si utramq; vel *Providentiæ*, vel *Scientiæ*, vel *Intentionem* sumas pro iisdem, ac sub eodem genere comprehendas, commemorata tibi exsurgent dubia. Quòd si autem sciatur, ea, quæ nobis attribuuntur, diversa esse ab illis, quæ Deo attribuuntur, tùm veritas patefiet. Hanc differentiam inter ea, quæ nobis, & quæ Deo attribuuntur, indicavit nobis, dicendo; *Via vestra, via mea*, sicuti suprà visum.

Jes. 55. 8.

## CAP. XXI.

*De differentia inter Scientiam DEI, &  
Scientiam nostram.*

**M**AGNA differentia est inter Scientiam ejus, qui rem aliquam facit, & Scientiam alterius rei illius factæ. Nam res illa facta, si facta sit convenienter Scientiæ factoris ipsius, est illius opus, ac proinde scientiam ejus sequitur; sed scientia reliquorum Hominum, qui rem factam considerant & scientiâ definitâ sciunt, rem factam sequitur. E.G. Si artifex faciat arcam, in qua moventur pondera, quæ fluxum aquarum juvent, & doceant, quot horæ diei vel noctis jam elapsæ sint; hic sanè omnis ratio fluxûs aquarum, mutationis sitûs illarum, omnium funium, strularum, quæ descendunt, &c. omnia inquam ista nota sunt artifice antequàm fiant: neq; no-

*Differentia quæ  
nam sit inter  
scientiam Au-  
thoris alienius  
operis & Specta-  
toris.*

vit istos motus ex consideratione & contemplatione illorum, quatenus nunc innovati sunt, sed econtrariò motus illi innovati sunt secundum ejus scientiam. Diversa verò ratio est ejus, qui Instrumentum illud considerat & contemplatur. Nam quotiescunque is motum aliquem conspicit, toties innovatur in eo aliqua sciëntia; & quoties ita contemplatur novum aliquem motum, toties multiplicatur ejus Scientia, donec sciat & addiscat rationem totius Instrumenti. Quòd sit tibi imageris, motus machinæ illius esse infinitos, tùm non poterit Contemplator unquam consequi scientiam illorū. Non etiam possibile est, ut talis spectator vel contemplator sciat aliquem motum antequàm innovetur, cùm, quicquid scit, ex Innovatione tantùm sciat.

*Differētia inter  
nostram, & Dei  
scientiam.*

Similis ratio est omnium quoque in hoc Mundo Entium, eorumque tùm ad nostram, tùm ad DEO Opt. Max. Scientiam relationis.

Nos enim, quicquid scimus, ex contemplatione & consideratione Entium scimus, ac proinde Futura & Infinita scire nequimus; & scientiæ nostræ innovatæ multiplicantur secundum multitudinem rerum, quarum scientiam apprehendimus.

Non verò ita seres habet cum DEO Opt. Max. Is enim non novit res ex parte illorum, (h.e. *Is scientiam suam non habet ex Entibus, quatenus existunt*), ita ut vel Multiplicatio, vel Innovatio in Ipsum possit cadere; sed res omnes sequuntur Ipsius scientiam præcedentem, quæ eas, prout sunt, ordinat & disponit, sive sint Existentia abstracta, sive Existentia singularia materiata firma, sive Existentia materialia, quorum Individua mutantur secundum ordinem, qui nec corrumpitur, nec mutatur. Ideoque penes ipsum nulla est scientiæ vel multiplicatio, vel innovatio, vel mutatio. Dum enim substantiæ suæ immutabilis veritatem novit, novit simul omnia sua, quæ inde sequuntur, opera. Conari autem velle modum hujus rei scire, perinde est ac si nos vellemus esse Ipse, vel, ut Apprehensio nostra sit Apprehensio Ipsius.

*Modus scientia  
Dei nobis scitu  
est impossibilis.*

Hæc itaque si ita se habeant, oportet ut Veritatis studiosus & patronus credat, DEO nihil quicquam ignotum esse, sed omnia Scientiæ ejus, quæ nihil aliud est quàm Substantia ejus, parere: & falsum esse, nos speciem Apprehensionis illius novisse. Quòd si enim ratio ejus nobis esset cognita, haberemus illum intellectum, per quem species illa apprehensionis apprehenditur. Id verò nulli, nisi DEO soli, competit.

Tu itaque diligenter hæc observa & perpende, quia sunt mirabilia & verissima. Qui ea sequitur, is in nullum errorem incidet, nullâ fallaciâ circumvenietur, nullis absurditatibus implicabitur, nullam denique imperfectionem Deo adscribet. Istarum quippe sublimium & augultarum rerum nullæ habentur demonstrationes, neq; secundum nostram, neque secundum Philosophorum sententiam, propter plurimas ipsorum in hac quæstione dissensiones & contrarietates. In omnibus autem similibus quæstionibus, quarum demonstrationes nullæ adduci possunt, ea sequenda est via, quam nos in præsentis quæstionis, de Omniscientia Dei, tractatione sequuti sumus.

## CAP. XXII.

*Explicantur varia ex historia Jobi, quæ consideratione digna in materia de Providentia DEI.*

**M**IRABILIS Jobi historia est quoque ex illarum rerum numero, circa quas nunc occupamur: h. e. Exemplum est ad explicandum opiniones Hominum de Providentia.

Nôsti quosdam esse, qui dicunt, Jobum nunquam fuisse, neque creatum esse; sed Historiam illius nihil aliud esse quàm Parabolam.

Qui asserunt, illum fuisse & creatum esse, omniaque, quæ commemorantur, verè contigisse, nullum ei certum vel Tempus, vel Locum assignare queunt; sed quidam ajunt, illum vixisse temporibus Patriarcharum, alii Moïsis, alii Davidis tempore, alii denique ipsum ex Sapientibus Babylonis fuisse autumant: quæ incertitudo sententiam illorum confirmat, qui dicunt, illum nec fuisse, nec creatum esse.

Sive autem reverà fuerit, sive non fuerit, semper in tali ejus statu, qui nobis describitur, perplexi redduntur omnes, qui illum considerant; ita ut tandem dicant de Scientia & Providentia Dei id, cujus mentionem feci: quia nempe vident, quòd Vir iste integer, sincerus, in actionibus suis rectus, bonus, Deusque timens, maximis malis afficiatur, in suis facultatibus, liberis & corpore proprio, sine ullo suo peccato, graviter puniatur.

Secundum utramque autem sententiam, sive nempe fuerit, sive

non fuerit, certum tamen est, quòd illa, quæ à principio Libri ipsius commemorantur de Colloquio inter DEUM & Satanam, de Traditione item Jobi in potestatem ipsius, sint parabolica. Non tamen ita ut aliæ parabolæ; sed talia, à quibus dependent res admirandæ, quæ sunt Mundi subactio, per quæ dubitationes multæ declarantur, quibus denique occulta multa summaq; deteguntur. In præsentia quædam illorum, quantum quidem fieri potest, attingam, additis simul Sapientum nostrorum verbis, ex quibus intellectum illorum hausi & assequutus sum.

*Primò* itaque omnium considerandum tibi est, quod statim à principio dicitur; *Vir erat in terra Uz.* Ubi adhibetur vocabulum homonymum, *Uz Uz* videlicet, quod *primò* est nomen proprium Viri: ut, *Uz primogenitum suum*; deinde Imperativus à verbo *Uz*, quod significat *Consulere*, *Consilium inire*, &c. ut, *Uzu eza Inire consilium*. Vult itaque dicere: Considera hoc consilium, perpende illud, rationes ejus in usum tuum converte, intellige illas, & vide, quænam opiniones vel sententiæ sint veræ.

*Job. 2.* Deinde commemoratur, quòd Filii DEI venerint, ut starent coram DOMINO, & venerit etiam Satan in medio eorum, & inter ipsos: non dicitur; *Et venerunt Filii DEI & Satan, ut adstarent coram DOMINO*: ita enim videri potuisset, ac si omnium una eademque fuisset ratio; sed inquit, *Et venerunt Filii DEI, ut adstarent coram DOMINO, & venisset etiam Satan in medio eorum*. Hæc enim loquendi ratio dicitur tantum de eo, qui non peritus & non rogatus venit; sed qui venientibus illis, qui rogati sunt, se ingerit, & sponte sua inter illos advenit.

*Job. 1. 7.* Tertiò narratur, quòd iste Satan discurrat, & obambulet in Terra, & nulla sit inter ipsum & superiora comparatio, quòdque nullas ibi habeat obambulationes. Hoc sibi vult, quòd dicitur; *A discurrendo in Terra, & spaciando in ea*: perinde enim est ac si diceret; Discursatio & obambulatio ejus est tantum in Terra.

Quartò, quòd iste perfectus & rellus datus ac traditus sit in potestatem Satana, & quòd Satan omnium plagatum & accidentium, quæ in facultatibus, liberis, & corpore suo passus est, causa fuerit.

His ita positis, incipit (historia) in medium proferre verba speculationis hac de re, & sententiam unam affert, quam Jobo, alias item, quas Sociis ejus adscribit. Paullo post autem enarrabo tibi sententias illas, propter quas in pessimas delapsi sunt cogitationes in hoc negotio, cujus unica causa fuit Satan; Jobo amicisque ejus existimantibus, quòd Deus ipse hæc omnia sine Diaboli opera fecerit.

Notabile autem in hac historia est inter cætera, quòd Job non describatur à sapientia, neque appelletur Vir prudens, intelligens, sapiens; sed à virtutibus moralibus & reſtitutione operum. Quòd ſi enim fuiſſet ſapiens, non eſſet dubium negotium iplius, (*h. e. nihil mirum eſſet, quòd ita afflictuſ fuerit*), ſicuti poſtea explicabitur. Prætereà commemorantur ejus Mala ſecundùm æſtimationem Hominum. Nam ſunt quidam Homines, qui non turbantur, nec afficiuntur jaſturià bonorum, ſed quibus leve hoc videtur, conturbantur autè morte liberorum, ita ut mæror ipſos planè conficiat: quidam ſunt, qui etiam liberorum ſuorum mortem patienter ferunt, nullàquæ triftitià aut perturbatione propterea afficiuntur, ſed qui ne minimum quidem dolorem ſufferre vel ſentire poſſunt. Et ſolent communiter omnes Homines D E U M laudare ac celebrare, Reſtitutionis Benignitatisq; encomio ornare tempore proſperitatis & tranquillitatis, aut etià mediocriſ & tolerabilis doloris. Verùm cùm tales afflictiones ipſos invadunt ſicut Jobum, tùm quidam in apertas in D E U M blaſphemias erumpunt, non niſi leviſſimum credentes eſſe ordinem in hoc Mundo, propter amiſſionem divitiarum ſuarum: quidam credunt, eſſe ordinem & æquitatem Creatoris etiam cum jaſtura facultatum ſuarum, ſed non poſſunt ferre liberorum ereptionem: quidam verò ſunt, qui patientiam & conſtanciam ſuam quoque hic probant in liberorum amiſſione; ſed qui in proprio corpore dolores patienter ferre poſſit, nemo reperitur, verùm nil niſi murmura, querelæ & ejulatus, vel cordis, vel linguæ, hoc in caſu audiuntur.

Potrò animadverte, quòd de Filiis D E I vice primà & ſecundà dicatur; *Ut adſtarent coram D O M I N O*: ſed de Satana, licèt inter illos & in medio illorum venerit primà & ſecundà vice, non dicitur vice primà, *Ut adſtaret coram D O M I N O*, ſed ſecundà dicitur, *Et venit etiam Satan in medio illorum, ut adſtaret coram D O M I N O*; quod, quàm mirabile ſit, perpende & conſidera! Sed reſpice quoque, quàm utiles res, quæ Prophetiæ inſtar ſunt, inde ad nos tedeant. Verba enim iſta; *Ut adſtarent, vel, Ut ſiſterent ſe coram D O M I N O*, docent nos, quòd neceſſariò ad præceptum ejus cogantur facere, quicquid ipſi lubuerit, prout hoc diſcere eſt ex Prophetia Zachariæ de quatuor curribus exeuntibus, ubi dicitur; *Et reſpondit Angelus ille, & ait ad me; Iſti ſunt Zach. 6. 5. quatuor venti Cæli, qui egrediuntur à loco, ubi ſtabant coram D O M I N O totius Terræ.* Deinde oſtenditur, quòd Filiorum D E I & Satanae haudquaquam eadem ſit ratio reſpectu exiſtentia; ſed quòd Filii D E I ſint

magis stabiles & durabiles; & quòd ipse existentiam habeat illis inferiore.

Ex mirabilibus insuper Parabolæ istius est & hoc, quòd, dum memorat, quâ ratione in Terra tantum Diabolus discurrat, & opera illa faciat, docet, Ipsum non posse dominium exercere in Animam, sed potestatem ipsi datam esse super omnes istas res terrestres; & differentiam esse positam inter ipsum & inter Animam; h.e. Nullam ipsi in eam datam esse potestatem, sicut dicitur; *Veruntamen animam ejus serva*: ubi per *Animam* intelligitur id, quod remanet de Homine post mortem ejus, sicuti in homonymia vocis *ANIMA* tibi declaravi. Hoc enim est, in quod Diabolus nullam habet potestatem.

His ita commemoratis, audi utilissima quædam dicta Sapientum nostrorum, (qui verè Sapientes vocari possunt), quæ omne dubium explanant, omne occultum revelant, & magnam parrem Secretorū Legis aperiunt. Tale est, quod in Talmud ajunt; *Dixit R. Schimeon Ben-Lakisch*: Ipse est Satan, h.e. Adversarius; ipse est figmentum malum; ipse est Angelus mortis. Istud enim tam manifestè declarat id, quod nos hactenus docuimus, ut nullū intelligentem ulterius dubitare sinat. Vides enim, unam eandemque rem denotari tribus illis nominibus sive titulis, & omnes actiones, quæ uni ex illis tribus attribuantur, esse unius ejusdemque rei actionem. Sic dicunt prisca Sapientes Mischnæ; *Dixerunt*, Traditio est, Descendit & errare facit, (h.e. seducit), ascendit & adversatur vel accusat, accipit potestatem & tollit animam. Ita non latet, quòd David in Visione Prophetica tempore plagæ Angelum vidit evaginato gladio, & manu extensâ super Jerusalem, non ostensum fuisse ei, nisi hujus rei docendâ causâ. Eadem est ratio, idemq; sensus illius, quod legimus in historia Rebellionis filiorum

Josue Sacerdotis magni; *Et Satan stabat ad dexteram ejus (Angeli)*, ut adversaretur ipsi: quod item postea additur, quâ ratione DEUS ipsum ab illo Angelo repulerit, dicendo; *Increpet te DOMINUS, Satan, increpet inquam te DOMINUS, qui eligit Jerusalem*, &c. Hic etiâ est, quem vidit

Bileam in Visione Prophetica, qui dixit ei; *En ego egressus sum lesatan in adversarium tibi*. Scito autem, vocem *Satan* שָׂטָן derivari ex illo;

Prov. 4. 15. שָׁוָה Declina ab ea, & transi. Volo dicere, esse ex significatione Declinandi, Recedendi à re aliqua: ipse enim sine dubio est, qui declinare facit Hominem à via veritatis ad viam falsitatis & erroris. Eodem

Genes. 8. 21. sensu dicitur; *Quia figmentum cordis Hominis est à pueritia ejus*.

Nôsti enim, tritam esse in Lege nostra sententiam de יצר טוב ויצר רע *יצר טוב* & *יצר רע* *Figmento bono & Figmento malo*; & quòd Sapientes nostri dicat, *Uterq;* figmen-

De Figmento malo & Figmento bono.

*figmento tuo.* De *Figmento malo* dicunt, quòd oriatur in Homine tempore nativitatis ejus, ex eo, quod dicitur; *Ad januam peccatum cubas*: Genes. 4. 7. & quod Lex alibi ait; *A pueritia ejus.* De *Figmento bono* ajunt, quòd ibid. 3. 21. existeret incipiat in Homine demùm post Perfectionem Intellectus ejus. Ideò dicunt vocari *Figmentum malum*, *Regem magnum*; *Figmentum autem bonum*, *Puerum pauperem & sapientem*: sicut alibi comparatione simili utuntur de corpore Hominis ejusque diversis facultatibus, quando ajunt; *Civitas parva, & Homines in ea pauci, &c.* Hæc omnia passim & apertè in ipsorum scriptis inveniuntur. Postea quàm ergo tibi exposuerunt, quod *Figmentum malum* sit *Satan*, & *Angelus*, h.e. quòd etiam vocetur *Angelus*, quia est in medio Filiorum Dei; sequitur quòd *Figmentum bonum* quoque in rei veritate sit *Angelus*, & per consequens, quòd tritum illud in ipsorum scriptis, *Cuiuslibet Homini duos adjunctos esse Angelos, unum à dextrâ, alterum à sinistrâ*, de *Figmento bono* & *Figmento malo* sit intelligendum. Ita enim expressè dicunt in Gemara de duobus istis Angelis; *Unus est bonus, & unus est malus.* Vide itaque, quàm mirabilia nobis ista dicta revelent, & quot falsas imaginationes nobis adimant!

Sed videor mihi totum negotium Jobi usque ad finem ejus satis exposuisse. Nunc itaque exponam tibi quoque opiniones de illo diversas, & quidem primò opinionem, quæ Jobo attribuitur; deinde opiniones illas, quæ Amicis ejus adscribuntur; & quidnam ex uniuscujusque verbis rationabiliter collegerim. Tu autem noli respicere ad alia, quæ ex ordine verborum fortè sequuntur, (h.e. ad ea, quæ minùs sunt principalia, quæ pertinent tantùm ad seriem, continuationem vel connexionem ipsarum rerum), sicut in principio hujus libri monui.

### CAP. XXIII.

#### *De diversis sententiis de Afflictionibus, quæ Jobo evenerunt.*

**P**OSTO hoc, quòd ea, quæ de Jobo narrantur, contigerint; extra controversiam primò omnium apud omnes quinque, Jobum videlicet, & Amicos ejus, hoc fuit: Deo notum esse, quicquid Jobo adversi accidit, ipsoque autore plagas istas omnes ei evenire. Deinde, quòd nulla coram ipso sit iniquitas, neque ulla violentia ipsi attribuatur. Invenies ista in majori parte verborum Jobi. Et cum considerabis verba illorum quinque in dissensione ipsorum,prehendens serè, quicquid unus illorum dicit, id dicere omnes quinque, &



& quòd verba eorum reperantur & confundantur. Inserta est illis narratio Jobi de gravitate dolorum & afflictionum suarum, cum commendatione suæ rectitudinis, justitiæ, ingenuitatis, bonorumq; operum. Sic in verbis Sociorum ejus continetur Admonitio ad Patientiam & Tolerantiam; verba item, quæ ipsum jubent doloris sui oblivisci, silere, neque linguæ suæ frænum laxare, sicut Vir, qui cum altero rixatur; sed potius ad judicia DEI sese humiliare, & tacere. Ipse verò ait, quòd gravitas dolorum non permittat esse patientem, tolerantem, & modestum. Ad hæc, Socii ejus omnes consenserunt in hoc, quòd omnis, qui benè agit, retributionem accipiat; qui verò malè agit puniatur. Si videamus improbum florentem ac prosperantem, in sine tamen aliter cum ipso comparatum fore, ipsum moriturum, & summis angustiiis cum ipsum, cum ejus domum & familiam affectum iri: & si videamus Virum pium adversâ uti fortunâ, certò tamen DEUM tandem plagas ejus curaturum. Inveniuntur ista passim in verbis Eliphaz, Bildad & Tzophar. Tres enim isti in hoc consentiunt.

Verùm non est hoc nostrum propositum isto in loco; sed propositum nobis est indicare, in quo unus ab altero differat, & quæ nam sit uniuscujusque in hoc negotio, quòd videmus maximum & gravissimum dolorem manere super Homine omnium integerrimo & rectissimo, sententia.

*Jobi sententia de  
calamitatibus  
suis.*

Jobi 9. 22.

Jobi sententia fuit, hoc argumento esse, propter vilitatem generis humani eandem esse rationem Justi & Injusti coram DEO Opt. Max. Hoc enim est, quod in genere ait; *Unum est, propterea dixi, perfectum & impium ipse consumit. Si flagellum occidat subito, tentationem (vel, ad sublationem) innocentium subsannabit. Q. D. Quando subito & ex improviso flagellum venit, ac quem vis obvium occidit & è medio tollit, ad sublationem vel mortem innocentium DEUS tantum rider.*

Jobi 21. 23.  
24.

Istam sententiam confirmat postea alibi, quando ita ait; *Iste morietur in fortitudine perfectionis suæ, torus quietus & pacificus, ubera ejus replebuntur lacte, & medullæ ossa ejus irrigantur. Et ille morietur animo amaro, nec comedit in hilaritate. Pariter super Terram jacebunt, & vermis operiet eos. Deinde incipit ostendere felices successus impiorum, ipsorumque prosperitatem, idque multis & copiosis admodum verbis; Si quando*

Jobi 21. 6.

*recorder, inquit, tunc terreor, & apprehendit carnem meam tremor, Cur impii vivunt, senescunt, & pollent opibus? Semen eorum stabile est coram ipsis, &c.*

Enarratâ hac impiorum felicitate, alloquitur Adversarios suos, dicen-

dicendo eis; Si ita comparatum est, ut existimatis, quòd filii Homi-  
nis infidelis, in prosperitate viventis, morituri sunt, memoriaque i-  
pforum delenda, quid nocet illi prosperitate fruenti, quod liberi ejus  
post ipsum patiuntur? dum ait; *Quia quæ erit complacentia ejus erga* Job 21. 21.  
*domum suam post se, quum numerus mensium ejus truncatus sit?* Post hæc  
exponit, quòd nulla sit expectatio post mortem, & per consequens  
nulla supersit spes; sed quòd ista sint adscribenda derelictioni & ob-  
livioni DEI. In admirationem insuper rapitur, quomodo DEUS  
non derelinquat quoque ipsam creationem vel nativitatem Homi-  
nis, cum gubernationem ejus relinquit? *An non, inquit, sicut lac li-* Job 10. 10.  
*quesecisti me, & sicut caseum coagulasti me?*

Hæc est una illarum sententiarum de Providentia, quarum  
suprà à nobis facta mentio, quam etiam quidam ex Magistris spe-  
culationis crediderunt. Nôsti autem, quòd Sapientes nostri dixe-  
runt, hanc Jobi sententiam in summo gradu esse malam. Dixe-  
runt etiam; *Terra super os Jobi.* Item: *Voluit Job vertere scutellam super*  
*os ejus.* Item: *Job negavit resurrectionem mortuorum.* Item: *Incepit*  
*cum contumeliis & blasphemis.* Sed quia DEUS ad Elphas & Socios  
ejus ait, *Non loquuti estis ad me rectum, sicut servus meus Job,* dicunt Sa-  
pientes nostri, ad eum excusandum horum verborum causâ, *Non*  
*capitur Homo propter dolorem suum;* vel, *Non prehenditur Homo in dolore*  
*suo:* h. e. non imputatur ei peccatum, propter summos ejus dolores;  
& hanc verborum speciem non referri ad istum hujus parabolæ  
sensum, verum causam illius esse, quòd Job istam sententiam, quæ  
summè est erronea, revocavit, errorisque sui demonstrationem attu-  
lit. Quòd enim utique ita primò esse videatur, quòd tales cogitatio-  
nes Homini subrepant, in primis ei, cui tanta mala accidunt, cum i-  
pse innocentia suæ sibi sit conscius, de eo nulla est controversia. Ideò  
attribuunt quidem Jobo istam sententiam; sed dicunt, illum, quæ-  
cunque dixit, dixisse eo tempore, quo nullam adhuc veram DEI ha-  
buit scientiam & cognitionem, sed per Cabbalam tantum, sicut eum  
cognoscunt vulgus Hominum: cum autem cognovit DEUM co-  
gnitione verâ, agnovisse quòd vera Beatitudo, quæ consistit in cog-  
nitione DEI, parata sit omnibus, qui eam cognoscunt, neque eam tur-  
bare possit ulla angustia, quæ Homini accidit. Jobus etenim existi-  
mavit, apparentes istas Beatitudines, ut est Sanitas, Divitiæ, Liberi,  
esse perfectissimas, quamdiù per Cabbalam & Traditionem tantum  
DEUM cognovit, non verò per speculationem, & hac de causa hæ-  
sit in istis perplexitatibus, verbaque illa protulit. Hoc enim est, quod

Jobi 42.5. ait; *Auditu auris audiveram te, nunc autem oculus meus videt te. Idcirco abjicio, & pœnitet me in pulvere & cinere.* Q. D. Idcirco rejicio quicquid concupiveram, & pœnitet me, quod fuerim in medio pulveris & cineris:  
 Jobi 2.8. sicut dicitur; *Et ipse sedebat in medio cineris.* Propterea de ultima ejus sententia, quæ docet de apprehensione vera, dictum est illud; *Quia non loquimini ad me rectum, sicut servus meus Job.*

*Eliphasti sententia de Jobi afflictionibus.* Eliphasti sententia quoque una est ex sententiis illis de Providentia commemoratis. Dicit iste; Justo DEI judicio Jobo accidisse, quicquid ipsi accidit: quia enim Job multis peccatis contaminatus fuerit, dignum fuisse ipsum, qui hac ratione traisteretur. Hoc enim sibi vult, quando ad Jobum ait; *An non malitia tua magna est? & non est finis iniquitatis tuæ.* Deinde dicit Jobo; Opera illa tua, & sinceritas tua, quibus inniteris, quæque optima esse tibi imaginaris, non faciunt te perfectum coram DEO, ita ut non puniri possis vel debeas.  
 Jobi 4.13. Ecce, inquit, *in servis suis non invenis fidem, & in Angelis suis ponit pollutionem; quando magis in iis, qui habitant domos luteas, quorum est in Terra fundamentum?* Atq; ab hac sententia nunquam recessit Eliphast, quâ videlicet credidit, justum & æquum esse, quicquid Homini accidit, ac imperfectiones modosq; omnes, quibus pœnas promeremur, nobis esse absconditos.

*Bildadi sententia.* Bildad Schuchite autem sententia in hac quæstione fuit, quod credidit Permutationem, Catastrophen, & Recompensationem. Dicit enim ad Jobum; Quod si innocens fueris, & sine peccato, tûm gravium istorum malorum, quæ tibi eveniunt, causa est, ut tantò ampliore remunerationem accipias, ut optimam permutationem facias; in summa, magno tuo bono inserviunt tibi ista omnia, ejus particeps futurus es in sæculo venturo. Hoc est, quod inquit; *Si purus & rectus fueris, certè suscitabit nunc super te bonum, & pacificum reddet habitaculum justitiæ tuæ, eritq; principium tuum parvum, novissimum verò tuum crescet valde.* Sed nôlti jam hanc sententiam de Providentia, eamque à nobis jam habes expositam.

*Tzophar's sententia.* Tzopharis Naamatita sententia est, quod DEUS omnia agat pro suo beneplacito, neque causa actionum ejus sit investiganda, vel dicendum, cur hoc faciat, illud verò non? Ideoque non quæri debere viam æquitatis vel decretum Sapientiæ in actionibus ejus, quia substantiam & essentiam ejus sequatur, ut faciat id, quod vult; Intellectum verò nostrum nimis angustum esse ad occulta Sapientiæ ejus comprehendenda, de cujus jure & proprietate hoc sit, ut faciat id, quod vult, & nullâ aliâ ex causâ. Hoc est, quod dicit ad Jobum; *Quid des.*

*des DEUM loqui, & aperiat labia sua tecum? Et annuntiet tibi occulta Sapientia; quia duplo majora secundum Legem: & scito, quod oblitus tui DEUS propter iniquitatem tuam! Num investigationem DEI invenies? an usque ad perfectionem Omnipotentem invenies? Vide & perpende, quâ ratione hoc negotium confusus reddiderit Homines, & ad sententias illas de Providentia DATI erga Creaturas, quas exposuimus, permoverit. Meminerunt autem ea, quorum mentio facienda erat, & attribuerunt ea Viris tum temporis notis & celebribus. Sive autem sit Parabola, sive reverà dixerint, siquidem sit res gesta, sententia illa, quæ Jobo adscribitur, convenit cum sententia *Aristotelis*; sententia Eliphaz cum sententia *Legis nostræ*; sententia Bildad cum sententia *Muazzali*; sententia Tzopharis cum sententia sectæ *Assariæ*: quæ fuerunt sententiæ priscæ de Providentia.*

Post has producitur sententia alia, quæ attribuitur *Elibu*, qui commendatur & laudatur, quod ætate & annis quidem minor, sapientiâ autem major ipsis fuerit. Hic reprehendit & corripit Jobum, stultitiæq; ipsum insinuat, quod tantoperè miretur, tam gravia mala sibi contingere, cum tamen benè agere semper studuerit, & quod tantis laudibus opera sua extollat. Ita inquit de tribus ejus Sociis, quod sententiæ ipsorum propter senectutem illorum sint corruptæ. Verba autem & ænigmata talia profert, ita ut Lector admiretur, & existimet, illum non aliud, quàm quod Eliphaz, Bildad & Tzophar, dicere, sed sententias illorum aliis nonnihil verbis repetere, & latius explicare. Nam ferè nihil aliud agit, quàm ut Jobum corripiat & reprehendat; DEUM autem à rectitudine & æquitate laudat, mirabilia ejus in hoc Mundo recenset, & quod neq; cultum pii & religiosis, neq; rebellionem impii & rebellis curet, exponit. Atque ista omnia dixerunt quoq; ipsius Amici. Verùm si attentè consideraveris, deprehendes rem quandam aliam ab ipso adductam, quæ intentionem ejus continet, neq; à reliquis tacta fuit. Postea verò admiscet id, quod reliqui etiam dixerunt, ac si singuli, Job videlicet, & Amici ejus, repeterent id, quod cæteri dixerunt, sicut commemoravi; idque ad occultandum id, quod in uniuscujusque sententia est proprium & peculiare, ita ut Vulgus existimet unam communem esse omnium sententiam, cum tamen longè aliter res sese habeat. Id autem, quod *Elibu* præ cæteris adjecit, est, quod sub parabola Orationis Angeli, cujus summa hûc redit, proposuit: Notum est, inquit, quod Homo in morbis sæpè perveniat usque ad portas mortis, ita ut de ipsius vita desperetur; quod si hic habeat Angelum,

qui ipsius causam agat, pro ipso intercedat ac deprecetur, cum, quicumque demum sit Angelus, oratio ac deprecatio ejus suscipitur, ægrotus à morbo & omni periculo liberatur, pristinaque suæ sanitati restituitur; attamen non fit hoc perpetuò, neque semper intercedit ac deprecatur Angelus, sed tribus tantum vicibus. Verba ejus hæc sunt;

Jobi 33. 23.

*Si fuerit tunc apud eum Angelus interpres, &c.* Et postquam narravit, quomodo ægrotus à morbo liberetur, & ob recuperatam valetudinem

Ibid. v. 29.

lætetur, inquit; *En omnia ista facit DEUS duabus aut tribus vicibus cum viro.* Atque hanc rem attulit Elihu solus. Sed & istud præ cæteris habet, quod paullo ante ista verba legimus de qualitate Prophetiæ,

Jobi 33. 14.

dum inquit; *Etenim uno modo loquitur DEUS, aut etiam duobus, ei, qui non viderit illum, per somnium Visionis nocturnæ, cum venerit sapor super Homines.* Post hæc incipit confirmare hanc suam de Providentia sententiam, exponendo vias DOMINI in recensione Rerum naturalium, Tonitruum, Fulgurum, Pluviarum, Ventorum. Et his multa etiam de conditione Animantium interfert & admisceat; volo dicere,

Jobi 34. 20.

de plagis, quæ eis eveniunt: ut, cum ait; *Subito morientur, & mediâ nocte commovebuntur Populi, ac transibunt:* de Bellis item gravibus;

v. 24.

*Conterit sortes, quorum non est investigatio, & stare facit alios pro eis:* & multa alia similia. Et sic invenies, quòd in illa Prophetia, quæ Jobo contigit, in qua error ejus ipsi detectus fuit in omnibus iis, quæ cogitaverat, de nulla alia re agatur, quàm de rebus naturalibus, utputa de Elementis, Meteoris, & Naturis Animalium. Quod verò ibi narratur de Æthere, Cælo, Orione, Pleiadibus, id factum est tantum ratione operationum ipsorum in Aëris regione nobis vicinâ & docet nos solummodò de rebus sublunaribus. Atque ita Elihu quoque eruditus fuit de Animalibus, sicut dicit: *Qui docet nos de jumentu Terra, & de volatili Cæli sapientes efficit nos.* Id autem, in quo maxime & diutissime immoratur (DEUS) in sermone illo, est descriptio Leviathanis, per quem nihil aliud intelligitur, quàm complexus generalis proprietatum corporalium, quæ dispersæ sunt in quolibet Animali ambulante, repente & volante. Omnium verò istorum finis & scopus est, docere, mentes nostras non assequi, quâ ratione Entia ista omnia in Mundo hoc generabili & corruptibili innoventur, neque etiam, quomodo facultates istæ naturales in illis existant & incipiant; non esse hæc similia illis, quæ inter nos sunt; quomodo proinde possimus laborare, ut gubernatio & providentia DEI circa illa ita sit comparata, quemadmodum gubernatio & providentia nostra? Itaque hic nobis subsistendum esse, & credendum, occulta

Jobi 35. 11.

Per Leviathan  
quid intelligatur.

DEO Opt. Max. non esse abscondita, sicut Elihu inquit; *Quia oculi ejus sunt super vias Viri, & gressus ejus videt, Non sunt tenebrae, neque umbra mortis, ut lateant eum ibi operantes iniquitatem: sed aliam esse Providentiae ipsius quàm nostrae rationem: neque ejusmodi esse ipsius curam erga Creaturas suas, qualis est cura nostra erga res nostras; nec sub una definitione comprehendere, sicut insipientes existimant; neque denique quicquam inter se, præter nomen, commune habere: quemadmodum operationes nostrae non sunt similes operationibus ipsius; nec sub una definitione comprehenduntur; & qualis differentia est inter Actiones Naturales & Artificiales, talem quoque esse differentiam inter Gubernationem, Providentiam & Intentionem Divinam respectu Rerum naturalium, & inter Gubernationem, Providentiam, & Intentionem nostram, respectu Rerumstrarum.*

Hic fuit scopus totius libri Jobi, ut scilicet constituatur hic articulus Fidei, & doceatur; A rebus naturalibus discendum esse, ut non erremus, aut cogitemus, Scientiam ejus ita se habere ut Scientiam nostram; Intentionem, Providentiam & Gubernationem ejus sicut Intentionem, Providentiam & Gubernationem nostram. Hoc fundamentum si Homo intellexerit, nihil ipsi durum erit, quicquid ei acciderit, neque etiam in dubias propterea cogitationes de DEO incidet, an videlicet id sciat necne? an curam sui gerat necne? sed potius in amore DEI vehementius accenderetur, sicut in fine hujus Prophetiae dicitur; *Idcirco abjicio, & poenitentiam ago in pulvere & cinere. Sic dicunt Sapientes nostri; Faciunt ex amore (praecepta DEI), ut latentur in castigationibus.*

Quod si igitur ista, quae haecenus dixi, eâ attentione consideraveris, quae in hoc libro requiritur, & rationes omnes libri Job perpendaris, in sensum & intellectum ipsius penetrabis, cernesque me omnia hic comprehendisse, nihilque omisisse, nisi ea, quae ad ordinem verborum & cohaerentiam vel connexionem rerum spectant.

## CAP. XXIV.

De Tentatione. Quo sensu Deus dicatur tentare Homines.

TENTATIONIS ratio dubia quoque valde est, & inter dubias rationes Legis Divinae non postrema. Mentionem ejus facit Lex in sex locis, sicuti in hoc capite declarabo.

Tentationis in  
Legi sexies fit  
mentio.

*Quid vulgus  
sentiat de Ten-  
tatione.*

Vulgaris Hominum de illa sententia est, eam nihil aliud esse, quam cum DEUS Opt. Max. plagas & pœnas Homini immittit sine ullo ejus præcedente merito, idque ut tantò amplius ipsi reddat ac terribuat præmium. At hujus dogmatis expressè Lex non meminit, neque etiam nisi unicus locus, ex sex illis commemoratis, in Lege extat, ex cujus sensu litterali erui posse hoc videri queat, quem in sequentibus tibi sum expositurus. Contrarium verò hujus sententiæ benè reperimus in Lege: ut, *DEUS veritas est, & non iniquitas*. Ita nec Sapientes nostri omnes quicquam de Vulgi opinione ista noverunt. Dicunt enim; *Non est mors sine peccato, neque castigatio sine iniquitate*. Et hæc est sententia, quæ credenda & amplectenda est omnibus Filiis Legis intellectu præditis; nequaquam autem iniquitatem ullam DEO attribuere: (absit hoc procul à talibus!) ut, s. c. Rubenem esse innocentem, & afflictiones illas, quas sustinet, non commuisse. Verùm quod *Tentationes* illas attinet, quarum in Lege, in sex illis locis, fit mentio, ubi occurrunt in sensu *Tentationis* & *Probationis* vel *Explorationis*, quæ DEUS vel certi alicujus Viri, vel Populi Fidem aut Pietatem voluit cognoscere, in illo sensu dubium adhuc maximum est, in primis in historia Ligationis Isaaci, de qua nemo quicquam scivit, præterquam DEUS & illi duo, (*Abrahâ sc. & Isaac*). Dicitur ibi: *Nunc scio, quod DEUM timeas*. Ita dicitur alibi; *Tentat DOMINUS DEUS vestros, ladaat ad sciendum, an diligatis DOMINUM DEUM vestrum ex toto corde vestro?* &c. Item; *Ladaat Ad sciendum, quod est in corde tuo*. Ista autem dubia tibi nunc solvam & enodabo.

*Scopus & finis  
Tentationum.*

Scito ergo, quod *Tentationis*, cujus in Lege fit mentio, nullus alius sit sensus vel scopus, quam ut sciant Homines, quid ipsis sit credendum vel faciendum: at quando in Tentatione opus aliquod præcipitur, tamen nequaquam opus illud ipsum intenditur; sed intentio ejus est, ut inserviat pro exemplo, ex quo Homines aliquid discere debent, quod sequantur & imitentur, sicut dicitur; *Ad sciendum, an sit diligentes*, &c. Sensus enim hujus loci non est, quod DEUS cognoverit, quia jam antè scivit: sed sicut dicitur; *Ut sciatu, quod ego DOMINUS, qui sanctifico vos*: ubi sensus est, *Ut sciant Gentes*. Sic proinde dicit etiam (in præcedenti loco sc.); Quando exsurgit inter vos aliquis, qui gloriatur de Prophetia, & signa ejus videbitis, quibus persuadere vult, veritatem inesse verbis ipsis; tùm scitote, quod hac re velit DEUS notam facere in Gentibus mensuram Fidei vestræ in veritate Legis suæ, & Apprehensionis, quæ ipsum apprehenditis;

Deut. 13. 3.

Exod. 31. 13.



ditis; quòd item non sinatis vos seduci persuasione seductoris, neque eo medio fides vestra in DEUM pereat; idque ut ad eam (*fidem vestram* sc.) respiciat, quicumque veritatem quærit, & in iis, quæ credenda sunt, quærat talia, quæ ejusmodi soliditatem habent, cum qua non respiciat ad Miraculorum patratiorem: nam hæc est vocatio ad impossibilia. Non profunt autem Miracula, nisi illi, qui dicunt possibilia, sicut in Talmud exposuimus.

Postquàm igitur patet, quòd vocis *Ladaath Ad sciendum*, sensus sit, *Ut sciant Homines*: patet etiam, quomodo intelligendum sit illud, quod de Manna dicitur, *Ut affligeres te, ac tentares te*, ad sciendum, *quid sit* Deut. 8.2. *in corde tuo, utrùm observaturus esses Præcepta ejus, an non?* videlicet, *Ut scirent Gentes*, & palàm fiat Mundo, quòd DEUS sustentet eum, qui cultum ipsius sequitur, unde non exultimat. Et sic dicitur hoc eodem sensu de Manna, cùm primò descenderet; *Ut tentem eum, utrùm am-* Exod. 16.4. *bulaturus sit in Lege mea, an non?* Vult enim dicere, *Ut quis videat & cognoscat*, utrùm profit & sufficiat, cultui Divino se tradere, an verò non sufficiat? Sed quod tertià vice de Manna dicitur, *Qui pavit te* Deut. 8.16. *Mannâ in deserto, quod non noverant patres tui, ut affligeret te, & tentaret te*; hoc videtur docere, DEUM quandoque affligere Hominem ad præmium ejus multiplicandum. Verùm nequaquam ita est: verba enim illa alterutro horum modorum sunt intelligenda; vel ut idem sit illorum sensus, qui duorum præcedentium locorum de Manna, videlicet, *Ut notum faceres*, an sufficiat ad sustentationem cultus DEI, Hominemque à molestia & labore liberet, an verò non? vel erit sensus, *Ad tentandum te*, h.e. Ad assuefaciendum, ad exercendum te, sicut in illo; *Quæ non tentavit plantam pedis sui statuere super Terram.* Deut. 28.56. Q. D. DEUS antea voluit assuefacere vos ad laborem in deserto, ad multiplicandum Bonum vestrum, quando ingressuri estis in Terram (Canaan sc.). Et hoc est verissimum. Nam *Exitus vel Transitus à labore ad quietem longè suavior est, quàm continua requies.* Ac notum est, quòd non potuissent Terram subigere, neque habitatores ejus debellare, nisi laborem & molestiam ferre didicissent in deserto. Ita enim inquit Lex; *Dicebat enim DEUS, ne forte pœniteat Populum, quum vide-* Exod. 13.17. *rint bellum, & revertantur in Aegyptum, idè circumduxit DEUS Populum per viam deserti maris Suph, & accincti ascenderunt filii Israël è terra Aegypti.* Quies & Otium auferunt Homini fortitudinem; Labor verò & Cibis durus augent eam. Et hoc est *Bonum illud*, quod tandem ad illud redundavit in hoc negotio.

Quod dicitur, *Ut tentares vos*, venit DEUS; illius idem sensus est Exod. 10.10. cum

Deut. 13. 3.

cum eo, quod legitur in Deuteronomio, de eo, qui prophetizat in nomine Dei falli, *Quia tentat DOMINUS DEUS vester*, &c. cujus sensum jam exposuimus. Sic proinde dicitur hic eis in Statione Montis Sinai, (*in loco videlicet preced. ex Exodo*); Ne timeatis, quia Visio ista magna, quam vidistis, hūc inservit, ut ad oculum videatis veritatem, quod, cum DEUS vos tentaverit per Prophetam falsum, qui contrarium dicit ejus, quod audivistis, ad mensuram fidei vestræ in lucem producendam, firmiter & constanter persistatis in ea, neque gressus vester vaciller: & fortè, si ego (*Moses*) tanquam legatus ad vos veniam, vobisque dicam id, quod in mandatis datum mihi est, non audiat illud, sed credatis alii, cum venerit, & contrarium ejus, quod ego, vobis indicaverit, id quod facile fieri posset, nisi id in Visione ista audivissetis.

De Tentatione  
Abraham.  
Genes. 22.

Historia Abrahamide Ligatione Isaaci comprehendit duo magna fundamenta Legis. *Unum* est, nobis indicare, quousque se extendat Amor & Timor DEI? Præcepit enim illic tale quid, cum quo nec pecuniæ, neque vitæ profusio comparari potest, sed quod omnia longè excedit & superat, quæ excogitari possent; quin-imò ad quod Naturam inclinare & flecti posse cogitari nequit: hoc videlicet; Ut sit Vir quidam, qui summo prolis suscipiendæ tenetur desiderio, prædives, in summa autoritate constitutus, & nihil magis in votis habens, quàm ut Gens aliqua ex suo semine sit superstes, cui post omnem amissam spem in extrema senectute filius nascatur, & qui posthabito omni affectu ac amore (qui sanè non nisi summus esse potest) propter timorem & amorem DEI, ad præceptum ejus de filio illo suo dilecto stabiliendum, relinquat omnem, quam in ipso collocaverat, spem & expectationem, ac ad mandandum eum post trium dierum iter consentiat. Hoc certè maximum est. Nam si eo momento, cum mandatum accepit, facere id voluisset, fuisset actio turbulenta, præceps & inconsiderata; verùm quòd id facit post aliquot dierum ab accepto mandato spatium, inde colligitur, fuisse actionem consideratam, maturè deliberatam, & testimonium ac probationem obedientiæ, amoris & timoris DEI, neque hic ad quicquam aliud, vel ad ullam aliam passionem respiciendum esse. Nam Abraham non festinavit occidere filium suum ex pavore aut terrore aliquo ipsi à DEO injecto, ne fortè ipse occideretur, vel ad paupertatem ab ipso redigeretur; sed ut notum fieret Hominibus, quidnam conveniat facere propter amorem & timorem DEI, non propter spem alicujus præmii, vel merum pœnæ, sicut multis in locis expo-

expofuimus. Ideò dicit Angelus, *Nunc ſcio, &c.* Q. D. Ex hac aétione, Gen. 22. 12. propter quam ab omnibus *DEUM timens* vocaberis, cognofcent omnes, quantus in te fit timor DEI, & quouſque pertingat. Atque hoc confirmatur & declaratur in Lege, dum docetur, quòd finis totius Legis in Præceptis affirmativis & negativis, in promiſſionibus, comminationibus, & narrationibus, fit una tantum res, *Timor ſc. DEI Opt. Max.* Hoc enim eſt, quod dicitur; *Et erit, ſi non cuſtodieris omnia verba Legiſtiſſe, quæ ſcripta ſunt in Libro iſto, ut timeas Nomen glorioſum & terribile iſtud, DOMINUM DEUM tuum.* Et hoc unum eſt ex duobus illis, quæ ex hiſtoria Ligatiſonis Iſaaci diſcimus. Deut. 10. 17.

Alteruſq; eſt, docere, quòd in rei veritate crediderint Prophetæ ea, quæ ipsis per Prophetiam à DEO oblata fuerunt; ne quis cogitet, ideò, quia in Viſione aut Somnio, aut mediante Virtute Imaginatrice id fit, non ſemper fieri reverà id, quod audiunt, vel quod ipsis repræſentatur: aut aliud dubium hic relinquatur. Ideò voluit nos hic certos reddere, quòd omnia ea, quæ Prophetæ vident in Viſione Prophetiæ, vera ſint & certa apud Prophetam, ac extra omnem dubitationis aleam penes ipſum poſita; adeoque non aliter ſe habeant, quàm res omnes exiſtentes, quæ ſenſibus vel intellectu apprehenduntur. Probatio huius rei eſt hæc, quòd Abraham voluerit jugulare filium ſuum unicum, quem dilexit, ſicut præceperat DEUS; licet præceptum illud ei vel in Viſione, vel in Somnio datum fuerit. Quòd ſi Prophetæ eſſent dubitabundi in Somnio Prophetiæ, aut ſi dubitarent aliquo modo de iis, quæ in Viſione Prophetiæ apprehendunt, fanè non conſenſiſſent ad talia faciendâ, à quibus Natura abhorret; neque potuiſſet Abraham in animo ſuo invenire, ut faceret tam magnam & dubiam aétionem. Ac conveniens omninò fuit, ut Ligatio hæc fieret per manus Abrahami & Iſaaci. Abraham enim Patriarcha primus fuit, qui incepit docere Unitatem DEI, Fidem illam confirmare, propagare, & animis Hominum implantare: unde de illo dicitur, *Quia novieum, quòd præcipiet, &c.* Quemadmodum igitur ſequuti ſunt Homines ſententias ejus veras, quas ab ipſo audiverunt: ita decet quoque, ut ſequantur ea, quæ ſequuntur ex ipsis operibus, inprimis verò Aétionem hanc, quâ confirmavit veritatem Prophetiæ, & timoris ac amoris DEI ſaſtigium nobis monſtravit. Genef. 18. 19.

Sic itaque intelligenda ſunt ea, quæ de *Tentatione* in Scriptura legimus; nequaquam autem, ac ſi DEUS ideò probaret ac tentaret Hominem, ut ipſe ſciat aliquid, quod antea ignoraret. Abſit, abſit

hoc ab Ipſo, quod fatui & ſtulti ſecundum malitiam cogitationum ſuarum de Ipſo cogitant !

## CAP. XXV.

*Quòd Opera DEI non propter ſolam ejus Voluntatem ſequantur, ſed quoque propter ejus Sapientiam, & Finem aliquem habeant.*

*Actiões finium ratione ſunt quadruplices.*

**D**ISTINGUUNTUR Actiões Finium ratione in quatuor partes. Sunt enim Actiões quædam *Vane & Inanes*, (quæ nullo certo ſunt fine), quædam *Jocoſæ*, (quæ joci & riſûs cauſâ tantum ſunt), quædam *Fruſtraneæ*, quædam denique *Bonæ*.

*Actiões fruſtraneæ quæ.*

Actiões *Fruſtraneæ* vocantur illæ, in quibus Agens finem, quem intendit, propter impedimenta & obſtacula quædam, non aſſequitur. Audis enim ſæpè quendam dicentem ad alium, *Fruſtrâ laboraſti*; quando nempe quis e. g. Virum quendam quæſivit, ſed non invenit; vel laborioſum iter ſuſcepit, ſed negotiarione ſua nihil lucratus eſt. Item; *Induſtria & moleſtia noſtra in hoc agro ſit fruſtraneæ*; quando videlicet non curatur. Et ſic omnes illæ Actiões vocantur, in quibus fines certi intenduntur, ſed non obtinentur.

*Actiões vane vel inanes.*

Actiões *Vane* vel *Inanes* ſunt illæ, in quibus nullus planè finis intenditur: ut, cum *Homines* e. g. manibus ſuis nugantur, quando ſunt cogitabundi: actiões item ſuſoſorum & peſturbatorum.

*Actiões jocoſæ vel jocularæ.*

Actiões *Jocoſæ* vel *Jocularæ* ſunt illæ, quæ levis & exigui alicujus finis cauſâ ſunt, h. e. in quibus intenditur res aliqua non-neceſſaria & inutilis: ut, cum quis ſaltat non in eum finem, ut incaleſcat & concoctionem promoveat; vel, cum quis aliquid riſûs tantum & joci cauſâ agit. De iſtiſmodi enim actiõibus ſine dubio dicitur, quòd ſint ludus & riſus. Variant autem ſecundum Agentium intentionem & perfectionem. Sunt etenim res quædam, quæ nonnullis ſunt neceſſariæ & utiliſſimæ, nonnullis verò nulli proſus uſui: ut, Exercitium corporis ſecundum diverſas ejus ſpecies, neceſſarium eſt ad conſervationem ſanitaris apud Medicæ artis peritos: ſic, Scriptio magnum habet uſum apud Viros ſapientes & litteratos. Nam qui exercitiis corporis utitur ad ſanitatem ſuam conſervandam, ut v. g. luſu pilæ, luſtatione vel digladiatione, aut ſpiritus retentione; vel, qui ea, quæ ad ſcriptionem requiruntur, agit, ut calamum aptare, char-

chartam præparare, is ab Hominibus imperitis ludicrum quid agere cenſebitur, ſed non apud ſapientes & eruditos.

*Altrones bonæ ſunt illæ, quas Agens bono & laudabili fine agit, Actiones bonæ.*  
neceſſario nempe, vel utili, quemque etiam aſſequitur.

Atque hæc diviſio vel diſtinctio talis eſt, meo iudicio, cui non poteſt contradici. Nam qui facit actionem aliquam, vel intendit in ea finem quendam, vel non intendit. Finis autem, qui intenditur, quandoque eſt honeſtus, quandoque verò levis & minùs honeſtus; ac interdum acquiritur, interdum verò non. Hæc diſtinctio eſt neceſſaria & coaſta.

His itaque ſic expoſitis, dico, neminem ſano intellectu præditum poſſe dicere, ullum aliquod Dei opus eſſe vel Fruſtraneum, vel Inane, vel Ludicrum & Jocoſum; ſed juxta ſententiam noſtram, & juxta ſententiam cujuſvis, qui ſequitur Legem Moſis Doctoris noſtri, Opera ejus omnia ſunt Bona valdè, ſicut dicitur; *Et vidit Deus quicquid fecerat, & ecce, bonum erat valdè.* Et, quicquid fecit Deus propter opus aliquod aliud, illud eſt primò in exiſtentia illius neceſſarium, deinde ſummoperè illi utile. E. G. Viſtus Animalium neceſſarius eſt ad ſubſiſtentiam; & Exiſtentia oculi eſt ipſis utilis ad illorum conſervationem; neque alium finem habet viſtus, quàm Animalium ad tempus aliquod conſervationem; & ſenſus, quàm utilitates, quæ ad Animalia ex apprehenſionibus ipſorum redeunt. Ita Philoſophorum eſt ſententia; *In rebus naturalibus nihil eſſe vanum*: h. e. Omnia ea, quæ non ſunt artificialia, neceſſariò finem propoſitum habere aliquem: nec referre, ſive nos eum ſciamus, ſive non ſciamus. Verùm juxta ſectam Magiſtrorum ſpeculationis, qui exiſtimant, Deum nihil facere propter aliud, & nullas eſſe cauſas & cauſatas, ſed omnia ejus opera eſſe ſecundùm meram Ipſius voluntatem, nullumque illorum finem quaerendum, nec dicendum, cur hoc fecerit, illud verò non; atque adeò facere quicquid vult ſine ſapientia: juxta horum inquam ſententiam, Opera Dei ingrediuntur in cenſum Operum vanorum, quin-imò leviora adhuc illis erunt. Nam qui in vanum laborat, is nullum finem intendit, ſed eſt perturbatus, ignorans ipſemet quid agat! Deus verò juxta illos ſcit quod agit, & intendit illud, ſine tamen fine aliquo, & ad nullam utilitatem. Quòd autem operum Dei quædam ſint tantùm Ludi cauſâ, Jocoſa, Ludicra, illud manifeſtam habet falſitatem in principio cogitationis. Neque audiendi hîc ſunt amentes illi, qui exiſtimant, Simiam riſûs & joci cauſâ creatam eſſe. Ex mera enim naturæ Generationis & Corru-

*Actiones Dei omnes bonæ, neceſſariæ, & utiles.*  
Genef. 1. 31.

prionis ignoracione, principii item hujus oblivione hoc procedit, quòd Intentio DEi fuerit, ita existere facere (*creare*), quicquid existere potuit, sicuti videmus, & ut aliter sit, à Sapiencia ejus non sit decterum. Propterea impossibile est secundum hanc considerationem, quòd omnia sequantur decretum Sapienciae ejus, (*ut sc. quaedam ipsius opera sint ludicra*). Sed illi, qui dicunt, quòd in Operibus DEi nullus finis spectetur, permoti sunt ad hoc necessarìò, quia considerant totam rerum Existentiam secundum suum sensum; quia dicunt, Quis est finis totius Mundi in universalitate sua? Et de necessitate existimant dicendum esse illis, qui credunt Novitatem Mundi, quòd sic voluerit DEus; & non propter aliam causam, & sic consequenter in omnibus Mundi partibus, ita ut ne quidem membranam oculi uveam perforatam, & cornicularem pellucidam esse concedant propter transmissionem spiritus visivi, ut apprehendere possit objecta sua. Nequaquam enim concedunt, quòd ista sint visus causa, quòd membrana una sit perforata, altera pellucida propter Visum; sed dicunt, Ita voluit DEus: licet alio modo Visus fieri potuerit. Ac extant loca quaedam Scripturae, ex quorum sensu literali in principio speculationis hic sensus elici videtur: ut, *Quicquid voluit, fecit*, &c. Item; *Anima ejus desideravit, & fecit*. Item; *Quis dicet tibi, quid facis?* At horum & similium locorum sententia est, quòd ea, quae DEus vult, necessarìò fiant, neque à quoquam impediri possit, ne Voluntas ejus fiat; sed quòd DEus non velit, nisi id, quod possibile est; neque omne possibile, verum id, quod Sapiencia ejus decernit: & sic bonum sit in summo gradu, quicquid vult DEus facere, neque quisquam inter Ipsum & inter Opus impedimentum possit ponere. Atque haec est sententia omnium Legem amplectentium, & Philosophorum. Et sic quoque est sententia nostra; quia licet credamus, quòd Mundus sit innovatus, magna tamen pars Sapientum nostrorum non credunt, quòd sit propter voluntatem solam, & non propter rem aliam: sed dicunt, quòd Sapiencia ejus, quae est incomprehensibilis, necessarìò fecerit existentiam Mundi hujus in Universalitate sua, sicut existit: & Sapientiam illam eandem, quae non mutatur, necessarìò postulasse Privationem ejus antequam existeret. Invenies hoc apud Sapientes in explicatione loci illius, *Omnia fecit pulchra in tempore suo*. Idq; totum fecerunt ad vitandum id, quod vitandum est; videlicet, Agentem facere opus aliquod, & nullum in eo finem intrendere. Sic credunt vulgò Legis nostrae Doctores. Et ita quoq; exponunt Prophetæ nostri, quòd singulae Operum naturalium

Psal. 115. 3.

Jobi 23. 13.

Jobi 9. 12.

Ecclef. 3. 11.

ralium partes sint ordinatæ, dispositæ & inter se invicem colligatæ, seseq; habeant ut causatæ & causata, nullaq; sint vel vana, vel frustranea, vel ludicra, sed summæ Sapientiæ opera. Ita dicit David; *Quàm multa sunt opera tua, DOMINE? Omnia in sapientia fecisti, impleta* Psal. 104. 24.  
*est Terra possessionibus tuis.* Item; *Omnia opera ejus in fide.* Item Salomon; *Prov. 3. 19.*  
*In sapientia fundavit Terram,* &c. Atq; hoc frequentissimè reperitur, neque aliter credendum est. Ita Speculatio Philosophica pronuntiat, quòd in rebus naturalibus nihil sit vanum, frustraneum & ludicrum, multò minùs in corporibus cœlestibus, quæ materiæ suæ ratione magis sunt ordinata & disposita.

Scito autem, maximam dubiorum partem, quæ perplexitatem inducunt in investigatione finis totius hujus Universi, vel singularum illius partium, originem suam trahere ex errore & vana persuasionem illa, quam de se ipso Homo concipit, quasi nimirum ipsius causâ omnia essent condita; ex ignorantia naturæ Materiæ hujus inferioris; ac denique ex ignorantia Intentionis primæ, quæ est, Existere facere, quicquid existere potest: quia Existentia bona est sine dubio. Ex illo itaque errore, & duarum dictarum rerum Ignorantia oriuntur dubia & scrupuli omnes, propter quos existimamus, quædam DEI opera esse Ludicra, quædam Vana, quædam Frustranea.

Scito etiam, illos, qui admiserunt istud absurdum, quòd DEI opera juxta illos sint sicut opera vana nullum prorsus finem habentia, idèd noluisse concedere, quòd sequantur ejus Sapientiam, ne illos hoc adigat ad recipiendam sententiam de Antiquitate Mundi. Idèd hic clausurunt portam.

Sed declaravi tibi jam sententiam Legis nostræ in hoc negotio; Credendum nempe, nihil absurdi esse, si dicamus, omnium istorum Operum existentiam & privationem sequi Sapientiam DEI, at nos in ipsius Operibus multos modos Sapientiæ illius ignorare. Super hac sententia fundata est tota Lex Mosaica. Ab hac sententia incipit, dum ait; *Et vidit DEUS quicquid feceras, & ecce, bonum erat valde.* In eadem sententia finitur; *DEI perfectum est opus,* &c. Tu itaque hoc observa & considera. Nam si diligenter trutinaveris sententiam istam, & sententiam Philosophorum, ac ea, quæ in præcedentibus de hac materia capitibus dicta sunt, probè intellexis, nullam ullâ in re inter ipsas discrepantiam & diversitatem invenies, nisi, quòd illi Antiquitatem Mundi credant, nos verò ejus Novitatem.



*An Præcepta Mosaica finem & causam habeant, an verò dependeant à sola Voluntate DEI?*

*An præcepta  
Mosaica finem  
& usum ha-  
beant?*

**Q**UÆMADMODUM dissentiunt Magistri speculationis ab iis, qui Legem credunt, in hoc, Utrum Opera Dei Opt. Max. sequantur ejus Sapientiam, an verò nudam ejus Voluntatem citra ullius finis respectum? sic manet eadem controversia de Præceptis, quæ nobis dedit. Sunt enim, qui nullam illorum causam quærunt, sed dicunt, Præcepta omnia solam ipsius Voluntatem sequi. Alii dicunt, Omne Præceptum & Interdictum sequi ipsius Sapientiam, & certum finem spectare; omnia Præcepta suas habere causas, & utilitatis alicujus gratiâ præcepta esse; omnia suas habere rationes; sed nos multorū rationes, & modos Sapientiæ Divinæ in illis ignorare. Atque hæc est sententia communis omnium nostrorum Sapientum, tam vulgarium, quàm singularium. Evidentia quoque hic sunt Le-

*Psal. 19. 9. 10.*

gis nostræ testimonia: ut, *Statuta & judicia justa.* Item: *Judicia DOMINI sunt veritas, justa sunt pariter.* Quod attinet illa, quæ vocantur *Chykkim* Statuta, ut de Vestimento commixto ex lana & lino, de Carne & Lacte, de Hirco, qui in desertum mittebatur, (de quibus Sapientes nostri dixerunt; *In verbis, quæ chakakti statui vel insculpsi tibi, non licet tibi cogitare*, [h. e. aliquid mutare, ea vellicare], & *Satan accusat illa, Gentes Mundi contradicunt illis*): de his, inquam, non credit multitudo Sapientum nostrorum, quòd nullam causam, nullumque finem habeant, (hoc enim modo reducerentur ad opera vana); sed credunt, quòd omninò habeant causam, sive finem atque usum, nobis tamen, vel propter imbecillitatem mentis nostræ, vel propter

*Præcepta quædam  
habent finem evi-  
dentem & ma-  
nifestum; qua-  
dam non.*

imperfectionem sapientiæ, incognitum. Propterea omnia præcepta causam habent, h. e. omnia Præcepta & Prohibitiones finem atque usum habent, idque ita, ut quorundam usus nobis sit cognitus & manifestus, ut Prohibitionis homicidii & furti; quorundam verò non, ut in Præceptis suprâ commemoratis, item in Prohibitione praputii, & heterogeneorum. Illa, quorum usus & utilitas nota est, vulgo vocantur *Mischpatim* Judicia; illa verò, quorum usus non est vulgo manifestus, vocantur *Chykkim* Statuta. Hinc dicunt sæpè, *כי לא דבר רק הוא מכם ואם דבר רק הוא מכם* h. e. *Datio præceptorum*

*istorum*

istorum non est res inanis nullum usum habens; & si videatur præceptum aliquod tale esse, tum id provenit ex imperfectione apprehensionis vestra. Nōsti etiam tritum illud, quod communiter ajunt; Salomonem scripsisse causas omnium præceptorum, excepto illo de Vacca rufa. Item illud, quod ajunt: Deum abscondisse causas præceptorum, ne nobis vilescerent, sicut Salomoni contigit in<sup>a</sup> duobus præceptis, quorum ratio manifestata erat. Atque hūc tendunt omnia Sapientum nostrorum dicta, omnia item Librorum Sacrorum testimonia. Unum tamen inveni apud Sapientes nostros in Bereſchit rabba, ex quo videtur in principio cogitationis, quædam præcepta nullam habere rationem; sed simpliciter esse præcepta, ac nullum alium præterea habere finem, vel usum. Dicunt enim ibi; Quid interest Deo Sancto & Benedicto, si ve quis jugulet à collo, si ve a cervice? Dicitur, Non data sunt præcepta nisi לזרע lezareph ut illi probentur vel defacentur Creatura, sicut dicitur, Verbum DOMINI Tzaruph. Hoc dictum licet sit mirabile, nullumq; ipsi simile in verbis illorum reperiat, ita tamen illud explicabo, sicut audies, ut ne vel tantillum egrediamur ordinem verborum ipsorum, neque etiam discedamus à recepto isto fundamento, quod omnia præcepta finem & usum habeant in hoc Mundo, sicut ajunt, Quia non est res inanis, &c. & sicut Deus apud Prophetam ait; Non dixi semini Jacob frustra, quærite me: ego DOMINUS loquens justitiam, & qui annuncio recta. Quod itaq; unicuiq; perfectà mente prædico in hoc negotio credendum, hoc est, quod nunc indicabo; Unumquodq; præceptum in genere consideratum necessariò habet causam aliquam, sed partes, membra, & circumstantia ejus sunt illa, de quibus dicitur, quod præcepta tantum sint. B. G. Interfectio Animalium ad necessitatem alimentici & sustentationis manifestam habet utilitatem; quod verò fieri debet per mactationem, jugulationem, non per narium discissionem, aut œsophagi, & gutturis in certo loco amputationem, ista & similia faciunt, ad probandum in illis Creaturas, prout quidem ex ipsorum exemplo, si ve qui mactet à collo, si ve à cervice &c. tibi liquet: quod exemplum commemorare volui, quia sæpiùs in verbis Ipsorum p.m. occurrit; Mactans à collo, &c. Mactans à cervice. Sed vera hujus rei ratio est, quod, cum necessitas Homines coëgit ad comestionem Animalium, spectatum fuerit, ut occiderentur morte levi, & levi cum actione. Nam Amputatio colli non potest fieri, nisi gladio vel simili instrumento; Mactatio autem quavis re potest perfici. Atq; ad tantò levio rem mortem reddendam præceptum fuit, ut culter sit acutus. Verum ad particularium præceptorum circumstantiarum rationem explicandam

exem-

<sup>a</sup> De non multiplicandis sc. primò equis, deinde mulieribus, quorum duorū præceptorum ratio in Lege est exposita & sub-juncta, ut vide-re est Deut. 17. 16. 17. Vide Cō-minatos He-braos R. Schem-tobh, & Epho-di.

Psal. 18. 31.

Jesa. 45. 19.

exempli loco adduci quoque meritò potest *Oblatio*. Nam oblatio hostiæ haber' utilitatem magnam, sicut explicabo; sed quòd hostia una debeat esse Agnus, alia Aries, & quòd numerus ipsarum sit certus ac definitus, ejus ratio nulla dari potest; qui verò laborat alicujus similis circumstantiæ rationem reddere, is meo judicio est amentissimus, neq; absurditates à se removeret, sed potiùs sibi auget. Is enim æquè longè abest à veritate, qui credit istiusmodi particularia habere rationes, atq; is, qui credit, totum præceptum nullam habere utilitatem. Ac scito, quòd Sapientia requirat, vel, si mavis, dic, quòd Necessitas postulet, ut talia in præceptis existant, quæ nullam rationem habent; & quòd res quasi impossibilis sit in Lege, ut hujus classis res aliqua in illa non existat. Modi autem hujus impossibilitatis sunt isti. Si dicas, quare illa oblatio debet esse Agnus, & non Aries? eadem quæstio mansisset, si loco Agni posirus fuisset Aries; nam necessariò species aliqua esse debuit. Ita si quis dicat, quare debent esse septem Agni, & non octo? idem quæri posset, si fuissent octo, vel decem, vel viginti. Nam necessariò numerus aliquis constituendus fuit. Itaq; simile hoc est naturæ Possibilis, cujus hæc est ratio, ut necessariò sit alterutrum Possibile. De illis autem non potest quæri, Quare est hoc possibile, & non alterù illorum? Eadem enim quæstio moveretur, si alterum hujus loco esset. Tu itaq; hoc retine & animo tuo imprime, ut & illud, quòd, cum Sapientes nostri passim dicunt, Omnia præcepta suas habere causas, Salomonem item omniù præceptorum causas scivisse; intelligē dum id sit de usu sive fine Præceptorum *generaliter*, non verò *de singulis illorum partibus & circumstantiis*.

Cum itaque ita se res habear, omnia sexcenta & tredecim præcepta in classes aliquot distribuam, quarum unaquæque aliquot iterù præcepta, quæ ejusdem sunt speciei vel inter se affinia, contineat, & uniuscujusque classis causas indicabo, unà cum utilitatibus, quæ nec in dubium vocari, nec refutari possunt. Deinde revertar ad singula præcepta, quæ sub illa classe comprehenduntur, seorsim, & illorum quoq; causam explicabo, ita ut non nisi pauca sint remansura, quorum rationes mihi nec in hodiernum usque diem constant. Sic notæ sunt mihi etiam quædam particulares præceptorum circumstantiæ, quarum ratio reddi potest. Sed post-hæc ista omnia ex me audies. Nequeo enim tibi causas istas omnes explicare, nisi postquam præmiserò capita quædam, in quibus complexurus sum aliquæ, quæ viam quasi ad illa nobis sternerent. Ista autem sunt illa capita, quæ nunc sum exorsurus.

## CAP. XXVII.

*Legem duplicem habere Intentionem, Eὐταξίαν  
videlicet Animæ, & Eὐταξίαν  
Corporis.*

**I**N T E N T I O generalis Legis est duplex, Eὐταξία nempe Corporis, *Intentio Legis duplex.*

Eὐταξία Animæ est, ut dentur Populo pro illius capto sententiæ veræ *1. Eὐταξία Ani-*  
in rebus Religionis. Ideo quædam sunt traditæ clarè & manifestè, *ma.*  
quædam verò sub parabolis. Non enim fert natura imperiti Vulgi  
Apprehensionem rerum illarum veram, prout est.

Eὐταξία Corporis consistit in dispositione & ordinatione victûs *2. Eὐταξία Cor-*  
pforum, quem sibi invicem subministrant. Et hæc iterum duabus *poris.*  
rebus perficitur: *primò*, Omnem inter ipsos violentiam tollendo ne  
quivis agat id, quod ipsi lubet, placet, vel potest; sed unusquisq; re-  
spiciat commodum publicum: *secundò*, ducendo Homines virtutes  
ad Reipublicæ gubernationem utiles & necessarias.

Scito autem, duarum harum Legis Intentionum unam sine dubio  
alteram dignitate præcedere; primas enim partes dignitate tibi ven-  
dicat *ὀνταξία* Animæ, quæ res Fidei complectitur; altera autem prior  
est Naturâ & Tempore, *ὀνταξία* videlicet Corporis, quæ de Reipubli-  
cæ gubernatione & negotiorum ejus administratione agit.

Et hæc secunda prius est necessaria, unde etiam magis exactè &  
minutim unâ cum suis partibus est in Lege tractata. Nam non po-  
test perveniri ad Intentionem primam, nisi post adeptam perfectio-  
nem istam secundam. Ostensum enim est per demonstrationem,  
quòd Homo duas perfectiones habeat, *Perfectiōnem nempe primam,*  
quæ est perfectio Corporis, & *Perfectiōnem secundam,* quæ est perfectio  
Animæ. *Perfectio prima* est, ut sit sanus in optima dispositione cor-  
porali. Hoc verò esse nequit, nisi omni tempore necessaria sua inve-  
niat, ut Alimenta, & alia ad Corporis regimen spectantia, Habita-  
tionem sc., Balnea, & alia hujus generis. Istud autem nequit perfici  
ab uno solo Homine; (nullus etenim Homo ad hanc mensuram  
pervenire potest): sed à congregatione politica totius alicujus Re-  
gionis vel Civitatis, sicuti notum est, quòd Homo sit naturâ Animal  
Politicum. *Perfectio secunda* est, ut sit Intelligens actu, ac sciat de o-  
mnibus Entibus, quicquid Homo scire potest secundum ultimam

suam perfectionem. Evidens autem est, quòd in hac Perfectione secunda nulla sint opera, nec qualitates aut virtutes, sed scientiæ & cognitiones solùm, quæ ex speculatione & diligenti inquisitione proveniunt. Clarum etiam est, ad nobilem istam Perfectionem ultimam non posse perveniri, nisi post Perfectionem primam. Homo etenim non potest intelligere Intelligibile, etiam si ab alio doceatur, multò minùs à se- ipso, quamdiù dolore, fame, siti, calore, frigore &c. affligitur & premitur. Sed postquàm pervenit ad perfectionem primam, potest quoque pervenire ad perfectionem secundam, quæ est omnibus modis præstantissima, urpote quæ sola causa est Vitæ perpetuæ & æternæ. Lex autem vera, quam docemus esse unam, & nullam aliam præter ipsam, Lex inquam Moïsi, simul nobis tradit utramque Perfectionem; *Dispositionem nempe & operationum & negotiorum humanorum*, per violentiæ sublationem, & honestarum laudabiliumque virtutum formationem, ita ut Homines in tali ordine subsistere, vivere & conservari possint, quòd ad primam Perfectionem pertingant; deinde *Dispositionem rerum credendarum & rerum sciendarum*, ut pertingant ad Perfectionem postremam. Has duas Perfectiones describit nobis Lex ipsa, & indicavit, quòd finis Legû illarum sit, ad illas Hominem perducere: dum inquit; *Itaq; præcepit nobis D O M I N U S facere omnia statuta ista, ut timeamus D O M I N U M D E U M nostrum, ut bene sit nobis omnibus diebus, & conservaret nos in vita sicut hodie*: ubi primo loco posuit perfectionem postremam, propter ejus dignitatem, sicuti declaravimus comparatam esse Perfectionem ultimam. Hoc enim est, quod ait; *Ut bene sit nobis omnibus diebus*. In quem sensum, ut nôsti, Rabbini nôstri ajunt; *Ut bene sit tibi in illo Mundo, qui totus Bonus est; & prolonges dies in Mundo, qui totus Longus est*. Sic namque ejus, quod hic ait, *Ut bene sit nobis omnibus diebus*, sensus quoque est, *Ut pervenias in Mundum, qui totus bonus est & longus*; quæ est substantia perpetua & æterna. Quod verò ait, *Ut vivificaret nos sicut hodie*, id intelligitur de substantia corporali prima, quæ ad tempus tantùm durat, & non perficitur, nisi in totius alicujus Provinciæ vel Civitatis congregatione, sicut exposuimus.

*Utramq; perfectionem Homini docet Lex.*

Deut. 6. 24.

## CAP. XXIIIX.

*Quòd omnia & singula Præcepta tendant vel  
ad Εὐταξίαν Animæ, vel ad Εὐταξίαν Corporis,  
adeoq; finem aliquem ha-  
beant.*

**E**X iis, de quibus monendus & instruendus es, est & hoc, ut scias, quòd Lex sententiarum & scientiarum illarum, per quas perfectio ultima acquiritur, finem tantum dederit. Præcepit enim nobis credere in genere Existentiam DEI, Unitatem item, Scientiam, Potentiam, Voluntatem & Æternitatem illius, quæ omnia sunt fines ultimi, qui in specie & definitè cognosci nequeunt, sed post multarum demùm rerum cognitionem. Ita præcepit credere principia quædam, quæ necessaria sunt ad *ὁρθήσαν* Conversationis Politicæ & Civilis: ut, quòd Deus irascatur contra eum qui rebellem se ipsi præbet, ideoq; timendum & cavendum esse, ne rebellemus ei. Verùm de reliquis sententiis vel scientiis realibus in hac Universalitate, ut sunt omnes scientiæ speculativæ secundum varias suas species, quibus sententiæ illæ, quæ sunt finis ultimus, verificantur, nihil expressè Lex præcepit sicut de prioribus, sed in genere tantum, sicut ait; *Ad diligendum DOMINUM*. Nòsti autem, quàm severè præceperit Lex de dilectione DEI, cùm ait; *Diliges eum ex toto corde tuo*, Deut. 6. 5. *ex tota animâ tua & ex omnibus viribus tuis*. Verùm docuimus in Opere nostro Talmudico, quòd iste Amor non rectè firmetur, nisi per Apprehensionem veram totius hujus Entium Universalitatis & Sapientiæ DEI in illa latentis cognitionem, ac simul indicavimus, quid de hoc negotio tradant Sapientes nostri.

Ex iis autem, quæ nunc de hac re diximus, colligimus, quòd omne Præceptum, sive sit Affirmativum, sive Negativum, huc tendat; *primò*, ut omnem violentiam tollat, & mores bonos, ad Societatis politicæ conservationem necessarios, generet: *deinde*, ut veras opiniones de iis, quæ credenda sunt, doceat, & quidem tales, quæ vel per se scitu sunt necessariae, vel ad violentiam tollendam, aut virtutes honestas excitandas. Et de talibus Præceptis dicimus, quòd manifestam habeant rationem & utilitatem, neque de fine eorum quærendum sit. Nullus etenim est, qui hæsitabundus sit, vel quærat,

Cur mandatum nobis sit credere, D E U M esse Unum? vel, Quare prohibitum nobis sit Homicidium, Furtum, Vindicta, Ultio sanguinis? aut, Cur jubeamur nos invicem diligere? Sed Præcepta, de quibus perplexi Homines sunt & disputant, ita ut quidam dicant, illa nullam habere utilitatem, sed simpliciter esse præcepta; quidam verò, quòd utilitatem, nobis tamen occultam, habeant; sunt illa, in quorum sensu litterali nulla utilitas apparet è tribus illis rebus, quarum mentionem fecimus; h. e. quòd nec opinionem aliquam veram credendam contineant, nec virtutem aliquam honestam doceant, nec denique iniquitatem & violentiam è medio tollant; sed è quorum sensu viderur, ac si nihil facerent nec ad *σωτηρίαν* Animæ, docendo de rebus Fidei, nec ad *σωτηρίαν* Corporis, præscribendo ordines & vias ad gubernationem Reipublicæ vel Oeconomix necessarias, ut sunt, Præcepta de Vestimentis heterogeneis, de diversis Seminibus, de Lacte & Carne, de regendo Sanguine, de Virgula decollata, de redemptione primogeniti Asini, & similia, quorum omnium explicationem, rationes veras ac demonstrationes adhuc ex me audies, exceptis tamen particulatibus circumstantiis, & paucis quibusdam aliis præceptis. Exponam enim tibi, quòd ista omnia & similia necessariò ad aliquam trium dictarum rerum faciant, vel sc. ad *σωτηρίαν* Animæ, vel ad *σωτηρίαν* Corporis, quæ duobus absolvitur, Ablatione Violentiæ, & Formatione honestarum Virtutum. Probè autem retine ea, quæ de Fidei dogmatibus diximus; quòd sc. quandoque præceptum aliquod Fidei aliquem explicet articulum, ita ut ille solus, & nihil aliud spectetur, prout est articulus de Unitate, Æternitate, & Incorporitate D E I; quandoque autem ita, ut credendus sit, vel ad aufere dam iniquitatem, vel ad acquirendos bonos mores: ut est illud, quòd D E U S irascatur contra eum, qui alium opprimit, sicut dicitur;

Exod. 22. 23.

*irasceturq; furor meus, & occidam vos.* Item illud, quòd D E U S statim exaudiat clamorem oppressorum & afflictorum.



## CAP. XXIX.

*De Abrahamo, quòd, cùm inciperet refutare  
Zabaistas, illorumq; Idololatriam oppugnare, à  
Rege fuerit incarceratus & relegatus. Alia  
quadam de illorum Idololatria  
& Fabulis, &c.*

**N**OTUM est, Abrahamum Patrem nostrum educatum esse in fide Zabæorum, qui statuerunt, Nullum esse DEUM præter *Zabaista Stellas habebant pro Diu.* Siellas. Sed cùm indicavero tibi in hoc capite Libros ipsorum, qui nunc inter nos extant translati in linguam Arabicam, & Annales ipsorum antiquos, ac exinde sententias illorum produxero, videbis, quòd expressè dicant, Stellas esse Divinas, (vel, *Deos minorum Gentium*), & Solem esse Deum Magnum. Ita dicunt quoque, reliquos quinque Planetas esse Deos, sed duo Luminaria esse Majores. Invenies quoque, illos clarè dicere, Solem regere Mundum superiorem & inferiorem. His ipsis verbis dicunt istud. Sic reperies quoque in dictis ipsorum Libris & Annalibus, quòd de Abrahamo in hunc sensum scribant; Cùm Abrahamus, qui educatus est in Cuthia, à *Fabula ipsorum de Patriarcha Abrahamo.* vulgo dissentiret & diceret, quòd præter Solem alius sit Creator, incepisse illos sic & sic ipsi objicere, & inter alias objectiones meminerunt quoque Operationum Solis evidentium & manifestarum in hoc Mundo. Abrahamum autè respondisse eis; Justus estis, h. e. Rectè dicitis, quia Sol est instar securis, quæ est in manu cædentis ipsi. Deinde meminerunt quoque objectionum quarundam, quas ipse movit contra illos. Et tandem scribunt, quòd Rex ipsum incarcerationis; sed hoc nihil obstante ipse perrexerit in carcere sese opponere. Quocirca Regem, cùm timeret, ne Regno suo detrimentum inferret, Hominesque à Religione sua abduceret, ipsum in fines usque Orientis, confiscatis omnibus ejus bonis, relegasse. Invenies hæc omnia manifestis verbis in libro, qui vocatur תעבורת הנביא. Eorum verò, quæ in Libris nostris Canonicis habemus, nullam faciunt mentionem, ut nec illius, quòd Prophetia ipsi oblata fuerit; quoniam refutare ipsum studebant, eò quòd sententiæ illorum male contradiceret. Ac certè nullum mihi est dubium, quin erronei illi spiritus, cùm ipsis contradiceret, omnis generis imaledictis &

convitiis illum profciderint. Et quia omnes illas injurias propter Dei gloriam patienter ferebat, (prout æquum est facere), idcirco dictum est ipsi: *Benedicentibus tibi benedicam, & maledicentibus tibi maledicam.* Cujus rei impletionem hodieque videmus, dum omnes Homines unanimiter ipsum admirantur, & in ipso benedicuntur, etiam illi, qui non sunt ex ejus semine. Nec quisquam est, qui huic rei contradicat, aut qui dignitatem & excellentiam ejus ignoret, nisi reliquæ quædam nationis illius abjectæ, quæ remanserunt in extremis Terræ partibus, ut infideles Turcæ in partibus quibusdam Aquilonis, & Indi in quibusdam Australis Terræ partibus. Illi enim sunt de reliquiis nationis Zabaiſtarum, quæ Genſ totum Terrarum orbem impleverat. Summus autem gradus, ad quem Philoſophi illius temporis in ſpeculatione ſua pervenerunt, fuit, quod exiſtimarunt, DEUM eſſe Spiritum Sphæræ vel Orbis cœleſtis; Orbes cœleſtes & Planetas eſſe Corpora, & DEUM Opt. Max. eſſe Spiritum illorum. Meminit hujus ſententiæ *Abubachar Alſaig* in Commentario ſuper librum *Ariſtot. de Audit.* Ideo omnes *Zabaiſtæ* crediderunt Antiquitatem Mundi, quia Cœli juxta illos ſunt DEUS. Inſuper exiſtimarunt, *Adamum primum* fuiſſe virum ex viro & ſœmina, ſicut reliqui Homines, progenitum. Sed tamen magnis laudibus ipſum evexerunt: dixerunt, illum fuiſſe Apoſtolum Lunæ, vocaſſe Homines ad cultum Lunæ, & Libros compoſuiſſe de Cultura Terræ. Sic de *Noah* dicunt *Zabaiſtæ*, quod fuerit Agricola, neque ipſi cultus Imaginum placuerit. Inde invenies, omnes *Zabios* vituperare *Noam*, & dicere, quod nullas coluerit Imagines. Item, quod in judicium vocatus, carcerique inclufus fuerit, ed quod DEUM Opt. Max. coluerit: & alia. *Scherhum* exiſtimant diſceſſiſſe à ſententia patris ſui *Adami* in cultu Lunæ. In ſumma, tanta mendacia profertur, ut nil niſi riſum iis concitent, & ſummam mentis ſuæ *appropinquat*, ac Philoſophiæ ignorantiam & imperitiā prodant. De *Adamo* dicunt, quod, cum ex climate, h. e. ex Terra *DNEN*, quæ Indiæ vicina eſt, egreſſus, & terram *Babel* ingreſſus fuit, multa mirabilia ſecum aſportaverit, & inter illa Arborem, flores, folia, & ramos auri habentem, Arborem item talem lapideam, folia item cujusdam Arboris ita viſcenciſ, ut folia ejus ab igne non conſumantur, & quæ ſub ſe comprehendere vel tegere poſſit decem millia virorum ſtaturæ *Adami*, quod duo ſecum folia geſtaverit, è quorum unoquoque duo Homines contegere vel veſtire ſe potuerint! Atque ſic multa alia narrant hujus generis admiranda! Miror autem illos, quod Mundi

æternitatem crediderint, & tamen rebus istis impossibilibus in Natura fidem adhibuerint! Intentio verò illorum in commemoracione Adami, & eorum, quæ ei attribuunt, ad nihil aliud tendit, quàm ad confirmandam sententiam de Æternitate Mundi, & ut inde porrò sequatur, Astra & Orbes esse DEUM.

Cùm autem egressus fuit Columna illa Mundi (Abrahamus), & didicisset, quòd DEUS sit abstractus, incorporeus, & omnes Orbes & Stellæ ipsius opera, vanitatumque istarum, in quibus educatus fuit, falsitatem intellexisset; cœpit sententias & dogmata illa refutare, ac publicè sese illis opponere, *Nomenq; DOMINI DEI Mundi* Gen. 21. 33. *invocare*, ita ut profiteretur, DEUM esse, & Mundum hunc creasse.

Porrò, secundum sententias illas Zabiorum crexerunt Stellis *Zabii Stellis crexerunt Imagines.* Imagines, & Soli quidem Imagines aureas, Lunæ verò argenteas, atque ita Metalla & Climata Terræ inter Stellas partiti sunt.

Dixerunt enim, Climatis N. DEUM esse Stellam N. Deinde Sacella ædificaverunt, Imaginesque in illis collocarunt, arbitantes, vires Stellarum influere in illas Imagines, easque Intelligendi virtutem habere, *Sacella item.*

Hominibus Prophetiæ donum largiri, ac denique, quæ ipsis utilia ac salutaria sunt, indicare. Ita dicunt de Arboribus, quæ sunt ex portione Stellarum illarum; cùm Arbor quædam Stellæ alicui dedicatur, nomini ejus plantatur, & hoc vel illo pacto colitur, quòd virtutes spirituales Stellæ in Arborem illam infundantur, ita ut secundum modum Prophetiæ cum Hominibus, ut prophetet, loquatur, & in Somnio etià illos alloquatur. Hæc omnia invenies in ipsorum libris, quorum mentionem feci. Atque hi sunt *Propheta illi Baalis, & Propheta Lucorum,* quorum in Libris Sacris mentio fit, in quorum animis sententiæ istæ tam alas radices fixerunt, *ut dereliquerint* 1. Reg. 18. 26. *Do MINUM, & clamarent ad Baalem, Exaudi nos!* Ista omnia proveniunt ex opinionum illarum divulgacione, & summâ ignorantia ac clementia, quæ tùm in Mundo regnabat. Atque ex hac Imaginacionum specie ortæ sunt sententiæ aliæ, è quibus fuerunt *Præstigiatores* (מְעִינִים), *Augures* (מַנְחָשִׁים), *Astrologi* (מַכְשָׁפִים), *Incantatores* (חֹבֵר חֵנֶר), *Consultentes Magos, Arioli* (יִדְעוֹנִי), & *Querentes ex mortuis.* Sed in magno nostro Opere. Talmudico exposuimus jam, quòd Abraham Pater noster p. m. rationibus incepit opiniones istas refutare, & lenibus ac placidis verbis corda Hominum ad verum DEI cultum pertrahere, donec in medium prodiit Princeps ille Prophetarum, & perfectè hūc negotium exequutus est, Infideles ejusmodi Homines morte mulctare, memoriam ipsorum delere, & è Terra Viventium exstir-

Deut. 7. 5.

Lev. 20. 23.

Prima Legis in-  
sentio est, Idolo-  
latrariam tollere.

extirpare iubens, (*Altaria, inquit, eorum destrueris, &c.*) vias quin-  
etiam ipsorum sequi serid interdicens, sicut ait; *Non ambulabis in*  
*statu Gentium, &c.* Nōsti enim ex pluribus Scripturæ locis, quod  
prima Legis nostræ intentio sit, Idololatriam tollere, memoriam  
illius, & omnium eorum, quæ illi adherent, aut Homini-  
bus ad illam  
vel minimam occasionem præbēt, delere; ut, Pythonum, Ariolorum,  
Traductionis per ignem, Divinatorum, Præstigatorum, Incanta-  
torum, Augurum, Astrologorum, Mortuos consulentium, &c. cave-  
re deniq; ne operibus illorum vel tantillum nos assimilemus, multo  
minus in illis ambulemus. Hinc dicitur expressè in Lege: Omne  
id, quod tanquam cultus aliquis Idolo præstatur; omnem item obla-  
tionem, quæ illi offertur, abominationi esse Creatori. Hoc quippe  
est, quod dicitur; *Quia omnem abominationem, quam odio habet, faciunt*

Deut. 12. 31.

Oblationes, quas  
Zababista Soli  
obtulerunt.

*Diis suis.* Invenies in libris ipsorum, quos tibi nominabo, quod *SOL*  
(Deo suo majori) obtulerint septem vespertiones, septem mures,  
& septem reptilia alia, cum certis quibusdam rebus; quæ sola suffi-  
cere possunt ad magnam illorum abominationem mortalibus osten-  
dendam. Itaque manifestam habent utilitatem omnia præcepta &  
interdicta, Idololatriam, & quicquid illi adhæret, ad eam permovet  
aut pertinet, prohibentia; quia faciunt ad nos ex pestiferis illis opi-  
nionibus eripiendos, quæ ab iis, quæ ad utramq; Corporis & Ani-  
mæ, perfectionem nobis profunt, nos in insanias illas deturbant, in  
quibus Patres & Seniores nostri educati fuerunt, sicut de illis dicitur  
Jof. 24. 2.  
*Dixitq; Jehosua ad universum Populum, Sic dixit DOMINUS DEUS*  
*Israël, Trans flumen habitaverunt Patres vestri a seculo, ut Therah pater*  
*Abraham, & pater Nahor, servieruntq; Diis alienis: & sicut de illis Pre-*  
*phetæ veri dixerūt; quod post vanitates, quæ nihil profunt, ambulaverint.*  
Quanta igitur est utilitas omnium illorū præceptorum, quæ nos ab  
hoc magno errore liberant, & ad veram de DEO fidem convertunt?  
docendo sc., quod DEUS in hoc Mundo sit, qui omnia creavit, quod  
Ipse sit colendus, diligendus & timendus; non verò illi, qui falso  
pro Diis habentur; & quod ad Voluntatem ejus perficiendam nulla  
res laboriosa requiratur, sed solum Ipsius Amor & Timor, quibus  
duobus totus cultus ejus perficitur, sicut tibi sum declaraturus. Hinc

Amere & Ti-  
more Dei cultus  
Divinus perfici-  
tur.

Deut. 10. 12.

Multorum pra-  
ceptorum ratio-  
nes didicit Au-  
thor ex fide &  
ritibus Zabab-  
istarum.

*Et nunc Israël, quid postulat DOMINUS DEUS tuus abs te, nisi*  
*ut timeas eum?* &c. Verum in sequentibus plenius hac de re dicam:  
nunc revertor ad propositum meum, & dico, quod multarū Legum  
rationes & causas mihi innotuerint ex cognitione fidei, rituum &  
cultus Zababiorum, prout videbis, quando illorum præceptorum  
causas

causas tibi sum expositorus, quæ nullas habere videntur. Recensebo tibi autem Libros quosdam, ex quibus & tu addiscere poteris ea, quæ mihi de fide & opinionibus Zabiorum sunt cognita; quòd reverà scias & intelligas illorum veritatem, quæ in præceptorum causis reddendis sum in medium prolaturus. Celeberrimus inter hos est Liber, qui vocatur *הכבוד הנכסח* (h.e. ut alii transferunt, *de Agricultura Aegyptiorum*), quem transtulit *Aben vachaschijab*. In capite sequenti verò docebo te, cur Zabii fidei suæ capita descripserint conjunctim cum Agriculturæ ratione). Hic Liber plenus est insaniarum Idololatricarum, & aliarum rerum, ad quas vulgò Homines propendent & inclinant; de Fabricatione sc. Imaginum loquentium, (Hebr. *הסלסטאום*, quam vocem ita transferre solent) de Descensu Spirituum familiarium, de Præstigiis, de Dæmoniis, de Diabolis, de Habitantibus in desertis, (quales fuerunt *Satyr*). Præterea continentur in eo multa alia ridicula, quibus tamen existimant se subtiliter refutare velle miracula illa manifesta (*Mosis* sc. & *Prophetarum*), ex quibus universi cognoscunt, quòd Deus sit judex omnium Hominum, sicut dicitur; *Ut scias, quòd DOMINUS sit Terra*, &c. Item: *Quia ego DOMINUS in medio Terra*. De Adamo primo narratur ibi, illum in Libro suo scripserisse, esse in India Arborem quandam, cujus ramus in Terram projectus instar serpentis reparat: Arborem item aliam, cujus radix habeat formam humanam, & vocem vehementem, ac distincta verba edat ac loquatur: Item, esse certam quandam Herbam, quæ si sumatur, ac in collo suspendatur, Hominem reddat invisibilem, ita ut non videri possit, quònam ingrediatur, vel unde exeat; quòd si verò de illa suffitus sub Cælo conficiatur, audiri in vicino Aëre fragores ac tonitrua horrenda, quamdiù fumus ille ascendit. Hæc & similia multa deliria narrantur ibi de mirandis virtutibus Plantarum & proprietatibus Agriculturæ, quibus miracula conantur evertere, ac quòd singulari tantum solertiâ & industriâ fiant, persuadere. Ex illis est etiam fabula illa de Arbore *אטלי* quæ est quoque ex *Ascherorb*, h.e. *Lucis*, sive *Arboribus in honorem Deorum plantatis*, quibus, ut ostendi, serviebant. Ajunt; Arborem illam stetit in Nineve 12000 annis, & litem ipsi intercessisse cū *Jabruach*, h.e. *Mandragora*, propterea quòd hæc locum ejus occupare vellet: ac Virum quandam, qui prophetavit virtute arboris *אטלי*, prophetiâ ad tempus privatum fuisse; postea verò cū iterum ad prophetandum ipsum impelleret, significasse ei (*Arborem* sc. *אטלי*), se occupatam fuisse in judicio cum *כרוי* h.e. *Mandragora*; itaque præcipere ei, ut

*Fabula, quas Adamo affingunt Zabaisia.*

*Fabula de duarum Arborum יכרוס & אטלי contentione.*

scribat ad omnes iudices, ut iudicent inter illas, ac pronuncient, quænam meliorem & maiorem in præstigiis vim haberet, אסלר an ברות *Mandragora*? Prolixa admodum illa est fabula. Ex illa autem, si probè eam consideraveris, addisces sententias & sapientiam Hominum illorum. Et hi tamen fuerunt Sapientes Babelis, in magna existimatione habiti in temporibus illis obscuris; ista enim sunt, in quorum fide educati fuerunt. Ac nisi mensura illa cognitionis de existentia DEI esset, quæ nunc inter Gentes est divulgata, essent isti nostri dies maioribus tenebris adhuc involuti, quàm illi. Sed reverter ad propositum meum.

De Tham-  
mus  
Pseudo-Propheta.

Narratur quoque in Libro illo fabula de Pseudo-propheta quodam Idololatrico, cuius nomen erat *Thammus*; quòd, cum vocaret Regem ad colendos septem Planetas & duodecim signa Zodiaci, ac à Rege ignominiosè interficeretur, illà nocte, quâ interfectus fuit, omnes Imagines ab extremitatibus Terræ convenerint in Palatio, quod in Babylonia Imagini magnæ aureæ, Imagini videlicet Solis, inter Cælum & Terram pendenti, erectum erat. Ibi Imaginem illam (*Solu* sc.) in medio procidisse, reliquis Imaginibus in circuitu ejus circumstantibus, ac Thammusum defflere vel plangere, & quid ei contigerit, narrare cepisse; reliquas Imagines plorasse, & totà nocte lamentatas esse: Aurorà verò ascendente omnes simul avolasse, & in Tempia sua in extremas Terræ oras reversas esse. Hinc consuetudinem introductam esse, ut primo die mensis *Thammus* (h.e. Junii) lamententur, lachrymentur, plangant & lugeant propter Thammusum (Pseudo-prophetam). Vides itaque, quales opiniones foverint illius temporis Homines. Antiqua autem valde est historia de Thammus apud Zabios; sed ex illo libro addisces maximam partem deliriorum, operum & fessorum Zabaiitarum. Id verò, quod narrant de Adamo primo, de Serpente, de Arbore scientiæ boni & mali, de Vestimentis, quòd antea non in usu fuerint, cave, ne intellectum tuum abripiat, & existimes, illa verè Adamo vel alii contigisse. Illa enim omninò nunquam fuerunt in rerum Natura. Verùm si leviter tantùm & superficialiter rem consideres, deprehendes, quòd falsa sint ea omnia, quæ in hac fabula narrantur, & conficta ab illis, posteaquàm Lex nostra Gentibus innotuit, & historiam Operis *Bereschith* h.e. Creationis audiverunt. Tùmen enim illi statim omniam secundùm sensum litteralem acceperunt, & fabulas illas effinxerunt, ut Homines simplices ista audientes persuadeantur, ac si Mundus esset Antiquus, & illa, quæ in Lege narrantur, ita, ut ipsi defi-

definiunt, gesta essent. Quamvis autem tu non opus habeas hac admonitione, quia jam instructus es talibus scientiis, quæ prohibent, ne animum apponas ad insanias istas Cædæorum, Chaldæorum & Zabiorum omni sapientiâ (quæ quidem reverà ita nominari meretur) carentes, nihilominus tamen illa ad alios præservandos monere volui; quia Vulgus nimis est facilis ad fidem fabulis istis adhibendam. Ex Libris porro illis sunt quoque, *Liber Haislamchus*, *Libri Zabaiſtarum*, qui Aristoteli, sed falsè, attribuitur; *Liber item Hattel esmaorh* (h.e. de Imaginibus loquentibus); *Liber Tamtam*; *Liber Hassi barabb* (השרב); *Liber Maaloth baggalgal vchazzuroth haaloth becol maaleh* (h.e. Liber de gradibus Orbium cælestium & figuris ascendentibus in unoquoque gradu); *Liber alius de Imaginibus loquentibus*, qui etiam attribuitur Aristoteli; *Liber quidam*, qui attribuitur Hermeti; *Liber Isaaci Zabii*, in quo disputat pro Lege Zabiorum; *Liber item illius magnus de Consuetudinibus, & particularitatibus Legi Zabiorum*: ut, de illorum Festis, Sacrificiis, Precationibus, & aliis ad Fidem ipsorum spectantibus. Hi omnes sunt Libri de rebus Idololatricis tractantes, & in linguam Arabicam translati: nec dubium est, quin exigua pars sint respectu illorum, qui non sunt translati, vel qui non amplius extant, sed longitudine temporis perierunt. Illi autem, qui inter nos extant, complectuntur maximam partem opinionum & operum Zabiorum, quorum quædam adhuc hodiè in Mundo nora & usitata sunt: ut, Exstruatio Templorum, & Figurarum tum fusilium, tum lapidearum in illis collocatio; Altarium erectio, & Sacrificiorum, variorumque ciborum generum super illa oblatio; Festorum Celebratio; ad Preces & alios cultus Templorum illorum, in quibus Loca magnifica valdè (quæ Tempora formarum Intellectualium appellant) exstruunt, congregatio; Figurarum super montes excelsos positio; Lucorum sive Arborum illarum reverentia; Statuarum erectio; & alia, quæ ex illis Libris, de quibus te instruxi, potes petere. Cognitio autem istarum opinionum & scientiarum est porta magna (h.e. multum infervit) ad reddendas Præceptorum caussas. Nam totius nostræ Legis fundamentum & cardo, circa quem vertitur, est, sententias illas à cordibus Hominum delere, & memoriam illarum extirpare, sicut dicitur; *Neseducat cor vestrum*, &c. Item; *Cujus cor avertat se hodiè*, &c. Item; *Sed altaria eorum destrueris, & lucos illorum combureris igne, nomenq. ipsorum perderis*, &c. Atque hæc duo passim in Lege repetuntur & inculcantur. Hæc etiam prima ac principalis totius Legis nostræ fuit Intentio, sicut nos docuerunt Sapientes no-

Deut. 11. 16.  
Deut. 12. 13.  
Deut. 12. 3.



Deut. 15. 23.

stri in expositione trita illius, quod DEUS ait; *Quicquid præcepit vobis DOMINUS per manum Moſis. Dixerunt: Ecce, diſcu hinc, quodd, quicunq, conſirerur Idololatriam, habeatur pro eo, ac ſi totam Legem abnegaffet: & quicunq, abnegat Idololatriam, pro eo, ac ſi totam Legem confeſſus eſſet.*

## CAP. XXX.

*Quare Antiqui Idololatræ Agriculturam  
& cultum ſeu venerationem Stellarum  
conjunxerint?*

*Zabaſſand ſcri-  
bunt Stellis ſœ-  
cunditatem Ter-  
ræ.*

QUOD ſi conſideraveris opiniones illas antiquas & infirmas, apparebit tibi, in confeſſo quaſi apud illos fuiſſe, quodd per cultum Stellarum exulta & ſœcunda reddatur Terra. Hinc Sapientiores, Doctiores & Religioſiores inter ipſos, prædicabant & indicabant Hominibus, quodd Agricultura, quâ Homines ſubſiſtunt & conſervantur, ab ipſorum voluntate dependeat, ſi nempe Solem reliquaque Aſtra debito cultu venerentur; ſi verodd peccatis ſuis illa offendant, urbes & agros vaſtari. Scribunt in Libris ſuis, quodd propter iram Martis deſerta & deſolata loca careant aquis ac arboribus, & Dæmones horrendi loca illa incolant. Summis laudibus extollunt Agricolas, Vinitores, propterea quodd laborant in excolenda & habitabili reddenda Terra, tanquam ſummo Aſtrorum deſiderio & voto.

Cauſſa, propter quam Idololatræ magnificiunt Boves & Armenta, eſt, quodd magnam utilitatem præbent in Agricultura: ita ut dixerint, Non eſſe permiſſum illa maſtare, quia magnæ virtutes & commoda ex illis ad Homines redeant ab Aſtris propter Agriculturam; ſubjecta tamen eſſe Homini cum virtutibus ipſorum, quia DEUS illorum uſu delectatur, quem in Agricultura præbent. Hiſ itaque opinionibus inter Homines ſparſis, conjunxerunt cultum Idolorum cum cultu Terræ, eodd quodd cultura Terræ ſit Hominibus & multis Animalibus neceſſaria. Sacerdotes autem Idolorum concionabantur Hominibus in congregationibus & cœtibus Eccleſiaſticis, illorumq; animis imprimebant, propter ejusmodi cultus Pluviam de Cœlo deſcendere, Arboreſ agri fructus ferre, Terram ſœcundam reddi. Attende quid dicant in Libro de Agricultura Aegyptiorum, ubi de Vineis ſermo habetur, ſicut ibi clara invenientur ipſorum verba. Dicunt, Sapientes & Prophetas ipſorum

an-

antiquos præcepisse, ut diebus festis certis instrumentis Muscis coram Imaginibus ludant, eò quòd Dii illis, qui hæc faciunt, benefaciant, & amplas remunerationes largiantur. Atque harum promissionum multas admodum fecerunt species: ut, quòd longævam vitam sint habituri; quòd morbi ab illis auferendi; quòd à magnis vitiis sint conservandi; quòd Terra proventum suum sit datura, & Arbores fructus ad satietatem prolaturæ. Huc-usque sunt verba Zabiorum. Cùm igitur tantoperè opiniones istæ divulgari & obtinere cœpissent, placuit Deo Opt. Max., pro immensa sua erga nos misericordia, errores istos ex animis nostris evellere, & tantos labores à corporibus nostris, per laboriosarum & inutilium istarum actionum abolitionem, auferre; deditque nobis Legem suam per manum Moïsis p.m., qui nobis in DEI Nomine indicavit, si Altra aliaque Corpora cœlestia coluerimus, Pluviam cessaturam, Terram infœcundam & sterilem futuram, Arbores fructus suos non daturas, varia mala temporibus, & vitia corporibus eventura, vitam denique nostram decurtatam iri. Ista namque omnia verba sunt fœderis, quod nobiscum Deus pepigit, & invenies illa passim in tota Lege; quòd videlicet ex cultu Stellarum sequatur Cohibitio pluviae, vastatio Terræ, corruptio temporum, ægritudo corporum, decurtatio dierum (h.e. *vita*); & econtrà, quòd ex intermissione illius & conversione ad cultum DEI sequatur descensio pluviae, fœcunditas Terræ, bona tempora, sanitas corporis, & longa vita, contrà quàm Hominibus concionati sunt cultores Idolorum, ut ad colenda ea ipsos permoverent. Fundamentum enim Legis est, opinionem illam ex animis Hominum tollere, memoriamque ejus extirpare.

## CAP. XXXI.

*Respondet illis, qui existimant, nullas Præceptorum reddi posse rationes.*

SUNT quidam Homines, quibus difficile admodum est, Præcepti alicujus causam reddere, ac propterea viderur, nullius præcepti vel prohibitionis rationem posse intelligi. Quod autem eos huc permovet, est morbus, quem in animis suis invenerunt, quem non exprimere aut eloqui possunt. Existimant enim, si Leges istæ utilitatem aliquam in hoc Universo habeant, & propterea nobis

datæ sint, videri posse, ac si ex ratiocinatione & intellectu Hominiæ intellectu præditi proveniant : sed si ratio & utilitas illarum non possit intelligi, tùm extra omne dubium esse, quòd à Deo originem suam trahant; cùm ratione humanâ non possint apprehendi. Verùm insipientes illi hoc pacto Hominem perfectiorem faciunt Creatore ejus, Homo etenim juxta illos, quicquid dicit, vel agit, certo sine agit : Deus autem nequaquam, sed præcipit nobis id, quod nec ullam nobis affert utilitatem, si faciamus; nec damnum, si intermittamus. Absit autem hoc, absit inquam à Creatore! Contrario enim modo res sese habet; Intèrio quippe tota Præceptorum est, ut nobis prosint, sicut explicuimus ex dicto illo; *Ut bene sit nobis omnibus diebus, ad vivificandum nos sicut hoc die.* Et in hunc sensum dicitur quoque; *Qui audierint omnia statuta ista, &c.* Item; *Tantum Populus sapiens & intelligens, Gens magna ista.* His namq; verbis ostenditur, *Statuta* etiam omnia docere cunctas Gentes, quòd summam contineant sapientiam & intelligentiam. Quòd si autem essent res, cujus causa esset abscondita, quæ nullam utilitatem afferreret, vel detrimentum averteret; quare quæso diceretur de credentibus vel facientibus illa, quòd sint Sapientes, Intelligentes, Magni, & Gentibus cunctis admirationi? Sed circa dubium res se habet, sicuti declaravimus, quòd sc. unumquodque sexcentorum & tredecim Præceptorum profit, vel ad salutatis alicujus opinionis fidem generandam, vel ad perversam aliquam evellendam, vel ad ordinem aliquem bonum instituendum, vel ad iniquitatem tollendam, vel ad honestas & laudabiles virtutes excitandum, vel denique à malis & turpibus vitiis dehortandum, quæ omnia ad tria capita revocari possunt, Fidem sc., Mores, & Actiones Practicas in vita Civili. Quòd autem singula hic speciatim non enumeremus, ejus rei causa est; quòd omnia illa, quæ Lex vel præcipit, vel prohibet, contineant vel doctrinas de Actionibus Civilibus & Politicis, vel de Rebus credendis, vel de Moribus: ac proinde sufficiunt nobis hic tria ista capita, in reddendis Præceptorum causis.

Deut. 6. 24.

Deut. 4. 6.  
Ibid.

## CAP. XXXII.

*Sicut omnia Opera DEI Naturalia, ita quoque ejusdem Præcepta suas habere causas & rationes. Oblationum & aliorum quorundam Præceptorum origo, &c.*

**S**I consideres Opera DEI Naturalia, manifestabitur tibi ex illis sceleritia & sapientia summa Creatoris in Animalium creatione, & motus partium ipsorum subordinatione ac colligatione. Sic eadem sapientia & industria lucet in subordinatione singulorum membrorum in Homine, si ordine considerentur. Exempli causâ, ad ostendendam subordinationem istam motuum & colligationis membrorum; Cerebri pars anterior est mollissima, posterior verò non nihil dura: spina dorsi adhuc durior; & quanto magis protenditur, tantò quoque est durior. Nervi sunt instrumenta sensûs & motûs. Et sunt quidam, qui necessarii sunt tantùm ad apprehensionem sensuum, idque cum motu exiguo, qui non nisi levissimo labore constat, ut est motus palpebrarum & maxillæ; & hi oriuntur ex cerebro: quidam verò, qui necessarii sunt ad motum membrorum; & hi oriuntur ex spina dorsi. Quandoquidem autem isti nervi propter teneritudinem suam, licet ex medulla spinæ dorsi oriantur, juncturas membrorum movere nequeunt, ideò, sapienti consilio DEI, è nervo exeunt fibræ, quæ replentur carno, & sunt muscoli; deinde ab extremitate nervi exir musculus, qui incipit crassescere & conjungi cum funibus scissionum durarum, sitq; Tendo, qui postea adhæret & adjungitur membro; & tùm demùm potest nervus membrum movere. Hoc unicum exemplum adducere hîc volui ad subordinationem istam declarandam, quia est manifestissimum ex admirandis illis, quæ habentur in Libro *de Utilitate partium*, quæ singulæ sanè suas habent manifestas utilitates, si intellectu claro considerentur. Eandem sapientiam & sagacitatem spectandam nobis proposuit Deus in unoquoque Individuo Animalium latentium. Quia enim, cùm nascuntur, sunt tenerrima, neque sicco cibo alii possunt; ideò adaptavit eis ubera ad lac generandum, ut humido ejusmodi cibo, temperamento membrorum ipsorum convenienti,

*Quemodum membra in Homine sibi invicem subordinentur.*

ti, nutriantur, donec ordine & gradatim exsiccentur & confortentur. Ac similem planè gubernationis DEI Opt. Max. modum observare licet in rebus multis in Lege nostra, quia non licet subito & momento quasi transire à contrario uno ad alterum; & per consequens, secundum Naturam Hominis fieri non potest, ut momento relinquat id, cui longo temporis spatio est assuetus. Cùm itaq; misit DEUS Mosen Doctorem nostrum p. m., ut nos faceret regale Sacerdotium, Gentem sanctam primò in cognitione DEI Opt. Max., sicut dicitur; *Ostensum tibi est, ut scires, &c.* Item; *Scito ergo hodie, & revocato ad cor tuum, &c.* Deinde in cultu DEI, sicut dicitur; *Et ad colendum eum ex toto corde vestro.* Item; *Et servietis DOMINO DEO vestro.* Item; *Et ipsi servietis.* Et usitata tùm in Mundo consuetudo erat, cui omnes assueti, & cultus universalis, in quo omnes erant educati, ut variae Animalium species in Templis illis, in quibus Imagines collocabant, offerrentur, coram illis procumbere, & adoleretur; certi insuper quidam essent cultores sequestrati quasi & ad cultum illum destinati, qui in Templis illis, in honorè Solis, Lunæ, reliquarumq; Stellarum exstructis, exercebatur, sicuti ostendimus: idèò noluit Sapientia & Providentia DEI, quæ in omnibus ejus creaturis lucet, mandare, ut cultus illi omnes derelinquantur aut aboleantur. Hujus enim rei cor humanum, quod perpetuò ad id inclinat, cui est assuetum, naturaliter non fuisset capax; ac proptereà perinde fuisset, ac si hoc nostro tempore Propheta aliquis veniret, qui nos ad cultum DEI vocare vellet, ac diceret; DEUS præcipit vobis, ne oretis, ne jejunetis, ne quærat is salutem ejus in die angustiae, sed ut cultus vester totus consistat in cogitatione, non in opere. Propter hanc itaque causam retinuit DEUS adhuc cultus, eosq; à rebus creatis & phantasmatis, quæ nullam veritatem habent, ad Nomen suum venerandum transtulit, & præcepit nobis, ut illas exhibeamus Ipsi. Ita præcepit, ut Ipsi ædificemus Tempia, sicut dicitur; *Et facient mihi Sanctuarium:* ut Altare Nomini ejus sit consecratum; *Altare Terræ facies mihi:* ut sacrificia ipsi offerantur; *Homo cùm sacrificium ex vobis obtulerit DOMINO:* ut nos incurvemus, & suffitum faciamus coram Ipso. Similiter è contrario prohibuit, ne istiusmodi opera fiant aliis: ut, *Qui sacrificat Dñs, internecioni devovebitur, &c.* Item; *Non incurvabitur DEO alii.* Sic Sacerdotes ad cultum Sanctuarii separavit, de quibus ait; *Et Sacerdotio fungentur mihi:* & postulavit, ut ordinentur ipsis dona sufficientia; quia occupati sunt in domo & oblationibus ejus: *Dona videlicet, quæ Sacerdoti & Levitarum dicuntur.* Consilium autem

Deut. 4. 35.  
Ibid. v. 39.  
Deut. 11. 13.  
Exod. 23. 25.  
Deut. 13. 4.

*Deus non planè  
abolevit cultus  
Idololatriæ; sed  
illos à rebus  
creatis ad No-  
randum transtulit,  
men suum trans-  
tulit.*

Exod. 15. 8.  
Exod. 20. 24.  
Lev. 1. 2.

Exod. 22. 19.  
Exod. 34. 14.

Exod. 28. 41.

autem in hac Divina Sapientia fuit, ut memoria Idololatriæ deleatur, & fundamentum illud magnum de Existentia & Unitate DEI in Gente nostra confirmetur, nec tamen animi Hominum propter cultuum illorum abolitionem, quibus assueri erant, obstupescerent, vel alios cultus scirent.

Novi autem, animam tuam in principio cogitationis non assensuram isti rei, sed difficilem admodum tibi vituram, & quæsiturā ex me; *Quomodo fieri possit, ut præcepta & opera tam clarè explicata, certa sua tempora habentia, non sint instituta propter sese, sed propter aliud; quasi sc. essent inventum à DEO excogitatum ad nos ad Intentionem primam ducendos? & Quidnam ipsum impediverit, quod minùs nobis Intentionem suam primam præceperit, & facultatem recipiendi eam concesserit, ita ut non opus fuisset illi, quæ existimas esse ex Intentione secunda?*

Audi igitur responzionem meam, quæ ægritudinem istam tibi ex animo auferet, & veritatem illius rei, quam te docui, deteget. Occurrit in Lege simile quid planè huic rei: id videlicet, quod dicitur; *Et non duxit eos DEUS per viam Terræ Philisthæorum, &c. Et circumduxit DEUS Populum per viam deserti Maris algosi, &c. Quemadmodum ergo DEUS illos deduxit à via recta, quæ principaliter fuit intenta, propter timorem rei alicujus, quam secundum naturam suam non poterant portare, in viam aliam, ut pervenirent ad Intentionem primam: ita præcepit DEUS ista præcepta propter timorem rei illius, quam anima nostra naturaliter portare non poterat, ad Intentionem primam assequendam, Apprehensionem videlicet DEI Opr. Max., & Derelictionem Idololatriæ. Nam sicut non est in natura Hominis, ut is, qui quotidie laborat in opere cæmentario & laterario, vel simili aliquo artificio, manibus suis à sordibus lotis, statim abeat ad præliandum cum Gigantibus; ita quoque non est in natura ejus, ut in variis istis operum, cultuum & ceremoniarum speciebus educatus (ad quas anima ejus tantoperè inclinat, ut illa pro Intelligibili primo habeat) uno momento illa omnia relinquat & deferat: & quemadmodum ex singulari sapientià DEI circumducti fuerunt (Israhelita) in deserto, ut nempe fortitudinem discerent; (notum enim est, quòd quotidiana conversatio in deserto, rarus deliciarum & voluptatum corporis, ut balneorum, & similium rerum, usus, Fortitudinem generent, sicut contraria Mollitiem); & tamen filii ipsi nati sunt, qui non erant assueti operibus illis humilibus & servilibus: omniaq; hæc facta fuerunt ex specialibus mandatis DEI, sicut dicitur; *Secundum os DOMINI castrametati sunt, & secundum os**

Exod. 13. 17.  
Ibid. v. 18.

Num. 9.

*DOMINI proficiscebantur. Custodiam DOMINI custodiverunt secundum os DOMINI per manum Moysi: ita hæc quoque Legis pars ex singulari consilio DEI provenit, ut remaneant in specie cultus consueti, & tamen exinde discerent Fidem illam, quæ est Intentio prima.*

*Alteram quæstionis tuæ partem quod attinet, Quisnam impediverit DEUM, quod minus nobis præceperit Intentionem suam primam, & facultatem dederit eam accipiendi? posset eodem modo ex te quæri & dici, Quisnam impedivit DEUM, quod non duxerit Israelitas per Terram Philisthæorum, & dederit ipsis virtutem & facultatem belligerandi, ut non opus fuisset circumfusione illâ in columna Nubis interdum, & in columna Ignis noctu?*

*Quin-imò & tertia quæstio tibi hic moveri posset de causa promissionum Divinarum, quas promisit pro observatione præceptorum, & cominationum, quas contra transgressores est comminatus, ac dici; Quandoquidem prima DEI Intentio & Voluntas fuit, ut credamus isti Legi, & faciamus secundum omnia, quæ præcepta sunt in ipsa; quare non dedit nobis facultatem illam recipiendi & faciendi semper, ut non opus habuisset hoc consilio, quod benefactorus nobis sit, si serviamus ei, & nos puniturus, si rebellemus, neque beneficii vel pœnis illis nos afficere; ista enim omnia inserviunt eò, ut in nobis assequatur Intentionem suam primam? & quid impedivit eum, quod non dederit nobis Voluntatem faciendi cultum illum, qui ei placet; & à natura fugiendi illum, quem detestatur?*

*Responsio autem ad tres istas quæstiones, & illis similes, eadem est; videlicet, quod licet DEUS miraculosè quandoque mutet naturam Singularis alicujus in cæteris Entibus, nullo tamen modo per miraculum mutet naturam Hominum. Hujus fundamenti causa dictum est; *Quid dicit, ut sit cor eorum istud illud &c.* Et propter hanc quoque causam data sunt Præcepta & Promissiones, Præmia & Pœnæ. Doctrinam autem de Miraculis in aliquot locis Libri hujus nostri jam exposui. Quod verò dixi, non ita intelligo, ac si crederem, Impossibile esse DEO Naturam Hominum mutare: possibile enim hoc omninò est, & sub potentiam ejus cadit; sed quod nolit id facere, nec unquam Voluntas ejus futura sit secundum Legis nostræ principia. Etenim si Voluntas DEI esset, unumquemque Hominem mutare ita, ut eum esse veller, non opus fuisset Prophetas mittere, vel Legem promulgare.*

*Sed redeo ad propositum meum, & dico; Cùm ista species cultus*

*Divi-*



Divini, Oblationes nempe, sint secundum Intentionem secundam; Invocatio verò, Precatio & similia cultûs Divini genera magis sint propinqua Intentioni primæ, & necessaria ad illam assequendam, idcirco D E U M magnam inter duas istas species constituisse differentiam. Istæ enim Oblationes & Sacrificia, licet fiant in honorem D E I Opt. Max., tamen non ita nobis sunt faciendi, sicut à principio fiebant, ut videlicet in quovis loco & quovis tempore offerre, Templum pro lubitu nostro edificare, quicquid placuerit, offerre, cuilibet, cui adlubuerit, hoc munus sibi vendicare, sit permissum; sed prohibita sunt nobis ista omnia, & certa domus huic rei fuit assignata, sicut dicitur; *In loco, quem elegerit D O M I N U S*: extra quam Sacrificia offerre non licebat; *Cave tibi, ne offeras holocausta tua in quovis loco, quem videbis*: nec nisi certa familia Sacerdotio fungi poterat; & hæc omnia ad cultûs istius genera diminuenda, ut nihil nempe fieret, nisi quod D E U S non jussit intermittere. Verum Precatio & Deprecatio permissa est in omni loco & cuivis, ut & *Zizit* Peniculamenta in oris vestimentorum, *Mesufab* Scheda, quæ in postibus januarum absconditur, *Thephillin* Oratoria, sive Lora illa, quorum in precibus usus est, & alia similia. Hac de caussa, quam nunc tibi aperui, invenimus sæpissimè Prophetas reprehendere Homines ob nimium studium & nimiam diligentiam in adducendis oblationibus, & illis inculcare, quòd non principaliter & per se intendantur, neq; D E U S illis opus habeat. Sic ait Samuel; *Nunquid voluntas D O M I N O est in holocaustis & victimis, ut in obtemperando voci D O M I N I?* Item Jesajas; *Ad quid mihi multitudo Sacrificiorum vestrorum, dicit D O M I N U S?* Et Jeremias; *Non sum loquutus cum Patribus vestris, nec præcepit ei die, quo eduxi eos de terra Aegypti, de holocaustis & victimis. Sed verbum hoc præcepi ei, dicendo; Obtemperate voci meæ, & ero vobis in D E U M, & eritis mihi in Populum*: quæ Prophetæ verba scrupulum moverunt omnibus, quos mihi videre & audire contigit. Dicunt enim; Quomodo dicit Jeremias de D E O, quòd non præceperit nobis Sacrificia & Holocausta, cum maxima pars Præceptorum circa hoc tantum sit occupata? Sed scopus verborum ipsius is est, quem indicavi tibi. Dicit; Prima Intentio utique est, ut apprehendatis me, neque alii serviat, ut ego sim vobis in D E U M, & vos mihi in Populum. Hoc autem Præceptum de Oblationibus & de Domo mea datum est in hunc finem, ut exinde ad utilitatem vestram hoc disceretis: & eà de causâ quoque transtuli illos cultus ad Nomen meum, ut omnis Idololatriæ memoria deleatur, & Unitas mea confirmaretur. Vos

Deut. 12. 16.

Deut. 12. 13.

1. Sam. 15. 22.

Jes. 1. 11.

Jerem. 7. 22.

Jerem. 5. 12.

Jerem. 5. 19.

&amp; 7. 9. 10.

verò venistis, & finem illum irritum reddidistis, cultuique externo adhæsisistis. Nam dubitastis de existentia mea, sicut dicitur; *Negaverunt DOMINUM, & dixerunt, Non est ipse*: & Idolis serviistis, Baali adolevistis, post Deos alienos ivistis, & ad Domum meam venistis, &c: adhæsisistis & respexistis solum ad Templum DOMINI, & ad oblationes, quæ non erant prima & principalis Intentio. Sed alio quoque adhuc modo versus istos Prophetæ possum expo-

*Prima præcepta  
Dei non fuerunt  
de Oblationibus  
& Sacrificiis.*

nere, qui eundem, quem diximus, sensum exhibet. Constat ex Scriptura & ex Cabbala simul, quòd principium Præceptorum nobis datorum non sint verba de Holocaustis & Sacrificiis, (h.e. quòd *prima præcepta, quæ nobis data sunt, non fuerint de Holocaustis & Sacrificiis*). Nec enim opus est, ut ullo modo defatigēs intellectum tuum in Paschate Ægypti; nam illud propter manifestam causam factum est, sicuti ostensurus sum: ac præterea datum fuit in Terra Ægypti; illa autem, de quibus hic agitur in isto Prophetæ Jeremiæ loco, fuerunt præcepta post exitum ex Ægypto: unde dicitur ibi; *In die, quo eduxi vos à Terra Ægypti*. Primum etenim præceptum, quod post exitum ex Ægypto datū est, fuit illud, quod in Mara accepimus, quando dictum nobis fuit; *Si audiendo audiveris vocem DOMINI DEI tui, &c.*

Exod. 15. 26.

Ibid. v. 26.

*Ibi posuit ei Statutum & Judicium, &c.* Et certa quædam est Cabbala, in qua dicitur; *Sabbatum & Judicia in Marah deponam. Statutum* itaque, cujus ibi mentio fit, est *Sabbatum*; *Præceptum* verò, sunt *Judicia*, Sublatio nempe omnis iniquitatis. Et hæc est Intentio prima, sicuti suprà docuimus; Volo dicere, Fides opinionum verarum, ut, Novitatis Mundi: (nōsti enim principale fundamentum præcepti de Sabbato esse, ut hoc dogma confirmetur & roboretur, sicuti *parte 2. cap. 31. hujus Libri* ostendimus): deinde, præter fidem hanc opinionum verarum, Sublatio iniquitatis inter Homines. Propterea liquet tibi, quòd prima præcepta non fuerint de Holocaustis & Sacrificiis, quia sunt secundum Intentionem secundam. Et hoc, quod Jeremias inquit, est illud ipsum, quod in Psalmis legimus, ubi Populus redarguitur, quòd ignoret Intentionem primam, & inter ipsam &

Psal. 50. 7. 8. 9.

Intentionem secundam non distinguar. Sic dicitur ibi; *Audi Popule mi, & loquar Israël, & testificabor tibi: Deus tuus ego sum. Non super Sacrificia tua arguam te, nec super Holocausta tua, quòd non fuerint coram me semper. Non accipiam de domo tua juvenum, nec de septu tuū bircos.* Et

sic in quovis loco, in quo hæc vel similia repetuntur,

hæc est intentio, quod te considerare

& observare jubeo.

## CAP. XXXIII.

*Quòd Lex externam immunditiem & impuritatem tollat post purificationem cordis.*

**E**X generali Legis intentione inter alia est, Cupiditates & desideria exterminare, contemnere, nec nisi ad necessitatem illa permittere. Nôsti, majoris Hominum partis unicum desiderium & summam voluptatem consistere in immodico cibo, potu & Venere. Ista autem sunt, quæ & perfectioni Hominis ultimæ (*In intellectus sc.*) & perfectioni primæ sunt perniciofa, quæq; omnia ferè Politicæ & Oeconomix negotia conturbant. Nam cùm tantum pravis nostris concupiscentiis indulgemus, ut fatui quidam solent, tum Appetitus speculativi cessant, corpus nostrum corrumpitur, Homo ante tempus suum naturale obit, curæ & sollicitudines multiplicantur, odiû & invidia vel zelus augentur, contentiones denique, bella, rapinæ suscitantur.

Causa hujus rei est, quòd stolidi Homines Voluptatem suam tanquam summum bonum, summumque suum finem sibi proponant.

Huic ergo pesti maturo consilio mederi voluit Deus, dum præcepta dedit, quæ imaginarium istum finem tollerent, & cogitationes nostras inde abstraherent, omniaque ea, quæ ad voluptatem spectare videntur, prohibere: id quod præcipua Legis nostræ est Intentio. Nónne enim vides, quàm severè Lex præcipiat morte mulctare eum, qui nimiam voluptatem in cibo & potu querere deprehenditur, eum nempe, qui in Lege vocatur *Filius rebellis & declinans, epulo item & porator*. Juber namque Lex lapidare illum & maturè è medio tollere, antequàm latius ejus malitia progrediatur, ut tandem etiam cædes perpetret, aliisque Hominibus gulolitate suâ noceat ac molestus sit.

*Legis Intentio est cupiditatum excessus & refrenatio:*  
Deut. 21.

Sic è generalibus Legis intentionibus est quoque, ut Homo sit placidus, mansuetus, erga proximum suum officiosus, non durus ac difficilis, sed voluntatem amicorum suorum faciens, petitiones ipsorum exaudiens, & votis annuens. Nôsti enim præceptum Divinû; *Circumcidite igitur praputium cordis vestri, & cervicem vestram ne indure* in ultrà. Item; *Auscultate & audi Israël.* Item; *Si volueritis & audieritis.*

*Charitas erga proximum:*

Deut. 10. 16.  
Deut. 27. 9.  
Jerem. 29.

Sic dicitur de iis, qui parati & prompti sunt recipere, quod recipiendum est; *Et audiemus atq; faciemus: & alibi parabolicè; Trahe me post te, curremus.*

*Sanctimonia:* Post-hæc, Puritas & Sanctitas quoque est ex Legis nostræ Intentionibus; h.e. Continentia & Abstinencia à rebus Venereis, sicut infra sum explicaturus. Cùm enim D E U S iussit sanctificare Populum ad Legem suscipiendam, dixit; *Sanctifica eos hodie & cras:* Item; *Ne appropinquetis uxoribus:* manifestè docens, quòd Sanctificatio sit Continentia à Venere; sicut alibi ait, quòd Abstinencia à Vino sit Sanctitas, de Naziræo inquires, *Sanctus eris.* Sic legimus in libro *Siphra;* Sanctificare vos, & estote sancti: *Hæc est sanctitas Præceptorum.* Quemadmodum autem Scriptura impletionem & observationem Præceptorum illorum vocat Sanctitatem & Puritatem; sic illorum transgressionem, & rerum turpium perpetrationem vocat Impuritatem & Immunditiam, sicut explicabo.

*Mundities externa corporu.*

Mundities vestimentorum, Loto corporis, Absterio item sudoris & fordium, est quidem etiam de Legis intentione; verùm posterior est Purificatione operum & cordis ab opinionibus pravis & moribus inhonestis. Existimare enim, munditiam externam ablutionis corporis & vestimentorum sufficere Homini, licet per reliqua omnis generis voluptatibus, Cereri, Veneri, & Baccho indulgeat, summa est infania! Hinc ait Iesajas; *Qui sanctificant se, & qui mundant se in hortis, post unum in medio, comedentes carnem suillam, abominationem, &c.* quibus verbis significat, quòd se in locis publicis mudent & sanctificent, postea verò intra privatos parietes & in ædibus suis omnis generis peccatis se contaminant, cibos prohibitos, ut carnem suillam, abominationem atque mures comedant. Quod ait, *Post unum in medio,* illis verbis fortè denotat coitum prohibitum. Colligimus autem inde, quòd externa ipsorum fuerint munda; interiora verò cupiditatibus & concupiscentiis referta: id quod nequaquam cum Lege convenit. Principalis enim scopus Legis est, concupiscentias primò diminuere; deinde mundare exteriora, posteaquàm interna & abscondita mundata sunt. De istiusmodi Hominiibus, qui corporis & vestimentorum munditiei nimium sunt dediti, interea autem intus pravis moribus præditi, impuri quæ actionibus additi, inquit Salomon; *Est generatio, quæ munda est in oculis suis, & à sorde sua non est abluta; & est generatio, cuius excelsi sunt oculi, &c.*

Quòd si hæc ita probè consideraveris, quæ hætenus de finibus Legis

Legis recensuimus, multorum Preceptorum causæ tibi innotescant, quæ antea tibi erant incognitæ, &c.

## CAP. XXXIV.

*Legem accommodatam esse ad totam Gentem communiter, non ad singulos.*

**E**X iis, quæ in hoc negotio cognitu necessaria sunt, est & hoc, Præcepta non sunt accommodata ad singula Individua; sed ad omnes in universum. quod Lex non attendat ad ea, quæ sunt extraordinaria & raro contingentia; sed quicquid docet, sive id ad doctrinam, sive ad mores spectet & actiones, respicit ad ea, quæ communiter & ordinariè solent fieri. Proinde non est ratio habenda illorum, quæ in paucioribus eveniunt, & ad damnum ac detrimentum, quod uni vel alteri accidit ex mensura & regimine legali; Lex enim est quiddam planè Divinum: sed considerare debes res naturales, in quarum universalitate utilitates illius sunt communes & frequentes, damna autem non nisi particularia & specialia, sicut ex nostris & aliorum verbis est manifestum.

Ideoq; juxta hanc considerationem nemo mirari debet, si Intentio Legis non in omnibus & singulis Individuis perficiatur, sed nonnulli quandoq; reperiantur, quos regimen aliquod Legale non perficit. Formæ etenim naturales non semper largiuntur cuivis Individuo omnia necessaria & requisita. Nam omnes proveniunt ab uno Deo, & operationem unam habent: omnes datæ sunt à Pastore uno; contrariumque hujus rei est impossibile. Impossibile autem Naturam habere firmam & immutabilem, alibi demonstravimus.

Propterea juxta hanc considerationem impossibile etiam est, ut Leges secundum diversas Hominum constitutiones, secundum item diversitatem temporum, ad instar Medicinæ, datæ sint; cuiq; enim Homini accommodatur Medicina pro ratione temperamentis ipsius, quod hac vel illâ horâ habet; sed necesse est, ut regimen Legale sit absolutum & universale, licet uni sit conveniens, alteri verò non. Quod si enim ad Homines esset accommodata Lex, corruptione utique vacare non posset: quod dicere procul à nobis absit! Hac itaque de causâ non decet, ut ea, quæ sunt de prima Intentione Legis, tempori vel loco sint accommodata; sed oportet Judicia & Statuta esse absoluta & universalia, sicut Deus ait; *O congregatio, Num. 15. 15. statutum unum est vobis!* intendique debent in illis emendationes universales, sicut exposuimus.

Post-

Posteaquàm ergo ista sum præfatus, incipiam nunc explicare id, quod explicandum mihi proposui.

## CAP. XXXV.

*Dividuntur Præcepta omnia in quatuordecim classes.*

*Divisio Præceptorum in quatuordecim classes.*

**V**IDE TUR mihi, Præcepta omnia, juxta hanc Intentionem, in quatuordecim classes commodè posse dividi.

*Prima classis* complectitur Præcepta ea, quæ continent articulos *fundamentales Fidei*; ea nempe, quæ in Tractatu יסודי תורה h.e. de *Fundamentis Legis* enarravimus. Quò etiam pertinet doctrina de *Pœnitentia*, & de *Jejunio*, sicut explicabo. De istiusmodi autem sententiis fundamentalibus Fidei non potest quæri, quæ sit illorum utilitas?

*Secunda.* *Secunda classis* comprehendit præcepta de *Idololatria*, ea videlicet, quæ in Tractatu de *Idololatria* recensuimus. Pertinent autem hûc præcepta de *heterogeneis Vestimentis*, de *Viribus diversi generis*, de *Fruïbus item Arborum*, qui tribus primis à plantatione annu proveniunt. Hujus ordinis Præceptorum causa nota est; inservit enim ad confirmandas & perpetuò conservandas sententias illas Fidei credendas.

*Tertia.* *Tertia classis* complectitur præcepta de *Emendatione Morum*, quæ recensuimus in *Halachoth deoth*. Notum autem est, Bonis moribus societatem & conversationem humanam perfici, quæ generis humani ordini est necessaria.

*Quarta.* *Quarta classis* continet præcepta de *Eleemosynis*, de *Mutuo*, de *Debitis*, & quæ his sunt affinia, ut sunt *Aestimationes sive Pretia*, *Anathemata*, *Judicia Mutui & Servorum*, atq; adeò omnia ea, quorum mentionem fecimus in Tractatu nostro de *Seminibus*, exceptis tantum præceptis de *Heterogeneis & Fruïbus trium primorum annorum*. Causa horum omnium est manifesta, quia utilitas illorum ad omnes ferè redit. Qui enim hodiè est dives, ille ipse vel ejus posterius cras sunt pauperes; & qui hodiè est pauper, ille, vel illius filius, cras est dives.

*Quinta.* *Quinta classis* comprehendit præcepta de *Prohibitione Iniquitatis & Rapina* de quibus egimus in Tractatu *Nesikin*, h.e. de *Damnus*. Utilitas illorum est manifesta.

*Sexta.* *Sexta classis* complectitur præcepta de *Judicii pecuniarii*, qualia sunt de *Furibus*, *Prædonibus*, & *falsis Testibus*, & maxima pars eorum, quæ enarravimus in Tractatu שוטים h.e. de *Judiciis*, quorù omnium usus est manifestus. Quòd si enim ejusmodi peccatores & raptores non

non punirentur, nullus rapinarum & damnorum esset finis, nullus-  
que Hominum istiusmodi sceleratorum & maleficorum numerus.  
Neque, ut stolidè quidam opinantur, intermissio vel remissio pœ-  
narum est Clementia, sed potius Inclementia, Crudelitas, & ordinis  
Politici Eversio. Clementia est id, quod DEUS præcepit; *Judices & Deut. 16. 18.*  
*Præfatos pones tibi intra omnes portas tuas.*

*Septima classis* complectitur *Judicia pecuniaria*, ex mutuis Homi- *Septima.*  
num inter se negotiationibus procedentia, ut, de *Mutuo, Elocato, De-*  
*posito, de Emprione & Venditione, de Hereditatibus, &c.* quæ recensuimus  
in Tractatu *יְקָרָה & מִשְׁפָּטִים*, quorum utilitas est manifesta. Necessa-  
rium enim est, ut Homines facultatibus suis ubique inter se nego-  
tiantur & communicent. Id autem fieri ritè non potest, nisi certæ  
æquitatis istiusmodi negotiorum habeantur Regulæ, justæque pro-  
portione æstimentur.

*Octava classis* complectitur præcepta de *Diebus solennibus*, ut de *Sab- Octava.*  
*barho & Diebus festis*, quæ recensuimus in libro *דְּמִנִּים*. Causas & ra-  
tiones illorum Lex ipsa explicat, quod videlicet inserviant vel ad  
alicujus articuli Fidei confirmationem, vel ad Corporis recreatio-  
nem, vel ad utrumque simul, quemadmodum sum ostensurus.

*Nona classis* complectitur alias practici cultûs Divini partes, de *Nona.*  
*Precatione, de lectione Audi Israël, & aliis*, quæ enarravimus in Tra-  
ctatu *אֱהָבָה* h. e. de *Amore*, excepto præcepto de *Circumcisione*. Utilitas  
illorum est evidens; confirmat enim opiniones de Dilectione DEI,  
de illis item, quæ de DEO sunt credenda, vel quæ illi attribuenda.

*Decima classis* continet præcepta de *Sanctuario, ejusq; Vasis, Instrumen- Decima.*  
*tis, ac Ministris*, quæ recensuimus in Tractatu *עֲבוּדָה*. Utilitatem illo-  
rum jam in præcedentibus declaravimus.

*Undecima classis* complectitur præcepta de *Oblationibus*, & sunt illa *Undecima.*  
ferè, de quibus egimus in Tractatu *עֲבוּדָה & קַרְבָּנוֹת*. Sed & horum  
Præceptorum utilitatem generaliter jam commemoravimus, cur  
nempe illo tempore fuerint necessaria?

*Duodecima classis* comprehendit præcepta, quæ agunt de *Pollutioni- Duodecima.*  
*bus & Purificationibus*, quorum omnium generalis intentio est, ne quis  
temerè in Sanctuarium ingrediatur; sed ut debitam illi reverentiam,  
honorem & timorem exhibeant, quemadmodum alibi sum decla-  
raturus.

*Decima-tertia classis* continet præcepta de *Cibus vetitis & similibus, Decima-tertia.*  
ea videlicet, quæ recensuimus in Tractatu de *Cibus vetitis*. Vota item  
& *Nasireatus* ad hoc quoque genus Præceptorum spectant. Univer-



forum autem intentio est, immoderatum appetitum deliciarum & lautitiarum rescindere, modumque gulæ ponere, sicuti exposuimus in principio Commentarii nostri super librum *Avotb*.

*Decima-quarta.*

*Decima-quarta classis* est præceptorum de *Concubitu illicito*, quæ exposuimus in Tractatu *ד'ע'י* & in Tractatu *אסורי ביאור*. Et ex hoc genere est quoque *Commixtio bestiarum diversæ speciei*. Intentio illorum est, Libidinem, quantum fieri potest, coercere, ne modus in illa excidatur, vel pro fine habeatur, quemadmodum stulti solent facere, prout in *Massicheb Avotb* exposuimus. Pertinet huc etiam *Circumcisio*.

Cæterum, notum est, Præcepta quoque aliter dividi, in duas videlicet partes: in e i sc., quæ respiciunt *DEUM & Hominem*, & ea, quæ respiciunt *Homines inter se invicem*.

*Homines inter se invicem* respiciunt *Classis quinta, sexta, septima, & ex parte tertia*. Reliquæ respiciunt *DEUM & Hominem*. Nam omnia Præcepta, sive sint Affirmativa, sive Negativa, quorum intentio est, vel articulum aliquem Fidei, vel Virtutem aliquam docere, vel mores Hominis proprios informare & emendare, dicuntur esse inter *DEUM & Hominem*, licet in veritate impellant & permoveant ad res, quæ inter Homines inter se invicem incidunt, sed post multas demum res & considerationes intervenientes; quod animadvertere.

Posteaquàm igitur Præceptorum omnium classes tibi indicavi, ad singula nunc revertar explicanda, quatenus nimirum videtur, ac si nullam utilitatem haberent, vel non intelligi possent, causas & utilitates illorum exponendo, paucis exceptis, quorum Intentio ne quidem in hunc usque diem mihi innotuit.

## C A P. XXXVI.

### *De Præceptis primæ classis, eorumque rationibus & causis.*

*Præcepta primæ classis.*

**P**RÆCEPTA, quæ sub prima classe comprehenduntur, sunt sententiæ illæ, quas enarravimus in *Halachoth Jesode Thora*, quarum causæ sunt manifestæ. Considera illas sigillatim, & veritatem illarum invenies, videbisque, quod sint demonstrativæ.

*Ufus præceptorum, de discendo & docendo.*

Ita notum est, quanta sit utilitas adhortationum & admonitionum illarum, quæ occurrunt de discendo & docendo. Absque sapientiâ enim & doctrinâ nulla forent bona opera, honestæ actiones, nullæ veræ sententiæ.

Docto-

Doctorem Legis reverentia & honor quantam habeat utilitatem, non est obscurum: nisi enim magni & honorati essent in oculis Hominum, nemo verbis illorum ausculta-  
Cur Doctores Legis honorari debeant?  
 ret, quæ vel de rebus sciendis, vel faciendis, proponunt. Et hûc pertinet quoq; illud, quod nobis præcipit, ut nos alluefaciamus ad pudorem & verecundiam, hoc est illud, quod ait; *Ante faciem canam* Lev. 19. 32.  
*assurge.*

Ex hujus classis præceptis est quoque præceptum, quo nobis prohibuit, ne temerè aut falsò per Nomen ejus juremus, cujus usus est evidens, Gloria nempe Dei Opt. Max. Talia enim inducunt ad credendam ipsius Magnificentiam.

Præceptum, quo nobis præcepit, ut ipsum invocemus tempore necessitatis, & quando dicitur, *Clangite buccinâ*, ex hoc etiam est genere. Confirmatur enim hac actione doctrina ista, quòd Deus Opt. Max. nôrit & intelligat afflictiones nostras, & penes ipsum sit, illas vel lenire, si serviamus ei; vel exasperare & deteriores reddere, si rebellemus ei, nec per accidens nobis eveniant. Hoc sibi vult, quando ait, *Si ambulaveritis mecum* 'רפ Vult enim dicere, Quando adduco super vos afflictiones ad vos puniendos, si credideritis illas esse accidentales & fortuitas, tunc addam ex accidenti illo secundum cogitationes vestras, duriores & graviores, sicut ait, *Si ambulaveritis mecum* Lev. 26. 27. 28.  
 'רפ, *ambulabo & ego vobis. um irâ* 'רפ. Nam quia credunt, quòd ea contingant ipsis per accidens, quæ ex illorum erroneis opinionibus & malis operibus consequuntur & eveniunt, inde fit, ut ab illis non convertantur, sicut dicitur, *Percussisti eos, & non doluerunt.* Sic præcepit nobis, Invocare ipsum, Deprecari apud ipsum, & Clamare coram ipso in tempore angustia.

Porro manifestum est, doctrinam de Pœnitentia ad hoc quoq; genus pertinere, h. e. ex illis esse dogmatibus, quæ necessariò credenda sunt ab illis, qui Legi nostræ nomen dare volunt. Nullus etenim Homo dari potest, qui non peccet, vel ignoranter in dogmate & sententia aliqua amplectenda, aut qualitate eligenda, quæ non eligenda est, vel ob iræ aliorumque affectuum vehementiam & prædominationem. Quòd si verò crederet Homo, se nunquam errores istos corrigere & emendare posse, indefinenter in illis pergeret, ac fortè, nullum remedium superesse videns, peccata sua augeret & accumularet; sed si credat pœnitentiam, emendabit sese, ad meliorem frugem majoremque perfectionem redibit, quàm, antequàm peccaret, habebat. Et hac de causa multiplicata sunt illa

opera, quæ realem & utilem hanc doctrinam confirmant: ut sunt, Confessiones, Oblationes pro peccatis tùm ex errore, tùm ex superbia commissis, Jejunia. Ratio autem communis conversionis à peccato omni est, ut ab eo recedamus; hicque est illius finis. Sic itaque horum Præceptorum omnium utilitas est manifesta.

## CAP. XXXVII.

*De causis & rationibus Præceptorum secundæ classis, de Idololatria sc.*

*Præcepta secundæ classis.*

**P**RÆCEPTA, quæ secundæ classis complectitur, sunt ea, quæ enarravimus in *Halachoth Avodasarah*, de quibus manifestum est, illa ad Homines ab Idololatria arcendos esse tradita, aliisque falsis & hæreticis opinionibus, quæ Idololatriæ sunt affines, ut sunt Præstigiatorum, Incantatorum, Astrologorum, vel Magorum, Divinatorum, Pythonum, & Consulentium ipsos, aliorumque hujus farinae Hominum.

Quòd si perlegeris omnes illos Libros, quorum mentionem apud te feci, patebit tibi, quòd Astrologia vel Magia fuerit opus Zabiorum, Cædæorum & Chaldæorum; frequentior tamen inter Ægyptios & Cananæos. Persuadebant autem Hominibus, & ipsimet credebant, quòd illâ arte admiranda in Rerum natura, tùm in certis personis, tùm in integris Provinciis, faciant opera. Opera verò illa ita sunt comparata, ut neque ratio possit capere, neque intellectus credere, quâ ratione aliquid per illa queat effici! ut, cùm certo tempore certam aliquam herbam colligunt, vel ex re aliqua certum ac definitum capiunt numerum, vel similia faciunt, quorum magnam habent copiam. Comprehendam autem ea sub tribus speciebus.

*Operum Magicorum tres sunt species.*

*Prima species* est illorum, quæ versatur circa Plantas, Animalia & Metalla. *Secunda* consistit in circumscriptione & determinatione temporis, quo opera illa sunt facienda. *Tertia* consistit in Gestibus & Actionibus humanis, ut Saltatione, Manuum complosione, Clamore, Risu, Cubatione vel pronâ Expansione super Terram, Rei alicujus combustione, Fumi accensione, quorundam verborum denique, sive Intelligibilium, sive non Intelligibilium prolatione. Hæ sunt operum Magicorum species.

Sunt autem quædam, quæ non nisi his universis perficiuntur, ut cùm

cùm dicunt: Sumatur tale folium, de tali herba, idq; cùm Luna est in tali gradu & loco: vel, sumatur de cornu talis Bestiæ, vel de illius sudore, pilis aut sanguine, hæc vel illa mensura, quando Sol est in medio Cœli, aut alio aliquo certo loco: vel, capiat de tali metallo, aut de pluribus metallis, liquefiant sub tali constellatione, & Lunæ constellatione. postea proferantur hæc vel illa verba, ex talibus foliis constituitur fumus, idq; hac vel illâ formâ, tùm hoc & illud eveniet.

Deinde, sunt quædam opera Magica, quæ unâ tantùm specie ex prædictis perfici posse arbitrantur. Atque de his dicunt, quod majorem ex parte à Mulieribus perficiantur, sicut de Productione aquarum repetimus apud ipsos; Si decem Virgines se ornent, vestimenta rubra induant, saltent ita, ut una alteram impellat, idque progrediendo & retrogrediendo, digitos denique versùs Solem certis signis extendant, ad finem perductâ istâ actione aquas elici & prodire dicunt. Sic scribunt; Si quatuor Mulieres in tergo jaceant, & pedes suos cum complosione versùs Cælum extendant, certa verba, certos item gestus adhibeant, illos turpi hac actione grandinem decidentem avertere. Ita similes vanitates & similia deliria multa alia passim habent, ad quæ non nisi Mulierum operâ & ministerio illos uti reperimus. Nullum autem Magicum opus sine Syderum respectu & consideratione potest perfici. Existimant enim, quamvis Plantam suam habere Stellam, quemadmodum & omnibus Animalibus & Metal-  
lis certa Sydera adscribunt. Arbitrantur etiam, opera illa esse peculiares Stellarum cultus, illasque tali actione, sermone vel fumo delectari, & ejus gratiâ, quicquid optant sibi, præstare.

*Nullum Magicum opus sine Syderum respectu perficitur.*

His itaque sic prælibatis, quæ ex Libris illorum hodiè inter nos extantibus desumpta sunt, meis quoq; verbis benignas præbe aures.

Quandoquidem totius Legis scopus & cardo, circa quem versatur, consistit in hoc, ut Idololatria è medio tollatur, nomen ejus deleatur, nullique Stellæ nocendi vel juvandi inter Homines virtus attribuat, & hæc sententia necessariò ad cultum illarum permoveat: ideò necessariò sequitur, omnem Magum occidendum esse; quia omnis Magus citra dubium est Idololatra, modo ramen peculiari & diverso ab eo, quo Vulgus Idola colit. Et quia major pars illorum operum à Mulieribus est perficienda, ideò dicit Lex; *Me-  
chasshepha, h. e. Magam vel Prestigiatricem non sines vivere.* Quia verò naturaliter Homines clementiores sunt erga sexum muliebre, nec facile illas occidunt, idcirco diserte de Idololatria quoque dicitur, *Virum aut Mulierem, ac secundâ vice repetitur; cui simile nec in Pro-*

*Cur Magi sint occidendi?*

*Omnis Magus est Idololatra.*

*Cur in specie Mulieres vemensium Lex jubet occidere?*

Exod. 22. 18.

Levit. 20. 27.

phanatione Sabbathi, nec in ullo alio Præcepto reperitur. Causa autem hujus rei, sicuti dixi, est naturalis Hominum erga Mulieres Clementia.

Quoniam ergo Magi existimant, se multa posse magiâ suâ efficere, se nâniis illis suis Animalia noxia, ut Leones, Serpentes & similia, è Civitatibus ejicere, omnia damnorum genera à Plantis arce-  
re, (sicuti quidam inveniuntur, qui dicunt, se grandinem cohibere posse, vermes è vineis, ut non corrumpant eas, interimere, de qua re multa scripserunt in libro *מבואות הנכסח*: quidam etiam, qui efficere se posse jactitant, ne folia vel fructus ex Arboribus decidant); quia inquam ista omnia se facere posse arbitrantur, ideò dixit ad illos

Deut. 16. 22. super ipsis sint mansuræ & commoraturæ. Sic enim ait; *Et immittam in vos bestiam agri.* Item; *Dentes quoque, bestiarum immittam in eos*  
Deut. 18. 33. *cum veneno serpentium super Terram.* Item; *Fructum Terræ tuæ & omnem*  
Ibid. v. 39. *laborem tuum.* Item; *Vineam plantabis & coles, sed vinum non bibes, neque*  
Deut. 28. 40. *colliges.* Item; *Oliva erunt tibi in omni termino tuo, & oleo non unges te, &c.* Summa; Pronuntiat Lex omnibus illis, quibus prudenter

uti se existimant Idololatræ ad cultum suum stabiliendum & confirmandum, Hominibusque persuadendum, quod prædicta nocumenta depellant, contrariaque bona promoveant, omnibus inquam illis, ipsos utilitates exoptatas impedire, malaque super se attrahere. Sic ergo patet tibi, Lector benevole, quid specialibus illis Benedictionibus & Maledictionibus in verbis Fœderis sibi velit. Tu itaque mensuram utilitatis illarum percipe & perpende. Et, ut tantò longius nos ab omni Magico opere abduceret, cavet, ut nihil secundum consuetudines & ritus illorum faciamus, ne quidem in iis, quæ ad Terræ cultum spectant, & similibus: h. e. interdixit omnia ea, quæ contra speculationem naturalem specialibus & occultis viribus ac proprietatibus utilitatem asserunt. Hoc enim est, quod dicitur: *In statutu ipsorum non ambulabit; neque, in statutu Gentium incederis.*

Levit. 18. 3. &  
20. 23.  
*Via Amoraorum.*

Hæc sunt, quæ Rabbinii nostri *Vias Amoraorum* nuncupant, quæ sunt quasi rami artis Magicæ; talia videlicet, quæ non ex ratione naturalis, sed ex opere Magico sequuntur, & Stellarum dispositionibus ac rationibus innituntur, unde necessariò ad colendas & venerandas illas devenitur. Hinc dicunt; *In quocumque, est aliquid de Medicina, in eo nihil est de via Amoraorum.* Quo nihil aliud volunt, quàm hoc; Omne id esse licitum, in quo ratio aliqua naturalis apparet; contra, reliqua omnia

omnia illicita. Sic, quando dicitur, *Arbor, quæ dejicit fructus suos, oneranda est lapidibus, vel stibio inungenda, quaritur, quid de hoc sentiendum sit? Cur lapidibus oneranda sit, est extra controversiam, videlicet ad debilitandam virtutem ejus. Sed cur stibio inungenda est? &c.* Ecce, ista unctio, & similia omnia, quæ nullam rationem naturalem habent, sunt prohibita propter vias Amorum. Sic dicunt de Abortivo rerum sanctarum, ubinam sc. sit sepeliendū? Ne suspendatur in arbore, neq. in bivio propter vias Amorum. Neque scrupulum tibi moveat, quòd liberum reliquerunt usum clavi ex patibulo, & dentis vulpini. Temporibus enim illis his rebus fidem adhibuerunt, quòd experientiâ essent comprobata, & loco Medicinæ inservirent: quemadmodum Pœoniâ (*herbâ sic appellata*) utimur contra Epilepsiam, ægrotanti illam appendendo; Excrementis canis contra pustulas vel exulcerationes gutturis; Fumo item ex Acero è Croco confecto contra apostemata & ulcera periculosa. Quicquid enim per experientiam verum esse comprobatum est, licet nulla ejus ratio naturalis compareat, ejus usus licitus est, quia est pro Medicina. Tu itaque, Lector, in usum tuum converte mirabilia ista, quæ hic tibi aperui, illaq. custodi, quia additamentum gratiæ erunt capitis tuo, &c.

In Opere nostro magno exposuimus, quòd circumdatio angulicarpitū (h.e. ratio comæ instar) & anguli barba prohibita fuerit, propterea quòd ita se radere & rondere solerent Sacerdotes Idololatrici.

Et hæc eadem quoque ratio est præcepti de non gestando vestimento ex diversis generibus confecto; quòd videlicet tùm temporis Sacrificuli Idololatrarum ita solerent incedere. Simul enim adhibebant tùm Plantas (h.e. *linum*), tùm Animalia (*lanam* sc.), ad vestimentum unum, ac præterea Annulum, qui ex Metallo aliquo erat, in digitis gestabant, sicut ista in Libris ipsorum invenies.

Sic eadem causa subest in illo, quod dicitur, *Ne Mulier induat vestimenta Viri*, &c. Invenies enim in Libro סוכסום præcipi, ut Mulier gesserit vestimentum muliebri coloratum, quando stat coram stella Veneris: similiter, ut Mulier induat lorica, & arma bellica, quando stat coram stella Martis. Hic tamen alia quoque ratio mihi latere videtur; quòd scilicet actio ista exciter concupiscentiam, & ad scortationem occasionem præbeat.

Verùm ratio, cur usus Idolorum sit prohibitus (*in Idolis sc. vel emendū, vel vendendū*), manifesta est. Fieri enim potest, ut quis Idolum accipiat ad confringendum illud, sed postea integrum retineat, atque ita cum tempore in laqueum ipsi cedat. Quin-imò etsi illa con-

*Cur Coma suarum prohibita?*  
Lev. 19. 27.

*De Vestimentis ex diversis generibus confectis.*  
Lev. 19. 19.

*Cur prohibitum fuerit, ne Mulier induat vestimenta Viri?*  
Deut. 22. 5.

*Emolumentū ex Idolis capere cur prohibuitur?*

confringantur, vel fundantur, vel Christiano alicui vendantur, prohibitum tamen est ex pretio utilitatem capere. Causa autem hujus rei est, quia sæpe *Vulgus res accidentales solet sumere pro causis veris & substantialibus*, sicut multos invenimus dicentes; Ex quo tempore hic inhabitavit istam domum, vel jumentum istud, rem hanc vel istam emi, factus est dives, auctæ sunt facultates ejus, & benedictio DEI illi adfuit: atque ita istud Accidentale habent pro Causa. Pari enim ratione fieri posset, ut ex pretio venditi Idoli alicujus negotiatio prosperaretur, ac substantia ejus augetur, atque ita exultaret, pretium Imaginis vel Idoli illius causam esse felicitatis suæ, & sic crederet id, cujus planè contrarium Lex Divina docet, sicuti ex omnibus Legis Divinæ verbis apparet. Eadem est causa, cur omne commodum ex operimentis, oblationibus, & instrumentis Idolorum sit prohibitum; ut inquam ex errore illo liberaremur. Nam magna fuit in temporibus illis in Stellis fiducia, adeò ut crediderint, Vitam & Mortem, omne item Bonum vel Malum ab illis, Stellis inquam, promanare. Idè omnibus viribus contendit Lex, opinionem istam per verba Fœderis, Testimoniorum, Juramentorum & Execrationum gravissimarum evellere; & in specie in illis prohibuit, ne quicquam de pretio Idoli accipiamus, vel in usum nostrum impendamus: indicavitque, quòd si ex istiusmodi pretio Homo aliquid cum reliquis suis opibus commisceat, id & reliquas ejus facultates absumpturum. Hoc enim est, quod dicitur; *Non adduces abominationem in domum tuam*, &c. Tantum abest, ut benedictionem aliquam inde impetrari sit credendum. Ita si omnia præcepta de Idololatria ordine percurras, manifestam invenies illorum causam, ut videlicet omnes heterodoxiæ tollantur, & ad extremas Terræ oras relegentur.

Deut. 7. 16.

*Astutia & caliditas Idololatrarum.*

Ex iis autem, de quibus monendi hic sumus, est & hoc: quòd falsarum istarum opinionum, quæ nec fundamentum, nec utilitatem habent, patroni, ad confirmandas suas superstitiones, & fidem illis conciliandam, hac astutiâ callidè urantur; quòd omnes illi, qui non faciunt actionem hanc vel illam, quæ superstitionem illorum confirmat, hac vel illâ plagâ perpetuò sint cruciandi. Quòd si enim plaga illa per accidens alicui fortè subsequatur, tùm actionem vel potiùs superstitionem illam magnificiet, illique opinioni subscribet. Itanotum est in genere ex natura Hominum, quòd nihil æquè timeant & horreant, ac facultatum & liberorum suorum amissionem. Idè publicârunt & sparserunt cultores Ignis, omnes ejus liberos



beros morituros, qui filium aut filiam suam per Ignem non traduxerit. Proinde nullum dubium est, quin unusquisque magnâ diligentia properârit ad faciendum illud, cum ob magnam erga liberos suos clementiam, & timorem de illis amittendis, cum etiam ob rei ipsius facilitatem, quia nihil aliud agendum erat, quàm Filium per ignem traducere; in primis, cum cura liberorum ut plurimum fœminis committatur, quarum in credenda quavis re facilitas, & intellectus imbecillitas nemini est ignota. Hinc tantâ cum vehementiâ Scriptura isti actioni se opposuit, talibusque contra eam argumentis usa est, qualibus contra nullam aliam Idololatriæ speciem; *Ad contaminandum Sanctuarium meum*, inquit, *& polluendum Nomen sanctitatis meæ.* Deinde, indicat Vir fidelis (*Moses*) DEI Nominis, quod eo ipso opere, quo existimant, se in vita conservare velle infantem, eundem perdant, eò quod Deus cum opus hoc facientem, cum semen ejus sit exterminaturus. Inquit enim Deus; *Ego ponam faciem meam in* *Virum illum, & in familiam ejus.* Atque hujus superstitiosi operis vestigia etiamnum hodiè apparent in Mundo. Videmus enim obstetrices pueros recens natos fasciis involutos sumere, ac odoriferis ingrati odoris super ignem positis per fumum inde ascendentem hinc inde movere: qui ritus sine dubio ex reliquiis est Traductionis hujus per ignem, neque permittendus. Intelligis itaque hinc perversam Hominum istorum astutiam, quâ ratione hac persuasionem errorem suum propagârint & conservârint, ita ut Lex Divina ipsis se opponere coacta fuerit, quod post duo millia annorum factum est; & quod hodierno adhuc die nondum totaliter sit deletus error ille, sed vestigia illius supersint.

*De non traducenda liberis per ignem.*  
Levit. 20. 3.

*Ibid. v. 5.*

Eandem rationem sequuti sunt Idololatræ circa opes & facultates. Statutum enim fecerunt, ut Arbor aliqua colatur, quæ *Ascherah* vocatur, ac de fructibus ejus pars aliqua offeratur, alia verò in Idolejo comedatur, sicut declaravimus in Judiciis, h. e. in proprietatibus *Ascherah*. Item, ut idem observetur in primitiis fructuum cujusvis Arboris fructus comestibiles ferentis, ut inquam pars illorum offeratur, pars in Idolejo comedatur; idque cum hac additione, omnem Arborem exarituram & perituram, de cujus fructuum primitiis non ita fieret, fructus ejus decisuros, vel imminutos iri, aut certè aliud infortunium ipsi evenituros; sicuti antea dixerant, omnes infantes morituros, qui non traducuntur per Ignem. Bonorum itaque suorum amittendorum metu Homines ad hoc quoque faciendum festinârunt. Contra hunc autem superstitiosum morem Lex quoque insurrexit,

*Vide in Deut. cap. 10.*

*Cur Lex præce-  
dit triumpri-  
morum annorum  
fructus combu-  
tere?*

Levit. 19. 23.

Ecc. 19. 25.

*Cur Lex præcepit Deus comburere fructus, qui tribus primis à plantatione annis proveniunt.* Quædam enim arbores proferunt fructus intra anni unius spatium, quædam post biennium, quædam post triennium; prout tribus ferè modis Homines solent plantare arbores, Plantatione videlicet, Propagatione Vitis, & Insitione: non enim respicere debes hic ad illos, qui grana aut ossa (h.e. *corticem cum grano vel nucleo*) serunt, (quia Lex nulla statuta sancivit, nisi de iis, quæ communiter & ordinariè solent fieri). Et summum tempus per quod ea, quæ plantantur in Terra Israël, fructus ferre differunt, est triennium. Præterea testatus est, quod per Fructuum istorum primorum perditionem, Arborum fructus multiplicentur, dnm ait: *Ut multiplicet vobis fructum ejus.* Fructus autem quarti anni coram DOMINO comedere præcepit, loco ejus, quod Idololatæ comedebant fructus primos in domibus Idolorum suorum, sicut explicuimus. Post hæc & istud est ex eorum numero, quæ prisce illi Idololatæ commemorant in עבודת דגנטיה. Putrefaciebant res quasdam (quas ibi nominant), postea observabant, quando Sol in hoc vel illo esset gradu, aliaque Magica exercebant, & existimabant, rem illam, si præstò sit ei, qui plantat Arborem fructiferam, eamque circa Arborem spargat, illam citius, quàm aliàs solet, flores & fructus producturam. Et de hoc opere mirabili dicunt, quod simile sit operibus Imaginum loquentium, quas habebant, atque adeò omnibus reliquis admirandis artibus Magicis, quibus fructus Arborum maturè produci possunt. Verùm jam ostendi tibi, quàm severè Lex Divina omnia Magica opera prohibeat. Ac hujus etiam rei causâ prohibuit Deus omnes fructus, quos tribus primis annis Arbores proferunt. Hac enim ratione nil necesse fuit laborare, ut citius fructus proferant, quemadmodum illi faciebant. Et cum pleræque Arbores in Terra Israël naturali suâ consuetudine fructus tulerint anno tertio, iterum non opus fuit arte illâ Magicâ notâ tùm temporis & celebri. Intellige itaque & ista.

Præterea, ex notis illis sententiis, quas Zabii reliquerunt, est id, quod dicunt de Conjunctione, sive Insitione Arboris unius in aliam, si fiat, quando Luna in tali vel tali est constitutione, si his vel illis suffumigetur, si hæc vel illa verba in ipso insicionis momento proferantur, ex insita illa Arbore proditutum quidpiam, quod ad plurimas res conducit & salutare sit: quâ in re omnium tritissimum est id, quod commemoratur in principio libri העבודת הדגנטיה de Olivæ in Citrum insitione. Atque hujus farinæ meo judicio fuit liber ille, quem

quem olim abscondit Ezechias. Sed scribunt etiam, oportere, ut cum una species in aliam inferitur, furculum inferendum manu sua teneat formosa quædam Puella, quam præternaturali ratione Vir quidam vitiet & corrumpat, ipsaq; congressus hujus tempore plantulam illam Arbori infigat. Hoc quin communissimum & utilissimum illis temporibus fuerit, nullum mihi est dubium, cum ad illas utilitates rei Veneræ voluptas accesserit. Ob hanc itaque causam prohibuit Lex כלאי h.e. *Infectionem Arboris unius in aliam*, ut ab hac Idololatriarum hæresi liberemur, & detestandam præternaturali ipsorum libidinem fugiamus. Quin-imò propter conjunctionem vel infectionem Arborum non licet quoque duo diversa semina congregare, vel propè conjungere & seminare. Ac, si inspexeris expolitionem præcepti hujus de Arborum infectione, inuenies, quod propter illius transgressionem ubivis locorum vapulationis pœna infligatur, quia est fundamentum prohibitionis, h.e. *principale*, ad quod prohibitio ista spectat: at conjunctio seminum non est prohibita, nisi in Terra Israël. Ita scribunt in dicto libro חטובות, quod consueverint simul ferere hordeum & uvas passas, existimantes non bonam futuram vineam, nisi hoc pacto fieret. Idcirco prohibuit Lex con-

*Cur Lex diversa semina & plantarum prohibuerit simul ferere vel plantare? Lev. 19. 19.*

*Deut. 22. 9.*

*Cur Lex prohibuerit in statutis Gentium, &c. Et si quæ fuerunt vel notiora & usitatoria, vel manifestè idololatrica, de illis speciales & peculiare prohibitiones ordinavit, ut de primorum Anorum Fructibus, de Diversis*

*Cur Lex prohibuerit in statutis Gentium ambulare? Levit. 20. 23.*

& *Heterogeneis*, &c. Non possum autem hic non mirari dictum quoddam Rabbi Josiæ, in quo docet; *Trias ista, Triticum, Hordeum, & Uvas passas, uno jactu manûs esse seminanda & projicienda.* Sed nullum mihi dubium est, quin istud hauserit ex viis Amoraëorum.

Sic ergo per indubitatam demonstrationem ostensum tibi est, quod *Vestimenta heterogenea, primorum annorum Arborum fructus, diversarum item specierum Semina* propter Idololatriciam sint prohibita; quod denique *omnes in univrsam Gentium ritus* ideò sint prohibiti, quia Idololatriciam post se trahunt, sicut declaravimus.

## CAP. XXXIIX.

*De causis & rationibus Præceptorum  
tertiæ classis.*

*Præcepta tertiæ  
classis.*

**P**RÆCEPTA, quæ sub tertiâ classe continentur, sunt ea, quæ enarravimus in *לכות דעות*. Utilitas illorum est manifesta, quia continent doctrinas de Virtutibus, quibus mutua Hominum societas conservatur: idque ita est manifestum, ut non necesse sit, me illius demonstrationi longius immorari. Scio autem, quædam inter illa ita comparata esse, ut, licet certa quædam opera comprehendant, quæ nullum videntur habere finem, tamen ad honestam aliquam virtutem generandam & acquirendam præcepta sint, quemadmodum suis locis singula explicaturi sumus; sed illa quod attinet, quæ in *Halachot Deoth* speciatim adduximus, de eis manifestum est, quod ad honestas & laudabiles virtutes acquirendas & comparandas inserviant.

## CAP. XXXIX.

*De causis & rationibus Præceptorum  
quartæ classis.*

*Præcepta quartæ  
classis.*

**P**RÆCEPTA, quæ sub quarta classe comprehenduntur, sunt ea, quæ enarravimus in Tractatu *ורעים* h.e. de *Seminibus*, (exceptis *כלאים* h.e. *Heterogeneis*, *Consuetudinibus item estimationum, & rerum anathemati devotarum*) in Tractatu *עבדים* h.e. de *Serviis*, in Tractatu item de *Mutante & Mutuum accipiente*.

Ista præcepta omnia si ordine & sigillatim consideraveris, invenies, illa manifestam habere utilitatem; ut videlicet erga pauperes & egenos simus misericordes, illis in necessitatibus ipsorum succur-

curramus; indigentes non premamus; afflictis corde, ut Viduis, Pupillis &c. afflictionem non addamus. Sic aperta est ratio *donorum pauperibus conferendorum.*

*Oblationes, quæ sponte dabantur Sacerdotibus & Levitis, (Heb. תרומות) Oblationū The-*  
& *Decimæ* cur præcepta sint, Lex ipsa explicat, dum ait; *Quia non est ei pars, neque hereditas tecum:* cuius rei ratio iterum nota est; ut vide- *rumoth & De-*  
licet illa tribus tota (*Levítica*) addicta esset cultui Divino & Legis *cimarum ratio.*  
studio, neque arationi aut sationi incumbat, sed DEO tota consecra- *Deut. 14. 27.*  
ta maneat, sicut dicitur; *Docebunt iudicia tua Jacobum, & Legem tuam* *Deut. 33. 10.*  
*Israëlem, ponent suffragam, &c.* Sic passim in plurimis Scripturæ locis invenies, quod Levita, Peregrinus, Pupillus & Vidua Pauperibus annumerentur, & æquales quasi habeantur, quia nullam certam possessionem habebant.

*Decimas secundas* præcepit Lex tantum in victualibus Hierosoly- *Decimarum se-*  
mam asportare, eò quod hoc necessariò cogat eleemosynas inde fa- *cundarum ra-*  
cere, cum non nisi pro cibo & potu erogari potuerint, & facile fuerit *tio.*  
unicuique paulatim eas exsolvere; deinde, ut hac congregatione in *Deut. 12.*  
uno loco amicitia & fraternitas inter Homines tantò firmitus con-  
glutinetur.

*Quartam plantam* (h.e. fructus quarti Anni) quod attinet, præter id, *Ratio præcepti*  
quod Idololatriam redolet, & cum præputio (h.e. fructu trium pri- *de fructibus*  
morum Annorum) participat, eadem illius est ratio, quæ Oblatio- *quarti anni.*  
nis (*Therumæ*), Placentæ, Primitiarum, & primæ Tonsionis, de qui-  
bus omnibus primitiæ DEO erant consecrandæ: finis etenim est, ut  
hoc medio Homines excitentur ad Liberalitatem, & à Gulositate  
Avaritiâque abstrahantur.

Atque hujus generis est, quod Sacerdos Brachium, Maxillas & Ventri- *Cui Sacerdoti*  
culum accipere debebat. Maxilla namque sunt primitiæ corporis Ani- *Armū, Maxil-*  
malium; & Brachium dextrum est primum ex illis, quæ instar ramo- *lam & Ventri-*  
rum ex corpore prodeunt; Ventriculus denique principium est Inte- *culum destina-*  
stinorum omnium. *vit Deus?*  
*Deut. 18. 3.*

*Primitiarum Lex* ad Humilitatem quoque addit stimulum: dum *Primitiarum*  
enim canistrum in humeros suos sumere cgebantur, & beneficia *ratio.*  
DEI prædicare, significabatur eo, non nullam cultûs Divini esse *Deut. 16. 2.*  
partem, ut Homo memor sit temporum Afflictionum & Tribulatio-  
num suarum, quando Deus ei respirationem largitur; quem finem  
pluribus in locis Lex confirmat: ut, *Et recordaberis, quod servus fuisti,*  
&c. Et hoc ideo, ut is, qui in divitiis & deliciis versatur, timeat à  
vitiis exinde libenter pullulantibus, à fastu nempe, superbiâ, apo-

Deut. 8. 12.  
Deut. 32. 15.

Italiâ, & aliis, sicut dicitur; *Ne comedas, & satureris.* Item; *Et impinguatus est Jeshurun, & recalcitavit, &c.* Et propter hunc timorem

Deut. 16. 3.

Exod. 10. 2.

mandavit in Scriptura primitias fructuum singulis annis offerre coram Deo & Majestate ejus Divina. Ita nôsti, Scripturam vehementer inculcare plagas Aegypti; ut, *Ut recorderis diei, quo egressus es ex Aegypto.* Item; *Ut enarres in auribus filii tui, & filii filii tui, &c.* Id quod

Exod. 13. 15.

ira fieri decet in hoc negotio, quia demonstrant veritatem Prophetiæ, poenarum item & præmiorum. Propterea notum est, quænam sit utilitas Præceptorum illorum omnium, quæ vel Miraculorum divinorum memoriam nobis commendant, vel fidem confirman.

Gen. 47. 3.

Num. 31.

Manifestè dicitur de primogenito Hominis & primogenito Bestiæ; *Et fuit cum indurasset se Pharao, quò minus dimitteres nos, &c. idcirco ego sacrifico Deo, &c.* id quod in specie & propriè de Ovibus, Bovibus & Alinis intelligendum esse inde clarum est, quia hæc Animalia sunt domestica, quæ ab Hominibus educantur, & ubique inveniuntur, inprimis verò in Terra Israëlitis & inter Israëlitas: omnes etenim nos, patres nostri, & patres patrum nostrorum Pastores fuerunt, sicut dicitur; *Pastores gregi fuerunt servi tui.* Equi autem & Cameli non ubique & apud quosvis habentur: unde in spoliatione Midjanitarum nullorum Animantium mentionem fieri invenimus, nisi Ovium, Boum & Asinorum, qui soli omnibus Hominibus necessarii sunt, præsertim verò illis, qui in agris & sylvis habent negotia.

Genes. 32. 5.

Exod. 13. 13.

Ita dicit Jacob; *Et sunt mihi Boves, Asini & Oves.* Verùm Equi & Cameli non apud quosvis reperiuntur, sed tantum apud paucos quosdam insigniores, & aliquibus tantum in locis. Primogenitum Alini decollari præcepit, eò quòd hoc permoveat ad redimendum illud, sicut dicitur; *Præceptum redemptionis præcedit præceptum decollationis.*

Ratio præceptorũ de Anno Intermissionis & Jubileo.

Exod. 23. 11.

Levit. 25.

Præcepta illa quod attinet, quæ enarravimus in Halachorb חמשה עשר h.e. in Tractatu de Anno Intermissionis & Jubileo, illa partim data sunt propter Misericordiam erga Homines omnes in universum, illorumque Respirationem ac refocillationem, sicut dicitur; *In septimo verò relinques eam atque deseres: & comedent pauperes Populi tui, residuum autem eorum comeder bestia agri, &c.* & ut Terra ita deserta & relicta tantò uberiores fructus proferat: partim in speciem in gratiam Servorum & Pauperum, in Remissione argenti & manumissione servorum: partim ad conservationem sustentationis & victus Humanum perpetuam: ut, quòd Terra semper penes Dominos suos manere debuit, nec vendi potuit, sicut dicitur; *Terra autem non vendetur*

Lev. 25. 23.

desert

*detur absolutè* : ut sc. hoc pacto facultates Hominis penes ipsum & hæredes ejus maneant.

Et sic declaravi tibi causas & rationes omnium eorum Præceptorum, quæ in majore nostro opere *ſad* in Tractatu *שם* h.e. de *Seminibus* complexi sumus, iis tantum exceptis, quæ agunt de commixtione diversarum specierum Animalium, quorum ratio suo loco tibi quonque explicabitur.

Lev. 19. 19.

Præceptorum, quæ complexi sumus in Tractatu de *Aestimatio* *nibus* & *Anathematiz. devotus*, ad usum sacrum, eadem est ratio ferè quæ Eleemosynarum; illorum enim quædam respiciunt Sacerdotes, quædam ad sarcindas ruinas & restaurationē Domūs (h.e. Templi). Omnia autem in universum ducunt Hominem ad Liberalitatem; ut videlicet divitias propter gloriam Dei contemnat, neque avaritiæ locum concedat. Maxima enim malorum & damnorum pars, quæ inter Homines eveniunt, oritur ex nimio congerendi opes ac divitias studio, Avaritiâ inquam & Ambitione.

De Aestimatio-  
nibus & Ana-  
thematiz.  
Levit. 27.

Sic, si cuncta illa Præcepta, quæ recensuimus in Tractatu de *Mutuantibus* & *Mutuum accipiente*, sigillatim probè consideraveris, invenies, ea in universum hûc respicere, ut Misericordia, Beneficentia & Clementia erga Pauperes exerceatur; &, ut alimenta necessaria nemini deficient: ut, *Non accipies quinquam pro pignore metam & catillum, quoniam animam ipse acciperes pro pignore.*

De Mutuantibus  
& Mutuum accipiente.  
Deut. 24. 6.

Eodem collimant Præcepta illa, quæ exposuimus in Tractatu nostro de *Servis* & *Servitutibus*, ad Pietatem inquam & Misericordiam erga egenos, cujus non minima pars est, quod jubetur *Servus Cananeus* liber dimitti, cum *jacluram membri alicujus patitur*; ne videlicet simul affligatur servitute & tali infirmitate vel defectu; quin-imò, si vel dentem amiserit, ut jam de reliquis membris nihil dicam: quod item non licitum fuit ipsum percutere nisi loro vel calamo, aut alio aliquo simili instrumento, sicut exposuimus in *Mischne Thorah*. Si autem & istis tam graviter quis ipsum percussit, ut eum occiderit, morte mulctabatur, licet pro alio homicidio. In illo verò, ubi dicitur, *Non trades servum Domini tuo suo, qui eruerit se ad te à Domino suo*, præter Misericordiæ opus alia later utilitas; quod videlicet ad laudatissimam & honestissimam hanc virtutem nos affuefaciamus, eos, qui auxilium & protectionem apud nos quærunt, non solum adjuvandi, nec in manus eorum, à quorum conspectu aufugerunt, tradendi: sed & commodum ipsorum promovendi, omnibus modis illis beneficiendi, neque vel verbo illos lædendi aut offendendi. Hoc enim est quod.

De Servis &  
Servitutibus.  
Exod. 21.

Proſuges Servos  
eunt recipere vo-  
luerit?  
Deut. 23. 15.



Exod. 21. 14. quod dicitur, *Tecum habitabit in medio tui, in loco, quem elegerit, ubicumque placuerit ei, non vim inferes ei.* Quodd si verò teneamur hoc officii præstare vilissimæ conditionis hominibus, servis videlicet, quando magis faciendum id nobis est erga Virum aliquem præstantiorem & insigniorem, qui patrociniū nostrum requirit, ut pro merito & dignitate illius ipsum excipiamus? Verū observandum hic est, si transiens vel transfuga fuerit Homo flagitiosus & perversus, nullam ipsi opem, nullam misericordiam esse exhibendam, neque de iudicio ejus quicquam detrahendum & diminuendum, (h.e. nec minimam ipsi gratiam esse communicandam), etiamsi in re omnium præstantissimā refugium quæsierit, sicut dicitur; *Ab Altari meo solles eum, ut moriatur.* Hic enim ponitur, personam talem, quæ patrociniū & auxilium quærit apud DEUM Opt. Max., & se recipit ad id, quod Nomini ejus dedicatum est, nullam opem impetrare debere, sed in

*Flagitiosus Homini-  
bus nullū  
patrociniū est  
præbendum.*

Exod. 21. 14. Adversarii ipsius potestatem tradendam esse; quando igitur minùs licebit privato alicui opem ferre ejusmodi Homini, vel misericordiam erga ipsum exercere? Misericordia enim talis, quæ Transgressoribus & sceleratis Hominibus exhibetur, Tyrannis & crudelitas est erga reliquas Creaturas. Atq; hæ sunt sine dubio virtutes æquitati congruentes, & justis Dei statutis ac iudiciis respondentes; nequaquam verò illæ, quas stulti & imperiti laudandas ducunt, à quibus laudantur indiscriminatim omnes, qui quosvis venientes recipiunt & protegunt, nullā ratione habitā, an sint oppressi, vel oppressores, sicut ex ipsorum communibus sententiis & cantilenis liquet. Propterea claræ nunc sunt quoq; causæ & utilitates omnium hujus classis Præceptorum.

## CAP. XL.

### *De causis & rationibus Præceptorum quinta classis.*

*Præcepta quin-  
ta classis.*

PRÆCEPTA, quæ sub quinta classe comprehenduntur, sunt ea, quæ enarravimus in Libro 1<sup>o</sup> p<sup>o</sup> h.e. de Damnis, & occupantur ea omnia circa tollendam Iniquitatem & cohibenda Damna.

*Præceptorum de  
Damnis illatu-  
m utilitatis & ra-  
tio.*

Ex multiplici autem prohibitione Damnorum est, quodd reus constituitur Homo omnium Damnorum, quæ vel ex Facultatibus, vel Rebus ejus proveniunt, quatenus, ne damnum inferatur, præcavere potuisset.

Hinc culpa nobis adscribitur Damnorum eorum, quæ à jumentis nostris

nostris proveniunt, ut diligenter custodiamus ea, vel quia illa custodire possumus: ab igne item & cisternis, quia sunt talia opera, quorum damna Homines prævenire & cavere possunt.

Complectuntur ista Præcepta quasdam Justitiæ & Æquitatis partes, quemadmodum te docebo: ut; Si *Dens vel Pes* (jumentis sc. *alijus damnum intulerit*) in loco publico, absolvitur (*Dominus ipsius sc.*): quia sunt (*Dens sc. & Pes*) res, quæ non custodiri possunt, & damnum inde redundans exiguum: adde, quòd is, qui rem aliquam in loco publico relinquit, ipsemet contra se peccet, & perditioni facultates suas exponat; reus autem erit de Dente & Pede, si in agro damnum fuerit illatum. Quòd si verò *Cornu vel simile quidpiam*, quod custodiri potest, damnum intulerit, ubicunque demum fuerit, & à quo iter facientes in loco publico sibi cavere non possunt, ejus ratio & judicium idem quoque est ubique. Sed differentia est inter *Bovem* De Bovis cornu-  
integram (h.e. mansuetum, de quo non constat, quòd cornupeta sit) & inter <sup>peta.</sup>

*contestatum*, (de quo possessori contestatio facta fuit, quòd sit cornupeta). Exod. 21. 29.  
Ibid. v. 35. 36.

Nam si damnum illatum sit ab eo, qui non assuetus est id facere, obligatur tantum de dimidio damno; si verò ab eo, qui ita facere consuevit, & ejus consuetudo nota fuit, tenetur ad integrum damnum rependendum. *Servo illati damni pretium* hoc in casu constitutum, est dimidia pars pretii Hominis liberi, triginta videlicet siclorum argenti. Ut plurimum enim reperies Hominem liberum æstimari sexaginta siclis; Servum verò triginta. Quòd autem Bestia occidi debuit, quando Hominem interficiebat, id non fiebat ad pœnam sumendam de illa, quemadmodum absurdè contra nos cavillantur Tzadducæi, sed ad puniendum Dominum. Hinc enim prohibitus erat usus & esus carnum ipsius, ut diligentiam adhibeat Dominus bestię in custodienda ea, sciens, quòd, si magnum vel parvum, liberum vel servum occidat, pretium ejus sit amissurus; &, si contestata fuerit, præter amissionem pretii, redemptionem solvere teneatur. Atq; eadem

*Cur Bestia, qua  
Hominem occi-  
dit, etiam inter-  
fici debuerit?*

hæc causa fuit, propter quam Bestia, cum qua Homo aliquis rem habuit, interficiebatur; ut videlicet Dominus bestię eā curā & diligentia eam custodiat, quā reliquos suos domesticos, neque facile eam ex oculis suis elabi sinat. Non minori etenim amore & affectu solent Homines prosequi facultates, quàm proprias suas animas; quin- imò reperies quosdam, qui longè pluri faciunt opes suas, quàm se-ipsos. Apud plerosque tamen æqualis utriusque est amor, sicut dicitur; *Ad accipiendum nos in servos & asinos no-* Gen. 43. 18.

*stros.*

*In quibus casibus propositum peccandi morte mulctatum fueris.*

Ex iis porro, quæ sub hac classe Præceptorum continentur, est etiam *Occisio Persecutoris*, (h. e. ejus, qui peccatū aliquod perpetrare sibi proposuit, illudq; persequitur). Illud verò judiciū, ut occidatur is, qui conatur vel proponit sibi peccatum aliquod committere, antequam in effectum illud deduxit, non est permixtum, nisi in duobus istis casibus; primò, cum quis proximum suum persequitur ad occidendum eum; deinde, cum quis persequitur nuditatem & pudicitiam Hominis alicujus: quia tales sunt transgressionēs, quæ perpetratæ, restitui & restaurari nequeunt. Reliquas quod attinet, quæ quidem etiam à Domo Judicii sub pœna mortis prohibitæ sunt, ut Idololatria, Transgressio Sabbathi, quibus nemo læditur, sed quæ sunt tantum scientiæ in mente, propter illas nemo interficitur ob nudam cogitationem, nisi re ipsa illas perfecit. Ac de concupiscentia notum est, illam prohibitam esse propter desiderium; desiderium autem propter rapinam; id quod Sapientes nostri jam explanarunt.

*Cur res amissa sint restituenda? Levit. 6. 4.*

Cur Res amissa restitui jubentur, ejus ratio manifesta est. Nam præterquam quòd virtus per se est laudatissima, magnam etiam reciprocā habet utilitatem. Si enim non restitues tu rem amissam alterius, (à te se inventam), neque tua tibi restituetur; quemadmodum si non honores progenitores tuos, neque tui filii honorabunt te, &c.

*Cur iussus fuerit n, qui per errorem aliquem occidit, à loco suo migrare? Num. 35. 11.*

Quòd autem is, qui aliquem per errorem occidit, à loco suo migrare jubetur, tactum est ad placandam animam Vindicis sanguinis; ut non in conspectu habeat eum, per cujus manum offensio illa facta est. Reditus autem ejus dependebat à morte Hominis in toto Israël præstantissimi & charissimi, (summi Sacerdotis nempe); quòd hoc quoq; medio placaretur animus ejus, cujus cognatus aut consanguineus occisus erat. Est enim naturā omnibus Hominibus in afflictione constitutis insitum, ut consolationem inveniant, quando alii simile quid, vel majus contigisse vident. Nulla autem tristior mors nobis evenire potest, quàm mors Sacerdotis magni.

*Ratio præcepti de Vitula decervicanda. Deut. 21.*

Præceptum de Vitula decervicanda quod attinet, utilitas ejus pariter quoque est manifesta. Nam Vitulam adducens est Civitas proxima ipsi cadaveri occiso, & plerunque accidit, ut qui cædem perpetravit, ex illo sit loco: Seniores autem urbis D e u m testem appellant, quòd in viarum securitate & custodia nihil neglexerint, quòd omnes transeuntes diligenter examinarent & explorarent, sicuti exponitur in verbis Rabbiorum nostrorum p. m., dicentes; Non est interfectus iste, quòd aliquid oblici simus ex publicis & communibus nostris ordinationibus, neque constar nobis, quis interfecerit eum.

eum. Propter istam autem in factum inquisitionem, propter Seniorum egressionem, & adstantes, propter Vitulæ deniq; acceptionem & decervicationem, plurimi necessarii inter Homines seruntur sermones, ac ita publicâ istâ actione vel cædis author invenitur, vel ab alio, qui vel rei conscius est, vel famâ de eo audivit, proditur, vel ex signis & *τεκμήριοις* cognoscitur, quod N. sit interfector. Nam si Homo quispiam, etiam Mulier, surgat ac dicat, N. interfecit eum, non decervicatur Vitula. Notum autem est, si quis authorem cædis sciret, ac taceret, *ὁ δὲ αὐτὸς* contra se testem ac vindicem appellaret, se nescire; summam id fore levitatem, summumque peccatum: id eoque valdè probabile est, quemlibet, etiam Mulierem, siquidem sciverit, rem detesturum. Quòd si verò rescitur, quisnam cædem perpetrârit, magna inde resilit utilitas. Nam si Domus Judicii nō morte afficiat eum, occiditur à Rege, qui potestatem habet ex iudiciis & præsumptionibus aliquem occidendi: quòd si autem Rex non occidat eum, occidet eum Vindex sanguinis, qui insidias ipsi tamdiū struet, donec occasionem nactus fuerit ipsum occidendi. Proinde liquet hinc, Vitulam decervicaram inservisse ad detegendum & cognoscendum eum, qui cædem aliquam perpetravit: quod inde etiam ampliùs confirmatur, quia locus ille, in quo Vitula decervicabatur, in æternum nec coli potuit, nec conferi. Hoc enim fecit, ut Dominus terræ illius omnem operam impenderit, nihilque neglexerit in inquirendo & resciscendo Homicida, ne Vitula decervicaretur, & Terra ejus ira perpetuò prophana reddatur.

CAP. XLI.

*De causis & rationibus Præceptorum  
sextæ Classis.*

SEXTA classis Præceptorum agit de Suppliciis & Pœnis à peccatis *Præcepta sexta Classis.* & delinquentibus sumendis, quorum utilitas in genere nota est & à nobis jam indigitata. Particularitates verò illorum, & singulorum partium jura in hoc capite à nobis accipe.

Universalis cujusvis in alium delinquentis pœna est, ut ipsi fiat *Universalis & generalis pœna Talionis.* quemadmodum ille fecit alteri: si damnum intulerit in corpore, luit in corpore; si in pecunia, in eadem luet. Penes Dominum autem pecuniæ est, condonare ei, vel de pœna remittere. Sed si quis homicidium ex pura-puta malitia commiserit, ei nec pœna mitigari, nec *ἀντὶ τούτου* imponi potest, sicut dicitur; *Neq; Terra expiabitur propter sangui-* Num. 35. 33.

*nem, qui effusus est in ea, nisi per sanguinem illius, qui effudit eum.* Propterea licet interfectus per horas vel dies aliquot adhuc vixerit, loquutus fuerit, sanumque intellectum retinuerit, ac petierit, ut interfectus suus liber dimittatur, testatusque fuerit, se ei condonare & remittere, non auditur, sed necessario anima pro anima danda est æqualiter pro parvo & magno, servo & libero, sapiente & stulto. Inter omnia enim peccata Hominum nullum hoc peccato majus est. Ita, qui alium membro aliquo mutilavit, eodem eodem mutilabitur: in summa, quale vitium, quale detrimentum intulit proximo, tale inferetur & ipsi. Non est autem, quod animum & cogitationes tuas defatiget, quodd hodiè multa pecuniaria istis imponatur. Scopus enim & intentio nostra hoc loco est, rationem & causam reddere locorū Scripturæ, non Talmudis, licet habeam etiam quod dicam de sententiis Talmudis, quod autem coram ex me audies.

Plagiarum, quarum æquales reddi nequeunt, iudicium sive pœna consistit in Recompensatione; sed sedere ejus, (h. e. die Versammlung / *Faßung*, quam domi otiosus residendo patitur), exsolvere, & curare eum cogitur.

Qui damnum intulit in facultatibus, damnum vicissim in facultatibus suis patietur æquale, sicut dicitur; *Is, quem condemnaverint Iudices, duplum reddet ei*: id nempe, quod abstulit, ac deinde tantum ex facultatibus propriis.

*Peccatorum frequentium pœna sunt graviores.* Porro scias, illorum peccatorum & transgressionum, quæ magis frequentes sunt & usitatæ, pœnam quoque decere esse graviolem & asperiolem, ut tantò magis ab illis Homines se contineant; illarum autem, quæ raro contingunt, leviolem. Hinc *is, qui furatus est oves*,

*Exod. 22. 1.* duplum reddere cogitur illius, qui ex aliis mobilibus aliquid furatus est, quadruplum nempe, idque etiam, si illas jam vendiderit, sive jugulaverit. Ratio est, quod ut plurimum perpetuò sint in agris, ubi res non tam benè custodiri possunt, sicut ea, quæ habentur in medio Civitatis: idè solent illi fures festinanter ea vendere, ne penes ipsos reperiantur; vel mactare, ut formam suam amittant, atque ita non cognosci possint. Et hæc causa est, quod pœna rei frequentis sit major atque gravior.

*Ibid.* Ita restitutio furti *Bovum* uno aucta est, quia furtum illorum est facilius. Oves etenim pascuntur gregatim, & facile à pastore custodiri & observari possunt, ac vix nisi noctu furto possunt surripi; Boves verò pascuntur hinc inde dispersi, (id quod in libro עֲבוֹרַת הַנֶּחֱשִׁית quoque commemoratur), ac proinde non ita facile à pastore custodi-

stodiri possunt. Et hinc quoque furtum illorum crebrius solet contingere.

Sic *falsorum Testium iudicium est*, ut fiat eis, sicut ipsi cogitaverunt Deut. 19. 19. facere aliis: si cogitaverunt occidere, occidantur; si percutere, percutiantur; si damnum inferre in pecunia, tantundem in pecunia amittant.

In his omnibus intentio est, ut pœna & peccatū sint æqualia. Hoc enim sensu appellantur *Judicia justa*.

Quod verò *Raptor* non tenetur multæ loco aliquid amplius redere, (nam quinta pars rapti, quam dare tenetur, est pro expiatione Juramenti falsi), idèd fit, quia rariùs rapina committi solet. Nam damnum Furti frequentius accidit, quàm Rapinæ: Furtum etenim in quovis loco committi potest; at Rapina in Civitate committi non potest, nisi cum maxima difficultate. Præterea, Furtum fieri potest in rebus manifestis & occultis; Rapina verò non nisi in manifestis. Insuper, à Raptore quis sibi potest cavere, illique resistere; à Fure autem nequaquam. Denique, Raptor notus est, & quæri potest, operaque navari, ut ipsi iterum res rapta auferatur; Fur autem non est notus. His itaque de causis Fur ad multam obligatur; Raptor autem nequaquam.

*Corruptorij pœna minor sit, quàm furti?*  
Levit. 6.

Pœnas autem quod attinet, scias, illarum magnitudinem & asperitatem, parvitatem item & levitatem ex quatuor rerum consideratione provenire.

*Quatuor cause sunt, quæ pœnas exasperant & mitigant.*

*Prima est Magnitudo peccati.* Actiones enim illæ, ex quibus detrimentum magnum oritur, magnam merentur pœnam; quarum verò damnum est exiguum, exigua quoque est pœna.

1. *Quantitas peccati.*

*Secunda est Frequentia peccati.* Id enim, quod frequentius solet committi, graviori est pœnâ coercendum; id verò, quod rariùs occurrit, pro ejus raritate modicâ quoque; cohiberi pœnâ sufficit.

2. *Frequentia.*

*Tertia est Instigatio sive Causa impulsiva peccati.* Nam ab illa re, ad quam Homo fortius incitatur & instigatur, sive id fiat, quòd nimis vehementer à concupiscentia sua urgeatur, aut quòd longum nimis illius habitum & consuetudinem attraxerit, aut quòd ejus intermissio magnum ipsi dolorem pariat; ab illa inquam re non nisi gravissimæ pœnæ metu illum avelli & deterri posse certum est.

3. *Causa impulsiva.*

*Quarta est Facilitas peccati;* ut cùm in occulto & abscondito perpetrari potest, nemine animadvertente & sentiente. Tale enim quod peccatum non nisi magnæ pœnæ metu inhiberi potest.

4. *Facilitas.*

His itaque sic præfatæ, scias, Pœnarum quoque ordinem quatuor

*Quatuor pœnarum gradus.*

in Lege habere gradus. *Primus*, est Reatus mortis à Domo Judicii infligendæ: *secundus*, est Excisio (כרת) & Percussio cum loro, (cum hac fide, quòd hoc peccatum sit unum ex gravissimis): *tertius*, est Vapulationis, Percussio nempe cum loro, (ac non credere cogitur, quòd illud peccatum sit ex peccatis magnis, sed negativum tantum), aut Mors per manus DEI: *quartus* gradus est Prohibitionum sine Vapulatione, & est omnium Præceptorum negativorum, in quibus nulla continetur actio, excepto eo, qui falsò vel temerè jurat, qui non vult credere id, quod tenetur credere de magnificando DEO, qui renuit offerre oblationes DEO debitas, qui convitiis maledicit socio suo per Nomen DEI, (eò quòd Vulgus maledictiones & convitia pluris æstimat, quàm damna corpori illata): damnum enim, quod à reliquis Præceptis negativis, quæ nullam habent actionem, provenit, est exiguum, nec facile quis sibi inde cavere potest, (eò quòd sunt tantum verba, & si sub pœna Vapulationis essent prohibita, nullus reperiretur, cujus tergum non toto anno plagarum foret mancipium), ac præterea nulla de illis est admonitio.

*De numero plagarum in Maltur.*

In numero verò Plagarum sapientia & discretio adhibenda est. Is enim definitus & præcisus quidem est respectu summi sui gradus, sed non itidem respectu Hominum & singulorum Individuorum. Nam nemo percutitur ultra mensuram, quam sustinere potest. Summus autem Plagarum numerus est quadraginta, ultra quem nemo plures recipit, licet adhuc centum sustinere valeret. *Reatum Mortis à Domo Judicii infligendæ* nunquam invenies in cibus vetitis, eò quòd non magnum detrimentum illa inferant, neque etiam Homo tam vehementer ad illa incitetur, sicuti ad rem Veneream. Quibusdam verò cibus *Excidium* interminatur: ut primò *Sanguini*, propter nimium Hominum ad comedendum eum in temporibus illis appetitum & præcipitantiam in certa quadam Idololatriæ specie, quemadmodum in libro שמד explicatur. Et hæc unica causa est, cur tam severè fuerit prohibitus. Deinde, *Adipi* quoque Excidii pœna est injecta, eò quòd Homines illum in delitiis habere soleant, sicuti hac de causa quoque DEUS sacrificia sua illo honorare voluit. Præterea, *Excidium* determinatur *Fermentato* in festo Paschatis, h.e. comedenti fermentatum in festo Paschatis, & comedenti in die Jejunii, h.e. in die Expiationum, propterea quòd dolor & molestia quædam illi est conjuncta, & quia sunt talia opera, quibus confirmantur sententiæ, quæ sunt fundamenta Legis, Exitus nempe ex Ægypto, unà cum Miraculis,

*Sub Excidii pœna prohibitus est Sanguis.*

Lev. 7. 26. 27.

*Adipi.*

Ibid. v. 24. 25.

*Fermentatū in festo Paschatis.*

*tato* in festo Paschatis, h.e. comedenti fermentatum in festo Paschatis, & comedenti in die Jejunii, h.e. in die Expiationum, propterea quòd dolor & molestia quædam illi est conjuncta, & quia sunt talia opera, quibus confirmantur sententiæ, quæ sunt fundamenta Legis, Exitus nempe ex Ægypto, unà cum Miraculis, quæ



quæ in illo contigerunt, & Fides conversionis vel Resipiscentiæ, sicut dicitur; *Dies expiationum est, ad expiandum vos coram Dō M I N O* Lev. 23. 18. *Deo vestro.* Tandem de *Excidio* tenetur, qui comederit aliquid de *residu* Lev. 19. 5. 6. 7. 8. (Sacrificii pacifici in die tertio) & *prophano: immundus* item, qui Lev. 7. 21. *comedit de Sancto*, sicuti is, qui adipem comedit. Intentio verò harum Sanctionum est, ut tantò major reverentia concilieretur Sacrificiis. At *Mortem Domus Judicii* invenies tantum in rebus magnis & arduis, *Mors à Domo* ut putà ob corruptionem Fidei (i.e. hæresin), vel ob aliud aliquod grave peccatum, *Judicii quibus* Idololatriam, Adulterium, Incestum, Homicidium, & quicquid bis occasionem præbet; item ob Sabbathi violationem, eò quòd per illud (Sabbathum) stabilietur fides de Novitate Mundi. Præterea infligitur falso *Propheta*, *Seni rebeli*, propter maxima mala ab illis provenientia. Et item, qui patrem suum aut matrem suam verberavit, aut illi maledixerit, eò quòd hoc desperatæ malitiæ & audaciæ signum sit, ord. nemque domesticum, qui non postrema, sed prima Politicæ pars est, subvertat. *Filio* insuper contumaci & rebeli propter malum inde Deut. 21. secuturum; certò enim eò tandem delabatur, ut homicida fiat. Et item, qui furatur animam, h.e. plagiario, quia videtur illum Hominem Exod. 21. 16. ad occidendum eum abduxisse. Illi quoque, qui in Effusione deprehenditur, quia animo occidendi ingredi videtur, quemadmodum Rabbini nostri explicarunt. Quòd verò isti tres, Filius rebelis, Ingre- Exod. 22. diens per effusionem, & Plagiarius, pro Homicidis sint habendi, res est manifesta. Denique, non invenies Mortem à Domo Judicii in alia re, quàm in magnis & gravibus, infligi. Nam non omnis quoque *Sorsio* Morte Domus Judicii punitur, sed illa tantum, quæ est magis facilius, frequens, turpis, inhonesta, & ad quam Homo plus incitatur; quæ talis non est, ei Excidium est determinatum. Ita nec omnes Idololatriæ species hac pœnâ mulctantur, sed tantum magis principales: ut, qui preces suas ad Idolum dirigit, qui in Nomine ejus prophetat, qui liberos suos traducit per Ignem, Augur, Pytho, Incantator. Quia verò sine pœnis & judiciis esse non potest, ideò clarum est, requiri ut *Judices* constituantur per singulas Civitates, ut habeantur *Testes*, ut sit *Rex*, qui timeatur, qui omnibus modis ista cohibeat & coërceat, qui manus Judicibus porrigat, eosque juvet.

Et sic exposui tibi causas & rationes omnium Præceptorum, quæ in Tractatu מִצְוֹת h.e. de *Judicibus* enarravimus. Necessè autem est, ut de pauculis quibusdam adhuc admoneamur, quæ ibi commemoravimus, & ad argumentum hujus libri spectant; de eo videlicet, quod ex præcepto de *Sene rebeli* dependet. Dico itaque: Cùm

Deut. 17. 11. 12.

DEUS cognovit Judicia Legis hujus necessaria futura omnibus temporibus, ac secundum locorum, novitatum & rerum vel casuum varietatem nonnullis interdum aliquid esse addendum aut detrahendum, idèd prohibuit quidem, ne quicquam illis addatur aut adimatur, sicut ait; *Non addetis ad Verbum, quod ego precipio vobis hodie, neque detrahetis de eo*: nam in præjudicium magnum Legi Divinæ hoc cederet, ac videri posset, ac si non à DEO originem traheret. Sed omnium temporum & ætatum Sapientibus, h.e. Domui Judicii magni permisit sepes constituere ad Judicia Legis stabilienda in rebus quibusdam, quas innovare volunt ad sarram-rectam conservandam Legis auctoritatem, & sepes illas in æternum stabilire, sicut dicitur; *Et facient sepe Legi*. Præterea facultatem concessit illis, quædam præcepta Legis tollere, & quædam prohibita permittere in certa quapiam re & casu, non autem in perpetuum, sicuti declaravimus in expositione Mischnæ.

\* vel, *Effect-  
runt.*

Deut. 17. 12.

Atque hac ratione conservari & in usu retineri potest Lex aliqua quibuslibet temporibus & in quibusvis casibus pro necessitate. Nam si exceptio ista specialis data esset cuivis Sapienti, perirent Homines propter multitudinem & varietatem opinionum. Sed idèd prohibuit Deus, ne reliqui Sapientes id faciant, sed sola Domus Judicii magni, & mandavit, ut occidatur, quicumque illis sese opposuerit. Si enim cuivis permissum esset ab illis discedere & dissentire, tolleretur planè illius finis & utilitas.

*Actiones Trans-  
gressionum Le-  
gi sunt qua-  
druplices.*

*Coacta.*

Deut. 22. 26.

Porro scias, Actiones Transgressionum in quatuor partes dividi; quædam enim sunt *Coactæ*, quædam *per Errorem*, quædam *Superbè*, quædam *Manuelatæ*, h.e. protervè & pertinaciter.

Quod attinet eum, qui *Coactè* peccat, is nullà poenà afficitur, neque etiam peccatum illi imputatur, sicut Deus ipse dicit; *Non facies quicquam puella: non enim est illi puella peccatum mortis*.

*Ex errore.*

At verò peccatum habet is, qui *per errorem* peccavit. Nam si diligenter se continuisset sibiq; cavisset, non incidisset in errorem. Idèd licet nulla afficiatur poenà, opus tamen habet expiatione, ac propter eà oblationem offerre cogitur. Differentiam autem hic facit Lex inter Virum Eximium, Litteratum & Idiotam; inter Regem & Sacerdotem magnum, vel eum, qui tradit Halacham (*sensentiam aliquam vel ritum*), & docet nos, quòd quicumque facit aut docet Halacham aliquam secundum proprium suum intellectum, (h.e. *ex proprio suo cerebro*, vel *ex sua ignorantia*), nisi fuerit Domus Judicii magni aut Sacerdos magnus, sit ex eorum numero, qui superbè peccant, neque cen-

cenſeatur inter errantes. Hinc morte mulſatur Senéx rebellis, etiamſi faciat & doceat ſecundùm id, quod ipſi videtur. Domus autem Judicii magni poteſtatem habet judicandi pro ſuo arbitratu, & ſi errent, habentur pro iis, qui ex errore peccant, ſicut dicitur; *Quòd ſi* Lev. 4. 13. *rota Synagoga Iſraél erraverit, &c.* Ex hoc fundamento dixerunt Rab-  
bini noſtri, *Error doctrina reputatur pro ſuperbia*: h.e. Si quis imperfe-  
ctus fuerit in ſapientia, & ſecundùm ſuam inſcitiam & ignorantiam  
docuerit vel fecerit, habetur pro ſuperbo. Nam non eſt eadem ratio  
ejus, qui comedit de adipe renum, exiſtimans ſe comedere adipem  
caudæ, quæ illius, qui comedit adipem renum, ſciens quòd ſit adeps  
renum, ſed ignorans quòd adeps renum ſit prohibitus. Hic enim  
licet oblationem offerat, tamen aliquo modo tantùm ſuperbè pec-  
canti eſt affinis, ſi ſolummodò ita faciat, (h.e. opere transgrediatur);  
ſed qui ſecundùm ſuum intellectum (pro ſuo arbitratu, vel ſecundùm  
ſuam ignorantiam) docet, is ſine omni dubio & exceptione talis eſt.  
Scriptura enim neminem liberat vel excuſat ab errore in doctrina  
commiſſo, niſi Domum Judicii magni.

Qui per ſuperbiam delinquit, tenetur de judicio ſcripto, (h.e. de pœ. Per ſuperbiam.  
na in Lege ſcripta); nimirum vel Morte Judicii magni, vel Vapula-  
tione, vel Caſtigazione Præceptorum negativorum, propter quæ  
non vapulant, vel denique Mulctâ pecuniariâ. Sed illas Transgreſ-  
ſiones quod attinet, in quibus perinde eſt, ſive ex errore, ſive ex ſu-  
perbia perpetratæ ſint, id ſit propter nimiam illarum frequentiam  
& facilitatem, & quòd nulla in illis ſit actio. Tale eſt *Juramentum*  
*teſtimonii*, *Juramentum depoſiti*, *Ancilla item* \* *contempta violario*, eò \* *vel deſpon-*  
quòd & hoc frequenter accidat, quia talis liberè quaſi eſt expoſita; *ſata.*  
neque enim eſt ancilla mera, neque merè filia libera, neque etiam  
uxor Viri alicujus mera & vera, ſicuti Cabbala exponit in explica-  
tione hujus præcepti. Lev. 19. 20.

Qui denique peccat *Mann elatâ*, eſt ſuperbus, qui callum peccan-  
di attraxit, ac publicè liberèque peccat. Hic enim non ſolùm *Mann elatâ.*  
concupiſcenciæ ſuæ cauſâ, aut propter malitiam qualitarum ſuarum  
(h.e. ex prava conſuetudine) peccat Legemque transgreditur, ſed ex-  
preſſè ſtudio contradicendi Legi, contraque eam inſurgendi, unde  
dicitur, *Domus enim probri afficit*, ac propterea ſine omni dubitatio-  
ne morte eſt pleſtendus. Nam nemo ita peccat, niſi cujus animo in-  
ſidet opinio vel dogma aliquod Legi Divinæ repugnans, in quo ab  
ipſa diſſentit. Hinc communis & recepta hujus Legis expoſitio eſt,  
quòd in ea Scriptura loquatur de Idololatra, eò quòd is primariis &

principalibus Legis fundamentis adversetur. Nullus etenim colit Stellam vel Planetam aliquem, nisi credat ejus antiquitatem vel æternitatem, (*quæ subint. Scriptura fundamentis repugnat*), sicuti sæpius jam in libris nostris explicuimus. Eadem autem ratio esse mihi videtur omnium Transgressionum, quæ protervè contra Legem fiunt & committuntur; etiam si Israëlita aliquis tantum comederet carnem cum lacte, vel heterogeneis vestimentis se vestiret, vel angulum capitis sui coronæ instar tonderet in contemptum Legis; idq; propter consequentiam, quæ inde sequi videtur, ac si nimirum non crederet, hanc Legem esse veram. Et hoc est meo judicio id, quod dicitur; *DOMINUM probus afficit*. Occidendus autem est talis Mor-te abnegationis, (h.e. ut Hæreticus, Apostata, qui fidem abnegavit), non Mor-te pœnæ, quemadmodum \* *Cives urbis ad Idololatriam impulsæ* mor-te hæreticorum & apostatarum interficiuntur; non verò mor-te pœnæ, unde facultates ipsorum comburendæ sunt, neque hæredibus relinquendæ, sicut reliquorum, qui à Domo Judicii interficiuntur. Ita ajo, si totus aliquis cœtus vel congregatio Israëlitis per superbiam transgrediatur præceptum aliquod, & manu excelsâ illud faciat, omnes esse occidendos. Probationem hujus rei habemus in historia filiorum Gad, & filiorum Ruben; ubi *primò* dicitur, quòd *totus cœtus filiorum Israël convenerint, ut ascenderent contra eos ad pugnam: deinde*, quòd graviter expollulârint cum ipsis, quòd apostatæ facti sint, (dum in Transgressionem illam unanimiter consenserûnt), & à Lege Dei planè defecerint: hoc enim sibi volunt, dum ajunt; *Ne averramini hodiè, ne eati post DOMINUM: tertio*, quomodo & illi responderint, ac regesserint; *& si per rebellionem, & si per pravaricationem*, &c. Nunc itaq; tu in usus tuos converte, quæ de Pœnis hætenus à me dicta sunt.

*Ratio præcepti de delenda memoria Amaleharum.*

Deut. 25. 19.

Cæterum, ex iis, quæ in Libro *דברים* h.e. de *Judiciis* comprehenduntur, est quoq; præceptum *de delenda memoria Amaleharum*. Quæ etenim ratione punitur Homo unus seorsim, eadem puniendæ est integra aliqua familia & natio, ut reliquæ familiæ id videntes ac audientes à similibus peccatis & damnis abstineant. Dicent enim apud se; Fortè idem contingeret nobis, quod contigit filiis N., vel fortè idem contingeret nobis, quod facturi sumus illis: ita ut, si filius aliquis perditus & degener inter illos nascatur, qui nullam vitæ vel salutis suæ rationem habet, neque malum, quod perpetratum it, perpendit, non facîle patronum aliquem in familia sua hac ratione sit reperturus, qui ei in sceleribus suis, quæ patrare vult, sit patrocina-

turus.

turus. Ita de Amalek, qui primus gladio adortus est Israëlitas, dicitur, *ut gladio memoria ejus deleatur. Ammon & Moab*, qui ex avaritia fecerunt id, quod fecerunt, & per astutiam malum nobis intulerunt, non aliâ quàm hac pœnâ affecti sunt, ut affinitatem ipsorum fugiamus, nulloque amore illos prosequamur. Omnia ista divinam habent mensuram & proportionem pœnarum, cui nec addendum, nec detrahendum, sed unicuique, ut Deus ipse explicat, *secundum impietatem suam reddendum.*

Ad hæc, pertinet ad hunc librum (*Schopherim*) præceptum de constituendo extra Castra spatio & paxillo, (pro Naturæ l.c. necessitatibus conlegendis). Ex intentione enim hujus Legis inprimis quoque est Mundities, & omnis generis sordium, scditatum & impuritatum vitatio, ne Homo sit instar brutorum Animalium. Sed & istis actionibus confirmare voluit Deus fidem belligerantium, quod Majestas Divina inter ipsos habitet, sicut dicitur in causa hujus præcepti; *Nam Dominus Deus tuus indefinenter ambulat in medio Castrorum tuorum.* Ad quod aliam adhortationem adjungit, dicens; *Itaque non videat in te nuditatem aliquam, cujus causâ à te avertatur* quibus verbis deterrere & dehortari vult à scortatione, quæ nimis trita & vulgaris esse solet inter Milites, quamdiù à domibus suis absunt. Utcunque ab operibus istis impuris liberemur & abstineamus, præcepit nobis Deus talia opera, quæ nobis in mentem revocant, Gloriam ipsius in medio nostri habitare, sicut dicitur; *Et sint Castra tua sancta, & ne videat in te turpitudinem aliquam.* Ita jussit eum, qui casum nocturnum passus est, extra Castra educere usque ad Solis occasum, & cum demùm reduci: ut uniuscujusque animo altè infixum hoc hæreat, quod Castra ipsorum debeant esse sicut Sanctuarium DEI, & non sicut Castra Gentium, in quibus omnis generis corruptiones, transgressiones, rapinæ, furta, aliæque scelera liberè grassantur. Verùm Intencio nostra est, dirigere Homines ad cultum DEI, ejusque rationes ordinare; prout tibi jam indicavi, me eorum tantum causas & rationes redditurum, quæ in Scriptura reperiuntur.

Tandem pertinet huc Judicium Mulieris formosæ captivæ. Nosti, quid Sapientes nostri dicant; *Non loquitur hoc Lex, nisi respectu concupiscentiæ malæ.* Sed subest in hoc Præcepto etiam aliquid ad bonos mores & virtutes spectans, in quibus Homines liberales se exercere debent, de quo te nunc sum commonefacturus. Licet enim Concupiscentia mala ita dominium in Homine obtineat, ut non possit illius vim sufferre, sustinere aut subigere; non publicè tamen illam debet

Exod. 17.  
Deut. 25. v. ult.  
Deut. 23.

Deut. 25. 2.

De constituendo  
loco & paxillo  
extra Castra.  
Vide Deut. 23.  
13. 14.

Castra cur munda  
haberi & conservari  
voluerit  
Deus?

Ibid. v. 10. 11.

Præceptum de  
formosa muliere  
captivæ abdu-  
ctâ.

Deut. 21. 10.  
11. & c.

perficere, sed in locum privatum & occultum debet Mulierem deducere, unde dicitur; *Introduces eam in medium domus tua*: neque permillum est ei, in bello ipsam comprimere: sicut explicant ibi, quòd non liceat ipsi eam secundâ vice violare, donec quiescat ac sedetur luctus & mœror ejus, neque à luctu, fleru, & lotione impedire, sicut dicitur; *Ac flebit patrem suum & matrem suam*. Lugentibus enim lachrymæ quietis & recreationis loco sunt, donec vires corporis planè debilitentur, ut accidens illud animæ non ampliùs sustinere queant, sicut Hominibus lætis risus quietis loco est. Et hac de causâ clementiâ usa est Lex erga illam, facultatemque horum omnium ipsi concessit, donec lassâ & defessâ fiat ad lugendum & plorandum. Novisse autem quoque debes, quòd non violare audeat eam nisi in Gentilismo, h.e. dum adhuc gentilis & pagana est, & quòd triginta dies liberè possit Legem & Religionem luam, etiam Idololatricam, retinere; neque intra hoc temporis spatium quisquam ipsi contradicere vel molestus in fide esse debeat. Ac licet ipsam ad consuetudines & ritus Legis non possit convertere, non licet tamen ipsi eam vendere, aut pro ancilla habere. Ex quibus vides, Legem prohibuisse accessum carnalem, etiamsi ipsa in rebellionem suam, h.e. gentilis & pagana remanserit: quin imò dicit insuper; *Non abutitor eâ ad questum, pro eo, quòd afflixisti eam*.

Arque ita explicatum tibi haecenus est, quæ nam Virtutes in istis Præceptis quoque nobis commenduntur, & simul causæ indicatæ omnium hujus libri (*de Judicibus sc. & Judiciu*) Præceptorum.

## CAP. XLII.

*De causis & rationibus Præceptorum  
septimæ classis.*

*Septimæ classis.*

SEPTIMÆ classis præcepta sunt *de Judiciis pecuniariis*, quæ enarravimus partim in libro *Miscbpatim* h.e. de Judiciis, partim in libro *Kinjan* h.e. de Possessionibus.

Causa illorum est manifesta; sunt enim quasi mensura æquitatis Judiciorum in negotiis & contractibus, quæ inter Homines tractari solent, & ut negotiantes vel contrahentes se invicem adjuvent, unusque commodum aliterius promoveat, non ut alteruter illorum duorum solus suam rem agat, totumque lucrum ad ipsum redeat.

*Præcepta de Vēditionibus.*

Primum omnium, quod hoc loco occurrit, est, *ut nulla fraus committatur in Venditione*, sed lucrum sit consuetum, ordinarium & n-

tum,

rum, ut certæ conditio. observentur, quibus venditio confirmetur, nullaque in verbis fraus vel impostura fiat, sicut notum est.

Deinde, pertinet hūc *Judicium quatuor Custodum*, cujus æquitatis *De Custodibus.* ratio est manifesta. Nam qui custodit gratis & nullam inde utilitatem consequitur, sed potius ipse alii benefacit, is liber est ab omni damno, & si quod damnum accadat, id Domino rei adscribitur. Sed qui petit, ut omnem ex re custodita habeat utilitatem, & cui Dominus mercedem dat, is reus fit omnium, & ex ejus crumena refundenda sunt damna omnia, quæ accidunt. Cum verò uterque, & qui mercedem dat, & qui mercedem accipit, h.e. Custos & Dominus rei custoditæ, de utilitate participant, tūm ex æquo etiam uterq; damnum patitur. Damnum, quod accidit ex negligentia Custodis, ut *quod furto est ablatum, vel amissum*, reperitur à custode; quia ided accidit, quod non, ut decet, custodi verit. Damna verò, quæ nullo consilio, nullāq; curā & diligentia præcaveri possunt, ut est *fractum*, (cūm pecus vel jumentum aliquod membrum quoddam frangit), *captum*, vel *mortuum*, illa Domino imputantur. *Exod. 22. 7. 8. 9.*

Post-hæc, summam *Mercenariorum* curam gessit, propter pauper- *De Mercenariis.* tatem ipsorum; præcipiendo, ut illis citò & maturè detur merces ipsorum, nec in minimo vis aut fraus aliqua ipsis inferatur; h.e. ut merces ipsis detur secundum opus ipsorum. Et ex intima hac Misericordia provenit quoque, quod præcipit, ut non prohibeatur (*mercenarius*), imò ne quidem jumentum, comedere de cibis, in quibus laborant secundum judicia Legis hujus. *Deut. 24. 14. 15.*

Insuper, ex Judiciis istis pecuniariis sunt quoque *Hæreditates*, de quibus præcipitur, ne quis subtrahat bona sua ab eo, cui jure debentur; sed cūm ad mortem vadat, hæredibus suis illa non invideat, neque ea prodigat aut dispergat, sed iis, quibus præ aliis decent, relinquat, illis nempe, qui magis è familia sua ipsi sunt propinqui. Hinc specialiter declaravit, quænam in illis ratio sit observanda; quod nempe filius debeat præcedere, deinde sequi filia, postea frater, inde fratres patris, sicuti notum est. Item, ut jus primogenituræ detur filio natu majori, quia ipsius amor est prior: neque hic affectibus suis quisquam indulgeat, ad filium magis dilectæ (*uxoris*) jus primogenituræ transferendo, &c. Atque hanc virtutem (ut videlicet propinquiorum potiore rationem habeamus, magisque illis beneficiamus) commendat & confirmat nobis ubique Lex hæc æquissima. Hinc dicit Propheta; *Es qui turbat carnem suam, vel propinquum suum, crudelis est.* Sic inquit Lex in præcepto de Eleemolynis; *Fratri* *Prov. 11. 17.* *Deut. 15. 11.*



tuo, Pauperi tuo, &c. Er Sapientes nostri supra modum commendant eum, qui benefacit propinquis suis, & filiam sororis suæ suscipit. Quousq; autem hic debeamus progredi, & quàm commendata nobis hæc virtus esse debeat, docet nos Lex satis superq;, dum vult; Ut propinquorum nostrorum, & qui cognatione nobis juncti sunt, rationem habeamus, licet nos offenderint: imò, licet pessimus & corruptissimus esset aliquis illorum, non tamen avertendam esse ab eo

Deut. 23. 7.

benignam faciem, sicut dicitur; *Non abominaberis Idumæum, quia frater eum est.* Ita, quotiescunque & quandocunque in angustia reperis eum, cujus ope aliquando indigni fuisti, & à quo beneficium olim accepisti, obligatus es meminisse illius, quod antea tibi præstitit, licet postea tibi malefecerit. Sic dicit Deus; *Non abominaberis Aegyptium, quia peregrinus fuisti in Terra ejus.* Notum autem est, quantis malis postea nos Aegyptio delapsi sumus.

Ibid.

Ita ergo vides, quot bonas & laudabiles virtutes ex Præceptis istis addiscamus; sed duo postrema propriè non hùc pertinent. Ex illis autem, quæ de proximis Hæredibus dicta sunt, ad sermonem illum de Idumæo & Aegyptio delapsi sumus.

## C A P. XLIII.

### *De causis & rationibus Præceptorum octava classis.*

Octava classis.

**P**RÆCEPTA sub octava classe comprehensa, sunt ea, quæ in Tractatu *Semanim* h. e. de *Temporibus* enarravimus. Causæ illorum, paucis exceptis, in Lege ipsa sunt explicatæ.

De Sabbatho.

Causa & ratio *Sabbathi* nota satis est, neque ulteriori explanatione indiget. Palàm est, quantam Homini quietem procuret; ut nempe septima vitæ ejus pars à labore & defatigatione vacua sit & libera, nemoque vel magnus, vel parvus inde excipiat. Cui conjunctum est & hoc, quòd perpetuò conservet & confirmet præstantissimam illam de Mundi Creatione historiam ac doctrinam.

De Jejunio in die Expiationis.

Levit. 16. &

23.

*Jejunium* *Diei Expiationum* quod attinet, causa illius quoque est manifesta. Excitat enim studium Resipiscentiæ. Ac præterea est Dies ille, quo Princeps Prophetarum (Moses) cum tabulis secundis de monte descendit, & Populo peccati ipsorum magni Remissionem annuntiavit. Hinc in æternum electus est in diem merum Resipiscentiæ & cultûs Divini, (h. e. quo *Resipiscenciam nostram coram Deo testemur, & cultui Divino unice vacemus*): ideoq; prohibita est in

eo omnis corporalis tam voluptas, quàm labor & defatigatio, (h.e. *omnia opera corporalia*), nihilque in eo faciendum, nisi peccatorum confessiones, (h.e. nisi peccata confiteri, & ab illis se convertere).

*Reliquos Dies Festos* quod attinet, instituti illi sunt omnes lætitiæ *De reliquiis Die-*  
causâ, & propter publicas Hominum congregationes ac conven- *bui festu.*  
tus, qui Hominibus & sunt necessarii, & utiles ad mutuum inter se  
amorem fovendum, qui inter Homines in civilibus ac politicis con-  
ventibus necessariò requiruntur.

*Particulares autem & proprias Dierum circumstantias* quod attinet,  
habent & illæ suas causas.

*Festum enim Paschatis* quod attinet, *cur septem diebus celebrandum sit*, *Cur festum Pa-*  
manifestum est; quia nempe circumactio vel revolutio septem die- *schasis septem*  
rum est circumvolutio media inter Diem Solarem & Mensem Lu- *diebus celebra-*  
narem, quæ ut magnum habet (*sicuti nôsti*) usum in rebus Naturali- *dum fueris?*  
bus, ita quoque in Legalibus. Lex etenim perpetuò assimilatur  
Naturæ, & res Naturales aliquo modo perficit. Nam Natura non  
pollet ratione vel intellectu; Lex autem est Regula & Directorium  
quasi DEI Opt. Max., qui intellectum dedit omnibus intellectu præ-  
ditis. Sed hæc præter scopum hujus capitis. Revertamur itaque ad  
id, in quo hic versamur.

*Festum Septimanarum* (h.e. Pentecostes) est Dies ille, quo Lex data *De festo Septi-*  
fuit. Ad hujus diei honorem pertinet, quòd dies à præcedenti solenni *manarum vel*  
festò (*Paschatis*) ad illum usque diem numerantur, quemadmodum *Pentecostes.*  
quis optimum ac fidelissimum amicorum suorum expectans, dies  
& horas numerare solet. Hæcque vera causa etiam est numeratio-  
nis *homer* à die, quo egressi sumus ex Ægypto usq; ad diem promul- *Vide Lev. 23. 15.*  
gationis Legis, quæ præcipua fuit causa & finis Exitus ipsorum,  
licet dicat; *Et adduxi vos ad me*: vel, *Ut adducerem vos ad me*. Quia verò *Exod. 19. 5.*  
Visio illa magna non nisi unum diem duravit, ideò & memoria ejus  
quotannis per unicum saltè diem celebratur. Sed si comestio  
Azymi unico tantùm die duraret, non sentiremus illud, neque ratio-  
nem ejus consideraremus; sæpè enim accidere solet, ut Homo per  
duos aut tres dies pane azymo vescatur. Animadvertitur autem &  
illustis redditur, quando per integram revolutionem (h.e. *septima-*  
*nam*) comeditur.

Ita *Principium Anni* per unum diem celebratur, quia est Dies Resi-  
piscentiæ vel Conversionis, & Excitationis Hominum à somno suo;  
quæ causa est, quòd *buccinâ* eo die clangendum sit, sicut in *Mischne Thorab*  
declaravimus: præterea quasi præparatio est ad Diem Jejunii, (h.e.  
Expia-

*De Principio*  
*Anni.*  
*Lev. 23. 24.*

Expiationum), quemadmodum manifestum ex decem illis diebus, qui intercedunt inter Principium Anni & inter Diem Expiationū.

*De festo Tabernaculorum.*

*Festum Tabernaculorum* quod attinet, cujus finis est Læticia & Hilaritas, septem dies illud celebratur, ut pateat & ubique divulgetur ejus causa. Cur autem illo tempore ferietur, ejus causam aperte

Exod. 23. 16.

Lex indicat, dum ait; *Ed quod collegeris opera tua ex agro, q. d. quia tūm requies tibi est & respiratio à tuis negotiis.* Ita meminit Aristoteles

cap. 9.

in libro octavo Ethicorum, idem in more olim fuisse apud Gentiles, in hunc sensum ferè scribens; *Sacrificia antiqua, ceterisq; & conventus, qui Sacrificiorum causā habebantur, facta fuerunt post collectionem fructuum & proventuum, quasi essent Sacrificia pro Respiratione facta.* Hæc ille. Sed & ided factum esse potest, quia illo tempore tolerabilis maximè est commoratio in Tabernaculis, eò quòd tūm neque æstus, neq; pluvia molesta nimis esse soleat.

*Doctrina & utilitates, quæ hauriuntur ex festo Tabernaculorum & Paschæ.*

Cæterum, duo ista festa, *Tabernaculorum* nempe, & *Paschæ*, utilissimas nos doctrinas & virtutes docent.

Ac *Paschæ* quidem doctrinas quod attinet, inservit illud ad recordationem Miraculorum in Ægypto factorum, illorumque in omnes ætates conservationem; *Festum* verò *Tabernaculorum* ad conservandam memoriam signorum in deserto.

*Virtutes* quod attinet, discimus ex illis, memorem esse debere Hominem dierum malorum in diebus bonis, ut indefinenter Deo Opt. Max. pro liberatione gratias agat, Mansuetudinemque & Humilitatem discat, dum panes azymos & herbas amaras in Paschate comedit; ac in memoriam sibi revocat, quæ conrigerunt nobis. Sic, quòd

*Cur in festo Tabernaculorum iussi fuerint ades sui delinquere, & in Tabernaculis habitare?*

Levit. 23. 43.

(in festo Tabernaculorum) exire jubemur ex adibus nostris, ad habitandum in tabernaculis, Eremitarum more, qui cum magno dolore & molestia in desertis commorantur, recordari facit nos, quòd talis fuerit conditio nostra in principio, sicut dicitur; *Uti sciatis generationes, quòd in tabernaculis habitare feci filios Israël, &c.* & ab ista conditione translatus sumus, ad habitandum in domibus pictis, in loco optimo ac pinguisimo totius Terræ, per singularem Dei gratiam, & juxta promissiones ipsius Patribus nostris factas, eò quòd fuerint Homines perfecti in scientiis & virtutibus; Abraham inquam, Isaac & Jacob. Est enim hoc quoque unum ex iis, à quibus Lex dependet, h. e. ex

*Fundamentum straminum.*

*fundamentum Legis*, quòd omne bonum, quod Deus nobis fecit, vel faciet, fiat propter meritum Abrahami, Isaac & Jacobi, quia custodiverunt viam DOMINI, faciendo justitiam & iudicium. Sed quòd

Lev. 23. 36. 39. ex Tabernaculis eximus ad aliam solennitatem, die scilicet octavo, quo Festum est

Inter-

*Interdicti, illud facit ad perfecta reddenda gaudia nostra, quod in Tabernaculis fieri nequit, sed in amplis & angustis domibus ac palatiis.*

Quod attinet *quatuor species frondium, vel ramorum, qui illis diebus festi* Lev. 23. 40. *Tabernaculorum gestandi sunt, illius rei causam Allegoricam (pro more suo) Rabbini nostri dederunt. Solent enim, ut illi norunt, quibus* De Allegoria Rabbinarum. *consuetudo ipsorum nota est, Allegoriis vehementer delectari, & crebro illis uti; non quod existiment, hanc esse mentem & sensum Scripturæ, sed instar jucundi alicujus ænigmatis, (h. e. delectationis gratiâ). Duo autem sunt Hominum de Allegoriis judicia. Quidam existimant, illas ab ipsis adduci ad declarandam Scripturam; alii verò irrident & contemnunt eas, cum certum sit, non esse eam Textus sententiam. Priores omnibus viribus pugnant ad tuendas & verificandas Allegorias, & credunt illas esse de sensu Scripturæ; idemq; esse judicium Allegoriarum, quod Traditionum per Cabbalam acceptarum. Sed neutri ex istis duobus rem intellexerunt. Sunt enim instar ænigmatum, quorum sensus intelligentibus non est dubius; illa enim docendi ratio illis temporibus admodum fuit erita & usitata; quemadmodum Poëtæ quoque istum morem observant. & c. Dixerunt Rabbini nostri p. m., Tradit R Kappara, Scriptum est וְעַל אֶזְרָאֵךְ לֹא יָדָעְתָּ. Ne legas אֶזְרָאֵךְ, sed אֶזְרָאֵךְ; nam docet, quod Homo digitum in aures suas immittere debeat, cum obscœnum aliquod verbum audit. Mirum equidem esset, si magnus iste Doct̃or Talmudicus credidisset, secundum illorum stultorum sententiam ita versum hunc exponendum & intelligendum esse, ut per אֶזְרָאֵךְ sive Paxillum intelligatur Digitus, & per אֶזְרָאֵךְ Arma sive Instrumenta, Aurei. Non existimo autem, quemquam sanæ mentis id dicturum. Verum est Allusio & Ænigma elegans, quod elegantem hanc *rabbinicam* & doctrinam nobis suppeditat; Quâ ratione prohibitum est rem obscœnam dicere, eadem prohibitum quoque esse eam audire. Et hoc tanquam parabolam aliquam illustrem expositioni versûs adjecit. Atque hic est sensus omnium illarum expositionum Allegoricarum, in quibus dicitur, *Ne legas sic, sed sic.* Sed extra terminos nostros egressi sumus; necessarium tamen fuit ea monere, ut quilibet Intelligens illa sciat. Ad seriem itaque verborum nostrorum redeo, & dico: *Quatuor illas frondium seu ramorum in festo* De quatuor speciebus ramorum in die Tabernaculorum. *Tabernaculorum species mihi videri signum esse Lætitiæ propter Exirum è Deserto (quod nec erat locus seminis, ficuum, vitium, malogranatorum, neque aquarum ad bibendum) in locum Arborum fructiferarum & fluviorum. In memoriam itaq; istius rei iussit sumere**

de optimis Terræ illius fructibus, rebus ejus suaveolentissimis, foliis pulcherrimis, herbis denique præstantissimis, (videlicet ערבי נחל, quod exponunt, Salices torrentis). Has verò quatuor species tria conjunxerunt, (h.e. quatuor autem ista species ob tres causas conjuncta sunt): primum est, quia in temporibus illis ubique extrabant in Terra Israël, & à quovis haberi poterant: secundum, Pulchritudo & Viriditas illarum, quarum quædam gratissimi suavisimique erant odoris, ut Citrus & Myrtus; quædam verò nullius planè, ut Palma & Salix: tertium est, quia per septem integros dies viriditatem & humiditatem suam retinent, id quod in Persicu, Malogranatu, Asparagi, & similibus fieri non potest.

## CAP. XLIV.

*De causis & rationibus Præceptorum  
nonæ classis.*

*De præceptis nonæ classis.*

**P**RÆCEPTA sub nona classe comprehensa, sunt ea, de quibus egimus in libro חֲנֻכָּה de Amore. Eorum causa est manifesta. Intentio quippe cultuum illorum est, ut DEUM perpetuò ob oculos habeamus, timeamus, diligamus, mandata ejus custodiamus, de eo credamus ea, quæ quilibet orthodoxæ Religionis addictus credere tenetur. Cultus autem illi sunt, Precatio, Lectio Audi, Consecratio Cibi, & quæ his adhærent; Benedictio item Sacerdotum, Thephillin, Mesusoth, Zizith, Emprio libri Legis, ejusq; diligens certis temporibus Relectio. Omnia ista ejusmodi sunt opera, quæ multas utiles doctrinas & opiniones nos docent: quod ita est manifestum, ut pluribus verbis non sit opus.

## CAP. XLV.

*De causis & rationibus Præceptorum  
classis decimæ.*

*De præceptis classis decimæ.*

**P**RÆCEPTA sub decima classe comprehensa, sunt ea, quæ enarravimus in Tractatu de Domo electa, in Tractatu de Vasis Sanctuarii ejusq; Ministris, & in Tractatu de Ingressu in Sanctuarium. Utilitatem hujus classis alibi jam in genere indicavimus.

Notum est, Idololatrias olim ad Idolorum suorum Tempia & Imagines loca alta & excelsa elegisse, ita ut in montibus collocata essent. Hinc elegit Abraham pater noster p.m. montem Morijah, eò quod altissimus fuerit montium in illis regionibus, ac publicè in illo

illo Unitatem DEI professus est, & quidem ad Occidentem, quia *Sanctum San-*  
*Sanctum Sanctorum futurum erat in Occidente.* Hinc dicunt; *Majestas*  
*Divina est in Occidente.* Et expresse docent Rabbini nostri in Gema-  
*Sanctorum fuit ver-*  
*sus Occidentem.*

ra; Abrahamum patrem nostrum designasse Occidentem pro loco Sancti  
*Sanctorum.* Causa autem hujus rei meo iudicio est, quòd, cum com-  
*Antiqui versus*  
*Orientem ado-*  
*raverunt.*  
munis eo tempore supersticio fuerit, Solem adorare ac pro DEO ha-  
bere, sine dubio omnes Homines ad Orientem se converterint Ita q;  
convertit se Abraham Patriarcha ad Occidentem in monte Morijah,  
h.e. in Sanctuario, ita ut tergum suum Soli obverteret. An ignoras  
enim, quid fecerint Israël: tē, cum apostatarent & ad errores istos an-  
tiquos declinarent? *Posteriora sua* (inquit Propheta) *verterunt Templum* *Ezech. 8. 16.*  
*DEI, & faciem suam ad Orientem versus, & incurvabant se ad ortum Solis,*  
*vel, versus Orientem ipsi Soli.* Tu hoc admiratione & notatu dignum  
observa! Porro, nullum dubium mihi est, quin locus ille, quem  
Abraham spiritu Prophetico separavit & designavit, Mosi & multis  
aliis notus fuerit; quia Abraham illis præcepit, ut ibi locus esset  
cultūs Divini, (h.e. ut ibi *Templum erigeretur*), quemadmodum Onke-  
los Paraphrastes Chaldeus explicat, ita scribens; *Et servivit & adora-*  
*vit ibi Abraham in loco illo, & dixit coram DOMINO: Sic erunt servientes*  
*generationes, &c.* Quòd locus ille non aperte & clarè, sed obscurè tan-  
tū in Lege subindicetur, dum dicitur, *In locum quem eligit DOMI-*  
*nus, in eo tria magna, meo iudicio, latent mysteria: primò, ne Gentes*  
*illum occuparent, ac ejus causâ bella moverent, intelligentes, hunc*  
*locum esse finem Legis: secundò, ne illi, in quorum manibus tūm lo-*  
*cus ille fuerat, omnibus viribus eum vastarent ac destruerent; tertio,*  
*(quod præcipuum est), ne quælibet tribus cuperet eam in sorte &*  
*ditione sua habere, ac ita lites inter ipsas propterea oriantur, sicut*  
*accidit de Sacerdotio.* Hinc præceptum fuit, ne ædificetur Domus  
Sanctuarii, nisi constituto Rege, qui præciperet ædificare illud, ut  
omnis disceptatio tollatur, sicut explicuimus in libro *Sophetim.*

Constat etiam, Homines illos Templum exstruxisse Stellis, in eisq;  
collocasse Imaginem, ad quam colendam unanimiter consenserunt,  
Imaginem nempe, Stellæ vel Syderi alicui dedicatam. Hinc *justi su-*  
*mus nos Templum ædificare DEO Opt. Max., atq; in eo collocare Arcam,*  
*& in illa reponere duas Tabulas lapideas, in quibus scriptum est,*  
*Ego (sum sc. DOMINUS DEUS tuus), & Non erunt tibi, &c. (h.e. in*  
*quibus exarata sunt decem Decalogi præcepta).*

Præterea notum est, quòd articulus fidei de Prophetia præcedat  
fidem Legis; (nam si non est Propheta, non est Lex): Prophetia

autem non obtingat Prophetæ, nisi mediante Angelo, (sicut dicitur; Genes. 12. 15. *Et clamavit Angelus DOMINI*. Item; *Et dixit ipsi Angelus DOMINI*: & Genes. 16. 2. sic innumeris vicibus; ita ut Mosis Doctoris nostri Prophetiæ principium quoq; factum fuerit per Angelū, sicut dicitur; *Apparuit ei Angelus in flamma Ignis*:) & per consequens, quod fides existentie Angelorum prior sit fide Prophetiæ; & fides Prophetiæ prior fide Legis. Cum autem Zabaiæ ignoraret essentiam DEI Opt. Max., & existimarent, quod Ens illud æternum omnis privationis expers, sit Cælum cum Stellis suis, & ab ipso omnes virtutes in Imagines & Arbores quasdam (illas nempe, quæ מַשְׁכָּנִים in Lege vocantur) influant; ideo existimârunt, Imagines & Arbores esse illa, quæ verba Prophetiæ in os Prophetarum ponunt, cum illis in Visione loquuntur, eisq; futura mala vel bona indicant, sicut ostendi tibi alibi ex sententia ipsorum *de Prophetis Baal & de Prophetis Haascherab*, (h.e. Arborum vel Lucorū). At, cum veritas Sapientibus patefacta, & per demonstrationem scitum est, esse ENO aliquod, quod neq; sit corpus, neq; virtus corporea, (DEUS nempe verus), quod sit unum, & quod præter illud alia quoq; sint Entia abstracta & incorporea, quod super illa DEUS bonitatem & lucem suā effundat, Angeli videlicet, (sicut declaravimus), & quod ista Entia omnia sint aliud quàm Sphæræ cœlestes & Stellæ illarum: hinc indubitanter sciverunt, Angelos ponere verba veritatis in os Prophetarum, non autem Imagines vel Arbores (*Ascherotb*). Ex prædictis ergo pater tibi, quod fides existentie Angelorum sequatur fidem existentie DEI, & quod per illos Prophetia & Lex disponatur, vel confirmetur.

*Cur Deus iussit supra Arcam duorum Angelorum figuram facere?*

Exod. 25. 18.

Ad hujus igitur Doctrinæ confirmationem præcepit DEUS, *supra Arcam duorum Angelorum figuram facere*, ad existentiam Angelorum in animis Hominum confirmandam, quæ secundus est articulus sciendus post fidem existentie DEI, principiumque Prophetiæ & Legis. Quod si una tantum figura fuisset, h.e. unius tantum Cherubini forma, id facile errandi causam præbuisset. Existimare enim quis potuisset, ac si esset figura DEI colendi, sicut Idololatæ faciunt; vel, quasi Angelus unicum tantum esset Individuum, atque ita in multiplices errores inducere. Duos autem Cherubinos faciens, cum hac declaratione, *DOMINUS DEUS noster, DEUS unus*, extra omne dubium istos articulos posuit; quod Angeli existant, & illorum sint multi: deinde etiam omnem causam errandi vel cogitandi, ac si illi DEUS essent, sustulit, declarando, quod DEUS sit unus, & quod ille hos multos creavit.

Post-



Post-hæc, coram Arca reponere iussit Candelabrum, ad decorem & honorem ipsius Domûs. Illam enim Domum, in qua semper Lucerna ardet intra velum abscondita, apud Homines in summa haberi veneratione, certum est. Nôsti enim, quàm sollicitè & vehementer Lex laboret, Magnificentiam & Venerationem Sanctuarii nobis persuadere; ut ex ejus intuitu addiscamus Humilitatem, Mansuetudinem, & Misericordiam. Ita dicit, *Sanctuarium meum timebitis*, continud post præceptum de observando Sabbatho, similiter ad Venerationem Sanctuarii augendam.

Neceſſitas Altaris Thymiamatis, Altaris Holocauſti, & Inſtrumentorum  
ipſorum, manifeſta eſt.

*Sed Mensuram quod attinet, & quod Panis perpetuo super illa esse debuit, ejus rei causam, & quoniam illud referre debeam, in hunc usque diem nescio.*

*Prohibitionis illius, quâ Deus prohibuit, ne Altare exstruatur ex lapidibus cæsis, & ne super illo ferrum moveatur, vel elevetur, nôsti, quam Rabbi-  
ni nostri causam reddant, dum ajunt אין דין שינוי המקצר על הכאיר, quæ quidem optima est secundum rationem Allegoricam. Sed vera  
illius causa est manifesta, hæc nempe; Quia Idololatræ tùm tem-  
poris Altaria sua ex lapidibus cæsis ædificârunt, idè interdixit, ne  
assimilemur ipsis: & ut omnibus modis id vitemus, præcepit Altare  
fieri ex Terra, sicut dicitur; Altare terreum facies mihi: & siquidè absq;  
lapidibus fieri non possit, ut lapides in forma sua naturali maneant,  
neque cædantur, vel dolentur, sicuti etiam prohibuit Lapidem pictum,  
& Plantationem Arborum juxta Altare. Horum quippe omnium una  
eadem est Intentio, videlicet, Ne colamus ipsum eo modo, quo Ido-  
lolatræ fictitia sua colere solebant: quam rem generaliter & univer-  
saliter prohibuit, dicendo; Ne dicas, quomodo Gentes illæ colunt Deos  
suos, si faciam & ego. Vult dicere, illos non debere ita facere Deo,  
idque propter causam, quam subjungit, Quia omnem abominationem  
Domini, quam odit, fecerunt Diis suis.*

Porro, non te lateat, quâ ratione olim Idololâtricis cultus Pehoris perficiebatur, *Rereditio* nempe *Nuditatis*. Hinc præcepit Deus Sacerdotibus sibi *facere femoralia*, ad nuditatem suam regendam, quando *culem* Divino vacante: Item, *Ut non ascendant ad Altare per gradus*, ne *dere* gatur, sicut inquit Deus, *Perpirando* *etiam* juxta illud.

*Cur Sacerdotes femoralia gesserint? Cur gradus ad Altare non ascenderet debuerint?*

*Custodiam & Vigiliam perpetuam circa Sanctuarium quod attinet, precepta illa sunt propter Honorem & Majestatem ejus : item, ne vel stulti, vel immundi, vel etiam alii in lustrum constituti, auc*

corpore illoto in illud imprudentes irrumpant, sicut est mani- festum.

*Cur non curvi  
in Sanctuarium  
ingredi sui fues-  
runt?*

Præterea, ex iis, quæ permovent ad Sanctuarium reverenter ha- bendum, venerandum & timendum, est, quod in illud neq. ebrius, neque immundus, neque illotus capite (qui comam nempe habet), neque laceris vestibus indutus intromittebatur: quod item omnes ejus Ministri debe- runt sanctificare manus suas & pedes suos.

*De cõditionibus  
requisitis in Sa-  
cerdotibus.*

Exod. 28. 1.

Ad Magnificentiam insuper Domûs augustiorem reddendam, magnificavit dignitatem Ministrantium in ea, separatosq. esse voluit Sacer- dotes & Levitas ab aliis. Præcepit item Sacerdotibus honori causâ, ut vesti- bus pul. brijs & preciosis induti sint, sicut dicitur; Vestes sacras in gloriam & decorem: & Ne ad Ministerium admittatur, qui defectum aliquem habet corporis: quin- imò qui deformes sunt, ad Sacerdotium inepti fuerûnt, sicuti in Talmud hoc præceptum explicatur, quia non dijudicat Vulgus Homines secundum veram ipsorum formam, (Animam nem- pe rationalem, vel Intellectum), sed secundum membrorum perfectio- nem, velutimque pretiositatem vel ornatum. Omnium itaque isto- rum finis est, ut in debito honore & reverentiâ habeatur Domus apud quosvis.

*Lexica propter  
vocem inopis cõ-  
sebantur.*

Levita autem, qui non offert vel sacrificat, & de quo non dicitur, quod expiet iniquitates, sicut dicitur de Sacerdotibus; Et expiabit pro eo: Item; Et expiabit pro ea: sed cujus officium tantum consistit in dicendo Cantico, h.e. in cantu peragendo, is propter vocem ineptus censetur. Nam in cantu spectatur potissimum, ut verbis illis animæ afficiantur. Hæ autem non afficiuntur aut moventur, nisi vocibus ac melodiis suavis, instrumentisq. Musicis, quemadmodum semper in Sanctuario moris erat.

Quin- imò Sacerdotibus legitimû in Sanctuario ministrantibus prohibi- tum erat in eo habitare, aut quovis tempore in Templum ingredi. In Sanctum verò Sanctorum non licebat ulli ingredi, nisi Sacerdoti in die Expiationum, quatuor vicibus, neque ultra. Omnia hæc iterum propter auctoritatem Sanctuarii.

Et quia quotidie in Sanctuario magnum numerum Bestiarum mactabant, carnes ibi in frustra scindebant, intestina item & crura lavabant & comburebant, odor ejus, si in hoc statu illud reliquis- sent, sine dubio instar macelli alicujus fuisset; ideo præcepit Deus, ut bis quotidie suffitus in eo fiat, mane sc. & vespere, ad gratum reddendum odorem ejus, & odorem vestimentorum Ministrorum ejus. Hinc est illud, quod Rabbinii nostri dicunt; A' Jericho odorabantur odorem suf- ficiens.

*Cur Deus iussit  
bis suffitum fa-  
cere in Sanctua-  
rio?*

*fuit.* Et hoc itaq; ex illis est, quæ reverentiam ac venerationem huic loco acquirebant. Nam si non habuisset bonum odorem, sed contrarium ejus, (h.e. *malum*), tùm effecisset hoc quoque in animis Hominum contrarium reverentiæ (h.e. *contemptum*). Sicuti enim Anima mirificè bono odore delectatur, eumq; sequitur; ita econtrà malum odorem detestatur acque fugit.

*Oleum Unctionis duas habebat utilitates, Suaveolentiam nempe il-*  
lius, quod ungebatur, & ejusdem *Dignitatem & Sanctitatem*; quòd  
nempe ad præstantiorem usum separatum fuerit ab aliis suæ speciei,  
sive fuerit Homo, sive Vestimentum, sive aliud quoddam Instrumen-  
tum. Omnia hæc iterum referebantur ad reverentiam Sanctuarii,  
quæ (*reverentia*) causâ est reverentiæ vel timoris DOMINI; quia affectus  
Homini ad singularem devotionem moventur quando in San-  
ctuarium ingreditur, cordaq; dura emolliuntur & flectuntur. Sa-  
pientia autem ista Divina ad emollienda & flectenda Hominum  
corda, quando ingrediuntur in Sanctuarium, hûc facit, ut tantò ma-  
jori alacritate recipiant præcepta DOMINI, eumq; timeant, sicuti nobis  
in Lege declaratur, cùm dicitur; *Et comedes coram DOMINO DEO TUO*  
*in loco, quem elegeris, ut habitare faciat Nomen suum ibi, decimam frumen-*  
*tui tui, vini tui, olei tui, & primogenita boum tuorum, & pecudum tuarum, ut*  
*discas timere DOMINUM DEUM tuum omnibus diebus.* Sic itaque patet  
tibi, quisnam actionum prædictarum omnium finis fuerit. *Causa*  
*autem prohibitionis, ne tale oleum vel talis suffragus ab aliis conficiatur, est ma-*  
*nifesta, videlicet, ut nullibi quàm illic odor ille habeatur, & ita tan-*  
*tò majori affectione Homines illum prosequantur: item, ne illi, qui*  
*tali oleo fortè inungerentur, existimarent, se præstantiores factos,*  
*atque ita multa mala magnæque dissensiones orirentur.*

*De Olei Unctio-*  
*nis utilitate.*  
Exod.30.31.

Deut.14.23.

Exod.30.32.33.

Quòd verò *Arca super humeros, non in curribus, portabatur, fiebat tùm*  
honoris causâ, tùm, ne forma & structura ejus corrumpetur, præ-  
sertim quando vestes ex annulis educendi essent; prætereâ hac ra-  
tione quoque non corrumpetur amiculum & pectorale.

*Cur Arca super*  
*humeros portan-*  
*da fuerit?*  
Numer.7.9.

*Opus autem Vestimentorum omnium textile esse totum voluit sine sutura,*  
ut non corrumpatur forma ipsius texturæ.

*Vestimenta sa-*  
*cra fuerunt tota*  
*contexta sine su-*  
*tura.*

*Ita admonuit omnes ministerium obeuntes in Sanctuario, ne unus alterius of-*  
*ficio se immisceat; nam cùm negotia pluribus commissi sunt, nec u-*  
*nicuique peculiare suum officium designatum est, negligentia & pi-*  
*gritia facillè omnes occupat.*

*Cur ministeria*  
*confundi & cõ-*  
*misceri noluerit*  
*Deum?*

*Denique manifestum est, quòd Gradario illa locorum, dum videlicet*  
*Judicia certa data sunt Monti Domûs, certa Antemurali, certa Atrio Mulie-*

*Cur unicuique*  
*loco certa mini-*  
*sterium assignavit?*

rum, & certa alteri Ario, & sic consequenter usque ad Sanctum Sanctorum; quòd inquam ista omnia ad tantò majorem reverentiam & auctoritatem Domûs inservire debebant.

Atque ita commemoravimus tibi causas omnium istius quoque classis Præceptorum.

## CAP. XLVI.

*De causis & rationibus Præceptorum  
classis undecimæ.*

*Præcepta classis  
undecimæ.*

**P**RÆCEPTA sub undecima classe comprehensa, sunt ea, quæ enarravimus in reliqua parte libri *de Cultu Divino*, & in libro *de Oblationibus*, quorum utilitatem in genere jam explicuimus; nunc verò in specie pro virilirationem illorum quoque reddemus.

*Ægyptii coluerunt  
signum A-  
rietis.*

Dico ergo: Docuit nos Lex Divina (secundum expositionem Onkeli), Ægyptios coluisse *sydu* vel signum *Arietis*, ac propterea non solum prohibitum inter ipsos fuisse mactare Oves, sed & in summo contemptu & abominatione fuisse Pastores ovium. Hinc dicit Mo-

Exod. 8. 22.

*Zabii coluerunt  
Dæmones, &  
existimabunt il-  
los Hircorum  
formam habere.*

Levit. 17. 7.

ses; *Ecce, sacrificabimus abominationem Ægyptiorum!* Ad hunc modum ex Zabiis quidam fuerunt, qui Dæmones colebant, & existimabant, quòd formam *Hircorum* habeant; unde etiam Dæmones *Seirim* h.e. *Hircos* appellabant. Quæ opinio Moïsi tempore jam longè latèq; in Orbe diffusa fuit, sicut ait; *Et non sacrificabunt ultra sacrificia sua lasseirim hircis*, (h.e. Dæmonibus ita appellatis). Et hinc apud illud *Hominum* genus prohibitus quoque erat esus *Hircorum*.

*Jumenta in ma-  
ximo pretio ha-  
buerunt Idolola-  
tra, eorumq;  
mactationes sunt  
abominabiles.*

*Cur Deus in sa-  
crificiis iusserit  
offerre oves, bo-  
ves, & hircos?*  
Levit. 1. 1.

*Fumentorum* autem mactationem maxima pars Idololatrarum abominata est semper, omnesque hanc irrationalium Animalium speciem maximi fecerunt. Hinc in hodiernum usque diem in India reperies Homines, qui illa nunquam mactare solent; & quidem in illis etiam locis, ubi pecudes mactare consueverunt.

Ut ergo memoria erronearum istarum opinionum ex animis *Hominum* deleteretur, præcepit nobis, ut has tres Bestiarum species (*Arietes* sc., *Hircos*, & *Boves*) solum in sacrificiis nostris offeramus, sicut dicitur; *De bovis & pecudibus offeretis oblationem vestram*: ita ut illud, quod ipsi pro summo peccato habebant, Deo offerri debeat, illoque peccata nostra expianda sint. Hoc nempe pacto curandæ sunt opinioniones istæ prævæ, quæ sunt veluti morbi & ulcera Animæ humanæ, per extremum ipsorum contrarium.

Hoc fine præcipit nobis in die Paschati mactare Agnum, ejusq; sanguine anteriorem ostiorum nostrorum partem aspergere, tum ut nos à perniciosis istis opinionibus purgemus, tum ut contrarium illarum profiteamur, Hominiбусq; persuadeamus, actionem illam, quam ipsi mortiferam judicabant, à morte liberare, sicut dicitur; *Transiliet Domus tua juxta ostium, neque permittet vastatorem ingredi domos vestras ad percucendum: ad retributionem nempe cultûs, quo contrarium planè faciebant ejus, quod illi Idololatræ faciebant.* Hæc ergo causa est, propter quam illæ tres species Animalium præ aliis ad Sacrificia eligebantur: ad quam accedit & ista, quòd illæ dictæ tres species ubique inveniri & haberi potuerint; nequaquam verò illæ, quibus Idololatræ utebantur, qui offerebant Leones, Urîos, Tygros, aliasque feras bestias, sicut in libro שמט commemoratur.

Quia verò in multorum facultatibus non erat Boves offerre, idcirco præcipit, ut Sacrificia etiam de Avibus fierent, quæ frequentiores & in majore copia erant in Terra Israël, quales sunt *Turtures & Pulli Columbarum.*

Qui verò nec hoc potuit, ei licitum fuit offerre Panem, quocunque demùm modo & artificio, pro consuetudine illorum temporum, sive in furno, sive in sartagine, sive in ahenò coctus & præparatus fuerit.

Cui autem & hoc grave nuntius fuit, Panem videlicet coctum offerre, is nudam Simulam offerre potuit.

Omnia verò ista erant libera; postea enim exponit de hac cultûs Divini specie, *Oblationibus* inquam, quòd, licet illas prorsus non faciamus, ad nullum peccatum nobis imputetur, sicut ait; *Si autem desideris vovere, non erit in te peccatum.*

Præterea, quia Idololatræ Panem fermentatum solum offerebant, ac res dulces ad oblationes suas eligebant, easque melle inungere consueverant, sicut ex Isaiâpius jam à me allegatis ipsorum libris patet, *Sale* autem in illis non utebantur; ideo prohibuit Deus nobis Panem fermentatum vel Mel offerre. *Sale* autem in omnibus Sacrificiis uti seriò præcepit, sicut dicitur; *In omni oblatione tua offeres sal.*

Ad hæc præcepit, ut omnes Oblationes sint, quoad ejus fieri potest, perfectissimæ, ne in contemptum veniant ea, quæ Deo Opt. Max. consecrata sunt, sicut dicitur; *Offer illud Principi tuo, &c.*

Hinc prohibuit offerre id, quod octo dies non compleverat, eò quòd tale in specie sua adhuc imperfectum existat. Simile enim est abortivo.

Et hæc ratio quoque est illius, quòd prohibuit adducere mercedem metreticæ & premium canis, propter utriusque nempe vilicatem; Ejus item,

*Cur in die Paschati præcepit Deus mactare Agnum &c.?*  
Exod. 12.  
Exod. 12. 13.

*Cur Aves quoque iussus offerre?*

*Cur Panem?*

*Cur Simulam nudam?*

*Cur Deus panem fermentatum & mel in Sacrificiis prohibuerit; sal autem præcepit?*  
Levit. 2. 13.

*Cur oblationes debuerint esse perfectæ?*  
Malach. 1. 8.

Deut. 13. 18.

Levit. 1.

quoddam maximos ex tauris offerre iussit, & optimos ex pullis columbarum, idem hoc est fundamentum. In maioribus enim columbis nulla inest suavis, nullæ delicie.

*Cur Mincha cum oleo & similia miscenda fuerint?*

Levit. 2. 1.

*De exagitatione Holocaustorum, & Intestinorum cum cruribus lotione.*

Levit. 1. 6. 9.

Mal. 1. 12.

*De comestione rerum sacrarum.*

Levit. 7. 19.

Sic precepit Minchas miscere cum oleo & cum similia, quia ita dulciores sunt, & melioris saporis, elegitq; ad eam Thus, propter bonitatem odoris fumi ipsius in illis locis, ubi fœtor est ex carnibus combustis.

Propter honorem etiam Oblationis, & ne contemnatur, precepit excoriare Holocaustum, & Intestina cum cruribus lavare, licet omnia comburenda fuerint.

In summa, ubique hanc rationem observatam & inculcatam invenies: ut; Cuius dicitur, Mensa DOMINI polluta est, & verbum eorum, contemptibilis esca ejus.

Eadem ratio est, quod esus oblationum prohibitus fuit praputiatu & immundis, quod oblationem ipsam, cum immunda facta fuit, comedere non licuit, quod non comedi debuit post tempus designatum, neque item cum suspecta est, (de verbo ad verbum, cum cogitata fuit de ea cogitatio mala): item quod præcepit, ut in certo loco comedatur. Sed Holocaustum, quia totum consumebatur, non comestum fuit omnino.

*De sacrificio pro peccato.*

Levit. 6. 26.

Quod offerebatur pro peccato, ut מִזְבֵּחַ h.e. Sacrificium pro peccato, & מִזְבֵּחַ h.e. Oblatio pro reatu, comedendum fuit in Atrio, & quidem eo ipso die ac nocte, quo maceratum fuit.

*De sacrificio pacifica.*

Levit. 7. 15.

*Sancta levita.*

Sacrificia pacifica (שְׁלֵמִים), quæ prioribus sunt inferiora, & à Rabbinis nostris vocantur מִזְבֵּחַ הַשְּׁלָמִים h.e. Sancta levita, comedi potuerunt in urbe Hierosolyma tantum, & quidem eo die, quo oblata fuerunt, & crastino. non verò postea, propterea quod post eum diem sordes contrahunt, & corrumpuntur.

Propter auctoritatem insuper Oblationum, omniumque eorum, quæ Deo Opt. Max. dedicata sunt, obligavit nos, ut, qui quis utilitatem aliquam ceperit ex re sanctificata, pro Prævaricatore habeatur, expiatione opus habeat, ac præterea quintam partem illius addat, etiam si per errorem fecerit. Ita prohibitum est operâ sanctificatorum uti, vel tondere ea, propter ipsorum honorem & reverentiam.

*De sanctis non permutandis.*

Levit. 27. 10.

Ibid.

*De redemptione rei sanctificatae.*

Levit. 27. 13.

Sic cautum est in Lege, ne sacra permutentur: nam si hoc liceret, permutarent sæpè bonum pro malo, ac dicerent, id melius fuisse. Ided decretum de eo est; Et illud, & commutatio ejus erit sanctitas.

Quod verò præceptum est, ut is, qui rem aliquam ex rebus suis sanctis vult redimere, quintam ejus partem superaddat, ejus ratio non est obscura. Nam Homo semper commodum suum spectat, & naturâ suâ ad avaritiam & facultatum suarum parsimoniam propendet, neque accuratè

curatè rei sanctæ pretium considerat, vel ita illam, ut opus est, ostendit, ut justum ejus pretium statui queat. Idcirco obligavit illum ad additamentum aliquod, ut aliud quid æqualis pretii vendere cogatur. Torum autem hoc, ne vile habeatur id, quod DEI Nomen gerit, ei que consecratum est.

Quòd Oblatio Mincha Sacerdotis comburi debebat, idèd fiebat, quia omnis Sacerdos debuerat oblationem suam offerre per se ipsum. Jam verò, si ipsemet Mincham adduceret, & comederet, perinde esset, ac si nihil fecisset, (h.e. obtulisset). Nam de Mincha alterius alicujus Homini privati nihil offerebat, nisi Tibus ejus, & Pugillum (de Simila). Hæc verò Oblationis diminutio non suffecisset, si adducens eam, illam quoque comedisset, nullumque cultum fecisse videretur. Idèd ergo combusta fuit.

Statuta & consuetudines Pascharis proprias quod attinet; ut, quòd assum igne solummodò comedendum erat; in domo una; nullumq; os ipsi frangendum fuit: istorum omnium ratio manifesta est & evidens. Quemadmodum enim In fermentatum erat propter festinationem; ita festinationis causâ fiebat quoque Assatio, quoniam non fuerat eis illic otium ad cibos exquisitè coquendos & præparandos: neque etiam tardare poterant ad ossa ejus confringenda, & ea, quæ prohibita erant, extrahenda. Istud enim fundamentum in his omnibus Lex ipsa nobis explicat, dum ait; Comederitq; cum festinatione. In festinatione autem non datur otium ad ossa confringendum, de domo una in alteram de carne mittendum, & donec nuncius revertatur, expectandum; quia hæ actiones omnes requirunt otium & vacationem.

Ratio verò, propter quam festinandum ipsis erat, fuit, ne fortè quidam nimis diù cunctarentur, atque ita cum multitudine exire nequientes interciperentur, & occiderentur. Ut autem in sempiternum ista observentur, idèd præcepit, ut sempiterna quoque illius rei esset memoria, sicut dicitur; Observabis itaque rem istam pro statuto tibi & filiis tuis in sæculum.

Quòd non comedi debuerat nisi à numeratis ejus, hac de causâ factum fuit, ut unusquisque maturè & diligenter sibi de eo prospiceret, neq; vel in amico, vel propinquo suo, vel alio quopiam confidat, atque ita negligentes hac in parte fierent.

Præputium habentibus sive Incircumcisis cur prohibitus fuerit ejus esus, ejus rei causam reddiderunt Sapientes nostri, dicentes: Ipsi intermiserunt præceptum Circumcisionis, cum prolongaretur commoratio ipsorum in Aegypto, ut similes fierent Aegyptiis. Idèd cum injunctum fuit nobis præ-

Mincha Sacerdoti cur comburenda fuerit?  
Levit. 6. 23.  
Levit. 2. 2.

De ritibus Pascharis.  
Exod. 12. 9.  
v. 46.

Exod. 12. 11.

Exod. 12. 24.

Ibid. v. 4.



ptum Paschatis, hanc ei conditionem annexit DEUS, ut nemo illud mactaret, nisi postquam se ipsum, suos filios & domesticos circumcidisset, atq; ita tunc demum accederet ad Agnum Paschalem comedendum. Circumciderunt se omnes, & tantus circumcisorum fuit numerus, ut sanguis Circumcisionis misceretur cum sanguine Paschatis: quemadmodum hujus rei vestigium habemus apud Prophetam, dicentem; Et vidi te conculcatam in sanguinibus tuis, h.e. in sanguine Circumcisionis & sanguine Paschatis.

Ezech. 16. 6.

*Zabii sanguinem comedebant.*

Porro scito, quodd, licet Sanguis immundus & impurus admodum fuerit in oculis Zabiorum, tamen ab illis comestus fuerit, eo quod existimarent, cibum hunc esse Dæmonum, & quod is, qui eum comedit, hac ratione communicationem aliquam cum Dæmonibus acquirat, ita ut familiariter cum illo conversentur, & futura ei aperiant, prout Vulgus Dæmonibus ista attribuere solet. Fuerunt tamen quidam inter illos, quibus valde durum & difficile videbatur, sanguinem comedere, (est enim res, à qua natura Homo abhorret). Hi mactantes Bestiam aliquam, Sanguinem ejus accipiebant, & in vase vel fustula aliqua colligebant, carnem verò mactatam circa illum sanguinem in circulo sedentes comedebant; imaginantes sibi, in hoc opere, ipsis carnem comedentibus, Dæmones illum sanguinem comedere, & hunc ipsorum esse cibum, hocque medio amicitiam, fraternitatem & familiaritatem inter ipsos contrahi, quia omnes in una mensa edunt, & uno consensu accumbunt: præterea opinabantur, Dæmones in somnio sibi comparere, futura indicare, plurimumque prodesse. De harum omnium opinionum, quæ in illis temporibus erant receptæ, approbatæ & usitatæ, veritate nullus tunc inter omnes dubitavit.

*Idcirco tam severe ejus usum Lex prohibuit.*

Levit. 17. 10.

Levit. 19. 3.

Idcirco venit Lex Divina, quæ perfectos reddit eos, qui norunt ipsam, ad auferendos istos inveteratos morbos, *esum Sanguinis prohibendo, & prohibitionem istam additâ sanctione*, planè ut in præcepto de Idololatria, *confirmando*. De comedente enim Sanguinem inquit DEUS, *Ponam faciem meam in comedentem Sanguinem*, eodem modo, quo de illo, qui filium suum Molecho immolat, *Ponam faciem meam in Virum illum*: neque occurrit hæc ratio loquendi in tertio aliquo præcepto, præter ista duo, de Idololatria & comestione Sanguinis, quia illius comestio ad speciem aliquam Idololatriæ, Dæmonum videlicet cultum, ansam & occasionem præbebat.

*Sanguini mundandi vim attribuit Lex.*

Exod. 19. 11.

Attamen & mundum pronuntiavit Sanguinē Lex, & ordinavit, ut, quicquid tangeret, munderet, sicut dicitur; *Atque asperges super Aharon, & super vestes ejus, & super vestes filiorum ejus cum eo, & sanctificabitur ipse, vestesq;*

vestesque ejus, &c. Ita præcepit, ut Sanguis super altare aspergatur. *Ibid. v. 10.*  
 Omnem verò cultum eo peragendum iussit fieri per Effusionem, non *Sanguinis cultus fiebat per*  
 per Collectionem ejus, sicut dicitur; Ego autem dedi illum vobis super Al- *eius Effusionem,*  
 tare ad expiandum animas vestras, per effusionem scilicet, sicut alibi ait; *non Collectionem.*  
 Et totum sanguinem reliquum effunderet, &c. Item; Sanguis autem aliorum *Levit. 17. 11.*  
 Sacrificiorum suorum fundetur super Altare, &c. Quin-imò universaliter *Levit. 4. 18.*  
 omnium Bestiarum, quæ mactantur, sanguinem iussit effundere, *Deut. 12. 27.*  
 etiam si non sint Oblationes; Super Terram, inquit, effundetur illum in- *Deut. 12. 16.*  
 star aqua. Post hæc, prohibuit quoque convenire vel congregare se circa *Levit. 19. 26.*  
 sanguinem, & ibi epulari, dicendo; Non comedetis ad vel apud sanguinem.  
 Quia verò in rebellionem & contumaciam suam perrexerunt, & in eo, in  
 quo educati fuerunt, continuè progressi sunt, sociosque se Dæmoni-  
 bus præbuerunt circa sanguinem comedendo, idè præcepit DEUS,  
 ut non comedamus carnem desiderii in deserto, sed ut omnia Sacrificia sint pa- *Levit. 17.*  
 cifica. Causam autem, propter quam voluit, ut effundatur sanguis  
 super Altare, & non circa illum congregentur, indicat, dum ait; *v. 5.*  
 Ut afferant filii Israël sacrificia sua, &c. Item; Et non sacrificabunt ultra sacri- *v. 7.*  
 ficia sua hircu, (h. e. Dæmonibus ita appellatis). Animalium ferorum  
 nullam ibi mentionem fecit, ut & Volucrum, quia ex Animalibus  
 feris nulla fiebat oblatio, neque Volucres in Sacrificiis pacificis of-  
 ferebantur. Postea autem præcepit, ut omnium ferarum & volucrum *Sanguis effusus*  
 Iscitorum sanguis, ubi mactata fuerint, pulvere operiatur, ita, ut non pos- *pulvere operien-*  
 sint circa illum convenire & commessari; atque ita irrita reddatur *dus erat.*  
 fraternitas inter illos, quos in rei veritate Dæmon possidet, & inter *v. 13.*  
 Dæmones ipsorum. Obiter hic scias, quòd tempus Fidei istius præ-  
 pinqum fuerit diebus Moysi Doctoris nostri, & quòd Homines ve-  
 hementer illam sequuti & amplexati fuerint, sicuti id videre est in  
 Cantico ejus (Moysi) *וְהָיָה* ubi ait; Sacrificabunt Dæmoni, non DEO. *Deut. 32. 17.*  
 Ubi Sapientes nostri verba illa [Non DEO] ita explicârunt, quòd  
 non destiterint à cultu rerum existentium, donec etiam coluerunt  
 Imaginationes. Verba libri Siphre sunt hæc; Non satis fuit ipsis, quòd  
 coluerunt Solem, Lunam, Stellas, & Signa cælestia, sed coluerunt etiam *וְהָיָה*  
 h. e. Ambram illorum, *וְהָיָה* enim idem significat quòd *וְהָיָה*. Sed re-  
 vertor ad propositum nostrum. Novisse itaque debes, quòd Carnes *Carnes desiderii*  
 concupiscentia vel desiderii nullibi fuerint prohibita, nisi in deserto. Ex er- *in deserto cur*  
 roribus enim illis antiquis fuit & hoc, quòd Dæmones in desertis *prohibuerit?*  
 habitent, loquantur & appareant, in Urbibus verò & locis habita-  
 tis nequaquam conspiciantur; ita ut, si quis ex Urbis alicujus Inco-  
 lis ludicrum & inane ejusmodi opus velit facere, extra Urbem in

sylvas & loca deserta se conferre necesse habeat. Hinc *permissa suis* Caro desiderii, postquam in Terram promissam ingressi fuerunt. Præterea, ut gravitas hujus morbi debilitaretur, discipuli harum opinionum diminuerentur, & quia res quasi impossibilis fuit, ut omnes carnem jumentorum edere volentes Hierosolymam venirent, propter has rationes non nisi in deserto prohibuit Carnem concupiscentiæ.

*Quando peccatū erat gravius, tantū vilior erat oblatio.*

Lev. 4. 27. & c.

Num. 15. 27.

Levit. 4. 22.

Porro scito, *quando peccatum aliquod fuit gravius, tantū vilioris speciei esse ejus oblationem.* Hinc pro errore Idololatria (h.e. pro Idololatria per errorem commissa) Capra tantum, & pro cæteris peccatis Hominis alicujus singularis & privati, Agna & Capra offerenda fuit, quia scæmella vilior habetur mare in omnibus speciebus. Nullum autem peccatum majus est Idololatriâ; & nulla species vilior Caprâ. Propter Majestatem verò Regis, fuit oblatio pro errore ipsius, Hircus. Sacerdotem magnum, & totam Congregationem quod attinet, quia error ipsorum non est merum opus vel actio, sed doctrina, idcirco separata est oblatio ipsorum in Juvençiu, pro Idololatria autem in Hircu. Sic, quia peccata, propter quæ offerebatur *Ascham* (h.e. Sacrificium pro reatu), inferiora fuerunt illis, propter quæ offerebatur *Chattath* (h.e. Sacrificium pro peccato): idcirco fuit Oblatio r̄ *Ascham* h.e. Reatus, *Aries*, aut *Agnus* ex grege; de nobiliore specie (sc. Animalium) & de præstantione speciei parte (h.e. sexu), quia debuit esse masculus ex grege. An non enim vides, quòd in *Holocausto*, quia torum consumendum erat, non nisi mares, perfectioris sc. sexûs, adhibendierant. Hinc etiam minor requirebatur præstantia, minùs item suavis odor in *Mincha* peccantis (מנחת), & in *Mincha* Mulieris declinantis, (h.e. de adulterio suspectæ), quia fiebat tantum propter suspitionem peccati, & prohibuit, ne offerantur cum oleo & thure. Hunc verò splendorem abesse voluit, eò quòd turpes ejus (peccantis) actiones causa sint oblationis illius (*Mincha*), quasi hoc ipsum ad Pœnitentiam & Resipiscentiam stimulare debuisset, dictumque ipsi fuisset; Propter turpitudinem actionum tuarum oblatio tua imperfectior est reliquis. Declinantis autem Mulieris, cujus actiones turpiores sunt, quàm illius, qui per errorem delinquit, oblatio ipsa quoque, ex viliori fuit materia, ex farina nempe bordeacea. Hanc igitur rationem sequuntur ista statuta omnia sigillatim, ratioque illorum mirabilis valde est.

Levit. 9. 2.

Cæterum, Sapientes nostri p.m. meminerunt rationis cujusdam, quare die octavo Impletionum seu Consecrationum Vitulus filius bovis in Sacrificium pro peccato offerebatur; ad expiandum nempe peccatum Vituli (aurei): sic, quòd in die Expiationum Sacrificium pro peccato fuerit Juvençus filius bovis, itidem fuisse ad expiandum peccatum Vituli. Secun-

cundum hanc rationem, cujus meminerunt, videtur mihi, quod omnia Sacrificia pro peccato tum privati alicujus Homini, tum Ecclesie totius, nempe principalium Festorum, Noviluniorum, Diei Expiationum, & Idololatria, quod inquam Sacrificia ista Hirci fuerint; ejus rei causa hæc mihi videtur esse, quod maximum peccatum, & gravissima ipsorum rebellio tum temporis erat, quod Hircis sacrificarent, sicut dicit Scriptura; *Et non offerent ultra sacrificia sua lascivim hircis.* Sapientes vero nostri ideo factam dicunt Expiationem totius Ecclesie per Hircos, quia peccatum totius congregationis Israël factum fuit circa Hircum, quando vendiderunt Josephum justum, sicuti in ipsius historia dicitur; *Et jugulaverunt hœdum caprarum.*

*Cur sacrificia pro peccato fuerint Hirci?*  
Numer. 28.

Gen. 37. 31.

Ibid.

Neque levis tibi hæc ratio videri debet, quoniam omnium istarum actionum finis & scopus est, animo uniuscujusque peccatoris hoc insculpere & imprimere; Necessè esse, ut indefinenter peccati sui memor sit, sicut David dicit; *Et peccatum meum coram me est jugiter*: & quod per talem cultum ipse, filii & posterii ejus debeant expiationem facere, qualis fuit rebellio ipsa & peccatum ipsum; ita ut, si peccatum ejus fuerit circa opes & facultates, ipse vicissim opes suas liberaliter convertat ad cultum Divinum: si peccatum corpore suo commiserit, illud quoque jejuniiis, vigiliis aliisque afflictionibus ad cultum Dei spectantibus maceret & affligat: si verò circa qualitates, ac in vitiis aliqua enormia lapsus fuerit, operam det, ut contrariis virtutibus illa emendet, sicuti in *Halachot deoth*, & alibi declaravimus: si denique peccatum ejus consistit in speculatione, ut vel propter ingenii sui tenuitatem, vel propter suam in rebus Divinis indagandis ac scrutandis negligentiam, falsum aliquod dogma credat, in contrarium incumbat, cogitationes suas à rebus mundanis avertendo, ac in solius veritatis inquisitione per assiduam lectionem & meditationem detinendo. Sic ait Job; *Et seduxit sese in abscondito cor meum, & osculata est manus mea os meum*: quod parabolicè dictum est de hæsitacione & cunctacione circa dubium aliquod, sicuti ab initio hujus libri explicuimus. Sic vides factum in Aharone; quum enim lapsus esset circa *Vitulum*, oblatio quoque tum ipsius, tum omnium ex semine ipsius exsurgentium, fuit *Juvencus* & *Vitulus*: ita cum peccatum fuit circa *Hircum lactentem*, oblatio quoque fuit *Hircus lactens*. Cum itaque hæc semel altè pectoribus infixæ fuerint, sine dubio efficient, ut Homo sibi à peccatis caveat, ne Deum offendat, atque ita longâ, diuturnâ & molestâ expiatione opus habeat, quam fortè toto vitæ suæ tempore nunquam perficiet; & per consequens

Psal. 51. 5.

*Qualia sūt peccata, tales quoque debent esse expiationes.*

Jobi 31. 27.

sequens studebit Homo principium & radices peccati fugere & vitare. Et hæc itaque utilitas manifesta est. Tu proinde in usus tuos, quæ dicta sunt, converte.

Placet vero hic aliam adhuc, eamque mirabilem te docere rationem, licet secundum simplicem suum sensum non videatur ad argu-

*Cur de hircu in principio mensis oblatus dicatur, Sacrificium pro peccato DOMINO.* id quod de Hircu principalium Festorum non legitur, neq. etiam de Hircu reliquorū Festorum? Ratio enim hujus rei meo judicio admodum manifesta est, hæc videlicet; Omnes

Num. 28. 15.

illæ oblationes, quas offert Ecclesia temporibus Festorum additiis, sunt holocausta, & unoquoque die illorum Hircus unus Caprarum in sacrificium pro peccato, qui comedebatur, holocausta verò omnia tota comburebantur, ac propterea de illis dicitur; *Ischeb ladonaj*, h.e. Igne absumendum DOMINO; non dicitur autem, *Chattath ladonaj*, h.e. Sacrificium pro peccato DOMINO; neque etiam, *Schelamim ladonaj*, h.e. Pacifica DOMINO; eò quòd ista comesta fuerunt: ita ut non conveniret de Sacrificiis pro peccato, quæ comburebantur, etiam dicere, *Ischeb ladonaj*, h.e. Ignitum, vel Igne absumendum DOMINO, quemadmodum rationem ejus in hoc capite sit expositurus. Propterea non est existimandum, ideò de Hircis dici, *Chattath ladonaj*, h.e. Sacrificium pro peccato DOMINO, quòd comederentur, non cremarentur. Et quia timendum erat, ne quis cogitet de Hircu Neomeniæ, quasi Lunæ esset sacrificium, sicuti Ægyptii facere solebant; idcirco dicit disertè in præcepto, DEO hoc faciendum esse, non verò Lunæ. De Hircis autem Festorum principalium & anniversariorum nequaquam hoc timendum fuit, quia dies illi non erant initia mensium, neque signo aliquo naturali distinguebantur, sed ex instituto Legis; initia verò mensium non erant ex impositione Legis, & consueverant Gentes in illis Lunæ sacrificia offerre, sicuti sacrificabant Soli in ipsius Ortu, & cum in certos gradus ingrederetur, prout in libris ipsorum explicatur. Hac de causa ergo novo loquendi genere usa est Lex de isto Hircu, & dixit de eo, *Olah ladonaj*, h.e. Holocaustum DOMINO, ad auferendum cogitationes istas ex cordibus Hominum inveteratæ & exitiali ipsæ lue laborantium. Animadvertite itaque & istud.

Num. 28. 11.

Præterea scito, quòd omne *Chattath*, h.e. omne Sacrificium pro peccato, de quo creditur, quòd unius vel plurium peccatorum magnorum expiationem faciat, quale est *Chattath* totius Synagoga Israël, cum

ETAT,

*erat, & res latueris in oculis congregationis, & similia; quòd inquam illa extra Castra comburenda erant, non verò supra Altare; quia super Altari holocausta tantum & similia comburenda sunt, unde etiam vocatur Altare holocausti. Combustio enim holocausti est odor gratus DOMINO, quemadmodum etiam omne Suffimentum. Hoc autem sine dubio ita fiebat, ad tollendas omnes Idololatricas opiniones, sicut exposuimus. Finis verò combustionis istorum Sacrificiorum pro peccato fuit, docere, illud peccatum non aliter jam deletum & sublatum esse, quàm corpus illud combustum: & quemadmodum nulla ampliùs est memoria illius Sacrificii, sed per combustionem periit; ita nullam etiam memoriam actionis illius superesse. Fumus verò illorum non fuit odor acceptus DOMINO, sed contrarium potiùs, ingratus & abominabilis, ac propterea comburi jubentur extra Castra. Nónne enim vides, quòd de Mincha Mulieris declinantis (h.e. extravagantis, de adulterio suspectæ) dicatur; Mincha memoria, in memoriam revocans iniquitatem? Num. 5. 15. nequaquam autem, quòd sit res placabilis. Sic, quia emittebatur Hircus ad maximorum omnium peccatorum expiationem; ita ut nullù sacrificium pro peccato tantum expiet, quantum ille, omnia quasi peccata simul porrans, idèd non idoneus erat ad sacrificandum, vel comburendum, aut sepeliendum; sed ad extremos quasi Garamantas, in Insulam aliquam & Terram non habitatam emittebatur. Nemo enim dubitat, peccata nequaquam talia esse onera, quæ ab humeris Hominis unius, in humeros alterius transferri possint. Sed erant istæ actiones omnes parabolicæ, ad timorem animis Hominù incutiendum, & conversionem hoc medio operandam. Q. D. Immunes sumus ab omnibus nostris transgressionibus, post tergum nostrum illa projecimus, & ad extremas Terræ oras relegavimus.*

*De Oblatione autem Vini perplexus sum in hodiernum usq; diem, cur illud offerri voluerit? nam Idololatræ quoque illud offerre solent. Alii præter me hanc reddunt rationem, quòd, sicuti præcipuum objectum facultatis Concupiscibilis, vel Appetitùs, cujus scaturigo est in hepate, est Caro; sic facultatis Vitalis, cujus origo est in corde, esse Vinum: & cujus vena est in cerebro, facultatis nempe Animalis objectum, Musicam & suavem harmoniam Instrumentorum Musicorum; & propterea offerre Deo unamquamque facultatem id, quod ei est acceptissimum, & ex Carne, Vino, & Musica sive Cantu, Oblationem constare.*

*Ratio institutio- nis Festorum.*  
Ratio & utilitas institutionis Festorum manifesta est, quia per cœ-  
tus & congregationes illas tum Pietas & Devotio ei ga Legem ac-

cenditur; tùm Fraternitas & Societas inter Homines confirmatur.  
 Deut. 4. 10. Inprimis verò evidens est ratio præcepti de congregando Populo, in promulgatione Legis sc., ut nempe illam audiant.

Deut. 12. Sic pretium Decimarum secundarũ, quod illũc (Hierosolymam) † cap. 39. vehendum erat, sicut † exposuimus: Planta item quarta & Decimæ Bestiarum, quæ itidem, tanquam decimæ, illũc portandæ erant, fuerunt ad multiplicandum ibi cibos, neque permissum erat illa vel vendere, vel ab uno tempore in aliud differre & rejicere, sed, sicut di-

Deut. 14. 22. cit D E U S, singulis annis.

Quod verò Eleemosynarum in solennitatibus non sit obliviscendum, id ipsum quoq; D E U S monuit, dicens; *Et lataberis in Festis tuis tu, & filius tuus, & filia tua, &c.*

Et sic commemoravimus quoque rationes particularium hujus classis Præceptorum.

## CAP. XLVII.

### *De causis & rationibus Præceptorum classis duodecimæ.*

*Præcepta classis duodecimæ.*

P R A E C E P T A, quæ sub duodecimo genere comprehenduntur, sunt ea, quæ recensuimus in Libro טהר h. e. de Purificationibus. Etiam si autem jam aliquo modo in genere utilitatem illorum indicãrim, tamen quædam nunc adjiciam, & quidem primò generalia, deinde specialia, quæ quidem mihi nota & perspecta sunt.

Dico itaque, quòd Lex hæc Divina, quæ Mosi data est, & ipsi attribuitur, nullã aliã de causã venerit, quàm ut minuat cultus & labores circa res sacras: & si quid est, quod molestiã & defatigationem aliquam habere videtur, id non aliunde provenire, quàm ex eo, quòd nos ignoramus ritus & consuetudines in illis temporibus usitatas.

Considera enim, quanta sit differentia inter illum, qui Filium proprium in honorem D E I sui, & illum, qui pullum columbæ in servitium & honorem D E I nostri comburit. Scriptum enim Deut. 12. 31. est in Lege; *Nam etiam filios suos, & filias suas comburunt Diis suis.* Hic fuit cultus ipsorum (Gentium sc.), quem Diis suis exhibebant cui analogus est in Fide nostra Combustio pulli columbæ, aut pugilli similæ. Hoc sensu redarguit D E U S apud Prophetam Populum nostrum, tempore rebellionis ipsorum; Mich. 6. 3. *Popule mi, inquit, quid fecisti tibi, & Jerem. 2. 30. in quo laborare fecisti? Loquere contra me.* Item; Num solitudo sui Israël? num Terra tenebrosa? Ut quid ergo dixerunt Populum meum, Dominamur, non

addit:



*adducemus ultra ad te?* Q. D. Qualenam præceptum molestum & laboriosum habuerunt in hac Lege, ita ut ab illa egressi sint? Sic inclamat nos alibi Deus Opt. Max., *Quid invenerunt patres vestri perverti- tati in me, quod elongaverunt se à me?* &c. Omnium istorum Scripturæ locorum una eademq; est intentio. Et hæc præfatio magni est momenti, nunquamque ex animo tuo debet excidere.

Post illam dico, unicum scopum circa *Sanctuarium*, sicuti jam ex- posuimus, fuisse, ut *Devotio* & *Zelus* ingrediendi illud in Hominibus generetur; & ut illud *timent ac reverentur*, sicut dicitur; *Sanctuarium meum timebitis*. Vilescit autem ac imminuitur omnium rerum, etiam præstantissimarum, amor & affectio, si quotidie illam Homo ante oculos videat: de quo nos Sapientes nostri monuerunt, quando ajunt; *Bonum est ingredi in Sanctuarium omni tempore, quo libuerit*. Item; *Contine pedem tuum a domo amici tui*. Quia itaq; hic fuit scopus, hæc intentio, idè præcepit Deus, *ne polluti ingrediantur in Sanctuarium*; cum tamen tot sint pollutionum genera, ut vix reperire liceat aliquem, qui mundus sit, vel certè paucissimos! Nam si quis liber sit à *contactu cadaveris*, vix tamen effugere poterit, ne *contactu* alicujus ex immundis illi *ostio reptilibus*, quæ subinde in domos, cibos & potum incidunt, contaminetur, vel ambulando ea conculcet. Et si hoc quoq; effugiat, fortè nò evadet à *contactu mulieris menstruatae*, vel *sanguinis profluvio laborantis*, vel *leprosi*, aut ad minimum *cubili vel lecti ipsorum*. Ac licèt ab istis quoq; conservetur, non tamen evitabit forsitan *amplexum Uxoris suæ*, vel *casum & pollutionem nocturnam*. Quamvis autem mundus sit ab istis etià pollutionibus, tamen non permissum est ei ingredi Sanctuarium, donec occubuit Sol ejus; neq; etiam noctu, postquam Sol ipse occubuit: sicut explicatum est in *Tractatibus Talmudicis Middorh & Thamid*. Illà autè nocte quàm facillè fieri potest, ut vel cum Uxore sua se commisceat, vel nova aliqua immunditiei causâ ipsi contingat, ita ut manè in eadem pollutione surgat ut die præcedente. Hęc enim omnia causantur, ut Homo à Sanctuario abesse cogatur, nec quovis tempore illud calcare & intrare possit. Præter hæc nôsti, quòd Rabbini nostri dicant; *Non debet Homo ingredi in atrium ad cultum faciendū, licèt mundus sit, nisi priùs laverit se*. Per istas autem actiones conservatur *Reverentia*, *Affectio*, *Devotio* erga Sanctuarium, per quam Homo incitatur ad *Humilitatem*, quæ præcipuè hic spectatur. Omnis verò *Immunditia* quantò est frequentior, tantò ejus purificatio est gravior & diuturnior. Ita, quia *conversatio & cōversatio mortuorum, inprimis propinquorum*, fre- quencior est omnibus reliquis pollutionibus, idè non potest ejus

*Sanctuarii finis.*

*Levit. 19. 30.*

*Polluti cur non ingredi debeant in Sanctuarium?*

*De Purificationibus.*

*Num. 19.*

Levit. 15.

Purificatio fieri, nisi cinere Juvencae, licet difficulter haberi possit, & post septem demum dies. *Fluxus, & Menstruum*, quia crebriora sunt & graviora, quam contactus immundorum, ideò ii, qui illis laborant, septem dierum; & is, qui illos tangit, unius diei purificatione opus habet. Non perficitur autem fluxum patientis Viri, Mulieris, & Puerperæ purificatio, nisi oblatione, quia minùs rarò contingit, quam Menstruum. Atque ista omnia sunt quoque sœda & abominanda, profluvio inquam laborantes, mulier menstruata, leprosus, mortuus, morticinum, reptile, & coitus.

Levit. 12. 4.

*Zabiorum consuetudines circa pollutiones.*

Ex illis verò consuetudinibus magnas & multas addiscimus utilitates: *primò*, Fugendam esse omnem sœditatem, sordiciem & spurciciem: *secundò*, Custodiendum esse Sanctuarium: *tertio*, Ut oculos nostros intendamus in receptam cum consuetudinem; nam labores magnos habuerunt Zabæi circa pollutiones, sicuti paulò pòst ex me audies: *quartò*, Quòd Hominem à laboribus & molestiis illis sublevent, ne ratio pollutionis vel purificationis in ordinariis suis negotiis ipsum impédiant. Nam hoc præceptum de Munditie & Immunditie non dependet nisi à Sanctuario & ejus Sanctitatibus, sicut dicitur; *Nullam rem sanctam attinges, neque ad Sanctuarium appropinquabis*: alias verò res, quasunque ipsi libuerit, tractare citra peccatum potest, etsi in pollutione sua permaneat, & ex cibis communibus, prophanis, comedere potest, quicquid ipsi placuerit. Consuetudo autem & usitato more receptum erat apud Zabios in partibus Orientis, h. e. inter reliquias חטנות (ut impressa editio, vel חטנות, ut Manuscriptum exemplar habet), ut Mulier menstruo laborans separatim sit in domo aliqua, ut loca, in quibus ambulavit, comburantur, & quisquis cum ea loquutus fuerit, pro polluto habeatur; quin-imò, si ventus idem transeat super menstruata & super mundum aliquem, ut pro polluto habeatur. Unde vides, quantum intersit inter istud, & inter id, quod nos docemus. Omnes etenim operas, quas uxor marito suo præstare solet, facere potest & menstruata suo marito, excepto coitu, quamdiù in pollutione sua permanet. Præterea, ex Zabiorum consuetudinibus erat istud quoque, quòd omnia ea, quæ separantur à corpore, ut pili, ungues, sanguis, pro immundis habebantur. Unde tonsores omnes ipsi immundi erant, quia sanguinem & pilos tangunt. Quicumque novaculam super carnem suam transire sinebar, lavare se cogebatur in aqua fontana, clara, limpida. Et sic alias plures defatigationes & tædiosas consuetudines habebant.

Nos

Nox verò Munditiem & Immunditiem non habemus nisi in rebus Sanctis & in Sanctuario. Quòd autè Deus Opt. Max. ait, *Sanctificate vos, & estote sancti*, id non intellexit de externa munditie vel immunditie. Sicenim legimus in libro Siphre, (sc. ad hæc verba), *Hæc est sanctitas præcepti*. Ita ad id, quod alibi dicitur, *Sancti eritis*, scribunt; *Hæc est Sanctitas præcepti*. Hinc vocatur Transgressio præcepti etiã Immunditia sive Pollutio, & dicitur de principalibus ac fundamentalibus præceptis, de Idololatria, de Retentione Nuditatis, de Effusione Sanguinis. De Idololatria dicitur; *Quia de semine suo dedit Molocho, ut pollueret Sanctuarium meum, & profanaret Nomen sanctum meum*. De Retentione Nuditatis; *Ne polluamini in omnibus his*. De Effusione Sanguinis; *Ne ergo polluatis Terram, in qua habitatis*. Homonymus itaq; hæc vox פְּלוּטָה h.e. Pollutio de tribus dicitur: primò, de qualitatibus Hominis, ejusque tùm Theoricorum, tùm Practicorum præceptorum Transgressionibus, (h.e. eorum, quæ tùm Doctrinam, tùm Vitam ejus spectant): secundò, de fordibus & inquinamentis externis, sicut dicitur; *Immunditia ejus in alio ejus: tertio, de istis rebus imaginariis, h.e. rei alicujus immundæ contactu vel gestatione super humeros: de qua ultima specie Rabbini nostri dixerunt; Verba Legis non recipiunt pollutionem*. Et sic è contrario Sanctitas æquivocè quoque dicitur de tribus rebus istis oppositis. Quia verò Pollutio à contactu mortui contracta nò potuit elui, nisi post elapsos septem dies, & per cinerem Juvencæ; ac Sacerdotes semper in Sanctuarium ingredi necesse habebant, ut ibi offerrent: idcirco *prohibitum fuit Sacerdotibus, mortuis se pollueri*, nisi magnà interveniente necessitate; cùm difficile sit per naturam, planè se cohibere ab accessu parentum, liberorum, vel fratrum in morte ipsorum. Et quia magna erat necessitas, ut Sacerdos magnus semper sit in Sanctuario, sicut dicitur; *Et erit super frontem ejus jugiter*: idcirco *injunctum ipsi fuit, ut nullus, ne quidem propinquus & amicus, mortuis se contaminet*. Nunquid enim vides, quòd in hac prohibitione (*Sacerdoti communi & Sacerdoti summo facta*) non comprehendantur uxores filiorum Aharon, neque etiam filiæ Aharonis, propterea quòd Mulieribus non incumbat oblationes facere? Et quia fieri non potest, ut non quandoque aliquis ex Israele per errorem peccet, vel etiam per superbiam, Sanctuarium ingrediendo aut res Sanctas comedendo, prout impii Homines sæpè multas & magnas transgressiones per superbiam committunt; idcirco præcipit Deus *Oblationes offerre, quæ essent expiatoria pollutionis Sanctuarii & sanctorum instrumentorum ejus, sive per errorem, sive per superbiam*

Lev. 11. 43.

Transgressio Præceptorum vocatur Immunditia vel Pollutio. Levit. 20. 3.

Levit. 18. 24.

Num. 35. 33. 34.

Pollutio dicitur æquivocè de tribus.

Sacerdotes non ausi fuerunt mortuis se pollueri sine magna necessitate.

Levit. 21.

Summus sacerdos nunquam. Exod. 28. 38.

Lev. 21. 10. 11.

12.

Levit. 16.

factæ, secundum diversas illarum species, quales (*Oblationes* sc.) fuerunt Hirci Festorum, Hirci Neomeniarum, & Hircus emissarius, sicut in locis suis explicatum est: idque, ne fortè is, qui per superbiam peccavit, existimet, se exiguum & leve peccatum commisisse, Sanctuarium polluendo, nihilominus tamen sciat, id sibi propter hircum illum remitti, sicut dicitur; *Ne moriantur propter immunditias suas.* Item; *Fererq, Abaron iniquitatem sanctificationum.* Et sic aliquoties ratio ista reperitur. Pollutionem Lepra quod attinet, ejus rationem tum nos jam reddidimus, tum etiam Rabbini nostri p.m.

Levit. 15. 31.

Exod. 28. 38.

De Pollutione  
Lepre.

Lev. 13. & 14.

Fundamentum rationis illorum huc redit; quod sit poena pro Lingua mala, h.e. Detractione & Calumniâ; & quod mutatio illa incipiat in parietibus domûs. Quod si tum poenitentiam agat, iterum recedere; si verò in rebellionem sua persistit, ulterius diffundi in ejus supellestem domesticam; si nondum desistat, occupare vestes, ac deniq; etiam corpus. Atq; hæc demonstratio recepta erat in Gente nostra, sicut Aquæ Mulieris declinantis. Utilitas itaq; hujus fidei est manifesta, cum qua conjunctum est & hoc, quod Lepra est adhærens, h.e. contagiosa, omnesq; Homines quasi per naturam illam abominentur, deridentur & fugiant. Cur verò purificatio illius facta fuerit Ligno Cedrino, Hyssopo, Cocco Vermiculi & duobus Passeribus? ejus rei ratio quidem indicata est in Medraschorh; sed non quadrat ad institutum nostrum, & mihi neq; in hodiernum diem ullius ex illis vera constat ratio: quemadmodum nec Ligni Cedrini, Hyssopi, & Cocci Vermiculi in Vaccarufa; Fasciculi etiam Hyssopi, quo aspergebant Sanguinem Paschatis, nullam invenio rationem, cui inniti possem.

Levit. 14. 4.

Num. 19. 6.

Exod. 12. 22.

Cur Vacca  
rufa vocetur  
Chattath?

Num. 19. 17.

Exod. 28. 36.

37. 38.

Ratio autem, propter quam Vacca rufa vocatur Chattath, h.e. Sacrificium pro peccato, hæc est, quod perficiat mundationem pollutionis ex mortuo contrahæ, ut pollutus iterum possit ingredi in Sanctuarium & res sanctas comedere. Nam posteaquam immundus factus est, in sempiternum nunquam auderet amplius in Sanctuarium ingredi, nisi esset ista Vacca rufa, quæ portat hoc peccatum, sicut Lamina Pontifici, quæ placationem faciebat pro immunditia, & sicut Hirci, qui comburebantur. Hac de causa polluebat is, qui circa Vaccam illam occupabatur, vestimenta; sicut de Hirco emissario credebatur, quod propter multitudinem iniquitatum, quas portat, contaminet tangentes illum.

Sic itaque & hujus classis Præceptorum causas & rationes reddidimus.

## CAP. XLIIIX.

*De caussis & rationibus Præceptorum  
classis decima-tertia.*

**P**RÆCEPTA, quæ comprehenduntur sub Classe decima-*Præcepta classis*  
 tertia, sunt ea, quæ enarravimus in *Halachoth maachalosh*, h. e. *de decima-tertia.*  
*Cibû vetitû*, & in *Halachoth Schechita*, h. e. in Tractatu de Ritibus Macula-  
 tionis, ac denique in Tractatibus *Nedarim* & *Nesiruth*, h. e. de *Votû &*  
*Nasireatu*.

Licet autem satis plenè & prolixè in genere egerimus de horum  
 Præceptorum utilitate tûm in hoc Libro, tûm in Commentario no-  
 stro super librum *Avotb*, addemus tamen hîc explicationem quotun-  
 dam particularium Præceptorum ibi enumeratorum.

Dico ergo, quòd omnes illi cibi, qui in Lege nostra nobis sunt  
 prohibiti, alimentum habeant vitiosum, nec quicquam inter omnia  
 illa verita esse, de quo dubitari possit, an noxium sit nec ne, nisi *Por-*  
*cus & Adeps*.

Verùm nullus hîc dubitationi locus est. Nam *Porcus* nimis humi-*De carne suilla.*  
 dæ est naturæ. Potissima autem *caussa*, propter quam *Lex* nobis prohi-*Levit. 11. 7.*  
 buit carnibus *suilla* vesci, est sœda porcorum sordities, & quòd multas  
 sordidasque res comedant. Nôsti enim, quàm anxie *Lex* omnes sor-  
 des, omnemq; immunditiam prohibuerit, in agris quoq; & castris, ut  
 nil dicam de ipsis urbibus. Quòd si autem permîssum esset porcos  
 comedere, plateæ & domus omnes longè sordidiores essent quàm  
 sterquilinia & latrinæ, sicuti in Galliis hodiè videre licet. Scis  
 etiam, quid vulgò Rabbini dicant, *פי חזיר כצואה טוברה דמי*.

*Adeps Intestinorum* nimis saturat, concoctionem impedit, sangui-*De Adipo In-*  
 nemque frigidum & crassum generat; unde longè satius est, ut com-*testinorum.*  
 buratur. quàm ut comedatur. *Levit. 3. 17. &*  
*7. 24.*

*Sanguis & Morticinum* difficilis sunt digestionis & pessimi nu-*De Sanguine &*  
 trimenti. *Morticino.*

*Terepha* sive *Discerptum* quod atinet, est nil aliud, quàm initium  
 morticini. *Levit. 7. 26. &*  
*17. 15.*

*Signa illa Revocationis vel Ruminationis cibi & fissionis ungularum in Be-*  
*stiu. pinnatumq; & squamarum in Piscibus*, noveris illa non esse caussas,  
 propter quas sint licitæ & permîssæ; sicuti nec defectus illorum, caus-  
 sas, cur prohibeantur; sed signa tantùm, unde nobilis & insignis ali-  
 qua species ab alia minùs præstantiore & noxiâ potest discerni.  
*De signis Rumi-*  
*nationis cibi; &*  
*fissionu Ungula-*  
*rum, &c.*  
*Levit. 11.*

Cur

*De nervo femo-  
ru.*

Cur *nervus femoris* sit prohibitus, ejus ratio habetur scripta.

Genes. 32. 32.

*De Membro A-  
nimalis vivi.*

Genes. 9. 4.

*Menbrum Animalis vivi*, h.e. ab Animali vivo abscissum, prohibi-  
tum fuit; quia id signum est crudelitatis, & quia tùm temporis Re-  
ges gentiles ita solebant facere, & quidem Idololatriæ causâ. Acci-  
piebant enim Animal, & abscindebant illi membrum aliquod, ac  
postea comedebant illud.

*Carnem cū La-  
cte comedere cur  
non licuerit?*

*Carnem simul cum Lacte, vel in Lacte comedere*, præterquàm quòd est  
cibus sine dubio crassissimus, nimiamq; repletionem generat, idèd  
quoque prohibitum fuisse mihi videtur, quia aliquam videtur sub-  
olere Idololatriam; ac fortè Idololatræ in aliquo suo cultu Divino  
vel Festo ita facere solebant. In qua opinione non parùm me con-  
firmat, quod videam Legem duabus vicibus ejus mentionem facere,  
post præmissum de tribus anniversariis solennitatibus præceptum,  
*Tribus vicibus conspicietur omnis masculus tuus, &c.* Quasi voluisset dice-  
re; Quando in Festis vestris coram me comparetis, non coqueris ci-  
bum vestrum secundùm consuetudinem horum N.N. qui ita face-  
re solebant. Hæc ratio magnum apud me pondus habet, licèt eam  
hactenus in libris Zabiorum nondum viderim.

Exod. 23. 19.  
& 34. 26.

*De mastatione  
Animalium.*

*Mastationis Animalium* præceptum fuit necessarium, propterea  
quòd nutrimentum Hominum naturale constet ex plantis Terræ &  
carnibus Animalium. Illam autem carnem esse optimam, quæ no-  
bis concessa est ad comedendum, nullus Medicorum ambigit.  
Posteaquàm ergo propter bonitatem nutrimenti & alimenti neces-  
sarium fuit Animalia occidere, selegit Lex mortem omnium levissi-  
mam, & prohibuit, ne crudeli & difficili mastatione affligantur; ne item  
nares illis findantur, vel membrum aliquod abscindatur, licet explicuimus.

Levit. 22. 28.

Similiter prohibuit *mactare jumentum & filium ejus uno eodemq; die*,  
ad præcavendum, ne filius occidatur coram matre; quia summum  
inde Animalia concipiunt dolorem, neque hac in parte differentia  
est inter dolorem Hominis & dolorem Animalium irrationalium.  
Amor enim matris erga infantem non sequitur intellectum, sed fa-  
cultatem Hominis imaginatricem, quæ in plerisque Animalibus  
eodem modo reperitur sicut in Homine. Et hoc judicium peculiare  
& proprium fuit *Bovum & Pecudum*, propterea quòd illorum solum  
Animalium comestio erat licita, ex Animalibus domesticis quæ edi  
solent, & in illis certò matrem à nato dignoscere possumus. Atque

*De mdo Avium.*

Deut. 22. 6. 7.

hæc eadem ratio est in præcepto *de Nidibus avium*. Nam ova, quibus  
mater incubat, & pulli, qui matre suâ adhuc indigent, magnâ ex  
parte non sunt permixta ad comedendum; & cùm dimittitur mater,  
non

non affligitur conspiciendo direptionem liberorum suorum. Sæpè itaque accider, ut hoc caussa existat omnia intacta relinquendi; quia id, quod licitum est accipere, sæpissimè quoque non erit legitimum ad vescendum. Quod si verò Lex curam voluit habere hac in parte Bestiarum & Avium, ut à mœrore istiusmodi liberentur, quanto magis Hominum?

Noli autem mihi hic objicere id, quod dicunt: *Super nidum avis percingunt miserationes tue*, &c. Nam istud dicitur secundum illorum sententiam, qui arbitrantur, Præcepta Legis nullam habere rationem, nisi solam Voluntatem & Beneplacitum Dei; nos verò alteram sententiam sequimur, (quòd *Præcepta Legi certas causas & rationes habeant*).

Caussam præcepti de operiendo Sanguine jam commemoravimus, & quòd peculiare ac proprium fuerit Animalibus fetis & Avibus mundis, indicavimus.

*De operiendo Sanguine.*  
Lev. 17. 13.

Quemadmodum verò Lex præcepta nobis dedit de prohibitione Ciborum; sic quoque præcepta nobis dedit de *Votis licitis & illicitis*. Nam cum quis dicit, *Hic Panis mihi est veritum*; vel, *Hæc Caro mihi est vestita*; non licet ipsam comedere. Totum autem hoc in eum finem, ut hoc medio virtutem tæi *Αὐταγνείας* vel Continentiæ acquirat, immoderatumque gulæ suæ appetitum refrænet. Hinc dicunt, *וְרָצוּהוּ כִּיג לַפְּרִישׁוֹ* *Vota sunt sepes separationis* (h. e. separatæ & sanctæ vitæ, vel abstinentiæ). Et quandoquidem Mulieres proclives admodum sunt ad iram, propter affectuum suorum vehementiam, animique impotentiam, si juramenta in ipsarum essent facultate, maximæ hinc in æconomia sæpè orirentur incommoditates, dissensiones, corruptiones, & confusiones, dum hæc ciborum species licita esset marito, vestita uxori, hæc permixta filiæ, prohibita verò matri, &c. hac de caussa datum hoc jus est *Patrisfamilias in omnibus, quæ emolumentum vel detrimentum asferre possunt*. Vides enim, quòd illa, quæ est propria potestatis, neque maritum habet, eandem, quam Vir in votis faciendu potestatem habeat, h. e. illa, quæ neque maritum, neque patrem habet, & pubertatis annos attigit.

*De Votis licitis & illicitis.*  
Num. 30.

Num. 30. 10.

Ratio & caussa præceptorum de *Nasireatu* est manifesta, Abstinentia videlicet à Vino, quod multis primis & ultimis exitum attulit, (h. e. quod olim & hodiè multos Homines perdidit), & robusti sunt omnes occisæ ejus. Et isti quoque in Vino errarunt, (inquit Propheta). Nasireatus verò proprietas est, ut per prohibitionem ab omnibus ex vite confectis potibus Homo ad excellentiorem dignitatem promoveatur, &

*De Nasireatu.*  
Numer. 6.  
Prov. 7. 26.  
Jes. 28. 7.



rebus necessariis contentus esse discat. Nam qui ab eo abstinere, vocatur *Sanctus*, & collocatur in gradu Sacerdotis magni, quoad Sanctitatem, dum non ausus fuit polluere patre aut matre suâ defunctis. Hæc etenim dignitas ipsi à solâ à Vino abstinentiâ provenit.

## CAP. XLIX.

*De causis & rationibus Præceptorum  
classis decimæ-quartæ.*

*Præcepta classis  
decimæ-quartæ.*

PRÆCEPTA, quæ sub decima-quarta classe comprehenduntur, sunt ea, quæ recensuimus in Tractatû Nafchin h.e. de Mulieribus, & in Tractatû de prohibitis Congressibus & Incestu. Sed & præceptum Circumcisionis ad hanc classem referendum.

Generalem verò & horum Præceptorum scopum & intentionem in præcedentibus jam indicavimus. Nunc itaque ad specialia quoque illorum descendemus.

*Amicus Homo  
semper indiget.*

Dico ergo, in confesso esse apud omnes, Hominem per totam suam vitam Amicis indigere; id quod Aristoteles etiam in lib.9. Ethic. testatur est. In rebus enim secundis & prosperis conversatio & commercium illorum ipsi est iucundum, in adversis necessarium, in senectute denique utilissimum.

Iste autem amor vel ista amicitia maximè reperitur inter Liberos & inter Consanguineos, neque perficitur Amor, Fraternitas & Benevolentia mutua, nisi in Familiis & Affinitatibus; ita ut, cum Familiam unam conjungit idem Avus vel Proavus, mutuam quoque inter illos cernere liceat Amicitiam, Benevolentiam, Amorem: id quod unum est ex Principalibus Legis Intentionibus.

*Cur Scorta sint  
prohibita?*

Lev. 19. 29.  
Deut. 23. 17.

Hac de causa prohibita sunt *Scorta*, quia per illorum licentiam Familiæ destruntur & confunduntur, natiq; illorum pro alienis habentur omnibus Hominibus, ita ut nullos ipsi sibi cognatos sciant, neque ex propinquis eorum ullus ipsos velit agnoscere. Quid verò peius tùm ipsis, tùm parentibus illorum posset accidere?

Magnâ autem ex parte ob hanc quoque rationem *Scorta* publica sunt prohibita, ut hoc pacto Libido & Lascivia cohibeatur. Nam per varietatem prostibulorum illorum non parùm augetur libido Hominis. Nunquam etenim tam vehementer accenditur Homo erga corpus illud, cui est assuetus, sicut accenditur erga corpora nova, formis & proprietatibus discrepantia.

Præterea, ex hac Scortorum prohibitione & ista redit utilitas, quod

quoddam ita multæ rixæ & contentiones tollantur. Nam si Scorta essent permissa, sæpè uno & eodem tempore ad eandem Mulierem plures Viri fortè convenirent, inter quos necessariò dissensiones, pugnæ, & per consequens etiam non rarò homicidia orirentur, ut vel illi se invicem, vel ipsam meretricem occiderent; sicuti ex perpetua experientia notum est. Hinc dicit Scriptura; *In domo meretricis* יִרְיָהוּ Jerem. 5.7. *h.e. turmatim conveniunt.* Ad impediendum itaque ista mala, & e contrà ut hoc bonum promoveatur, distinctio sc. Familiarum, prohibita sunt meretrices & meritorii, vel cynædi, nec ullus concubitus permissus est, nisi cum propria Uxore, quæ publicè in matrimonium ducitur. Nam si sufficeret privatim illud facere, multi repeterentur, qui meretricem in ædes suas ad tempus aliquod, de quo inter se convenerunt, introducerent, ac dicerent, Uxor mea est. Propterea constitutum est, ut, postquam Homo privatim per sponsalia sibi aliquam desponsavit, Nuptiæ postea publicè celebrentur, sicut dicitur de Boas; *Et accepit Boas decem Viros, &c.*

*Cur uxores publicè nuptiarum solemnitate sine ducenda?*

Ruth. 4.2.

*Cur licitum sit Uxorem repudiare?*

Deut. 24.1.

Quandoquidem verò nonnunquam accidit, ut nequeant in pace & concordia unà vivere, & familiam, sicuti oportet, administrare, idcirco permissum est Marito Uxorem suam ej. ere & repudiare. Hoc autem si vel verbis nudis fieret, aut simplici ejus è domo eductione, quævis Mulier exire posset è domo, & dicere, se repudiatam esse, & cum scortaretur, ipsa & adulter dicerent, quoddam sit repudiata. Itaque præceptum nobis est, ut non nisi cum libello repudii dimittatur Uxor, in quo hujus rei testimonium ipsi perhibeatur, sicut dicitur; *Et scribet ei libellum repudii.* Et quia suspicio scortationis & de probationes ejus de Uxore incidunt plurimæ, idcirco datum est nobis præceptum de judiciis Mulieris declinantis, (h.e. quæ suspicionem adulteri Marito suo præbet). Istud enim permover omnem Mulierem Viro junctam, ut exactissimè sibi caveat, ne cor Mariti sui ægritudine afficiat, propter metum Aquarum Mulieris declinantis. Nam etiam innocentes Mulieres pleræque, & quæ benè sibi sunt conscia, omnibus suis facultatibus actionem illam ignominiosam redimerent, quin-imò mortem jucundiorē haberent, quàm publicam illam ignominiam, quæ caput Mulieris discooperiebatur, capilli detondebantur, vestimenta usque ad pedes dilacerabantur, atque ita ligata in Sanctuario in conspectu omnium Virorum & Mulierum, totiusq. Synedri magni sistebatur. Ob hujus ergo rei timorem magni & exitiales morbi ordinem domesticum destruentes impediti fuerunt.

*Libellus repudii.*

*De muliere marito suspecta da adultero.*

Num. 5.12.

*De aqua, quibus probabatur mulier declinans.*

Quia autem Virgines nubere possunt unicuique indifferenter, id-

*De eo, qui Virginem violavit.*

Esod. 22. 16. 17. circò ad nullam aliam pœnam condemnatus fuit, qui blandimentis Virginem seduxit, quam ut ducat eam. Nam hic sine dubio aptissimus ipse erit, & longè melius tractionem (h.e. violationem) ejus poterit & sanare, & perferre, quàm si duceret eam alius. Quòd si verò vel puella vel parentes ejus non delectentur eo, tenetur ipsi dare dotem. Illius autem, qui per vim aliquam oppressit, graviores pœnam constituit, nempe, ut non possit eam dimittere omnibus diebus vite sue.

Deut. 22. 29. Ratio juri Levitatis scripta est. Nam fuit consuetudo antiqua, quæ viguit ante datam Legem. Lex verò eam retinuit, & præcepit insuper Exultationem calcei &c. eò quòd illæ actiones cum temporis turpes & ignominiosæ habebantur, atq; ita fortassis levir ignominia istius evitandæ causâ commoveatur leviri officium erga illam præstare.

De jure Levi. Sic enim scribitur in Lege; Sic fiet Viri illi, &c. Item; Et vocabitur

Deut. 25. 5. Nomen ejus in Israël, &c. Ex facto autem Judæ præstantissimam de moribus Virutem & justam in actionibus Acquiratam observandam possumus addiscere. Dicit; Accipiat sibi, ne forte simus in contemptum, ecce misi hædum hunc: quorum verborum declaratio est; quòd coitus cum scorto ante datam Legem fuerit, sicut coitus Hominis cum Uxore sua; h.e. quòd fuerit opus licitum, neque illud Homo ullo pacto fugerit: & quòd merces, quæ Meretrici dabatur, fuerit sicut dos, quæ hodiè datur Uxori, cum dimittitur, ad cujus solutionem Vir est obligatus. Quod autem ait, Accipiat sibi, ne forte simus in contemptum, docet nos, de actionibus vel negotiis copulationis carnalis, etiam licitæ, non posse nos loqui sine pudore: & conveniens esse, ut illam etiam cum facultatum nostrarum jactura reticeamus & occultemus, sicut Judam hic fecisse videmus, dum ait; Melius est, ut nos amittamus, & ipsa sibi serveat, quod à nobis habet, quàm ut nos, illud requiringdo, negotium divulgemus, atq; ita pudorem augeamus. Hæc est Virtus moralis, quam ex historia illa addiscere possumus. Sed Aequitas vel Justitia, quæ inde addiscenda nobis est, conspiciatur in eo, quòd ad innocentiam suam à violentiæ suspitione vindicandam, & quòd nihil de eo, quod cum ipsa pactus est, mutaret vel demerit, ostendendum, ait; Ecce, misi hædum istum. Nam non est dubium, quin hædus ille ex specie sua fuerit optimus, qua de causa ait: Istum; Hædum istum.

Gen. 31. 13. Et hæc est Aequitas vel Justitia, quam hereditario quasi jure accepimus ab Abrahamo, Isaac & Jacobo, quâ Homo in verbis suis non est inconstans, pacta non mutat, & suum unicuiq; tribuit: quâ item nulla est differentia inter facultates proximi nostri, quas in potestate nostra habemus, sive ratione mutui, sive ratione depositi, sive

De Aequitate & Justitia.

ratione conductionis pro mercede: quâ denique eadem est ratio dotis Mulierum, quæ mercedis mercenariorum: nihilque interest, si quis injustè detineat mercedem operarii, siue dotem ratam Uxoris suæ; siue quis opprimat aut occasiones quærat mercenarium mercede suâ defraudandi, siue ita agat cum Uxore sua, ut eam dote suâ exuat. Exemplum illustre summæ istius æquitatis & justitiæ in Statutis & Judiciis illis iustis videre est *in sententia, quæ lata est contra eum, qui diffamare studet Uxorem suam.* Certum enim est, illum Virum non amare Uxorem suam, qui infamiâ illam notat, neque gratiam habere in oculis ejus. Quod si autem veller illam repudiare secundum Leges repudii, nemo ipsum prohiberet, sed teneretur ipsi dare suum ratum. Ut verò liber sit, nec quicquam illi cogatur dare, quærit occasiones verborum contra illam, quod ipse retineat, quod aliâ illi dare teneretur, quinquaginta videlicet siclos, quia hæc est dos Virginum definita in Legge DE I. Hac de causa decrevit DEUS Opt. Max., ut duplum persolvat, centum nempe siclos, secundum fundamentum illud Legis: *Is, quem condemnaverint Judices, reddet duplum proximo suo;* secundum iudicium item Testium falsorum, sicuti explicuimus. Qui diffamat Uxorem suam, in animo habet ipsi quinquaginta siclos auferre, quos debebat illi dare: pro iis condemnatur ad centum, in pœnam ejus, quod detinuerit injustè id, quod de jure ei conveniebat ac debebatur. Præterea autem operam debebant (Judices) dare, ut *prehendant eum, & in ejus pœnam, quod famam & honorem ejus (Uxoris sc.) diminuerit, scortationis rumorem de ipsa ebuccinando, ipsius quoque auctoritatem ac dignitatem elevent, loco bovino ipsum flagellando, sicut dicitur; Et flagellabunt eum.* In pœnam denique illius, quod libidini suæ nimium indulserit, ac nil nili voluptatem quæsit, tenebatur perpetuò eam retinere, nec unquam omnibus diebus vitæ suæ illam dimittere porne; quoniam nihil aliud ipsum hûc induxit, quàm quod deformis videbatur in ipsius oculis. Hoc pacto curantur qualitates istæ prævæ, quando Medicus ipsorum est Præceptum Divinum, nec termini manifesti juris & æquitatis ullo modo exceduntur aut removemur, si res probè consideretur. Observa enim, quâ ratione æquale fecerit iudicium diffamantis Uxorem suam, eo fine, ut detineat & adserahat id, quod Uxori si quæ deberet dare; iudicium furis res proximi sui injusto titulo accipientis: & deniq; iudicium falsorum Testium, qui damnum inferre cogitarunt, licet re ipsâ non fecerint: horum inquam trium iudicium idem fecit Lex Divina. Admirare igitur sapientissimam ordinationem in iudiciis DE I Opt.

*De eo, qui diffamare studet Uxorem suam.*  
Deut. 22. 13.

Ibid. v. 19.  
Exod. 22. 9.  
i. e. 41.

Deut. 22. 18.

Ibid. v. 19.

Deut. 32. 4.

Max., sicuti illam admiraris in ipsius operibus! Sic ait Scriptura; *DEI perfectum est opus: Q. D.* Quemadmodum opera ejus sunt perfectissima, sic judicia ejus sunt justissima: sed animi nostri angusti nimis sunt, ad operum ipsius perfectionem & judiciorum æquiritatem capiendam. Sicuti autem ex parte mirabilia operum ipsius apprehendimus in membris Animalium, & motibus Sphæarum cœlestium; ita quædam etiam tantum judicia ipsius apprehendimus. At verò quæ in illis utrisque ignoramus, longè plura sunt, quàm quæ scimus. Sed revertor ad nostrum propositum.

Omnis itaque generis concubitus illicitorum prohibitio facta est, ut libido Hominis diminuatur, Veneris castra fugiantur, nec nisi moderatè & parcè illà utamur.

*Cur Lex prohibeat cum Masculo & Bestia commisceri?*

Lev. 18. 13. 15.  
& 18. 22. 23.

*De congressibus illicitis cum feminis, propinquæ carnis.*

Lev. 18.

Cum Masculo verò & Bestiâ commisceri cur Lege vetitum sit, evidens est. Nam si actio illa naturaliter & legitime non debet fieri nisi ad necessitatem, quantò minùs permitti potest actio illa, quæ est contra naturam, ubi fœda tantum voluptas respicitur, & detestabilis ac insatiabilis libido?

Congressum illicitorum cum feminis una ferè est ratio, hæc videlicet; quòd propemodùm singulæ ut plurimum in eadem domo commorentur cum Viro illo, cui sunt prohibitæ, promptæ sint ad voluntati ejus obtemperandum, faciliè & sine labore ab ipso possint haberi, ac denique judex non possit illos separare, etiamsi unà inveniuntur. Quòd si autem judicium ipsarum esset idem quod aliarum Viro solutarum & liberarum, ut nempe in matrimonium duci possent, nec sub pœna aliqua hoc prohibitum esset, major pars Hominum inde sinenter in scortationibus viverent. Quia autem omnibus modis illarum congressus est prohibitus, & quidem sub gravissima comminatione Mortis Domûs Judiciî & Excisionis, neque ulla permissio ac licentia hic speranda est, hinc novit unusquisque, se intentionem & cogitationem suam ad istiusmodi res non debere dirigere. Quòd verò ejusmodi incestus facillimè committi & perpetrari posset, ut antè diximus, id manifestum est. Virenim, qui Uxorem habet, ferè semper apud se habet ejus matrem, aviam, filiam, neptem, aut sororem, subindeque in illas incidit, quando exit, ingreditur, & negotia sua expedit. Sic Uxor frequentissimè conversatur cum Mariti sui fratribus, cum ejus patre & filio. Ita quòd creberrimè versetur Homo inter suas sorores, amitas & uxorem avunculi, utpote cum quibus vel inter quos educatur, luce meridianâ est clarius. Et hi sunt omnes *Concubitus propinquorum carnis.* Hæc itaque una caus-

Ita est, propter quam *conjunctio cum propinquu carni* est prohibita.

Altera causa meo iudicio est, ut Pudor & Verecundia nobis commenderetur. Nam quia impudentiæ summæ est opus istud inter *Radice[m] & Ramum*, (h.e. in Uxorem ducere Matrem aut Filiam); idcirco *prohibitum est matrimonium inter Radicem & Ramum*. Neque est differentia, siue Radix Ramum, aut Ramus Radicem ducat, siue Radix & Ramus in corporis tertii connubio conveniant, ut nempe aliquis corpus suum Radici & Ramo detegat. Idem enim prohibitum est ducere *Mulierem & Filiam ejus*, item *Uxorem Patris & Uxorem Filii*; quia ista sunt Retectio nuditatis corporis unius nuditati Radicis & Rami. Fratres se habent ut Radix & Ramus: hinc quia prohibita est *Soror*, prohibita etiam est *Soror Uxoris*, & *Uxor Fratris*; quoniam hæc est duorum Individuorum, quæ sunt sicut Radix & Ramus in conjunctione corporis tertii.

Præterea, cum conjunctio Fratrum sit prohibita, & censeantur tanquam Radix & Ramus, quin-imò sicut unum corpus; idcirco prohibuit etiam in Uxorem ducere *Sororem Matræ*, quæ loco Matris est; *Sororem item Patris*, quæ Patris loco est. Quemadmodum autem non prohibita est *Filia Fratris Patris*, neq[ue] *Filia Sororis Patris*; sic eadem ratione non prohibita est *Filia Fratris*, neq[ue] *Filia Sororis*. Verum quod *Frater Patris* permissus sit *Uxori Filii Fratris sui*; & quod *Filius Fratris* prohibitus sit *Uxori Fratris Patris sui*; id factum est propter primam rationem, quam dedimus: quia *Filius Fratris* ut plurimum in domo *Fratris Patris sui* esse solet, & familiaritas vel conversatio cum *Uxore Fratris Patris sui* æqualis ipsi est, quæ cum *Uxore Fratris sui*: *Frater autem Patris* non ita frequenter existit in domo *Filii Fratris sui*, neque tanta familiaritas est *Fratris Patris* cum *Uxore Filii Fratris sui*. An non enim vides, quia *Pater* æquè familiaris est cum *Uxore Filii sui*, ac *Filius* cum *Uxore ejus*, quod æqualiter & sub eadem mortis pœnâ ambo sint prohibita?

Cur verò veritum sit accedere *Mulierem menstruata[m]*, & alterius *Viri Uxorem*? ejus rei ratio manifesta, neque necesse est sollicite eam investigare. Nôsti enim, prohibitum esse nobis ullo modo voluptatem ex nuditate corporis capere, etiam per aspectum, si voluptatis causâ fiat, sicut in *Halachorh Issure biab* exposuimus; ubi simul & hoc indicavimus, quod in Lege nostrâ, ne quidem in mente ejusmodi actum cogitare, aut membra ad libidinem excitare, permissum sit; & quod Homo, cui præter suam intentionem id accidit, cogitationes suas

*Cur Mulier menstruata sit prohibita, & alterius Viri Uxor?*  
Levit. 18. 19.

Jer. 23. 29.

suas ad alia, de quibus meditetur, debeat convertere, donec iterum recedat. Hinc dicunt Sapientes nostri; *Fili mi, si occurrat tibi Menuvval* h.e. *impurus ille, trabe illum ad Scholam, si ferrum fuerit, liquefiet; si filix, comminuetur: sicut dicitur; Nōne sic est Verbum meum, dicit Dominus, tanquam ignis, & veluti malleus, qui conterit petram?* His verbis dicit quidam filio suo per modum correptionis; Cū ad libidinem incitatis, ac dolorem sentis, ito in Scholam, ibi legas, discas, quæras, dispuces, & receder à te iterum dolor ille sine dubio. Admitare, quòd dicat *Menuvval* h.e. *Impurus ille; nam in rei veritate maxima hæc est impuritas & turpitudō! Neq; solū ex parte Legis data est nobis ista patænesis; verū etiam apud Philosophos repetitur. Nam alibi jam indicavi tibi, quid Aristoteles in hunc sensum scripserit, quando ait; Iste sensus, qui opprobrio nobis est: vult dicere, Sensus Tacitū, qui incitat ad Bacchum, Cererem, & Venetem. Præterea, vocat in libris suis eos, qui Gulæ ac Libidini dediti sunt, Homines leves, & multis ac prolixis verbis turpitudinem illorum nobis describit. Inveniuntur ista in libris ipsius Ethicorum & Rhetorices. Secundū excellentem & præstantissimam hanc, omnibus merito sectandam, Virtutem præceperunt quoq; nobis Sapientes nostri, ne intueamur Jumenta & Voluctes eo momento & tempore, quo carnaliter commiscantur. Hæc ipsa mihi ratio subesse videtur in eo, quòd Deus*

Levit. 19. 19.

*prohibuit diversarum specierum Animalia inter se commiscere. Certe enim est, non appetere facili Individuum speciei unius coire cum Individuo speciei alterius, nisi manibus illi fuerit superimpositum; sicuti vides levissimos illos Homines facere, qui generationem Mulorum adjuvant & promovent. Lex verò nostra noluit, ut Vir aliquis ex Israël dignitatem & excellentiam suam ad opus istiusmodi deprimat, quia magna inest ei levitas & inverecundia, & quia versatur circa tales res, quæ Lex nostra non vult nominari, multò minùs committi & perficere, nisi tempore necessitatis. At nulla necessitas cogit, ista (Animalia heterogenea) copulate. Quin-imò nullam aliam ob causam prohibita mihi videtur esse Lege Divinà diversarum specierum Animalium in quocung; opere conjunctio, quàm ut hac ratione impediatur, quòd minùs sese commisceant: ut e.g. quando dicitur; Non arabis bove & asino simul. Nam si ita conjungerentur, facillimè posset contingere, ut quandoque unum cum altero commisceretur. Probatio autem hujus rei est hæc quòd hoc iudicium præter Bovem & Asinum quaslibet duas species comprehendat. Sed loquuta est Scriptura de præsentī, (h.e. sed Scriptura illarum duarum in specie meminī,*

Deut. 22. 11.



minit, eò quòd illarum in quotidianis negotiis major sit usus, quòd sine frequentiores).

Porro, Circumcisio etiam, meo iudicio, propter hanc rationem instituta est, ut libido Hominum diminuat, & membrum hoc, quantum fieri potest, ad actum istum debilitetur. De Circumcisione.

Quidam existimant, Circumcisionem istam esse perfectionem defectus natiuitatis; prout quilibet contradicendi avidus facillime materiam invenire potest.

Dicendum autem illis, quàm ratione res naturales ita imperfectæ esse possint, ut exterius perfici opus habeant? præter id, quod asserri potest de utilitate, quam pellicula illa membro isti adfert. Præceptum itaque istud non est datum ad supplendum defectum Creationis, sed ad corrigendum defectum Morum. Damnum enim illud, quod membro isti infertur, est illud ipsum, quod intèditur, quo nulla actio corrumpitur, in quo essentia Viri consistit; neque etiam facultas generandi admittit, sed superfluum tantum appetitum coëundi dimittit. Quòd autem Circumcisio virtutem intensivam membri illius voluptatemque debilitet, id extra omnem dubitationem est. Nam cum membrum illud statim in ipsa natiuitate sanguinem suum effundit, regumentumque amittit, sine omni dubio exinde debilitatur. Hinc dixerunt Sapientes nostri; Mulierem cum Viro in circumciso matrimonio iunctam difficulter ab ipso posse abstrahi. Atque hæc est principalis ratio, meo quidem iudicio, in Circumcisione. Quis autem alius opus hoc incepit, quàm Abraham pater noster? de quo notum est, quantumperè peccatum pertimuerit, (h.e. quàm pius, sanctus & castus fuerit), sicuti Sapientes nostri commemorant super illud, quod ait; *Ecce, nunc novi, quòd Mulier pulchra aspectu suo?* (Ex Genes. 12. 17. hoc enim colligunt, Abrahamum tunc primùm cognovisse Uxorem suam).

Sed est adhuc alia quoque ratio valdè necessaria in Circumcisione, ut videlicet illi, qui huius sunt fidei, (h.e. qui credunt Unitatem), habeant unum quoddam signum, quod illos coniungat, & ne quis alius, qui non est ex illis, dicere possit, se ex illis esse. Nam solet quandoque Homo id vel propter suum commodum, vel in aliorum contumeliam & detrimentum facere. Sed hæc actio, Circumcisionis nempe, ita comparata est, ut nemo vel sibi, vel liberis suis, nisi propter Fidem & Religionem, eam sit facturus. Nam non est levis aliqua cruris læsio, vel brachii adustio, sed res durissima & difficillima.

Insuper constat, quàm intensè mutuò sese ament & adjuvent

ejusmodi Homines, qui commune aliquod signum habent, quod fœderis formam habet. Sic verò Circumcisio fœdus est, quod pepigit Abraham pater noster super fide Unitatis DEI; & omnes, qui circumciduntur, ingrediuntur in fœdus Abrahami, credendo Unitatem, sicut dicit DEUS; *Ero tibi in DEUM, & semini tuo post te.* Atque hæc ratio æquè firma & valida est ac prior, & fortassis adhuc solidior.

*Cur in Infantia Circumcisio peragi debuerit?*

Quòd verò non fieri potest Circumcisio nisi in Infantia, ejus rei ratio triplex est: primò enim, si exspectaretur donec infans adolefceret, tùm fortè non ampliùs faceret: secundò, quia non tam magnum sentit dolorem sicut adultus, tùm propter cutis suæ teneritatem, tùm propter imaginationis debilitatem; nam adultus timeret & horret rem aliquam, quam futuram cogitat, antequàm adsit: tertio, quia parentes admodum exiguam adhuc habent rationem infantis recentè nati; quoniam tùm nondum tam fortis est forma imaginatrix, quæ amorem in parentibus erga liberos caussatur; illa enim forma imaginatrix subinde per aspectum augmentum capit, & cum infante accrescit, postea tamen iterum incipit diminui & decrescere, (cùm nempe fit adultior & ad annos pubertatis ac ulterius pervenit). Etenim nequaquam est tam vehemens amor Patris ac Matris erga Filium cùm in lucem editur, sicuti est cùm anni unius esse incipit; neque tantoperè amat infantem anni unius, sicut filium sex annorum. Quòd si itaque ad biennium vel triennium Circumcisio differretur, sæpissimè fieret, ut planè intermitteretur, propter tenerum parentum erga liberos affectum & amorem; sed circa ipsam nativitatem forma illa imaginatrix adhuc est valdè debilis, præsertim apud Patrem, cui præceptum hoc est datum.

*Cur octavo die fieri debet Circumcisio?*

Quòd octavo die fieri jubetur Circumcisio, idè factum est, quia omnia Animalia, quando recentè in lucem sunt edita, propter summam humiditatem nimis sunt debilia, & ferè non aliter, quàm si adhuc in utero Matris essent, idque usque ad finem septem dierum, post quod demùm incipiunt numerari inter *videntes Aërem hujus Mundi.* An non vides idem in Bestiis quoque observari, sicut dicitur; *Septem dies erit cum Matre sua;* quasi ante illos septem dies esset abortivum. Sic itaque & Homo circumciditur demùm post completos septem dies. Res hæc plana est & definita, idcirco ne des locum aliis conjecturis.

Exod. 22. 30.

*Membra generationis non sunt servanda.*

Levit. 22. 24.

Porro, ex iis, quæ sub hac parte comprehenduntur, est & hoc, ne membra generationi inservientia corrumvantur ullo modo vel ullâ in parte in Animalibus, prout nempe in omnibus iusta sunt ista Statuta & Judicia,

dicia, h.e. ut omnia fiant secundum æquitatem. Non multiplicabit Homo coitum, sicut diximus, neque etiam omnino eum tollet, cum dictum sit; *Crescite & multiplicamini*. Sic debilitatur quidem istud membrum aliquo modo in Circumcisione, sed non profus abscinditur, verum remanet in sua constitutione naturali, & caverur, ne aliquid addatur.

*Ne u, qui contusione fractos aut abscissos habet testiculos, ducat Israelitidem*, prohibitum est: propterea quod tale conjugium sit inutile & inane; & quod nuptiæ tales offendiculo sint eum ipsi (Virgini), cum illis, qui requirunt eam, prout manifestum est.

*De Spadonibus  
& Eunuchis  
Deut. 23. 1.*

*Ne Spurius ducat filiam Israeliticam*, vitandæ scortationis causâ prohibuit; ut ita adulteri videant, se totam suam familiam irreparabili labe affecturos, si actum ejusmodi infamem perpetrent. Et sanè propter contemptum Spuriorum in omni lingua & natione semper in honore habitum fuit semen Israelis; eò quod se nunquam cum illis commiscuerint.

*De Spuriis.  
Deut. 23.*

Propter honorem verò & dignitatem Sacerdotum factum est, quod illis (Sacerdotibus) *Scorta, Repudiatas & Prophanatas* ducere non liceat: Sacerdoti autem magno, qui præ-ipuus & summus erat Sacerdos, *Vidua* quoque, & quæ jam maritum experta est, fuit prohibita. Horum omnium rationes sunt manifestæ.

*Quoniam Sacerdotibus & summo Sacerdoti uxores suas non prohibita.  
Levit. 21. 7.  
v. 14.*

Quod si autem prohibitum fuit Spuriis in congregationem DOMINI admittere, quanto magis *Servos & Ancillas*?

Cur verita fuerit *Affinitas Gentium*, ejus rei ratio in Scriptura ipsa consignata est, cum dicitur; *Et ne capias de filiabus ejus filius tuus, & fornicentur filia ejus post Deos ipsarum, &c.*

*De Affinitate cum Gentibus non contrahenda.*

Ea omnia ex ingenti ista Statutorum multitudine, quorum ratio nobis est occulta, nullum alium in finem data sunt, quam ut nos ab Idololatria elongarent. Particularia quædam quod attinet, quorum causæ nobis sunt absconditæ, & mihi utilitas illorum ignota, id inde provenit, quod res auditæ non ita se habeant, sicuti res oculis visæ & perceptæ. Hæc de causâ non sunt ea ita solida, quæ ego per auditum de ritibus Zabiorum ex libris ipsorum scio & addidici, sicut sunt apud illos, qui ipsimet opera illorum viderunt, imprimis cum illæ opiniones & sectæ mille ab-hinc annis interierint, & nomina illarum deleta sint. Quod si verò circumstantialiter omnia & singula ipsorum opera sciremus & audiremus, sine dubio melius quoque nobis constarent rationes & modi sapientiæ in particularibus actibus Oblationum, Pollutionum, & aliorum, quorum ratione jam ignoro.

*Exod. 34. 16.  
Deut. 7. 3.*

eiusmodi Homines, qui commune aliquod signum habent, quod fœderis formam habet. Sic verò Circumcisio fœdus est, quod pepigit Abraham pater noster super fide Unitatis DEI; & omnes, qui circumciduntur, ingrediuntur in fœdus Abrahami, credendo Unitatem, sicut dicit DEUS; *Ero tibi in DEUM, & semini tuo posses*. Atque hæc ratio æquè firma & valida est ac prior, & fortassis adhuc solidior.

*Cur in Infantis Circumcisio peragi debuerit?*

Quod verò non fieri possit Circumcisio nisi in Infancia, ejus rei ratio triplex est: primò enim, si expectaretur donec infans adolefceret, tùm fortè non amplius faceret: secundò, quia non tam magnum sentit dolorem sicut adultus, tùm propter cutis suæ teneritatem, tùm propter imaginationis debilitatem; nam adultus timet & horret rem aliquam, quam futuram cogitat, antequàm adsit: tertio, quia parentes admodum exiguam adhuc habent rationem infantis recenter nati; quoniam tùm nondum tam fortis est forma imaginatrix, quæ amorem in parentibus erga liberos caussatur; illa enim forma imaginatrix subinde per aspectum augmentum capit, & cum infante accrescit, postea tamen iterum incipit diminui & decrefcere, (cùm nempe fit adultior & ad annos pubertatis ac ulterius pervenit). Etenim nequaquam est tam vehemens amor Patris ac Matris erga Filium cùm in lucem editur, sicuti est cùm anni unius esse incipit; neque tantoperè amat infantem anni unius, sicut filium sex annorum. Quòd si itaque ad biennium vel triennium Circumcisio differretur, sæpissimè fieret, ut planè intermitteretur, propter tenerum parentum erga liberos affectum & amorem; sed circa ipsam nativitatem forma illa imaginatrix adhuc est valdè debilis, præsertim apud Patrem, cui præceptum hoc est datum.

*Cur octavo die fieri debet Circumcisio?*

Quòd octavo die fieri jubetur Circumcisio, idè factum est, quia omnia Animalia, quando recenter in lucem sunt edita, propter summam humiditatem nimis sunt debilia, & ferè non aliter, quàm si adhuc in utero Matris essent, idque usque ad finem septem dierum, post quos demùm incipiunt numerari inter videntes Aerem hujus Mundi. An non vides idem in Bestiis quoque observari, sicut dicitur; *Septem dies erit cum Matre sua*; quasi ante illos septem dies esset abortivum. Sic itaq; & Homo circumciditur demùm post completos septem dies. Res hæc plana est & definita, idcirco ne des locum aliis conjecturis.

*Membra generationi non sunt in Animantibus, prout nempe in omnibus iusta sunt ista Statuta & Judicia,*

*Levit. 22. 24.*

Porro, ex iis, quæ sub hac parte comprehenduntur, est & hoc, ne membra generationi inservientia corrumpantur ullo modo vel ullâ in parte in Animantibus, prout nempe in omnibus iusta sunt ista Statuta & Judicia,

dicia, h.e. ut omnia fiant secundum æquitatem. Non multiplicabit Homo coitum, sicut diximus, neque etiam omnino eum tollet, cum dictum sit; *Crescite & multiplicamini*. Sic debilitatur quidem istud membrum aliquo modo in Circumcisione, sed non prorsus abscinditur, verum remanet in sua constitutione naturali, & cavetur, ne aliquid addatur.

Genes. 1. 22.

*Ne is, qui contusione fractos aut abscissos habet testiculos, ducat Israëlitem*, prohibitum est: propterea quod tale conjugium sit inutile & inane; & quod nuptiæ tales offendiculo sint tum ipsi (Virgini), tum illis, qui requirunt eam, prout manifestum est.

De Spadonibus  
& Eunuchis.  
Deut. 23. 1.

*Ne Spurius ducat filiam Israëliticam*, vitandæ scortationis causâ prohibuit; ut ita adulteri videant, se totam suam familiam irreparabili labe affecturos, si actum ejusmodi infamem perpetrent. Et sanè propter contemptum Spuriarum in omni lingua & natione semper in honore habitum fuit semen Israëlitis; eo quod se nunquam cum illis commiscuerint.

De Spuriis.  
Deut. 23.

Propter honorem verò & dignitatem Sacerdotum factum est, quod illis (*Sacerdotibus*) *Scorta*, *Repudiatas* & *Prophanatas* ducere non liceat: *Sacerdoti* autem magno, qui præcipuus & summus erat Sacerdos, *Vidua* quoque, & quæ jam maritum experta est, fuit prohibita. Horum omnium rationes sunt manifestæ.

Quanam Sacerdotibus  
& summo Sacerdoti  
in Uxores suas  
viri prohibita.  
Levit. 21. 7.

Quod si autem prohibitum fuit Spuriis in congregationem DOMINI admittere, quanto magis *Servos* & *Ancillas*?

Cur verita fuerit *Affinitas Gentium*, ejus rei ratio in Scriptura ipsa consignata est, cum dicitur; *Et ne capias de filiabus ejus filius tuus, & fornicentur filia ejus post Deos ipsarum, &c.*

De Affinitate  
cum Gentibus  
non contrahenda.  
Exod. 34. 16.  
Deut. 7. 3.

Ea omnia ex ingenti ista Statutorum multitudine, quorum ratio nobis est occulta, nullum alium in finem data sunt, quam ut nos ab Idololatria elongarent. Particularia quædam quod attinet, quorum causæ nobis sunt absconditæ, & mihi utilitas illorum ignota, id inde provenit, quod res auditæ non ita se habeant, sicuti res oculis visæ & percepæ. Hac de causa non sunt ea ita solida, quæ ego per auditum de ritibus Zabiorum ex libris ipsorum scio & addidici, sicut sunt apud illos, qui ipsimet opera illorum viderunt, in primis cum illarum opiniones & sectæ mille ab hinc annis interierint, & nomina illarum deleta sint. Quod si verò circumstantialiter omnia & singula ipsorum opera sciremus & audiremus, sine dubio melius quoque nobis constarent rationes & modi sapientiæ in particularibus actibus Oblationum, Pollutionum, & aliorum, quorum rationem jam ignoro.

Sed nullum mihi dubium est, quin omnia hæc ita ordinata sint, ut opiniones istæ perniciosæ & falsæ è memoria Hominum deleantur, actionesque illæ inutiles, quæ dies nostros in vanitate nobis consumunt, aboleantur: impediunt enim opiniones illæ cogitationes Hominis, ut non possit eas impendere indagatiōi & consideratiōi rerum intelligibilium, neque vacare operibus, quæ utilitatem aliquam habent, quemadmodum Prophetæ nostri nos docuerunt. Sic inquit Sathuel: *Ne declinetis post Idola, quæ non proderunt, neque eruent, quia vanitas sunt.* Sic Jeremias; *Ambulaverunt post ea, quæ non profunt.* Et iterum; *Verè mendacium possederunt Patres nostri, vanitatem, & non est in eis utilitas.* Proinde considera quæso, quanta hæc perniciēs & corruptio fuerit; & an necessarium sit, ut Homo omnes suas vires impendat ad auferendam eam, necne? Ideoque maxima pars Præceptorum (sicuti declaravimus) non aliò respiciunt, quàm ut pravæ istas opiniones tollant, maximumque illum laborem, molestiam & defatigationem, quam Homines illi in Deorum suorum cultibus habebant, mitigaret: omnia item Præcepta tam negativa, quàm affirmativa, quorum nobis ratio est occulta, nihil aliud sunt, quàm Remedia & Medicinæ morborum quorundam illius temporis, quæ ad nostram scientiam (Deo sit laus) non pervenerunt; prout quivis credet, qui perfectionem veram habet, & veritatem novit ejus, quod Deus ait; *Non dixi semini Jacob in vanum, quærite me!*

Sic itaque commemoravi tibi particularitates & rationes hujus quoque clāsis Præceptorum, nullumque ex eis intactum reliqui, cujus rationem non reddiderim; pauculis quibusdam particulis exceptis, etsi in rei veritate illorum quoque rationes dederim, quas intelligenti facile est ex verbis nostris eruere.

*Finiunt rationes Præceptorum.*

## C A P. L.

*In quo agitur de illis rebus in Sacra Scriptura, quæ nullam videntur habere utilitatem, & quædam illorum explicantur.*

*De quibusdam Narrationibus historicis, quæ nullam videntur habere utilitatem.*

**SUPER** SUNT adhuc quædam, quæ etiam sunt de Arcanis Legis, in quibus hætenus multi impegerunt, ac proinde explicatu necessaria; illæ nempe *Narrationes historice*, quæ narrantur in Lege, de quibus multi existimant, quòd nullam habeant utilitatem: ut,

*Genea-*

*Genealogia, Nomina, & Loca Familiarum Noachi, & Filiorum Sebir Horita; Recensio item Regum, qui regnarunt in Terra Edom, & similia. Nôsti enim, quòd Rabbini nôstri de impio Manasse dicant, illum in levis suis congregationibus nihil aliud egisse, quàm ut subtiliter loca ista cavilletur. Dicunt; Sedebat, ac turpiter & ignominiosè historias istas explicabat: dicebat, Non debebat Moses scribere, Et soror Lotham Thimnah. Ego verò primò in generationes illorum tibi indicabo, deinde ad specialia descendam, quemadmodum feci in rationibus Præceptorum.*

Scias ergo, unamquamque Narrationem, quam in Lege scriptam invenis, ad necessariam aliquam in Lege utilitatem intervire; vel scilicet ad confirmandum fundamentalem aliquem Fidei articulum; vel ad Actionis alicujus moralis correctionem & emendationem, ne iniquitas ac violentia inter mortales regnet.

Quandoquidem enim (ut omnem tibi dubitationem adimam) fundamentum Legis fuit, quòd Mundus sit innovatus, & quòd principiò creatum fuerit Individuum unum ex specie humana, Adam nempe primus; quòd item ab Adamo usque ad Moysen non longius temporis spatium intercesserit, quàm mille quingentorum annorum circiter: si nudè hoc saltèm in Lege narraretur, multi de rei veritate dubitarent; quia tùm temporis Homines dispersi fuerunt usq; ad fines totius Terræ, Familiæ dissipatæ, Linguae divisæ. Hæc verò dubia tolluntur descriptione Familiarum, Genealogiarum, Nominum priorum, Annorum, & Locorum habitationis illorum; indicatione item causæ Efficientis dispersionis ipsorum in extremas Terræ oras, Linguarum confusionis, & quòd fuerint ab initio in loco uno, omnibusque una & eadem lingua, prout filios Viri unius decet.

Sic historia Diluvii, Sodome item & Gomorrhe docent nos veritatem illius, quod Psalmista ait; *Verè est fructus iusto: verè est Deus iudicans in Terra.*

Historia Belli novem Regum indicat nobis miraculum in victoria Abrahami, in qua paucis Viris nullum Regem habentibus quatuor magnos Reges devicit. Præterea docet nos, quàm calidè dilexerit proximum suum, eò quòd in sua fide erat educatus, ita ut ad eum liberandum vitam suam periculo belli exposuerit. Ad hæc exemplum nobis præbet *Auracénias* ipsius, quòd paucis animus ipsius fuerit contentus, divitias spreverit, atque ex Virtute potius laudem quæstiverit. Hinc enim ait; *Si à filo ad corrigiam calceamenti usque accepero.*

*De Genealogia, supputationibus annorum, temporum &c. ante Diluvium.*

*De historia Diluvii, Sodoma item & Gomorrhe.*

*Plal. 18. 12.*

*De historia Belli novem Regum.*

*Gen. 14.*

*Ibid. v. 13.*



*De recensione  
familiarum &  
stirpium filiorū  
Seir.*

Exod. 17.

*Enarratio Familiarum & Stirpium Filiorum Seir* est propter certum quoddam præceptum, hoc videlicet; quod Deus præceperit delere omnem memoriam Amalek, (Amalek etenim fuit filius Eliphaz ex Thimnah sorore Lorani); reliquos verò filios Esavi non iusserit interimere. Esavus autem affinitate fuit junctus cum filiis Seir, (sicut in Scriptura declaratum est), h.e. Uxorem ex illis duxit, genuit ex illis liberos, regnavit super eos, semen ejus commixtum est cum semine illorum, deveneruntque Terræ & Familiæ Seir omnes ad Familiam potentiorē, quæ fuit filiorum Esau, præsertim verò semen Amalek, quia ipse potentissimus fuit inter illos. Nisi itaque Familiæ illæ & particulares ipsarum descriptiones fuissent consignatæ, omnes pariter fuissent interfecti. Idcirco distinctè explicat Scriptura Familias illorum, & ait; Illi, quos videtis in Seir & Regno Amalek, non sunt omnes filii Amalek, sed sunt filii N. & filii N. Amaleko autem attribuuntur, quia mater ipsorum fuit ex Amalek. Hæc omnia Æquitatis & Justitiæ Divinæ sunt opera, ne videlicet una Familia in medio Familiæ alterius occidatur; quia decretum Dei non pronunciavit, nisi contra semen Amalek.

*Reges Edom cur  
recenscantur?*

Genes. 36. 31.

Deut. 17. 15.

*Reges, qui regnaverunt in terra Edom*, idè recenset Moses, quia inter Præcepta Divina & hoc legitur; *Non poteris constituere super te (tanquam Regem sc.) Virum alienigenam, qui non sit frater tuus.* Illorum autem Regum, qui ibi commemorantur, ne unus quidem fuit ex Edom. An non enim vides, quod tū ipsorum Stirpes, tū Terras (patrias sc.) indicet: N. ex loco N., & N. ab N.? Ac præterea videtur mihi, quod consuetudines & mores illorum Regum Edom tū temporis fuerint noti, ac Idumæos serviliter habuerint & oppresserint. Illos ergo hic nunc recenset, quasi vellet dicere; Considerate fratres vestros filios Esau, quorum Reges fuerunt N. N. N. & c. qui quâ ratione illos tractârunt, est notum. Nam nulla natio unquam Regem supra se constituit ex aliena Stirpe, qui illam non vel parvum, vel multum affligerit. Summa verò rei hæc est: Quemadmodum in præcedentibus tibi dixi, dogmata & ritus Zabiorum hodiè nobis esse incognitos; ita quoque latent nos Historiæ & Annales temporum illorum. Quod si autem illa, omniaque particularia, quæ in illis temporibus acciderunt, nobis essent cognita, multarum quoque in Lege Divina rerum particularium rationes scire possemus.

*Differentia inter  
Res scriptas  
& Visu percep-  
tas.*

Cæterum, sciendum tibi, longè aliam esse rationem notionis vel intellectus Narrationum scriptarum, & intellectus Rerum visu perceptarum. Nam Res visæ multa sæpè habent particularia, quæ co-

piofa

pioſa quoque verba requirunt, & non niſi prolixo ſermone explicari poſſunt. Iſtas verò Narrationes ſi Homo conſideret aut legat, exiſtimat, nimiam illis ineſſe prolixitatem vel *ταυτολογία*; quòd ſi autem vidiffet id, quòd narratum fuit, intelligeret, nihil præter rem & neceſſitatem dictum fuiſſe. Quocirca quando in Lege præter Præcepta tibi occurrunt Narrationes quædam hiftoricæ, & tibi videtur, hanc vel illam Narrationem non fuiſſe neceſſariam, aut nimis prolixè enarrari, id non aliunde venit, niſi quia non vidiffi particularia, quæ induxerunt Authorem ad commemoranda ea, quorum mentionem facit.

Ex hoc ordine eſt *Commemoratio profectionum vel itinerum Filiorum Iſraël*. Ex ſenſu enim litterali videtur, ac ſi commemoraretur ibi res proſus inutilis, cujus cogitationis avertendæ cauſa dictum eſt; ſcripſit autem Moſes egreſſus eorum per profectiones eorum, juxta ſermonem Num. 33. 2.

*DOMINI*. Neceſſitas autem hoc loco incubuit maxima. Miracula enim nulla ſunt verè, niſi apud eum, qui illorum eſt ſpectator; tempore autem futuro convertuntur in Hiftoriam vel Narrationem rei geſtæ, & facilè poſſunt ab audiente illa falſitatis coargui & in dubium vocari. Nam notum eſt, impoſſibile eſſe, neque etiam animo & cogitatione concipi poſſe, quòd Miraculum aliquod per omnes ætates Hominum ſubſiſtere & durare poſſit. Maximum Legis miraculum eſt, quòd Filii Iſraël per quadraginta annos in deſerto ſubſtiterint, & quotidie in illo Manna invenerint! Deſertum enim illud fuit, ſicut Scriptura loquitur, reſertum ſerpentibus & ſcorpionibus, locus aridus, aquis deſtitutus, à Terra habitabili procul remotus, & naturæ Hominis proſus repugnans, ſicut dicitur; *Quare aſcendere feciſti nos ex Aegypto, ut venire ſaceretur nos ad locum malum iſtum, non locum ſementis, ficum, & vinearum, & malogranatorum, & in quo aqua nulla eſt ad bibendum?* Ita dicitur de hac Terra quoq; apud Prophetam, quòd per eam Vir non tranſiverit, neque Homo ibi habitavit. Jerem. 2. 6. Et in Lege; *Panem non comediſti, neque vinum & potum inebriantem bibiſti*. Deut. 29. 6. Iſta omnia ſunt maxima miracula, oculis corporis viſa & percepta. Quandoquidem ergo Deus Opt. Max. cognovit, quòd miracula iſta tempore futuro eludi & cavillari aut ſuggillari poſſent, ſicut aliis hiftoriis & narrationibus accidit; (ut, quòd conimorari fuerint in Terra quaſi habitabili, in locis, in quibus Homines habitare aliquo modo poſſint, ſicuti Deſerta Arabia comparata ſunt; aut, quòd fuerint loca commoda & idonea ad arandum, ſerendum, & merendum; aut, quòd ibi herbæ fuerint, è quibus vivere & ſuſten-

sustentare se potuerint; aut, quòd Manna in illis locis ordinariè & Cælo descenderit, aut denique, quòd purei ibi fuerint): idcirco ad cogitationes istas è medio tollendas, & miracula illa confirmanda, sigillatim Profectiones illorum exposuimus, ut alii ista loca videntes & permeantes intelligant, quanti miraculi negotium fuerit, quòd per quadraginta integros annos Homines ibi subsistere potuerint;

*Josua cur noluerit, ut Jericho iterum edificetur?*

quemadmodum propter illam ipsam rationem Anathemati devovit Josua illum, qui urbem Jericho reedificaturus esset, ut nempe hac ratione miraculum illud in perpetua memoria remaneret: nam quicunque visurus erat materiam illam in Terram profundè demersam, clarè perspicere poterat, non esse hanc formam ædificii alicujus destructi, sed miraculosè collapsi. Sic quòd dicitur, *Juxta sermonem*

Num. 9.10.

*Domini castrametati sunt, & juxta sermonem Domini profecti sunt,* videri posset alicui ab initio cogitationis (h.e. obiter rem consideranti) sufficere potuisse, & quòd ea, quæ post ista verba sequuntur,

Num. 9.19.

v. 10.

v. 22.

*superflua sint, ac nullo modo necessaria; ut, quod dicitur, Cum verò morabatur Nubes, &c. Quando autem Nubes diebus paucis erat supra tabernaculum, &c. Aut duobus diebus, &c.* idcirco ego tibi rationem omnium istorum particularium indicabo. Ratio enim illorum est, ut miraculum illud confirmetur, & omnes cogitationes, quas tùm prophani Populi de illo negotio habuerunt, & etiamnum habent, tollerentur; quasi nimirum Israëlitarum incerti oberravissent, ac nescivissent, quòd vel quàmnam ire deberent, sicut ibi dicitur: *Perplexi sunt ipsi in Terra.*

Exod. 14.3.

*Arabes quomodo appellant Desertum, in quo Israelita per 40. annos commorati sunt.*

Et sic appellant Arabes usque in hodiernum diem Desertum illud מדבר חתני h.e. *Desertum oberrationis*; existimanres, Israëlitas ibi oberrasse & viam ignorasse. Idè incipit Scriptura explicare & confirmare, quòd Profectiones illæ, (quæ fuerunt inordinatæ), & Tempus, per quod in unaquaque profectione subsisterunt, (quod inæquale fuit; nam in una profectione subsisterunt octodecim annos, in alia diem unum, in alia noctem unam), quòd inquam ista omnia ex singulari determinatione & ordinatione Divina ita facta, neque aberratio à via fuerint, sed secundùm ablationem vel motionem columnæ Nubis contigerint. Er hac de causâ recensuit particulares illas omnes circumstantias. Nam Scriptura declarat nobis, illam viam fuisse notam & tritam, viam inquam illam, quæ est inter *Chorreb* (quòd deliberato consilio & proposito venerunt, sicuti Deus præcepit, quando dixit; *Servietis Deo in monte isto*;) & inter *Kadesch-barneab*, quæ est iterum principium Terræ habitabilis, sicuti in Scriptura dicitur; *Ecce, jam sumus in Kadesch civitate extremi termini tui*:

Nutr. 29.16.

*spatium*

spatium verò itineris esse undecim dierum, sicut iterum dicitur; *Unde* Deut. 1. 1. *decim dies à Choreb, viâ montis Seir, usque ad Kadesh-barneah.* Proinde impossibile fuisset, ut per quadraginta annos ibi errare potuissent. Ratio autem tam diuturnæ moræ est illa, quæ in Lege scripta est.

Sic itaque omnia reliqua, quorum rationem ignoras, suas tamen validas habent causas & rationes, adeoque sequuntur fundamentum illud, de quo nos Sapientes nostri monuerunt; *Nihil est inter vos* Deut. 32. 47. *frustra: quòd si autem frustra est aliquid, (h.e. vobis ita esse videtur), id ex vobis est, (h.e. ex vestra imperfectione & ignorantia).*

## CAP. LI.

*De diversis gradibus eorum, qui cupiunt apprehendere Veritatem Creatoris. De modo item, quo Deus coli debet ab illis, qui Ipsum apprehendunt: & quomodo eò perveniendum sit.*

CAPUT istud, quod nunc inchoamus, nihil aliud complectetur, quàm cætera hujus Libri capita, sed ob signationis & clausulæ quali loco adjungeretur illis, unà cum explicatione; Quâ ratione is, qui veram doctrinam de Natura & Proprietatibus DEI apprehendit, post illam apprehensionem DEUM colere, ei que servire debeat? Quâ in re cultus ille consistat? Quo modo ad illum cultum, qui supremus est finis Hominis, pervenire debeat? Qualem denique DEUS Hominis curam in hoc Mundo gerat, donec inde in fasciculum Viventium transferatur?

Exordiar autem verba mea in hoc capitulo ab eleganti quadam, *Similitudo ad declarandam diversitatem Apprehendentium Deum.* quam adducturus sum, parabolâ, & dico. Rex quidam seder in suo palatio, & Subditorum ejus quidam sunt in Civitate, quidam extra Civitatem. Illorum, qui in Civitate sunt, quidam tergum suum vertunt versùs palatium Regis, faciem verò in viam aliam; & alii qui sunt, qui volunt ire ad domum Regiam, faciem suam illuc convertunt, Palatium ejus videre & coram Rege comparere cupiunt, sed tamen nondum vident muros domûs Regiæ; quidam verò ex istis domum ingredi volentibus pertigerunt usque ad ipsam, & circumcunt eam, portam invenire quærentes. Ex his autem quidam ingrediuntur portam, quæ ducit in Vestibulum, Anticameram; qui

dam intromittuntur in interiorem domum, ut sint cum Rege in uno eodemque loco, in domo videlicet Regis, non tamen vident Regem, aut cum illo loquuntur; sed postquam in domum pervenerunt, opera ipsis danda est, ut ulterius perveniant, & cum demum conceditur eis, ut coram Rege comparere, illum vel propè, vel de longinquo videre, loquentem audire, aut denique ipsi cum illo loqui possint.

Nunc declarabo tibi istam, quam in medium adduxi, parabolam. Qui *extra Civitatem* sunt, sunt omnes illi Homines, qui neque per speculationem, neque per Cabbalam habent fidem Legis, quales sunt quidam Turcæ habitantes in Septentrione, & Æthiopes commorantes in Meridie, & similes istis, ex iis, qui nobiscum sunt in nostris Climatibus. Atque istorum iudicium idem est quod Animalium irrationalium, neque eos colloco in gradu Hominum, sed in gradu quodam Entium, qui est infra gradum Hominum, attamen supra gradum simiarum; quia habent figuram & formam Hominis, maiorem autem, quàm simiæ, cognitionem. Qui verò sunt *in Civitate*, sed *posteriora sua obvertunt palatio Regis*, sunt illi, qui quidem fidem & speculationem habent, sed tamen quædam dogmata heterodoxa, sive ex speculationis ipsorum errore, sive ex falsa aliqua traditione, retinent. Et hi propter erroneas istas opiniones tantò longius à palatio Regis recedunt, quò longius progrediuntur, deterioresque multò sunt prioribus; & quos necessitas esilagit aliquando interficere, memoriæque opinionum ipsorum extirpare, ne alios quoque seducant & inficiant. Qui autem volunt *ad domum Regis venire*, & *ad ipsum ingredi*, sed tamen domum Regis nunquam vident, sunt Vulgus Virorum Legis. h. e. Populus Terræ, (Plebeji, Idiotæ), qui operam navant in Præceptis. Qui perveniunt *ad domum Regis*, & illam circum-eunt, sunt Thalmudici, qui credunt: & amplectuntur sententias orthodoxas, & quidem per modum Cabbalæ, negotiorum cultu Divinorū discunt, sed in speculatione fundamentorum Legis se non exercent, nec de Fide verificanda sunt solliciti. Qui occupantur in speculatione fundamentorum Legis, illi sunt, qui *introversunt in Vestibulum*, & sunt in diversis ac inæqualibus gradibus. Sed qui eò usque pervenit, ut sciat demonstrationes omnium eorum, quæ demonstrationes habent, & nōrit in rebus Divinis veritatem eorum, quorum veritas cognosci potest, & appropinquet ad illius veritatem, ad quam non nisi appropinquari potest, is est, qui cum Rege ipso est in medio domus. Et hic scias, fili mi, quamdiū operam das Disciplinæ Mathe-

*maticū & Logica, te ex illorum esse numero, qui eunt circa domum, & portam illius quærun, sicuti Rabbini nostri ajunt, Adhuc Aben-zoma foris est: cum intelligis Res naturales, ingressus es in Vestibulum domus: quando verò Naturalia absolvisti, & Theologica intelligis, ingressus es cum Rege in conclave interius, & versaris cum ipso in una eademque domo. Atque hic est gradus Sapientum, qui diversas perfectiones habent. Qui verò, postquam perfectionem rerum Theologicarum est adeptus, omnes suas cogitationes ad Deum dirigit, quin imò sese-ipsam totum Deo consecrat, cogitationes suas ab aliis avertit, & facultates ingenii sui omnes in consideratione Entium exercet, ut ex illis discat probationem de eo, quòd Deus sit, & quàm mirabiliter multisq; modis Deus illa possit gubernare, ille inquam est, qui in domum Regi venit. Et hic est gradus Prophetarum, quorum unus (Moses sc.) propter summam Apprehensionem, & cogitationum suarum ab omnibus aliis rebus, excepto Deo, aversionem, eò usque pervenit, ut de ipso dictum fuerit, Et fuit ibi cum Deo, Exod. 34. 28. & ibi sc. interrogabat, ac vicissim responsa accipiebat in statione illa sancta. Ac propter summam, quam ex Apprehensione illa percepit, lætitiā nec panem comedit, nec aquam bibit. Nam Intellectus ita fortis in ipso fuit, ut omnis crassa virtus corporea, species sc. sensus Tactus, cessaverit & succubuerit. Præter hunc sunt quidam Prophetæ, qui vident tantum, & horum quidam propè, quidam de longinquo, sicut dicitur, De-longè Dominus apparuit mihi.*

*De gradu Apprehensionis Mo-*

*De gradibus reliquorum Prophetarum.*

Verum suprà jam de Prophetiæ gradibus loquuti sumus; unde nunc ad Argumentum hujus capituli revertor, quod est, monere, ut Homo omnes suas cogitationes in Deo solo collocatas habeat, posteaquàm ad ejus cognitionem pervenit, sicuti expcsumus. Hic enim est *Cultus* proprius illorum, qui Veritatem apprehendunt, qui tantò sit major, quantò magis de Deo cogitant, & coram ipso parent. Sed qui sæpè de Deo cogitat & loquitur absque sapientia, vel suam propriam imaginationem, vel alius alicujus fidem & traditionem sequendo, is, meo calculo, est ex illis, qui versantur extra domum, & longè ab illa absunt; quia non verè cogitat de Ipso, nec rectè de Illo loquitur. Nam res illa, quæ in Imaginatione illius existit, & cujus ore suo mentionem facit, non est Ens aliquod, sed purum-putum figmentum in Imaginatione ejus effectum, sicuti declaravimus, quando de Attributis Divinis egimus: in hac autem Cultus Divini specie incipiendum & procedendum est secundum conceptionem formalem Intellectus. Secundum hanc verò notionem

*Cultus Dei principalis.*

Intellectus si Deum & ejus opera apprehenderis, incipies te totum illi tradere, studebis illi quàm proximè appropinquare, corroborabiturque Conjunctio, quæ est inter te & inter ipsum, Intellectus nimirum tuus, sicut dicitur; *Tibi ostensum est, ut scires DOMINUM esse DEUM, & non esse præter eum.* Item; *Scies hodiè, & revocabis ad cor tuum,* &c. Quod autem ultimus iste Cultus, de quo in præsentī capite agimus, non sit nisi post Apprehensionem, declarat nobis Lex, dum ait; *Ut diligatis DOMINUM DEUM vestrum, & colatis eum toto corde vestro, & totā animā vestra:* sapius enim jam ostendimus, quod Dilectio ista sit secundum Apprehensionem, & post Dilectionem Cultus ille, de quo nos monuerunt Rabbini nostri, dicentes; *Hic est cultus, qui est in corde.* Consistit autem (Cultus nimirum ille) meo iudicio, in eo, ut omnes suas cogitationes Homo consumat in Intelligibili primo, & illi soli, quantum fieri potest, adhæreat. Hinc invenimus, quod David p.m. filio suo præcepta dāns, severè ipsum ad hæc duo adhortatus sit, Apprehensionem inquam DEI, & Cultum ipsius post Apprehensionem: *Tu itaque, inquit, Schelomoh, fili mi, cognosce DEUM Patris tui, & servi ei corde perfecto, & animo voluntario, &c. Si quasiveris eum, invenietur à te; & si dereliqueris eum, abiciet te in æternum.* Admonitiones enim vel hortationes (אוֹרוֹת) perpetuò sunt de rebus Intellectualibus, nunquam de Imaginariis. Cogitatio namque de rebus Imaginariis, vel per Imaginationes, nō vocatur Scientia, sed vocatur, *Quod ascendit in spiritum vestrum.*

Sic itaque expositum tibi est, quod post Apprehensionem (DEI) nihil aliud requiratur, quàm ut Homo totum se ei tradat, & cogitationes suas intellectuales perpetuò in ejus desiderio collocet; id quod meliùs fieri nequit, quàm per *Solitudinem & Separationem.* Ideoq; studebit Homo pius, ut frequenter solus & ab aliis separatus sit, neque, nisi urgente necessitate, Hominum congregationibus & conventibus intersit.

*Solitudo & separatio à conversatione Hominum necessaria est ad cultum Divinum.*

Nabegia. An non exposui tibi, quod Intellectus iste, quem Deus Opt. Max. nobis infudit, sit cohesio vel cōjunctio inter nos & ipsum? Facultas autem tibi data est, ut, si conjunctionem istam velis corroborare, id possis facere; si verò illam paullatim velis diminuire & debilitare, possis & illud. Corroboratur ista conjunctio, si illa utaris ad diligendum DEUM, & omnes tuas facultates eò direxeris, sicut exposuimus. Debilitatur & decrescit, cum cogitationes tuas convertis ad res alias.

*Quomodo illa Conjunctio confortetur.*

Scito autem, quamvis sapientissimus omnium esses in Veritate Sapient-



Sapientiae Divinae, si cogitationes tuas convertas ad alias res, veluti Victum, Amictum, & similia negotia, te jam abscidisse conjunctionem, quae est inter te & DEUM Opt. Max., neque amplius vel te cum ipso, vel ipsum tecum esse; quia unio illa, quae intercedit inter te & inter ipsum, illo tempore actu est interrupta. Hinc Sancti adeo sunt anxii & solliciti de illis horis, in quibus non cogitant de DEO Opt. Max., tamque diligenter de illis monent. Ita ajunt; *Ne convertaris vos ad scientiam vestram*. Sic etiam inquit David; *Posui DOMINUM* Psal. 16. 8. *coram me semper, quia à dextera mea est, non dimovebor*. Q. D. Nunquam diverto cogitationes meas ab ipso, est mihi quasi dextera mea, cujus Homo ne ad momentū quidem oculi obliviscitur, propter frequentem ipsius motum & agitationem; propterea non dimovebor, h. e. non cadam.

Præterea scito, quòd cultus illi Divini omnes, Lectio sc. Legis, Precatio, & reliquorum Præceptorum observatio, nullum alium in finem data sint, quàm ut te in Præceptis DEI exerceas, & à negotiis ac curis hujus Mundi avertas; ac si in solo DEO occupatus, & ab omnibus aliis rebus abstractus esses. Proinde, si orando labia tua moveas, faciemq; versùs parietem convertas, ac inter precandum cogites de negotiis & mercatura tua; aut, si Legem DEI linguā tuā legas, cor verò tuum in ædificiis & fundis tuis versetur, nec ad id, quod legis, attendas; aut, si præceptum aliquod Legis membris tuis facias, sicut quis non nunquam vel fossam aliquam fodit, vel ligna in sylva amputat, sine consideratione illius, quod facit, vel illius, qui id mandavit, aut finis, propter quem laborat; si inquam hoc pacto istos cultus Divinos peragas, noli existimare, te finem assequutum esse, sed eris ex illorum numero, de quibus dicitur; *Propè es ori eorum, sed* Jerem. 12. 2. *longè à renibus ipsorum*. Quocirca modum tibi nunc præscribam, in quo te exercere debes, ad præstantissimum istum finem assequendū.

Principiò ergo hoc tibi faciendum est: Avertes cogitationes tuas ab omnibus, quando sectionem aliquam in Lege Divina legis, vel precaris, neque satis duces primum sectionis illius versum, vel primam Precationis benedictionem cum intentione & devotione recitasse.

Quando ita huic rei assuetus eris, & per aliquot annos confirmatus, incipies deinde totum tuum animum, omnes cogitationes in id impendere, ut, quod in Lege Divina legis, vel ex illa audis, quoque intelligas.

Quòd si & hoc in manu tua confirmatum fuerit, incipies postea

te exercere, ut perpetuò cogitationes tuæ conversæ sint in iis, quæ in reliquis Prophetarum libris legis, usq; ad Benedictiones omnes; operamque dabis, ut & hic intelligas & consideres, quæ legis.

Quando ergo hoc assequutus es in istis cultibus, atq; cogitationes tuæ eo tempore quoque, quo illos facis, ab omnibus aliis mundanis cogitationibus immunes fuerint; postea cavebis, ne cogitationes tuas nimis defatiges in necessitatibus tuis, & iis, quæ ad comedendum tibi permixta sunt.

Summa: Habebis cogitationes tuas in Mundi hujus negotiis, quando edis, quando bibis, quando te lavas, quando cum uxore, liberis, aut aliis Hominibus colloqueris & confabularis; ista tempora multa & longa relinquo tibi ad cogitandum de omnibus tuis necessitatibus, negotiorum sæcularium, domesticorû, valetudinis, &c. sed, cum cultus Divinos Legis peragis, non defatigabis cogitationes tuas, nisi in eo, in quo occupatus es, sicut explicuimus; cum verò solus es sine aliis, cum item in lecto tuo expergisceris, cave, ne preciosis illis temporibus aliis cogitationibus animum tuum occupes, quàm cultu isto Intellectuali, quo Deo appropinquas & præsens sis modo vero, quem tibi indicavi, non autem per passionem vel operationes Imaginarias. Hic summus gradus est, ut mihi videtur, ad quem pervenire potestis, qui per eam, quam indicavimus, exercitationis viam eò se præparaverit. At cum aliquis ex Hominibus per suas veras Apprehensiones & lætitiâ ex illis conceperit eò pertingit, ut, licet cum aliis Hominibus loquatur, & negotia corporalia tractet, tamen illo tempore Intellectus ejus totus sit cum Deo Opt. Max., ipseque corde suo jugiter cum Deo, etiamsi corpore sit cum Hominibus, quemadmodum dicitur in Parabolis Cantici Canticorum, *Ego dormio, & cor meum vigilat; ecce vox dilecti mei pulsantis*: de hoc gradu nequaquam dixerim, quod sit gradus omnium Prophetarum; sed dico, quod sit gradus Mosis Doctores nostri, de quo dicitur; *Et appropinquet Moses solus ad DOMINUM*. Item; *Et fuit ibi cum DOMINO*. Item; *Tu verò sta hic mecum*: quemadmodum in illorum locorum explicatione declaravimus. Hic item est gradus Patriarcharum quoque, qui tam propè appropinquarunt ad Deum Opt. Max. ut in ipsis Nomen ejus Mundo notum factum fuerit, sicut dicitur; *DEUS Abrahami, DEUS Isaaci, DEUS Jacobi, hoc Nomen meum ad Mundum* (sc. erit sic videntur interpretanda verba illa ad mentem Authoris): & propter summam animorum ipsorum in Apprehensione conjunctionem & unionem factum est, ut Deus cum unoquoque

Cantic. 5.2.

Exod. 24.2.

Exod. 34.28.

Deut. 5.31.

Exod. 3.15.

quoque fœdus pepigerit, sicut dicitur; *Tum recordabor pacts mei cum Jacob, & pacts mei cum Isaaco, & insuper pacts mei cum Abraham recordabor.* Nam illos quatuor quod attinet, tres nempe Patriarchas, & Mo-  
sen, notum est, quid Scriptura de illis testetur, quàm unanimis fue-  
rint & seduli in apprehensione & dilectione DEI Opt. Max., quanta  
item erga ipsos & liberos ipsorum fuerit DEI cura & providentia;  
& tamen cum hoc occupati quoque erant in Homini-*bus gubernan-*  
dis & regendis, divitiis acquirendis, pecoribus alendis, honores am-  
biebant, &c. Et hoc argumento mihi est, illos opera ista non nisi  
membris suis externis peregisse; cor verò & animum ipsorum à  
DEO nunquam recessisse. Id verò, quod quatuor dictas personas  
ad summam istam apud DEUM perfectionem exivit, & continuam  
erga ipsos DEI providentiam excitavit, etiam cum opibus & divi-  
tiis accumulandis operam navabant, h. e. quando vel pecora sua  
palcebant, vel Terram colebant, vel domi familiam suam admini-  
strabant, id inquam hoc mihi videtur fuisse, quòd unicuique ipsorum in  
omnibus actionibus finis fuerit, quàm proximè DEO appropin-  
quare. Summus enim ipsorum finis semper fuit, Populum aliquem  
ad veram DEI cognitionem & cultum adducere, sicut dicitur; *Novi* Genes. 18. 19.  
*enim, quòd præcepturus sis filio tuo & domui sue post se, ut custodiant viam*  
*DOMINI, faciatisq; justitiam & iudicium.*

Sic itaque constat tibi, quòd omnium ipsorum conatum & stu-  
diorum finis fuerit, Unitatem DEI in Mundo divulgare, & Homi-  
nes ad amorem DEI deducere. Et propter hoc ipsum digni facti  
sunt isto gradu; fuerunt enim illa opera & studia ipsorum summus  
& gratissimus DEO cultus.

Non est autem hic gradus ita comparatus, ut alius quis ad illum  
pervenire possit; sed gradus ille, cujus ante hunc mentionem feci-  
mus, studio & exercitatione præscripta impetrari potest; DEUMq;  
rogando, supplicando, ut impedimenta omnia, separationem inter  
nos & ipsum facientia, è medio tollat, licet maxima pars illorum à  
nobis ipsis proficiscatur, quemadmodum in aliis hujus libri capiti-  
bus declaravimus, & sicut Propheta inquit; *Iniquitates vestrae divise-* Jesa. 59. 2.  
*sunt inter vos & DEUM vestrum.*

Hic verò admiranda mihi revelatur speculatio, quâ & multa du-  
bia tolluntur. & secreta Divina non pauca aperiuntur.

Exposuimus in præcedentibus hujus libri de Providentia DEI  
capitibus, Secundum mensuram Intellectus uniuscujusque Intelle-  
ctui præditi esse quoque mensuram Providentiæ Divinæ; proinde  
erga

erga Virum in apprehensione perfectum, cuius Intellectus nunquam à Creatore recedit, perpetua quoque & continua est Providentia; erga illum autem, qui perfectus quidem est in Apprehensione, sed cogitationes suas nonnunquam à Deo avertit, eo quoque solum tempore Providentia Dei agit, quo de Deo cogitat, & iterum ab illo recedit, quando circa sua negotia est occupatus. Attractionem non ita recedit ab eo, sicuti ab illo, qui nihil planè intelligit: sed diminuitur, quandoquidem illo tempore, quo Vir ille perfectus aliis negotiis est intentus, Intellectus ejus non in actu existit, sed in proxima tantum potentia; atque ita similis est Scribæ veloci & expedito, eo tempore, quo non scribit. Qui autem planè non intelligit Creatorem, similis est ei, qui in tenebris laret, neque unquam lucem vidit, sicuti declaravimus in illo; *Ac impij in tenebris consistunt.* Qui verò apprehendit Creatorem, & cuius intentio tota est in Intelligibili suo, is similis est ei, qui in clarissima Solis luce versatur. Verum qui apprehendit quidem, sed interea aliis quoque negotiis se implicat, is tempore occupationum illarum suarum similis est Homini in die nebuloso degenti, quo Sol non lucet, propter densam & crassam inter ipsum & Solem interpositam nubem.

*Unde mala pro-*  
*veniant, quæ pijs*  
*eveniunt.*

Propterea videtur mihi, quodd mala quæcunque, quæ Prophetis & aliis Viris pijs & sanctis contingunt, eo tempore tantum illis accidant, quo Dei obliviscuntur, & quodd secundum longitudinem oblivionis, vel negotii, in quo occupantur, gravitatem item vel levitatem, gravitas quoque mali existat.

Quandoquidem itaque ita res sese habet, maximum aufertur dubium, quod Philosophi adduxerunt ad negandam particularem Dei erga singulos homines Providentiam, & æqualem eam erga Homines & reliqua Animantia faciendam.

Ratio enim illorum hæc est, quodd pios quoque & sanctos Homines plurima & maxima mala maneat. Sed hic revelatur mysterium, etiam juxta ipsorum sententiam; secundum quam Providentia Dei est perpetua & continua erga eos, ad quos pertigit Influentia illa, cuilibet præstò existens, qui operam dat, ut ad illam pertingat: & cum cogitationes Hominis purificatæ sunt, Deus per veras vias apprehendit, & super eo, quod apprehendit, lætatur, tunc illi nihil quicquam mali eo tempore potest accidere: quia tunc ipse cum Deo, & Deus cum ipso est; sed cum cogitationes suas à Deo avertit, separatur à Deo, & Deus ab ipso, omnibusque malis est expositus, quæ ipsi possunt evenire. Influentia enim Intellectualis est

est illud, quod Providentiam DEI caussatur, & ab omnibus accidentibus liberat: illa autem quibusdam temporibus à pio & sancto Homine abstrahitur, malo autem nunquam communicatur; proptereaquæ ambubus contingit id, quod eis contingit.

Confirmatur ista doctrina præter hæc dicta ex verbis quoque Legis. Hinc enim dicit DEUS: *Et abscondam faciem meam ab eu, & con-* Deut. 31. 17.  
*sumenitur, & invenient eum mala multa & angustia, & dnet in die illa;* Nonne propterea quod non est DEUS meus in medio mei, invenerunt me mala hæc? Palàm enim est, quod nos causa simus absconsonis istius faciei, & parietis illius, qui separationem facit inter nos & Ipsum; unde porro dicit: *Ego verò abscondendo abscondam faciem meam in die il-* v. 18.  
*la, propter omne malum, quod fecit, quod converterit se ad Deos alienos.* Nullum verò dubium quoque est, quin idem sit iudicium singularis alicujus Hominis, quod totius Ecclesiæ.

Sic ergo manifestum tibi est, causam, propter quam Homo omnis generis accidentibus est expositus, ut sicut Bestia prædæ sit objectus, esse separationem ejus à DEO: in cujus autem medio DEUS est, ei nullum omninò malum posse accidere, sicut DEUS dicit; *Ne timeas,* Jels. 41. 10.  
*quoniam tecum sum ego; & ne terrearis, quia tecum ego sum.* Item; *Cum* Jels. 43. 2.  
*transierit per aquas, tecum ero, & flumina non operient te.* Nam qui ed pervenit, ut effusus sit super eum splendor ille Intellectus, ei inseparabiliter adhæret Providentia, malaque omnia ab ipso cohibentur, sicut dicitur; *In DEO confido, non timebo, quid faciat mihi Homo.* Item; Psal. 56. 12.  
*Assuesce queso cum eo, & pacem habeto, per ea eveniet tibi bonum:* h.e. Jobi 22. 21.  
Converte te ad ipsum, & pacem habebis ab omni malo. Lege Psal- mum nonagesimum primum, qui incipit, *Qui habitat in adjutorio Al-* rissimi, & videbis, quàm eleganter agat de Providentia illa magna, & de Protectione & Custodia ab omnibus malis, tam universalibus, quàm particularibus, quæ singulari alicui Homini & Individuo præ aliis eveniunt, & quidem tùm ab iis, quæ naturam ejus consequun- tur, tùm ab iis, quæ ab Homnibus proveniunt. Dicit; *Ipse eruet te de laqueo venatorum, & peste praviratum. Aliis suis teget te, & sub aliis ejus securus eris, scutum & clypeus veritas ejus. Non timebis à timore nocturno, à sagitta, quæ volaverit per diem. A peste, quæ in caligine ambulat, à peste, quæ vastat meridie.* De conservatione verò ab afflictionibus Hominum (h.e. quæ ab Homnibus proveniunt) dicit; Si sortè accideret, ut transires per prælium districtorum gladiatorum, & tu in via tua esses, ac mille interficerentur à sinistra, & decem-millia à dextera tua, tamen te non tanget malum ullo modo, sed oculis tuis afficiaris, & iudicium

ac retributionem impiorum à DEO videbis, quòd sc. illi perituri sint, tu verò salvus & incolumis permanfurus. Hoc enim est, quod dicit; *Cadent à latere tuo mille, & decem-millia à dextera tua, tibi tamen non appropinquabit, sed oculis tuis aspicias, & retributionem impiorum videbis*: & quod ibi præterea adjungit de protectione Divina. Post-hæc reddit rationem hujus magnæ custodiæ, & dicit: Causam, propter quam tantoperè custodiat ejusmodi Virum, esse hanc; *Quia me chaschak valdè amat, idè etiam eum, exaltabo eum, quia novis Nomen meum*.

*Differètia inter  
רשע & צדיק.*

In aliis hujus libri capitibus præcedentibus explicatum est, quòd notitia vel cognitio DEI nil aliud sit, quàm ejus Apprehensio: perinde igitur est, ac si diceret; Custodia talis Viri idè à me suscipitur, quia novit & chaschak diligit me postea. Nòsti, quænam sit differèntia inter hæc duo verba Chaschak & Ababb (Dilectionem significantia). Amor enim summus, quando cogitationes nullibi sunt quàm in re amata, est propriè Cheshek (vel significatur verbo Chaschak). Docent nos Philosophi, Facultates corporales in diebus juventutis plurimas honestas qualitates & virtutes impedire; quando igitur magis impediunt cogitationem istam purissimam, quæ contingit Homini ex perfectione Intelligibilium, inducentium ad Cheshek Amorem istum cordialem DEI Opt. Max.? Falsum etenim est, eam Homini conferri, quamdiù humores isti corporales tam calidè in ipso fervent (*tempore caloris juvenilis*). Nam quò magis Facultates corporales debilitantur, ignisque cupiditatum extinguitur, tantò magis Intellectus roboratur, lumen ejus augetur, apprehensio purificatur, & de eo, quod apprehendit, lætatur, ita ut, cùm Homo perfectus ad maturam ætatem pervenit & mortui appropinquat, supra modum Apprehensio, Lætitia ex Apprehensione orta, & Amor rei apprehensæ augeantur, ut Anima à Corpore quasi separatur tempore Voluptatis illius. Hùc respexerunt Sapientes nostri, dum de morte Molis, Aharonis & Mirjam ajunt, quòd isti tres mortui sint *binshikah*, h.e. in Osculo, vel, per Osculum. Ajunt enim; *Quod dicitur, Et mortuus est ibi Moses servus DOMINI in terra Moab al pi ad os DOMINI*, id docet nos, quòd in deosculatione mortuus sit (*binshikah*). Et sic dicitur de Aharone; *Ad os DOMINI, & mortuus est ibi*. Sic dicunt de Mirjam, quòd *binshikah*, h.e. in deosculatione sit mortua: sed tamen de illa non dicitur in Scriptura, *Ad os DOMINI*, eò quòd fuerit mulier, atque ita parabolica ista locutio ei non convenerit. Sensus autem ejus est, quòd præ nimio amore mortui sint in Voluptate:

prate:

*נפש נשחיקה  
קח קודם רב-  
בנים.*

ptate Apprehensionis illius. Phrasin quod attinet, desumpserunt eam Sapientes nostri ex Cantico Canticorum, ubi Apprehensio Creatoris cum summo Amore Dei conjuncta, vocatur *Nesibikah* Oscularis, sicut dicitur; *Osculetur me osculo oris sui*. Speciem verò istam hujus Mortis, quæ in rei veritate est Liberatio à Mor-te, nemini alii evenisse memorant dicti Sapientes nostri, præterquàm tribus istis personis, Mosi, Aharoni, & Mirjam. Sed alii Prophetæ, & Viri sancti in inferiore fuerunt gradu: omnibus tamen corroboratur apprehensio Intellectus prope mortem, sicut dicitur; *Et ibis coram te Justitia tua, gloria JEHOVÆ colliges te*: posteaquæ remanet Intellectus ille in æternum in uno eodemque statu, quia ablatum est impedimentum illud, quod nonnunquam distinguebat inter ipsum & inter ejus Intelligibile, & subsistit ita in Voluptate illa magna, quæ nequaquam est ex voluptatibus corporalibus, quemadmodum & nos alibi declaravimus, & alii quoque præter nos.

Quocirca appone cor tuum ad intelligendum istud caput, operamque da omnibus tuis viribus, ut multiplices tempora illa, in quibus es cum Deo Opt. Max., aut ad Ipsum pervenire laboras; & diminuas horas illas, quibus es cum aliis, nec ad Deum appropinquare satagis. Sed de hac directione satis nunc dictum est pro Intentione hujus capituli.

## CAP. LII.

*Hominem debere esse in summo gradu humilem  
& verecundum; quia Humilitas sit columna timoris DEI.*

NEQUAQUA tales sunt gestus & actiones Hominis (ut sefio ejus, motus, & alia opera) quando solus est in domo sua, quales sunt, cum versatur coram magno aliquo Rege: neque eodem modo solet Homo loqui & os suum aperire coram domesticis & propinquis suis; & coram Rege.

Quare, quicumque elegit perfectionem humanam, & in rei veritate Vir Dei esse cupit, expergiscatur à somno suo, sciatque, Regem maximum perpetuò ipsi adesse & inhærere, Regem inquam longè majorem omnibus Regibus mortalibus, ipso etiam Davide & Salomone. Rex ille inhærens est Intellectus Hominis, qui effusus est super nos, quique nihil aliud est, quàm Unio & Conjunctio inter



nos & DEUM. Et quemadmodum nos eum (*Intellectum agentem*) apprehendimus per illud lumen, quod supra nos effundit, sicut dicitur; *Psal. 36. 10. In lumine tuo videmus lumen*: sic per idem lumen Ipse respicit super nos, & propter illud perpetuò nobiscum est videns & respiciens, *Jerem. 23. 24. sicut dicitur; Num occultabit se quipiam in occultu, & ego non videbo eum, dicit DOMINUS?* Tu hoc animadverte & intellige, ac porro scito, quòd Viri perfecti hoc scientes, ita impulsì sint ad humilitatem, reverentiam, & timorem DEI, ut verè, non imaginariè, pudore affecti fuerint coram Ipso, & secreta sua cum Uxoribus, in balneis item negotia æquè verecundè tractârint & peregerint, atque publica cum aliis, quemadmodum ritus & consuetudines Sapientum nostrorum cum Uxoribus suis notæ sunt. Ajunt enim; *שם ופניו ופניו ופניו*. Item; *Quis est verecundus? Qui ambulat noctu, si ut interdum*. Ita nôsti, quòd monuerint, non esse erecta statuti incedendum, proptereà quòd dicitur; *Plena est tota Terra gloria ejus*: ut videlicet animis Hominum implantent opera ista commemorata, quòd semper simus in manibus DEI Opt. Max., & in conspectu Majestatis ejus Divinæ eamus & revertamur. Quidam Sapientes eò usque pervenerunt, ut *capita sua derogere* noluerint, proptereà quòd Majestas Divina Hominem regat & operiat. Sic eandem ob causam continentes & parci erant in verbis suis; de qua paucitate verborum, quæ scitu necessaria sunt, in capitulis Patrum exposuimus, in dicto illo, *Quia Datus est in Cælu, & tu in Terra, idèò sint verba tua pauca*.

Atque hæc res, quam nunc tibi declaravi, scopus & intentio est omnium Legis Divinæ operum. Nam per particularia ista præcepta practica, illorumquæ observationem, semper accedit aliquid Hominibus singularibus & sanctis, qui in perfectione humana perficiantur, DEUM timeant ac revereantur, quis cum ipsis sit, sciant, & postea, quod decet, faciant. Declaravit enim nobis DEUS, quòd omnium Legis operum hic sit finis, ut Homo istam virtutem consequatur, de qua in hoc capite egimus, & demonstrationem attulimus, Timorem inquam DEI & Verbi ipsius, sicut dicitur; *Nisi custodiveris, ut facias omnia verba Legis istius, quæ scripta sunt in libro isto, ut timeas Nomen istud gloriosum & terribile, DOMINUM DEUM tuum*. Attende, quâ ratione ostèdat, omnium verborum Legis unum eundemquæ esse finem, Timorem sc. Nominis gloriosi & terribilis. Quòd vero iste finis ex operibus illis Legis acquiratur, inde intelligis, quòd in citato versu ait, *Si non custodiveris ad faciendû*: hinc enim liquet, quòd comparetur ex operibus, quæ sunt tum facienda, tum non-facienda.

Scien-

Scientias verò quod attinet, (h.e. *dogmata fidei, res credendas, sciendas*), quas Lex nos docet, ut Apprehensionem Existentiæ DEI Benedicti, & Unitatis ipsius, illæ nos deducunt ad Amorem DEI, sicuti jam aliquoties declaravimus, ad quem Amorem quàm seriò & diligenter Scriptura Sacra nos hortetur, non ignoras: ut, *Et diliges DOMINUM DEUM tuum, ex toto corde tuo, ex tota anima tua, & ex omnibus tuis viribus.* Duo etenim isti fines, Amor inquam DEI, & Timor ejusdem, ex duabus rebus proveniunt. *Amor* oritur ex scientiis (h.e. *rebus sciendis & credendis*) Legis, quæ complectuntur Apprehensionem Existentiæ DEI Opt.Max. secundum illius veritatem. *Timor* provenit ex operibus Legis, sicut exposuimus.

## CAP. LIII.

In quo tres istæ voces explicantur, חֶסֶד Chesed,  
מִשְׁכָּפַת Mischpat, צְדָקָה Tzedakah.

COMPLECTETUR præsens hoc caput expositionem trium Vocabulorum, quæ expositione indigent, nempe *Chesed, Mischpat, & Tzedakah.*

Vocabulum ergo *Chesed* quod attinet, monuimus de eo in Com- חסד Chesed  
mentario super *Avoth*, quod significet *Excessum & supremum gradum* quid significet.  
rei alicujus, quæcunque demùm sit. In specie verò usus ejus est ad significandam *summam Beneficentiam*. Notum autem est, Beneficentiam duo comprehendere; & *primò* quidem Benignitatem erga aliquem, cui nihil planè debes; *deinde* Benignitatem erga eum, qui beneficio dignus est, sed non tanto. Apud Prophetas majori ex parte denotat ejusmodi Beneficentiam, quæ exercetur erga eum, cui nihil planè debetur. Hac de caussa *Chesed* appellatur omne Bonum, quod nobis à DEO Opt.Max. communicatur: ut, *Chasde Beneficentis DOMINI recordabor.* Hinc etiam *Mundus*, h.e. *Creatio* ejus à DEO Opt.Max. vocatur *Chesed*: sicut dicitur, *Mundus chesed ædifica-* Psal. 89.3.  
*bitur*: sensus enim est, *Ædificium* hujus *Mundi* esse *Chesed* Beneficentiam. Quin imò DEUS ipse in proprietatum suarum enarratione se vocat *Rabbi chesed*, h.e. *multa benignitatis & beneficentia.* Exod. 34.6.

*Tzedakah* derivatur à *Tzedak* vel *Tzedek*, quod significat *Justitia*. צדק Tzedakah  
*Justitia* autem est, ut unicuique relinquatur & tribuatur quod ei de- quid significet.  
betur, & ut unicuique Enti tribuatur secundum quod ei convenit. In libris Prophetarum non vocantur ea, quæ secundum priorem sen-

sum aliis dare & exhibere teneris, *Tzedakah* Justitia, quando ea persolvitur; nam cum exsolvis mercedem mercenario, vel creditori reddis debitum, id non vocatur *Tzedakah* Justitia; sed illud, quod Virtutis & Honestatis solius causâ aliis facis: ut, cum pauperem aliquem à suo vulnere curas & sanas, id vocatur *Tzedakah* Justitia. Hac de causa dicitur de Restitutione pignoris, *Eterit tibi Tzedakah Justitia*. Nam quando in via honestorum morum & qualitarum incedis, Justitiam exerces erga animam tuam intelligentem; quia persolvitur ipsi debitum ejus. Et hinc omnes Virtutes vocantur *Tzedakah* Justitia: ut, *Et credidit DEO, & reputatum est ei Tzedakah pro justitia*, Virtus nempe Fidei. Sic dicit Moses p.m., *Et justitia erit nobis, cum custodiverimus, ut faciamus omne praeceptum istud*.

Gen. 15. 7.

Deut. 6. 25.

מִשְׁכָּח Misch-  
pat quid signi-  
ficat.

At verò vox *Mischpat* sumitur de Aequitate in Judicio, quando judicatur sicuti res requirit, sive *Chesed* Misericordiam, sive Vindictam & Pœnam exercendo.

Sic itaque patet, *Chesed* dici de mera Beneficentia & Benignitate; *Tzedakah* de Bono, quod sit Virtutis & Honestatis causâ, ad perfectam reddendam animam; *Mischpat* autem significare tum Pœnam & Vindictam, tum Bonum & Præmium.

Porrò alibi ostendimus, Omne attributum, quod Creatori in libris Prophetarum attribuitur, desumptum esse ab ipsius operibus. Quatenus itaque omnibus rebus dedit existentiam, vocatur *Chasid* Beneficus; respectu Misericordiæ ejus, h.e. quatenus Animantia, vel Viventia per facultates ipsorum gubernat, vocatur *Tzaddik* Justus; propter bona deniq; & mala magna, quæ innovantur in Mundo, & ex Judicio illius sapienti consequuntur, vocatur *Schophet* Judex.

Gen. 18. 25.

Deut. 32. 4.

Exod. 34. 6.

Tria ista Epitheta DEI scripta sunt omnia in Lege: ut, *An Judex Schophet totius Terra, &c. Justus & rectus est* (*Tzaddik vejaschar*.) Item, Verabhi *chesed* *Et multa benignitatis*.

Intentio verò nostra in hoc capite fuit, per trium istorum vocabulorum explicationem viam sternere ad proximum, quod nunc sequitur, caput.

*De vocabulo חֹכְמָה Chochma, h.e. Sapiencia,  
& in quot partes sit divisa.*

VOCABULUM *Chochmah* in Lingua Hebræa de quatuor rebus dicitur. חֹכְמָה Chochmah de quibus rebus dicitur.

Primò, de veritate illarum Apprehensionum, quarum supremus finis est Apprehensio Creatoris, licet dicitur; *Vechochma Et sapientia undenam invenitur?* Item; *Si quis siveris eam* (sapientiam sc.) *tantumquam argentum, & sicut thesauros scrutatus fueris eam, tùm intelliges timorem DOMINI, & cognitionem DEI invenies.* Et sic alibi. Jobi 28.12.

Secundò, dicitur de Scientia & Peritia Artis alicujus, qualiscunque demùm sit: ut, *Et omnes sapientes corde in vobis venient, & facient, quacumque praecepit DOMINUS.* Item; *Omni prætereà mulier sapiens corde.* Exod. 35.10. Psal. 105.22.

Tertio, de Acquisitione Virtutum moralium: ut, *Et senes ejus sapientes efficeret.* Item; *In decrepitu est sapientia.* Nam id, quod Homo de Sapientia acquirit in senectute, est dispositio ad recipiendas laudabiles Virtutes. Jobi 12.12.

Quartò, usurpatur de Astutia, Calliditate, & Solertia: ut, *Age, sapientiores simus illis.* Et ex hoc quoq; sensu est illud; *Et tulit inde mulierem sapientem, h.e. astutam & callidam.* Item; *Sapientes sunt ad malè faciendum.* Jerem. 4.22. Exod. 1.10. 2.Sam. 14.2.

Potest etiam vocabulum hoc *Chochmah* in Lingua Hebræa significare Calliditatem, Solertiam, Dexteritatem, & usum Cogitationis sive Rationis, vel ad acquirendas qualitates Intellectuales, vel ad Virtutes morales, vel ad Artem aliquam mechanicam addiscendam, vel denique ad discendas tùm scientias, tùm qualitates pravas ac vitiosas. *Sapiens* enim appellatur tùm is, qui magnis præditus est Ingenii & Intellectus dotibus; tùm qui Virtutibus moralibus excelsit; tùm qui egregiè artem aliquam callet; tandem etiam, qui solers & ingeniosus est in rebus turpibus & inhonestis.

Secundùm hanc itaque expositionem is, qui rectè & solidè totam Legem intelligit, duobus modis *Sapiens* vocabitur, respectu videlicet tùm rerum Intellectualium, tùm Moralium in illa comprehensarum: verùm, quia Intellectualia in Lege sunt tradita per modum Cabbalæ, non speculationis; idè invenimus in libris Prophetarum & Sapientum nostrorum, quòd *Notitia & Scientia Legis* ponatur tanquam una species, & *Sapientia mera & absoluta* pro specie altera. *Sapientia*

Jobi 32. 9.

Jobi 28. 12.

Cur de Salomone  
dicatur. Sapien-  
tior omni  
Homine, &  
non de Moſe?  
1. Reg. 4. 31.

pientia autem iſta mera & abſoluta eſt, quâ per demonſtrationem explicatur id, quod per Cabbalam ex Lege diſcimus de illis Intellectualibus. Quæcunque itaque in Lege reperis in Sapientia laudem & encomium dicta, de paucitate item eorum, qui Sapientiam acquirunt vel poſident; ut. *Non multi ſunt Sapientes*: Item; *Sapientia ubi-  
nam invenitur?* & ſimilia alia; ea omnia intelliguntur de Sapientia illa, quæ nos docet Demonſtrationes de ſcientiis vel ſententiis Legis. Sed & in Sapientum noſtrorum ſcriptis multa ſimilia reperiuntur; quia & ipſi *Scientiam Legi* unam conſtituunt ſpeciem, & *Sapientiam* ſpeciem alteram. Ita ajunt de Moſe; *Pater in Lege, Pater in Sapientia, Pater in Prophetiis*. Quod verò de Salomone legitur, *Sapientior ſuit omni Homine*, & non de Moſe; idè eſt, quia per id, quòd dicitur, *Omni Homine*, intelligitur tantùm Homines illius ſæculi, unde mentio ſit Hemanis, Chalcholis & Dardæ, filiorum Mahol, Sapientum illius temporis celeberrimorum. Sic ajunt Rabbini noſtri, requiri ab Homine primò Scientiam Legis; ſecundò Sapientiam; tertio illud, quod convenit Studio Legis, h. e. urex ea educat & extrahat quæ faciendæ ſunt: unde hic obſervandus & tenendus erit ordo; ſciendæ ſunt primò ſcientiæ per Cabbalam; ſecundò per Demonſtrationem; tertio, accuratè conſideranda & examinanda opera, quæ bonas faciunt vias Hominis. Hæc verò ſunt verba ipſa Sapientum noſtrorum de tribus iſtis rebus, quæ ab Homine hoc ordine requiruntur. Dicunt; *Quando Homo ingreditur in Judicium, dicitur ei ante omnia, Statuiſti tempora Legi, ſtudiſti in Sapientia, intellexiſti verbum unum ex alio?*  
Ex his patet tibi, quòd juxta illos Noſtria Legis ſit ſpecies una, & Sapientia ſpecies altera, ad ſcientias Legis per ſpeculationes veras confirmandas.

Quatuor ſpecies  
Perfectionum Ho-  
minis.

His itaque ſic præfatis, attende ad ea, quæ nunc dicturus ſum. Conſtituerunt jam pridem Philoſophi tam antiqui, quàm recentes, quatuor ſpecies Perfectionum Hominis.

Prima, eaquæ minima & leviſſima, eſt illa, in qua omnes ſerè dies ſuos Homines mundani conſumunt, Perſectio ſc. acquisitionis Divitiarum, Opum, Veſtimentorū, Vaſorum, Supellectilis, Domorum, Fundorum, Agrorum, & ſimilium; quinta Ambitio Honorum & Dignitatum. Atque inter hanc Perfectionem & inter Virum illum nulla realis intercedit Conjunctio & Unio; ſed propter utilitatem tantùm, quæ ex iis ad illum redit, ipſi attribuuntur per puram Imaginationem, quando videlicet dicit: *Hæc eſt mea domus; Hic eſt meus ſervus; Hæc ſunt meæ opes; Hi ſunt mei greges;*  
Hic

Hic est meus exercitus : & cùm consideratur corpus ejus, deprehenditur quòd omnia sint extra ipsum, & unumquodq; illorum existat separatim. Ideoq;e, quando illa Attributio cessat & auferitur à Viro illo, nulla est differentia inter illum, qui fuit Rex, & inter Hominem abjectissimum, sine ulla vel minima mutatione illarum rerum, quæ ipsi attribuebantur. Docuerunt autem Philosophi quoque, Hominem, qui operam & studia sua in hanc impendit speciem, non nisi circa meram imaginationem & phantasiam occupari, adeoque circa rem infirmam & instabilem: ac licet opes illæ omnibus diebus vitæ ejus apud ipsum remaneant, nullam tamen Essentiæ ipsius perfectionem inde accedere.

*Secunda* species magis adhæret & conjuncta est ipsi Homini, quàm præcedens, perfecta videlicet Proportio, Dispositio & Forma Corporis, h.e. Temperamentum Hominis æquale & proportionatum, Membra ejus apertè cohærentia, composita, valida item & robusta. Sed & ista Perfectio non potest Hominem deducere ad summum ipsius finem, quia est Perfectio corporalis tantum; neque Homini inest quatenus Homo est, sed quatenus Animal: commune enim habet hoc cum quovis, vilissimo etiam Animal; immò licet Homo fortitudinem habeat summam, nunquam tamen accedet ad fortitudinem & robur Equi, multò minùs Leonis aut Elephantis, sed summus ejus gradus hic est, quemadmodum alibi commemoravimus, grave onus portare, durum aliquod os confringere, vel simile quidpiam, in quo non est magna utilitas corporalis; ad Animam verò nihil omninò utilitatis inde redit.

*Tertia* species adhuc magis inhæret Homini, quàm secunda, Perfectio sc. Morum & Virtutum in summo & perfectissimo gradu. Atque huc tendunt magna Præceptorum pars, ut Hominem ad istam Perfectiorem extollant. Est autem ista Perfectio fundamentum tantum ad Perfectiorem sequentem, neque supremus finis Hominis. Sunt enim illæ Virtutes omnes tantum inter Homines invicem, ac videtur ista Perfectio solum ad Hominum utilitatem esse directà, ejusq; esse quasi instrumentum. Nam si in corde tuo cogites, Hominem aliquem solum & sine aliis posse subsistere, ita ut nullum ipsi cum aliis sit negotium, tùm Virtutes illæ omnes sunt otiosæ, inanes, inutiles, nullamq; ei perfectiorem largiuntur; sed opus illis haberi, & utilitatem ex illis accipit cum aliis.

*Quarta* species, vera Hominis est Perfectio, quando videlicet Homo veras consequitur Virtutes intellectuales, & ex illis veras scien-

tias ac opiniones addiscit in rebus Divinis. Acque hic ultimus est finis Hominis, Hominem perfectione verâ perfectum reddens, eiq; soli propria; per illam Homo dignus fit Æternitate & Immortalitate; per illam Homo est Homo. Si consideres unamquamque de reliquis tribus perfectionibus præcedentibus, invenies, quòd illæ sint aliorum, non verò tuæ: aut si existimas, non posse aliter esse, quàm ut sint tuæ, sunt tuæ & aliorum, (h.e. concedere coges, quòd non solum tuæ sint, sed & aliorum.) Ista verò perfectio ultima tibi soli prodest, nec cum illa communicat quisquam alius; tua est sola, nec in ea partem habet alius. Idcirco operam dare debes, ut illam acquiras, quæ tibi soli relinquitur & perpetuò remanet: nolite defatigare & laborare in acquirendis aliis, tu qui animæ tuæ oblivisceris; ita ut albedo faciei ejus nigra reddatur, dum facultates corporales dominium in ea obtinent, sicut dicitur ab initio Cantici Canticorum:

*Filii matris meae iratae sunt in me, posuerunt me custodem vinearum, vineam meam, quæ erat mihi, non custodivi.* Sic legimus alibi in hunc sensum; *Ne des alienis decorem tuum, & annos tuos crudeli.* Sed ipsi quoque Prophetæ nostri exposuerunt nobis istas res, & quidem eodem modo, quo Philosophi. Expresse testantur, Divitias, Sanitatem, Honestatem morum non esse Perfectionem illam, de qua gloriari, aut quam quærere debeamus; sed Perfectionem illam, de qua nos gloriari decet, & quæ unicè nobis est quærenda, esse Cognitionem DEI, quæ vera est Sapientia. Ita ait Jeremias de quatuor istis Perfectionibus;

*Sic dicit Dominus: Ne jactet sese sapiens in sapientia sua, nec jactet sese potens in potentia sua, nec jactet sese dives in divitiis suis, sed in hoc jactet sese, qui se jactat, quòd intelligat & cognoscat me, &c.* Animadvertite, quòd eo ordine Prophetæ ista enumerant, quo apud Homines vulgò in pretio & ordine haberi solent: pro maxima enim perfectione habent Divitias, deinde Fortitudinem, post hæc Sapientiam, h.e. eum, qui egregiis Virtutibus est ornatus; nam & hujusmodi Vir in aliquo apud Vulgum, ad quem verba ista dicta & directa sunt, haberi solet pretio, & propterea in hoc ab ipso collocata sunt ordine. Sapientes nostri ipsi apprehenderunt & didicerunt ex hoc versu ista, quæ commemoravimus & in hoc capite adduximus, quòd sc. Sapientia absolute sic dicta, quæ est finis Hominis, sit Apprehensio DEI Opt. Max., & quòd ista, quæ Homo tanquam peculium suum sibi comparat & acquirit, perfectionemque esse putat, nequaquam sint perfectiones, quòd item opera Legis omnia, h.e. Cultûs Divini species & Virtutes Homini in mutua ipsorum inter se conversatione & socie-

tate.

Cant. 1.6.

Prov. 5.9.

Jerem. 9.23.  
14.



rate utiles, quòd inquam hæc omnia non sint comparanda vel ad æ-  
quanda Hominis fini ultimo, sed præparationes sint ad finem illum  
ultimum inservientes. Sed audi ipsamet Sapientum nostrorum ver-  
ba ex *Bereſchith rabbah*. Dicitur ibi; *Scriptum est, Omnia desiderabilia tua* Prov. 3.15.  
*non æquantur ei.* דְּשִׁיבִיתָ *Desiderabilia*; hæc sunt Præcepta, & Bona o-  
pera. דְּשִׁיבִיתָ *Desiderabilia tua sunt lapides & margarite pretiosæ. Deside-*  
*rabilia, & Desiderabilia tua* (דְּשִׁיבִיתָ דְּשִׁיבִיתָ) *non æquantur illi. Sed* (inquit  
porro Prophetæ) *in hoc gloriabitur, quicumque gloriatur, quòd intelligat &*  
*cognoscat me.* Ecce, quàm breviter & nervosè hic omnia ea dicantur,  
quæ nos prolixè commemoravimus & explicuimus.

Posteaquàm ergo ex parte jam ostendimus, quàm mirabilia ver-  
sus iste completatur, verbaque Sapientum nostrorum de illo perce-  
pimus, absolvemus reliqua etiam, quæ completitur. Non enim So-  
lùm voluit in hoc versu ostendere, quòd Apprehensio *Dei* sola sit  
omnium Perfectionum præstantissima; nam si hæc intentio ejus  
fuiſſet, dixiſſet utique, *Sed in hoc gloriatur, qui gloriatur, intelligendo &*  
*cognoscendo me*; hicque verba sua abruptiſſet, vel dixiſſet, *Intelligendo*  
*& cognoscendo me*, quòd ego ſim unus; vel, quòd nullam habeam ſimilitudi-  
nem; aut, quòd nullus ſit ſicut ego; vel ſimile quippiam: ſed ait, *Non eſſe*  
*glorandum, niſi in Apprehenſione & Cognitione Viarum & Proprietatum*  
*ejus*, (h.e. Operum ipsius, ſicut expoſuimus in eo, quod Moſes ait,  
*Notas fac mihi quaſo vias tuas*, &c.) atque exponit nobis ita in hoc ver-  
ſu, quòd Opera illa, quæ ſcienda & nobis imitanda ſunt, ſint *Benefi-*  
*centia, Judicium & Juſtitia.*

Post hæc aliud quid ſummoperè quoque neceſſarium adjicit, dum  
ait, *In Terra*, quod eſt principale quali punctum & cardo Legis. Non  
enim ita eſt, ut prophani quidam exiſtimant, quòd Providentia  
*Dei* Opt. Max. finiatur in ſphæra Lunæ, & Terra, ac quicquid in  
ipſa eſt, à *Deo* ſit dereliſta; *Dereliquit Dominus Terram*, ajunt: ſed  
ita ſeſe res habet, ut omnium Sapientum Princeps ait, *Dominus eſt*  
*Terra*, h.e. quòd Providentia ejus ſe extendat ſuper Terram, quem-  
admodum ſe extendit ſuper Cælos. Et hoc eſt, quod dicit, *Quòd ego*  
*ſum Dominus, qui facio Benignitatem, Judicium & Juſtitiam in Terra.*  
Denique, concludit ſermonem ſuum hoc pacto, & ait; *Huic enim dele-*  
*ctor, dicit Dominus.* Ait: In Benignitate, Judicio, & Juſtitia dele-  
ctor, dicit Dominus. Q. D. Intentio mea eſt, ut à vobis egrediatur  
Benignitas, Judicium & Juſtitia in Terra, ſicuti in tredecim *Dei*  
proprietatibus expoſuimus, quòd ſcopus illarum ſit, ut eis aſſimile-  
mur & in illorum veſtigiiſ incedamus. Summa itaque & ſcopus iſtiſ

versus est hic; Perfectio Hominis, de qua in veritate gloriari debet & potest, in hoc consistit, ut, quantum fieri potest, ad DEI Apprehensionem perveniat, Providentiam ejus erga Creaturas tum in ipsarum Creatione, tum Gubernatione cognoscat, & post Apprehensionem illam in viis istis ambulet, faciendo Benignitatem, Judicium, & Justiciam, ut istis operibus DEO similis fiat & evadat, sicuti aliquoties in hoc Libro exposuimus.

Atque hæc sunt ea, quæ visum mihi fuit in isto Libro proponere, & quæ tibi ac tui similibus profutura judicavi. Confido etiam, te, diligenti adhibita consideratione, omnia assequuturum, quæ, Divina mihi assistente gratia, hic complexus sum.


Ipse autem DEUS Opt. Max. purificet nos & totum Israël, secundum quod promisit nobis: tum aperientur oculi cæcorum, & aures surdorum. Populus sedens in tenebris vidit Lucem

Jes. 9. 1.

magnam: Iis, qui sedebant in umbra mortis,  
Lux exorta est.

*Propinquus valdè est DEUS omni invocanti,  
Si in Veritate ores, ac non desistat:  
Invenitur ab omni, qui eum querit,  
Si ambulet coram Ipso, & non erret.*

SOLI DEO GLORIA.





מורה מקום הפסוקים

H. E.

I N D E X

LOCORUM SCRIPTURÆ,  
*quæ allegantur.*

Indicem hunc completum, & cum ipsis Scripturæ locorum verbis,  
prout in Hebræo codice Savionetæ excuso habetur, exhibemus:  
sed Latine translaturum, & cum additione capitum & ver-  
sum Biblicorum, qui illic defunt.

G E N E S I S.

I. 1.	IN principio creavit Deus	part. II. 30. III. 6. II. 5
2.	Et Terra erat inanus	II. 5. 30
2.	Et Spiritus Dei incubabat	I. 40. & II. 30.
4.	Et distinxit Deus inter lucem	II. 30
5.	Et tenebras vocavit noctem	Ibid.
7.	Et distinxit inter aquas	Ibid.
8.	Expansum Cælum	Ibid.
10.	Et vocavit Deus aridam Terram	Ibid.
10.	Et vidit Deus quoddam bonum	I. 4. & II. 30. & III. 13
11.	Herbascat Terra	II. 30
17.	Et posuit ea Deus	Ibid.
17.	Ut illuminarent Terram	III. 13
18.	Utq; dominarentur diei ac nocti	II. 5. & 13
18.	Et ad dividendum inter lucem	II. 5
20.	Animam viventem	I. 41
20.	In superficie expansionis Cæli	II. 30
22.	Crescite ac multiplicamini	III. 49
26.	Faciamus hominem ad Imaginem nostram	I. 1. & II. 6
27.	In imagine Dei	I. 1
28.	Et dominamini piscibus maris	III. 13
31.	Viditq; Deus omne, quod fecerat	I. 54
31.	Et ecce bonum valde	III. 10. & 13. & 24
II. 1.	Perfessi sunt itaque Cæli & Terra	II. 30
2.	Quievitq; die septimo	I. 67

# I N D E X

4. Die, quâ fecit Dominus Deus Cælum & Terram	II. 30
5. Et omne virgultum agri	Ibid.
6. Et vapor ascendebar e Terra	Ibid.
7. Et formavit Deus hominem	Ibid.
15. Tulit itaq; Dominus Deus ipsum hominem	Ibid.
16. Et præcepit Dominus Deus homini	I. 2
20. Et vocavit homo nomina	II. 30
21. Et accepit unam e costis ejus	Ibid.
23. Os ex ossibus meis, & caro ex carne mea	Ibid.
24. Et adharebit uxori sue	Ibid.
III. 5. Erit uq; sicut dii	I. 2
6. Quodd bona esset arbor	Ibid.
7. Tunc aperti sunt oculi amborum	Ibid.
8. Vocem Domini ambulantes in horto	I. 24
16. Cum dolore paries filios	I. 29
16. Et ad vitum tuum desiderium tuum	III. 8
18. Spinae ac tribulos germinabit tibi	I. 2
19. In sudore vultus tui vesceris pane	Ibid.
23. Et emisit cum Dominus Deus	Ibid.
24. Et aciem gladii versatiliu	I. 49
IV. 7. In foribus peccatum cubat	III. 22
25. Quia posuit mihi Deus semen aliud	II. 30
25. Quem occidit Cain	Ibid.
V. 2. Masculum & fæminam creavit eos	Ibid.
3. Genuitq; ad imaginem suam, ad similitudinem suam	I. 7
VI. 2. Viderunt filii Dei	I. 14
3. Non disceptabit Spiritus meus cum homine	Ibid.
5. Viditq; Dominus, quodd multa esset malitia hominum	I. 45
6. Et doluit in corde suo	I. 29
12. Vidit itaq; Deus Terram	I. 48
13. Dixitq; Deus ad Noah	II. 41
VII. 2. Ex omni jumento mundo	I. 6
14. Omnes aves, omne alatum	I. 43
17. Et elevata est à Terra	I. 20
22. Spiritus vira	I. 40
VIII. 5. Aqua autem abibant & decresebant	I. 24
21. Odoratuq; est Dominus odorem quietis	I. 47
21. Dixit Dominus in corde suo	I. 29
21. Quia cogitatio cordis hominu mala	III. 22
	22. Ad-

# LOCORUM SCRIPTURÆ.

22. Adhuc omnes dies Terra	II. 28
IX. 3. Omne reptile, quod est vivens	I. 42
XI. 5. Et descendit Dominus ad videndum	I. 10
6. En populus unus & labium unum	III. 50
7. Age, descendamus	I. 10. & II. 6
XII. 1. Dixitq; Dominus ad Abram	II. 41
3. Et benedicam benedicientibus tibi	III. 29
5. Et animas, quas fecerunt in Charan	I. 63
11. Ecce nunc novi, quodd mulier pulchra aspectu sis	III. 49
XIV. 13. Et ipsa habitabat in quercubus	I. 25
22. Deum altissimum, possessorem Cæli & Terra	II. 13. & 30
23. Si a filo usq; ad corrigiam calceamenti	III. 50
XV. 1. Fuit Verbum Domini ad Abram	I. 4. & II. 41. 45. 46
1. Ego scutum ero tibi	III. 13
4. Et ecce Verbum Domini ad eum	II. 41. 45
5. Eduxitq; eum foras	II. 46
5. Suffice nunc Cælum	I. 4
6. Et imputatum est ei ad justitiam	III. 53
12. Sopor irritus super Abram	II. 41. 45
13. Et dixit ad Abram, sciendo scias	II. 41
17. Et ecce furnus fumans	I. 21
XVI. 1. Porro Sarai uxor Abram	I. 61
7. Et invenit eam Angelus Domini juxta fontem aqua	II. 42
9. Et dixit ei Angelus Domini	III. 45
XVII. 7. Ut sim tibi in Deum	III. 49
22. Ascenditq; Deus ad Abram	I. 10
XIIX. 1. Et apparuit ipsi Dominus	II. 42
2. Et ecce tres Viri stabant	II. 6
3. Ne queso transeas	I. 61. & II. 42
8. Et ipse stabat juxta eos	I. 13
19. Quia novi eum, quodd præcipiet	II. 39. & III. 24. & 51
19. Et custodient viam Domini	III. 43
21. Descendam nunc & videbo	I. 10. & 27
23. Et accessit Abraham & dixit	I. 18
25. An judex totius Terra	III. 53
XIX. 17. Ne respicias post te	I. 4
21. En accepi faciem tuam	II. 7
22. Quia non potero facere	Ibid.
23. Solegressus fuit super Terram	I. 23
	26. Et

# I N D E X

26. Et respexit uxor ejus post eum	I. 4
XX. 3. Et venit Deus ad Abimelech	II. 41
11. Certè non est timor Dei	Ibid.
XXI. 19. Et aperuit Deus oculos ejus	I. 2
33. Et invocavit Nomen Domini Dei Mundi	II. 13. & 30 & III. 29
XXII. 1. Et fuit post verba ista	I. 38
1. Et tentavit Deus Abrahamum	III. 17
8. Deus providebit tibi de pecude	I. 48
12. Nunc scio quòd timens Deus sis	III. 24
15. Et vocavit Angelus Dei ad Abrahamum	II. 41. & III. 45
21. U2. primogenitum suum	III. 22
XXIII. 8. Si est cum anima vestra	I. 41
17. Et stetit ager Ebron	I. 12
XXIV. 7. Adjuro te per Dominum Deum Cæli	II. 19. & 30
13. Ecce ego sto	I. 44
16. Et implevit hydriam suam	I. 19
51. Sit uxor filio heri tui	II. 48
XXV. 18. In facie omnium fratrum suorum cecidit	I. 37
22. Et ivit ad interrogandum Dominum	II. 41
23. Et dixit Dominus ad eam	Ibid. & cap. 45.
24. Et compleri sunt dies ejus, ut pateret	I. 19
XXVI. 3. Ero tecum & benedicam tibi	III. 18
XXVII. 27. Ecce odor filii mei est	I. 46
35. Venit frater tuus per dolum	I. 22
41. Et dixit Esau in corde suo	I. 65
XXIIIX. 12. Et ecce scala	In præfat. & II. 12
13. Et ecce Angeli Dei	In præf. & I. 15
13. Et ecce Dominus stabat supra eam	In præf. & I. 15 & 21
15. Ecce ego tecum ero	III. 18
16. Certè Dominus est in loco isto	II. 45
XXIX. 2. Cùm circumspiceret, & ecce puteum in agro	I. 4
10. Et devolvit lapidem	III. 4
31. Et vidit Dominus quòd exosa esset	I. 47. & 48
32. Quia vidit Dominus afflictionem meam	I. 48
33. Audivit Dominus	Ibid.
35. Et substitit à pariendo	I. 13
XXX. 30. Et benedixit tibi Dominus ad pedem meum	I. 28
XXXI. 3. Et dixit Dominus ad Jacobum, revertere	II. 41
11. Et dixit ad me Angelus Dei	I. 27. & II. 45

# LOCORUM SCRIPTURÆ.

12. Quia vidi omnia, quæ Laban	I. 48
13. Ego Deus Berhel	I. 27
24. Et venit Deus ad Laban	II. 41
49. Speculetur Dominus inter me & te	I. 21
XXXII. 1. Et Jacob ivit viam suam	I. 24
1. Et occurrerunt ipsi Angeli Dei	II. 42
3. Et misit Jacob Angelos	II. 6
5. Et sunt mihi boves, asini	III. 39
21. Et transivit munus	I. 21
24. Et relictus fuit Jacob solus	II. 42
24. Et luctatus est Vir cum eo	Ibid.
XXXIII. 3. Et ipse transivit ante eos	I. 21
5. Quos gratiose largitus est Deus	I. 54
11. Quia ex gratia dedit mihi Deus	Ibid.
14. Ad pedem gregis	I. 28
XXXV. 1. Et dixit Deus ad Jacob	II. 41
10. Et dixit ipsi Deus	Ibid.
13. Et ascendit ab ipso Deus	I. 10
22. Et fuit cum habitares Israel	I. 25
XXXVI. 20. Isti filii Seir	III. 50
22. Et soror Lothan Thimnab	Ibid.
31. Et isti sunt Reges, qui regnârunt	Ibid.
XXXVII. 15. Et invenit eum Vir	II. 42
31. Et mactârunt hircum lactentem	III. 46
XXXVIII. 23. Accipiat sibi, ne simus in contemptum	III. 49
XXXIX. 6. Pulcher formâ	I. 1
XL. 7. Quare facies vestra m. s. l. a. ?	I. 37
XLI. 23. In Mercabâ h. secundari	I. 70
46. Cùm staret coram Pharaone	I. 13
XLII. 26. Et elevârunt frumentum suum	I. 20
30. Loquutus est Vir ille Dominus Terra	I. 61
XLIII. 18. Ad accipiendum nos in servos	III. 40
24. Et ingressus est Joseph domum	I. 22
XLIV. 4. Ipsi egressi erant ex urbe	I. 23
18. Et accessit ad eum Jebudah	I. 18
XLV. 5. Et misit me Dominus ante vos	II. 48
8. Et nunc non vos misisti me	Ibid.
16. Et vox audita est in domo Pharaô	I. 45
XLVI. 2. Et dixit Deus ad Israël	I. 27. & II. 41. & 45



# I N D E X

	3. Ego sum Deus, Deus patris tui	I. 27
	4. Ego descendam tecum	Ibid.
	29. Et ligavit Joseph currum suum	I. 70
XLVII.	3. Pastores gregis fuerunt servi tui	III. 39
XLIIIX.	3. Deus apparuit mihi in Luz.	II. 45
L.	3. Et compleri sunt ei dies quadraginta	I. 19

## E X O D U S.

	I. 10. Agite sapientiores simus eo	III. 54
II.	4. Stetit autem soror ejus	I. 15
	14. An ad occidendum me dicis	I. 65
	17. Tum surrexit Moses & servavit eas	II. 45
	25. Et vidit Dominus filios Israël	I. 48
III.	2. In flamma ignis	I. 39. & II. 6. & III. 45
	6. Deus Abraham, Deus Isaac	III. 51
	6. Quia timebat respicere	I. 4. & 5
	7. Videndo vidi afflictionem	I. 48
	12. Tecum ero	II. 32. & III. 18
	12. Coletur enim	III. 50
	13. Et dicent mihi, quod Nomen ejus	I. 63. & 64
	14. Ero qui ero	I. 62. & 63
	15. Hoc nomen meum ad Mundum	III. 51
	16. Vade, congrega seniores	I. 63
	18. Et obedient voci tue	Ibid.
IV.	1. Et ipsi non credent mihi	Ibid.
	2. Quid hoc, quod in manu tua?	Ibid.
	11. Qui posuit os Homini?	III. 8. & 10
	25. Et tetigit pedes ejus	I. 18
	31. Et cum vidisset afflictionem eorum	I. 48
V.	5. Et dixit Pharao	I. 65
VI.	3. Et apparuit Abrahamo	II. 35
	9. Non audiverunt Moysen	I. 45
IIIX.	19. Digito Dei	I. 46
	22. Quia ego Dominus in medio Terra	III. 29
	26. Sacrificabimus abominationem Aeg.	III. 46
IX.	3. Ecce manus Dei erit	I. 46
	23. Et ibat ignis super Terram	I. 24
	29. Ut scias quod Dominus sit Terra	III. 29
X.	2. Ut enarras in auribus filii tui	III. 39
		13. Et

# LOCORUM SCRIPTURÆ.

13. Et Spiritus Orientalis attulit locustas	I. 40
19. Spiritus Occidentalis	Ibid. & II. 30
XI. 8. Et omnis populus, qui est in pedibus tuis	I. 28
XII. 9. Assatum igni	I H. 46
11. Et comederis illud in festinatione	Ibid.
12. Et transibo Terram Aegypti	I. 21
23. Transibit Dominus juxta ostium	III. 46
46. Et os non frangetur in eo	Ibid.
48. Et tū accedes ad faciendum illud	Ibid.
XIII. 1. Et loquutus est Dominus ad Moysen	II. 33
10. Et observabū statutum hoc	III. 46
15. Et fuit cū indurasset se Pharaō	III. 39
17. Non deduxit eos Deus	III. 24. & 32
17. Et circumduxit Deus populum	Ibid.
XIV. 3. Perplexi sunt in Terra	II. 50
10. Et Pharaō appropinquare fecit	I. 18
27. Respiciente manē ad fortitudinem	II. 29
XV. 4. Cutis Pharaonis	I. 70
6. Dexterā tuā, Domine	I. 46
10. Flavisti vento tuo	II. 30
18. Dominus regnabit in saculū & in perpetuum	II. 28
26. Ibi posuit ei statutum & judicium	III. 32
26. Et dixit, si audiendo audiveritis	Ibid.
XVI. 4. Ut tentem eum, utrū ambulaturus sit	III. 24
7. Cū audiret murmuraciones vestras	I. 45
18. Non supersuit ei, qui plus &c.	II. 12
33. Plenum Homer Man	I. 19
XVII. 5. Transi ante populum hunc	I. 21
6. Ecce ego ibo coram te	I. 15
6. Et percuties Tzur	I. 18
16. Super solium Domini	I. 9. & 28
XII. 23. Poterū flare	I. 13
XIX. 3. Et Moyses ascendit ad Dominum	I. 10
5. Ut adducerem vos ad me	III. 43
6. Vos eritis mibi Regnum sacerdotale	III. 8
9. Ecce ego venio ad te	I. 22
9. Ut audias populus	II. 33
10. Sanctifica eos hodiē & cras	III. 33
11. Et descendit Dominus in oculū totius populi	I. 10

# I N D E X

19. <i>Moses loquatur</i>	I. 65. & II. 33
20. <i>Et descendit Dominus super montem Sinai</i>	I. 10. & 27
22. <i>Quin &amp; sacerdotes, qui accedunt</i>	I. 5
XX. 1. <i>Et locutus est Deus omnia verba ista</i>	II. 33
5. <i>Super tertiam &amp; quarram generationem</i>	I. 53
7. <i>Non accipies Nomen Domini Dei tui</i>	I. 64
10. <i>Quia sex diebus fecit Deus</i>	II. 31
11. <i>Et requievit die septimo</i>	I. 67
11. <i>Idcirco benedixit Dominus dies</i>	II. 31
18. <i>Omnia populus videbant vides</i>	I. 46. & II. 33
19. <i>Et non loquatur nobiscum Deus</i>	II. 33
20. <i>Quia ut tentaret vos</i>	III. 24
24. <i>Altare terreum</i>	III. 32. & 45
26. <i>Ne detegatur turpitudine tua</i>	III. 45
XXI. 12. <i>Qui percutit Virum, &amp; moritur</i>	II. 13
14. <i>Ab altari meo tolles eum</i>	III. 39
19. <i>Cessationem ejus dabit &amp;c.</i>	III. 41.
24. <i>Oculum pro oculo</i>	I. 44
32. <i>Argentis triginta siclos</i>	III. 40
XXII. 6. <i>Cum egressus fuerit ignis</i>	I. 23
9. <i>Ad Judices veniet negotiorum amborum illorum</i>	II. 6
9. <i>Quem condemnaverint Judices</i>	III. 41. & 49
17. <i>Secundum dorem Virginum</i>	III. 49
18. <i>Magam non fines vivere</i>	III. 37
19. <i>Qui sacrificat Diu, internecioni devovebitur</i>	III. 32
22. <i>Audiendo audiam clamorem ejus</i>	I. 45. & 48
23. <i>Iraſcereturq; furor meus, &amp; occidam vos</i>	III. 28
26. <i>Et audiam, quia gratosus ego</i>	I. 45
30. <i>Septem dies erit cum matre sua</i>	III. 49
XXIII. 11. <i>Et comedent pauperes populi tui</i>	III. 39
13. <i>Non audietur per ostium</i>	I. 45
16. <i>Ed quodd collegeris opera tua</i>	III. 43
17. <i>Tribus vicibus in anno</i>	III. 48
20. <i>Ecce ego mitto Angelum meum</i>	II. 34
21. <i>Cave tibi à facie ejus, &amp; attende</i>	II. 7. & 34
21. <i>Quia Nomen meum in medio ejus</i>	I. 64. & II. 34
25. <i>Et coletis Dominum</i>	I. 36. & III. 32
XXIV. 1. <i>Ascende ad Dominum</i>	II. 32
2. <i>Accedat Moses solus &amp;c.</i>	I. 18. & II. 32. & III. 51
	10. Et

# LOCORUM SCRIPTURÆ.

10. Et viderunt Deum Israël	I. 4. & 5
10. Et sub pedibus ejus	I. 28
11. Sicut opus lapidum Sapphiri	I. 5. & 28. & II. 26. & III. 4
11. Et viderunt Deum	I. 5
16. Et habitavit Gloria Domini	I. 64
XXV. 8. Et faciet mihi Sanctuarium	III. 32
9. Structura Tabernaculi	I. 3
19. Cherub unum	III. 45
40. Et fac juxta structuram eorum	I. 3
XXVI. 3. Conjuncta altera cum altera	I. 6
12. Posteriora Tabernaculi	I. 38
Et costa Tabernaculi	II. 30
XXIIIX. 2. Vestimenta sancta	III. 45
29. Et portabit Aharon	III. 47
38. Et erit super frontem ejus	Ibid.
41. Et sacerdotio fungentur mihi	III. 32
42. Et facient sibi femoralia	III. 45
XXIX. 21. Et asperges super Aharon	III. 46
48. Et habitabo in medio filiorum Israël	I. 25
XXXI. 13. Ut sciatis, quod ego Dominus	III. 24
17. Qui evit & requievit	I. 67
18. Scriptas digito Dei	I. 66
XXXII. 9. Vidi populum istum	I. 48
16. Et tabula erant opus Dei	I. 46
19. Cum appropinquasset ad castra	I. 18
32. Dele me de libro tuo	II. 47
33. Delebo illum de libro meo	Ibid. & III. 17
34. In die autem visitationis mee	III. 17
XXXIII. 8. Et respexerunt post Moysen	I. 4
11. Et loquutus est Dominus ad Moysen	I. 37
11. Sicut loquitur Vir cum socio suo	II. 45
11. Et minister ejus Josua filius Nun	II. 32
13. Ostende mihi quas vias tuas	I. 54. & III. 54
13. Ut cognoscam te, utque inveniam	Ibid.
18. Videre fac me gloriam tuam	I. 4. & 54. & 64. & III. 13
19. Et dixit, ego transire faciam omne bonum meum	I. 54
20. Non poteris videre faciem meam	Ibid.
20. Non videbis me homo	I. 64
21. Ecce locus meus	I. 8. & 16

# I N D E X

21. Et stabis super petram  
 22. Et eris cum transibit gloria mea  
 22. Et protegam te manu meâ  
 23. Et videbis posteros tua meâ  
 33. Et facies mea non videbitur
- XXXIV. 6. Et transivit Dominus super faciem suam  
 6. 7. Deus misericors, gratiofus  
 6. Multus benignitate & veritate  
 7. Exstirpando non exstirpabit  
 7. Visitans iniquitatem patrum  
 14. Non incurvabis te Deo alieno  
 16. Et accipias ex filiabus ejus pro filiis tuis  
 28. Et fuit ibi cum Domino  
 35. Quia radiavit cutis faciei ejus
- XXXV. 10. Et omnes sapientes corde in vobis  
 25. Omnis mulier sapiens corde  
 35. Et implevit eos sapientiâ cordis
- XXXVI. 6. Et transire fecerunt vocem per castra  
 7. Et substantia erat sufficiens ipsis
- XL. 34. Et gloria Domini replevit tabernaculum

I. 15. & 16  
 I. 21  
 Ibid.  
 Ibid.  
 Ibid. & 37  
 I. 21  
 I. 54  
 III. 53  
 I. 54  
 Ibid.  
 III. 32  
 III. 49  
 III. 51  
 In Præf.  
 III. 54  
 Ibid.  
 I. 19  
 I. 21  
 I. 63  
 I. 19. & 64

## L E V I T I C U S.

- I. 2. Homo cum sacrificium ex vobis obtulerit  
 2. De animalibus, de bobus
- II. 11. De nullo fermentato & de nullo melle  
 13. In omni oblatione tua offeres sal
- IV. 13. Quod si cora Synagoga Israël erraveris  
 18. Et totum reliquum sanguinem effundes  
 26. Et expiabit pro eo sacerdos
- VI. 23. Et omnis Mincha sacerdotis
- VII. 32. Quod supersuerit de carne & sanguine
- IX. 2. Accipe tibi vitulum filium bovis  
 X. 3. In faciebus omni populi glorificabor
- XI. 10. Pinnae & squamas  
 44. Sanctificate vos & estote sancti
- XII. 4. Omnem rem sacram non tangeris  
 7. Et expiabit pro ea
- XIII. 16. Caro viva
- XV. 31. Et non moriensur in immunditia sua

III. 32  
 III. 46  
 Ibid.  
 Ibid.  
 III. 41  
 III. 46  
 III. 45  
 III. 46  
 I. 41  
 III. 46  
 I. 37  
 III. 48  
 III. 33  
 III. 47  
 III. 45  
 I. 42  
 III. 47  
 XVI. 31. Fu-

# LOCORUM SCRIPTURÆ.

XVI. 3. Juvenius filius bovis	III. 46
XVII. 7. Et non offerent ultra	Ibid.
10. Ponam faciem meam in comedentem sanguinem	Ibid.
11. Ego dedi illum vobis	Ibid.
XIX. 1. 2. 3. &c.	III. 49
24. Ne polluamini in omnibus his	III. 46
XX. 2. Sancti eritis	III. 47
6. Dre, quo sacrificaveritis, comedetur, & postridie	III. 46
15. Non accipiet facies egeni	I. 37
20. Ancilla desponsata viro	I. 39
25. Ut multiplicet vobis fructum ejus	III. 37
26. Non comederis apud sanguinem	III. 46
30. Sanctuarium meum timebitis	III. 46. & 47
32. Ante faciem canam assurge	III. 36
XX. 3. Quia de semine suo dedit ipsi Moles	III. 47
3. Ad contaminandum Sanctuarium meum	III. 37
5. Et ponam ego faciem meam	I. 37. & III. 17. & 37. & 46
7. Sanctificate vos & estote sancti	III. 47
23. Neque ambuleris in statutu Gentium	III. 29. & 37
XXI. 1. Filios Aharon	III. 47
14. Proph. etiam & meretricem	III. 49
XXII. 28. Ipsum & filium ejus non mactabit die uno	III. 48
XXIII. 30. Perdam animam illam	III. 17
43. Quid in tabernaculo habitare feci.	III. 43
XXIV. 16. Qui expresserit Nomen Domini	I. 64
24. Secundum quod fecit, sic fiat ei	III. 41
XXV. 2. Cum ingrediemini in Terram	I. 22
23. Terra autem non venderetur absolute	III. 39
30. Et stabit domus, quæ in civitate erit	I. 12
52. Quid si parum reliquum fuerit in annis	I. 41
XXVI. 21. Si ambulaveritis mecum in casu	III. 36
24. Incedam etiam ego vobiscum	Ibid.
25. Immittamq; in vos bestiam	III. 37
38. Et comeder vos Terra inimicorum vestrorum.	I. 30
42. Et recordabor fœderis mei Jacobi	III. 51
XXVII. 10. Et illud & commutatio ejus	III. 46

## NUMER.

V. 15. Farina bordeacea

III. 46

15. Min.

# I N D E X

15. Mincha memoria	<i>Ibid.</i>
VI. 4. Ex omni eo, quod sit	III. 38
5. Sanctus eris	III. 33
23. Sic benedicetis	I. 61
25. Tollat Dominus faciem suam	I. 37
27. Et ponent Nomen meum	I. 61
IX. 19. Quum verò morabatur Nubes	III. 50
21. Quando item erat Nubes	<i>Ibid.</i>
22. Aut duobus diebus	<i>Ibid.</i>
X. 9. Clangite buccinâ	III. 36
XI. 1. Incendit <sup>3</sup> se in eos ignis Domini	I. 30
7. Et oculus ejus sicut oculus Bdellii	III. 2
17. Et descendam & loquar tecum	I. 10
17. Et separabo de spiritu	I. 40
26. Cùm quievisset super eum spiritus	<i>Ibid.</i> & II. 45
25. Et prophetârunt. & non addiderunt	In Præf.
31. Et spiritus profectus est	II. 30
XII. 6. Si fuerit Propheta inter vos	II. 36
6. In visione me notum faciam illi	II. 41. & 42. & 43.
& 44. & 45.	
6. In somnio loquar cum eo	II. 45
7. In tota domo mea fidelis est	I. 54
8. Ore ad os loquar cum eo	II. 24. & 45
8. Et similitudinem ejus aspiciet	I. 34.5
9. Et exarsit furor Domini in eos	I. 24
XIII. 32. Terra comedens habitantes suos	I. 30
XIV. 10. Et dixerunt totus cætus ad lapidandum	I. 65
XV. 15. O congregatio, statutum unum	III. 34
16. Lex una	III. 49
23. Quicquid præcepit vobis Dominus	II. 29
24. A capitis cætus	I. 50
30. Dominum probis afficit	III. 41
39. Non videbitis post cor vestrum	I. 39
XVI. 3. Quare effertis vos?	I. 20
27. Egressi sunt stantes	I. 15
XX. 5. Non locus feminis	III. 43. & 50
16. Et misit Angelum	I. 15. & II. 6. & 42
16. Et ecce sumus in Cadesech	III. 50
XXII. 12. Et dixit Angelus ad Bileam	II. 41
	22. Equi-



# LOCORUM SCRIPTURÆ.

22. Equitabat super asinam suam	I. 70
32. Quare percussisti asinam tuam	III. 17
32. Ego egressus sum in Sanctuarium	III. 22
XXIII. 5. Posuit Dominus verbum in os Bileami	II. 45
21. Non aspexit iniquitatem in Jacob	I. 4
XXIV. 4. Dixit audiens eloquia Dei	II. 45
XXVII. 11. Propinquiore de familia ipsius	III. 42
XXIIIX. 15. Sacrificium pro peccato Domino	III. 46
XXXII. 21. Donec expulerit inimicos suos	I. 36
XXXIII. 2. Et surspsit Moses	III. 50
2. Secundum os Domini	Ibid.
38. Juxta os Domini, & mortuus est ibi	III. 51
XXXV. 33. Nisi per sanguinem illius	III. 41
34. Ne polluat is Terram	III. 47

## DEUTERONOM.

I. 2. Undecim dies	III. 50
17. Appropinquare facietis ad me	I. 18
28. Magna & munita in Cœlum	II. 47
34. Et audivit Dominus	I. 45
45. Et non audivit Deus	Ibid.
III. 11. Lectus ejus lectus ferreus	II. 47
IV. 6. Qui audiverint omnia statuta ista	III. 31
6. Utrique populus sapiens	II. 11. & III. 31
7. Propinqui ipsi	I. 18
8. Statuta & judicia justa	II. 39. & III. 26. 39
11. Usque ad cor Cœli	I. 39
11. Tenebra, nubes, & caligo	III. 9
12. Vocem verborum vos auditus	I. 37. & II. 33
15. Ullam similitudinem	I. 3
16. Et facietis vobis sculptile, figuram	Ibid.
17. Formam ullius avis	Ibid.
19. Qua distribuit Dominus Deus tuus	II. 5
24. Ignis comedens est	I. 30
35. Tibi ostensum est, ut scires	I. 39. & II. 33. & III. 32. 51
36. Et verba ejus audivisti è medio Ignis	II. 30
39. Scito ergo & revocato ad cor tuum	I. 39. & III. 32. & 51
V. 4. De facie ad faciem	I. 37
5. Ego stabam inter Dominum	I. 13 & II. 33

# I N D E X

15. Ut recorderis quidd servus fui	II. 31
22. Voce magnâ & non addidit	II. 33
23. Quum audiviffes vocem	II. 30. 33
24. En ostendit nobis	II. 33
24. Quodd Deus loquatur cum homine	II. 39
25. Nunc igitur quare moriemur	II. 33
27. Accede tu &c.	Ibid. & I. 18
27. Et audiemus atque faciemus	III. 33
29. Quia des, ut sis cor eorum istud	III. 32
31. Tu verd sta hic mecum	in Præfat. & I. 13. & III. 51
<b>VI.</b> 4. Dominus Deus noster Deus unus	III. 45
5. Diliges Dominum Deum tuum	I II. 38. & I. 39. & III. 52
15. Deus enim zelotes	I. 36
15. Ne irascatur furor Domini Dei tui	Ibid.
24. Præcepit nobis Dominus facere	III. 27
24. Ut benè sit nobis	III. 31
25. Et iustitia erit nobis	III. 53
<b>VII.</b> 10. Retribuis odio habenti ipsum	I. 36
26. Non adduces abominationem	III. 37
<b>II X.</b> 1. Ut vivatis	I. 42
2. Ut affligeret te, ac tentaret te	III. 24
3. Et afflixit te ac esurire fecit te	III. 17
12. Ne comedas & satureris	III. 39
15. Qui deduxit te per desertum magnum	III. 50
16. Qui cibavit te Mannâ	Ibid.
<b>X.</b> 12. Quid est quod Dominus Deus tuus petis	II. 39. & III. 29
14. Domini Dei tui sunt Cæli	II. 9
16. Circumcidite præputium cordis vestri	III. 33
17. Quia Dominus Deus vester est	II. 6
<b>XI.</b> 12. Oculi Domini Dei tui sunt in ea	I. 44
13. Ita ut diligatis Dominum Deum vestrum	III. 51
13. Et ad colendum eum ex toto corde vestro	III. 32
16. Ne seducat cor vestrum	III. 29
16. Ne colatis Deos alienos	I. 36
<b>XII.</b> 2. Montes excelsos	III. 29. & 45
3. Et lucos illorum comburentis igne	III. 29
3. Nomenq <sup>ue</sup> ipsorum perdetis	Ibid.
5. In locum, quem elegerit Dominus	III. 32. & 45
7. Et comedes ceram Domino Deo tuo	III. 41
	12. Quid

# LOCORUM SCRIPTURÆ.

12. Quia non est ei pars, neque hereditas tecum	III. 39
13. Ne offeras holocausta tua	III. 32
16. Super Terram effunderis illum instar aquæ	III. 45
20. Cum anima tua desiderat vesci carnibus	III. 17
23. Non comedes animam cum carne	I. 41
27. Sanguis sacrificiorum tuorum fundetur	III. 46
30. Quomodo colunt	III. 45
31. Omnem abominationem Domini, quam odit	I. 36. & 54. &
III. 29. & 45.	
31. Quia etiam filios suos	III. 47
32. Non adderis ad illud	III. 41
XIII. 1. Cum surrexerit in medio tui Propheta	II. 32
3. Tentat Dominus Deus vester	III. 24
4. Post Dominum Deum vestrum ibitis	I. 24. & 38
4. Et ipsi servietis	III. 32
XV. 11. Fratri tuo, pauperi tuo	III. 42
15. Et recordaberis quidd servus fuisti	III. 39
20. Annuatim	II. 46
XVI. 3. Ut recorderis diei, quo egressus es	III. 39
14. Et lataberis in festis tuis	III. 46
18. Judices & præfectos pones tibi	III. 35
XVII. 2. Vir aut mulier	III. 37
15. Non poteris constituere super te Virum, alienigenam	III. 50
XII. 3. Et ventriculum	III. 39
11. Incantatores	III. 29
15. Illum audietis	II. 34
18. Prophetam suscitabo illis	Ibid.
19. Et erit qui non auscultabit	Ibid.
XIX. 19. Quemadmodum cogitavit	III. 49
XX. 5. Ne forte moriatur in prælio	III. 20
16. Non relinques vivam ullam animam	I. 36. & I. 54
18. Ne doceant vos facere	Ibid.
XXI. 3. Urbem proximam	III. 40
12. Introduces eum in medium domus tua	III. 41
13. Ac flebit patrem suum ac matrem suam	Ibid.
14. Non abutor eam ad quæstum	Ibid.
16. Non poterit dare jus primogenitura filio dilecto	III. 42
18. Filium declinantem & rebellem	III. 41
20. Epulo & potator	III. 35

# I N D E X

XXII. 5. Mulier non feret arma Viri	III. 37
6. Quum occurrerit nidus avis coram te	III. 43
7. Ut bene sit tibi	I. 42. & III. 27
8. Facies sepimentum testis tuo	III. 20
11. Non arabis bove & asino simul	III. 49
12. In quatuor alia vestimenta tui	I. 7. 3
14. Et imposuerit ei occasiones verborum	III. 49
18. Et flagellabunt eum	Ibid.
19. Ac mulabunt eum centum argenteis	Ibid.
19. Non poterit dimittere eam omnibus diebus suis	III. 49
26. Non facies puellæ quicquam	III. 41
29. Non poterit dimittere eam	III. 49
30. Non discooperies alam patris sui	I. 43
XXIII. 1. Qui abscessos habet testiculos	III. 49
7. Non abominaberis Idumæum	III. 42
13. Paxillus erit tibi cum armis tuis	III. 43. & 41
14. Nam Dominus Deus tuus ambulat	III. 41
15. Non trades servum	III. 39
16. Tecum habitabit in medio tui	Ibid.
17. Non erit meretrix	III. 49
18. Mercedem meretricis	III. 46
22. Si autem defieris vovere	Ibid.
XXIV. 1. Et scribit ei libellum repudii	III. 49
6. Non accipiet pro pignore mercedem	III. 39
7. Ei, qui furatus fuerit animam	III. 41
13. Tibi, erit iustitia	III. 53
XXV. 2. Secundum impietatem ejus	III. 41
9. Sic fiet Viro	III. 49
10. Et vocabitur nomen ejus in Israël	Ibid.
XXVI. 17. Dominum exaltasti hodie	II. 43
18. Dominus quoque exaltavit te hodie	Ibid.
XXVII. 9. Ausculta & aui Israel	III. 33
XXVIII. 1. Tum constituet te Deus superiores	I. 10
9. Et incedes in viis ejus	I. 24
12. Aperiet Dominus tibi thesaurum suum	II. 47
30. Vir alius dormiet cum ea	III. 8
33. Fructum Terræ tuæ, & omnem laborem tuum	III. 37
39. Vineam plantabis & coles	Ibid.
40. Oliva erunt tibi	Ibid.
	43. Pe-

# LOCORUM SCRIPTURÆ.

	43. Peregrinus, qui est in medio tui	I. 10
	49. Quemadmodum volat aquila	I. 49
	49. Gentem, cujus non audieris linguam	I. 45
	50. Qui non accipit facies	I. 37
	56. Quæ non tentavit plantam pedis sui	III. 24
	58. Ut timeas Nomen gloriosum	Ibid. & 52
XXIX.	4. Et non dedit vobis Dominus cor	I. 39
	6. Panem non comedisti	III. 50
	18. Cujus cor avertat se hodie	III. 29. & I. 39
	29. Nobis & filiis nostris in seculum	II. 39
XXX.	12. Non in cælis est	Ibid.
	15. Vitam & bonum	I. 42
XXXI.	17. Et abscondam faciem meam ab eis	I. 23. & III. 51
	18. Ego verò abscondendo abscondam	I. 24. & III. 51
	29. Irritando eum opere manuum vestrarum	I. 36
XXXII.	4. Scaturiginis opus est perfectum	I. 16. II. 28. & III. 25. & 49
	4. Omnes via ejus sunt judicium	III. 12. & 17
	4. Deus veritas est, & non iniquitas	III. 24
	4. Justus & rectus est	III. 53
	5. Corruptisne eum Deus	III. 12
	6. Ipse fecit te & preparavit te	II. 6
	13. Equitare faciet eum super excelsa Terra	I. 70
	14. Butyrum bovis & lac ovium	II. 47
	15. Et impinguetur est Jeshurun	III. 39
	17. Sacrificabunt Daemoniis, non Deo	III. 46
	18. Scaturiginis, quæ te genuit, oblitus es	I. 16
	19. Et vidit Dominus & exacerbatus est	I. 48
	19. Pro ira in filios & filias suas	I. 36
	21. Zelare fecerunt me in te, quæ non est Deus	Ibid.
	24. Dentes bestiarum inimitam in eos	III. 37
	30. Quia scaturigo ipsorum vendidit eos	I. 16
	36. Cum videbit, quod abierit manus	I. 48
	47. Non enim est verbum inane	III. 26. & 50
XXXIII.	10. Docebunt judicia tua Jacobum	III. 39
	18. Ob voluntatem inhabitatoris rubi	I. 25
	23. Et plene benedictione Domini	I. 19
	26. Equitans Cælum in auxilium tui	I. 70. & II. 19
	26. Et altitudine suâ Cælos	Ibid.
	27. Habitaculum Deus æternus	Ibid.

# I N D E X

XXXIV	5. Et mortuus est ibi Moyses	III. 98
	10. Et non surget amplius Prophetæ	II. 35
	11. In omnibus signis & portentis	Ibid.
	12. In oculis totius Israël	Ibid.

## J O S U A.

I.	5. Quemadmodum fui cum Mose	III. 18
	18. Et non audiverit verba tua	I. 45
V.	2. Cultros lapideos	I. 16
	8. Donec revixissent	I. 42
	13. Levavit oculos suos, ac vidit	II. 42
	14. Princeps exercitus Domini	Ibid.
X.	12. Et dixit in oculis Israël	II. 35
	13. Sicut diem integrum	Ibid.
XXII.	12. Ut ascenderent contra eos ad pugnam	III. 41
	16. Ut avertamini hodie	Ibid.
	22. Si per rebellionem & per pravaricationem	Ibid.
XIV.	2. Trans flumen habitaverunt patres vestri	III. 29
	27. Ipsa audivit omnia dicta Domini	I. 65

## J U D I C U M.

II.	1. Ascendit Angelus Domini de Galgal	I. 15. & II. 6. 46
	4. Et fuit cum loqueretur Angelus Domini	II. 42
	18. Cum autem suscitasset Dominus eis iudices	II. 45
V.	4. Domine, cum egressus es à Seir	III. 9
	4. Terra contremuit	II. 29
VII.	2. Et dixit Deus ad Gedeonem	II. 41
II X.	18. Secundum formam filiorum Regis	I. 1
	X. 16. Et angustius affecta est anima ejus	I. 41
	XI. 29. Et fuit super Jephthachum Spiritus Domini	II. 45
XIII.	7. Et aspectus ejus tanquam aspectus Angeli.	II. 6
	17. Cum venerit Verbum tuum	I. 22
XIV.	19. Et irruit in eum Spiritus Domini	II. 45

## I. S A M U E L.

I.	9. Eli autem sacerdos sedebat super solium	I. 11
	18. Et facies ejus non erat illi amplius	I. 37
	23. Stabilizat Dominus Verbum suum	I. 12
II.	2. Non est scaturigo sicut Deus noster	I. 16
		9. Pe-

# LOCORUM SCRIPTURÆ.

9. <i>Pedes piorum suorum servabit</i>	III. 18
24. <i>Quam ego audio, quam transire faciunt</i>	I. 21
35. <i>Quemadmodum est in corde meo</i>	I. 39. 41
III. 7. <i>Samuel nec-dum cognoscebat Dominum</i>	II. 44
VI. 5. <i>Imagines anorum vestrorum</i>	I. 1
XI. 6. <i>Et irruit Spiritus Dei in Saulem.</i>	II. 45
XV. 22. <i>Nūquid voluntas Domino est in holocaustis</i>	III. 32
XVI. 13. <i>Et Spiritus Domini irruit in Davidem</i>	II. 45
XX. 22. <i>Quia misit te Dominus</i>	II. 48
34. <i>Quia indignabatur propter Davidem</i>	I. 29
36. <i>Ut transire faceret eum</i>	I. 21
XXII. 8. <i>Quòd surgere fecit filius meus</i>	I. 12
XXIV. 20. <i>Et stabit in manu tua Regnum Israël</i>	Ibid.
XXV. 9. <i>Et loquuti sunt ad Nabal</i>	I. 67
29. <i>Et erit anima Domini mei ligata</i>	I. 41
37. <i>Et mortuum est cor ejus in medio ejus</i>	I. 42
XXIIX. 14. <i>Quæ est forma hujus</i>	I. 1

## II. SAMUEL.

II. 23. <i>Et exivit hasta è posterioribus ejus</i>	I. 38
26. <i>Comeder gladius</i>	I. 30
XIV. 2. <i>Et tulit inde mulierem sapientem</i>	III. 54
XVI. 10. <i>Nam Dominus dixit ei, maledic</i>	II. 48
12. <i>Fortè videbit Dominus oculum meum</i>	III. 2
XIIX. 14. <i>Et infixit ea in cor Absalomi</i>	I. 39
XXI. 10. <i>Aves Cæli sedere super eos</i>	I. 67
16. <i>Et dixit, se percussurum Davidem</i>	I. 65
XXII. 11. <i>Et equitavit super Cherub &amp; volavit</i>	I. 49
XXIII. 1. <i>Ista sunt verba Davidis postrema</i>	II. 45
2. <i>Spiritus Domini loquutus est in me</i>	I. 40. & II. 45
3. <i>Dixit Deus Israël mihi</i>	II. 45

## I. REGUM.

I. 6. <i>Et non irritavit eum pater ejus</i>	I. 29
29. <i>Vivens Dominus</i>	I. 68
III. 5. <i>In Gibeon visus est Dominus Salomoni</i>	II. 45
15. <i>Quomòdò, evigilasset Salomon</i>	Ibid.
IV. 31. <i>Et sapientior fuit omni homine</i>	III. 54
VII. 14. <i>Et impletus erat sapientiâ</i>	I. 19
	IX. 2. Ap-



# I N D E X

IX. 2. Apparuit Dominus Salomoni secundò	II. 45
3. Et erunt oculi mei & cor meum ibi	I. 44
X. 29. Ascendebat & egrediebatur currus	I. 70
XI. 11. Dixit itaque Dominus ad Salomonem	II. 45
XIV. 7. Propterea quòd exaltavi te	I. 20
XVII. 9. Ecce praecepi mulieri viduae	II. 40
17. Et invalescebat morbus ejus	I. 42
XXII. 19. Vidi Dominum sedentem	II. 45

## II. REGUM.

V. 26. Nónne cor meum ivit tecum	I. 39
II X. 4. Narra mihi obsecrò omnia magnalia	II. 35
X 15. An est cum corde tuo rectum	I. 39
XIV. 8. Age videamus nos facie	I. 37
XVII. 9. Et occultè fecerunt filii Israël	I. 59. & III. 19
XXIII. 25. Post eum non surrexit sicut ille	I. 38

## J E S A J A S.

I. 1. Quod vidit super Jehudah	I. 4
11. Ad quid mihi multitudo sacrificiorum	III. 32
15. Tamen non audio	I. 45
19. Si volueritis & audiveritis	III. 33
20. Gladio comedemini	I. 30
II. 3. Ex Tzìjon egredietur Lex	I. 23
5. Ibimus in luce Domini	I. 24
6. Et in nativ alienigenarum acquiescunt	I. 7. & II. 11
III. 3. Consiliarius & sapiens artificum	I. 34
12. Mulieres dominatae sunt eis	III. 8
26. Et exstirpata in Terra sedebit	I. 54
V. 6. Nubibus quoque mandabo	II. 43
20. Ponentes tenebras lucem	I. 32
30. Et aspiciet in Terram	I. 4
VI. 1. Vidi Dominum sedentem	II. 45. & III. 6
2. Seraphim stabant supra eum	III. 6
2. Duabus operiebat faciem suam	I. 43
3. Plena est tora Terra gloria ejus	I. 19. 64. & III. 52
7. Et tetigit os meum	I. 18
8. Et audiui vocem dicentem	II. 44. & 45
10. Et elongabit Dominus hominem	II. 29
	II X. 10. Inite

# LOCORUM SCRIPTURÆ.

IIX. 10. Inire consilium	III. 22
IX. 2. Populus ambulans in tenebris	III. 54
X. 6. Ad gentem impiam mirtam eum	II. 48
XI. 6. Et habitabis lupus cum agno	III. 11
XII. 3. Et haurietis aquas è fontibus salutis	I. 30
XIII. 3. Ego praecepi preparatù à me	II. 43
10. Quia Stelle Cœli	II. 29
13. Idcirco Cælum commovere faciam	Ibid.
XIV. 8. Eriam abietes latata sunt de te	II. 47
XVII. 13. Et sicut globus coram turbine	III. 4
XIX. 1. Ecce Dominus equitat super nubem	I. 49
3. Et exhaurietur spiritus Aegypti	I. 40
XX. 3. Quemadmodum ambulavit servus meus	II. 46
XXIII. 18. Quia habitantibus coram Domino	In præfat.
XXIV. 16. Ab ala Terra cantica	I. 43
17. Formido & fovea & laqueus	II. 29
18. Et erit qui fugerit à facie formidinis &c.	Ibid.
XXVI. 2. Aperite portas, ut ingrediatur	In præf. & III. 7
4. Scaturigo sæculorum est	I. 16
10. In terra rectorum perversè ager	III. 13
XXIIIX. 8. Et isti quoque in vino erraverunt	III. 8. & 48
9. Quia omnes mensa	III. 8
XXIX. 11. Eritq; vobis visio omnium	II. 29. & 46
13. Propterea quidd accedit populus iste	I. 18
14. Et peribit sapientia sapientum ejus	II. 11
XXX. 19. Populus enim in Tzïjon habitabit	II. 29
20. Non abscondetur à te doctor tuus	I. 43
26. Eritq; lux Luna	II. 29
27. Et lingua ejus sicut Ignis consumens	I. 46
XXXI. 2. Et surget contra domum malignorum	I. 12
XXXII. 6. Et loquatur contra Dominum errorem	I. 59
XXXIV. 3. Et interfellic eorum projicientur &c.	II. 29
17. Et ipse projecit eis sortem	II. 48
XXXV. 5. Tum aperientur oculi cæcorum	I. 2. & II. 54
XXXIIIX. 9. Et convalescit ab agritudine sua	I. 42
XL. 6. Vox dicens, clama	I. 21
13. Quia direxit Spiritum Domini	I. 40
15. En Genes si. ut stilla situla	III. 12. & III. 13
18. Cuius igitur assimilabitis Deum	I. 55

# I N D E X

22. <i>Qui sedet in circulo Terra</i>	I. 17
22. <i>Et expandit eos tanquam tabernaculum</i>	III. 13
<b>XLI.</b> 10. <i>Ne timeas, quia tecum sum ego</i>	III. 51
<b>XLII.</b> 14. <i>Tacui à seculo</i>	III. 7
20. <i>Aperiendo aures, tamen non audie</i>	I. 2
<b>XLIII.</b> 1. <i>Omnem, qui vocatur Nomine meo</i>	III. 13
<b>XLIV.</b> 13. <i>Circino format illud</i>	I. 1
19. <i>Et non revocat ad cor suum</i>	I. 39
<b>XLV.</b> 7. <i>Qui format lucem</i>	II. 30. & III. 10
12. <i>Ego, manus mea terenderunt Caelos</i>	II. 29
18. <i>Ad inhabitandum formavit eam</i>	III. 13
19. <i>Non dixi semini Jacob</i>	III. 25. & 49
19. <i>Ego Dominus loquens justitiam</i>	II. 47
<b>XLVII.</b> 13. <i>Ab iis, qua ventura sunt</i>	I. 22
<b>XLVIII.</b> 4. <i>Ut nervus ferrens cervix tua</i>	III. 8
13. <i>Dextera mea palmavit Caelos</i>	II. 30
13. <i>Voco ego eos</i>	Ibid.
<b>L.</b> 4. <i>Dedit mihi linguam eruditam</i>	III. 8
<b>LI.</b> 1. <i>Aspicite ad venam, unde excisisti</i>	I. 16
2. <i>Respicite ad Abrahamum patrem vestrum</i>	Ibid.
3. <i>Consolabitur Dominus Tzjonem &amp;c.</i>	II. 29
12. <i>Ego sum consolator vester</i>	Ibid.
<b>LIII.</b> 1. <i>Brachium Domini cui revelatum est</i>	I. 46
<b>LIV.</b> 10. <i>Montes movebunt se</i>	II. 29
<b>LV.</b> 1. <i>Venite, emite, &amp; comedite</i>	I. 30
8. <i>Cogitationes meae cogitationes vestrae</i>	III. 20
10. <i>Et parere facit eam</i>	I. 7
12. <i>Montes &amp; colles cantabunt</i>	II. 47
<b>LVII.</b> 12. <i>Sic dicit Excelsus &amp; altus</i>	I. 20
15. <i>Excelsus locum &amp; sanctum inhabito</i>	I. 34
<b>LIIIX.</b> 2. <i>Appropinquationem Dei volunt</i>	I. 18
8. <i>Et ambulabit ante te justitia tua</i>	III. 51
13. <i>Et equitare faciam te super excelsa</i>	I. 70
<b>LIX.</b> 2. <i>Sed iniquitates vestrae diviserunt</i>	III. 51
<b>LX.</b> 20. <i>Non occider ultra Sol tuus</i>	II. 29
<b>LXIII.</b> 7. <i>Miserationes Domini memoriâ repetam</i>	II. 29. & III. 50
10. <i>Ipsi rebelles fuerunt</i>	I. 29. & II. 29
15. <i>Multitudo viscerum tuorum</i>	I. 46
18. <i>Hostes nostri conculcaverunt Sanctuarium &amp;c.</i>	II. 29
<b>LXIV.</b> 9. <i>Ne</i>	

# LOCORUM SCRIPTURÆ.

LXIV. 9. Ne irascaris Domine usque valdè	Ibid.
LXV. 1. Quasi sum ab iu, qui antea	II. 29
8. Quemadmodum invenitur mustum	Ibid.
13. Ecce, servi mei comedent	Ibid.
15. Servos suos vocabit nomine alio &c.	Ibid.
LXVI. 1. Cælum solum meum est	I. 9
1. Et Terra scabellum pedum meorum	I. 46
17. Qui sanctificant se, & qui mundant se	III. 33
22. Sicut Cæli novi & Terra nova	II. 29

## JEREMIAS.

I. 5. Priusquàm formarem te in utero	II. 32
6. Quia puer ego sum	Ibid.
8. Ne timeas à facie illorum	II. 38
11. Virgam amygdalinam	II. 29. & 43
12. Quia vigilo ego	II. 43
18. Ecce, dedi te hodiè in urbem munitam	I. 38
II. 5. Quid invenerunt patres vestri in me	III. 47
6. Per Terram, per quam non transibat Vir	III. 50
8. Ambulaverunt post ea, qua non prosunt	III. 49
13. Me dereliquerunt, scaturiginem Aquæ vivæ	II. 12
31. Videite Verbum Domini	I. 46
31. Num solitudo fui Israël	II. 39. & III. 47
III. 15. Et dabo vobis pastores secundum cor meum	I. 39
IV. 19. Fremit in me cor meum	I. 46
22. Sapientes sunt ad malefaciendum	III. 54
23. Vidi Terram, & ecce, erat desolata	II. 29
V. 3. Percussisti eos, & non doluerunt	III. 36
7. In domo meretricis turmatim conveniunt	III. 49
8. Quisque ad uxorem proximi sui hinniunt	III. 8
10. Quia non sunt Domini	Ibid.
12. Negaverunt Dominum, & dixerunt	III. 17. & 32
VII. 16. Quia non audio te	I. 45
22. Non sum loquutus cum patribus vestris	III. 32
IIIX. 19. Irasci fecerunt me sculpsilibus suis	I. 36
IX. 2. Universi sunt adulteri	III. 8
23. Ne jactet se sapiens in sapientia sua	III. 54
24. Sed in hoc gloriatur	Ibid.
X. 7. Qui non timebit te, Rex gentium	I. 36

# I N D E X

12. Et intelligentiâ suâ inclinavit Caelos	I. 47
XII. 2. Propè es cordieorum	I. 50. & III. 51
XIII. 16. Dare Domino Deo vestro gloriam	I. 64
XV. 1. Si staret Moyses & Samuel	I. 12
1. Non esset anima mea ad populum istum	I. 41
1. Ejue a facie mea, & egrediantur	III. 8
XVI. 19. Mendacium possederunt patres nostri	III. 49
XVII. 4. Ignem accendisti in naso meo	I. 46
12. Solium gloria altitudo à principio	I. 9
XX. 8. Fuit Verbum Domini mihi in opprobrium	I. 37
XXIII. 2. Visitabo super vos	III. 17
9. Sicut vir, qui transivit vinum	I. 21
24. Num occultabit se quispiam in occultis	III. 52
29. Nonne sic est Verbum meum	III. 49
36. Et pervertisti verba Dei vivi	II. 29
XXIX. 22. Et assumetur ab eis maledictio &c.	II. 40
XXX. 6. Et verse sunt omnes facies in pallorem	I. 37
XXXI. 3. De longinquo apparuit Dominus mihi	III. 51
20. Fremuerunt viscera mea super eum	I. 46
35. Qui dedit Solem in lucem diei &c.	II. 28
XXXII. 14. Ut sient diebus multis.	I. 13
17. Tu fecisti Caelos	II. 19
19. Oculi tui aperti sunt	III. 17
XXXIII. 25. Si non eris pactum meum	III. 13
XXXIIX. 16. Qui fecit nobis animam hanc	I. 41
XXXIX. 12. Accipe eum & oculos tuos pone	I. 44
XLV. 3. Laboravi in gemitu meo	II. 32
5. Tu quatuor tibi grandia	Ibid.
XLVI. 22. Vox ejus quasi serpentis ibis	I. 24
XLIIIX. 11. Steris sapor ejus in eo	I. 13
LI. 2. Et mistam in Babel ventilatores	II. 48
9. Quia attigit ad Cælum judicium ejus	I. 18
25. Et devolvam te de petris	III. 4

## E Z E C H I E L.

I. 1. Aperti sunt Cæli	III. 7. & II. 47
1. Visiones Dei	III. 5
3. Et fuit super eum ibi manus Domini	III. 7
4. Et vidi, & ecce ventus turbinis	III. 5
	5. Si-

# LOCORUM SCRIPTURÆ.

5. Similitudo quatuor Animalium	III. 7
5. Similitudo Hominis erat eis	III. 1. 2
7. Pes reclus	III. 2
7. Tanquam aspectus aeris poliri	II. 10. 29. & 43. & III. 2
8. Manus Hominis	III. 2
9. Functæ erant unum ad alterum	Ibid.
11. Facies autem & ale ipsorum erant dijunctæ	Ibid.
12. Quocunque erit spiritus ut eant	Ibid. & cap. 3
13. Et similitudo Animalium	I. 1. & III. 2
14. Et Animalia curriebant & revertebantur	III. 2
15. Et cum vidissem Animalia	III. 2. & 4. & 5
15. Rotam unam in Terra	III. 3
16. Aspectus rotarum	III. 2
16. Similitudo una erat quatuor illis	III. 7
16. Ac si rota una esset in medio rota	III. 2
17. Dum in quatuor partes suas eunt	Ibid.
18. Plenum oculis	Ibid.
19. Cum irent Animantia, ibant rota	Ibid.
20. Quacunque erat spiritus ut irent &c.	Ibid.
21. Cum ambularent ipsa, ibant	Ibid.
22. Et similitudo super capita uniuscujusq; Animantis	III. 7
26. Tanquam aspectus lapidis sapphiri	Ibid.
26. Similitudo solis	I. 1
26. Similitudo sicut aspectus Hominis	I. 46. & III. 2. & III. 7
27. Et vidi tanquam aspectum Chaschmal	III. 5
28. Velut aspectus arcus	III. 7
28. Hæc est visio similitudinis gloriæ Domini	Ibid.
II. 1. Et audiui vocem loquentem ad me	II. 44
6. Ne timeas ab eis & à verbis ipsorum	II. 38
III. 12. Benedicta gloria Domini è loco suo	I. 8
23. Et egressus sum in campum	II. 46
IV. 1. Et tu sume tibi laterem	Ibid.
4. Et tu dormi super latus tuum sinistrum	Ibid.
9. Et tu cape tibi triticum & hordeum	Ibid.
V. 1. Et transire fac super caput tuum	Ibid.
II X. 1. Ego sedebam in domo mea	Ibid.
3. Structuram anus	I. 3
3. Et elevavit me Spiritus	II. 46
7. 8. 9. Et ecce foramen unum &c.	Ibid.

# I N D E X

12. Non videt nos Deus	III. 19
12. Dereliquit Dominus Terram	III. 17. & 54
14. Plangentes Thammus	III. 29
16. Posteriora sua verterunt Templo	III. 45
X. 8. Et apparuit in illis Cherubin similitudo manuum	III. 7
9. Rota una juxta Cherub unum	III. 3
9. Et aspectus rotarum sicut aspectus lapidum	III. 4
11. Ad locum, ad quem convertebat	III. 3
12. Et caro earum, & terga earum	Ibid.
12. Et rota plena erant oculis	Ibid.
13. Rotis ipsis acclamatum est	Ibid. & cap. 4
14. Et quatuor facies erant unicuique	III. 1
15. Hoc est Animal, quod vidi	Ibid. & cap. 3
16. Et cum ambularent Cherubin	III. 3
20. Hoc est Animal, quod videram	Ibid.
XII. 2. Qui habent oculos ad videndum	I. 2
XVI. 6. Conculatam in sanguinibus tuis	III. 46
XVII. 2. Aenigmaticè loquere Aenigma	In præf.
XIIIX. 29. Non est aqua via Domini	III. 16
XX. 6. Ornamentum est omnibus Terris	II. 30
32. Et quod ascendit in spiritum vestrum	III. 51
49. An non parabolicè loquitur parabolæ iste	In præf.
XXXI. 8. Similis erat ipsi pulchritudine sua	I. 1
XXXII. 7. 8. Et operiam, cum extinxero te, Cælos &c.	II. 29
XXXVII. 1. Fuit super me manus Domini	II. 41. & 44
1. Et collocavit me in medio campi	II. 46
XL. 3. 4. Et ecce Vir, cujus aspectus &c.	II. 44
XLIII. 2. Terra ipsa splendet propter gloriam ejus	III. 9
7. Locum plantarum pedum meorum	I. 46
XLIV. 2. Dominus Deus Israël venit in ea	I. 22

# H O S E A S.

I. 1. Primum verbum Domini in Hosea	II. 30. & II. 41
2. Accipe tibi uxorem fornicationum	II. 46
II. 8. Argentum, quod multiplicaveram ei	III. 8
V. 11. Ambulavit post præceptum	I. 38
15. Ibo & revertar ad locum meum	I. 23. & 24
X. 11. Equitare faciam Ephraïm	I. 70
XII. 10. Et per manum Prophetarum proposui similitudines	In præf.
	JOEL.



# LOCORUM SCRIPTURÆ

## JOEL.

II. 10. Ante ipsum commovebitur Terra	II. 29
11. Quia fortia & facientia Verbum ejus	II. 48
11. Magnus dies Domini & terribilis	II. 29
28. Effundam Spiritum meum	II. 32
30. 31. Daboq <sup>ue</sup> prodigia in Cælo &c.	II. 29

## AMOS.

II. 9. Cujus altitudo erat sicut altitudo	II. 47
9. Et fortis veluti quercus	I. 63
III. 8. Dominus Deus locutus est, quis non prophetabit	II. 37
IV. 13. Qui format montes	II. 30
VII. 9. Et surgam contra domum Jeroboami	I. 12
II X. 2. Canistrum æstivorum fructuum	II. 43
10. Occumbere faciam Solem	II. 29
11. Non famem panis, neque sitim aquæ	I. 30
12. Discurrent ad querendum Verbum Domini	II. 36

## JONAS.

II. 11. Et dixit Dominus pisci	II. 48
--------------------------------	--------

## MICHAËAS.

I. 3. Ecce, Dominus egreditur de loco suo	I. 23. & II. 29
IV. 11. Et aspiciet in Tzjon oculus noster	I. 4
VI. 3. Popule mi, quid feci tibi	III. 47

## NAHUM.

I. 2. Miscitur se de hostibus suis	I. 36
------------------------------------	-------

## HABACUC.

I. 12. Ad judicium posuisti eum	III. 17
13. Et aspicere pravitatem non potes	I. 4. 48
14. Facis Homines similes piscibus maris	III. 17
III. 3. Plena est omnis Terra laude ejus	I. 64
8. Nunquid contra flumina iratus est	II. 29
8. Quia equitabis super equos tuos	I. 70
16. Quia sededo in die angustie	I. 67

TZEPHA-

# I N D E X T Z E P H A N I A S.

- |   |         |
|---|---------|
| I. 3. <i>Et succidam Hominem</i>                  | II. 29  |
| 12. <i>Qui dicunt in corde suo, non benefacit</i> | III. 19 |

## H A G G A E U S.

- |  |        |
|--|--------|
| I. 13. <i>Dixit ergo Haggai Angelus Domini</i> | II. 42 |
| II. 7. <i>Ego commoturus sum Cælum &amp;c.</i> | II. 29 |

## Z A C H A R I A S.

- |  |                         |
|--|-------------------------|
| I. 14. <i>Dixit ad me Angelus loquens</i>                | I. 44                   |
| III. 1. <i>Et Satan stabat ad dexteram ejus</i>          | III. 22                 |
| 2. <i>Increpet te Dominus, Satan</i>                     | Ibid.                   |
| IV. 1. <i>Reversus est autem Angelus, qui loquebatur</i> | II. 43                  |
| 5. <i>Dixit ad me Angelus, qui loquebatur</i>            | II. 44                  |
| 5. <i>Et dixit ad me, annon nôsti quid hac sint</i>      | Ibid.                   |
| 10. <i>Oculi Domini discurrunt</i>                       | I. 46                   |
| V. 9. <i>Ecce dua mulieres egrediebantur</i>             | I. 49                   |
| 11. <i>Et praparetur &amp; collocetur ibi</i>            | I. 67                   |
| VI. 1. <i>Quatuor currus</i>                             | II. 10                  |
| 1. <i>Montes autem illi erant montes ares</i>            | II. 29                  |
| 5. <i>Isti sunt quatuor venti</i>                        | III. 22                 |
| 5. <i>Illi stabant coram dominatore</i>                  | II. 10. & 30. & III. 22 |
| XI. 7. <i>Pascam oves illas occisionis</i>               | II. 46                  |
| 7. <i>Baculos duos ad pascendum gregem</i>               | II. 43                  |
| 8. <i>Etiâ anima ipsorum fastidivit me</i>               | Ibid.                   |
| XIV. 4. <i>Et stabunt pedes ejus</i>                     | I. 13. & 28             |
| 5. <i>Venietq; Dominus Deus meus</i>                     | I. 22                   |
| 9. <i>In die illa erit Dominus unus</i>                  | I. 61                   |
| 11. <i>Et exaltabitur &amp; sedebit</i>                  | I. 11                   |

## M A L A C H I A S.

- |   |         |
|---|---------|
| I. 8. <i>Offer illud Principi tuo</i>                         | III. 46 |
| 9. <i>De manibus vestris sunt hoc</i>                         | III. 12 |
| 11. <i>Et in omni loco incensum offertur</i>                  | I. 36   |
| 12. <i>Mensa Domini polluta est</i>                           | III. 46 |
| III. 6. <i>Ego Dominus non mutor</i>                          | I. 11   |
| 13. 14. 15. <i>Invaluerunt contra me verba vestra &amp;c.</i> | III. 19 |
| 17. <i>Et parcam eum</i>                                      | I. 54   |
|   | 18. Et  |

# LOCORUM SCRIPTURÆ.

18. Et convertemini & discernetis

III. 19

## PSALMI.

II. 2. Adstant Reges Terra	I. 15
4. Sedens in Cælis	I. 11
IV. 5. Dicite in corde vestro	I. 50. 59. & II. 5
VII. 15. Et pariet men daciū	I. 7
IIIX. 4. Opus digitorum tuorum	I. 46
5. Quid est homo, quod recorderis ejus	I. 10. & III. 17
6. Et minorem fecisti eum paululum ab Angelis	I. 2
XI. 4. Oculi ejus videbunt	I. 44. & 46
XVI. 8. Posui Dominum coram me semper	III. 51
XVII. 12. Similitudo ejus ut leonis	I. 1
XIIX. 9. Ascendit fumus in ira ejus	II. 29
12. Pone tenebras latibulum suum	III. 9
31. Verbum Domini constatum	III. 26
XIX. 1. Cæli enarrant gloriam Dei	II. 5
4. Non est sermo, neque verba	Ibid.
8. Lex Domini est perfecta	II. 39
9. Judicia Domini sunt veritas	III. 26
XXIV. 1. Domini est Terra & plenitudo ejus	III. 54
7. Elevate vos porta seculi	III. 7
XXV. 10. Omnes via Domini sunt veritas	III. 12
14. Secretum Domini timentibus eum	In præfat.
XXVII. 8. Tibi dicit cor meum	I. 65
12. Ne des me in manum hostium meorum	I. 41
XXIX. 4. Vox Domini cum robore	I. 46
9. Et in Templo ejus omnes dicunt gloriam	I. 64
10. Dominus in confusione sedet	I. 11
XXXIII. 4. Omnia opera ejus in fide	III. 25
6. Verbo Domini Cæli creati sunt	I. 23. & 65. & 66
15. Qui formavit simul cor eorum	III. 17
XXXIV. 16. Oculi Domini super justos	III. 18
17. Facies Domini super facientes malum	I. 37
19. Propinquus Dominus contritus corde	I. 34
21. Custodiens omnia ossa ejus	III. 18
XXXV. 10. Omnia ossa mea dicent	I. 64
XXXVI. 10. Tecum est sicuturigo vitæ	II. 12. & III. 52
XL. 9. Et Lex tua in medio viscerum meorum	I. 46

# I N D E X

<b>XLII.</b> 3. <i>Sitivist anima mea ad Deum</i>	I. 30
10. <i>Adstat conjunx ad dexteram tuam</i>	III. 8
<b>XLVI.</b> 3. <i>Non timebimus, etsi permutâris</i>	II. 29
<b>XLIX.</b> 3. <i>Etiâ filii hominis, etiâ filii viri</i>	I. 44
13. <i>Homo in honore non pernoctavit</i>	I. 2
13. <i>Similiu est jumentu, qua intereunt</i>	III. 18
L. 7. 8. 9. <i>Audi popule mi, &amp; loquar</i>	III. 32
LI. 5. <i>Et peccatum meum coram me est jugiter</i>	III. 46
LVI. 6. <i>Totâ die verba mea rebellant</i>	I. 29
LVII. 6. <i>Exaltare supra Caelos</i>	I. 20
LII. 5. <i>Juxta similitudinem veneni serpentis</i>	I. 1
12. <i>Verè est fructus justio</i>	III. 50
LX. 4. <i>Tremere fecisti Terram</i>	II. 29
LXII. 12. <i>Unâ vice locutus est Deus</i>	II. 33
LXV. 2. <i>Tibi silentium laus est</i>	I. 59
LXII. 5. <i>Qui equitat super arabbor</i>	I. 70
LXIX. 29. <i>Deleantur de libro viventium</i>	II. 47
LXXIII. 11. 12. <i>Et dicunt, quomodo novit &amp;c.</i>	III. 19
20. <i>Imaginem ipsorum contemnis</i>	I. 1
28. <i>Appropinquo Dei mibi est bona</i>	I. 18
LXXVII. 17. <i>Viderunt te aqua</i>	II. 29
LXXIX. 23. <i>Et januas Caeli aperuerat</i>	II. 47. & III. 7
39. <i>Spiritus abis, &amp; non revertitur</i>	I. 40
40. <i>Rebellârunt ei in solitudine</i>	I. 29
LXXXII. 5. <i>Non sciunt &amp; non intelligunt</i>	In Præfat.
6. <i>Di estis</i>	III. 8
7. <i>Sicut homines moriemini</i>	I. 14
LXXXIX. 3. <i>Mundus Ched adificabitur</i>	III. 53
15. <i>Justitia &amp; judicium habitaculum</i>	I. 70
20. <i>Exaltavi electum è populo</i>	I. 20
<b>XC.</b> 2. <i>Antequam montes nascerentur.</i>	I. 7
12. <i>Et Prophetâ cor sapientia</i>	II. 38
<b>XCI.</b> 5. <i>Ipse eruct te de laqueo</i>	III. 51
5. <i>Non timebis à timore noctis</i>	Ibid.
7. <i>Cadent à latere tuo mille</i>	Ibid.
14. <i>Quoniam me valdè amat</i>	Ibid.
15. <i>Invocabit me, &amp; audiam eum</i>	III. 18
<b>XCIV.</b> 2. <i>Exaltabo te Jdex terra</i>	I. 20
6. <i>Vidua &amp; peregrinum interficiunt &amp;c.</i>	III. 19

XCVII. 2. Nu-

# LOCORUM SCRIPTURÆ.

<b>XC VII.</b> 2. Nubes & caligo circa eum	III. 9
C. 3. Scite, quod Dominus sit Deus	III. 51
<b>CI.</b> 7. Loquens mendacium non stabilietur	II. 30
<b>CII.</b> 7. Simili sum pellicano deserti	I. 1
14. Surges, misereberis Tzijoni	I. 12
26. Antequam Terram fundasti	I. 37
<b>CIII.</b> 13. Quomodo miseretur pater filiorum	I. 54
19. In Cælis disposuit solum suum	II. 26
<b>CIV.</b> 2. Qui operit se lumine	Ibid.
4. Qui facit Angelos suos ventos	II. 6
5. Ministros suos Ignem flammantem	I. 49
5. Terram fundavit super bases suas	II. 28
16. Cedri Libanon, quas plantavit	I. 66
21. Leunculi ruginiunt ad prædam	III. 17
24. Quam multa sunt opera tua, Domine	I. 66. & III. 25
<b>CV.</b> 20. Misit Rex & solvit eum	II. 48
22. Principes ejus secundum animam suam	I. 41
22. Et senes ejus sapientes efficeret	III. 54
<b>CVI.</b> 35. Misceverunt se cum gentibus	II. 11
<b>CVII.</b> 24. Ipsi viderunt opus Domini	I. 66
25. Et stare fecit spiritum turbinis	II. 48
<b>CXI.</b> 3. Justitia ejus stat in saculam	I. 13
<b>CXII.</b> 9. Qui facit sedere sterilem	I. 11
<b>CXV.</b> 16. Cælum, Cælum est pro Domino	II. 24
<b>CXII X.</b> 6. Dominus est pro me, non timebo	III. 51
19. Aperite mihi portas justitiæ	III. 7
<b>CXIX.</b> 89. Verbum tuum stat in Cælo	I. 25
126. Tempus est facienti Domino	In Præfat.
144. Justitia sunt judicia tua	II. 47
<b>CXXIII.</b> 1. Qui habitas in Cælo	I. 11
<b>CXXXI.</b> 1. Non ambulavi in magnis	I. 32
<b>CXXXV.</b> 6. Quæ voluit Jehova, fecit	III. 25
<b>CXXXIX.</b> 3. Posuisti super me manum tuam	I. 46
24. Si via rebellionis in me est	I. 29
<b>CXLIV.</b> 3. Quid est homo, & agnosci eum	III. 17
4. Homo vanitatis similis est	III. 12
<b>CXLV.</b> 9. Bonus est Dominus omnibus	Ibid.
16. Aperis manum tuam	III. 17
18. Propinquus Dominus omnibus invocantibus	I. 18

# I N D E X

**CXLVII.** 9. Qui dat jumento escam

18. Mittit Verbum suum

**CXLIIX.** 1. Laudate Dominum de Caelis

5. Quia ipse praecepit &c.

III. 17

II. 48

II. 28

Ibid.

## P R O V E R B I A.

**I.** 6. Ad intelligendum parabolam & elocutionem

9. Additamentum gratiae erunt capiti tuo

**II.** 4. Si quis siverit eam tanquam argentum

**III.** 15. Omnia desiderabilia tua non aquantur ei

19. In sapientia fundavit Terram

22. Erunt vita anima tua

32. Abominatio Domini est perversus

**IV.** 15. Declina ab ea. & transi

22. Vita sunt invenientibus ea

**V.** 9. Ne forte des alieni decorem tuum

17. Sint tibi soli

**VI.** 32. Corrupt animam suam, qui fecerit illud

**VII.** 6. Per fenestram domus mea &c.

**VIII.** 4. Ad vos, o viri, clamo

11. Omnia desiderabilia non equabuntur ei

35. Qui invenit me, invenit vitam

**X.** 21. Stulti ob defectum cordis moriuntur

**XI.** 17. Qui turbat carnem suam, crudelis est

**XIV.** 15. Stultus credit omni verbo

**XVI.** 4. Omnia fecit Dominus propter se

**XVII.** 16. Ut quid est pretium in manu stulti

**XIX.** 3. Stultitia hominu pervertit viam ejus

20. Accipe disciplinam, ut sapiens fias

**XXI.** 25. 26. Desiderium pigri interficit eum &c.

**XXII.** 17. Inclina aurem tuam, & audi

**XXIII.** 33. Et cor tuum loquetur

**XXIV.** 13. Comede, fili mi, mel

**XXV.** 11. Sicut mala aurea

16. Si mel invenisti, comede

17. Contine pedem tuum a domo amici tui

27. Comedere mel multum, non est bonum

**XXVII.** 1. Quia nescis, quid paritura sit dies

11. Omnem spiritum suum profert stultus

In praef.

III. 37

III. 54

Ibid.

II. 25

I. 42

I. 34

III. 22

I. 42

III. 54

Ibid.

III. 12

In praef.

Ibid.

III. 54

I. 42

I. 39

III. 42

I. 62

III. 13

I. 34

III. 12

I. 34

Ibid.

In praef.

I. 65

I. 30

In praef.

I. 32

III. 47

I. 50. 32

I. 7

I. 40

XXX. 12. Est

# LOCORUM SCRIPTURÆ.

XXX. 12. Est generatio munda in oculis suis	III. 33
XXXI. 3. Ne des mulieribus robur tuum	I. 34
10. Mulierem strenuam quis inueniet	III. 8

## J O B.

I. 1. Vir erat in terra Uz	III. 22
6. Et venerunt filii Dei	Ibid.
11. Nisi in faciem tuam maledixerit tibi	I. 37
II. 5. Tange ipsummet & carnem ejus	I. 18
6. Veruntamen animam ejus serva	III. 22
8. Et ipse sedebat in medio cineris	III. 23
III. 5. Habitaret super illam nubes	I. 25
IV. 13. Inter cogitationes à visionibus nocturnis	I. 3
16. Dum constitit; non agnovi	Ibid.
16. Silentium & vocem audiui	II. 44
18. Ecce, in servis suis non credit	III. 13. 23
19. Etiam qui inhabitant domos luteas	III. 12. & 13. & 43
V. 6. Non egreditur de pulvere iniquitas	III. 12
7. Homo ad laborem natus est	Ibid.
IIIX. 6. Si purus & rectus fueris	III. 23
6. Eritq; principium tuum parvum	In præf. & III. 23
IX. 22. Unum est, propterea dixi	I. 23
X. 10. An non sicut lac coagulasti me	Ibid.
XI. 5. 6. 7. Quis der Deum loqui &c.	Ibid.
5. Et aperuit labia sua	I. 46
12. Homo vacuus efficitur cordatus	I. 39
12. Ut pullus onagri est homo	I. 34
XII. 12. In decrepitis est sapientia	III. 54
XIII. 9. An sicuri illudiu homini	I. 73
XIV. 20. Mutavit vultum suum	I. 2
XV. 15. Ecce, in Sanctis suis non posuit stabilitatem	III. 13
XX. 26. Omnes tenebræ abscondite sunt	II. 30
XXI. 6. Si quando recordor, tunc terreor &c.	III. 23
6. Apprehendit carnem meam tremor	In præf.
21. Quia quæ erit complacentia ejus	III. 23
23. Iste morietur in fortitudine sua &c.	Ibid.
XXII. 5. An non malitia tua magna est	Ibid.
12. Nonne Deus in sublimitate Cæli	III. 14
21. Assuesce quæso cum eo	III. 51



# I N D E X

XXIII. 13. <i>Anima ejus desideravit, &amp; fecit</i>	III. 25
XXV. 3. <i>Num est numerus exercitibus ejus</i>	II. 11
6. <i>Quanto magis Homo vermis</i>	III. 12
XXVII. 6. <i>Non defleat cor meum à diebus meis</i>	I. 39
XXIX. 12. <i>Ut sapientia undenam invenitur</i>	I. 34 & III. 54
XXX. 26. <i>Et venit malum</i>	I. 22
26. <i>Et venit caligo</i>	Ibid.
XXXI. 27. <i>Et seduxit sese in abscondito cor meum</i>	II. 46
XXXII. 1. <i>Et cessarunt tres Viri</i>	I. 67
9. <i>Non multi sapientes sunt</i>	I. 34 & I. 54
16. <i>Et steterunt, &amp; non responderunt</i>	I. 13
XXXIII. 14. <i>Uno modo loquitur Deus</i>	III. 23
23. <i>Si fuerit apud eum Angelus interpres</i>	Ibid.
29. <i>En omnia ista facit Deus</i>	Ibid.
XXXIV. 20. <i>Subito morientur</i>	Ibid.
21. <i>Oculi ejus super vias viri</i>	III. 17 & I. 23
24. <i>Conterit fortes</i>	Ibid.
XXXV. 11. <i>Qui docet nos de jumentis Terra</i>	I. 23
XXXVI. 11. <i>Si audiverint &amp; servi verint</i>	I. 45
XXXVII. 6. <i>Dicit Nivi, esto Terra</i>	II. 26
21. <i>Nunc quoq; non viderunt lumen</i>	In Præfat.
XXXVIII. 7. <i>Cum cantarent simul Stellæ matutina</i>	II. 5
13. <i>Ut apprehendat alas Terra</i>	I. 43
33. <i>Nūquid nōsti statuta Cæli</i>	II. 10
XLII. 5. <i>Auditū auris audiveram te</i>	II. 23
8. <i>Non loquimini ad me rectum</i>	Ibid.

# R U T H.

II. 12. <i>Ad recipiendum te sub alas ejus</i>	I. 43
III. 9. <i>Et expandas alam tuam</i>	Ibid.
IV. 2. <i>Et accepit decem viros</i>	III. 49

# C A N T I C.

I. 1. <i>Osculetur me osculū oris sui</i>	III. 51
4. <i>Trabe me post te, curremus</i>	II. 33 & 34
6. <i>Esli matris mea irati sunt in me</i>	II. 54 & 55
16. <i>Etiā lectus noster vitens</i>	II. 47 & 48
II. 15. <i>Corrumpentes vineas</i>	II. 43 & 44
V. 2. <i>Ego dormio, &amp; cor meum vigilat</i>	II. 30 & 31

# LOCORUM SCRIPTURÆ.

## ECCLESIASTES.

I. 4. <u>Terra autem in sæculum stat</u>	II. 28
9. <u>Nihil novi fit sub Sole</u>	II. 29
16. <u>Et cor meum vidit</u>	I. 4
II. 12. <u>Qui jam fecerunt eum</u>	II. 6
15. <u>Dixi ego in corde meo</u>	I. 65
III. 11. <u>Omnia fecit pulchra in tempore suo</u>	I. 1. 25
14. <u>Quicquid facit Deus</u>	II. 28
19. <u>Præstantia hominū præ bestiis nullæ</u>	I. 14
21. <u>Quis scit spiritum filiorum hominum</u>	Ibid.
IV. 17. <u>Custodi pedem tuum, quando ibis</u>	I. 5. & 32
V. 1. <u>Quia Dominus est in Cælis</u>	I. 59. & III. 52
VII. 17. <u>Ne sis sapiens nimium</u>	I. 32
24. <u>Remorum quiddam est</u>	In præfat. & I. 34
30. <u>Tantummodò vide, hoc inveni</u>	III. 12
IX. 14. <u>Civitas parva, &amp; homines in ea pauci</u>	II. 22
X. 2. <u>Cor sapientis ad dexteram ejus</u>	I. 39
10. <u>Si hebetatum fuerit ferrum</u>	I. 34
20. <u>Aves Cæli deferent vocem</u>	II. 47
XII. 7. <u>Spiritus hominis redit ad Deum</u>	I. 40

## THREN I.

I. 9. <u>Immunditia ejus in alis ejus</u>	III. 47
II. 9. <u>Rex ejus &amp; Principes ejus</u>	II. 36
9. <u>Etiam Principes ejus non invenerunt</u>	II. 32
IV. 16. <u>Facies Domini divisit eos</u>	I. 37
V. 19. <u>Tu Domine in sæculum permanes</u>	I. 9. & II. 25

## ESTHER.

I. 17. <u>Cum egredietur Verbum</u>	I. 23
V. 9. <u>Et non surrexit, &amp; movit se</u>	I. 12
VII. 8. <u>Verbum egressum est ex ore Regis</u>	I. 23

## DANIEL.

II. 19. <u>Tum Danieli in Bithonia</u>	II. 45
VI. 22. <u>Deus meus misit Angelum suum</u>	II. 6
VII. 1. <u>Daniel somnium vidit</u>	II. 47
1. <u>Tum scripsit somnium</u>	II. 45
	10. 46

# INDEX LOCOR. SCRIPTURÆ.

16. Acceſſi ad unum ex adſtantibus	II. 43
II X. 1. Viſio apparuit mihi Danieli	Ibid.
13. Audivi unum Sanctum	II. 44
16. Audivi vocem Homini inter illas	Ibid.
27. Et obſtupui ſuper Viſione	II. 45
X. 6. Et corpus ejus ſicut Tharſis	II. 10
8. 9. Et vidi Viſionem magnam &c.	II. 41
XII. 7. Et juravit per vitam Mundi	L. 72

## E S R A.

I. 1. Quo finiebatur Verbum Domini	II. 45
------------------------------------	--------

## N E H E M.

IX. 6. Et exercitus Cælorum adorant te	II. 5
--	-------

## I. C H R O N.

XII. 12. Et Spiritus induit Amaſam	II. 45
32. Corde uno erant, ut conſtituerent	L. 39
XXII X. 9. Tu itaque Schelomoh fili mi	III. 51
11. Structura porticus	I. 3
XXIX. 25. Et magnificavit Deus Salomonem	L. 10

## II. C H R O N.

XV. 1. Super Aſariam filium Obed	II. 45
XX. 14. Fuit ſuper eum Spiritus Domini	Ibid.
XXIV. 20. Spiritus Dei induit Zachariam	II. 45
XXXVI. 16. At illi ſubſannabant Angelos Dei	II. 42

## • INDICIS LOCORUM SCRIPTURÆ

F I N I S.



INDEX



# INDEX RERUM PRÆCIPUARUM.

<b>A</b>		<i>Actus primorum Mundi hominum</i>
<b>A</b> <i>BRACHAM</i> quid docuerit	<u>301</u>	<i>Affectibus non est indulgendum</i> <u>42</u>
<i>Absurditates</i> sententia alicujus non numero, sed pondere sunt dijudicanda	<u>250</u>	<i>de Affinitate cum Gentibus non contrahenda</i> <u>502</u>
<i>Accedere</i> , Appropinquare, quo sensu de Deo dicitur	<u>21</u>	<i>Agens cum uno tempore agit, alio nō, unde id proveniat</i> <u>232</u>
<i>Accidens</i> nullum ultra momentum durare	<u>153</u>	<i>Et an mutationem in Agente inferat</i> <u>ibid.</u>
<i>Accidentia</i> se invicem non sustinere	<u>158</u>	<i>Agnus in die Paschæ cur maciandus fuerit</i> <u>486</u>
<i>de Accidentibus</i>	<u>152</u>	<i>Ala Angelis attribuuntur</i> <u>75</u>
<i>Actio</i> aquivocè dicitur de <i>Materiis</i> & <i>Abstractis</i>	<u>322</u>	<i>Alia est natura rerum, quando generantur, &amp; quando perfecte sunt</i> <u>227</u>
<i>Actiones Dei omnes bonæ</i>	<u>353. 411</u>	<i>de Allegoriis Rabbinorum</i> <u>423</u>
<i>Actiones finium ratione sunt quadruplices</i>	<u>410</u>	<i>Altare cur noluerit adificari Deus è lapidibus æfis</i> <u>477</u>
<i>Actiones Prophetarum</i> , quas fecisse dicuntur, facta sunt in <i>Visione Prophetia</i>	<u>322</u>	<i>Altus quo sensu Deus appelletur</i> <u>23</u>
<i>Actionum diversitas</i> non arguit diversitatem in agente	<u>82</u>	<i>de Amalekitis delendum</i> <u>465</u>
<i>Adeps</i> intestinorum cur prohibetur	<u>495</u>	<i>Ambitio &amp; arrogantia</i> <u>305</u>
<i>Adonaj</i>	<u>106</u>	<i>Ambulare, Ire quo sensu de Deo usurperur</i> <u>29</u>
<i>Adonaj</i> dicitur de Angelis	<u>107</u>	<i>Amicus homo semper indiget</i> <u>408</u>
<i>Aegyptii</i> coluerunt signum Arietis	<u>480</u>	<i>Amisæ res restituenda</i> <u>458</u>
<i>Aequalitas</i> & <i>proportio</i> in creaturis	<u>360</u>	<i>Amore &amp; Timore Dei cultus Divinus persequitur</i> <u>422</u>
<i>Aequitas</i> & <i>Justitia</i>	<u>500</u>	<i>Analogicè predicari quid</i> <u>93</u>
<i>de Aestimationibus</i> & <i>Anathematibus</i>	<u>455</u>	<i>A' natura rei in Actu ad ejusdem naturam in potentia existens non licet argumentari</i> <u>228</u>
		<i>Andelofeni</i> excellentes Mathematici <u>205</u>

# I N D E X

Angeli sub variis figuris apparuerunt	273	Apprehensiones sensuum in lingua Ebraea confunduntur	65
Angeli quoque sub Mulierum specie apparuerunt	73	per Aquam quid intelligatur in historia Creationis	277
Angeli sub quibus formis apparuerint	268	de Aquis, quibus probabatur Mulier declinans	499
Angeli an propter hominem creati	367	Arabes quomodo desertum appellant, per quod Israelita profectus	512
Angeli unius longitudo quantae	209	Arboris Vitae magnitudo	281
non omnes Angeli sunt stabiles & permanentes	202	Arca super humeros cur portanda fuerit	479
cur Prophetæ Angelis corpora & actiones corporales attribuerint	73	quare coram Arca iusserit ponere candelastrum	472
Angelis cur forma Animalium irrationalium attribuantur	74	cur supra Arcam iusserit duorum Angelorum formam facere	476
Angelus quid significet	200	Aristoteles non credidit, rationes suas pro Aeternitate Mundi esse demonstrativas	183
dicitur de motu animalium irrationalium ibid. de elementis ibid. de Legibus hominum ibid. de Prophetis ibid. de Intelligentibus abstractis ibid. de facultatibus irrationalibus & animalibus	ibid.	Aristotelis sententia de Mundo	219
Angelus unus unum habet tantum munus & operationem	202	Aristotelis rationes pro Aeternitate Mundi	220
Anima quo sensu Deo attribuatur	59	non credidit illas esse demonstrativas	223, 224, 225
de Animalium faciebus apud Ezechielem	332	sunt dialecticae	227
de illorum figura seu forma	332	qua Aristoteles scripsit de rebus sublimariis, vera sunt: contra, quae de caelestibus corporibus	249
de Anno Interimissionis & Iubilaei	454		250
Anthropopathia	30, 43	Aristoteles quomodo crediderit, Mundum necessariam habere existentiam	243
Antiquitas Mundi cur non credatur cum Aristotele	257	Artium liberalium usus in Theologia	45, 46
Apprehensio rerum incorporearum est difficilis	73	Ascendere quo sensu de Deo dicatur	14
Apprehensio intellectus est imperfecta	37	Assaria secta	133
Apprehensionis Dei gradus	98	in Astronomia non omnia sunt demonstrativa	212
		de Atomis	149
		Attributa & nomina corporea cur Deo	

# R E R U M.

Deo adscribantur

31

Attributa Affirmativa cum Negativis  
quomodo convenient 96. quo-  
modo inter se differant ibid.  
non rectè Deo attribui ibid. sunt  
periculosa 104

qualia sint Attributa, quæ Deo in  
Scriptura attribuantur 84

cur in precationibus adhibeantur At-  
tributa affirmativa 101

Attributa affirmativa à Deo elonga-  
ntur 99

Attributa Negativa sunt vera Attri-  
buta 95

Attributa Negativa potest describi  
Deus 98

vis Attributorum Negativorum 103

Audire quo sensu Deo attribuitur  
63

Aves cur offerre jussit 481

## B

Baruch cur non potuerit prophetare  
286

Βασιλειαν in Oratione 101

de Bestia, qua hominem occidit 457

de Bestia, cum qua homo rem habuit  
ibid.

cum Bestia commisceri cur non liceat  
502

Bileam qualis Prophetæ fuerit 318

Bileam historia castigat in Visione  
Prophetae 310

Bonum quid vocemus 365

Bonum esse de quânam re dicatur  
228

quia Bonum, cur non dicatur in o-  
peribus secundi diei ibid.

de Bore cornupera 457

## C

Cæli cur vocentur solum 13

Cæli quo sensu dicantur sedere 16

Cæli & Elementorum non est una  
materia 237

Cæli, Terra, Solis, Lune, Stella-  
rum, &c. commotio, destructio vel  
mutatio quid significet 265

principium motus Cæli est anima 194

ex motu Cæli probatur existentia  
Creatoris 191

Cælum habet Intellectum 195

Cælum habet Appetitum ibid.

Cælum habere Animam 194

Cælum & Terra simul creata 275

Carnem cum lacte comedere cur non  
licuerit 496

Castra cur munda haberi voluerit  
Deus 467

Causse dissensionum & controversia-  
rum 39

Charitas erga proximum 437

de Circumcisione 505

Clementia plura decet facere opera  
quàm pœna 89

Cogitationes de peccato graviores  
sunt peccato ipso 348

Coma cur prohibita fuerit 447

de Conestione rerum sacrarum 482

Confusio verborum Anomalorum in  
lingua Hebræa 121

de Congressibus illicitis cum sœminis  
502

Consuetudinis quantitas 32

Convivia non precepta in Lege vi-  
tant Sancti 348

Cor quo sensu Deo attribuitur 58

ex membris internis nullum præte-  
re à ipso attribuitur 61

# I N D E X

<i>in Corde suo dicere quid</i>	<u>36</u>	<i>est sine modo</i>	<u>319</u>
<i>Corporeitas à Deo removenda</i>	<u>92</u>	<i>Deus nequit definiri</i>	<u>32</u>
<i>remotio Corporeitatis per Cabbalam tradenda</i>	<u>50</u>	<i>ab operibus potest Deus describi</i>	<u>32</u>
<i>Corpus equivocè dicitur de superioribus &amp; inferioribus</i>	<u>232</u>	<i>Deus omnium rerum finis ultimus</i>	<u>127</u>
<i>Corruptio omnis accidit ex parte materiae</i>	<u>344</u>	<i>Deus est Forma Mundi ultima</i>	<u>126</u>
<i>Create dicitur etiam de Privationibus</i>	<u>352</u>	<i>Deus est Intellectus, Intelligens, &amp; Intelligibile</i>	<u>121</u>
<i>in Creationis historia non omnia secundùm litteram intelligenda</i>	<u>273</u>	<i>Deus est immutabilis</i>	<u>16</u>
<i>Cultus Dei principalis quis</i>	<u>515</u>	<i>Deus nullas habet qualitates</i>	<u>79</u>
<i>Cupiditatum extinctio est de Intentione Legis</i>	<u>437</u>	<i>Deus nō potest definiri à loco vel tempore</i>	<u>80</u>
<i>Cura domestica rei familiaris impediunt hominem in Apprehensione rerum Divinarum</i>	<u>50</u>	<i>Deus non omnino sustulit cultus Idololatrias, sed illos à rebus creatis ad se transulit</i>	<u>432</u>
<i>de Custodia circa Sanctuarium</i>	<u>477</u>	<i>Quomodo Deus dicatur movere Cælum</i>	<u>195</u>
<i>de Custodibus</i>	<u>469</u>	<i>Cur Deus vocetur Rupes</i>	<u>19</u>
<b>D</b>		<i>Cur Deus vocetur Zelotypus, Vindex, Irascens</i>	<u>88</u>
<i>de Damnis illatis</i>	<u>456</u>	<i>Cur Deus vocetur Misericors</i>	<u>ibid.</u>
<i>Daniel cur non inter reliquos Prophetas numeretur</i>	<u>318</u>	<i>Cur Deus vocetur Gratosus</i>	<u>ibid.</u>
<i>Danielus liber cur relatus sit inter Hagiographos</i>	<u>319</u>	<i>Deus cur Vita Mundi</i>	<u>127</u>
<i>David cur non inter Prophetas numeretur</i>	<u>318</u>	<i>Deus quomodo dicatur fuisse, antequam crearet Mundum</i>	<u>216</u>
<i>Decem præcepta cur numero singulari concepta sint</i>	<u>287</u>	<i>Deus gubernat Mundum per Angelos</i>	<u>202</u>
<i>in promulgatione illorum populus vocem vel sonum tantum audiuit</i>	<u>287.288</u>	<i>Deus an nōrit omnia particularia</i>	<u>372.373.</u>
<i>Decimarum secundarum ratio</i>	<u>453</u>	<i>Philosophorum objectiones, contra universalem Dei scientiam omnium particularium</i>	<u>374</u>
<i>Denominatio vel descriptio rei alicujus fit quinque modis</i>	<u>78</u>	<i>Deus scit possibilis</i>	<u>392</u>
<i>Descendere quo sensu de Deo dicatur</i>	<u>14</u>	<i>An nulla sit proportio inter Deum &amp; Creaturas ejus</i>	<u>81</u>
<i>Desiderium rerum non-necessarium</i>		<i>cur Prophetæ Deum nobis describant Audientem, Loquentem, Agentem, Animam habentem</i>	<u>65</u>
		<i>Diabolus nullam habet potestatem in Animam hominis</i>	<u>398</u>
		<i>De Diuere in historia Creationis sumitur</i>	



# R E R U M.

mitur pro Voluntate Dei	<a href="#">118</a>	Dens	<a href="#">129</a>
Dies Domini magnus & terribilis		libellus Esther per Sp. S. scriptus	<a href="#">317</a>
quid	<a href="#">271</a>	Exire quo sensu de Deo usurpetur	<a href="#">28</a>
de Diebus festis	<a href="#">471</a>	Existencia est Entis accidens	<a href="#">93</a>
à Difficilioribus non est incipiendum		Existencia Dei quomodo in Libri sa-	
<a href="#">44</a>		cris pro vulgo demonstratur	<a href="#">64</a>
Discerptum cur prohibitum	<a href="#">495</a>	Existencia rei alicujus quomodo de-	
Discipuli Prophetarum, cur Filii Pro-		monstretur	<a href="#">63</a>
phetarum	<a href="#">11</a>	Expansa duo sunt	<a href="#">205</a>
Diversa semina & plantas simul fere-		Ezechielis apprehensio fuit triplex	
re vel plantare cur non licuerit	<a href="#">451</a>	340	
Divinandi & conjectandi facultas		Ezechielis & Jesaja apprehensio ea-	
<a href="#">299</a> , illius causa <a href="#">16</a> , in Prophetis		dem	<a href="#">341</a>
est fortissima	<a href="#">ibid.</a>		
de rebus Divinis occultè est loquen-		F	
dum	<a href="#">20</a>	Facie ad faciem, quid significet	<a href="#">55</a>
res Divinae sunt modestè tractanda		Facultas Imaginatrix vocatur Ange-	
<a href="#">910</a>		lus	<a href="#">202</a>
Doctores Legis cur honorandi	<a href="#">443</a>	Festorum ratio	<a href="#">459</a>
E		Fides quid sit	<a href="#">75</a>
Ebriositas quantum vitium	<a href="#">348</a>	Figmentum malum & figmentum	
Eccentra	<a href="#">352</a>	bonum	<a href="#">308</a>
Ecclesiastes Salomonis	<a href="#">262</a>	Filia vocu	<a href="#">311</a>
Nomen Dei <a href="#">Ehjeh</a> ascher Ehjeh	<a href="#">113</a>	Finis hujus rerum Universalitatis	<a href="#">362</a>
quatuor Elementorum ordo à Mose		Formarum causa Efficiens	<a href="#">214</a>
recensetur	<a href="#">277</a>	Fortitudo & Magnanimitas	<a href="#">268</a>
R. Elieseris dictum de creatione Caeli		in Prophetis fortis est	<a href="#">299</a>
& Terra	<a href="#">258</a>	Fructuum quarti annitatio	<a href="#">453</a>
Elisam cur vocetur Sanctus	<a href="#">348</a>	G	
Elohim dicitur de Judicibus	<a href="#">109</a>	quomodo omnia, quae Generantur, e-	
cur dicatur de Deo & de Angelis		tiam corrumpantur	<a href="#">250</a>
<a href="#">ibid.</a>		Gloria Domini quid significet	<a href="#">115</a>
Enthusiasmi	<a href="#">297</a>	cur Gustus & Tactus non attribuan-	
Entia omnia in tres partes dividun-		tur Deo, cum reliqui sensus attri-	
tur	<a href="#">210</a>	buantur	<a href="#">69</a>
Entia singula propter se, non propter		H	
aliud, creata sunt	<a href="#">364</a>	Habitare quo sensu de Deo dicatur	<a href="#">30</a>
Epicycli	<a href="#">252</a>	de Hereditatibus	<a href="#">469</a>
Equitare Caelos quo sensu dicatur		Hereticus qui	<a href="#">54</a>
		Hagiographa cur Kerubhim	<a href="#">317</a>

# I N D E X

de Historiâ diluyii, Sodoma item & Gomorrhe	509	חמ"י est Schem hammephoraſch	106
Homo est animal poltricum	303	Ignorantia & Educatio non excusant	
Homo est exigua Mundi pars	34		
	355	Ignorantia multorum malorum	
Homo cur Microſoſmus	145	cauſſa	354
Homo non est ſinu huius uniuerſi		Imaginatio ſortior in quiete ſenſuum	
	364		293
Homo cur non debeat erectâ ſtaturâ incedere	524	Imaginatricis facultatis perfectio requiritur ad Prophetiam	292
Homo quomodo Deum magnificet	116	Imperfectiones humana non attribuantur Deo	31
Homo cur dicatur ad Imaginem & ſimilitudinem Dei creatus	3	an ex Impiorum proſperitate ſequatur, Deum res humanas ignorare	
Homo Intellectu præditus fuit ante lapſum	4		387
Homo Intellectu carens non est Homo		de Impoſſibilibus	371. non attribuantur ea Deo
11			374
de Hominiſ creatione	279	quomodo Inanimata Deum magnificant	116
Homines cur capita detegere non debeant	524	Incorporeitas Dei creditur ob duas cauſſas	2574.
Humeri cur Deo non attribuantur		Incorporeitatis Dei demonſtratio	199
	67	Individuorum inter homines varietas	
de Humilitate	524	304. 346. illius cauſſa	304
Hyperbola Prophetarum	325	non dari Inſinitum	163
		Influentia Divina	296
		Influentia quid	214. 215. cur ſic vocetur actio abſtractorum
Iab	114		215.
Idola cur Tzelamim	2	dicuntur de actione Creatoris	ibid.
Idololatra quo animo Idola colant		Intellectus agens quomodo agat	232
	53	Intellectus cõjungit Deum & nos	516
Idololatratum aſtutia & calliditas		Intellectus vocatur Cherubinus	202
	448	non est deſatigandus Intellectus in, quæ captum eius ſuperant	41
Idololatria ſublatio præcipua Legis intentio	424	Intellectus, Intelligens & Intelligibile est idem in omni eo, quod actu intelligitur	123
propter Idololatriam dicitur Deus irasci & zelotypiâ affici	52	Intellectui æquè ac ſenſibus accidit deſatigatio	40
ex Idolis emolumentum capere cur non liceat	447		Intel-

# R E R U M.

Intelligentia	196	rins Efficientem quam Causam	
Intelligentiarum numerus	ibid.	appellare	124
Invocationem sui cur praeceperit Deus	443	Loquentium primorum scopus & intentio	134
de Jobo & ejus afflictionibus	395	Loquentes Ismaelitarum unde trahunt originem	133
scopus libri Jobi	405	Loquentium praecipua fundamenta	135
Jofua cur noluerit, ut Jericho readificetur	512	dubia sunt & incerta	ibid.
Iraisci quare Deo dicatur	52	Loquentium rationes pro Novitate Mundi	165
non Iraisci debemus personis, sed vitium	59	Loquentium rationes pro unitate Dei	172
Judices Israël in quo gradu Prophetarum sint constituti	316	Loquentium argumenta contra corporeitatem Dei	176
Jurandum cur non sit per Nomen Dei	443	Loquentium principia	148
L		Luna vim habet in Aquam	207
Leges Propheticae sunt triplices	325	Lux primi diei	276
Leges odio habentur ab hominibus prophanis	303	Lux & Tenebra causae generationis & corruptionis	199-279
Legum intentio	417	M	
Legum Mosaeicae perperuitas 301. nobilitas	ibid. perfectio	de Maculatione Animalium	496
Legis usus	304	Magos seu Veneficas in specie cur Deus jubeat occidere	445
de Lepra pollutione	494	Magi cur occidendi	ibid.
Leviathan quid	404	nullum opus Magicum sine siderum respectu perficitur	ibid.
Leviratus	500	Magorum operum species tres	444
Levita propter vocem inepti censebantur	478	Magus omni est Idololatra	445
Libellus repudii	469	Magus & minus de quibus dicatur	92
Liberi per ignem non traducendi	449	Maikut	462
Libido quantum peccatum	343	cum Mascuto congregari cur non liceat	562
Lingua Hebraea cur Sancta	349.	Massal quid	706
illius verecundia	ibid.	Mathematicarum disciplinarum usus	701
Loca Scripturae, quae de interitu Mundi docere videntur, esse parabolica	204	de Malis	353
Loquentes	124.	Mala sunt privationes	ibid.
cur Deum maluerint		Mala per se non facit Deus	ibid.
		Mala, quae Homini eveniunt, proveniunt	

# I N D E X

niunt ab ipſomet homine	356	ſecta Muatzali, vel Mahatazela,	
Mala quæ pius accidunt, unde prove-		hæſeparatorum	333
niant	320	Mulier menſtruata cur prohibita	303
an plura ſint Mala quàm bona	354.	de Muliere formoſa captiva	467
	355	de Muliere ſuſpecta marito ſuo de ad-	
Malorum tres ſpecies	356	ulterio	429
Materia bona eſt donum Dei	347	Mulier cur non geſtare liceat veſti-	
Materia impedit apprehenſionem abſ-		menta Viri	447
tractorum	350	Mundities externa corporis etiam	
Materia prima an ſit generabilis &		ſpectatur in Lege	438
corruptibilis	229	Mundi & hominum comparatio	139
Mel in ſacrificiis cur prohibitis fuerit		differentia inter Mundum & Homi-	
	481	nem	146
Membra generationis non ſunt cor-		Mundus inferior regitur à Mundo	
rumpenda	527	ſuperiori	236
de Membro animalium vivi	496	Mundus inferior regitur à virtutibus	
Membra corporis cur Deo attribuan-		Cæli	199
tur	65	Mundum habere Motorem, eumque	
ex Membris internis nullum niſi cor		unum, incorporeum & æternum	
Deo attribuitur	67		124
Membrorum in corpore humano ſub-		Mundus non eſt creatus in principio	
ordinatio	431	temporis	275
de Mercenariis	469	Mundi interitum non credendum eſſe	
Metaphora Prophetarum	326	neceſſario	260
Miliaria Legum quanta	368	Mundus ipſe docet, quòd ſit ex Inten-	
Mincha ſacerdotis cur comburenda		ſione factus	236
fuerit	483	de Mutuante & Mutuum accipiente	
Mincha quare cum oleo & ſimila			455
miſcenda fuerint	482	multa Myſteria divina perierunt in-	
de Miraculis	271	ter Judeos; & quibus de cauſis	
Miracula Moſis, & aliorum Prophe-			132
tarum quomodo differant	291		
Mixtio Elementorum eſt cauſſa re-			
rum innovatarum in hoc Mundo			
	213		
Modestia Moſis	9		
Moſis virtus heroica unde	317		
ante Moſen nemo fuit, qui dixit,			
Deum ſecum eſſe loquentum	113		

## N

de Narrationibus quibusdam in Scri-  
ptura, quæ nullam videntur utili-  
tatem habere

508

de Naſcitu

497

res Naturales vocantur opus Dei

119

Nullas res Naturales eſſe per accidens

242

Neceſ-

# R E R U M.

Necessaria majori in copiâ habentur quàm non necessaria	360	Orbes cœlestes esse animatos	198
de Necessitate rerum existentium, quam statuit Aristoteles	246.247	Orbes cœlestes an propter Hominem creati	366.368
de Nervo femoris	495	Orbes cœlestes intelligunt operationes suas	203
de Nido avium	ibid.	Orbium cœlestium Musica & har- monia	204
Nomen DEI quid significet	115	Organa nutritionis & alimenti cur Deo non attribuantur	67
Nomen duodecim litterarum cur occultatum fuerit	109. 110	verius Orientem adorant antiqui	475
Nomen quadraginta-duarum lre- rarum	110	Oscules Dei tantum vocantur Idolola- tra	90
Nomina Dei in amuleis à Magis u- surpata sunt ficta & ementita	108		

## P

O		Panis cur offerendus fuerit	481
Oblationes cur perfectæ esse debuerint	481	Parabola Prophetarum	312
Oblationes non principaliter inten- duntur à Deo in præceptis	435	de festo Paschæ	471
Oblationes, quas Zabaisa Soli offere- bant	424	de Paschæ ritibus	483
Oblationum & decimarum ratio	453	Pascha à Deo removenda	91
Obsœnitæ sermonis quantum vitium	349	Peccatum quando gravius, sanè vi- liore ejus oblatio	486
Oculus quo sensu D E O attribuitur	62	qualia sunt Peccata, tales sunt illo- rum expiationes	487
Ogi historia	335	Peccatorum frequentium pœne gra- viores	460
Olam non semper significat Aeterni- tatem	262	de festo Pentecostes	471
de Olei unctiois utilitate	479	Perfectionem duplicem habet Homo, animæ & corporis	417
Onkeli paraphrasis in aliquos locis depravata	72	Perfectiones humana cur Deo attri- buantur	31
Onkelos quomodo exponat τὸ Videre & Audire de Deo	71	Perfectiones quatuor Hominis	528
Onkelos diligens fuit in removenda corporeitate	32	Phantasia & Imaginatio cur non at- tribuantur Deo	70
Onkelos accepit suas expositiones à R. Eleasare & R. Jehosua	289	Philosophia ignorantia & imperitia inter Judæos hodiè	202
		cur Philosophi Deum potius causam quàm efficientem appellarent	125
		Philosophi gentiles occultè de suis principiis docuerunt	22

# I N D E X

Philosophorum propositiones ad demonstrationem Existentia, Incorporitatis, & Unitatis Dei	180	Præcepta prima Dei non fuerunt de oblationibus & sacrificiis	436
Philosophorum sententia de Mundo	217	Præcepta non sunt accommodata ad singula Individua	439
Plantæ an propter hominem & reliqua animalia creata sint	386	Præceptorum divisio in quatuordecim classes	440
Plato quomodo crediderit, Cælum esse generabile & corruptibile	218	Præceptorum omnium finis & scopus	419
Platonis sententia de Mundo	237	Præcepta Mōsaica an finem habeant	414
Plenum quomodo de Deo dicatur	33	Præceptorum rationes multas didicit author ex fide & ritibus Zababstiarum	424
Pœna ejus, qui coactè peccat	464	Præceptorum rationes multas didicit author ex fide & ritibus Zababstiarum	424
ejus, qui ex errore ibid. qui per superbiam	465	Præcatio & invocatio sunt præstantiores cultus quàm oblationes	435
ibid.		Primitiarum ratio	453
Pœna propter quatuor causas exasperantur & mitigantur	461	Primum & principium quomodo disferant	274
Pœnarum quatuor gradus	ibid.	Princeps hujus Mundi	201
Pœnitentiæ cur præcepta	443	de Principio Anni	471
Pœtarum & Oratorum licentia	101	Privatio à Deo removenda	91
Politici unde	296	Privatio dependet per accidens ab operatione Efficientia	352
Pollutio vocatur Transgressio peccatorum	493	Privationes esse res existentes	156
Pollutio dicitur equivocè de tributionibus	493	Privationes habituum non agnoscunt Loquentes	351
Pollutio cur non licuerit ingredi in Sanctuarium	491	in Probabilibus utraq; sententia aqua lance expendenda	251
Porci cur prohibiti	495	conditiones requisitæ ad judicandum de questionibus Probabilibus	ibid.
Possibilitas loquentium	158	de Prosecutionibus Israelitarum	311
Præcepta prima classis	442	Propheta vocatur Angelus	311
secunda classis	443	Propheta unde	296
tertia classis	ibid.	Propheta suâ linguâ & stylo Prophetias suas eloquuntur	264
quarta classis	ibid.	quibus modis Propheta suas Prophetias percipiant	314-315
quinta classis	456	Propheta quatuor modis dicunt sermonem Dei ad se factum esse	307
sexta classis	459		
septima classis	468		
octava classis	470		
nona classis	474		
decima classis	ibid.		
undecima classis	480		
duodecima classis	490		
decima-tertia	495		
classis decima-quarta	498		

1

Dddd 2

## R

Raptores pœna cur mihi pœnâ furis  
464  
de Recensione familiarum & stirpium  
filium Scir 510  
de Redemptione rei sanctificata  
482  
Reges Edom cur recenseantur 510  
de Rotarum formis apud Ezechielem  
335 moru 335

S



# I N D E X

Sacerdoti Armum, Maxillam & Ven-	Sanguinis cultus cur per effusionem;
triculum cur destinârit Deus <u>453</u>	non per collectionem ejus peracti
conditiones requisita in Sacerdotibus	fuerint <u>485</u>
<u>478</u>	Sanguini mundationis vim attri-
quales uxores Sacerdotibus prohibita	buit Lex <u>484</u>
fuerint <u>507</u>	de Sanguine operiendo <u>497</u>
Sacrificia pro peccato cur hirci fue-	Sapientior gentiliū vincunt Sapientes
rint <u>487</u>	Israhelis in rebus Astronomicis <u>204</u>
de Sacrificiū pro peccato <u>482</u>	cur Sapientes occultè de Secretis Legi
de Sacrificiū pacificū ibid.	loquuti sint <u>43</u>
in Sacrificiū cur Deus jufferit offerre	Sapientia vocatur Aqua <u>37</u>
oves, boves, hircos <u>480</u>	cur <u>44</u>
Sal cur præceptum fuerit in Sacrificiis	Sapientia comparatur cum Melle <u>41</u>
<u>481</u>	privatio Sapientia vocatur fames &
Salomon cur non inter Prophetas nu-	fitus <u>37</u>
meretur <u>318</u>	Sapientia & Vita in Deo idem <u>84</u>
Salomon comparat materiam cum	Sibaddaj <u>114</u>
adultera <u>345</u>	Schemi & Heberi Schola <u>309</u>
de Salomone cur dicatur, quod sapien-	Scientia Dei est una & immutabili
tior fuerit omni homine <u>528</u>	<u>390</u> . an verferetur circa infinitum
Salomonis dicta pro æternitate vel	ibid.
æterna duratione Mundi <u>262</u>	Scientia Dei quomodo à Scientia no-
Salomonem non credidisse Antiquita-	stra differat <u>392. 393. 394</u>
tem Mundi ibid.	Scientia Dei modus sciri nobis est im-
Sammael vocatur Satan <u>280</u>	possibilis <u>394</u>
Sancta non permutanda <u>482</u>	Scientia naturalis utilitas <u>91</u>
Sancta levita ibid.	Scorta cur prohibita sint <u>498</u>
Sanctitas spectatur in Lege divina <u>437</u>	Secreta Legi quibus tradenda sint <u>49</u>
Sanctuarii finis <u>491</u>	Secreta Legi non sunt revelanda <u>330</u>
Sanctuarii locus cur non apertè in	Sedere quo sensu de Deo dicatur <u>16</u>
Lege indicetur <u>475</u>	Sensus errare <u>164</u>
Sanctuarium cur vocetur solium <u>13</u>	Sensus talis turpissimus <u>394</u>
Sanctuarium fuit versùs Occidentem	Sententia de Novitate Mundi cur
<u>475</u>	optima <u>257</u>
Sanguis & morticinum <u>495</u>	Sententia tres de Antiquitate & No-
Sanguinis esum cur tam severè Lex	vitae Mundi <u>215</u>
prohibuerit <u>484</u>	Septenarius sumitur pro multitudine
Sanguinis comestio prohibita sub pæ-	<u>267</u>
na excidii <u>462</u>	Sermo quâ ratione Deo attribua-
	tur

# R E R U M.

<i>tur</i>	117	<i>Quario</i>	478
<i>de Serpente, qui decepit Evam</i>	280	<i>Summus Sacerdos cur nunquam ausus</i>	
<i>de Servi &amp; Servitutibus</i>	455	<i>fuerit mortuus se pollueret</i>	493
<i>de Signi ruminatiōis cibi &amp; fisionis</i>		<i>Surgere quo sensu de Deo dicatur</i>	17
<i>ungularum</i>	495	<b>T</b>	
<i>Similitudo quid sit</i>	92	<i>de sexto Tabernaculorum</i>	471
<i>Similitudo inter que sit</i>	ibid.	<i>Tabula Legū cur vocentur opus Dei</i>	
<i>Similitudo omnis à Deo removenda</i>		<i>119. item scripta digito Dei</i>	ibid.
<i>91</i>		<i>Talionis pœna</i>	459
<i>Solū viū in Ignem</i>	207	<i>Talmudici quomodo Corporeitatem</i>	
<i>Solitudo quam utilū &amp; necessaria ad</i>		<i>à Deo removeant</i>	68
<i>cultum Dei</i>	516	<i>Targum quomodo soleat interpretari</i>	
<i>Somnium &amp; Prophetia non differunt</i>		<i>phrases, que Deo corporeitatem</i>	
<i>specie</i>	293	<i>adscribere videntur</i>	25
<i>de Spadonibus &amp; Eunuchis</i>	507	<i>Templum adificare cur Deus jussit</i>	
<i>an Sphæra Veneris &amp; Mercurii sint</i>		<i>475</i>	
<i>supra vel infra Solem</i>	205	<i>de Tempore</i>	149
<i>Sphærarum &amp; Stellarum non est una</i>		<i>Tempus est accidens</i>	216
<i>materia</i>	240	<i>Tempus non fuit ante creationem</i>	
<i>Sphærarum morūs caussa quatuor</i>		<i>Mundi</i>	275
<i>207</i>		<i>Temporis doctrina cur sit tam abstru-</i>	
<i>Sphærarum numerus tempore Aristoteli</i>		<i>sa</i>	217
<i>non fuit cognitus</i>	205	<i>per Tenebras intelligitur Ignis ele-</i>	
<i>de Sphærarum magnitudine sententia</i>		<i>mentarius</i>	276
<i>Hebraeorum</i>	370	<i>Tentationis in Lege sexies fit mentio</i>	
<i>Spiritus quo sensu de Deo dicatur</i>	59	<i>405</i>	
<i>Spiritus Domini quid sit</i>	316	<i>de Tentatione quid Vulgus sentiat</i>	
<i>Stare quo sensu de Deo dicatur</i>	18	<i>406</i>	
<i>in Statutis gentium cur non incedendum</i>		<i>Tentationum finis</i>	ibid.
<i>451</i>		<i>de Tentatione Abrahami</i>	408
<i>Stella vocabantur ab Antiquis figura, imagines</i>	206	<i>Terra equivocè dicitur</i>	276
<i>Stellarum &amp; Planetarum viū in hac</i>		<i>Tetragrammaton nomen de quānam</i>	
<i>inferiora</i>	ibid.	<i>re doceat</i>	107
<i>cur Studiorum cursus non sit à Theologia incipiendus</i>	44	<i>de Thammius Pseudo-prophetā</i>	426
<i>Substantias Individuas perfici in accidentibus</i>	152	<i>Theorici unde oriuntur</i>	296
<i>Sufficiens cur faciendus fuerit in San-</i>		<i>Timor Dei, est finis Legū</i>	409
		<i>Trium primorum annorum fructus</i>	
		<i>cur comburendi fuerint</i>	450
		<i>Trium rerum vox transit ab una</i>	

# INDEX RERUM.

<i>extremitate Mundi ad alteram</i>		<i>Unitatis Dei demonstratio</i>	190
204		<i>Vocabula non sunt naturalia</i>	282
V			
<i>de Vaccatufa</i>	494	<i>Voci attribuitur Clamare &amp; Loqui</i>	
<i>Vacuum</i>	149		
<i>Varietatem Specierum, quàm Individuorum unde proveniat in Entibus</i>	236	<i>Volatus cur non attribuitur Deo</i>	74
<i>de Venditionibus</i>	468	<i>cur Volatus præ aliis moribus animalium Angelis attribuitur</i>	74
<i>Venire quo sensu de Deo dicatur</i>	25	<i>de Voris</i>	497
		<i>Uxorem cur repudiare liceat</i>	499
<i>Verba ab Angelis prolata ita sepe referuntur, ac si Deus illa protulisset</i>	33	<i>Uxorem propriam diffamantis pœna</i>	501
		<i>Uxores publicæ nuptiarum solennitate cur ducende</i>	499
Z			
<i>Vestimenta heterogenea cur Lege fuerint prohibita</i>	447	<i>Zabei vel Zabaïste</i>	113.
<i>Vestimenta sacra cur tota contexta sine futura esse debuerint</i>	479		129
<i>Veteres numerarunt quinque Orbes</i>	206	<i>Zabaïste Stellas colebant pro Diis</i>	421
<i>Via Amatorum quid</i>	446	<i>Zabaïstarum fabule, de Abrahamo</i>	421.
<i>Via Dei sunt opera Dei</i>	87	<i>de Adamo, Noah, Setho</i>	422. 425.
<i>Videre quo sensu de Deo dicatur</i>	5	<i>Stellæ erexerunt imagines &amp; sacella</i>	423
<i>Vinum in Sacrificiis cur adhiberetur fuerit</i>	489	<i>Zabaïstarum libri</i>	427
<i>Visio</i>	293	<i>Zabaïste cur conjunxerint Agriculturam &amp; cultum Stellarum</i>	428
<i>Visio Prophetica quid sit</i>	307	<i>Zabii coluerunt Dæmones</i>	430.
<i>Vitia oriuntur ex materia: Virtutes ex forma</i>	345	<i>sub hircorum forma</i>	ibid.
<i>de Virula decervicata</i>	458	<i>Zabii sanguinem comederunt &amp; quomodo</i>	484.
<i>Unitas &amp; multitudo Entis accidentia</i>	94. sed non in Deo	<i>Zabiorum consuetudines circa pollutiones</i>	492
	ibid.	<i>Zelotypiâ affici quare dicatur Deus</i>	52

SOLI DEO GLORIA.



# INDEX VOCUM HEBRAICARUM,

quæ explicantur.

אָדָם	18	נָגַע	21
אַחֲרֵי אַחֹר	56	נָגַשׁ	<i>ibid.</i>
אָכַל	36	נוֹחַ	120
אֱלֹהִים	3	נִמְשׁ	59
אִשְׁחֵ אִישׁ	10	נִצָּב	18
אָרָץ	276	נִשְׁאָל	23
בּוֹא	27	נִשְׁקָה	522
בָּלַל	339	עָבַר	24
דָּבַר	117	עָזַר	62
דְּכוּרָה	2	עָלָה	14
הִכִּיתִּי	7	עוֹלָם	262
הִלָּךְ	29	עָמַד	17
חֲסוּדָה	67	עָצַב	35
וַיַּחְזֹק	201	עָרְבוּרָה	128.129
חֲזָה	8	פָּקַח	5
חֵי	60	פָּנִים	55
חֲכִמָּה	527	צָדִיקָה	525
חֲסִד	525	צוּר	19
חֲשֵׁמֶל	343	צָלַם	2
חֲשַׁק	522	קוֹם	16
יָלַד	11	קָרַב	21
יָצָא	28	רָאוּה	7
יָצַב	18	רָאשֵׁית	274
יָרַד	14	תָּלַל	33
יָשַׁב	15	רֹחַ	58
בָּנָה	61	רוּם	23
כִּסֵּא	13	רִכַּב	128
לָב	57	שָׁבַת	120
מְדוּרָה	87	שָׁנָה	350
מוֹרָה	60	שׁוּב	28
מוֹל	206	שָׁטַן	398
מִלָּה	22	שָׁכַן	30
מִלָּאָה	200	שָׁמַע	62
מַעֲוִים	67	שָׁמַע	214
מִקּוֹם	12	תָּאֵר	2
מִרְאֹה	293	תִּבְנִית	6
מִרְבֵּב	131	תִּחְלֹה	274
מִשְׁפָּט	526	תְּמוּנָה	7

# E M E N D A N D A.

- Pag. 13. pro *Jesa. 60. leg.* 66.  
 p. 17. pro 1. Reg. 8. 10. l. 1. Sam. 1. 13.  
 p. 46. ad *lin. ult. pen. appone in margine, Jerem. 3. 14.*  
 p. 57. pro *Lev. 19. 26. l. 20. pro Eccl. 11. 12. l. 10. 2.*  
 p. 59. pro *Gen. 32. l. 23.*  
 p. 60. pro *Jesa. 5. 8. leg. Jof.*  
 p. 61. pro *Deut. 6. 18. leg. 8. 1. & adde, Ibid. 22. 7.*  
 p. 63. post *Exod. 6. 9. infero locum hunc, Job. 36. 11.*  
*Ibid. pro Deut. 18. 19. lege Jof. 1. 18.*  
 p. 116. l. 24. post, *gloria ejus. adde, cui simile est illud, & in margine, Hab. 3. 3.*  
 p. 206. in *marg. pro aliquis lege antiquis.*  
 p. 270. l. 24. pro *ait, sicut dicitur. & in margine appone, Deut. 33. 29.*  
*Ibid. lin. 25. pro Et, lege, ira inquit.*  
 p. 286. pro *Jof. 33. 11. lege Exod.*  
 p. 309. pro *Ibid. 32. leg. 31. Ibid. pro Gen. 31. 24. leg. 46. 2.*  
 p. 314. pro *Ezech. 17. 11. leg. Zach. 4. 5. Ibid. pro Zach. 1. 4. 4. leg. 4. 5.*  
 p. 318. pro 2. *Chron. 10. 14. leg. 24. 20.*  
 p. 319. pro *Ibid. 2. 9. leg. 9. 2.*  
 p. 320. pro *Gen. 31. 1. leg. 31. 11.*  
 p. 324. pro *Zach. 11. 12. 13. leg. 11. 7. 12.*  
 p. 349. *lin. ult. pro Schiphchah lege Schophchah, & appone in marg. Deut. 23. 1.*  
 p. 350. l. 2. pro *Kibbathah à Kibbah lege Kobhatah à Kebbah. & appone in*  
*marg. duo hac loca, Num. 25. 8. Ibid. 18. 3. lin. 5. pro sed semen genitale, con-*  
*cubitus seminis : lege, Semen genitale autem, concubitum seminis, &*  
*in margine appone Lev. 15. 16.*  
 p. 351. pro *Jerem. 43. 2. lege Ezech.*  
 p. 366. in *marg. pro creata leg. creatx.*  
 p. 382. pro *Psal. 44. 3. leg. 14. 4.*  
 p. 383. pro *Lev. 26. 16. leg. Jer. 23. 2.*  
 p. 399. ad *lin. 6. appon. in marg. Eccl. 4. 13. Ibid. ad lin. 8. Eccl. 9. 14.*  
 p. 414. ad *lin. ult. adde in marg. ex Deut. 32. 47.*  
 p. 438. pro *Num. 5. 5. leg. Num. 6. 5.*  
 p. 446. pro *Deut. 26. 22. leg. Levit.*  
 p. 456. pro *Exod. 21. 14. leg. Deut. 23. 16.*  
 p. 460. ad *lin. 16. appone Exod. 21. 19.*  
 p. 463. pro *Lev. 23. 18. leg. 23. 28. Ibid. pro Exod. 21. 26. leg. Deut. 24. 7.*  
 p. 480. pro *Exod. 8. 22. leg. 8. 26.*  
 p. 491. l. 13. pro *luberit, sic lege; voluerit sc. D e u s, id quod fundant in eo,*  
*quod Salomon ait: & in marg. Prov. 25. 17.*  
 p. 516. ad *lin. 23. Ezech. 20. 32.*

F I N I S.









EDIZIONE IN UNO ARTO  
E. G. DI GIACOMO  
PUBL. 1974

1974

